


১১১১



# বিবিধার্থ-সঙ্গ্রহ,

অর্থাৎ

পুরাবৃত্তেতিহাস-পুণিবিদ্যা-শিল্প-সাহিত্য-

দি-দেশতক মাসিক পত্র।

দ্বিতীয় পর্ব।

বাণিস্ত-মিশন-বস্ত্রে মুদ্রিত।

কলিকাতা।

সংস্করণ ১৯৯৫।

১১১১

সূচীপত্র।

	পৃষ্ঠ		পৃষ্ঠ		পৃষ্ঠ		পৃষ্ঠ
অভিজ্ঞান সূক্তল-নামক	৩২	কাশ্মীর দেশের ইতিহাস	২১	পাদুকাকার গণকের উপ-	১	ভূমিকা	১
নাটকের সংক্ষেপ বি-	৩৫	কাশ্মীর ইতিহাস	৩৩	ন্যাস	২৪২	ভোজরাজার বিবরণ	১১১
বরণ	৩৫	কাদম্বরী-গুপ্তের সারস-	২৪৫	পারশ্য দেশের বিবরণ	২৪১	মধুপ্রদর্শক পক্ষী	২৫৮
অহিফেন-প্রস্তুত-করণের	১৮৮	স্বহ ৭৮, ১৪০, ২০২, ২২৩, ২৪৫	২৪৫	প্রতাপাদিত্য চরিত্র	২৬৮	মেঘভূক	১১৭
প্রথা	১৮৮	কাণপুর	২০০	প্রবোধচন্দ্রোদয় নাটকের		রক্তাবলী নাটিকার সং-	
অস্থ্য বৃক্ষ	২৭৪	কিয়াজ জাতীয় উদ্বাহ রীতি	১৪৪	মর্ম্ম	৫৩, ১০০	ক্ষেপ ইতিহাস	৮৩
আরব-লোকদ্বারা পারশ্য-		কুড়ীর	১৫৫	প্রয়াগ	১৩৩	রাজপুত্র ইতিহাস	১৭২
দেশের পরাজয়	৩৩ ১২৮	কৌতুক কণা	৪৭, ৭০, ২১৩, ২৩০	প্রাকৃত ভূগোল	১৩৫, ১৮৩, ২০২	রেশম প্রস্তুত করণের প্রথা	২৫
আকবর-বাদমাহের জীবন-		গঙ্গার উৎপত্তি	১২৩		১৩৭, ২৩৪	লক্ষ্মী দ্বীপ	৭৩
চরিত্র	১৩২	গঙ্গাবতরণের সেতু	২৩৫	বরাহ যুগয়া	৩	শকুনির বন্ধু কে?	১১
আজতেকীয় নরবলি	১২৬	গাহস্থ্য-বাম্বালা-পুস্তক-		বঙ্গভাষানুবাদক সমাজের		শাল প্রস্তুত করণের প্রথা	৪
আগুয় গিরি	২০৫	সংগৃহের সমালোচন	২৬৮	মাসিক কার্যের বিব-		শিখ ইতিহাস	৩১
ইয়াং এসিউ নগর	২৮০	জয়পুর-রাজ্যের ইতিহাস	১৪৫	রণ	১৩৭, ১২১	শূকর সংহারের প্রাচীন	
ইলোরার গৃহা	৪২	ঠগদিগের বিবরণ	১৫৭	বাইসন্ বা মার্কিন মহিষ	১৩৮	প্রথা	৩৫
ঈশ্বরচন্দ্র বিদ্যাসাগর প্র-		ডিবিকদরু বা নিবিজ্ঞ ফল	১৭৭	বিড়ালাদি পশুর বিবরণ	২০৭	সওয়াই জয়সিংহের চরিত্র	১৭০
ণীত সংস্কৃত-ভাষা ও		দয়ার মাহাত্ম্য	১৩০	বিবিধার্থ-সঙ্গ্ৰহোপযোগি		মালমেট দ্বীপ	২৭
সংস্কৃত-সাহিত্য-শাস্ত্র		দিল্লী নগরের বৃত্তান্ত	২৩	বিষয়ের নিরূপণ	৬৪	সুবিচক্ষণ উদাসীন	১৪৩
বিষয়ক প্রস্তাবের সমা-		দেশভেদে অন্ত্যেষ্টি ক্রি-		বেণ ও পৃথু নৃপতি	৬২	স্বর্ণকার	৮৪
লোচন	১২৬	য়ার ভেদ	২৫৮	ব্যাঘ্র যুগয়া	১৮৬	হরিদ্বারের গেলা	১০২
উষ্ণ	১৮	দৃষ্টান্ত বিন্দু	১৩৮, ২১৫, ২৩৩	ক্রটস	৪৫	হস্তি ধরিতার প্রথা	২২৭
কলিকাতার সম্মুখস্থিত ভা-		নীতি রেণু	২৪০, ২৮২, ২২১	বুদ্ধ দেশীয় মহাত্মা বি-		হাইদর আলি	৩০, ২৩১
গীরখীর তট-সন্দর্শন	২১৭	পাটনা নগরীয় বিবরণ	১৩২	শেষের বিবরণ	২৪		
কণিকাসমুচ্চয়	১১২, ১২১, ২৩২	পাঠানদিগের চরিত্র	১২১	ভূমিকম্প	২০২		

এতৎ পর্বস্থ চিত্র-সকলের সূচী।

	পৃষ্ঠ		পৃষ্ঠ		পৃষ্ঠ		পৃ
উদ্ভূত সস্তা	৪২	বুলা নামক সেতু	১২৩	বাইসন্ পশু	১৮৩	শূকর সংহারের প্রাচীন	
ইয়াং এসিউ নগর	২৮১	ডিবিকদরু বৃক্ষ	১৭৮	বিসপস্ কালেজ	২১৭	প্রথা	৬৫
উষ্ণ	১২	তসরের প্রজাপতি	২৮	মিনাই সেতু	২৩৭	সুইল্কিল সেতু	২৬৬
এহরভদ্র	৫৩	দশাশমেধ ঘাট	৬৭	মেঘভূক	১১৮	সুলতানিয়া নগরী	২৪২
কাণপুর	২০০	দিল্লী নগরের চাঁদনিচক	২৪	রেশম প্রজাপতি	২৫	স্বর্ণকার	৮৫
কুড়ীর	১৫৮	পাটনা	১৩২	লক্ষ্মার পুরুষ	৭৩	হরিদ্বারের বাত্রী	১০৮
কুর্দ জাতীয় কর্তৃক শূলদ্বারা		পাঠানদিগের নৃত্য	১২৪	লঙন সেতু	২২৫	হস্তি	২২২
লক্ষ ভেদ	২৪৫	পাঠান জাতি	১২৫	বট বৃক্ষ	২৭৫	হস্তি-ধরিতার দুর্গ	২২৮
কেনেরির গৃহা	২৭	পারশদিগের প্রাতরাশ	১২১	বরাহ যুগয়া	২		
কৈলাস	৫৪	পারশদিগের গৃহছাদো-		ব্যাঘ্র যুগয়া	১৮৭		
চিত্তা ব্যাঘ্রের শীকার	২০৮	পরি শয্যা	২৪৩	শকুনি	১২		
জয়পুর রাজার বিজয় যাত্রা	১৪৫	প্রয়াগ	১৩৪	শাললোমদ ছাগ	৪০		



## CONTENTS.

	Page		Page		Page
Action of Running Waters,.....	237	Damooda Embankment, The.....	254	Haridwar, Description of.....	109
Afghans, Manners and Customs of the.....	121	Delhie, Description of.....	93	Hermit, The observant, an Anecdote,.....	143
Ahmed, the Cobbler, a Tale,.....	249	Deltas, Description of.....	257	Honey Guide, The,.....	258
Akber, Life of the Emperor,.....	132	Deserts, Physical peculiarities of..	ib.	Hog Hunting,.....	3
Allahabad, Description of.....	163	Dignitary in the Burman Dominion, Notice of a remarkable ..	24	Hunting the wild Boar,.....	35
Anecdote of Brutus, Anecdotes, Miscellaneous,.....	119, 239	Drift current,.....	282	Hyder Ally, Life of.....	60, 231
Aztecs, Human Sacrifice among the	126	Drifting of sand, ..	256	Jeypur, History of..	145
Baniam Tree, The..	273	Earth's Surface, On the changes which take place in the	237	Jaya Sinha, Life of	170
Benares, On the Ancient History of.	66	Earthquakes, .....	202	Kadambari, Analysis of the, 78, 140, 209, 223, 245	
Bhoja, The History of King.....	111	Elephants, Manner of catching .....	227	Llanos, Description of.....	256
Bhagirathi, Notes on the Banks of the.....	217	Ellora, The Caves of Encroachment of sand,.....	237	Lowland, Physical peculiarities of ..	ib.
Bison, The .....	8	Endurated Downs, ..	256	Marriage rites of the Kiazes,.....	144
Bridges, The mode of building. ....	265	Facetiæ, . 47, 70, 191,	213	Moral Maxims, ..	240, 291
Cashmere Shawls, On the Manufacture of.....	4	Faithful Hawk, The, an Anecdote, ..	239	Mountains, Physical peculiarities of..	254
Cashmere, History of.....	21	Feline Animales, their peculiar characteristics, .....	207	On the formation of.....	183
—, Description of.....	39	Forbidden Fruit of Ceylon, The....	177	Ocean, Physical character of the....	278
Cawnpur, Description of.....	200	Funerals, Different kinds of, adopted by different Nations,.....	258	Patna, Description of Paper, On the Manufacture of.....	169
Ceylon, History of. Charity, An Essay on.....	73	Ganges, Itinerary to the sources of the.....	193	Poppy cultivation in the Benares opium Agency,.....	188
Crocodiles, Natural History of the..	155	— The Delta of the .....	237	Persia, Fragment from the History of.....	36
Currents of the Ocean .....	283	Goldsmiths of India, .....	84	— The Conquest of, by the Arabs,.....	128
				— Description of.....	241
				Physical Geography, An Essay on.....	165
				Prabodhachandrodaya Nataka, Analysis of the ..	56, 100
				Pratápáditya, Life of Rájá.....	268
				Proceedings of the Vernacular Literature Committee, .....	168, 191
				Provender for the Vultures, a Tale, Rajputs, History of the.....	11
				Readers, To our ..	1
				Ratnábali, Analysis of the.....	86
				Sacuntalá, Analysis of the .....	15
				Sanscrita Language and Literature, Lecture on the..	196
				Salsette, The caves of .....	97
				Savanahs, Description of .....	254
				Sheep Eater, The..	117
				Silk, Manufacture of	25
				Silting of Rivers, 237, 254	
				Similes from the Sanscrit, 263, 167, 215	
				Table Lands,.....	258
				Thugs, .....	157
				Tides, how caused..	282
				Tiger hunt, .....	186
				Titbits, .....	260
				Valleys, Physical peculiarities of..	257
				Volcanoes, an Account of .....	205
				Yang Tshuang, The town of.....	287

## বিবিধার্থ-সঙ্গ্রহ,


অর্থঃ

পুরাতত্ত্ব-ইতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

২ পর্ষ ]

শকাব্দা ১৭৭৪, পৌষ।

[১৩ খণ্ড।



মরা এতৎ পত্র প্রকাশে বৃত্ত হইবার সময় সঙ্কল্প করিয়াছিলাম সংবৎসর যাবৎ এই বুতের অনুষ্ঠান করিব; জগদীশ্বর প্রসাদাৎ এক বর্ষ কাল যথানিয়মে পত্র প্রকটিত হওয়াতে উক্ত সঙ্কল্প সিদ্ধ হইয়াছে। এক্ষণে এ বুতের উদ্যোগন করিতে পারি; কিন্তু ইহার অনুষ্ঠান শাস্ত্রীয় নিয়মের ন্যায় বুতির পক্ষে কলদায়ক নহে; পাঠকবর্গই ইহার প্রকৃত কল্যাণের ভাজন। অতএব যাবৎ তাঁহাদের পরিতৃপ্তি না হয়, তাবৎ বিরতি অবলম্বন পূর্বক প্রতিষ্ঠা করা উচিত হয় না; কিন্তু ইতোবধি কাল নির্দেশ করিয়া কোন প্রকার অঙ্গীকার করিব না; যাবৎ সক্ষম হইব পূর্বপ্রথানুসারে পত্র প্রকাশ করণে সংযত থাকিব।

প্রথম পর্ষে আমরা কি পর্যন্ত সিদ্ধসংকল্প হইয়াছি, তাহা পাঠকদিগেরই বিচার্য, আনাদিগের এই মাত্র প্রতিজ্ঞা হইতেছে যে উক্ত পর্ষ দ্বাদশ অবয়বে বিভক্ত হইয়া এক বৎসর মধ্যে অনেকের নিকটে সমাদৃত হইয়াছে। প্রতিমাসে দ্বাদশ

শত সংখ্যক পুস্তক মুদ্রিত হইয়া তদুপযুক্ত গুাহক-মণ্ডলীর মধ্যে বিতরিত হওয়াতে প্রত্যেক খণ্ড যদ্যপিও নিকৃষ্ট কল্পে ক্রমশঃ দশ ব্যক্তির হস্তগত হইয়া থাকে তাহা হইলেও অযুতাদিক লোকের সহিত আলাপ করিয়াছে, সন্দেহ নাই। এই পত্র নবীন বটে, কিন্তু সংস্কল্পনাতাপ্রযুক্ত সর্বত্র অনুরাগাঙ্কিত হইতেছে; যিনি লইয়া আমোদ করেন তাঁহাকেই বিবিধ বিষয়ের বিজ্ঞান প্রদান পূর্বক পরিতৃপ্ত করিয়া থাকে; কদাপি অনর্থক বাক্য প্রবৃত্ত হয় না; অতএব যে ব্যক্তি সদ্যবহার বশত সকলেরই মনোরঞ্জক হইয়াছে, এবং অনভ্যর্থনায় মৌনী প্রযুক্ত কুত্রাপি যাহার বিমাননা সম্ভাবনা নাই, আশু তাহার নিরোধ করা সুহৃদয়ের কর্তব্য নহে। এতদ্বিবেচনাতেও এবিষয়ে নিবৃত্ত হইতে প্রবৃত্তি হইল না—বরং বন্ধুদিগের অনুরোধবশাৎ তাহার আয়তন বৃদ্ধি করাই শ্রেয় বোধ হইল। ইহাতে কিঞ্চিৎ মূল্যেরও বৃদ্ধি হইবেক; কিন্তু বিবিধার্থ-সঙ্গ্রহের সিদ্ধিমানুশীলনে যাঁহারা পরিতৃপ্ত হইয়া এ পর্যন্ত তাহাকে প্রমোদের পদার্থ মধ্যে গণ্য করিয়াছেন, ভরসা করি, তাঁহারা তাহার উন্নতি নিমিত্তে যথায়োগ্য সাহায্য প্রদানে বিমুখ হইবেন না।





বরাহ-মৃগয়া !

## বরাহ-মৃগয়া।

ভারতবর্ষে বরাহ-মৃগয়ার রীতি অতি পুরাকালাবধি প্রচলিত আছে; এবং এতদেশীয় প্রধান সমস্ত ক্ষত্রিয় রাজারা ঐ হর্ষ ও ঔৎসাহ-জনক ক্রীড়ায় রত হইতেন। ভগবান্ মনুদ্বারা বন্য-বরাহের মাংস পিতৃদিগের পুত্র-খাদ্যমধ্যে গণ্য ও পুশংসিত হওয়াতে ঐ ঔৎসাহিক ক্রীড়ায় অনেকেরই বিশেষ উদ্যম হইয়াছে, এবং বলানুরাগি মহা-রাষ্ট্রীয় ও রাজপুত্র প্রভৃতি মান্য-ব্যক্তির ঐ বীর্য-বর্দ্ধক কার্যে অদ্যাবধি নিযুক্ত হইয়া থাকেন। বঙ্গদেশীয় হিন্দুরা বরাহ-মৃগয়ার রত নহেন, সে কেবল তাঁহাদিগের কায়িক দৌর্বল্য-প্রযুক্তই হইবেক; কারণ ধর্ম-ঘটিত নিষেধ থাকিলে পরমধার্মিক হিন্দুকুলতিলক সূর্য ও চন্দ্র-বংশীয় রাজারা তৎকর্ত্তে প্রবৃত্ত হইতেন না, এবং শাস্ত্রেও তাহার উল্লেখ থাকিত না।

ব্যায়ু-মৃগয়া অপেক্ষা বরাহ মৃগয়া বিশেষ আপজজনক, কিন্তু যাদৃশ আপজজনক ততোধিক ঔৎসাহ ও হর্ষজনকও বটে। ব্যায়ু-শিকারে মৃগ-য়ার্থিরা উচ্চ-হস্তিপৃষ্ঠে আরোহণ করিয়া দূরহইতে বন্দুকদ্বারা স্বাভীষ্ট সিদ্ধ করেন; সুতরাং শাদ্দুলের সন্নিকট না যাওয়াতে তাদৃশ আপদের সমুৎপত্তি হয় না। কখন২ ব্যায়ু আহত হইবামাত্রই বেগে লক্ষ্য দিয়া হস্তিপৃষ্ঠে উঠিতে চেষ্টিত হয় বটে, কিন্তু হাওদার নিকট আসিবার পূর্বেই মৃগয়ার্থি অনায়াসে বন্দুকদ্বারা তাহার ধ্বংস করিতে পারেন। অপর হস্তিরাও এবিষয়ে অত্যন্ত সতর্ক থাকে; এবং ব্যায়ু শিকারিকে আক্রমণ করিবার উদ্যোগ করিলেই অনেক হস্তী পলায়ন করে, এবং তৎসময়ে হস্তিপালের বাক্য বা

তাড়নার বশীভূত হয় না; সুতরাং আপদ ঘটিবার পূর্বেই তাহার প্রতিকার হইয়া উঠে। বরাহ-মৃগয়ায় ইহার অনেক বৈলক্ষণ্য আছে। তৎকর্ত্তে মৃগয়ার্থিরা অশ্বারোহণে যাত্রা করেন; এবং ঐ তুরঙ্গম সাহসিক ও আরোহির নিতান্ত বশীভূত হওয়াতে বরাহের সমীপবর্ত্তী হইতে ভীত হয় না, অপর মৃগয়ার্থিরা এতৎকর্ত্তে কেবল বল্লম ভিন্ন অন্য কোন অস্ত্র আনয়ন করেন না; দৈবাৎ তাহা ভগ্ন হইলে একেবারে নিরস্ত হইতে হয়; আর যদিচ বরাহ ব্যায়ুবৎ বলবান্ ও দুর্ধর্ষ নহে, তত্রাপি বিরক্ত হইলে অকুতোভয়ে মৃগ-য়ার্থিদিগের সহিত তুমুল সঙ্ঘামে প্রবৃত্ত হয়, এবং অবকাশ পাইলেই সুতীক্ষ্ণ-দংষ্ট্র-দ্বারা এমত ভয়ানক আঘাত করে যে আহত ব্যক্তির তৎক্ষণাৎ জীবন-সংশয়। কি মনুষ্য কি অশ্ব যে কেহ একবারমাত্র বরাহদ্বারা আহত হয়, তাহার আর নিষ্কৃতি পাইবার উপায় থাকে না। অধিকন্তু যে বনে বরাহ থাকে তথায় ব্যায়ুরও বসতি হয়; এবং অশ্বারোহণে একমাত্র বল্লম-হস্তে অকন্মাৎ ব্যায়ুর সদনে উপনীত হওয়া কি পর্য্যন্ত ভয়ানক তাহা অনায়াসেই অনুভব সাধ্য; সুতরাং ব্যায়ু-মৃগয়া হইতে বরাহ-মৃগয়া যে অধিক আপজজনক তাহাতে সন্দেহ কি? কেহ২ গজপৃষ্ঠে আরোহণ করিয়া বরাহ-মৃগয়ায় যাত্রা করিয়া থাকেন; কিন্তু তাহা প্রচলিতরীতি নহে, এবং সুপটু মৃগয়ালুরা এতৎ আচরণকে ভীকতার লক্ষণরূপে বর্ণন করেন।

ইংরাজেরা অনেকেই বরাহ-শিকার করিয়া থাকেন; এবং তদর্থ্যে দিন স্থির হইলে যে স্থানে মৃগয়া করিবেন তাহার নিকট এক পুশস্ত ক্ষেত্রে আপনাদিগের তাষু স্থাপন করত তথায় খাদ্য-দ্রব্যাদির সঙ্গ্রহ করেন। মৃগয়ার পূর্বিবস ঐ



শিবিরে অনেকের সমাগম হয়; এবং তৎসময়ে ঐ স্থান অতি হর্ষজনক হইয়া উঠে। কেহ আপনার অস্ত্র পরীক্ষা করিতেছে; কেহ গম্প করিতেছে; কেহ মাদক-রসে ঈষন্মত্ত হইয়া গান করিতেছে; অশ্বেরা হনহন শব্দ করিতেছে; অশ্ব-পাল-সকল চীৎকার করিতেছে; ইত্যাকারে সকলেই প্রমোদে মগ্ন থাকে; কেহই মনোমধ্যে চিন্তা বা কেশকে স্থান দেয় না। পরে রজনীর অবসানে মৃগয়ার্থিরা সমজ্ঞ হইয়া যে বনে বরাহ পাইবার সম্ভাবনা আছে তন্নির্দিষ্ট ক্ষেত্রে উপনীত হইয়া অবস্থিতি করে। তাহাদের সমভিব্যাহারি লোকেরা লগুড়াদি লইয়া অরণ্য-প্ৰবেশপূর্বক বৃক্ষ গুল্মাদির উপরি আঘাত ও ভয়ানক চীৎকার করিতে থাকে। বরাহগণ ঐ ভয়ঙ্কর ব্যাপার দর্শনে ভীত হইয়া কানন-পরি-ত্যাগ-পূর্বক নিকটবর্তি ক্ষেত্রাভিমুখে পলায়ন করিলেই মৃগয়ালুদিগের সমীপে উপনীত হয়। এতৎ সময়ে কোন ২ বরাহ এমত বেগে ধাবমান হয় যে উত্তম অশ্বও তাদৃশ-বেগে গমন করিতে অসমর্থ। অত হইয়াছে কোন বরাহ শিকারিকর্তৃক তাড়িত হইয়া ৬ হস্ত পরিমিত প্রাচীর উল্লঙ্ঘন-পূর্বক পলায়ন করিয়াছিল, তাহার পশ্চাদ্গামি অশ্ব-সকলে তদুল্লঙ্ঘনে অশক্ত হইয়াছিল। বরাহের শরীর অতিস্থূল, ও পাদ অতিখর্ব, তথাপি সে অশ্বহইতে বেগে গমন করিতে পারে, ইহাতে অত্যন্ত আশ্চর্য বোধ হয়। বরাহযুথ বনহইতে নিঃসৃত হইলে মৃগয়ার্থিরা তাহার পশ্চাৎ ধাবমান হইয়েন। বরাহগণ পলায়ন-সময়ে এক এক বার পরিবৃত্ত হইয়া শিকারিকে আক্রমণ করে; ইত্যবসরে শিকারি যদি শস্ত্রদ্বারা তাহাকে বিদ্ধ করিতে পারিলেন তবেই মৃগয়ার সার্থক হয়, নতুবা ঐ ভীষণ বরাহ দস্তা-

ঘাতে তাঁহার বা তাঁহার অশ্বের দেহ বিদীর্ণ করিয়া প্রাণে সংহার করে, অথবা দুর্গমনবনে প্রয়াণ করত মৃগয়ার্থিদিগের শুম বিফল করে।

পূর্বে উক্ত হইয়াছে, কখন ২ বরাহ-বনে ব্যাঘ্রও দৃষ্ট হইয়া থাকে। ২ পৃষ্ঠায় যে চিত্র মূদ্রিত হইয়াছে, তাহাতে এতদৃশটনা বিশেষের প্রতিমূর্ত্তি আছে। আহমদ-নগরের সমীপবর্ত্তি বিপিনে এই ব্যাপার ঘটিয়াছিল। ব্যাঘ্র সন্দর্শন-মাত্র পুরো-বর্ত্তি শ্বেত-অশ্বারোহি মৃগয়ালু সাহেব তৎক্ষণাৎ তাহার প্রতি ধাবমান হইয়েন। ব্যাঘ্র প্রচণ্ড-বেগে দুই ক্রোশ পথ পলায়ন করে, পরে অতিশয় কাত্ত হইয়া ভূতলে পতিত হইলে শিকারি তাহার নিকট উপনীত হইয়া অনায়াসে তাহার বিনাশ করেন।

### শাল-পুস্ত-করণের পুথ্য।

**কা**শ্মীর দেশে যে সকল বস্ত্র পুস্ত হইয়া থাকে তন্মধ্যে শাল সর্বাগু-গণ্য। উত্তম কাগজ, অভেদ্য বন্দুক, চিকণ চর্ম্মাদি অপরাপর কয়েক সুপ্রসিদ্ধ দ্রব্যও তথায় নির্ম্মিত হইয়া থাকে; কিন্তু উক্ত বিখ্যাত শালেরবর্ণনাবসরে সে সকল বস্ত্র উল্লেখিত হইবারও যোগ্য নহে। অপিচ শাল যে কেবল কাশ্মীর-দেশীয় বস্ত্রমধ্যে উৎকৃষ্টতম, এমত নহে; ইহার তুল্য সুকোমল ও সুদৃশ্য বস্ত্র পৃথিবীর মধ্যে আর কুত্রাপি জন্মে না। কাপাস-বস্ত্রমধ্যে ঢাকাই মলমল্‌ষাদৃশ উত্তম, রোমজ-বস্ত্র-গণনাতে শালও তাদৃশ উৎকৃষ্ট। পরন্তু পাঠক মহাশয়েরা সকলেই শালের গুণাগুণ সর্বতোভাবে জ্ঞাত আছেন; অত-এব তদ্বিষয়ের উল্লেখ বৃথা কালক্ষেপ না করিয়া প্রকৃত পুস্তাবের অনুসরণ করাই শ্রেয়ঃকল্প।

পূর্বেই উক্ত হইয়াছে যে শালের আকর কাশ্মীর-দেশ, অথচ যে লোমে শাল পুস্ত হয় তাহার কিঞ্চিৎ আত্রও উক্ত দেশে জন্মে না। ঐ লোম কাশ্মীর-দেশের উত্তর ও পূর্বাঞ্চলস্থ লা-দাখ, খোতম, ইয়ারখণ্ড, তিব্বত আদি দেশহইতে আনীত হয়, এবং তাহা দুই প্রকার হইয়া থাকে; প্রথম, উল্লেখিত দেশের গৃহপালিত-ছাগের লোম, যাহাকে “শাল-পশম” শব্দে কহে; দ্বিতীয়, তত্রত্য বন্য-ছাগ ও মেঘাদির লোম, যাহা “আ-সলিতুষ” শব্দে বিখ্যাত। পূর্বে শাল পুস্ত করণের উপযুক্ত সমস্ত লোম কেবল তিব্বত দেশা-ন্তর্গত লাহুসা নগরহইতেই আহৃত হইত; কিন্তু অধুনা তাহার ব্যতিক্রম হওয়াতে পূর্বোক্ত অপ-রাপর দেশহইতেও আনীত হইতেছে। মোগল-জাতীয় বণিকেরা ঐ লোম-ব্যবসায় নিযুক্ত হয়; এবং লাদাখ-দেশের রাজধানী লেহ-নগরে লোম ক্রয় করত অশ্বপৃষ্ঠে কাশ্মীর-দেশে আনয়ন করে।

কথিত আছে, প্রতিবৎসর পাঁচশত অবধি এক মহসু অশ্ব এই কর্মে নিয়োজিত হইয়া থাকে; এবং প্রতি অশ্বোপরি ১৫০ সের লোম আহৃত হয়। প্রতি বর্ষে যে সমস্ত লোম আনীত হয় তন্মধ্যে শাল-পশমই অধিকাংশ, কেবল ৭০৬ সের আসলিতুষ আসিয়া থাকে। এক অশ্ব বাহ্য লোম লেহ-নগরহইতে কাশ্মীর পর্য্যন্ত আ-নিতে হইলে ৩৩ মূদ্রা ব্যয় হয়; এতদ্ভিন্ন তাহার নিমিত্ত ৯৫ টাকা শুল্কও লাগিয়া থাকে; এবং আসলিতুষ হইলে ঐ শুল্কের দ্বিগুণ দিতে হয়।

কাশ্মীর-দেশে মূল্য নিরূপণাদি বাণিজ্য-ক্রিয়া মধ্যাহ্ন-ভোজন-সময়ে নিষ্পন্ন হয়; এবং লোম-বিক্রয়-ক্রিয়ায় এই নিয়মের অন্যথা নাই। নগরে শাল-লোম আনীত হইলেই লোমক্রেতা ও তাহার দালালকে বিক্রেতা মধ্যাহ্ন-ভোজনার্থে নিমন্ত্রণ

করে, এবং উপযুক্ত সময়ে নিমন্ত্রিতবর্গ ভোজ্য-দ্রব্যের স্বাদুতা-উপলক্ষে সুপকারের দোষ গুণ বর্ণন করিতে ২ দালালের মধ্যবর্ত্তিত্বে শাল-লো-মেরও মূল্য স্থির করে। শাল-লোম “তরক” নামক ছয়-সের-পরিমাণে বিক্রীত হয়; এবং দালাল তদর্থ ১০ আনা বেতন পাইয়া থাকে। পূর্বে শাল-লোমের মূল্য অত্যুৎপন্ন ছিল, প্রতি তরক ১২ বা ১৬ টাকায় বিক্রয় হইত; কিন্তু সম্প্রতি তাহার বৃদ্ধি হইয়াছে। এক্ষণে এক তরক অর্থাৎ ৩ সের শুকু-লোমের মূল্য ২৫ অবধি ৪০ টাকা পর্য্যন্ত হইয়া আসিতেছে; কেবল তন্মধ্যে পূর্বোক্ত দা-লালী ও লোম-বিক্রয়ের আহ্বাদসূচক-ভোজ্যের নিমিত্তে, ও বিক্রেতার ভৃত্যবর্গের পারিতোষিক-স্বরূপে ১০ আনা দিতে হয়। মলিনবর্ণ-লোমের মূল্য শ্বেতলোমের মূল্যাপেক্ষায় স্বল্প। তাহার তরক ২৫ টাকার উর্দ্ধ-মূল্যে বিক্রয় হয় না।

পূর্বোক্ত ক্রেতারা ঐ লোম লইয়া পথপাশে স্বীয়-পর্ণশালায় বিক্রয়ার্থে বাহির করিয়া রাখে। কাশ্মীর-দেশীয় স্ত্রীলোকেরাই তাহা ক্রয় করে। তাহারা অল্প পরিমাণে লোম ক্রয় করত সূত্র পুস্ত করত।

ঐ সূত্র-নির্মাণের প্রথম-ক্রিয়া লোমপরিষ্কার-করণ; তাহা হস্তদ্বারাই নিষ্পন্ন হয়। এক তরক লোম পরিষ্কার করিলে তাহাতে

১১১০ সের কেশ\*

১৭ ছটাক মধ্যম লোম; (ইহাকে “ফিরি” শব্দে কহে।)

\* সংস্কৃত ভাষায় কেশ, রোম ও লোম শব্দ একার্থে ব্যবহৃত হয়; কিন্তু দেশ-ব্যবহারে তাহার অন্যথা আছে। রোম শব্দে মস্তক ও কক্ষ ব্যতীত মনুষ্যদেহের অপরাঙ্গজ ক্ষুদ্র কেশ। লোম-শব্দ পশুদেহস্থ কোমল কেশ-বাচক; কদাপি রোম শব্দের পরি-বর্ত্তেও ব্যবহৃত হয়। কেশ-শব্দ পূর্বোক্ত প্রকার-দ্বয় ব্যতীত জীব-দেহ-জাত দৃঢ় সূত্রবৎ পদার্থ জ্ঞাপক। এই প্রস্তাবে ঐ ব্যা-হারিক-ভেদ রক্ষা করা গেল।



১২০, ধূলা তৃণাদি, এবং

১২ সের উত্তম লোম, প্রাপ্ত হওয়া যায়।

(সর্ব সঙ্খ্যা ১৬ সের বা এক তরকা।)

অতঃপর লোম-মার্জন করিতে হয়। তদর্থে কাটনীরা তপ্পল ভিজাইয়া পিঠালি প্রস্তুত করে; এবং ঐ পিঠালিতে লোম এক-ঘণ্টা-কাল ক্রমাগত মর্দন করিলে অতি সুন্দররূপে পরিষ্কৃত হয়। লোম-মার্জন করিতে কাশ্মীরীরেরা কদাপি সাবান ব্যবহার করে না; কারণ তৎস্পর্শে লোম কর্কশ হয়। তাহারা কহিয়া থাকে যে অন্যান্য বিষয়ে ইংরাজের রীতি আমাদিগের রীত্যপেক্ষায় শ্রেষ্ঠ বটে, কিন্তু সাবান-ব্যবহার-বিষয়ে আমাদিগের রীত্যনুগামী হওয়া ইংরাজদিগের কর্তব্য। লোম মার্জিত হইলে কাটনীরা পিঠালি ঝাড়িয়া ঐ লোমে ১ হস্ত-পরিমিত দীর্ঘ পাঁজ \* প্রস্তুত করত যে কাল পর্যন্ত সূত্র কাটিবার অবকাশ না হয় তদবধি তাহা এক নির্মল-পাত্রে অতি সাবধানে বস্ত্রাদি দ্বারা আচ্ছাদন করিয়া রাখে।

কাশ্মীর-দেশীয় চরকা প্রায় বঙ্গ-দেশীয় চরকার তুল্য; তন্মধ্যে কোন ২ চরকা নানাবিধ পুষ্পলতা-দি অবয়বে খোদিত কাষ্ঠদ্বারা গঠিত হওয়াতে বহুমূল্য হয়, পরন্তু কেবল ধনাঢ্য ব্যবসায়িনী কাটনীরাই তাহার ব্যবহার করে; সাধারণ লোকে সামান্য অচিত্রিত চরকা দ্বারা স্বকার্য সাধন করে।

ঢাকাই বস্ত্রের উত্তম সূত্র প্রাতঃকাল ভিন্ন অন্য-সময়ে কাটা যায় না। কিন্তু শাল-বস্ত্রার্থে তাদৃশ সূক্ষ্ম সূত্র প্রয়োজন না হওয়াতে এতৎ প্রস্তুত করণের কালাকাল-বিচার নাই। কাটনীরা গৃহ-কর্ম হইতে অবসর পাইলেই এতৎকর্মে নিযুক্ত

\* সূত্র কাটিবার পূর্বরূপে কাপাঁশ বা লোমকে যে আকারে রাখা যায় তাহার নাম “পাঁজ।”

হয়; এবং অনেকে সূর্যোদয়াবধি মধ্য-রাত্রি-পর্যন্ত প্রায়ঃ অনবরত সূত্র কাটিতেই থাকে। যাহাদিগের নঙ্গতি অল্প, তাহারা অনেকে তৈলাভাবপ্রযুক্ত চন্দ্রালোকে উপজীবীকা সাধন করে। উত্তম-লোমের সূত্র সপ্ত-শত-গজ-পরিমাণে প্রস্তুত হয়। পরে তাহা দুই হারা করিয়া পাক দেওয়া যায়। এই দ্বিগুণিত সূত্র ১ শত খণ্ডে বিভাগ করিলে প্রত্যেক খণ্ড ৭ হস্ত পরিমিত হয়, এবং ইহাই শালের টানার উপযুক্ত। সচরাচর এই একশত খণ্ডের মূল্য ১০ আনা। উত্তম-লোমের সূত্র দোহার না করিলে তুলান্তে তোলিত হইয়া বিক্রীত হয়, এবং তাহাই পড়েনের যোগ্য। ফিরি অর্থাৎ মধ্যম-লোমজসূত্র গজ-পরিমাণে বিক্রীত হয়; কিন্তু ঐ গজ সাধারণ-গজের তুল্য নহে! তাহা তদপেক্ষায় চতুর্থাংশে খর্ব, অর্থাৎ ১১১ হস্তমাত্র দীর্ঘ। নিপুণতরা কাটনীরা অষ্টাহ পরিশ্রম করিলে সেরের এক পাদ (গোয়া) সর্বোৎকৃষ্ট সূত্র প্রস্তুত করিতে পারে, এবং তদর্থে ৬০ আনা বেতন প্রাপ্ত হয়। কোন ২ পুরুষেরা টুকু (টাকু) \* দ্বারা শালের সূত্র কাটিতে পারে, এবং ঐ সূত্র অতি উত্তমও হয়; কিন্তু ঐ রীতি তদ্দেশে নিন্দনীয়, সুতরাং প্রচলিত নহে।

কাশ্মীর-দেশে আবালবৃদ্ধা সকলেই সূত্র কাটিয়া থাকে, এবং ৭ লক্ষ্যাধিক ব্যক্তি এতৎকর্মে নিয়ত নিযুক্ত আছে। তৎসঙ্খ্যার দশমাংশ ব্যক্তি ব্যবসায়ী নহে; তাহারা কেবল স্বীয় বা আত্মীয়বর্গের ব্যবহারোপযুক্ত উত্তম শাল পাইবার অভিপ্রায়ে—তথা বৃথা কালক্ষেপ না করিয়া কোন উপকারজনক শ্রম সাধনে দিনপাত করণার্থে—সূত্র কাটিতে নিযুক্ত হয়, ফলতঃ

\* সূত্র কাটিবার যন্ত্র বিশেষ। এক কাষ্ঠশলাকার একাণ্ডভাগে একটা গুঁড়াক কিম্বা গোলাকার অন্য কোন গুঁড় বস্তু সংযুক্ত করিলেই টাকু প্রস্তুত হয়।

তাহাদিগকে পর্যায়ান্তরে শৌকিন্ কাটনী বলা যাইতে পারে।

কাটনীরা স্বীয়-ব্যয়ে লোম ক্রয় করত সূত্র প্রস্তুত করিয়া, অল্প পরিমাণে সূত্র-ব্যবসায়িদিগকে বিক্রয় করে। তাহাদিগদ্বারা সূত্র-বাছনি হইলে রঙ্গকারকের হস্তে সমর্পিত হয়। কথিত আছে যে কাশ্মীরি রঙ্গকারকেরা ৬৪ প্রকার বর্ণে সূত্র রঞ্জিত করিতে পারে; এবং প্রায় ঐ সকল বর্ণই স্থায়ী (পাকা) হয়, অর্থাৎ ধোত করিলেও কদাচ বিনষ্ট হয় না। সূত্ররঞ্জন কর্মে লাক্ষা, নীল, হরিদ্রা, কেশর, কুসুম, মঞ্জিষ্ঠা, বকম-কাষ্ঠ ইত্যাদি অনেক রঙ্গদ্রব্যের ব্যবহার আছে; পরন্তু ঐ সকল কোন দ্রব্য হইতে কাশ্মীরি রঙ্গকারকেরা উত্তম স্থায়ি হরিৎবর্ণ প্রস্তুত করিতে পারে না। তদর্থে বিনাতি হরিৎবর্ণের বনাত সিদ্ধ করিয়া বর্ণ প্রস্তুত করাই একমাত্র উপায়।

রঙ্গকারকের হস্ত হইতে শালের সূত্র “নকতু” নামক অপর এক শিগ্গির নিকট প্রেরিত হয়। এতৎ সময়ে ঐ সূত্র কেটীবাছা থাকে। নকতু তাহাকে টানা ও পড়েনে বিভাগ করিয়া যথাযোগ্য পরিমাণে লুটি বাছিয়া দেয়। দ্বিগুণীকৃত অর্থাৎ দোহার সূত্র টানার উপযুক্ত; এবং তাহা ৭ হস্ত পরিমাণে খণ্ড ২ করা যায়। পড়েনের সূত্র এক-হারা, কিন্তু ক্ষুদ্র ২ খণ্ডে বিভক্ত করা যায় না। এক জন নকতু এক দিবসের মধ্যে দুই খানা শালের উপযুক্ত টানা ও পড়েন প্রস্তুত করিতে পারে। তাহার কর্ম সম্পন্ন হইলে সূত্রের লুটি-সকল “পেল্লা-কম-গুঁড়র” হস্তে সমর্পিত হয়। সেই ব্যক্তি ঐ লুটির সূত্র পৃথক ২ রিস্তার করত তাহাতে তপ্পলের মণ্ড লেপন করে; এবং পরে ঐ মণ্ড সাবধানে নিষ্কোচন করিয়া সূত্র-সকল গুঁড় করিলে তাহা তন্ত্রবায়ের কর্মোপযুক্ত হয়।

কাশ্মীরীয় তন্ত্রবায়দিগকে তদ্দেশীয়-ভাষায় “শাল-বাক্” \* শব্দে কহে। তাহারা দশম-বৎসরাবধি জাতি-ব্যবসায় নিযুক্ত হয়। বঙ্গদেশীয় তন্ত্রবায়েরা যে প্রকারে স্বীয় সানগ্গীদ্বারা বগন করে; শাল-বাক্দিগের রীতি তদ্রূপ নহে। তাহারা এক জন প্রধান (ওস্তাদের) অধীন হইয়া কর্ম করে। পরন্তু এতদ্বিষয়ে তিন প্রকার রীতি আছে; তদ্বিশেষ এই; প্রথম, কোন ২ প্রধান (ওস্তাদ) নিদ্বিষ্ট বেতনে তন্ত্রবায়কে নিযুক্ত করিয়া শাল প্রস্তুত করান। এই রীত্যনুসারে তাহাদিগকে অগ্নিম বেতন দিতে হয়, এবং শিগ্গির ঐ অগ্নিম-ধন অর্থাৎ “দাদন” পরিশোধ করিতে অশক্ত হইলে পুথানুসারে চিরকাল উত্তমর্ণের অধীনই থাকে। দ্বিতীয়, কেহ ২ কর্ম নির্দিষ্ট করত যথাযোগ্য বেতন দেন। তাহার বিশেষ এই; যে এক শত গাছা পড়েনের সূত্র একশতবার উক্ত সঙ্খ্যক টানার উপর চালনা করিলে এক পয়সা দিতে হয়। তৃতীয়, “অংশা করণ;” এবং ব্যক্তি-ভেদে ঐ অংশের ন্যূনাতিরেক হইয়া থাকে।

কাশ্মীর-দেশীয় বাপদণ্ড (তাঁইৎ) বঙ্গদেশীয় বাপদণ্ডের তুল্য, এবং তাহাতে সূত্রাদি সংলগ্ন করিবার কোন বিশেষ রীতি নাই। এক খণ্ড ৩ হস্ত পুশস্ত শালের নিমিত্তে ২০০০ অবধি ২৫০০ টানার সূত্র আবশ্যিক হয়; এতদ্ব্যতীত প্রতিপার্শ্বে পাড়ের নিমিত্তে ২০ অবধি ১০০ গাছা রেসমের টানা থাকে। তাহা না থাকিলে পাড় সুদৃঢ় হয় না। চিত্রবিহীন শাল-বপনে প্রতিবাপদণ্ডে দুই জন মনুষ্য নিযুক্ত হয়; কিন্তু চিত্রবিশিষ্ট শাল হইলে তিন ব্যক্তির সাহায্য আবশ্যিক; তন্নিম্ন সুশৃঙ্খলায় বপন-কর্মের নির্বাহ হয় না। বাপদণ্ড ও বপন-

\* পারস্য “বাক্তন” শব্দ সংস্কৃত “বপ্” ধাতু হইতে উৎপন্ন হইয়াছে ইহাতে সন্দেহ নাই।



কার্যের অপর অঙ্গাদি ও যে গৃহে তৎকর্ম সম্পাদিত হয় তৎসমুদায় প্রধানের (ওস্তাদের) সম্পত্তি; ও নক্সতানুসারে এক ২ ওস্তাদের এতাদৃশ একাদিক্রমে দুই তিন শত বাপদণ্ড থাকে।

বাপদণ্ডে টানার সূত্র সংযোজিত হইলে “নক্সান” (চিত্রকর) “তার-গুরু” (সূত্র নিয়োগোপদেশক) ও “তালিম-গুরু” (শিক্ষা-গুরু) স্ব ২ কার্যে প্রবৃত্ত হন। প্রধানতঃ চিত্রকর স্বীয় বা কর্মার্থকের অভিপ্রায়ানুসারে ভাবি শালে যে প্রকার পত্রপুষ্পাদির চিত্রের অনুকরণ করা নির্ধারণ্য হয় তাহা এক কাগজখণ্ডে কেবল মসিদ্ধারা চিত্রিত করেন। পরে শালোপরি এই চিত্র পুস্তক-করণার্থে কয় প্রকার বর্ণ, ও এক ২ বর্ণের কয় গাছা সূত্র, ও কোন্ বর্ণের কোন্ সূত্র কয়বার টানার উপরি বেঁধেন করিতে হইবেক এই চিত্র দৃষ্টে এতৎসমুদয় বিষয় তার-গুরু নির্ধারণ্য করত তালিম গুরুকে বিজ্ঞাত করেন। তালিম গুরু এই উপদেশ-বাক্য এক কাগজখণ্ডে সঙ্কেতে লিখিয়া তন্ত্রবায়ের হস্তে সমর্পণ করত তদ্বিষয়ে যথাবশ্যক উপদেশ দেন। চিত্র-বিশিষ্ট শালে তুরি (মাকুর) ব্যবহার নাই। তৎপরিবর্তে “তুজি” নামক কাষ্ঠশলাকা ব্যবহৃত হয়, এবং চিত্রের প্রাচুর্যাদি ভেদে তৎসঙ্খ্যার যথেষ্ট ভেদ হইয়া থাকে। সামান্য-চিত্র-বিশিষ্ট-শালে এক কালে তিন চারি শত তুজির প্রয়োজন; কিন্তু প্রচুর ও অতি সুক্ষ্ম চিত্র নির্মাণ করিতে হইলে ১৫০০ তুজির আবশ্যক হয়। এই সকল শলাকা যথাবশ্যক বিবিধ বর্ণের পড়েনের সূত্রে সংলগ্নীকৃত হইয়া বাপদণ্ডের পার্শ্বে এক শ্রেণিতে বুলিতে থাকে। তন্ত্রবায় তালিম গুরুর উপদেশানুসারে এই শলাকা দ্বারা পড়ে-নের সূত্র-সহিত টানার সূত্র বেঁধেন করে; এবং সমস্ত শলাকা একবার সঞ্চালিত হইলে বেমা (সানা\*) সঞ্চালনদ্বারা পড়েনের সূত্র-সকল সরল করে।

শাল-পুস্তক-করণ-সময়ে শালের সম্মুখ-ভাগ অধোমুখে ও পৃষ্ঠদেশ তন্ত্রবায়ের সম্মুখে থাকে; কিন্তু অভ্যাসবশত এই পৃষ্ঠ দৃষ্টেই তন্ত্রবায়েরা অনায়াসে চিত্রের দোষ গুণ বিচার করিতে পারে, ও ভ্রুম হইলে তাহার সংশোধন করে। পূর্বেই উক্ত হইয়াছে যে চিত্র-বিশিষ্ট-শাল-পুস্তক-করণে তিন ব্যক্তি নিযুক্ত হয়। তাহার সামান্য-চিত্র-বিশিষ্ট একথানা শাল-বপনে তিনমাস-কাল পরিশ্রম করে; কিন্তু প্রচুর ও সুক্ষ্ম চিত্র করিতে হইলে উক্ত কালের ষড়্গুণ সময় অর্থাৎ দেড়বৎসর কাল যাবৎ শ্রম করিলেও কর্ম সমাধা হয় না।

“আলোয়ান” অর্থাৎ চিত্রহীন শাল-বপনে দুই জন মাত্র তন্ত্রবায়ের আবশ্যক। তাহার সামান্য-বস্ত্র যে প্রকারে উত্তম হয়, তদ্রূপে ইহাও তুরি (মাকু) দ্বারা পুস্তক করে। পরন্তু সকল আলোয়ান এক নিয়মে উত্তম হয় না। কতক আলোয়ানের বপন-শৃঙ্খলা সামান্য বস্ত্রের তুল্য, অর্থাৎ তাহার পড়েনের সূত্র প্রত্যেক টানার সূত্র বেঁধেন করে। এই প্রকার বপনের নাম “সাদা” বা “একহারা-বুনন।” পূর্বে এই প্রকারে উত্তম অতিউত্তম শাল-বস্ত্র পুস্তক হইত, ও অনেকে তাহা গৃহ্য করিত; কিন্তু অধুনা ইহা জনসমাজে সমাদরণীয় নহে। ইহার পরিবর্তে সকলেই দ্বিসূত্র বুনন† গৃহ্য করেন; সুতরাং তাহারই প্রাচুর্য হইয়াছে। দ্বিসূত্র শাল-বস্ত্রের সর্বত্র তুল্য হয় না; কোন ২ স্থানে সূত্র সকল ঘন, কোন ২ স্থানে বা বিরল হয়; এবং শালের পৃষ্ঠদেশ দেখিলে প্রস্থে বিস্তৃত রেখা

\* কেশমাজ্জকের সদৃশাকার যন্ত্রবিশেষ যদ্বারা পড়েনের সূত্র ২ স্থানে স্থাপিত হয়।

† যে বস্ত্রে পড়েনের সূত্র প্রত্যেক দুই গাছা টানার সূত্র উল্লঙ্ঘন করিয়া চালিত হয় তাহার নাম “দ্বিসূত্র” বা “দোসূত্রি”। এতদ্রূপে উত্তম বস্ত্রোপরি এক প্রকার ত্রিযক (টেবচা) রেখা হয়। টুল, জিন, ডিল, প্রসিদ্ধ দোসূত্রি, মেরিনো ইত্যাদি বস্ত্র-সকল দ্বিসূত্র বুননের দৃষ্টান্ত স্থল।

সকল (ডোরা ২) বোধ হয়। শ্বেতবর্ণ শালে এই দোষ স্পষ্টরূপে ব্যক্ত আছে; বিশেষতঃ যে সকল শালের উভয়-পার্শ্বে প্রচুর চিত্র থাকে তাহার জমি \* কদাপি উত্তম হয় না। তাহার প্রধান কারণ এই; যে স্থলে চিত্র সকল উত্তম হয় তথায় শাল-তন্ত্রবায়েরা মধ্যম (ফিরি) সূত্রের টানা ব্যবহার করে, তদ্ব্যতীত—ও চিত্রের নিমিত্তে নানা-বিধ-বর্ণের সূত্র এক স্থানে ব্যবহৃত হওয়াতে—প্রত্যেক পড়েনের সূত্র চিত্রহীন স্থানাপেক্ষায় চিত্রবিশিষ্ট-স্থানে বিশেষ স্থূল হয়; এবং এই স্থূল-তাপ্রযুক্ত বেমার আঘাতে সর্বস্থানের সূত্র সম-রূপে দাবিত হয় না, সুতরাং বস্ত্র অসম হয়। এই দোষের নিরাকরণার্থে তন্ত্রবায়েরা সর্বোত্তম শাল নির্মাণ করিতে হইলে জমি ও পাড় পৃথক ২ উত্তম করত পরে একত্রে সীবিত করে।

তন্ত্রবায়েরা শাল উত্তম করণানন্তর তাহা পরিষ্কারকের (ফরাসগরের) হস্তে প্রেরণ করে। সে ব্যক্তি চিমটা বা ছুরিকা দ্বারা নব-পুস্তক-শালহ সমস্ত বিবর্ণ-সূত্র ও গুহ্মি-সকল দূরীকরণ করিয়া থাকে। ইহাতে দৈবাৎ কোন স্থানে কোন ক্ষতি হইলে রিকুর তাহা তৎক্ষণাৎ সংশোধন করিয়া দেয়। এই অবস্থায় মূলানুসারে রাজাকে এই শালের শতকরা ২৬ টাকা শুল্ক দিতে হয়; এবং তাহা প্রদত্ত হইলে পর এই শাল রাজ চিহ্নে মুদ্রিত হয়, এবং তদ্বিবরণ এক গুহ্মে লিখিত থাকে।

অতঃপর এই শালের ধৌত করণ আবশ্যিক; এবং তাহা অতি সাবধানে নিষ্পন্ন না করিলে সকল পরিশ্রম ব্যর্থ হইবার সম্ভাবনা। শুক্ক শালকে যৎকিঞ্চৎ সাবান দিয়া পরিষ্কার ও শীতল জলে ধৌত করত রৌদ্রে শুক্ক করাই প্রথা; এবং বর্ণ উজ্জ্বল করণার্থে গন্ধকের ধূমও ব্যবহৃত হয়।

\* অঞ্চল ও পাড়ের মধ্যবর্তী স্থানের নাম জমি।

বর্ণাক্ত-শালে সাবান ব্যবহৃত হয় না, এবং তাহা রৌদ্রে শুক্ক করিলে বর্ণের হানি হয়। ধৌত শালের শুক্ক হওন সময়ে কুঞ্চিত হইবার সম্ভাবনা, এবং তন্নিবারণার্থে রজকেরা তাহা “নরদ” বা “নরাজ” নামক গোলাকার এক কাষ্ঠদণ্ডে বেঁধেন করে। এই দণ্ড এপুকারে নির্মিত হয় যে তাহার মধ্যে অপর এক দণ্ড প্রবিষ্ট করিলে প্রথমোক্ত দণ্ড স্ফীত হইতে পারে, এবং এই স্ফীত হওন সময়ে বেষ্টিত-শালকে সবলে বিস্তৃত করে। দুই দিবস ক্রমাগত নরাজে বেষ্টিত রাখিয়া পরে এই শালকে সেকেঞ্জা† নামক কাষ্ঠযন্ত্রে কয়েক দিবসের নি-মিত্ত বন্ধ রাখা যায়, এবং তাহা হইলেই শাল পুস্তক কার্য সমাপ্ত হয়।

চিত্রকরণের প্রথা-ভেদে শাল দুই প্রকার হইয়া থাকে; প্রথম উত্তম-শাল, যাহার বিবরণ পূর্বেই প্রকাশ হইয়াছে; দ্বিতীয় “দোশালা-অমলি”; যাহার চিত্র সূচিদ্বারা সীবিত হয়। অপর অমলি শালও দুই প্রকার হয়, প্রথম, যাহার চিত্র লোমজসূত্রে সীবিত হয়; দ্বিতীয়, যাহার চিত্র রেসমে পুস্তক হয়।

শালের চিত্র ও অবয়ব ভেদে নামের ভিন্নতা হয়, এবং এই নাম সকলের উল্লেখ না থাকিলে এই পুস্তাব অসম্পূর্ণ বোধ হইতে পারে; অতএব তদ্বি-ষয়ে যৎকিঞ্চৎ লিখিতেছি। এই নাম-সকল পার-শ্য ভাষাজাত, কিন্তু ব্যবহার-সিদ্ধ হওয়াতে তদ-নুবাদ অনেকের পক্ষে অপ্ৰয়োজনীয় বোধ হইবেক।

শালের চিত্র-সকলের নাম এই;—

১। “হাশিয়া” অর্থাৎ পাড়।

২। “পাল্লা” অর্থাৎ অঞ্চল।

† পৃষ্ঠে দণ্ড-দ্বয়-বিশিষ্ট কাষ্ঠ ফলকের নাম “সেকেঞ্জা।” এত-দ্রুপ এক ফলকোপরি কাগজে বেষ্টিত শাল রাখিয়া অপর এক ফলকদ্বারা আচ্ছাদন করত উক্ত দণ্ড-সকলের অগুণাগুণ রজ্জুদ্বারা বন্ধ করণের নাম “সেকেঞ্জায় কষণ।”



৩। “জিঞ্জির” অর্থাৎ শৃঙ্খলা। ইহাতে পাড়ের সীমা বদ্ধ করে।

৪ “দৌড়”; অঞ্চল ব্যতীত জমি ও পাড়ের মধ্যবর্তী লতাাদি বিচিত্রিত অবয়ব। ঐ দৌড়ে ১, ২, ৩, আদি চিত্রের শ্রেণিভেদে নামভেদ হয়। যথা “দো কদ্দার” “(দ্বিশ্রেণি.চিত্র)” “সিকদ্দার” “(ত্রিশ্রেণি চিত্র)” “চৌ কদ্দার” “(চতুঃশ্রেণি চিত্র)। চতুরাধিক শ্রেণি বিশিষ্ট দৌড়ের নাম “টুকা দার।”

৫ “কুঞ্জ বুটা” বা “কুঞ্জ”; কোণ-স্থিত চিত্র।

৬ “মথুন।” জমির সর্বত্র লতাাদি চিত্র থাকিলে তাহার নাম মথুন হয়।

৭ “বুটা।” পুষ্পাকার চিত্র। প্রত্যেক বুটা তিন অংশে বিভক্ত হয়; ১, “পাই” অর্থাৎ পদ; ২, “শিকিম” অর্থাৎ দেহ বা উদর; ৩, “শির,” অর্থাৎ মস্তক। ঐ মস্তক দুই প্রকার হয়, ঞ্জু ও বক্র। পরস্পর বুটার মধ্যগত স্থানের নাম “খল” (স্থল)। উক্ত বুটা আকৃতি ভেদে নানা বিধ নামে বিখ্যাত হয়; কিন্তু তদ্বিশেষ অধুনা আনাদিগের উদ্দেশ্য নহে।

শালের আকৃতি, বস্তু ও চিত্র-ভেদে নাম-ভেদের বিশেষ এই;

১ “পটু পয়মিনী।” ইহা আশলি তুষ অথবা অধম শাল-লোমদ্বারা উষ্ট হয়; বস্তুতঃ ইহা এক প্রকার কল্পল, ও লবাদা বানাইবার উপযুক্ত। কাশ্মীর-দেশে ইহার মূল্য ৫-৬ টাকা গজ।

২ “শাল ফিরি;” অর্থাৎ ফিরি নামক লোমে প্রস্তুত শাল। ইহা অতি স্থূল হয়; এবং ইহার মূল্যও অল্প।

৩ “আলোয়ান্” অর্থাৎ চিত্রহীন শাল-বস্ত্র।

৪ “জৌহর শাল সাদা।” অর্থাৎ চিত্রহীন এক বর্ণের পাড়বিশিষ্ট আলোয়ান্।

৫ “দোশালা” অর্থাৎ যুগ্ম-শাল বা শালের জোড়া। ইহার পরিমাণ ৭ হস্ত দীর্ঘ এবং ৩ হস্ত প্রস্থ। চিত্রভেদে ইহার নাম-ভেদ হইয়া থাকে;

তদযথা ১ “শাল হাশিয়াদার;” অর্থাৎ পাড়-বিশিষ্ট; এবং ঐ পাড়ের সঙ্খ্যা-ভেদে “দো হা-

সিয়াদার” (দ্বি পাড়বিশিষ্ট) “সি হাশিয়াদার” (ত্রি পাড়বিশিষ্ট) “চাহার হাশিয়াদার” (চতুঃ-

পাড়বিশিষ্ট) ইত্যাদি নাম হইয়া থাকে। ২ “কঙ্-গুরাদার” অর্থাৎ মুসলমানদিগের ধর্মালয় ও দুর্গের

প্রান্ত-প্রাচীরস্থ চূড়া যে প্রকার অবয়বে নির্মিত হয় তদবয়ব-চিত্র-বিশিষ্ট শাল। এই চিত্র জমি ও

পাড়ের মধ্যবর্তী হয়; ৩ “দৌড়দার” অর্থাৎ দৌড় নামক চিত্রবিশিষ্ট শাল। ৪ “মথুনদার”

অর্থাৎ জমিতে চিত্রবিশিষ্ট শাল। ৫ “চাঁদদার” অর্থাৎ জমির মধ্যস্থলে চন্দ্রাবয়ব-চিত্রবিশিষ্ট শাল

৬ “চোখাহিদার” অর্থাৎ চতুঃসঙ্খ্যক অর্ধচন্দ্রাবয়ব চিত্রবিশিষ্ট শাল। ৭ “কুঞ্জদার” বা “কুঞ্জ-

বুটাদার” অর্থাৎ প্রতি কোণে চিত্রবিশিষ্ট শাল। ৮ “আলিফদার” অর্থাৎ শ্বেত জমিতে কেবল

মাত্র হরিদবর্ণের চিত্রবিশিষ্ট শাল। ৯ “কদ্দার” অর্থাৎ কলগা নামক বিচিত্রবিশিষ্ট শাল। পাড়ের

উপর এক বা ততোধিক শ্রেণিভুক্ত কলগা থাকিলেই কদ্দার নাম প্রাপ্ত হয়; জমির সর্বত্র কলগা

থাকিলে এ নামের যোগ্য হয় না। কলগা-সকলের মধ্যবর্তী স্থান লতাাদি অবয়বে চিত্রিত হইলে

দৌড়দার শব্দ-বাচ্য হয়; কেহ ২ তৎসম্বন্ধে “কলগাদার দৌড়” শব্দও ব্যবহার করেন।

৬ “কমাল” বা “কসাবঃ।” ইহার পরিমাণ ৩ হস্ত দীর্ঘ ও প্রস্থ, ৪ হস্ত দীর্ঘ ও প্রস্থ, অথবা

৫ হস্ত দীর্ঘ ও প্রস্থ; এবং পূর্বোক্ত চিত্রভেদে ইহারও নাম-ভেদ আছে। কমাল সম্বন্ধে বি-

শেষ নাম এই; “ইস্লামি” অর্থাৎ মুসলমান-

দিগের গৃহ্য। “ফিরঙ্গি” অর্থাৎ ফরাসিস্ জাতীয় ব্যক্তিদিগের গৃহ্য; “তার অর্মণি” অর্থাৎ আরমানিদিগের গৃহ্য; “তার কমি” অর্থাৎ তুর্কদেশীয় ব্যক্তিদিগের গৃহ্য; “চাহার বাগ” অর্থাৎ চতুর্ভুগের জমিবিশিষ্ট, ইত্যাদি।

৭ “জামেওয়ার” অর্থাৎ অঙ্গরাখা ইত্যাদি বানাইবার উপযুক্ত চিত্রবিশিষ্ট শাল। চিত্রভেদে ইহার নাম-ভেদ হয়, যথা, “মেহরমাৎ”; “খড়-কি বুটাদার,” “খলদার,” “কদ্দার” ইত্যাদি।

জামেওয়ারে কদাপি পাড় সংযুক্ত করা যায় না। এতৎসম্বন্ধে এতদেশীয় অনেকে কহিয়া থাকেন

“মথুনের জামেওয়ার”; কিন্তু ঐ শব্দ অত্যন্ত অশুদ্ধ। কারণ “মথুন” ও জামেওয়ার এই উভয়

শব্দেরই অর্থ চিত্রবিশিষ্ট জমি; সুতরাং “মথুনের জামেওয়ার” কহায় কেবল এক শব্দেরই দ্বি-

কৃতি হয়, প্রস্তাবিত শালের কোন বিশেষ ধর্মের ব্যঞ্জক হয় না।

৮ “শমলা” অর্থাৎ উষ্ণীষ। ইহা দীর্ঘে ১৬ হস্ত ও প্রস্থে ৩ হস্ত, এবং নানা প্রকার চিত্রে চিত্রিত

হইয়া থাকে। ১১। হস্ত পরিমাণ প্রস্থের সামলার নাম “মন্দিলা;” এবং তাহাতে পাইড়ের ব্যব-

হার নাই। ৯ “পটকা” অর্থাৎ কটিবন্ধনী ইহা দীর্ঘে ১৬ বা ২০ হস্ত ও প্রস্থে ২ হস্ত এবং পাড় ও

পাল্লাবিশিষ্ট হইয়া থাকে। ১০ “খলীন পয়মিনা” অর্থাৎ শাল-লোম

নির্মিত গালিচা। ইহার ১ হস্ত পরিমাণের মূল্য ১০ অবধি ৩০ মুদ্রা হইয়া থাকে।

১১ “জরাব” অর্থাৎ পদাবরণ। ইহাদ্বারা গুলু পর্যন্ত আচ্ছাদিত হয়।

১২ “মোজা” অর্থাৎ পদাবরণ। ইহাতে জঙ্ঘা পর্যন্ত আচ্ছাদিত হয়।

এতদ্ভিন্ন গলবন্ধনী (গলাবন্দ), কিঞ্চুক (পিস্তান-বন্দ), অশ্ব-সজ্জা (কজ্জার অম্প), চন্দ্রাতপ (শকবপোষ), যবনিকা (দরপরদা), ইত্যাদি নানাবিধ অন্য ব্যবহার্য-বস্তু শালবস্ত্রে প্রস্তুত হইয়া থাকে; কিন্তু তাহার নামোল্লেখ কোন বিশেষ প্রয়োজন বোধ হয় না।

শাল ক্রয় করণার্থে পূর্বে পৃথিবীর সকল সভ্য দেশহইতে বণিকসমূহ কাশ্মীরদেশে সমাগত হইত; কিন্তু অধুনা রাজকীয় উপদ্রবপুষ্ট এই বা-

ণিজ্যের অনেক হ্রাস হইয়াছে; এবং অনেক শাল-তন্ত্রবায় কাশ্মীর-পারিত্যাগ-করত লুণ্ঠিয়ানা ও

পঞ্জাবের অন্যান্য দেশে অবস্থান করিয়া স্বজাতীয়-কর্ম-বিরহে অন্য ব্যবসারে দিনপাত করিতেছে।

ইদানীন্তন যে শাল প্রস্তুত হইয়া থাকে তাহার বার্ষিক মূল্য পঞ্চবিংশতি-লক্ষ-মুদ্রার অধিক হই-

বেক না।

### শকুনির বন্ধু কে?

হিম্মিয়া-দেশের এক জন মেঘ-পালক বো কিয়ৎকাল পশুচারণোপলক্ষে বনে ২

ভ্রমণ করিয়া বিহঙ্গম-ভাষায় বিলক্ষণ জ্ঞানাপন্ন হইয়াছিল। সেই ব্যক্তিদ্বারা উক্ত এক

উপন্যাস নিম্নে প্রকটিত হইল; তাহা সম্ভাব্য কি না বিদ্যাবান্ জনগণ বিবেচনা করিবেন।

মেঘপালক কহিয়াছিল; “একদা কতকগুলি মেঘ লইয়া এক পর্বতের নিকট চারণ করিতে গিয়া-

ছিলাম। মেঘ সকলকে চারণক্ষেত্রে ছাড়িয়া দিয়া অদূরে বহিঃস্থ গিরি-গহ্বরে উপবিষ্ট আছি, ইত্যব-

সরে দুইটা শকুনির শব্দ শ্রবণগোচর হইল। শব্দের ভাবে বোধ করিলাম তাহারা পরস্পর কোন প্র-





য়োজনীয় বিষয়ে পরামর্শ করিতেছে; সে বিষয় কি, অবগত হইবার নিমিত্ত প্রবল বাসনা হইল। তাহাতে আপনার কর্তব্য কক্ষ পশুরক্ষণ অপেক্ষাও

এ বিষয়ের অবগতি নিমিত্ত অধিক আগ্রহ হইলাম, এবং ধীরে ২ পদপ্রক্ষেপ পূর্বক শব্দানুসারে গমন করিলাম। কিয়দূর গিয়া দেখি শৈলের উপরি উপ-

বেশন পূর্বক কতক গুলা গৃধু কথোপকথন করিতেছে। নিঃশব্দ পদসঞ্চারে উপরে উঠিয়া একটা পাহাড়ির নিম্নে উপবেশন করিলাম, তাহাদের মধ্যে কোনটা আমাকে দেখিতে পাইল না। আমার এই পরিশ্রমের ফল অবিলম্বে ফলিল। বৃদ্ধা শকুনি আপনার শাবকদিগকে নিকটে লইয়া কি প্রকারে জীবিকা নির্বাহে প্রবৃত্ত হইবে তদ্বিষয়ের উপদেশ দিতেছিল, সমুদায় স্বকর্ণে শ্রবণ করিলাম; এবং তাহাতে পরম বিস্ময় জন্মিল। বোধ করি মানবজাতীয়েরা এ বিষয় অবগত হইলে একটা গুরুতর বিষয়ে তাহাদেরও চৈতন্যোদয় হইবে।

প্রাচীনা শকুনি শাবকদিগকে কহিতেছিল “হে বৎসগণ, এক্ষণে তোমাদের বয়ঃপ্রাপ্তি হইল; স্বয়ং স্ব ২ শরীরযাত্রা নির্বাহে প্রবৃত্ত হও। অনুমান করি তোমাদিগকে এ বিষয়ে অধিক উপদেশ দিতে হইবেক না। আমি যে রূপে তোমাদের ভরণ পোষণ এবং স্বীয় দেহযাত্রা নির্বাহ করিয়া থাকি, সর্বদা স্বচক্ষে নিরীক্ষণ করিয়াছি। কি কৌশলে গৃহ পালিত জীবন্ত কপোত ধৃত করিয়া আমি, কি রূপে বনমধ্যে গুল্মোপরিস্থ নীড় হইতে বিহঙ্গ-সকলকে উত্তোলন করিয়া লই, কি প্রকারে চারণ ক্ষেত্রে ভ্রমণকারি ছাগমণ্ডলীহইতে এক ২ টা অপহরণ করত নীড়ে আনয়ন করি, সকলই দেখিয়াছি। অপর শরব্য অর্থাৎ শীকারের উপরে কি রূপে নখাঘাত করিতে হয়, এবং আকাশ পথ দিয়া বহন করণ সময়ে কি প্রকার পরিমাণ করিয়া ধরিতে হয়, বোধ করি এ সকলও তোমাদের অবিদিত নাই; সর্বদা আমাকে এ রূপ কল্প করিতে দেখাতে এ বিষয়ে বিজ্ঞান প্রাপ্ত হইয়া থাকিবে। কিন্তু কোন সামগ্ৰী আমাদের জাতির অতি সুস্বাদ আহার, সেটা যেন মনে থাকে। আমি অনেক বার তোমাদিগকে নর মাংস আনিয়া দিয়াছি; তাহার কেমন

আস্বাদ মনে পড়ে?” শাবকেরা কহিল, “হাঁ মা, মনুষ্যের মাংস বড় মিষ্ট, বোধ করি তাহাই আমাদের জাতির স্বাভাবিক খাদ্য; তাহা কোথায় পাওয়া যায় বল? আমরা অনেক বার সেই মাংস উৎসর্গ করিয়াছি বটে, কিন্তু এ পর্যন্ত কখন একটা সমুদয় মনুষ্য শব বাসায় দেখিলাম না কেন?” শকুনি বলিল “হে বৎসগণ, মনুষ্য অতি বৃহদাকার, আমরা তাহার সম্পূর্ণ শরীর তুলিতে পারি না। একারণ যে ২ সময়ে মনুষ্য প্রাপ্ত হই, তখন তাহার কেবল মাংস ছিঁড়িয়া আনি; অস্থিপ্রভৃতি সমুদায় ভূমিতে ফেলিয়া আসি। শাবকেরা কিঞ্চিৎ বিস্ময় প্রকাশ পূর্বক জিজ্ঞাসা করিল “যদি মনুষ্য প্রকাণ্ডাকার, তুমি কি রূপে তাহার প্রাণ সংহার কর? বারম্বার কহিয়াছ বৃক ও ঋক্ষ হইতে আমাদের ভীতি আছে; তদপেক্ষা বৃহৎকায় মনুষ্যের উপরে কি সাহসে আক্রমণ কর? তাহারা কি ছাগ ও মেঘাদি অপেক্ষা অক্ষম?” গৃধী উত্তর দিল; বৎস “মনুষ্যদের তুল্য আমাদের বল বিক্রম নাই।” যদিহে স্বভাবের পরবশ হইয়া একটা ভয়ঙ্কর ব্যাপারে স্বতঃ প্রবৃত্ত হইতে তাহাদের প্রবৃত্তি না হইত, কদাপি আমাদের জাতির নরমাংসের আস্বাদও প্রাপ্ত হইতে পারিত না। আমাদের অদৃষ্টক্রমে তাহারা কখন ২ এতদ্রূপ এক ব্যাপারে প্রবৃত্ত হয় যে সেই সুযোগে আমরা তাহাদের অপেক্ষা বুদ্ধি ও পরাক্রমে শত গুণ হীন হইয়াও অন্যায়সে তাহাদিগের মাংস ভোজন করিতে পাই। মনুষ্যদের সেই ব্যাপারটা অতি চমৎকারজনক, তাহাতে তাহাদের কোন উপকার নাই, অথচ পরস্পরকে বিনষ্ট করে। পৃথিবীর মধ্যে যত জীব জন্তু আছে সকলেরই আচার ব্যবহার দেখিয়াছি; স্বার্থোদ্দেশ্য বিনা কোন প্রাণির তাৎসর্ঘ্য ব্যাপারে প্রবৃত্তি



দেখি নাই। দুই দল মনুষ্য সময়ে ২ সাতিশয় উৎসাহ সহকারে পরস্পর সাফাৎ করে; তাহাদের সিংহনাদে মেদিনী কম্পানো এবং বন্ধুক ও কামানের ধূমে আকাশমণ্ডল আচ্ছন্ন হয়। হে বৎস-সকল, যদি নরমাংস-ভোজনের অভিলষ কর তবে যখন কোন স্থানে মনুষ্যদের পরস্পর তর্জন গর্জন ও সিংহনাদ শ্রবণ করিবে, এবং নভোভাগ ধুমাবৃত দেখিবে তখন ত্বরায় পক্ষচালন-পুরঃসর তথায় গমন করিও। কিয়ৎ দূর অদূরে কোন বৃক্ষের উপর বসিয়া থাকিও; অবিলম্বে দেখিতে পাইবে, দলবদ্ধ মানবগণ অস্ত্রশস্ত্র মঞ্চালন-পুরঃসর পরস্পরের প্রাণ-সংহারে প্রবৃত্ত হইল। পরক্ষণেই সেই স্থান শোণিতে আর্দ্রীভূত হইবে এবং অনেক মনুষ্য নিহত ও অনেকের অঙ্গ প্রত্যঙ্গ ছিন্নভিন্ন হইয়া পড়িবে। হে বৎসগণ, আমি অনুমান করি আমাদের সুবিধার নিমিত্ত তাহারা ঐ প্রকারে পরস্পরের অবয়ব সকল খণ্ডিখণ্ড করে; আমরা সম্পূর্ণ একটা দেহ তুলিয়া আনিতে পারি না, একই খণ্ড অনায়াসে আনিতে পারিব। শাবকেরা জিজ্ঞাসা করিল; “মা, মনুষ্যেরা যদি এক্ষেপে পরস্পর প্রাণ সংহার করে তবে তাহারা স্বয়ং আপনাদের শীকার ভক্ষণ করে না কেন? প্রত্যক্ষ দেখিতে পাই ব্যাঘ্রেরা মেঘশাবক বিনষ্ট করিয়া স্বয়ং ভক্ষণ করে; কই, তাহারা তো শকুনিদের নিমিত্ত শীকার ফেলিয়া যায় না? হাঁ মা, মনুষ্য কি এক প্রকার শাদ্দুল নহে?” গৃধী কহিল “হে প্রিয় নন্দনগণ, এই ভূমণ্ডলে কেবল এই এক জাতি জন্তু আছে যাহারা স্বয়ং যাহা ভক্ষণ করে না তাহারও প্রাণ বধ করিয়া থাকে। পরন্তু তাহাদের এই গুণেতে আমরা বাঁচিয়া যাই”। শাবকেরা বলিল “যদি মনুষ্যেরা আমাদের নিমিত্ত

খাদ্য প্রস্তুত করত পথে ফেলিয়া রাখে, তবে তদর্থ আমাদের আয়াস করিবার আবশ্যিক কি?” গৃধী কহিতে লাগিল, “না, নিশ্চিত্তে বসিয়া থাকিলে সেই আহার পাওয়া যায় না। কোনই স্থানে তাহারা ঐ রূপ ব্যাপারে প্রবৃত্ত হয় সর্বদা অনুসন্ধান করিতে হইবে। এমনও ঘটিতে পারে কোথাও ২ মানব মণ্ডলী দীর্ঘকাল সুস্থির হইয়া অবস্থিত করে, সে সময় এক স্থানে বসিয়া তাহাদের শীকারের অপেক্ষা করিলে তো তোমাদের দিন নির্বাহ হইবেক না; অনুসন্ধানার্থ সর্বত্র পরিভ্রমণ করিও, তাহাতে যদিও মনুষ্যকে শীকার করিতে দেখিতে না পাও তাহাদের গতি বিধি অবলোকন করিয়া ঐ বিষয়ে প্রবৃত্তি বৃদ্ধিতে পারিবে। যখন দেখিবে বহু সংখ্যক মনুষ্য পরস্পর নিকটবর্তি হইয়া সারস-পংক্তির ন্যায় গমন করিতেছে, তখন নিশ্চয় জানিও একটা মহা শীকার উপস্থিত; তাহার অবিলম্বেই মনুষ্য শোণিতে নদী বহিতে দেখিবে”। ক্ষুদ্র পক্ষিরা জিজ্ঞাসা করিল; “মা, তুমি কহিলে মনুষ্যেরা স্বভাবতঃ পরস্পরের সংহার করে; কিন্তু অনর্থক বিনাশ করে, ইহার কি কোন কারণ উদ্ভাবন করিতে পার না? আমরা যাহা স্বয়ং আহার না করি, কখন তাহাকে বিনষ্ট করিতে প্রবৃত্তি হই না; মনুষ্যদের ঘটে কি আমাদের তুল্য বুদ্ধিও নাই?” গৃধী কহিল “হে বৎস-সকল, ঐ স্থানের মধ্যে সকল বিহঙ্গম আমাকে বহুজ্ঞ ও বহুদর্শী বলিয়া গণ্য করিয়া থাকে, কিন্তু ঐ প্রশ্নের সটীক উত্তর দিতে আমার সামর্থ্য নাই। শৈশবকালে কার্পেথিয়ান পর্বতস্থ এক সুবিজ্ঞ গৃধু নিকটে সর্বদা গমনাগমন করিতাম; তিনি সকল বিষয়ের অনুসন্ধান করত পারদর্শী হইয়াছিলেন; কিন্তু ঐ বিষয়ে এতাব্যক্ত কহিয়াছিলেন, ‘মানবগণ এক প্রকার

তক, তাহাদের গতি আছে এই মাত্র বিশেষ। যেমন বৃক্ষসকল প্রবল সমীরণে প্রেরিত হইয়া পরস্পরকে আঘাত করত বিনষ্ট করে, ভগ্ন করিবার ফল আপনারা ভোগ করিতে পায় না, অন্যে তাহাদের দেহ পর্যন্ত লইয়া স্ব ২ প্রয়োজনীয় বিষয়ে নিয়োগ করে, তদ্রূপে মনুষ্যেরাও কেবল পরোপকারার্থ পরস্পর নিহত হয়। অপর এক ব্যক্তির প্রমুখাৎ গুনিয়াছি মনুষ্যেরা দুই দলে বিভক্ত হইয়া সকলেই এই রূপে পরস্পর প্রাণ হিংসা করে বটে; কিন্তু সেই দুই সম্প্রদায়ের মধ্যে একই জন কিঞ্চিৎ অন্তরে থাকে, তাহাদের শরীরে অস্ত্র শস্ত্রের কোন আঘাত লাগে না; বোধ হয়, তাহার নিমিত্ত ঐ সকল মনুষ্য ঐ ব্যাপারে প্রবৃত্ত হয়; কিন্তু ইহাও অতি আশ্চর্যের বিষয়; অন্যায় মনুষ্যপেক্ষা সেই ব্যক্তির আকার বৃহৎ নহে, এবং কোন বিশেষ ক্ষমতার কার্যও দেখি না, কেবল ব্যগুতা ও যৎকিঞ্চিৎ ঔৎসুক্যমাত্র দেখিতে পাই; কি জন্য তাহার আদেশে পরস্পর অস্ত্রাঘাত করে অনুসন্ধান তাহাও স্থির করিতে পারি নাই। যাহা হউক, সে ব্যক্তি আমাদের পরম মিত্র ইহাতে সন্দেহ নাই, তাহার প্রসাদাৎ আমরা অনায়াসেই সুস্বাদু নরমাংস ভক্ষণ করি”। \* \* \*

অভিজ্ঞান শকুন্তল নাম নাটকের

সঙ্ক্ষেপ বৃত্তান্ত।

এ তদেব প্রাচীন কালে বিবিধ বিদ্যার আকর স্বরূপ হওয়াতে অত্রত্য জনগণ অদ্যাবধি স্বদেশের বিদ্যাবত্তার অভিমান করিয়া থাকেন; কিন্তু সেই সকল বিদ্যার এক্ষেপে প্রবল চর্চা নাই, এবং তৎসমুদায় প্রাচীন

সংস্কৃত ভাষায় সঙ্গ্রহীত। যদিও ঐ ভাষা এদেশের বর্তমান সময়ে চলিত ভাষার নিদান, তথাপি ভূরি পরিশ্রম-সহকারে অভ্যাস না করিলে তাহাতে কাহার প্রবেশ করিবার ক্ষমতা হয় না, সুতরাং সংস্কৃত ভাষানিভজ্ঞ ব্যক্তিদিগের পক্ষে স্বদেশের বিদ্যাবত্তা নিমিত্ত অভিমান করিবার সময়ে তদ্বিষয়ে পরিজ্ঞান বিরহে সঙ্কে ২ অপ্রতিভ হইবার সম্ভাবনা আছে। অপর সংস্কৃতভাষা এক্ষণে সহজ নহে যে যৎকিঞ্চিৎ ব্যুৎপত্তি থাকিলেই তৎসাহায্যে সংস্কৃতবিদ্যার যাবতীয় বিষয় অবাগত হওয়া যাইতে পারে। কনতঃ যে কোন ভাষায় পুস্তক সঙ্গ্রহীত হউক কেবল ভাষা জ্ঞান সাহায্যে কোন প্রকার বিদ্যার সমস্ত তাৎপর্য পরিগৃহ অতি দুষ্কর। সংপ্রতি এদেশের সর্বত্র সেই সংস্কৃত ভাষারও পরিচালনা নাই; অতএব সর্বসাধারণের মনে স্বদেশের বিদ্যাবত্তা নিমিত্ত যে অভিমান আছে পরিগানে তাহা অগম্যের নিদান হইবে এক্ষণে সম্ভব। কিন্তু যদি স্যৎ সংস্কৃত পুস্তক সকলের মর্ম্ম কোন প্রকারে প্রকাশের নিয়ম হয় তাহা হইলে ঐ আশঙ্কা মনোমধ্যে স্থান লাভ করিতে পারে না—বরং বিবিধ বিষয় পরিজ্ঞাত থাকাতে বহুজ্ঞ বলিয়া পরিচিত হইবার সম্ভাবনা হইতে পারে; অতএব সংস্কৃত পুস্তকের তাৎপর্য সঙ্ক্ষেপে সঙ্কলন পূর্বক প্রকটিত করা উচিত।

সংস্কৃতভাষায় যত প্রকার নাটক নাটিকা আছে তন্মধ্যে অভিজ্ঞান শকুন্তল নামক নাটকের প্রতিষ্ঠা সকলেই করিয়া থাকেন। মহাকবি কালিদাস কর্তৃক ঐ নাটক বিরচিত হয়। তাহার প্রণীত যাবত্ত গুণ্ড অপেক্ষা ঐ পুস্তক উৎকৃষ্ট বটে; এবং তাহার আপনার বচনেই ঐ কাব্য শ্রেষ্ঠ বোধ হয়, যথা “কালিদাসস্য সর্বস্বমভিজ্ঞান-শকুন্তলং”। এই নাটক সংস্কৃতে সঙ্গ্রহীত, একারণ যাহারা নাম



শুবর্ণমাত্রে গদ্য হইয়া ইহার প্রশংসা করেন তাঁহাদের মধ্যেও অনেকের নিকট ইহার বিষয় প্রকাশ আছে কি না সন্দেহ স্থল; অতএব এই নাটকের মর্ম সঙ্ক্ষেপে সঙ্ঘ পুরঃসর নিম্নে প্রকাশ করিলাম।

ভারতবর্ষের মধ্যে পুরু-বংশাবতংস দুয়ন্ত নামা এক নরপতি ছিলেন। একদা মৃগয়ার গমন করিয়া ঘটনা ক্রমে ভগবান্ কণ্ণ মূনির আশ্রমে প্রবেশ করেন। সেস্থানে ঋষিকুমারীদিগের মধ্যে কণ্ণ দুহিতা শকুন্তলাকে অবলোকন করিয়া হঠাৎ চিত্তের চাঞ্চল্য জন্মিলে মনে ২ বিবেচনা করিতে লাগিলেন, এ কি? ঋষিকন্যায় আমার অভিলাষ হয়! ইনি তো ক্ষত্রিয়ের পরিগৃহাৰ্ছা হইবেন না! অথবা এ বিষয়ে সংশয় বৃথা, যখন আমার স্পৃহা হইল আমাদের গৃহণীয়া বটেন! পরে কথা প্রসঙ্গে তদীয়-সহচরী-দ্বয়কে তাঁহার বৃত্তান্ত জিজ্ঞাসা করিলেন; তাহাতে অবগত হইলেন শকুন্তলা কণ্ণ-মহর্ষির পালিতা পুত্রী, ব্রাহ্মণ জাতীয়া নহেন। মহাপ্রভাব কৌশিক মূনি পূর্বকালে উগ্ৰ তপস্যায় প্রবর্তমান হইলে দেবগণ স্বস্বাধিকার-ভ্রংশ-ভয়ে ভীত হইয়া তাঁহার তপোবিঘ্নার্থ মেনকা নামী অপসরাকে প্রেরণ করিয়াছিলেন, তাঁহার গর্তে ঋষির গুহরসে শকুন্তলার জন্ম হয়; ভগবান্ কণ্ণ পুত্রিপালন করাতে পিতা হইয়াছেন। শকুন্তলার পরিচয় প্রাপ্ত হইলে তাঁহার সহিত প্রণয়ানুবন্ধন-নিমিত্ত রাজার চিত্ত যাদৃশ ব্যগ্ৰ হইল রূপনিধান-নৃপতির সহিত সমাগম-প্রার্থনায় শকুন্তলার মনও তক্রপ চঞ্চল হইয়া উঠিল। কিন্তু গভীর প্রকৃতি প্রযুক্ত কেহই সহসা মানস প্রকাশ করিতে পারিলেন না।

কিয়দিন পরে উভয়ের পূর্বরাগ-সম্ভব সমস্ত অরুদশার আবির্ভাব হইল। তৎকালে কণ্ণমূনি আ-

শ্রমে উপস্থিত ছিলেন না। শকুন্তলা বিরহে অধীরা হওয়াতে তাঁহার সহচরীদ্বয় উপায় চিন্তা করিতে প্রবৃত্ত হইল; এবং তাহাদের ঘটকতায় গান্ধর্ব বিধিদ্বারা রাজা শকুন্তলার পাণিগ্রহণ করিলেন। অবিলম্বে তাঁহার গর্ত সঞ্চার হইল; কিন্তু নৃপতি তাহা জানিতে পারিলেন না। অনন্তর রাজ্যহইতে সংবাদ আসিলে রাজা রাজধানী প্রত্যগমন নিমিত্ত প্রেয়সীর সন্নিধানে বিদায় গৃহণ পূর্বক কহিলেন; “আমি অগ্রে গমন করি আমার অন্তঃপুরচারি লোকেরা অনতিবিলম্বে তোমাকে লইতে আসিবেন”। শকুন্তলা বিচ্ছেদ ভয়ে ব্যাকুল হইলে রাজা তাঁহাকে নানা প্রকারে প্রবোধ দিতে লাগিলেন; অবশেষে দৃঢ়রূপে অঙ্গীকার করত কহিলেন “তুমি আমার নামাঙ্কিত এই অঙ্গুরী গৃহণ করিয়া নামের এক ২ টা অক্ষর এক ২ দিন গণনা কর যে দিবস শেষ হইবে নিঃসন্দেহ সেই বাসরে আমার লোক তোমার নিকট আসিবেন”।

রাজা সান্ত্বনা করিয়া গমন করিলেও শকুন্তলা বিরহে বিষণ্ণ হইলেন; এবং কেবল তাঁহার ভাবনায় দিন-যামিনী যাপন করিতে লাগিলেন। এক দিন আশ্রমের মধ্যে কুটীরান্তরে নিষণ্ণ হইয়া আছেন, সহচরীদ্বয় কুমুমাবচয়ন নিমিত্ত অন্তরে গিয়াছেন, ইতিমধ্যে দুর্বাসা মূনি আতিথ্য-গৃহণ-মানসে হঠাৎ আশ্রমে আসিয়া উপস্থিত হইলেন; এবং আত্ম পরিচয় বিজ্ঞাপন পুরঃসর ভিক্ষা প্রার্থনা করিলেন! শকুন্তলা অন্যমনস্ক ছিলেন; তাঁহার হৃদয় সন্নিহিত ছিল না; আপনাকেই জানিতে পারেন নাই; মূনির বাক্য কি প্রকারে শুনিতে পাইবেন? মহাতপা ঋষি সত্ত্বর সপর্যায়র অভাবে রোষ-পরবশ হইয়া অভিসম্পাত দিলেন; “অরে পাপীয়সি, আমি অতিথি, আমাকে পরাভব করিলি? যাহার চিন্তায় নিমগ্ন হইয়া আমাকে অবজ্ঞা

করিলি, সে ব্যক্তি আরিত হইলেও তোকে অরণ করিবে না”। দুর্বাসার এই অভিশাপ শকুন্তলার সখীদ্বয়ের কর্ণগোচর হওয়াতে তাহারা ব্যস্তমস্ত হইয়া সত্ত্বরে কুটীর সন্নিধানে আগমন করিল, এবং বিবিধ-স্তুতি-বিনতিপূর্বক মুনিকে প্রসন্ন করাইতে বিশেষ যত্ন করিল; কিন্তু তাঁহার কোপ মুর্ত্তিনান্; কাহার অনুনয় গৃহণ করিবে? স্তুতি-শতেও শান্তি প্রাপ্ত হইল না। অনেক ক্রম ব্যগ্ৰতার পর মূনি এতাবমাত্র কহিয়া গেলেন “অঙ্গুরী দর্শন করাইলে অরণ হইবেক”।

শকুন্তলার সহচরীরা অরানল-সস্তাপেই সখীর জীবন জংশয় বোধ করিতেছিলেন, আবার দুর্বাসার শাপের কথা শুনাইলে নৈরাশ্য জন্মিয়া হঠাৎ প্রাণবিরোগ সম্ভাবনা, এই বিবেচনা করিয়া এতদ্ব্যপার গোপনে রাখিলেন; আপনাদের নিকট রাজদত্ত মুদ্রাঙ্কিত অঙ্গুরী আছে, তদ্বারা অনায়াসে অরণ করিয়া দেওয়া যাইবে, এই আশ্বাসে তদর্থ আর কোন উদ্বেগও করিলেন না। অনন্তর কণ্ণমূনি আশ্রমে প্রবেশ করিয়া তপঃ-প্রভাবে অবগত হইলেন, তনয়া রাজা দুয়ন্ত-কর্তৃক পরিণীতা হইয়া গর্তবতী হইয়াছেন; অতএব মানন্দচিত্তে কন্যাকে স্বামির সদনে প্রেরণ করিবার উদ্যোগ করিতে কহিলেন; কিন্তু সেহবশতঃ দুহিতার বিশেষ দুঃখে তাঁহার অন্তঃকরণ অতিশয় ব্যাকুল হইয়া কহিতে লাগিলেন।

“মাম্যত্যদ্য শকুন্তলেতি হৃদয়ং সংস্কৃতমুৎকথয়া, অন্তর্বাস্তরোপারোধি গদিতং চিন্তাজড়ং দর্শনং। বৈকল্যং মম তাবদীদৃশমহো স্নেহাদরন্যোকমঃ, পীড়্যন্তে গৃহিণঃ কথং নু তনয়বিপ্লেষদুঃখানবৈঃ॥”

“অদ্য শকুন্তলা পতিগৃহে গমন করিবেন, তজ্জন্য আমার হৃদয় উৎকণ্ঠায় সংস্পৃষ্ট হইল। অন্তর্বাস্তি বাস্পভরে স্পষ্টরূপে কথা কহিতে শক্ত হই-

তেছিল না, অপর দুর্ভাবনায় দৃষ্টি অবিশদ হইল। কি আশ্চর্য! আমি অরণ্যবাসী সুহ বশতঃ আমার এবম্পৃকার কাতরতা জন্মিল, তবে গৃহিণী তনয়ার নব বিশেষে পীড়িত না হইবে কেন?”

অনন্তর প্রস্থানের আয়োজন হইলে শকুন্তলা পিতার দুই জন শিষ্য এবং ধর্মভগিনী গৌতমীর সহিত স্বামি-সদনে যাত্রা করিলেন। যাত্রাকালে তাঁহার দুই জন সখী নানা প্রকারে সুহ প্রকাশ করিল, এবং শেষে এই একটা উপদেশ দিল, “সখি যদি স্যাৎ স্বামির মতান্তর দেখ, অঙ্গুরী প্রদর্শন করিও”। শকুন্তলা মনের আনন্দে ভর্তৃ-ভবন-গমনের উদ্যোগ করিতেছেন এমন সময় হঠাৎ প্রিয় সখীর প্রমুখাৎ পতির মতান্তর সম্ভাবনার কথা শুনিয়া ভীতা হইলেন, তাহাতে সহচরীরা সান্ত্বনা করত কহিল, “সখি, সুহ পাপ দেখে। আমরা তোমাকে অতিশয় ভাল বাসি, তন্নিমিত্ত এই অমঙ্গলাশঙ্কা মনোমধ্যে উদ্ভিত হইল রাজার অনুরাগ আপ-নিই তো দেখিয়াছ, মতান্তর হইবে কেন?” এই বলিয়া তাহারা বিদায় হইল। শকুন্তলা ভর্তৃ-গৃহাভি-মুখে যাত্রা করিলেন। যাইতে ২ পথিমধ্যে শক্রাবতার তীর্থে সলিল-বন্দন করিতে গেলেন। সেখানে অসাবধানতাক্রমে সেই অঙ্গুরী পাড়িয়া গেল, জানিতে পারিলেন না। অনন্তর স্বামি সদনে গিয়া উপস্থিত হইলেন। রাজা ঋষি-শাপবশতঃ সকলই বিস্মৃত হইয়াছেন, চিন্তিতেই পারিলেন না; পরস্ত্রী বোধে তৎক্ষণাৎ প্রত্যাখ্যান করিলেন। শকুন্তলা এই বিমাননায় খিন্না হইয়া উচ্চৈঃ-স্বরে রোদন পূর্বক বিলাপ করিতে আরম্ভ করিলে আকাশহইতে এক জ্যোতিঃ অবতরণ পুরঃসর তাঁহাকে ক্রোড়ে করিয়া অন্তর্ধান হইল। এই ব্যাপারদর্শনে রাজা সাতিশয় বিস্ময়াকুল হইলেন।

কিয়দিন পরে এক জন ধীবর একটা রৌহিত



মৎস্যের উদরে অঙ্গুরী প্রাপ্ত হইয়া বিক্রয়ার্থ আনিলা। রাজপুরুষগণ তাহাতে রাজার মুদ্রাঙ্কন দর্শন করিয়া রাজকীয় বোধে ধাবরকে ধারণ পূর্বক সেই অঙ্গুরী নৃপসমীপে লইয়া গেল। অঙ্গুরী দর্শন মাত্রে রাজার স্মরণ হইল শকুন্তলার পাণিগ্রহণ করিয়াছিলাম; এবং তখন তদীয় কপলাবণ্য ও প্রণয় অনুধ্যান করত বিরহে অধীর হইলেন; কিন্তু তদানী কোন উপায় নাই, একারণ নিরন্তর বিষাদেই দিন-যামিনী যাপন করিতে লাগিলেন। কিয়ৎকালগতে দেবরাজ ইন্দু কোন বিষয়ে রাজার সাহায্য গৃহণ-নিমিত্ত রথ-সহিত স্বীয় সারথিকে রাজানরনে প্রেরণ করিলেন। ভূপতি ত্রিংশতিপতির আদেশ-প্রাপ্তি-মাত্র গমন করিয়া কার্য সম্পাদন পুরঃসর প্রত্যাগমন করিতেছেন পথিমধ্যে মারীচাশুমে দর্শনের ইচ্ছা হওয়াতে ইন্দু সারথির সহিত সেই স্থানে প্র-বিষ্ট হইলেন। সেখানে একটা শিশু পথিমধ্যে গুপ্তত প্রকাশ করিতেছিল। তাহার রক্ষিকাগণ তাহাকে সাত্ত্বনা করিতে পারে নাই, একটা সিংহ শাবক লইয়া তদুপরি উৎপাত করিতেছিল। রাজা তাহাকে দেখিয়া বিবেচনা করিলেন এই তপো-ধন অবিনয়ের অভূমি, এখানে এমত বালক কি প্রকারে জন্মিল। পরে রক্ষিকাকে তাহার জন-কের কথা জিজ্ঞাসা করাতে সে ধর্মদার-পরি-ত্যাগির নাম গৃহণ করিতে অস্বীকার করিল। রাজা দাসীর বাক্য শুনিয়া এবং বালকের প্রতি আপনার বাৎসল্যভাবের হঠাৎ আবির্ভাব দেখিয়া মনে আপনার পুত্র বলিয়া আশংসা করিলেন। তদনন্তর বালকের প্রমুখাৎ তজ্জনমীর নাম শ্রবণ ও অন্যান্য ঘটনা নিশ্চয় হইল। তাহাতে শকুন্তলার সহিত পুনর্বার সন্মিলিত হইয়া পরম সুখে চরম কাল যাপন করিলেন। দুয়-


স্তের পুত্র মারীচাশুমে ভূমিষ্ঠ হইলেন। মুনিগণ তাঁহার জাতকর্ম্মাদি করণানন্তর সাহস দেখিয়া আদৌ “সর্বদমন” নাম রাখিয়াছিলেন। কিন্তু পরে সমস্ত পৃথিবীর ভরণ পোষণ করাতে তাঁহার সংজ্ঞা “ভরত” হইল। \* \* \*

## উষ্ট্র।

তৎপত্রের প্রথম পর্বে (১১৮ পত্রে) আরব্য-দেশের ইতিহাস প্রসঙ্গে ম-হাগ্নীবে উল্লেখ হইয়াছে; কিন্তু স্থা-নাভাব-প্রযুক্ত তথায় উক্ত পশুর চিত্র প্রকাশ করা যায় নাই। অধুনা তাহা বিহিত হইল। এই পশু ভারতবর্ষের উত্তর পশ্চিমস্থ সমস্ত দেশে সুপ্ৰসিদ্ধ, কেবল বঙ্গদেশে ও দক্ষিণদেশে ইহা সুলভ নহে। পরন্তু ইহার প্রধান আবাস-স্থান চীন-দেশের পশ্চিমাঞ্চল অর্থাৎ আফ্রিকা-খণ্ডের মরীচানা-দেশ পর্যন্ত। উক্ত সীমান্তগত সমস্ত দেশে বহু সংখ্যক উষ্ট্র আছে; এবং তত্রত্য মনুষ্য মাত্রেই এই প্রয়োজনীয় পশুহইতে নানা-বিধ উপকার প্রাপ্ত হইয়া থাকে।

উষ্ট্রেরা রোমস্থ অর্থাৎ ভুক্ত-বস্ত-উদ্ভীরণপূর্বক পুনশ্চর্ষণ করে; কিন্তু দন্ত-সংখ্যা প্রভেদে অপর রোমস্থ কারি পশুহইতে ইহার লক্ষণ ভিন্ন। গবাদি রোমস্থ কারি-পশুর অধোমাড়িতেই ছেদন-দন্ত হয়, উর্দ্ধমাড়ির পুরোভাগে ছেদন-দন্ত হয় না। উষ্ট্রের উভয় মাড়িতেই ছেদন-দন্ত আছে। অধো-মাড়িস্থ ছেদন-দন্তের সংখ্যা ৬, উর্দ্ধমাড়িস্থ উক্ত দন্তের সংখ্যা ২; দন্ত সমুদায়ের সমষ্টি ৩৪।

প্রস্তাবিত পশুর অবয়ব সুন্দর নহে। ইহার গুণগন্যাদার ন্যায় ছেদিত; চক্ষুর্গোলক বহ-





দাকার এবং তৎকোটরের অনুপযুক্ত; নাসিকা তির্য্যগ্ভাবাপন্ন ও সঙ্কোচনযোগ্য; মস্তক বৃহৎ; গুণীবা লম্বায়মান ও ক্ষীণাবয়ব; পৃষ্ঠদেশ কুরু; নিতম্ব নিম্ন ও কদর্য্য; উরু ও জঙ্ঘা অপরিমিত দীর্ঘ; পদ স্থূল এবং দুই মাত্র নখাবিশিষ্ট; পরন্তু এই সকল কুলক্ষণ সত্ত্বেও এতৎ পশুদ্বারা মনুষ্যের যে প্রকার উপকার হইয়া থাকে, অপর কোন পশুহইতে তাদৃশ সম্ভাবনা নাই।

উক্ত হইয়াছে; উষ্ট্রের ওষ্ঠ গন্নাখাদ্য; পরন্তু ওষ্ঠ ঐ প্রকারে ছেদিত না হইলে ঐ পশু বালুকারণের কণ্টকময় গুল্ম ভক্ষণ করিয়া দিনপাত করিতে সক্ষম হইত না। তির্য্যক্ ও সঙ্কোচনযোগ্য নাসিকা সুলক্ষণ নহে; কিন্তু তদভাবে “সিমুম্” নামক ভয়ানক বালুকা-প্রবাহহইতে কি প্রকারে সুলভে নিস্তার হইতে পারিত? উক্ত ঝড়ের আগমন-সময়ে মনুষ্যেরা ভূমিতে শয়ন করিয়া মৃত্তিকায় মুখ লুক্কায়িত করত অতিক্রমশে প্রাণ-রক্ষা করেন; উষ্ট্র নাসিকা সঙ্কোচ করিলেই ঐ ভয়ঙ্কর বালুকাপ্রবাহকে তুচ্ছ করিতে পারে। কুব্-পৃষ্ঠ অত্যন্ত ঘৃণাজনক, পরন্তু তদবলম্বনেই মহাপৃষ্ঠ পক্ষাধিক-কাল অনাহারে যাপন করিতে পারে। যে সকল উষ্ট্রের ককুদ শুষ্ক এবং ক্ষুদ্র তাহারা বৃহৎ-ককুদবিশিষ্ট-উষ্ট্রের তুল্য পরিশুম করিতে ও উপবাস সহ্য করিতে সক্ষম হয় না\*। অপরিমিত-দীর্ঘ-জঙ্ঘা সুদৃশ্য নহে; কিন্তু সেই দীর্ঘতা ইহার গতিকুশলের প্রতি কারণ, তদভাবে ঐ পশু “দীর্ঘগতি” নাম প্রাপ্ত হইত না। ফলতঃ এই কুলক্ষণ সকলই ইহার উপকারিতার প্রধান কারণ, এবং তদভাবে উষ্ট্র মনুষ্যের পরমোপকারি মধ্যে গণ্য হইত না। বারি ও তৃণহীন কেবল বালু-

\* অনাহার সময়ে উষ্ট্র কি প্রকারে ককুদহারা প্রতিপোষিত হয় তাহার কারণ প্রথম পর্কের ১১৮ পৃষ্ঠায় উক্ত হইয়াছে।

কাময় দুর্গম-প্রান্তর-ভ্রমণ-করণার্থে উষ্ট্র এক মাত্র উপায়; তন্নিম্ন আর কোন প্রতিকার নাই; এবং এই হেতুক কবিতানুরাগি আরব্য-লোকেরা ঐ পশুকে “অরণ্যপোত” শব্দে বর্ণনা করিয়াছেন।

ঐ অরণ্যপোতের মাংসে আরব্য-লোকেরা জীবন ধারণ করে; ইহার দুগ্ধ তাহাদের উৎকৃষ্ট পেষ; ইহার লোমজ-বস্ত্রে তাহারা পরিধেয় এবং শিবির প্রস্তুত করণের বস্ত্র প্রাপ্ত হয়; এবং ঐ বস্ত্রের কিয়দংশ ভারতবর্ষে ও অন্যত্রও নীতহইয়া থাকে; বিলাতে উক্তপশুর লোমে তুলি প্রস্তুত হয়; উষ্ট্রমল আরব-দেশে জ্বালানিকাষ্টের পরিবর্তে ব্যবহৃত হয়; এবং ঐ ইন্ধনের ধূমে “নিসাদল” নামক খার দুব্ প্রস্তুত হইয়া থাকে। ফলতঃ এই পশুহইতে আরব্য-লোকেরা ভক্ষ্য, পেষ, বস্ত্র, গৃহ, যান, বাহন, বাণিজ্য দুব্যাগি সকল বস্ত্র প্রাপ্ত হয়; অথচ ইহার প্রতিপালনে কোন বিশেষ আয়াসের আবশ্যক নাই; বনের কণ্টক তৃণই ইহার সুখাদ্য আহার; এবং পক্ষাধিক তাহার অভাবেও ঐ পশু ভার বহনে অসম্মত বা অক্ষম হয় না।

উষ্ট্রের তিন জাতি আছে; প্রথম, “হিগুইন”, ইহা সর্বাপেক্ষায় দীর্ঘ এবং ১৫ মন ভার বহন করিয়া থাকে; দ্বিতীয়, “বেকেতি”; ইহা পূর্বা-পেক্ষায় ক্ষুদ্র; ইহার পৃষ্ঠে দুই ককুদ হয়, এবং ইহা ৮-৯ মন ভার বহন করে; তৃতীয়, “ইল্ হৈরি” ইহা সর্বাপেক্ষায় খর্ব এবং ভার বহনে অক্ষম; কিন্তু ইহার তুল্য ব্যাপককাল-দ্রুতগামী আর কোন পশু নাই। ইহার প্রশংসায় রূপক-বর্ণনা প্রিয় আরবেরা করিয়া থাকে, “পথিমধ্যে যদ্যপি হৈরি দেখিতে পাও, এবং তাহার স্বামি তোমাকে “সেলাম আলেকম” শব্দদ্বারা সম্বোধন করে, তবে তুমি তাহাকে “আলেকঃ সেলাম”

কহিতে কহিতেই সে অদৃশ্য হইবেক; কারণ হৈরি বায়ুহইতেও দ্রুতগামী”। হৈরি অক্লেশে আফরিকা দেশের দুর্গম-অরণ্যে ৪৫০ ক্রোশ পথ অষ্টাহের মধ্যে ভ্রমণ করিয়া থাকে; ফলতঃ ঐ দ্রুতগতির সাহায্য পাইলে কলিকাতাহ লোকেরা সপ্তাহের মধ্যে কাশ্মীর বিশ্বেশ্বর দর্শন করত অনায়াসে স্বর্গহে পুত্র্যগমন করিতে পারেন।

### কাশ্মীর-দেশের ইতিহাস।

সংস্কৃত ভাষায় বিরচিত রাজতরঙ্গিণী নামক গুহ্য কাশ্মীর-দেশীয় বৃত্তান্ত বিস্তারিতরূপে বর্ণিত হইয়াছে। এতাবৎ কালপর্য্যন্ত বোধ ছিল যে ঐ গুহ্য সর্বতোভাবেই সম্পূর্ণ, কিন্তু পরিণামে উপলব্ধ হইল, ইহা তিন ২ সময়ে চারি জন ইতিহাস-লেখকেরা রচনা করিয়াছেন; এবং বস্তুতঃ ইহা চারি খানি পৃথক ২ গুহ্য। এই রচনা চতুর্ভুজের প্রথম-ভাগের নাম “রাজতরঙ্গিণী”। ইহা চম্পকপণ্ডিতাজ্জ শ্রীকল্প পণ্ডিতকর্তৃক বিরচিত। ইনি প্রাচীন ২ গুহ্যহইতে প্রমাণ সঙ্কলন করিয়া বিবিধপ্রকার প্রয়োজনীয় ভূরি ২ রাজবৃত্তান্ত সঙ্গ্রহ করেন; এবং যে সকল গুহ্যের উল্লেখ করিয়াছেন তাহার মধ্যে সুব্রত, নরেন্দ্র, হেলরাজ, পদুমি-হির, এবং শ্রীছবিলাকার পুণীত গুহ্য-সকল প্রধান বোধ হইতেছে। কল্পন “নোলমণি” নামক এক গুহ্যেরও প্রমাণ উদ্ধৃত করিয়াছেন। বোধ হয় ঐ গুহ্য নিরবচ্ছিন্ন কাশ্মীর-দেশ প্রচলিত “নীলপুরাণ” নামক পুরাণই হইবেক। কাশ্মীর-দেশীয় ইতিহাস লেখকেরা স্বদেশের ইতিহাস-বিষয়ে যে বিলক্ষণ সযত্ন ছিলেন, এই সকল গুহ্যের নামহইতে তাহার বিশিষ্ট প্রমাণ প্রাপ্ত হওয়া যায়। কল্পনের

ইতিহাসে কাশ্মীর-দেশের আদ্য অবধি ৯৪৯ শকে দ্বিতীয়-রাণীর ভ্রাতৃপুত্র সঙ্ঘাম-দেবের রাজত্ব পর্য্যন্ত সমস্ত সময়ের ইতিহাস বর্ণিত হইয়াছে।

দ্বিতীয়-গুহ্যের নাম “রাজাবলী”। ইহা শ্রীজোন-রাজদ্বারা বিরচিত, এবং ইহাতে সঙ্ঘামদেবের উত্তরাধিকারী অবধি জৈনুলবুদ্দীন পর্য্যন্ত কাশ্মীর-দেশের সমস্ত রাজাদিগের বিবরণ আছে।

তৃতীয়-গুহ্যের নাম “জৈনরাজতরঙ্গিণী”। ইহা জোনরাজশিষ্য শ্রীবরপণ্ডিতদ্বারা বিরচিত। জোনরাজার রচিত গুহ্য হইতে অনেকাংশ শ্রীবর ইহাতে উদ্ধার করিয়াছেন। ইহা জৈনুলবুদ্দীনের বিবরণ অবধি আরম্ভ হইয়া কতেশাহের সিংহাসনারোহণ পর্য্যন্ত শেষ হয়। উহার নাম শুবণে পাঠকবর্গের অনেকেই বোধ করিতে পারেন যে ইহা জৈনদিগের শাস্ত্র মধ্যে গণ্য; কিন্তু তাহা নহে। এই গুহ্যকার শিবের অনুকূল-সাধক ছিলেন। জৈনুলবুদ্দীন হিন্দু-পূজাগণের অতি হিতৈষী ও তাহাদের গুহ্য রচনা-বিষয়ে বিশেষ সাহায্য প্রদান করিতেন, একারণ গুহ্যকার তাঁহার অরণ্যার্থে এই গুহ্য তাঁহার নামেই বিখ্যাত করিয়াছেন।

চতুর্থ গুহ্যের নাম “রাজাবলী-পতাকা”। ইহা শ্রীপুণ্য বা শ্রীপ্রাজ্ঞ ভট্টকর্তৃক আকবর শাহের সময়ে বিরচিত হয়। ইহাতে গুহ্যকর্তার পূর্বপুরুষের বিবরণ অবধি আকবর শাহের কাশ্মীর-দেশ-সময়পর্য্যন্ত সমস্ত ব্যাপারের সম্পূর্ণ ইতিহাস আছে। শ্রীবরের গুহ্য যে স্থলে শেষ হয় তথায় ইহার আরম্ভ; অর্থাৎ কতেশাহের সমকালে আরম্ভ হইয়া নাজিবশাহের সময়ে সমাপ্ত হয়। কেবল হোমাতুনের পারস্য-দেশে পলাইয়া যাওয়ার বিষয়ে ইতিহাস লেখক কিছুমাত্র বিবরণ করেন নাই।

কাশ্মীর-দেশীয় ইতিহাস প্রারম্ভে লিখিত আছে-



যে অধুনা যে স্থানের নাম কাশ্মীর প্রাচীনকালে সে স্থান জলে পরিপূর্ণ থাকিয়া “সতীসরস হুদ” নামে বিখ্যাত ছিল। ঐ হুদোপরি এই রাজ্য স্থাপিত হয়। এই বাক্য যে কেবল মোসলমান ইতিহাস-লেখকেরাই লিখিয়াছেন এমন নহে। তদে-শীয়-পারম্পরাগত কথার সহিতও ঐক্য হয়; এবং ভূগোলবেত্তা মেজর রেনল সাহেবের লেখনানুসারে এতৎকথা সম্ভবরূপে প্রতীত হইতেছে।

হিন্দু ইতিহাস লেখকেরা লেখেন যে বুদ্ধ-নন্দন-মরীচির তনয় কাশ্যপঋষি ঐহুদের সমুদায় জল সৈঁচিয়া ফেলেন। মুসলমানেরা বলে উক্ত ঋষির নাম কশেফ বা কশেব। তন্মধ্যে কেহ কহে তিনি হিন্দু ঋষি ছিলেন না, কিন্তু এক জন দেবদূত সোলেমানের অনুচর ছিলেন; নিজ প্রভুর আদেশানুসারে এই কাশ্মীর-রাজ্যের জল শোষণ করেন। বরামোলাঃ নামক পর্বত-মধ্য-দিয়া পথ করিবাতে তথাহইতে এই সমস্ত জল নির্গত হইয়া যায়। কাশ্যপ প্রথমতঃ যে সূতি দিয়া ঐহুদের জল নির্গত করেন হিন্দুদিগের ইতিহাসে তাহার কিছুমাত্র উল্লেখ নাই। সে যাহা ইউক, এ স্থান বস্তুতঃ যে জলপূর্ণ ছিল তাহাতে অসম্ভব বোধ হয় না। আর বরগিরর সাহেব অনুভব করেন যে পর্বত-মধ্যে ভূমিকম্পাদিরূপ কোন দৈব ঘটনা পর্বতীয় সীমা বিদীর্ণ করিয়া জলের সূতি প্রস্তুত করে; এবং তদ্বারা কাশ্মীর দেশের জল পঞ্জাবে নিপতিত হয়।

কথিত আছে, কাশ্যপ সতীসরের জল শোষণ করিয়া প্রধান ২ দেবতার সাহায্যবলম্বনে তাহাতে প্রজা বসাইয়াছিলেন। এতদুপলক্ষে তিনি স্বর্গহইতে দেবতাদিগকে তথায় আনিয়াছিলেন। তৎকালে এতদ্দেশে ঐশ্বরের উপাসনা পরিবর্তে নাগ বা সর্প-দেবের পূজা প্রচলিত ছিল। এই কুরীতি তদেশীয়

অসভ্য জাতির মধ্যে যে প্রচররূপ সদ্যঃ প্রবল হইয়া উঠে তাহার মূল কারণ এই যে জলশোষণান্তর এই স্থান অতিশয় সোঁতা কর্দম ময় হওয়াতে সচরাচররূপে সর্প বৃশ্চিক প্রভৃতি নানাবিধ বিষধর জাতি উৎপত্তি হইত, এবং তাহাদিগের ভয়ে তত্রত্য মনুষ্যেরা তাহাদিগকে পূজা করিত।

রাজতরঙ্গিণীগুহ্তে উক্ত আছে; কাশ্মীর-দেশের স্থাপনাবধি গোনর্দের রাজত্ব পর্য্যন্ত কুব্বংশের ৫২ জন রাজা ক্রমান্বয়ে ১২ ৬৬ বৎসর পর্য্যন্ত ইহার শাসন করে; গুহ্তকার কহেন যে ঐ রাজাদিগের নাম উল্লেখ করিবার যোগ্য নহে; কারণ তাহারা বেদাচার বহির্মুখ হইয়া নানাবিধ অপকার্যদ্বারা জীবন যাত্রা নির্বাহ করিত।

মুসলমানেরা কহে যে উক্ত সময়ে কাশ্মীর-দেশে কোন হিন্দু রাজার অধিকার ছিল না। সোলেমানের অনুজ্ঞায় তথাকার জল শোষিত হইলে পর তিনি সে স্থানে জনসমাজ স্থাপন করত আপন ভ্রাতৃপুত্র ঈশানের হস্তে তাহা সমর্পণ করেন। ঈশানের মৃত্যুর পর কাশ্মীররাজ্য তাঁহার পুত্র কসল্ঘমের অধীনে উনবিংশ বৎসর পর্য্যন্ত শাসিত হয়। কসল্ঘমের পুত্র মহরুকজ। এই ব্যক্তি ত্রিশৎ বর্ষ রাজত্ব করত নিঃসন্তান-প্রযুক্ত আপন পোষ্য-পুত্র পাণ্ডু খাঁর হস্তে রাজ্য সমর্পণ করে। এই পাণ্ডু খাঁর জন্ম ও মৃত্যু বিষয়ে অদ্ভুত এক গল্প-প্রচার আছে। মুসলমানেরা কহে; তাঁহার মাতা এক বিশেষ তড়াগে স্নান করাতে গর্ভবতী হয়, এবং ঐ তড়াগে তিনি স্বয়ং স্নান করণাভিপ্রায়ে অবগাহন করিবামাত্র একেবারে লুপ্ত হন অর্থাৎ তাঁহার দেহ যে পদার্থ হইতে উদ্ভব হইয়াছিল তাহাতেই লীন হইয়া গেল; কিছুমাত্র প্রত্যক্ষ অবশিষ্ট রহিল না। ইহার অপত্য-সঙখ্যা বহুতর; ইনি স্বয়ং স্ববংশে

পঞ্চদশ সহস্র ব্যক্তিকে বর্তমান দেখিয়াছিলেন। অধুনা এই পাণ্ডু খাঁ মহাভারতীয় পাণ্ডব-পিতা কি অন্য কেহ ইহা অনুসন্ধান করিয়াছেন।

পূর্বেই উক্ত হইয়াছে যে রাজতরঙ্গিণী-গুহ্ত-কার কহণ-পাণ্ডিত লেখেন কুব্বংশীয় ৫২ ব্যক্তি কাশ্মীর শাসন করিয়াছিলেন; পাণ্ডু স্বয়ং হিমালয় পর্বতে বহুকাল বাস করিয়াছিলেন; এবং যুধিষ্টিরাদি ভুবনবিখ্যাত তাঁহার পঞ্চ পুত্রের জন্ম সেই স্থানে হইয়াছিল ইহাও সুপ্রসিদ্ধ আছে। মহাভারতে উক্ত আছে, যে সময়ে কুন্তী পঞ্চ-পুত্রসহ হস্তিনাপুরে প্রত্যাগমন করেন তখন পুরজনে পাণ্ডবদিগকে ভণ্ডজ্ঞান করিয়া কহিয়াছিল, যদা চিরমৃতঃ পাণ্ডুঃ কথং তস্য তে চাপরে।

“পাণ্ডু বহুকাল মরিয়াছেন; ইহারা তাঁহার সম্ভান কি প্রকারে হইবেক?” অতএব মুসলমান গুহ্তোক্ত পাণ্ডু খাঁ যে কুব্বংশজাত পাণ্ডুরাজের অপরাধিধান মাত্র ইহা সম্ভব হইতে পারে। পুরাণাদিতে উক্ত আছে যে কুব্বরাজার রাজপাট হস্তিনাপুর এবং তাঁহার বংশ তৎপাটেই ক্রমান্বয়ে রাজত্ব করিয়াছিলেন; কিন্তু তাহাতে কাশ্মীরে তৎসংশীয় কোন এক শাখার আধিপত্য স্থাপনের বাধা কি?

পরন্তু এ সম্বন্ধে গুহ্ত করিলেও হিন্দু ও মুসলমান গুহ্ত কর্তৃদিগের বাক্য পরস্পর ঐক্য হয় না। মুসলমানেরা কহে পাণ্ডু খাঁর পর অনুন ৪০ ব্যক্তি কাশ্মীরদেশের রাজত্ব করিলে গোনর্দ নামী এক জন রাজা হন। কহণ পাণ্ডিত লেখেন ৫২ জন কুব্বংশীয় রাজা কাশ্মীরের আধিপত্য করিলে পর গোনর্দ রাজটীকা ধারণ করেন, এবং ঐ গোনর্দ শ্রীকৃষ্ণ-যুধিষ্টিরাদির সমকালে বর্তমান ছিলেন। পরন্তু কুব্বংশীয় ৫২ ব্যক্তির পর সদ্য-পি গোনর্দ রাজা হইয়া থাকেন তাহা হইলে

যুধিষ্টির সমকালীন কি প্রকারে হইবেন? ফলতঃ মুসলমান ও হিন্দু উভয় জাতীয় গুহ্তই ভুরি ২ অসংলগ্ন বাক্যে পরিপূরিত; তাহার সম্বন্ধ করা দুষ্কর; অতএব তদ্বিষয়ে কালক্ষেপ না করিয়া রাজতরঙ্গিণ্যুক্ত প্রধান ২ বাক্যই এস্থলে উদ্ধৃত করিব।

প্রস্তাবিত গুহ্তে রাজা গোনর্দ অতি প্রধানরূপে বর্ণিত হইয়াছেন। তিনি মগধাধিপতি জরাসন্ধের জ্ঞাতি মধ্যে গণ্য ছিলেন; এবং যে সময়ে শে-যোক্ত রাজা শ্রীকৃষ্ণের বিপক্ষে যুদ্ধ যাত্রা করেন তৎসময়ে তিনি তাঁহার সাহায্যার্থে অগুসর হন। জরাসন্ধ ও গোনর্দ স্ব ২ সৈন্যসামন্ত লইয়া মথুরাদেশে উপনীত হইলে শ্রীকৃষ্ণ অনার্যাসে তাহাদিগকে পরাস্ত করেন; এবং তৎসময়ে শ্রীবলদেবের হস্তে গোনর্দের নিধন হয়। গোনর্দের মৃত্যুর পর তাঁহার পুত্র দামোদর কাশ্মীর-দেশের সিংহাসনারোহণ করত অবিলম্বে পিতৃবৈর-নির্যাতনার্থে উৎসুক হইয়া যদুবংশীয় কোন রাজকুমার গান্ধারদেশে বিবাহ করত গৃহে প্রত্যাগমন করিতেছেন দেখিবামাত্র সক্রোধে তাঁহাকে আক্রমণ করিলেন; কিন্তু ভাগ্যক্রমে নববিবাহিতা বধুটিকে ধ্বংস করিয়া স্বয়ং শমন-ভবন পরায়ণ হইলেন। মৃত্যু-সময়ে তাঁহার যশোবতী নামী পতিপুত্রা গেহিণী গর্ভবতী ছিলেন, এবং যাদবদিগের কোপ-হইতে স্বরাজ্য রক্ষণে অত্যন্ত অক্ষমা; সুতরাং কাশ্মীরদেশ যদুকুল-হস্তে পতিত হইবার সম্ভাবনা হইল; কিন্তু শ্রীকৃষ্ণ অন্যমত করিয়া যশোবতীর হস্তহইতে রাজ্য অপহরণ করিলেন না, এবং কাশ্মীরের প্রশংসার্থে কহিয়াছিলেন—

কাশ্মীরঃ পার্বতী তত্র রাজা জেয়ো হরাংশজঃ।

নাবজেষঃ স দুষ্কৌংপি বিদুষা ভূতিমিচ্ছতা ॥

“পার্বতী স্বয়ং কাশ্মীরদেশে অধিষ্ঠিতা, এবং তথাকার রাজাকে শিবের অংশজ জানিবে, অত-



এব সে দুষ্ট হইলেও বিভূত্যাঙ্কি পণ্ডিতের পক্ষে তাহার অবজ্ঞা করা কর্তব্য নহে।”

### বুদ্ধদেশীয় মহাত্মা-বিশেষের বিবরণ।

(বন্ধুহইতে প্রাপ্ত।)

সর্বত্রই রাজা প্রধান ও সর্বাঙ্গুগণ্য হইয়া থাকেন, তৎপরেই দেশভেদে যুবরাজ, বা রাজী, বা প্রধান ধর্মোপদেষ্টা মানাই হয়; কিন্তু বুদ্ধদেশে এই নিয়মের অন্যথা আছে। তথায় রাজী বা যুবরাজ রাজার সামিধ্য পদাভিষিক্ত নহেন। ঐ পদ অপর এক ব্যক্তি প্রাপ্ত হয়; এবং রাজ-মহিষীত্যাঙ্গি অপর সকলেই তাহার কনিষ্ঠরূপে গণ্য ও মান্য হয়। রাজার ন্যায় এই মহামান্য ব্যক্তির মন্ত্রি সমাজ, অমাত্য (উজির), কোবাধিপতি (দেওয়ান), অনুকোবাধিপতি (নায়িব দেওয়ান), সচিব, অনুসচিব, নংবাদদাতা ইত্যাদি বিবিধ রাজকীয় কর্মচারী আছে। তাহারা ইহার অধীন সমস্ত প্রদেশের (জমিদারির) শাসন করিয়া থাকে। বুদ্ধদেশে বিদেশীয় রাজদূত সমাগত হইলে, রাজাকে যথাযোগ্য উপঢৌকন-প্রদান-পুরঃসর এই পূজার্থ ব্যক্তিকে চলি, সাটিন, বনাত, উত্তম মলমল ইত্যাদি বিবিধ উপাদেয় দ্রব্যের উপঢৌকন নিবেদন করে, তৎপরে রাজমহিষী ইত্যাদিরা স্বয়ং সম্মানোপযোগ্য উপঢৌকন প্রাপ্ত হন। এই পূজনীয় ব্যক্তি কে, বোধ হয়, তাহা পাঠকেরা সহসা অনুভব করিতে পারিবেন না, অতএব আশ্রয়ই তাহার নামোল্লেখ করিতেছি। তিনি শ্বেত-হস্তী। বুদ্ধদেশাধিপতির নানা উপাধির মধ্যে “শ্বেতহস্তিপতি” এক প্রধান উপাধি। রাজতুল্য এই শ্বেতহস্তির সমাদর। রাজভবনের নি-

কট চতুঃষষ্টি সুদীর্ঘ স্তম্ভদ্বারা শোভিত এক প্রসস্ত অট্টালিকায় ইহার অবস্থিতি হয়। উক্ত স্তম্ভের অর্দ্ধ সঙ্খ্যা ও ঐ অট্টালিকার সর্বত্র সুবর্ণে মণ্ডিত, এবং রাজভবনের সহিত এক বিস্তৃত বারান্দাদ্বারা সংমিলিত। সহসা এই হস্তি-রাজের দর্শন পাওয়া দুষ্কর; হেমথচিত কৃষ্ণবর্ণ মথ্মনের এক যবনিকা ইতর লোকের দৃষ্টিহইতে ইহাকে আচ্ছাদন করিয়া রাখে। বুদ্ধদেশীয় সামান্য লোকেরা ঐ যবনিকার সম্মুখে নানা প্রকার বস্ত্র উপঢৌকন প্রদানপূর্বক প্রণাম করিবার অবকাশ পাইলেই আপনাদিগকে কৃতার্থ মানে। এই ভগবান্ পূজ্যপাদের পুরোপদেয় কাপার শৃঙ্খলে—ও অপর পাদদ্বয় অপকষ্ট রেশমের রজ্জুতে—বন্ধ থাকে। ইহার শয্যা নীলবর্ণ-বস্ত্রাচ্ছাদিত গদির উপরি রক্তবর্ণ-পটুবস্ত্রাবৃত কোমল তোশক। ইহার সুবর্ণ-নির্মিত-তাম্বুলাধার (পানদান), নিষ্টিবন-পাত্র (পিক্-দান), ভোজন-পাত্র ও দেহ-সজ্জা প্রভৃতি সকল বস্তুই মণিমুক্তা প্রবলাদিতে খচিত। ইহার সমুদায় ভূত্যবর্গের সঙ্খ্যা সহস্রের ন্যূন নহে। জড় বুদ্ধিতাপ্রযুক্ত এই মর্ত্য-লোকীয় মহামান্য এরাবতের মহিমা বিদেশীয় লোকের হৃদয়ঙ্গম হয় না; তাহাদিগের অনেকে কহে যে ইহা এক ব্যাধিগুস্ত পশু। ইংরাজি ১৮১০ অব্দে কাণ্ডান কানিং সাহেব বুদ্ধরাজধানীতে গমন করিয়া এই পশুকে দর্শন করণ সময়ে তৎসমীপে বহুজনকে প্রণত দেখিয়াছিলেন। তিনি কহেন যে ইহা যৎসামান্য খর্চ ও ধবলরোগাক্রান্ত কচ্চ বর্ণ পশু। বুদ্ধদেশীয় লোকেরা এই পশুর মাহাত্ম্য বিষয়ে জিজ্ঞাসিত হইলে কহে যে জীবাশ্মা নানা প্রকার দেহভ্রমণানন্তর মুক্তির প্রাক্কালে শ্বেত-হস্তি-রূপে জন্ম-গৃহণ করে, অতএব তাহা পূজার্থ। যা. ক্. সি।



## বিবিধার্থ-সঙ্গ্রহ,


অর্থঃ

পুরাতত্ত্ব-ইতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

২ পর্ষ]

শকাব্দ ১৭৭৪, মাঘ।

[১৪ খণ্ড।



রেশম পশুত করণের পুথ্য।

বাল্যকালে আমরা এক গল্প পাঠ করিয়াছিলাম; তাহাতে বিবৃত আছে যে একদা শরদঋতুর প্রাক্কালে কএক

জন অস্পবয়স্ক উদ্ধত-স্বভাব নগরবাসী কোন কৃষকের ক্ষেত্রে গমন করিয়াছিল। তন্মধ্যে কেহ শস্যক্ষেত্র-মধ্যস্থ স্বয়ং-জাত শুকু-পুষ্পমণ্ডিত কৃষ্ণ-তণের শোভা-দৃষ্টে পরমাপ্যায়িত হইল; কেহ ২



শরগুলোর প্রশংসা করিতে লাগিল; কেহ বা গদগদ-চিত্তে শূগাল-কণ্টকের উজ্জ্বলপাতপুষ্পের গুণবর্ণন করিল; পরন্তু সকলেই একবাক্যে কহিল যে ক্ষেত্রস্থ পুষ্পহীন হরিৎ-তৃণ-সকল (অর্থাৎ শস্য-সকল) তথায় থাকা উপযুক্ত নহে; এবং তদর্থে তত্রত্য কৃষককে তিরস্কার করিয়া কহিল যে সে আপন কর্তব্য কর্মে যথাযোগ্য মনোযোগী হইলে উক্ত সুশোভন-পুষ্পচয়ের চতুর্দিকে ঐ কদর্য ঘাস কদাপি জন্মিতে পারিত না। অধুনা দৃষ্ট হইতেছে, তাদৃশ কুশপুষ্পানু-রাগী শস্যদেষী বিদ্যাক্ষেত্রেও বর্তমান আছে। তাহার নিন্দা বা দ্বেষবিবর্ধক বাক্য অথবা আদিরস যত্নিত অশ্লীল অশ্লাব্যপদপূর্ণ পুস্তক পাইলেই মুগ্ধ হয়; তদিতর সকল গুহুই তাহা-দিগের নয়নকণ্টক। জীব-সংস্কার বর্ণনাস্বাদ যে তাহাদিগের পক্ষে নিম্নবৎ তিক্ত বোধ হইবেক ইহাতে আশ্চর্য কি? পরন্তু আহ্লাদের বিষয় এই যে তাদৃশ ব্যক্তি-দিগের সঙ্খ্যা অতি অল্প, এবং তাহাদিগের বাক্যও জন-সমাজে গৃহ্য হয় না। অশ্ব, গো ও উষ্ট্রে যে কি পর্য্যন্ত মঙ্গল-প্রদ তাহা সাধারণের সমীপে সুপরিব্যক্ত আছে, এবং ঐ অপ্র-শস্ত-মতিদিগের উপহাসসম্ভাবনা সত্ত্বেও অনেকেই তাহার বিবরণ-শ্রবণে উৎসুক হইয়া থাকেন\*।

বিবিধার্থ-সঙ্গ্রহের এই খণ্ডে উক্ত অবিতর্কদিগের হস্তে পতিত হইলে “আবার ফড়িং প্রজাপতি” এই বাক্য অনায়াসেই স্ফুট হইতে পারে। পরন্তু ইহা কি তাহাদিগের বোধাগম্য হইবে, যে

ঐ ফড়িং-প্রজাপতিহইতে ভূমণ্ডলের অন্ততঃ এক কোটি মনুষ্য উপজীবিকা প্রাপ্ত হয়?—যে এক বঙ্গভূমিতেই দশ লক্ষ মনুষ্য ঐ ঘনিত প্রজা-পতির প্রসাদে জীবন ধারণ করিতেছে?—যে ঐ প্রজাপতি-কীটই বঙ্গদেশীয়দিগের নিমিত্তে প্রতিবৎসর লক্ষাধিক চত্বারিংশ সহস্র মন রেশম প্রস্তুত করে, এবং তদ্ব্যতিরিক্ত বর্ষে দুই কোটি মুদ্রা বঙ্গদেশের উপলব্ধ হইয়া থাকে?

রেশম শব্দ পারস্য ভাষা-জাত; তদ-দ্বারা যে পদার্থের বোধ হয় তাহা বহু কালাবধি এতদেশে প্রচলিত আছে, এবং পূর্বে “কৌষেয়” “ক্ষৌম” বা “পটু” শব্দে বিখ্যাত ছিল। ইহা এক প্রকার কী-টদ্বারা প্রস্তুত হয়। চীনদেশীয় গুহুে বিবৃত আছে, চীনাধিপতি হোয়াঙতির পটুমহিবী মিলিঙসী সর্বাদৌ প্রজাপতির গুটিকা হইতে সূত্র প্রস্তুত করত বস্ত্র বপন করেন; এবং তদবধি ঐ পর্য্যন্ত প্রায় ৪৬০০ বসন্তকালের ন্যূন হইবেক না। তদ্ব্যতিরিক্ত রেশম প্রস্তুত হইতেছে; ও পৃথিবীর অপর ভাগস্থ সকলেই চীনজাতীয়দিগের দৃষ্টান্তানুসারে ঐ কর্মে প্রবৃত্ত হইয়াছে। ইংরাজেরা এই বাক্য অগৃহ্য বোধ করেন না; কারণ রেশম সর্বাদৌ চীনহইতেই বিলাতে যাইত। বোধ হয়, ভারতবর্ষ সম্বন্ধেও এই বাক্য প্রযোজ্য বটে; কারণ মহাভারতীয় সভা-পর্বে দৃষ্ট হইতেছে, রাজা যুধিষ্ঠিরকে উপঢৌকন প্রদান করণার্থে হিমালয়ের উত্তরাংশস্থ শকজা-তীয়েরা কীটজ বস্ত্র আনয়ন করে। ঐ বস্ত্র পাণ্ডব-জেষ্ঠ যুধিষ্ঠিরের রাজ্যে সুপ্রাপ্য হইলে তাহারা তদানয়নে বৃথা শ্রম স্বীকার করিত না।

পূর্বে রোমান জাতীয়েরা কৌষেয় বস্ত্রের অত্যন্ত সমাদর করিত; কিন্তু তদ্ব্যতিরিক্ত তাহা দুপ্পাপ্যতা-প্র-যুক্ত নিতান্ত বহু মূল্যে বিক্রয় হইত। নিরবচ্ছিন্ন কৌষেয় বস্ত্র তথায় কেবল ধনাঢ্য স্ত্রীলোকেরাই

ব্যবহার করিত; কিন্তু সাবধানি মিতব্যয়িতা সচ-রাচরূপে তাহার অন্যথা করিতেন। কথিত আছে, অরিলিয়ন্ নামক প্রসিদ্ধ মহারাজচক্রবর্তির স্ত্রী রেশম নির্মিত আপাদ-কণ্ঠ-পর্য্যন্ত সুদীর্ঘ অঙ্গ-রক্ষা প্রস্তুত করণাভিপ্রায় প্রকাশ করাতে তিনি বহুব্যয় হইবেক আশঙ্কায় তাহাকে নিষেধ করেন। ১৬০০ বৎসর পূর্বে কৌষেয় সূত্র রোম রাজ্যে এতা-দৃশ মহার্য হইয়াছিল যে নিরবচ্ছিন্ন তন্নির্মিত বস্ত্র রাজারাও ধারণ করিতে অশক্ত হইয়াছিলেন। হেলিওগেবেলস্ নামক রাজা বহুব্যয় স্বীকার করত তাদৃশ বস্ত্র ধারণ করিয়াছিলেন, এতৎপ্রযুক্ত দেশীয় হিতাহিতবিচারক মহাসভায় তাহার নামে অপরিমিত ব্যয়িতার অভিযোগ হয়।

অধিকন্তু এই বস্ত্র অত্যন্ত মহার্য হওয়াতে এতৎসম্বন্ধে নানাবিধ অলীক গল্পেরও প্রচার হই-য়াছিল, এবং অনেকে তাহা বিশ্বাস করিত। ইস-নার্ড নামক জনৈক গুহুকর্তা রেশমের কীট প্রস্তুত করণবিষয়ে লেখেন; “বসন্তের প্রারম্ভে তৃত-“বক্ষে নবীন পত্র বিকসিত হইলে রেশম প্রস্তুত-“কারিরা এক গর্ভবতী গাভীকে নিরবচ্ছিন্ন তৃত-“পত্র ভক্ষণ করাইতে থাকে—অন্য কোন পদার্থ “খাইতে দেয় না; পরে ঐ গাভী বৎস প্রসব “করিলে ঐ বৎসকেও কিয়ৎকাল মাতৃদুগ্ধ ও “তৃতপত্র ভক্ষণ করায়; এবং উক্ত খাদ্যে “ঐ বৎসের বিরাগ জন্মিলে তাহাকে বিনাশ “করে, এবং তাহার দেহ খণ্ড ২ করত গৃহ-ছা-“দোপরি এক পাত্রে রাখিয়া দেয়। ঐ স্থানে “মাংস গলিত হইলে যে কীট জন্মে তাহাই কৌ-“ষেয় কীট; এবং তাহাহইতে রেশমপ্রাপ্তি “হয়”। এ বাক্য যে কি পর্য্যন্ত অলীক তাহা-কখন বাহুল্য, কিন্তু আশ্চর্য্য এই যে লোকে ইহাও বিশ্বাস করিত।

পূর্বেই উক্ত হইয়াছে যে রেশম কীটজপদার্থ। ঐ কীট এক জাতি প্রজাপতির পূর্বাবস্থা। অপর প্রজাপতির ন্যায় উক্ত জাতীয় প্রজাপতির আজন্ম-মৃত্যু-অবস্থা-চতুষ্টয় প্রাপ্ত হয়। প্রথ-মাবস্থা অণ্ড; দ্বিতীয়, কীট; তৃতীয়, গুটী; চতুর্থ, প্রজাপতি\*। এই অবস্থা চতুষ্টয়-ভেদে প্র-স্তাবিত কীটের আকৃতি, স্বভাব ও ধর্মের সম্যগ ভেদ হয়, এবং রেশম প্রস্তুতকারিরা তদ্বিশেষ জ্ঞাত হইয়া বহু আয়াস ও ব্যয়ে ইহাদিগের প্রতিপালন করে।


বঙ্গদেশে রেশমের কীট প্রস্তুতকারিরা “তৃত চাষী” শব্দে বিখ্যাত। পূর্বে এতদেশে এই চাষের বিশেষ সমাদর ছিল না। ইংরাজদিগের প্রাদুর্ভাবাবধি ইহার সম্যগ বৃদ্ধি হইয়াছে। যে স্থলে রেশম প্রস্তুত হয় সেই কার্য্যালয়কে “বা-নক” শব্দে কহে। তৎসম্বন্ধে “কুঠী” শব্দ ও সর্বত্র প্রয়োগ হইয়া থাকে; ফলতঃ কুঠী বিদেশীয় শব্দ, পোর্টুগীসদিগের প্রাদুর্ভাবাবধি ব্যবহার সিদ্ধ হইয়াছে; “বানক” সংস্কৃত শব্দ†, এবং রে-শম বানাইবার স্থান ভিন্ন অন্যত্রও প্রয়োগ হয়। বানকে রেশম প্রস্তুত করণার্থে অনেক পরিশ্রম ও ব্যয় করিতে হয়, এবং ইংরাজদিগের কুঠীতে তাহার নিমিত্তে অস্ট্রাদির প্রচুর আয়োজন হইয়া থাকে। পরন্তু তদ্বিষয়ের পরিজ্ঞানার্থে তৎসমু-দয়ের বিবরণ লিখিবার প্রয়োজন নাই; জনৈক যৎসামান্য তৃত-চাষির গৃহে এতদ্বিষয়ে আমরা যে উপদেশ প্রাপ্ত হইয়াছি, বোধ হয়, তাহার বিবরণেই পাঠকদিগের পরিতোষ ও ইষ্টসিদ্ধ হইবেক।

\* শেকন্দর পাদশাহ ভারতবর্ষে আগমন সময়ে তথাকার জীব-সংস্কার বিবরণানুসন্ধানার্থে এক সহস্র প্রাণিতন্ত্রজ সমভিব্যা-হারে আনয়ন করিয়াছিলেন। তাহার কেবল পশু, পক্ষি, কীটাদি সঙ্গ্রহ করিয়াছিল; এবং সেই সঙ্গ্রহীত পশুদির পরীক্ষানন্তর আরিস্তোতল নামক মহা পণ্ডিত যে গুহু রচনা করেন, জীবসংস্কা-বিষয়ক প্রাচীন গুহু মধ্যে তদ্রূপ উৎকৃষ্ট গুহু আর নাই।

\* ইহার বিশেষ বিবরণ এতৎপত্রের প্রথম পর্বে ৫৩ পত্রে বিবৃত আছে।

† “বান” শব্দে গৃহ, স্বার্থে ক প্রত্যয়দ্বারা বানক হয়।





বানকের প্রথম অঙ্ক কীট-পুতিপালনের গৃহ। বঙ্গদেশীয় অপরাপর চাষিদিগের কার্যালয় যে প্রকার তৃণাদি দ্বারা নির্মিত হয়, কীট-পুতিপালনের গৃহও তদ্রূপ। ইহার পরিমাণ ১৬ হস্ত দীর্ঘ, ১০ হস্ত প্রস্থ, ৬ হস্ত উচ্চ। এই গৃহের দক্ষিণ প্রাচীরে এক দ্বার ও দুই গবাক্ষ থাকে; অপর প্রাচীরে দ্বার বা গবাক্ষ কিছুমাত্র থাকে না। কোন কীটাগারের দ্বার পূর্বাভিমুখ হইয়া থাকে; কিন্তু কদাপি উত্তর বা পশ্চিমদিগে দ্বার থাকে

না। এতাদৃশ গৃহে ৫ মঞ্চ (মাচান) থাকে, এবং ঐ মঞ্চের পদসকল জলে নিমগ্ন রাখিতে হয়; নচেৎ ঐ পদদ্বারা মঞ্চে পিপীলিকা উঠিয়া কীটদিগের বিনাশ করে। পুত্যেক মঞ্চে ষোড়শ “ডালা” নামক আধার থাকে। উক্ত ডালার পরিমাণ ৩৮ হস্ত দীর্ঘ ও ২৮ হস্ত প্রস্থ, এবং তাহার চতুর্দিকে ৩ অঙ্গুলি উচ্চ আইল থাকে, ও তৎসর্বত্র গোময় বা মহিষময় দ্বারা লিপ্ত হয়। হিন্দু চাষিরা গোময় ব্যবহার করে; কিন্তু যবনেরা

মহিষময় প্রস্তুত জ্ঞান করে; ফলতঃ গোময়াপেক্ষা মহিষময় কীটদিগের বিশেষ পুষ্টিকর। প্রস্তুত ডালার পুত্যেক ২।। কাহন অর্থাৎ ৩২০০ কীট রক্ষিত হয়; সুতরাং তদগৃহস্থ সমস্ত ডালায় অনায়াসে ২৫৬০০০ কীট পুতিপালিত হইতে পারে।

বানকের দ্বিতীয় অঙ্ক তৃত-ক্ষেত্র। পঞ্চ-মঞ্চ বিশিষ্ট পূর্বোক্ত পরিমাণ কীটাগারের ব্যয়োগ্যুক্ত তৃত পত্র প্রাপ্তির নিমিত্তে ১০ বিঘা ভূমিতে তৃত রোপণ করিতে হয়। ঐ তৃত চারিপ্রকার; প্রথম প্রকারের নাম “সার”; ইহার পত্র বৃহৎ এবং ফল কৃষ্ণবর্ণ। রেশম-কীটের প্রথমাবস্থায় এই পত্র দেওয়া নিষিদ্ধ; কেবল শেষাবস্থায় ব্যবহার্য। দ্বিতীয়ের নাম “ভোর”; ইহার পত্র পূর্বাপেক্ষায় খর্ব। ইহা হুগলি ও মেদিনীপুর অঞ্চলে প্রসিদ্ধ। তৃতীয়ের নাম “দেশি”; চতুর্থের নাম “চীনি”; এই দ্বয়ের পত্র ক্ষুদ্র; এবং ইহাই বঙ্গ দেশের সর্বত্র ব্যবহৃত হয়।

বানকের তৃতীয় অঙ্ক সূত্র-প্রস্তুত-করণের গৃহ। বস্তুতঃ ব্যবহার সিদ্ধ ইহাই বানক শব্দ বাচ্য; কীট পুতিপালনের গৃহ তৃতক্ষেত্র ইত্যাদি পুত্যঙ্কমাত্র। এই গৃহে প্রাচীর থাকে না, আবশ্যিক মতে তৎপরিবর্তে ঝাঁপ ব্যবহৃত হয়।

বঙ্গদেশে চারিপ্রকার রেশমের কীট প্রচার আছে। প্রথম প্রকারের নাম “বড়”; ইহাতে বর্ষে একবারমাত্র রেশম জন্মে। দ্বিতীয় প্রকার কীটের নাম “দেশি”; ইহাতে বর্ষে পাঁচ বার রেশম প্রস্তুত হয়। তৃতীয়, “চীনি”; ইহাকে “মান্দুাজি” শব্দেও কহিয়া থাকে, এবং ইহাতে বর্ষে ৩ বা ৭ বার রেশম প্রস্তুত হইতে পারে। চতুর্থ, “বণসঙ্কর”; ইহার দেশি এবং চীনি কীটের সংশ্রবে জন্মে, এবং যৎসামান্য পত্র-ভক্ষণ করিতে পাইলেই

পরিবৃত্ত হয়; কিন্তু ইহাতে উত্তম রেশম প্রস্তুত হয় না।

রেশমের কীটকে তৃত চাষিরা নামান্যতঃ “পলু” “পোকা” বা “পোক” শব্দে কহে। পরন্তু ইহা-দিগের অবস্থাভেদে নাম-ভেদ হয়। পূর্বেই উক্ত হইয়াছে, রেশমের কীট আজন্ম-মৃত্যু পর্যন্ত অবস্থা চতুষ্টয় প্রাপ্ত হয়; তত্রাদৌ, অণ্ড। জাতি ও ঋতুভেদে এই অবস্থা অণ্ড বা বহুকাল ব্যাপিকা হয়। দেশি কীটের অণ্ড বসন্ত কালে দশদিবসে, বৈশাখ মাসে অষ্টাহের মধ্যে, ও আষাঢ় মাসে সপ্ত দিবসে পুষ্কুটিত হয়; কিন্তু শরৎকালে প্রায় দুই মাস কাল অণ্ডাবস্থায় থাকে। বড় কীটের অণ্ড কালগুণ মাসের শেষে জন্মে, এবং তৎপরে দশমাস কাল তদবস্থায় থাকিয়া মাসের প্রারম্ভে কীটাবস্থা প্রাপ্ত হয়। এই কীট পুতিপালকেরা কালগুণ মাসের শেষে চল্লিশটি পুংকীটের গুটি ও অপর চল্লিশটি স্ত্রী কীটের গুটি (সকলে ১ পন) লইয়া এক পরিষ্কার মৃৎপাত্রে রাখিলে ৮। ১০ দিবস পরে ঈষৎ-পীতাক্ত-গুটুবর্ণের এক প্রকার ক্ষুদ্র পুজাপতি \* ঐ গুটিহইতে নির্গত হয়। তৃত চাষিরা ইহাকে “ফর্করে” শব্দে কহে। জন্মাইবার ক্রিয়ৎ কাল পরে স্ত্রী পুজাপতিরা অণ্ড প্রসব করিতে আরম্ভ করে; এবং উক্ত চল্লিশটি স্ত্রী-কীট-সকল সফল হইলে ২৪ ঘণ্টা কাল মধ্যে অভাবতঃ ১০ কাহন (১২৮০০) ক্ষুদ্র ২ অণ্ড প্রসব করত পঞ্চত্র প্রাপ্ত হয়। সত্ত্বর অণ্ড প্রসব না করিলে চাষিরা তাহাদিগের নিকট এক পুজুলিত দীপ আনয়ন করে, তদৃষ্টে পুজাপতিরা অণ্ড প্রসব করণে উৎসুক হয়। কিন্তু উক্ত এক পন গুটির সকল রক্ষা পায় না; ও যাহারা

\* এই প্রজাপতির অবয়ব বিষয়ে অক্ষয় বক্রব্য পরে প্রকাশ হইবেক।



প্রজাপতি রূপে জন্মগ্ৰহণ করে তাহার সকল স্ত্রী ও পুরুষ প্রজাপতির সংশুব হয় না, অপর যে সকল অণু প্রসব হয় তাহার সমুদায় রক্ষা পায় না; সুতরাং এক পন গুটি বীজস্বরূপ রাখিলে ৩।। কাহনের অধিক ফল প্রাপ্তি হয় না।

নব প্রসবিত অণু সর্ষপাকৃতি, ও ঈষৎ পীতাক্ত শুক্লবর্ণ; ৩৬ ঘণ্টা কাল পরে ঐ বণের পরিবর্তন হইয়া মৎপ্রস্তরের (মোটো পাথরের) ন্যায় কৃষ্ণাক্ত হয়। পঞ্চ দিবস পরে গোল সর্ষপাকার অণুর মধ্যভাগ কুঞ্চিত হইয়া কীটাকার হয়, এবং এতদবস্থায় বড় কীটের অণু দশমাস কাল অনায়াসে অবস্থান করে। দেশি ও চীনি কীটের অণু ৮ বা ১০ দিবস মধ্যে প্রস্ফুটিত হইয়া থাকে, কিন্তু শীতের প্রবলতায় তাহার অন্যথা হয়। তৎসময়ে ও হিমপ্রধান দেশে অণুহইতে কীট প্রস্ফুটিত করিতে হইলে উক্ত অণু-সকলকে এক কোমল ও পরিষ্কার বস্ত্রের খলীতে রাখিয়া তত-চাষিরা উক্ত খলী আপন কক্ষ বা বন্ধোদেশে বাঁধিয়া রাখে। কেহ ২ উক্ত অণু উষ্ণ সদ্যোজাত গোময়ে নিমগ্ন করে। ইংরাজেরা ইহার পরিবর্তে অণু-সকলকে এক উষ্ণ গৃহে স্থাপন করে। পরন্তু যে প্রকারে হউক অণু সকল তিন বা চারি দিবস উত্তাপ পাইলেই প্রস্ফুটিত হইয়া তাহাহইতে কীট নির্গত হয়।

জন্ম সময়ে উক্ত কীট কৃষ্ণবর্ণ এক-ধান্য-পরিমিত দীর্ঘ হয়, এবং খাদ্যচেষ্টা ভিন্ন অন্য কোন আয়াস করে না। বস্তুতঃ আজন্ম মৃত্যু পর্যন্ত দুই হস্ত পরিমাণ স্থান ভ্রমণ করে না। চাষিদিগের পক্ষে এই স্বভাব অতি উপকারপ্রদ; ইহা না হইলে কীট সকলকে রক্ষা করা অত্যন্ত ক্লেশকর হইত। নবজাত তত-কীটদিগের ভক্ষণার্থে চাষিরা প্রত্যহ চারিবার নবীন ততপত্র প্রদান করে, এবং চারি দিবস অনবরত উক্ত পত্র ভক্ষণ করণান্তর

ঐ কীটেরা অবসন্ন ও নিস্তব্ধ হইয়া পড়ে। কৃষকেরা এই সুপ্তাবস্থাকে “আঙ্গারে ঘুম” শব্দে কহে। দুই দিবসে এই নিদ্রার ভঙ্গ হয়; এবং তৎপরে ঐ কীট আপন পূর্ব ভ্রুক পরিভ্রাগ পূর্বক নূতন ভ্রুক ধারণ করত পুনঃ ততপত্র ভক্ষণে প্রবৃত্ত হয়। এতদ্রূপে কীট চারিবার নিদ্রানস্তর ভ্রুক পরিবর্তন করিলে ৩।। অঙ্গুলী পরিমাণ দীর্ঘ হইয়া উঠে; এবং তদবস্থায় ১০ দিবস তত ভক্ষণ করিলে ইহার বণ স্বচ্ছ প্রায় ও রেশমের বণের ন্যায় হয়; এবং আর তাহার ভক্ষণ-স্পৃহা থাকে না। এইরূপে চাষিরা কীট সকলকে ডালাহইতে নামাইয়া “ফিং” নামক এক আধারে রাখে। উক্ত ফিং ৩৫০ হস্ত দীর্ঘ ও ২৫০ হস্ত প্রস্থ, এবং দরমাদারা নির্মিত। ইহার উপর অতি সূক্ষ্ম বংশ-নির্মিত দুই অঙ্গুলী গভীর ও ৩ অঙ্গুলী প্রস্থ কুটার-সকল থাকে। চাষিরা উক্ত কুটারে এক ২ টা কীট রাখিলে ঐ কীটেরা আপন ২ মুখহইতে এক প্রকার সূত্র নির্গত করত আপন দেহ আবৃত করে। ঈষৎ রৌদ্রের উত্তাপ পাইলে ও আলোক থাকিলে এই কার্য সত্বরে সুসম্পন্ন হয়; অতএব প্রাতঃকালে ফিং-সকল সূর্যোভিমুখে এবং রাত্রে দীপালোকে রাখা কর্তব্য। কীটেরা ৫৬ ঘণ্টা কালে ক্রমাগত সূত্র প্রস্তুত করত পরে নিস্তব্ধ হয়। কীটের পরমাণু ও অবস্থা সম্বন্ধে আমরা যে কালের নির্দেশ করিলাম তাহা সর্বত্র ও সর্ব সময়ে যথার্থ হয় না। কাল, ঋতু, বায়ুর অবস্থা ও কীটের জাতিভেদে ইহার অনেক অন্যথা হয়; কিন্তু প্রস্তাব বাহুল্য ভয়ে অধুনা তাহার বিবরণ লিখনে নিরস্ত রহিতে হইল।

গুটি প্রস্তুত হওনের ৪৫ দিবস পরে তন্মধ্যস্থ সুপ্তকীটসকলকে সূর্যোত্তাপে অথবা “তন্দুর” নামক উত্তপ্ত গৃহে বিনাশ করিতে হয়। তৎপরে অব-

কাশমতে ঐ গুটি তপ্ত-জলে সিদ্ধ করিলেই অনায়াসে সূত্র প্রস্তুত হইতে পারে। যে সকল চাষিদিগের তন্দুর নাই, এবং এক কালে অণু পরিমাণে সূত্র প্রস্তুত করে! তাহার গুটি প্রস্তুত হওনের ৪৫ দিবস মধ্যে—এবং বর্ষার সময়ে তাহাহইতেও শীঘ্র ৩ দিবস মধ্যেই—তৎকর্ত্তে প্রবৃত্ত হয়। গুটি প্রস্তুত-করণ-ক্রিয়া সর্বতোভাবে সুসম্পন্ন হইলে পূর্বোক্ত পরিমিত গৃহে এক কালে ৩ মন ৩ সের রেশম প্রস্তুত হইয়া থাকে, এবং অপর কিয়ৎ পরিমাণ খাই-রহিত রেশমও উৎপন্ন হয়; সামান্যতঃ ইহার নাম “ওছা রেশম”।

এবম্প্রকারে রেশম প্রস্তুত হইলে তাহা নানা প্রকারে মার্জ্জন ও ধৌত করিতে হয়, তদ্ব্যতীত বস্ত্র বপনের উপযুক্ত হয় না; এবং ঐ মার্জ্জনা-ক্রিয়ার প্রতি সেরে এক পাদ পরিমাণ রেশম বিনষ্ট হয়। ডপ্তোনো নামক জর্নিক পণ্ডিত নিরূপণ করিয়াছেন, যে এক চীনি গুটিতে এক রতি পরিমাণ রেশম জন্মে, এবং উক্ত পরিমাণ রেশম প্রায় ৮০০ হস্ত দীর্ঘ হয়। অপর ঐ রেশমের ৬০ তোলাক সূত্রে এক জোড় উত্তম গরদের বস্ত্র প্রস্তুত হইয়া থাকে; এবং তৎপ্রস্তুত করণে ৫৭৬০ গুটির সূত্র আবশ্যিক; সুতরাং অভাবতঃ ৫৭৬০ জীবের প্রাণ বিনষ্ট না করিলে এক জোড় গরদের বস্ত্র পরিধান করা অসাধ্য; অধুনা যাঁহারা অবিরত বৈধ-হিংসার নিন্দা করিয়া থাকেন তাঁহাদিগকে জিজ্ঞাস্য যে তসর, ও গরদ, ও চেলি, ও সাটিন, ও মখমল ইত্যাদি কীটজবস্ত্র তাঁহারা কি বিবেচনায় ধারণ করেন? তাঁহারা অবশ্যই জ্ঞাত আছেন যে বিংশতি বৎসর প্রত্যহ ছাগ মাংস ভক্ষণে যাবৎ সঙ্খ্যক জীব হিংসাঘটে, এক যোড় গরদের বস্ত্রার্থে তদধিক পা-

পের (?) সম্ভাবনা; কারণ উক্ত বস্ত্রের প্রত্যেক গজ পরিমিত পদার্থ প্রস্তুত করণে সহস্রাধিক জীবের প্রাণ হানি হয়। ১২৪২ বঙ্গাব্দে ১৬,১১৮। মোন রেশম, ও ৭৬,৮৪৬ থান কোরা, আর ৭,৫৮,৭৮-৩ থান রেশম মিশ্রিত কাপাশ বস্ত্র বঙ্গদেশ-হইতে বিদেশে প্রেরিত হইয়াছিল। তন্মিন্ন এতদ্দেশে যে রেশমের বস্ত্র ব্যবহৃত হইয়াছিল তৎসমুদায় প্রস্তুত করণার্থে ১,২০,০০০ মন রেশমের আবশ্যিক; এবং ঐ রেশম উৎপন্ন করণার্থে বঙ্গদেশে প্রতিবর্ষে অভাবতঃ ৮,৩২,৫২,০৩,২৫২ জীব হিংসা হইয়া থাকে!! বৈধ-হিংসাঘেষি মহাশয়েরা কৌষের বস্ত্র ব্যবহারে বিরত হইলে উক্ত সঙ্খ্যক জীবের অনেকে রক্ষা পাইতে পারে!!!

### শিখ-ইতিহাস।

৬ সংখ্যার ২৬ পৃষ্ঠহইতে ক্রমে আগত।

অতঃপর গোবিন্দ সিংহ প্রধান ও গৌণ-ভাবে ভূরি ২ সমরে প্রবৃত্ত হইলেন। প্রথমতঃ প্রাচীন মিত্র নাহোনাধিপতির সহিত তাঁহার এক সঙ্গ্রাম উপস্থিত হয়। তাঁহার কতিপয় পাঠানজাতীয় সেনা স্ব ২ প্রাপ্য বেতন প্রাপ্ত না হওয়াতে বিদ্রোহদ্বারা অনায়াসে প্রাপ্য আদায়ের সম্ভাবনায় নাহোনাধিপতির সহিত মিলিত হইয়া ঐ যুদ্ধ উপস্থিত করে। কিন্তু নাহোনারাজ হিঞ্জোরদেশীয় রাজার সাহায্যে প্রবল পরাক্রম প্রকাশ-পূরণের গুণের প্রতি আক্রমণ করিলেন বটে, তথাপি তাঁহার অনুপম শৌর্য বীর্য ও রণ-পাণ্ডিত্য প্রভাবে অবশেষে পরাভব স্বীকারপূর্বক তাহাকে রণে ভঙ্গ দিতে হইল—গুণ গোবিন্দ তাহাদের বহুতর রণপুঞ্জব সেনা ও সেনাপতির



বিনাশ করিয়া জয় লাভ করিলেন। পরন্তু তিনি জয়ী হইয়াও শত্রুহইতে দূরে প্রয়াণ করাই শ্রেয়ঃ বোধ করিয়া আনন্দপুরে উপনীত হওত তত্রস্থ দুর্গের দৃঢ়তা সম্পাদনে নিযুক্ত হন। ইত্যবসরে কহলুর দেশের নৃপতি ভীমচাঁদ দিল্ল্যধিপতি বাদশাহের কোটকাঙ্গরাস্ত্র প্রতিনিধির সহিত বিবাদ উপস্থিত করত গুরুর সঙ্গে একত্র হইয়া তাঁহার সাহায্য প্রার্থনা করিল। গুরু সতত যবনদেবী, অবকাশ সন্দেহে কদাপি নিরস্ত হইতেন না, বিশেষতঃ ভীমচাঁদের সৌহৃদ্যে আশু মঙ্গল সম্ভাবনা বোধ করিলেন; অতএব রাজবিদ্রোহে প্রবৃত্ত ও তাহাতে কৃতকার্য হইলেন। তদনন্তর কিয়ৎকাল নির্বিরোধে গত হইতে লাগিল। এই সময়ে গুরু আপনার অনুসাহি শিষ্যগণকে পুনর্বার সুশাসিত করিয়াছিলেন।

গোবিন্দ সিংহ কোটকাঙ্গরাস্ত্র রাজ প্রতিনিধির বিদ্রোহি হওয়াতে দিল্লীহইতে বাদশাহের কএক দল সেনা তাঁহার সহিত যুদ্ধ করিতে আসিয়াছিল। কিন্তু তাহারা গুরুকে জয় করিতে সমর্থ হয় নাই; আপনারাই পরাভব স্বীকার পূর্বক পলায়ন পরায়ণ হয়।

অনন্তর দিল্ল্যধিপতির উক্ত প্রতিনিধির সহিত গঞ্জাব-দেশের পূর্বাঞ্চলস্থ সামান্য রাজা-দিগের অপর কতিপয় সঙ্ঘাম উপস্থিত হয়, এবং তাহার যে যুদ্ধের সংশুবে গুরু বর্তমান থাকিতেন তাহাতে প্রায় জয় হইত, অতএব মুসলমানেরা সাতিশয় ভীত হইল; এবং যবনাধিপত্য উৎসন্ন হইবার আশঙ্কা করিতে লাগিল। দিল্লীস্থ যবন সম্রাট ক্রোধাবিষ্ট হইয়া লাহোর এবং সরহিন্দ দেশের প্রধানদিগকে আজ্ঞা দেন, “সমস্ত সেনা সমভিব্যাহারে বহির্গমন পূর্বক গোবিন্দের প্রতি আক্রমণ করিয়া তাহাকে সমর-

শায়ী করহ;” এবং কিয়দিন পরে নিজ পুত্র বাহাদুর শাহকে তাহাদের সহায়তা নিমিত্ত প্রেরণ করেন। গুরু আনন্দপুরে শত্রুগণ কর্তৃক বেষ্টিত হইয়াও কতক দিন মহাসাহসের সহিত তাহাদের প্রতিযোগিতা করিলেন; কিন্তু তাঁহার অধিকাংশ শিষ্য ভীত হইয়া পলায়ন করাতে পরিশেষে তাঁহাকেও পরিবার লইয়া সরহিন্দ দেশে প্রস্থান করিতে হইল। পশ্চিমদেয় কোন স্বজনের বিশ্বাসঘাতকতায় তাঁহার দুই পুত্র হত হয়। এবম্পকারে সৈন্যসামন্ত সমস্ত বিশৃঙ্খল হইয়াছিল; অবশিষ্ট চত্বারিংশৎ শিষ্য মাত্র তাহার সমভিব্যাহারে ছিল। তাহারা এই বিপদে শিথিল হইয়া পুনর্বার স্বগণ সঙ্গ্রহপূর্বক দলবৃদ্ধি করিবার বাসনায় গুরুর নিকট পলায়িত শিষ্যদের প্রতি ক্রমা প্রার্থনা করিল। গোবিন্দ সিংহের তৎকালেও জয়াশা প্রবলা ছিল; অতএব তাহাদিগকে কহিলেন; “আমার কোপ স্থায়ী নহে।” অনন্তর সমগু শিষ্য সমভিব্যাহারে সেই নিশাভাগেই স্বাধিকারস্থ চম্বকোর্ দুর্গে গমন করিলেন।

মুসলমানেরা সে স্থানেও তাঁহাকে আক্রমণ করিয়া আপনাদের বার্তাবহদ্বারা এই বার্তা প্রেরণ করিল, “যে এখনও অধীনতা স্বীকার-পূর্বক আপনার কম্পিত ধর্ম পরিত্যাগ কর, তাহা হইলে সপরিবারে পরিভ্রাণ পাইবে”। কিন্তু গোবিন্দের পুত্র অজিতসিংহ বার্তাবহকে অবজ্ঞা করত মৌনাবলম্বন করাইলেন। মোগল সেনারা তৎসংবাদ প্রাপ্ত হইয়া উগ্ৰভাবে চতুর্দিগ হইতে উৎপাত আরম্ভ করিল। গুরু স্বয়ং সাহস প্রকাশ পুরঃসর সর্বত্র উপস্থিত থাকিয়া প্রতীকার চেষ্টা করিবাতেও তাঁহার অবশিষ্ট দুই পুত্র হত হইল, এবং দলবল উৎসন্ন হইবার উপক্রম হইল; সুতরাং

তাঁহাকে পুনঃ পলায়নদ্বারা আত্ম-পরিভ্রাণ করিতে হইল। যৎকালে গুরু পলায়ন করেন তখন দুই জন পাঠান তাঁহার পূর্বোপকার স্মরণপূর্বক যথেষ্ট আনুকূল্য করিয়াছিল। তাহারা পথ-প্রদর্শক হইয়া তাঁহাকে বেহললপুরে রাখিয়া আইসে। গুরু পীর মহম্মদ নামক এক ব্যক্তির সহিত একদা এক সঙ্গে কোরান পাঠ করিয়াছিলেন; সে ঐ সময়ে উল্লেখিত স্থানে অবস্থিতি করাতে বিশ্বাস করিয়া তাহার শরণাপন্ন হইলেন; এবং নিকপায়তা প্রযুক্ত যবনদিগের আহারীয় সামগ্ৰী ব্যবহার পূর্বক শিষ্যগণকে কহিলেন “আপৎকালে এবম্বিধ ব্যবহার অবিধেয় নহে।” অনন্তর যাবনিক পরিচ্ছদ ধারণপূর্বক ভূতিন্দার অরণ্যে গমন করিলে পলায়িত শিষ্যগণ সেখানে আসিয়া তাঁহার সহিত মিলিত হইল; তাহাদিগের সাহায্যে যে সকল মুসলমান সৈন্য পশ্চাদ্ভর্তী হইয়া আসিতেছিল তাহাদিগকে পরাভূত করত তথা হইতে দমদমা নামক স্থানে গমন করিলেন।

গোবিন্দ সিংহ কিয়ৎকাল এই স্থানে নির্বিরোধে অবস্থিতি করেন; এবং ঐ সময় স্বীয় মতস্থ লোকদিগের উৎসাহ-বৃদ্ধি নিমিত্ত ধর্মশাস্ত্রের উপযোগি কতিপয় গুহু সঙ্কলন করিয়াছিলেন। সেই সকল গুহুর সমষ্ট্যাখ্য “দশম পাদশাহের গুহু” এবং তন্মধ্যে “বিচিত্র নাটক” নামে এক পুস্তক অতি প্রসিদ্ধ। গোবিন্দ সিংহ উক্ত পুস্তকে আপন জীবন বৃত্তান্ত সমস্ত বিবৃত করিয়াছেন।

গুরু এই নির্বিরোধাবস্থায় কিয়ৎকাল যাপন করিলে বাদশাহের দূত তাঁহাকে সমভিব্যাহারে লইয়া যাইবার নিমিত্ত উপনীত হয়। তিনি গমন না করিয়া অতি প্রগল্ভভাবে এক লিপি লিখিয়া উক্ত বার্তাবহের হস্তে অর্পণ করেন। তাহাতে তাঁহার প্রতি প্রবল সৈন্যের

পুনর্বার আক্রমণ হইতে পারিত; কিন্তু দৈবাৎ সেই সময় বাদশাহ পার্থিব-লীলা সম্বরণ করাতে কিয়ৎদিন পরিভ্রাণ পাইয়াছিলেন।

আওরঙ্গজেব বাদশাহ লোকান্তর গমন করিলে তদীয় জ্যেষ্ঠ তনয় বাহাদুরশাহ নিঃসপত্তে রাজত্ব করণাশয়ে স্বীয় সহোদর ছয়ের প্রাণ বিনাশের মানস করত এক ভ্রাতাকে আগার নিকট বিনষ্ট করিয়া অপর সোদরের পরাভব-কালে গুরুকে আপন শিবিরে আস্থান করিয়া পাঠাইলেন। গুরু আগমন করিলে তাঁহার যথেষ্ট সম্মান করত তদ্বারা মহারাষ্ট্রীয়দিগের উপদ্রব নিবারণ মানসে তাঁহাকে গোদাবরী নদীর নিকটস্থ সৈন্য-সমূহের কর্তৃত্ব ভার দিলেন। গোবিন্দ সিংহ বাদশাহের কর্মকর্তা হইয়া বিনা বাধায় গোপনে আপন শিষ্য সঙ্গ্রহ করিতে পারিবেন মনে করিয়া আহ্লাদপূর্বক তৎকর্ম স্বীকার করিলেন; এবং ঐ সুযোগে অনেক নুতন ও পলায়িত শিষ্য সঙ্গ্রহ পুরঃসর স্বীয় দল বৃদ্ধি করিতে লাগিলেন। কিন্তু ইহার পরেই গুরুর পরনামুঃ শেষ হইল। কোন সময়ে এক জন আফগানের নিকট তিনি এক টা ঘোটক ক্রয় করিয়া মূল্য-প্রদানে বিলম্ব করাতে সে ব্যক্তি সর্বদা আপনার প্রাপ্য প্রার্থনা করিত, এবং এক দিন বিরক্ত হইয়া তাঁহার প্রতি কটুক্তি করিয়াছিল; অতএব গুরু ক্রোধাবিষ্ট হইয়া তাহার প্রাণদণ্ড করেন। যদিও পরে তাহার পুত্রদের সহিত সন্ধি হইয়াছিল, তথাপি তাহাদের মনে বিলক্ষণ বৈরি-ভাব ছিল; অতএব তাহারা এক দিন গুরুকে নির্জনে পাইয়া নির্দয় প্রহারে মৃতকম্প করিল। গোবিন্দ সিংহ সেই প্রহারে জীবনশূন্য হইয়া মুমূর্ষু সময়ে শিষ্যগণকে উপদেশ দিতে লাগিলেন; “তোমরা আমার অবর্তমানে ভগ্নোৎসাহ হইও না। আমি লোকান্তর গমন করিলে আর কেহ তোমাদের



গুরু হইবেন না, বটে; কিন্তু নানকের গুহুহইতে তোমরা গুরুবৎ উপদেশ প্রাপ্ত হইতে পারিবে; ফলতঃ খালসা জাতীয়দিগের নিমিত্ত ঐ গুহু চিরকাল বর্তমান থাকিবে। তোমরা সকল বিষয়ে দৃঢ়প্রতিজ্ঞ ও উৎসাহ-সম্পন্ন হইও। শিখ জাতীয় পাঁচ জন মনুষ্য যে স্থানে একত্র হইবে তথায় নিশ্চয় আমার আবির্ভাব বোধ করিবে”। তিনি এবস্থিধ বিবিধ উপদেশ প্রদান করিতে ২ ১৭৬৪ সংবতে গোদাবরী নদীর তীরে প্রাণ ত্যাগ করেন। তৎকালে তাঁহার বয়ঃক্রম ৪৮ বৎসর।

গোবিন্দ সিংহ দ্বারা শিখ জাতীয়দিগের যদিও অবস্থা পরিবর্তিত হইয়াছিল; তথাপি তিনি আচার-ব্যবহার-পরিবর্তনের নিমিত্ত কোন যত্ন না করাতে ঐ ২ বিষয়ে শিখ জাতীয়েরা সামান্যতো হিন্দু তুল্য ছিল; পরন্তু তাহাদের মধ্যে পরম্পর ঐক্য ও ঐহিক পারত্রিক বিষয়ে যে নিষ্ঠা ছিল, তাহা হিন্দু জাতির স্বভাবজ সাধারণ গুণ নহে। ফলতঃ গুরু ধর্ম-বৃদ্ধি ও পৃথিবী মণ্ডলে মনুষ্যত্ব প্রকাশের আবশ্যিকতা বিষয়েই সতত উপদেশ প্রদান করিতেন; ইহাতে ঐ দুই বিষয়েই তাহাদের বিশেষ আস্থা জন্মে; অন্য হিন্দুজাতির তাহাতে তাদৃশ যত্ন দৃষ্ট হয় না।


গোবিন্দ সিংহের মৃত্যুর পর বুঞ্জা নামা তদীয় এক জন শিষ্য শিখ জাতীয় মধ্যে প্রধান হইয়া উঠিল; এবং বহু-সঙ্খ্যক শিষ্য তাহার সহিত মিলিত হইল। বুঞ্জা স্বগণ সমভিব্যাহারে সরহিন্দের সন্নিকটস্থ আগমনপূর্বক তত্রস্থ মোগল সেনাদিগকে বিনষ্ট করেন। অপর যে দুই ব্যক্তি বিশ্বাস-ঘাতকতাপূর্বক গুরুর দুই পুত্রকে মোগলদিগের হস্তে পাতিত করিয়া নিহত করে তাহাদিগের বিবিধ যন্ত্রণা দিয়া প্রাণ দণ্ড করেন। পরে শিরমোর

পর্বতের পুতি যাত্রা করিয়া শতদ্রু নদীর নিকটস্থ দেশ জয় করিতে প্রবৃত্ত হন।

এতৎ সময়ে দিল্লীর বাদশাহ বাহাদুর শাহ পার্থিব লীলা সম্বরণ করাতে তদীয় সিংহাসন প্রাপ্তির নিমিত্ত তাঁহার পুত্র এবং পৌত্র মধ্যে মহা বিরোধ উপস্থিত হয়; অতএব শিখ জাতীয়েরা এই সুযোগে গুরুদাসপুরে আপনাদের নিমিত্ত এক দুর্গ নির্মাণ করিয়া সুদৃঢ় করিল। লাহোরের শুবাদার ঐ সমাচার প্রাপ্ত হইয়া বুঞ্জার বিকক্ষে সমর সজ্জা করিয়া আসিয়াছিলেন; কিন্তু যুদ্ধে সমর্থ না হইয়া পরাভব স্বীকারপূর্বক শেষে পলায়ন করেন। তদনন্তর শিখদের এক দল সেনা সরহিন্দ দেশে যুদ্ধ-যাত্রা করিয়া কৌশলে ঐ দেশ জয় করিল; কিন্তু তৎপরেই বুঞ্জা কাশ্মীর দেশের শাসনকর্তা আব্দুল-সমদ-খাঁর নিকট পরাস্ত হইয়া তদ্বারা নানাবিধ যাতনা প্রাপ্ত-নন্তর পুণে বিনষ্ট হইলেন। যদিও এই ব্যক্তি গোবিন্দ সিংহের পর শিখ জাতির প্রধান হইয়া শৌর্য বীর্য ও সাহস প্রকাশ পুরঃসর ভূরি ২ সমর জয় করিয়াছিলেন, তথাপি স্বজাতির প্রিয়পাত্র হইতে পারেন নাই; এবং শিষ্যগণও তাঁহার প্রতি বিশেষ শ্রদ্ধা করিত না; কেননা ধর্মবিষয়ক বুদ্ধির প্রাথর্য্যভাবে গুরুবৎ ঐ বিষয়ে বিশেষ উপদেশ করিতে অপারগ ছিলেন এবং অন্য প্রকারেও লোকের মনোনিরঞ্জনের ক্ষমতা ছিল না।

বুঞ্জার মৃত্যুর পর যবনগণকর্তৃক শিখ জাতীয়েরা নানা প্রকারে উৎপাতগুস্ত হইল। তাহাদের মধ্যে আর কোন ব্যক্তি সাহসী হইয়া দল, বল বৃদ্ধি করিতে পারিল না; সুতরাং মুসলমানেরা ঐ জাতির পূর্ব টৈবর অরণপূর্বক যেখানে যাহাকে দেখিত তাহার উপর দৌরাভ্য প্রকাশ করিয়া শিরশ্ছেদনানন্তর ক্ষান্ত হইত। অপর সর্বত্র ঘোষণা করিয়া দিয়াছিল, যে ব্যক্তি যত শিখের মস্তক

আনয়ন করিবে সে তত পুরস্কার প্রাপ্ত হইবে। অতএব শিখেরা অনেকে বিনষ্ট ও অনেকে প্রাণ ভয়ে পলায়নপূর্বক গিরি-গঙ্ঘরে প্রবিষ্ট হইতে লাগিল। এই কারণে বুঞ্জার পর ষষ্টি বৎসর মধ্যে শিখ জাতীয়দের কোন বিবরণ প্রাপ্ত হওয়া যায় না। শিখধর্ম সংস্থাপিত হইয়া অবধি দুই শত বৎসর পর্য্যন্ত উত্তরোত্তর বৃদ্ধিশীল হইয়া তদনন্তর এতৎকারণ বশতঃ কিয়ৎ পরিমাণে হ্রাসোন্মুখ হইয়াছিল। নানক কতিপয় মাত্র শিষ্য করিয়া তাহাদিগকে হিন্দুমতানুসারে প্রতিমা পূজা এবং মহম্মদীয় মতানুযায়ী উপাসনাইহতে নিবৃত্ত করত স্বীয় মতানুসারিণী উপাসনার শিক্ষা প্রদানপূর্বক



শুকর-সংহারের প্রাচীন পুথ্য।

পৃষ্ঠায় বরাহ মৃগয়া বর্ণনাবসরে পদ-বুজে কি প্রকারে তৎকর্ম সুসম্পন্ন করায় তাহার কোন ছবি প্রকা-

শিখধর্মের মূল স্থাপন করেন। তদনন্তর অমর-দাস গুরুপদাঙ্ক হইয়া সেই ধর্মের কিয়ৎ পরিমাণে বৃদ্ধি করণ পুরঃসর শিষ্যগণের তেজঃ ও সাংসারিক বিষয়ে উৎসাহ বৃদ্ধি করিয়া যান। পরে অর্জুন হইতেও নানা প্রকারে শিখদের উন্নতি হইয়াছিল; কিন্তু শেষে গোবিন্দহইতে সমরোৎসাহ ও স্বাধীনতার বাসনা তাহাদের অন্তঃকরণে লক্ষ্যম্পাদ হয়; ফলতঃ গোবিন্দ সিংহ রাজকীয় পদগ্রহণ নিমিত্ত নানা প্রকার উৎসাহ প্রকাশ করাতেই স্বগণ বৃদ্ধি ও স্বাধীনতা স্থাপনের মানস তাহাদের মনে দৃঢ়ীভূত হইয়াছিল।

\*\*\*

শিত হয় নাই। অধুনা সে অভিপ্রায় সিদ্ধ হইল। পূর্বে ইংলণ্ডদেশে এবম্প্রকারে মৃগয়া করা সচরাচর চলিত ছিল; কিন্তু সম্প্রতি তথায় বন্য শূকরের অভাব প্রযুক্ত ইহার অন্যথা হইয়াছে। কথিত



আছে যে তত্রত্য বরাহ এতদেশীয় বরাহা-  
পেক্ষা অত্যন্ত ভীষণ ও দুর্লভ ছিল, এবং কুকুর-  
দ্বারা আক্রমিত হইলে অনায়াসে ৩০।৪০ টা  
কুকুরকে বিনাশ করিত। পরন্তু এতদ্বিষয়ে ভারত-  
বর্ষীয় বরাহ নিতান্ত অক্ষম নহে। তাহারাও  
অবকাশ পাইলে আক্রমণকারির অনিষ্ট করিতে  
কদাপি ভ্রুটি করে না; কুকুর, অশ্ব, মনুষ্য—  
যে কোন ব্যক্তি তাহাদিগের সম্মুখে পতিত হয়,  
তৎক্ষণাৎ তাহাকে ভীষণ দংশনঘাতে একেবারে  
শমন-সদনে প্রেরণ করে। ভারতবর্ষ, চীন, পারস্য,  
আরব ইত্যাদি আসিয়া খণ্ডের সমস্ত দেশে, এবং  
ইউরোপ ও আফরিকা খণ্ডের সর্বত্র অনাদি কাল-  
পর্যন্ত অসংখ্য বরাহ আছে। কিন্তু ইহা সপ্ত-  
মাণ হইয়াছে যে পূর্বে আমেরিকা-দেশে ও স্থির-  
সমুদ্রস্থ দ্বীপ-সকলে শূকরমাত্র ছিল না; ইউরো-  
পীয় লোকদিগের যাত্রায়াত হওয়াতে উক্ত পশু  
তথায় নীত হয়।

### আরব লোকদ্বারা পারস্য দেশের পরাজয়।

(বন্ধুহইতে প্রাপ্ত।)

যা বনিক ধর্ম সংস্থাপক মহম্মদ আরব-  
জাতীয় যে সকল সহচর ও সেনার  
সহায়তায় স্বীয়রাজ্য নিষ্কণ্টক করেন  
তাহারা সাতিশয় চণ্ডস্বভাব সর্বদা সমরপ্রিয়,  
বিশেষতঃ বিদোহাচরণ-রসে রসিক ছিল, এতৎপ্রযুক্ত  
মহম্মদের লোকান্তর প্রাপ্তির পর রণকণ্ঠয়াপ-  
নোদনের পত্না না পাইয়া স্বদেশীয় লোকদিগের  
উপরেই অত্যাচার করণে প্রবর্তমান হয়; অতএব  
মহম্মদাধিকৃত রাজ্যের উত্তরাধিকারী খলিফা আ-  
বুবেকর রাজ্যস্থ জনগণের কুশল স্থাপন ও সেনা-  
নিকরের সমরকণ্ঠ নিবারণ মানসে অন্যান্য দেশ  
জয়ে প্রবৃত্ত হইয়াছিলেন। প্রথমতঃ ইরাকদেশ জয়

অভিলাষে অষ্ট সহস্র সেনা সঙ্গ্রহপূর্বক স্বয়ং অ-  
ধ্যক্ষ হইয়া তদদেশের প্রতি যাত্রা করিলেন। তথায়  
প্রথমতঃ যেরণ হয় তাহার নাম “শুখল রণ”  
কারণ তদদেশাধিপতি স্বীয় সৈন্য-সকল পলায়ন  
করিতে না পারে ইত্যভিপ্রায়ে পূর্বে সেনাগণের পদ  
শৃঙ্খলে বন্ধ করিয়া রাখিয়াছিলেন; কিন্তু সঙ্গ্রাম-  
সময়ে মুক্ত করিয়া দিবামাত্র তাহারা রণহইতে  
পলায়ন করিল। আরবজাতীয়েরা এ যুদ্ধে হত শত্রু-  
সেনাপতির যে মুকুট লুণ্ঠিয়া প্রাপ্ত হয় তাহার  
মূল্য ২৫ সহস্র টাকা। তদনন্তর তাহারা যে  
স্থলে ফরাত ও টিগ্গিশ নদের সঙ্গ্রম হইয়াছে  
তথায় পুনর্বার সমর উত্থাপন করিল; তাহাতে  
৩০ সহস্র পারস্য সেনা রণশায়ী হয়। পার-  
স্য সৈন্যগণ যৎকালে আপনাদের শিবির মধ্যে  
আহার করিতেছিল সেই সময় আরবীয়েরা  
তাহাদিগকে আক্রমণ করিলেও তুমুল যুদ্ধ এবং  
আরবীয়েরা পরাজিত প্রায় হইয়াছিল। খলিফা  
তদর্শনে ঈশ্বরের উদ্দেশে মানন করিয়াছিলেন;  
“এই রণে আমাদের জয় হইলে ফরাত নদীর জল  
মানব-দেহের শোণিতে রক্ত বর্ণ করিয়া উপহার  
দিব”। অতএব শেষে তাহার অনাকিনীর্ণ জয়ী  
হইলে তিনি সমস্ত পারস্য লোকদিগকে বন্দী  
করিতে আদেশ করিলেন; এবং সকলে বন্দী-কত  
হইলে তাহাদিগকে এ তরঙ্গিনী তটে লইয়া  
ঈশ্বরোদ্দেশে তাহাদিগের মস্তক ছেদ করাই-  
লেন। সেই সকল লোকের শরীর-শোণিতে নদীর  
সলিল শোণবর্ণ হইয়াছিল। তৎপরে খলিফা  
অপর এক যুদ্ধে প্রবৃত্ত হইয়া এতাদৃশ অধিক ধন  
লুণ্ঠনে প্রাপ্ত হইলেন যে তাহার অংশ স্বরূপ  
প্রত্যেক সৈন্য ৩৫০ টাকা পাইয়াছিল। তদনন্তর  
অন্যান্য নগর তাহার অধীন হয়। হীরা নগর  
৬০০ শত বৎসর পর্যন্ত আরবীয় খৃষ্টীয়ান লো-

কের অধীনস্থ ছিল, সে নগরও এক্ষণে খলিফার  
অধিকৃত হইয়া আরবদিগকে কর দিতে আরম্ভ  
করিল। খলিফার যোদ্ধাগণ অন্তর নগরের  
নিকট যে যুদ্ধে প্রবৃত্ত হয় তাহার নাম; “চক্ষুরণ”  
কারণ এ সময়ে আরবীয় সৈন্যেরা শর-নিষ্ক্ষেপ  
পূর্বক বিপক্ষপক্ষীয় ভূরি ২ সেনার এক ২ নয়ন  
বিদ্ধ করিয়াছিল। খলিফা যুদ্ধাবসানে আন্-  
বর নগরের দিকে গমন করেন; কিন্তু এ নগর  
গভীর পরিখাদ্বারা বেষ্টিত থাকাতে অন্য কোন  
রূপে যাইতে না পারিয়া পরিখার একদেশ রণে  
নিহত উষ্ট্র সকলের শবে পরিপূর্ণ করিয়া তাহার  
উপর দিয়া নগরে প্রবেশ করিলেন। তৎপরে সুরিয়া  
দেশ জয়ের উদ্যোগ হয়; কিন্তু তাহাতে তিনি স্বয়ং  
রণযাত্রা করিলেন না; তাহার পরিবর্তে অপর সেনা-  
পতি গমন করে। তথায় যে যুদ্ধ হয় তাহা “পুল-  
যুদ্ধ” নামে খ্যাত কারণ পারস্য লোকেরা ফরাত  
নদীতে এক সেতু বন্ধ করিয়াছিল, আরবীয়েরা  
সমরাবসরে কৌশলক্রমে সেই সেতু ভগ্ন করি-  
বাতে বিপক্ষ-পক্ষের প্রায় চতুঃসহস্র সৈন্য জল-  
মগ্ন হইয়া প্রাণত্যাগ করে। ইহার দুই মাস পরে  
অন্য এক রণ হয়, তাহার নাম “দশরণ”, কারণ  
আরবীয় সেনারা অনেকেই শত্রু সৈন্যের দশ ২  
জনকে বধ করিয়াছিল। তৎকালে রমজান মাস  
উপস্থিত হইলেও আরবীয় সৈন্যগণ সবল থাকি-  
বার কারণ সেনাপতি তাহাদিগকে দিবসে আহার  
করিতে অনুমতি দিয়াছিলেন।

ইরাক দেশ জয় হইলে পর আরবীয়েরা পারস্য  
দেশের সমগ্ৰ ভাগ জয় করিতে স্থির করিল। এ  
সময় পারস্য দেশ আক্রমণের উপযুক্ত কাল  
ছিল, কারণ তৎকালে তদদেশীয় সম্রাট গ্নিক সম্রা-  
টের সহিত যুদ্ধ করিয়া পরিশ্রান্ত ছিলেন। এই  
পারস্য সম্রাট সিকরিস সিংহাসন পাইবার নি-

মিত্ত স্বীয় সপ্তদশ ভ্রাতার প্রাণ বিনাশ করিয়া-  
ছিল; এবং আপনার পিতাকে মৃত্তিকা মধ্যস্থিত  
করাগারে রাখিয়া বধ করে। পরে পিত্রুপত্নীকে  
বিবাহ করিতে মানস করিলে সে তাহাতে সম্মতী  
না হইয়া আত্মঘাতিনী হওয়াতে তাহার শোকে  
৮ মাস পরে আপনি কাল কবলে পতিত হয়।  
তাহার পুত্র উত্তরাধিকারী হইয়া কিয়ৎকাল পরে  
রণে নিহত হয়। তদুত্তরাধিকারিরাও এই রূপে  
পঞ্চত্ব প্রাপ্ত হয়। অতঃপর এক স্ত্রী এ রাজ্যের  
অধিকারিণী হইয়া ১৮ মাস পরে প্রধান লোকদ্বারা  
পদচ্যুত হইলেন। তাহার পরবর্ত্তি অধিকারিকেও  
প্রধান লোকেরা পদচ্যুত করে। তৎপরে আজমী  
রানী সাম্রাজ্য শাসনে নিযুক্ত হইলেন।

৭৩৪ শালে আরবীয় সৈন্যগণ পারস্য দেশ  
আক্রমণ করিলে এ আজমী রানী স্বরাজ্যের রক্ষ-  
ণার্থ রস্তম নামক এক ব্যক্তিকে সেনাপতি করিয়া  
প্রেরণ করেন। এথিয়োপিয় রাজা মেদিনা নগর  
আক্রমণ করিবার সময় যে শ্বেত হস্তী আরোহণ  
করিয়া গমন করেন উক্ত সেনাপতি জয়-লক্ষণ  
বোধে সেই হস্তী আনয়ন করিলেন। আরবীয়  
সৈন্যবৃহ্মধ্যে স্থিত ঘোটক-সকল এ হস্তী ও  
অন্য ২২ দস্তী অবলোকন করিয়া সাতিশয়-ভীত  
হওয়াতে উক্ত সৈন্যেরা পদবুজে যুদ্ধ করিয়াছিল।

সেনাপতি উক্ত শ্বেত হস্তির সহিত কর্মকারের  
এক খান জয় সূচক চর্ম আনয়ন করিয়াছিল।  
পূর্বকালে বুখারা দেশে এক জন লৌহজীবি  
একখান চর্মদ্বারা স্বীয় জানু আচ্ছাদনপূর্বক  
কর্ম করিত, এ দেশে দৈবাৎ রাজ বিপ্লব  
উপস্থিত হওয়াতে প্রজাপুঞ্জ বিদোহী হইয়া  
রাজার বিরুদ্ধে সমরোদ্যোগ করে, তাহাতে  
সেই লৌহকার আপনার অঙ্গাবরণ সেই চর্ম  
পতাকার অগুণ্ঠাগে বন্ধন পুরঃসর উড়ীন



করিয়া তাহাদের অগুবর্তী হইয়াছিল, দৈবাৎ তদুদ্যোগে তাহারা জয়পাশ্চ হওয়াতে তদবধি ঐ চর্ম জয়লক্ষণ বলিয়া সাধারণ জনগণ সন্নিধানে পুতিষ্টিত ও পুসিক্ত হয় এবং বিজিগীষু লোকেরা জয়লক্ষণ বলিয়া যত্নপূর্বক তাহা রক্ষণ করিত। ঐ চর্মের পার্শ্বদ্বয় রেশম বস্ত্রে এবং স্বর্ণে নপ্তিত হওয়াতে তাহা প্রায়ঃ দীর্ঘে ১৬ হস্ত ও প্রস্থে ৯।১০ হস্ত হইয়াছিল।

পারস্য সেনাপতি ঐ দুই জয় লক্ষণ লইয়া সৈন্য সমভিব্যাহারে আরবীয়দিগের সহিত তুমুল যুদ্ধ আরম্ভ করিলেন। আরবীয় সেনানী আবুযোবৈদা ঐ হস্তির নিকট গমন পূর্বক এক খড়াঘাতে তাহার শূণ্ড ক্ষত করিয়া স্বয়ং রণক্ষেত্রে পতিত হইলেন। হস্তী খড়্গ-পুহারে ক্রুদ্ধ হইয়া তাঁহাকে চরণদ্বারা দলিত করিল, সুতরাং তাঁহার সৈন্যগণ সেনাপতিকে নিহত দেখিয়া পালায়ন পরায়ণ হইল। ঐ রণে ৪ সহস্র আরবীয় বিনষ্ট হয়। পরে তথায় অনেক বার যুদ্ধ হয়, এক বার পারস্য সেনাপতি হত হওয়াতে তাহার সৈন্যগণ ভীত হইয়া মদিনা নগরে পলাইয়া যায়। পারস্য দেশস্থ পুধান ২ ব্যক্তি এবং পুরোহিতেরা তৎসংবাদ শ্রবণে বিবেচনা করিয়াছিল আমাদিগের প্রভু জীলোক, একারণ পরাজয় হইয়াছে। অনন্তর খোরাসান দেশের রাজা ঐ রাণীকে বিবাহ করিতে পুর্থনা করিলেন; তাহাতে রাজ্ঞী অস্বীকৃতা হইলে রাজা এক দিন রাত্রি যোগে তাঁহার গৃহে আসিয়া উপস্থিত হইলেন। রাণী তাহা দেখিয়া আশ্রয় পূর্বক তাহাকে বধ করিলেন। পরে ঐ রাজার পুত্র প্রতিহিংসায় প্রবৃত্ত হইয়া রাণীকে হত করিয়া এক বৎসর রাজ্য করেন। তদনন্তর কশ্মীরে অপর পুত্র রাজা হইয়া ৪০ দিন পরে এক ক্রীতদাস-কর্তৃক দত্ত বিধে পঞ্চ

পাশ্চ হইলেন। তথাকার পুধান ও পুরোহিতেরা কশ্মীর একবিশতি বর্ষব্যয়ক পৌত্র ইয়েটুডি গুণ্টকে রাজা করিলেন। তিনিও রাজপদে নিযুক্ত হইয়া রক্তমকে সেনাপতি করেন।

তৎকালে যোমার সাদ নামক অন্য এক ব্যক্তি সেনাপতির পদে নিযুক্ত ছিলেন। কথিত আছে ঐ ব্যক্তি প্রথমে শত্রুদিগের রক্তপাত অর্থাৎ বধ করেন। তিনি মেদিনা হইতে ষট্ সহস্র নূতন সৈন্য সঙ্গপূর্বক গমন করিয়াছিলেন, তাহার মধ্যে এক সহস্রের সেনাপতি পূর্বে স্বয়ং মুহম্মদ ছিলেন; ইহারা পারস্য দেশে স্থিত সৈন্যের সহিত একত্র হইল। সমুদায়ে আরবীয়দিগের সৈন্য তথায় কেবল ৩০ সহস্র ছিল; কিন্তু কাদেশা স্থানের শিবির মধ্যে পারস্য সৈন্য ২০ সহস্রাধিক এক লক্ষ ছিল; সাদ ইহা দেখিয়া ভীত হইয়া যোমারকে পত্র লিখিলেন “যে আমার সৈন্য অত্যন্ত অধিক শত্রুদের যোদ্ধা অধিক, কিরূপে যুদ্ধে সাহস করিতে পারি”। যোমার তাহাতে এই উত্তর লিখিলেন সৈন্য সংখ্যার নিমিত্ত চিন্তিত না হইয়া তুমি বোধ করিও আমি খলিকা সম্মুখে যুদ্ধ করিতেছি। আরবীয় সেনাপতি পারস্য দেশের সম্রাট যেটুডরিদের নিকটে দূত প্রেরণ করিলে তাহারা রাজ ভবনে প্রবেশ পূর্বক রোপ্য স্তম্ভে সুশোভিত সিংহাসনোপরি উপবিষ্ট রাজাকে এবং তৎপার্শ্বস্থ পুধান লোকদিগকে স্বর্ণে ও উত্তম বস্ত্রে বিভূষিত দেখিয়া সম্রাটকে কহিল আপনি আরবীয় ধর্ম গ্রহণ করুন। সম্রাট তাহাদিগকে কাপাস বস্ত্র পরিহিত দেখিয়া ক্রোধভরে কহিতে লাগিলেন; “তোমরা পূর্বে প্রান্তরে বাস করত কেবল খর্জুর ও হরিদ্রণ গোখিকা ভক্ষণ এবং মলিন জল পান করিতে। তোমাদিগের বসন পশুলোমে নির্মিত


হইত; আমাদিগের দেশে অসিয়া সুখাদ্য আহার ও সুস্বাদু জল এবং অত্যুৎকৃষ্ট বস্ত্র লাভে পরম সুখ ভোগে থাকিয়া এক্ষণে এদেশ লুণ্ঠ করিতে চাহ? ওহে এবিষয়ে এক শৃগালের ইতিহাস কহি শ্রবণ কর; তোমরা সেই শৃগালের তুল্য অবিকল হইয়াছ। এক দুষ্কর ক্ষেত্র পালকের নিকট দৈবযোগে এক শৃগাল উপস্থিত হইল, ক্ষেত্রপাল দয়া করিয়া ঐ শৃগালকে কতক গুলি দুষ্করফল আহার করিতে দিল। শৃগাল তাহা ভক্ষণ করিয়া পরমানন্দে স্বজন সমীপে গমনপূর্বক কহিল, তোমরা সকলে অমুক ক্ষেত্র পালকের নিকট গমন করিলে সুমধুর দুষ্করফল ভক্ষণ করিতে পাইবা। ইহা শুনিয়া সমস্ত শৃগাল সেই ক্ষেত্র পালের সমীপে গিয়া উপস্থিত হইল। ক্ষেত্র পালক মনে ২ কহিতে লাগিল, এক শৃগালকে ফল দিয়াছি বলিয়াই কি সকলকে দিব। ইহা কহিয়া তাহাদিগকে প্রহার পূর্বক প্রাণে হত করিল। দূতগণ তাহাতে এই প্রত্যুত্তর করিলেন “আমাদিগের মধ্যে পূর্বকালে কোন ২ ব্যক্তির শব ভক্ষণ ও রক্ত পান করিত, এবং কেহ ২ অন্যের সম্পত্তি গৃহণাভিলাষে আত্মীয় স্বজন ও কুটুম্ব লোকদিগকে বধ করিত, এবং কোন ২ জন যুবতী কন্যার পালনে অসমর্থ হইয়া তাহাদের পুণ্ড বিনাশ করিত বটে, কিন্তু এ সকল ব্যবহার আমাদের অজ্ঞানাবস্থায় হইয়াছিল; যখন মুহম্মদ আমাদের দেশে আগমন করেন সে সময়হইতে ঐ সমস্ত নিষ্ঠুর ব্যবহার রহিত হইয়া গিয়াছে। তিনি স্বীয় খড়্গদ্বারা আত্ম ধর্ম গৃহণার্থ অনেকে স্বমতাবলম্বী করিতে আসিয়াছিলেন। সে যাহা হউক, এক্ষণে আমরা তোমাদিগকে কোরাণ খড়্গ ও করের বিষয়ে প্রস্তাব করিতেছি, কোন বিষয়ে সম্মত হইবে, বল? সোমরাত এতৎ

শ্রবণে সাতিশয় ক্রোধ পুকাশ পূর্বক তাহাদিগকে বধ করিতে উদ্যত হইলেন; এবং এই আজ্ঞা প্রদান করিলেন যে এই ঘেঁষি ও অত্যাচারি ব্যক্তিদিগের গলদেশে মৃত্তিকা যুক্ত গুলি গুলি বদ্ধ করিয়া দেও। তিনি আপন শত্রুদের প্রতি এই রূপ আজ্ঞা দিলে দূতেরা আপনাদের সেনাপতি সন্নিধানে গমনপূর্বক বলিতে লাগিল; “যদি তোমরা পারস্য দেশ আক্রমণ কর তাহা হইলে মৃত্তিকাতে তোমাদের কবরস্থান হইবেক”। অপর মৃত্তিকায়ুক্ত একটা গুলি এক জন সেনাপতির হস্তে সমর্পণ করত কহিল “যে প্রকারে আমরা তোমাকে ইহা দিলাম, সেই মত পারসিক লোকেরা তোমাদের হস্তে দিবেন, তাহা স্পষ্ট প্রত্যক্ষ হইতেছে”।

### কাশ্মীর দেশের বিবরণ।

কাশ্মীরদেশ ভারতবর্ষের উত্তর পশ্চিম-মাঞ্চলে অবস্থিত। মধ্যস্থলে ভূরি ২ গিরিশৈলী ক্রুদু ২ স্তলীদ্বারা পরস্পর পৃথগ্ভূত হইয়া দক্ষিণ পশ্চিম দিক হইতে উত্তর পূর্ব পর্যন্ত ব্যাপ্ত থাকতে ঐ জনপদ পর্বতীয় দেশ বলিয়া গণ্য হইয়া থাকে। বিতস্তা নদী তদদেশের পূর্ব পশ্চিম সীমা ব্যাপিনী। নিকটবর্তী যাবতীয় পর্বতময় দেশাপেক্ষা কাশ্মীরদেশ অতিশয় উর্বর। তথায় শৈলশৈলীর উপরি ভাগ বৎসরের মধ্যে বহুদিন নীহারাক্ষয় ও বন্য তরুলতায় সমাকীর্ণ থাকে বটে, কিন্তু নিম্নভাগের ভূমি সকল নানা জাতীয় শস্যে—বিশেষতঃ প্রচুর ধানে—সুশোভিত হয়। তত্রত্য ভূমির আর্দ্রতাই এই শস্যোৎপত্তির প্রধান কারণ।





(শালনোমদ ছাগ।)

কাশ্মীর দেশে শীত ও গুণ্ডা এই দুই ঋতুর বিশেষ অনুভব হয়, কিন্তু নিদাঘাপেক্ষা হেমন্ত অধিক দিন ব্যাপী। অগুণ্ডায়ণ মাসের শেষে তথায় শিশির পাত আরম্ভ হয়; যাবৎ পর্যন্ত চৈত্রমাসীয় গুণ্ডাপ্রভা উদিতা না হয় তাবৎ নিবৃত্ত হয় না; কোন ২ স্থল চৈত্রের শেষ পর্যন্ত ক্রমাগত তুষারচ্ছন্ন—এবং কোন ২ উত্তুঙ্গ শিখর প্রায় সমস্ত বৎসরই নীহারে পরিবৃত্ত—থাকে। পরন্তু স্বভাবতঃ সে স্থানে এত তুষার পতিত হইয়া থাকে যে বৃহৎ ২ বন্য তরুর শাখা পল্লব তন্মারে নত হইয়া যায়।

উক্ত দেশের লোকেরা চৈত্র মাসকে “কুৎসিত

বসন্ত” অথবা “পঙ্কিল বর্ষাকাল” বলিয়া গণ্য করে। ফলতঃ এ মাসে প্রবল সমীরণের বহন, এবং ক্ষণে ২ বৃষ্টিপাত হয়; ও যনোদয়ে দিবাকর প্রায় আচ্ছন্ন হইয়া থাকে, অপর বর্ষা ও ক্ষেত্র সকল কন্দমাক্ত হইয়া যায়, অতএব এ সময়কে প্রাবৃট্ কাল বলা অযুক্ত নহে। গুণ্ডা ঋতুর অন্যান্য মাসে তদ্দেশ সাতিশয় উষ্ণ থাকে; তাহাতে শস্যাদি পরিপক হয়, এবং তুষার গলিয়া বহুল পরিমাণে বারিপাত হওয়াতে নদ নদী সকল পরিপূর্ণ হইয়া নিকটস্থ ভূমি সকলকে আর্দ্রীভূত করে, ও ক্ষেত্রের উর্বরত্ব জন্মিয়া পুনর্বার প্রচুর শস্যোৎপত্তির সম্ভাবনা হয়।

কাশ্মীর দেশীয় লোকদিগের মধ্যে বহুকালাবধি এই এক জনপ্রবাদ আছে যে উক্ত দেশ প্রথমতঃ একটা বৃহৎ হ্রদ ছিল। তদ্দেশের বর্তমান আকৃতি প্রকৃতি অবলোকন পুরঃসর বিবেচনা করিলে এ জনপ্রবাদ নিতান্ত নিস্মূল বোধ হয় না। সে যাহা হউক, উক্ত দেশ যে পর্বতময় তাহা প্রত্যক্ষে দৃষ্ট হয়। সেই সকল শৈলের উপরিস্থ ভূভাগে কি ২ জন্মিয়া থাকে বিশেষ জ্ঞাত হয় নাই; কিন্তু পার্শ্ব-সকল বনময়, এবং মধ্যবর্ত্তি স্থান ভূরি ২ নদীর প্লাবনে যদিও আর্দ্র ও লতা পল্লবাদি পচিয়া উর্বর হয়, তথাপি লোকদের আলস্য প্রযুক্ত—কদাচিত্ উপযুক্ত সময়ে শস্য-রোপণ বিরহে—তাহাও অরণ্যময় হইয়া থাকে। অপিচ এ দেশ শৈলময় এ প্রযুক্ত তথায় ভূমিকম্প প্রায় সর্বদাই হয়।

কাশ্মীর-দেশের মধ্যে বিতস্তা নদী সর্ব-প্রধান। কাশ্মীরায় দক্ষিণ পূর্ব সীমা সন্নিহিত শৈলের নিব্বরহইতে এ স্রোতের উৎপত্তি হইয়াছে। এই স্রোতঃস্বতীর সঙ্গে দক্ষিণহইতে কায়সূ নদী এবং উত্তরহইতে বাং নদী আসিয়া মিলিত হইয়াছে।

কাশ্মীর নগরীর দ্বাদশ ক্রোশপশ্চিমে “উলার” নামে এক বৃহৎ হ্রদ আছে, তাহার পরিধি প্রায় ১৮ ক্রোশ। অপর পূর্ব দিগ্ স্থিত “ডাল” নামক হ্রদও প্রায় ততুল্য। এই হ্রদের সঙ্গে অন্যান্য কতিপয় হ্রদ মিলিত আছে; ইহার জল অনেক খালদ্বারা নির্গত হইয়া যায়। এতদ্ভিন্ন উক্ত প্রদেশে, “আঞ্চার” “মানস” প্রভৃতি অন্যান্য যে ২ হ্রদ আছে সে সকল ক্ষুদ্র।

বিতস্তা নদী কাশ্মীরদেশের দক্ষিণ পূর্ব সীমা অবধি উত্তর পশ্চিম সীমা পর্যন্ত বিস্তৃত; সুতরাং এ নদীর তট-ভূমির দীর্ঘতাই কাশ্মীর দেশের দৈর্ঘ্য পরিমাণ। উক্ত তটিনীর তটভূমির দীর্ঘতা প্রায়

২৩ ক্রোশ; সমস্ত কাশ্মীরের পরিমপ স্থানে ২ ১২২০ ক্রোশাপেক্ষা অধিক হইবেক না। উক্ত প্রদেশে উচ্চ পর্বত এবং উপত্যকা ভূমিই বিস্তর; তথায় অধিক লোকের বসতি নাই। সে দেশ পঞ্চাশৎ পরগণায় বিভক্ত আছে।

কাশ্মীর নগর বিতস্তা নদীর উত্তর দক্ষিণ উভয় পার্শ্বে প্রায় অর্দ্ধাধিক এক ক্রোশ বিস্তৃত। পূর্বে এ নগরী “ক্রীনগর” নামে বিখ্যাত ছিল। নগরের পূর্ব-দিকের প্রান্তভাগে “হরি-পর্বত” অথবা “কোহিমরান” নামে যে এক শৈল আছে তাহার উপরে দীর্ঘ অপুশস্ত এক দুর্গ আছে। উক্ত পর্বতের অদূর-বর্ত্তি একটা উচ্চ স্থান তথ্য নোলেমান নামে বিখ্যাত; নিম্নভাগে ডাল নামে এক বৃহৎ হ্রদ আছে, তাহার আকার গোল; পরিধি পরিমাণ ক্রোশ চতুষ্টয়াধিক হইবে। সেই জনাশয়ের উপরি ভূরি ২ ভাসন্ত-উদ্যান আছে। অনেক ক্ষুদ্র ২ খাল যোগে পর্বতীয় জলাগম হওয়াতে এ হ্রদ প্রায় সর্বদা পরিপূর্ণ থাকে।

কাশ্মীর নগরী বাটী-উদ্যান-প্রভৃতিদ্বারা সুশোভিতা নহে। পথ-সকল প্রায় অপুশস্ত ক্ষুদ্র ২, গলি, অত্যন্ত সঙ্কীর্ণ; প্রায় সকল পথেরই মধ্য-স্থানে পয়ঃপ্ৰণালী এবং দুই পার্শ্বে দুর্গন্ধি অবস্কর রাশীকৃত থাকে। নগরের মধ্যে স্থানে ২ উচ্চ ২ অউালিকা আছে বটে; কিন্তু সে সকল সুদৃশ্য নহে। প্রথমতঃ অপকৃ ইষ্টকদ্বারা নির্মিত, তাহাতে আবার ভিত্তি-সকল কেবল ইষ্টকদ্বারাও গুণিত হয় নাই, স্থানে ২ কাষ্ঠসংযুক্ত, অপর সৌধ অর্থাৎ চূর্ণ বালুকাদ্বারা বিলেপিত নহে। ফলতঃ এ কারণে সকল সদনই যেন ভগ্নাবস্থাপন্ন বোধ হয়; কাহার দ্বারে কপাট নাই; কোন গৃহ ভগ্ন-গবাক্ষ; কাহারো ভিত্তি-সকল অসরলভাবে নির্মিত হওয়াতে যেন পতিত হইয়া যাইতেছে; এবম্পকার



অনুভব হয়। অপর প্রায় সমস্ত বেশের ছাদ “বর্চ” নামক এক প্রকার বন্যবৃক্ষের ত্বক্‌দ্বারা মৃত্তিকা সংযোগে বিনির্মিত হওয়াতে তদুপরি তৃণাদি সর্বদাই জন্মিয়া থাকে, কদাচিৎ পক্ষি প্রভৃতির চঞ্চু বিনিঃসৃত বোজাদি পতনে বৃক্ষাদিও উৎপন্ন হয়, সুতরাং ছাদ সকল অতি বিস্ত্রী। সম্ভ্রান্ত লোকদের ভবনও ঐ প্রকার। তাঁহারা যৎকিঞ্চিৎ পরি-সরাবিত স্থানে গৃহ নির্মাণ করেন এবং তাঁহাদের প্রায় প্রত্যেক অট্টালিকার চতুর্দিকে প্রাচীর ও নিকটে উদ্যান আছে বটে, কিন্তু সে সকলের অবস্থা উৎকৃষ্ট নহে। অপিচ কাশ্মীর নগর মধ্যে প্রাচীন বিখ্যাত এতাদৃক্ একটীও অট্টালিকা নাই যে তাহার বর্ণনা করিতে হয়; পুরাতন প্রসিদ্ধ নির্মাণ মধ্যে কেবল এক মন্দির আছে; ইংরাজী ১৪০০ শালে জৈনউল আবুদ্দীন নামা যে ব্যক্তি ঐ দেশে রাজত্ব করেন তাঁহার সমাধি স্তম্ভ নামে তাহা বিখ্যাত হইয়াছে।

কাশ্মীর দেশের লোকসংখ্যা যদিও ক্রমশঃ ন্যূন হইতেছে, তথাপি তথাকার অবস্থা বিবেচনা করিলে বোধ হইবে এক্ষণেও অধিক মনুষ্য বসতি করিতেছে; ফলতঃ বিশ লক্ষ মনুষ্য কেবল শাল পুস্তত করণার্থ নিযুক্ত আছে। যদিও তথায় শাল নির্মাণই পুথান কর্ম বটে, তথাচ অন্যান্য ব্যবসা-য়েও অল্প লোক নিযুক্ত নাই। সর্বশুদ্ধ লোক সংখ্যা প্রায় চল্লিশ লক্ষ হইবে। কিন্তু প্রায় সকল লোকই দূরবস্থাপন্ন। শীখজাতীয় রাজা তাহাদিগের নিকটহইতে অধিক কর গৃহণ করে, তদ্ব্যতীত রাজ-কর্মচারীদের নানা দৌরাত্ম্য আছে, সুতরাং প্রজারা সম্পন্ন হইয়া উঠিতে পারে না। উক্ত দেশের লোক সঙ্খ্যা যে ক্রমে ন্যূন হইতেছে তাহারও কারণ শাখদের দৌরাত্ম্য নাজ; অর্থাৎ রাজস্ব অত্যধিক এপ্রযুক্ত তথাকার কৃষ্য-ভূমির ষোড়শাংশের এ-

কাংশেও কৃষিকার্য্য হয় না, সুতরাং প্রচুর শস্য না জন্মিবাতে দেশস্থ জনগণ অশন-বসন-বিরহে দেশান্তরে প্রস্থান করে; তাহাতেই লোকসঙ্খ্যা ক্রমশঃ অল্প ও দেশের দূরবস্থা বৃদ্ধি হইতেছে। অপর ঐ অঞ্চলে সময়ে ২ এক ২ টা মহামারির প্রাদুর্ভাব হইয়া থাকে। এক ব্যক্তি ইউরোপীয় কহেন তিনি যে সময় ঐ নগর ভ্রমণ করিতে গিয়াছিলেন সে সময় এতাদৃশ অসঙ্খ্য রুগ্ন মনুষ্য তাঁহার নিকটে আসিত যে পারি নগরীয় বৃহৎ অতিথিশালাতেও তাদৃশ জনতা হয় না।

কাশ্মীর দেশের মধ্যে যত ভূমি আছে সকলই রাজার স্বত্বস্বাদ। পূর্বে তদদেশের ভূরি ২ ভূমি বৃত্তিস্বরূপে অন্যান্য ব্যক্তিদিগকে পুদত্ত ছিল; কিন্তু রণজিৎ সিংহ ঐ দেশ অধিকার করিয়া তৎসমুদায় গৃহণ করেন; সুতরাং যে সকল ব্যক্তি বৃত্তি ভোগ হেতু যৎকিঞ্চিৎ সদবস্তায় ছিলেন রণজিতের সময়াবধি তাঁহারাও দুঃখ-দারিদ্রে নিমগ্ন হইয়াছেন।

উক্ত অঞ্চলে কেবল ভূমির নিমিত্তই রাজস্ব দিতে হয় এমত নহে, পুত্রেব্য ব্যবসার উপরে কর নির্দিষ্ট আছে; শাল নির্মাণ ও শাল বিক্রয় অধিক হয়, একারণ ঐ দুই বিষয়ে যথেষ্ট কর উৎপন্ন হয় বটে; কিন্তু অন্যান্য বিষয়েও অল্প আয় হয় না। কষায়ি, ঝটিওয়াল, নাবিক, বেশ্যা, উকীল, মোক্তিয়ার, এসকলকেও স্ব ২ ব্যবসার নিমিত্ত নিয়ত রাজকর দিতে হয়। নগরপাল স্বীয় কর্মের নিমিত্ত বার্ষিক ত্রিংশৎ সহস্র মুদ্রা কর দিয়া থাকে, কিন্তু তাহার পুতি যথেষ্টাচরণ পুরঃসর প্রজাজনের নিকটহইতে করাদায়ের আদেশ আছে, তাহাতে তাহার কোন ক্ষতি হয় না, পরন্তু লোকে বিশেষ বিপন্ন হইয়া থাকে। যে সকল ব্যক্তি পানীয়-ফল উত্তোলন পূর্বক তদ্ব্যবসাদ্বারা

জীবিকা নির্বাহ করে তাহাদের নিকটহইতে বৎসর ২ প্রায় ২ লক্ষ টাকা করস্বরূপে আহত হয়। রাজা সেই কর অনায়াসে আদায় নিমিত্ত কখন ২ তাহা ইজারা দিয়া থাকেন; তাহাতে ইজারদারেরাও তদুপরি লভ্য করে।

কাশ্মীর দেশীয় লোকেরা উক্ত প্রকারে দূরব-স্থায়িত হইলেও তাহাদের আকৃতি প্রকৃতি অপ-শংসনীয় নহে; তাহারা প্রায় সর্বদা হাস্যমুখ, অনেকে সুবুদ্ধি ও শিষ্ণুজ্ঞ; যদি স্যাৎ সুশাসক রাজা প্রাপ্ত হইত অন্যান্য সভ্যজাতির মধ্যে অসংশয় পরিগণিত হইতে পারিত। কাশ্মীরীয় পুরুষগণ গৌরবর্ণ, তাহাদের নয়ন সুদীর্ঘ এবং সুশোভন, নাসিকা বংশীর ন্যায় সুদৃশ্য, আকার মনোহর; বিশেষতঃ হিন্দুজাতীয়েরা অতিশয় দর্শনীয়াকৃতি। তত্রত্য অন্যান্য মনুষ্যদের শরীর দুর্বল বটে, কিন্তু হিন্দু ও মুসলমান জাতীয় কৃষি-জীবি লোকে অতিশয় বলিষ্ঠ ও সাহসাবিত। পরন্তু কোন প্রকার বিদ্যার বিশেষ চালনা না থাকতে সকল ব্যক্তিই আত্মস্তরিত্ব, অসারল্য, ইত্যাদি দোষে আঘাত। ফলতঃ কেবল শিষ্ণু বিষয়ে তাহাদের স্বাভাবিক পারগতা আছে; অর্থাৎ বিনা উপদেশেও বুদ্ধিকৌশলে ব্যবসার দ্রব্যসামগ্ৰী পুস্তত করিতে পারে; কিন্তু বিদ্যাবিরহে তাহাতেও প্রতারণারসে অত্যন্ত রসিক হয়। কাশ্মীর দেশীয় লোকদের ধর্ম বিষয়ে পক্ষপাত নাই, কারণ তদ্বিষয়ে কেহই বিশেষ জ্ঞানাপন্ন নহে; কেবল হিন্দু ও মুসলমানজাতির মধ্যে যে সকল ব্যক্তি পৌরোহিত্য ক্রিয়া করে তাহাদেরই যৎকিঞ্চিৎ জ্ঞান আছে।

কাশ্মীর দেশীয় লোকদের পরিচ্ছদ অদ্ভুত প্রকার; স্ত্রী পুরুষ উভয়েই কণ্ঠাবধি চরণ পর্যন্ত বিস্তীর্ণ সুদীর্ঘ আবরণে দেহ আবৃত করিয়া থা-

কে। অপর শীত নিবারণ নিমিত্ত প্রায় সমস্ত ব্য-ক্তিই অঙ্গবসনের মধ্যে জ্বলন্ত অঙ্গার পূর্ণ শরাব স্ব ২ গুণীয় লব্ধিত করিয়া রাখে। সেই উত্তাপ নিমিত্ত তাহাদের কক্ষদেশ বিবর্ণ হইয়া থাকে, এবং সর্বদা বহিঃসেবনে অনেকের পক্ষাঘাত রোগ জন্মে। উক্ত পুদেশে কুলান্ননাগণের অবগুণ্ণ ধারণের নিয়ম নাই। অপর তাহাদিগকে কেবল অস্ত্রঃপূরচারিণী হইতে হয় না, পুরুষের তুল্য স্বে-চ্ছাক্রমে সর্বত্র গমনাগমন করিতে পারে। পতি মরণান্তর স্বামিচিতারোহণ-পুরঃসর জীবন্তী অব-লার প্রাণত্যাগ পূর্বকালে সতীধর্ম বজিয়া সতি-শয় গৌরবে প্রচলিত ছিল, আওরঙ্গজেব বাদ-শাহের রাজত্বাবধি রহিত হইয়াছে।

কাশ্মীরীয় লোকেরা শস্য এবং ফলমূলাশনে জীবন ধারণ করিয়া থাকে, সম্পন্ন ব্যক্তির কদা-চিৎ মাংসাহার করেন; কিন্তু তাহাতেও ছাগ ও মেঘ ব্যতীত অন্য মাংস প্রাপ্ত হয়েন না। তথায় গোহত্যা করিবার বিধি নাই, গোঘাতকের পুতি গুরুতর দণ্ড হইয়া থাকে।

কাশ্মীরীঞ্চলে ধান্য প্রচুর পরিমাণে জন্মে না, এতন্নিমিত্ত ফল মূল সমাহরণ পুরঃসর তদ্বারা অনেককে দেহযাত্রা নির্বাহ করিতে হয়। তত্রত্য ভূরি ২ ব্যক্তি কেবল পানীয়-ফল উত্তোলনে নি-যুক্ত থাকে। ঐ ফল এত অধিক জন্মে ও আহত হয় যে কেবল তদ্বারা তথাকার প্রায় ৩০ ত্রিংশৎ সহস্র মনুষ্য বৎসরের চারি পাঁচ মাস জীবন ধারণ করে। অপর কুমুদ পুষ্পের মৃগালও অনেকের ভক্ষণীয়, প্রায় পঞ্চ সহস্র লোক ৮ মাস কেবল তদুপযোগে প্রাণ ধারণ করে।

উক্ত পুদেশে ধান্যাদি শস্যের স্বপ্নতা পুষুক্ত ফল মূল উৎপাদনে লোকে নানা পুকার যত্ন করিয়া থাকে। ভূমির উপর কৃষ্যাদি করিয়া মূলা,



গাজর ইত্যাদি যাহা জন্মিতে পারে অনেকে তাহা উৎপাদনে নিযুক্ত থাকে; তদ্ব্যতীত ঐ অঞ্চলে ভূরি ২ হুদ থাকতে তদুপরি ভাসমান উদ্যান প্রস্তুত করিয়া তাহাতেও অপৰ্য্যাপ্ত শসা, ফুটী তম্বুজ ইত্যাদি ফল উৎপন্ন করে। তত্রত্য সকল হুদই সুবিস্তীর্ণ, বিশেষতঃ উলার সরোবর পরিমাণে অতি বৃহদাকার; এপযুক্ত সেই সমস্ত হুদে যে সকল কুমুদ কহার ইত্যাদি জলজ লতা উৎপন্ন হয় সেই সকলের শুষ্ক শাখা সঞ্চলন পুরঃসর ভূরি ২ সুদীর্ঘ মঞ্চ নির্মাণ করে। সেই সকল মঞ্চের উপরি ভাগে প্রথমতঃ কতক গুলা শৈবাল বিস্তীর্ণ করিয়া দেয়; পরে উপরে অল্প পরিমাণে মৃত্তিকা দিয়া আচ্ছাদিত করে, এবং প্রান্তভাগে গাছের চারা রোপণ নিমিত্ত কিঞ্চিদধিক শৈবাল ও মৃত্তিকা একত্র করিয়া স্তূবাকৃতি করে। সেই স্থানে বৃক্ষ রোপিত হইয়া ক্রমে বৃদ্ধি প্রাপ্ত হওত সমুদায় মঞ্চ বিস্তৃত হয়। তাহাতে বিস্তর শসা কাকুড় ফুটী তম্বুজ ইত্যাদি জন্মে। এই প্রকার এক ২ টা হুদে বহু সঙ্খ্যক ভাসমান মঞ্চ আছে; বিশেষতঃ উলার সরোবরে অসঙ্খ্য লোকেরা সেই ভাসমান মঞ্চস্থ উদ্যান হইতে ফলাহরণ নিমিত্ত ক্ষুদ্র ২ তরি যোগে গমন করে, উদ্যানাধার মঞ্চ যদিও দীর্ঘে অত্যধিক, তথাপি পরিসরে স্বল্প এবং পরস্পরের মধ্য স্থল কিয়ৎপরিমাণে বিচ্ছিন্ন থাকতে মধ্যভাগ দিয়া তরনী লইয়া যায়, এবং নৌকায় উপবেশন করিয়াই হস্তদ্বারা ভাসমান উদ্যানহইতে ফল-সকল আকর্ষণ করে। এই ভাসমান উদ্যান চৌর্য্য বৃত্তিদ্বারা অপহৃত হইতে পারে, এই নিমিত্ত উদ্যানপালের স্ব ২ উদ্যানাধার মঞ্চের এক প্রান্তে ছিদ্র করিয়া তৎসংলগ্নে এক ২ টা সুদীর্ঘ বংশ প্রোথিত করিয়া রাখে; তাহাতে তস্করেরা হঠাৎ উদ্যান ভাঙ্গাইয়া অন্যত্র

লইয়া যাইতে পারে না; এবং পৰ্ব্বতীয় জলাগমে হুদের জল বৃদ্ধি হইলে উদ্যান নিমগ্ন হইবার সম্ভাবনাও থাকে না, কেননা প্রান্তভাগে প্রোথিত বংশে উদ্যান সংলগ্ন থাকে বটে; কিন্তু সচ্ছিদ্র প্রযুক্ত তৎসংসুবে মঞ্চের ভাসন্ত হইবার পক্ষে কোন ব্যাঘাত হয় না।

কাশ্মীর দেশীয় লোকেরা আর এক বস্তু সমাহরণে আশ্চর্য্য প্রকারে প্রবর্তমান হয়। তদ্ব্যপে ইক্ষু ইত্যাদি মিষ্ট রসের সামগী অত্য়প্প জন্মে, এনিমিত্ত তাহারা মধু-সমাহরণে বিশেষ কৌশল করিয়া থাকে। তদঞ্চলে সুগন্ধি কুমুম সর্বত্র অতি সুলভ, একারণ মধুমক্ষিকা বিস্তর জন্মে। সেই সকল মধুমক্ষিকা গৃহের মধ্যে মধুচক্র নির্মাণ করে, এবং পুনঃ ২ তাহাহইতে মধু সঙ্গ্রহ করিতে পারে। যার এতন্নিমিত্ত প্রায় সর্বজাতীয় লোকেরা স্ব ২ নিকেতনের যাবৎ কুটীরেই মধুমক্ষিকার মধুচক্র হইবার উপায় করিয়া রাখে। যে সময় যে কোন গৃহ নির্মিত হয় তখন প্রায় সকল ভিত্তিতেই গোলাকৃতি এক ২ টা ছিদ্র প্রস্তুত করিয়া রাখে। সেই গোলাকার রন্ধুর ব্যান পরিমাণ ১০।১২ অঙ্ক লি হইয়া থাকে। দীর্ঘতা ভিত্তির পরিসরানুসারে পাদোনহস্ত অথবা এক হস্ত পরিমাণ হয়। তাহার মধ্যস্থলে মধুমক্ষিকাগণ প্রবেশ পুরঃসর মধুচক্র নির্মাণ করিবে এতদর্থ লোকেরা ঐ ছিদ্রের দুই প্রান্ত তুষময় মৃত্তিকায় লেপন করিয়া রাখে। মধুমক্ষিকাগণ গৃহের বহির্ভাগহইতেই আসিয়া মধুচক্র নির্মাণ করিয়া থাকে; সুতরাং ভিত্তির বহির্দিকে ছিদ্রের যে মুখ, তাহা কর্তনপূর্বক ক্রমশঃ তন্মধ্যে প্রবেশ করিয়া চাক নির্মাণ করিতে থাকে। চাক ছিদ্রের দীর্ঘতা পর্য্যন্ত বিস্তৃত হইলে তাহাহইতে মধু আহরণার্থ লোকেরা এক খান শরাব অথবা

অন্য কোন ক্ষুদ্র পাত্রে জলন্ত অঙ্গার দিয়া তদুপরি আর্দ্র তৃণ নিক্ষেপপূর্বক ধূম নির্গম করাইয়া তাহা লইয়া গৃহের মধ্যে যায় এবং গৃহের অভ্যন্তরে ভিত্তিস্থ ছিদ্রের যে অন্যদ্বার বন্ধ থাকে তাহা মুক্ত করিয়া দিয়া তন্মিকটে সেই ধূমপাত্র ধারণ করত বায়ুযোগে ধূম সকলকে ছিদ্রের মধ্যে প্রবেশ করাইয়া দেয়, তাহাতে মধুমক্ষিকাগণ সমস্ত্রমে অপর দ্বার দিয়া বহির্ভাগে প্রস্থান করে, সুতরাং শুদ্ধ মধুচক্র পাইয়া স্বেচ্ছানুসারে তাহার অধিক-ভাগ কর্তন করিয়া আনয়নপূর্বক তন্নিপীড়নে মধু সঙ্গ্রহ করে। যে মধুচক্র কর্তন করিয়া লয় তাহার কিয়দংশ অবশিষ্ট থাকতে মধুমক্ষিকারা পুনর্বার আসিয়া সেই চক্র বৃদ্ধি করিয়া থাকে, কিয়দিন মধ্যে পুনর্বার চক্র সম্পূর্ণ হইলে পুনশ্চ ঐ প্রকারে কর্তন করিয়া লয়। এই রূপে প্রায় তাবৎ লোকের আনয়েতেই মধু সঞ্চিত হয়, সুতরাং কাশ্মীরীরাঞ্চলে মিষ্ট দ্রব্য স্বভাবতঃ অধিক না জন্মিলেও মধু-প্রসাদাৎ তদঞ্চলীয় জনগণ মধুর রসাস্বাদনে বঞ্চিত হয় না।

৪০ পৃষ্ঠায় যে ছাগের অবয়ব অঙ্কিত আছে, তাহা কাশ্মীর দেশজ নহে; তিব্বত-দেশ তাহার জন্ম স্থান; অতএব এ প্রস্তাব-মধ্যে বর্ণনযোগ্য হইতে পারে না, কিন্তু কাশ্মীর-দেশের সর্বোৎকৃষ্ট পদার্থ শাল ঐ ছাগের লোমে উৎপন্ন হয়; সুতরাং ঐ অজ তদেশীয় না হইলেও তদেশের উপলক্ষে ঐ পশুর মূর্ত্তি প্রকাশ করা অসম্মত হইবে না; ফলতঃ পূর্ব প্রকাশিত খণ্ডে “শাল প্রস্তুত করণ প্রথা” নামক প্রস্তাবের সহিত ইহা প্রকাশ করিবার অভিপ্রায় ছিল; স্থানাভাব-প্রযুক্ত তাহা হয় নাই। এই ছাগ পাটনা দেশজ ছাগের ন্যায় উচ্চ; এবং অবয়বও

তদ্রূপ ও শুক্ল বর্ণ; কেবল মস্তক ও গুঁবা কৃষ্ণবর্ণ। সামান্য ছাগের দেহহইতে যে প্রকার কদর্য্য গন্ধ নিঃসৃত হয় প্রস্তাবিত ছাগের শরীরে তদ্রূপ দুর্গন্ধ নাই। শাল প্রস্তুত করণ প্রথার প্রস্তাবে (৫ পত্রে) এই পশুর দেহস্থ রোম ও লোম পদার্থের প্রভেদ বর্ণিত হইয়াছে, তৎপাঠে বোধ হইবেক যে পশু-দেহে আশু প্রত্যক্ষ যে পদার্থ তাহাই রোম বা কেশ; এবং তদ্বারা আচ্ছাদিত ও তন্মূলে স্থিত কোমল কাপাসবৎ পদার্থ লোম। সংস্কৃত ভাষায় ইহাকে উর্গা-শব্দে কহে। লোমজ বস্ত্র মাত্র ঐ পদার্থে প্রস্তুত হয়। হিম-প্রধান দেশে ঐ উর্গা অতি সূক্ষ্ম ও কোমল হয়, এবং গুঁয় বহুল দেশে তাহাতে বিপরীত গুণ বর্ত্তে; অতএব তিব্বতীয় ছাগ এতদেশে রাখিলে তাহার দেহহইতে শাল প্রস্তুত করণের যোগ্য উর্গা প্রাপ্তির সম্ভাবনা থাকে না।

বটস্।

বটস্ টমের কন্যা লুক্সিয়া টারকুইনিয়স্ সুপর্বস্ নামক রাজার জ্যেষ্ঠ পুত্রকর্তৃক দুর্নানগুস্ত হওয়ার অপবাদ রক্ষ রাজ্যে প্রচারিত হইলে সকলে একত্র হইয়া উক্ত অযোগ্য রাজাকে রাজ্যচ্যুত করিতে এবং তাহার নির্দয় শাসন-হইতে নিষ্কৃতি পাইতে মনস্থ করেন।

শান্তিরক্ষক সেনাধ্যক্ষ ক্রটস্ সকলকে আশ্বাস করত আপনাদিগের স্বাধীনতার হানি ও কঠোর যন্ত্রণা ভোগের বিষয়ে বক্তৃতা করিলে সভাস্থ সমস্ত বক্তারা স্বোৎসাহ পূর্বক রাজাকে তৎক্ষণাৎ নপরিবারে একেবারে দেশত্যাগ করিতে আজ্ঞা প্রদান করিলেন, এবং সকলে পরামর্শ স্থির করিলেন যে রাজ্যবিষয়ে নূতন নিয়ম অব-



লম্বনে রাজার পরিবর্তে বর্ষে দুই জন তৎক্ষণাতঃ ব্যক্তিকে একত্রে কঙ্গল নামক পদে নিয়োগ করা কর্তব্য।

সাধারণ সমাজের প্রতি এ বিষয়ের ভারপূর্ণ হওয়াতে, তাঁহারা তদন্তে ক্রটস্‌ ও কোলেটাইনস্‌ নামক কুলীনদ্বয়কে কঙ্গল পদে অভিযুক্ত করিয়া তাঁহাদিগকে এতাদৃশ দৃঢ় শপথ দ্বারা আবদ্ধ করিলেন, যে তাঁহারা স্বয়ং অথবা পুত্র পৌত্রাদিক্রমে, টারকুইনস্‌ কিম্বা তাঁহার পরিবারের মধ্যে কাহাকে পুনরাস্থান করিবেন না; এবং যে কেহ রাজত্ব-স্থাপনের পুনরাকাঙ্ক্ষা করিবেক সে দেবতাদিগের নিকট সাপরাধরূপে গণ্য হইয়া, তৎক্ষণাতঃ প্রাণ-দণ্ড হইবেক।

এ বর্ষের শেষ হইতে না হইতে কথকগুলিন ভদ্রবংশজাত যুবক এবং তন্মধ্যে ক্রটস্‌ নামক কঙ্গলের পুত্রদ্বয় এক কুমন্ত্রণা ঘটিত ব্যাপারে লিপ্ত হইলেন। তাঁহাদিগের মানস যে টারকুইন পুনর্বার রাজ্যাধিপতি হইবেন। ডাওনিসিয়স্‌ নামক গুহকর্তা লিখিয়াছেন যে তাঁহারা এমত অদ্ভুত মূর্খতার মোহিত হইয়াছিলেন যে স্বদেশের সঙ্ঘর্ষ ও বর্তমান কঙ্গলদিগের হত্যা করিবার সময়ের নির্ণয় করিয়া উক্ত অস্ত্রচারিকে স্বহস্তে লিপি লিখিয়াছিলেন। ভিন্ডিসস্‌ নামা এক ব্যক্তি ক্রীতদাস তাঁহাদিগের এতাদৃশ মানস অবগত হইয়া কঙ্গলদিগের নিকট নিবেদন করিতে, তাঁহারা তৎশ্রবণ-মাত্রে যথেষ্ট লোক সমভিব্যাহারে কুমন্ত্রণাকারিদিগের গুপ্ত সভায় সমাগত হইয়া লিপ্যাদি সহিত তাহাদিগকে ধৃত করিলেন।

পরদিবস প্রাতে ক্রটস্‌ বিচারাসনে উপবেশন করিয়া অপরাধিদিগের আনয়ন পূর্বক রীতিমত বিচারে প্রবৃত্ত হইলেন। ভিন্ডিসসের সাক্ষ্যতা গৃহণ এবং টারকুইনের নামে লিখিত পত্র সমস্ত

এ বিচারস্থলে পাঠ হইলে, কুমন্ত্রণাকারিরা জিজ্ঞাসিত হইল, যে তোমাদের আপন ২ রক্ষা-যোগ্য কিছু বক্তব্য আছে কি না, তাহারা বাচনিক কোন প্রত্যুত্তর না করিয়া সকলেই সজল-নয়নে দীর্ঘ নিশ্বাস ত্যাগ করিতে লাগিল। সভাস্থ সমস্ত ব্যক্তি অধোমুখ হইয়া নিস্তব্ধ রহিল, এবং কিয়ৎকাল পরে এই ধ্বনি সর্বত্র উঠিল যে “উহাদিগের দ্বীপান্তর করা যাউক”; কিন্তু ক্রটসের সাধারণোপকারিতা রস পিতৃ-সুহাপেক্ষা মনে বলবান হওয়াতে তিনি বিচারকের যথার্থ ধর্ম প্রতীপালন পূর্বক স্বদেশের নিয়মানুসারে অপরাধের অপরাধি সহিত আপন পুত্রদ্বয়ের প্রাণদণ্ডের আজ্ঞা প্রদান করিলেন।

অতঃপর ক্রটস্‌ বিচারকর্তা ছিলেন বলিয়া সমস্তাদিগের প্রাণদণ্ড নেত্রগোচর করিয়াছিলেন। তৎকালে অনেক ভদ্রসন্তানেরও প্রাণ সংহার হয়, কিন্তু অজ্ঞাত ব্যক্তির ন্যায় তাহাদিগের প্রতি তাচ্ছিল্য করত ক্রটসের পুত্রদ্বয়ের প্রতি সকলেই মনোযোগী হইয়াছিল; এবং সাক্ষ্যে ধর্মকপি পিতার প্রতি দৃষ্টিকোপ করাতে বিলক্ষণরূপে প্রতীত হইয়াছিল, যে তাঁহার দৃঢ়তর প্রতিজ্ঞার বিরুদ্ধে স্বাভাবিক সৌহের প্রতিবিম্ব তাঁহার মুখমণ্ডলে প্রকাশ পাইয়াছিল; ক্রটস আপন কর্তব্যতার অনুরোধে স্বভাবের বিপরীতচরণ করিয়াও স্বভাবকে সম্পূর্ণরূপে অতিক্রম করিতে অক্ষম হইয়াছিলেন। অ, না, দ,

কৌতুক কথা।

এ কদা জনৈক আরব-জাতীয় পদাতি সৈন্য মক্কায় আগমন পূর্বক সত্বরে অবৈধরূপে উপাসনা করতঃ প্রয়াণ করিতেছিল, এমত সময়ে তত্রত্য মহারাজ আ-

পন পাদুকা তাহার সম্মুখে ধারণ করতঃ কহিলেন; “ত্রিষ্ট; যথা বিহিত ধৈর্যতার সহিত মনোযোগ পূর্বক পুনরায় উপাসনা করহ; কৃতোপাসনা অবৈধ হইয়াছে, তাহা কদাপি গ্রাহ্য হইবে না”। আরব পাদুকা-ভয়ে যথা নিয়মে পুনরায় উপাসনা করিলে পর রাজা কহিলেন; দেখ, পূর্বাপেক্ষায় এইক্ষণে উত্তম উপাসনা হইল কি না”? আরব কহিল; “না; প্রভো ধার্মিক প্রণেত, প্রথম উপাসনা ঈশ্বর-ভয়ে হইয়াছিল; অধুনা পাদুকা-ভয়ে হইল”।

যাদৃশ দান তাদৃশ ফল।

কোন ধনাঢ্য লোক এক উপাচার্যকে মণিবিহীন এক অঙ্গুরী প্রদান পূর্বক কহিলেন; “আমার নিমিত্ত ঈশ্বর-নিকটে মঙ্গল প্রার্থনা করহ”। উপাচার্য বেদী আরোহণ করত কহিলেন; “হে, জগদীশ্বর, স্বর্গে এই ব্যক্তিকে ছাদ-রহিত এক সুচারু অট্টালিকা প্রদান করিও”। ধনী আশ্চর্য হইয়া কহিল, “এ কীদৃশ আশীর্বাদ”? উপাচার্য কহিলেন; “আপন অঙ্গুরী মণিবিহীন; সূত্রাং আমার অট্টালিকাও ছাদ-হীন হইয়াছে”।

উপযুক্ত প্রত্যুত্তর।

আবুল ফেদলুলি নামা প্রসিদ্ধ ধনী একদা কোন পণ্ডিতকে নানা বিষয়ে প্রশ্ন করিতেছিলেন। পণ্ডিত গুনিবামাত্র সকল প্রশ্নের প্রত্যুত্তর দেওয়াতে ফেদলুলি কহিলেন; “তোমাকে যে প্রশ্ন করা যায় তৈর্য্যাবলম্বন পূর্বক তাহার মর্ম জ্ঞাত না হইয়া এতাদৃশ সত্বরে প্রত্যুত্তর দেও কেন”? পণ্ডিত জিজ্ঞাসিলেন; “আপন দক্ষিণ হস্তে কয়টা অঙ্গুলি আছে”? ধনী তৎক্ষণাতঃ উত্তর দিলেন; “কেন? পাঁচটা”। পণ্ডিত কহিলেন; “আমার প্রশ্ন বিবেচনা না করিয়া

কেন এতাদৃশ সত্বরে প্রত্যুত্তর দিলেন”? সে কহিল, “এবম্বিধ প্রশ্নের উত্তরে কি বিবেচনা করিব”? পণ্ডিত কহিল; “তবে আমার বেলাইবিবেচনার প্রয়োজন কি”?

কবির পুরস্কার।

খালবি নামক প্রসিদ্ধ কবি মনসুর ভূপতির অত্যন্ত প্রিয়পাত্র ছিলেন। তিনি একদা অত্যুৎকৃষ্ট এক কবিতা রচনাপূর্বক রাজার নিকট তাহা পাঠ করিলেন। রাজা তৎশ্রবণে সন্তুষ্ট হইয়া কহিলেন; “কহ খালবি, ইহার পুরস্কার স্বরূপে তিন শত স্বর্ণমুদ্রা লইবে, কি তিন শত স্বর্ণমুদ্রা-মূল্যোপযুক্ত জ্ঞান প্রদায়ক তিন সদুপদেশ গ্রাহ্য করিবে”? রাজার নিকট আপন বিদ্যানুরাগিতা প্রকাশ করণাভিপ্রায়ে খালবি কহিলেন; “নশ্বর ধনাপেক্ষায় অক্ষর জ্ঞান অবশ্যই সমাদরণীয়”। মনসুর কহিলেন, “ভাল; শ্রবণ কর। প্রথম উপদেশ এই, বস্ত্র ভগ্ন হইলে তাহাতে তালি দিও না; সে দেখিতে অতি কদর্য”। খালবি কহিল; “হা, এক শত মুদ্রা বৃথাই গেল”। রাজা সহাস্যবদনে কহিলেন, “দ্বিতীয় উপদেশ এই, স্নানান্তে তৈল মর্দন করণ সময়ে তাহার মূলে তৈল দিও না”। খালবি ধ্বনি করিল, “হা! হা! কি আফসোস! কি আফসোস! দুই শত মুদ্রায় আমার জলাঞ্জলি হইল”। মনসুর হাস্য করত “তৃতীয় উপদেশ এই, বলিবার উপক্রম করেন এমত সময়ে খালবি ক্রন্দনস্বরে কহিলেন; “হে নৌভাগ্যপ্রদ খলিকা! দো-হাই প্রভো; এ উপদেশটা আপন ভাণ্ডারে রাখাইয়া দেন; আর তন্মূল্য এক শত স্বর্ণমুদ্রা আমাকে প্রদান করুন; ভবদীয় অবশিষ্ট উপদেশাপেক্ষায় আমার পক্ষে এ মুদ্রা সহস্র গুণ গ্রাহ্য”।



সুচতুর ধূর্ত।

কোন ধূর্ত রাজসন্নিধানে গিয়া কহিল, “আমি ঈশ্বর দূত”। রাজা কহিলেন “তোমার কি ক্ষমতা আছে”? সে কহিল; “আপনার যাহা অভি-কর্ষ তাহাই করিতে পারি”। নৃপতি আজ্ঞা দিলেন; এই কুম্ভাণ্ড বীজ রোপণ করতঃ আমার প্রত্য-ক্ষে তজ্জাত বৃক্ষহইতে সুপক্ক ফল আমাকে দেহ”। ধূর্ত কহিল; “তথাস্তু, চারি দিন অবকাশ দিলে তাহাই হইবেক”। নৃপতি কহিলেন; “অবকাশের প্রয়োজন কি? এই দণ্ডেই করিতে হইবেক”। ধূর্ত কহিল “মহারাজ আপনি কি অবিচারক; এতাদৃশ পক্ষপাত করা আপনার অকর্তব্য। আপনি সর্বশক্তিমান ঈশ্বরকে চারি মাসের অব-কাশ দেন; আমি তাঁহার ভৃত্য; আমাকে চারি দিবসের অবকাশ দিতেও অস্বীকার”।

বিবেচক বধির।

এক বধির দুই বৃষোপরি কতক ধান্য লইয়া নদী তটে দণ্ডায়মান আছে ইত্যবসরে দূরহইতে আগত এক অশ্বারোহিকে দেখিয়া মনে ২ স্থির করিতে-ছিল, যে সে নিকটে আসিয়া আদৌ কুশল সন্তাষ করিবে, পরে নদীর গভীরতা বিষয়ে প্রশ্ন করিবে; অবশেষে ধানের পরিমাণ জিজ্ঞাসিবে। ইত্যব-কাশে ঐ অশ্বারোহী নিকটে আসিয়া জিজ্ঞাসিল, “এই নদীতে কত জল”? বধির পূর্বেই মনে ২ কথোপকথনসকল স্থির করিয়াছিল, সুতরাং প্রশ্ন স্ফুট না হইতে হইতেই কহিল; “সকল মঙ্গল; ঈশ্বর আপনার মঙ্গল ককন”। অশ্বা-রোহী সক্রোধে কহিল, “তোমার মাথা খান”। সে উত্তর দিল; “গল পর্যন্ত”। অশ্বারোহী ক-হিল; “তোমার মুখে ছাই”। সে প্রত্যুত্তর দিল; “আট মোন”।

সুচারু বক্তা।

এক রাজা স্বপ্নে দেখিয়াছিলেন, যে তাঁহার সমস্ত দত্ত উৎপাটিত হইয়াছে; অতএব উদ্ভিগ্ন হইয়া পর দিন প্রাতে সভাস্থ দৈবজ্ঞকে তাহার মর্ম জিজ্ঞাসিলে সে কহিল, “মহারাজ, ইহার তাৎপর্য এই যে আপনার বর্তমানে আপনার স্ত্রী পুত্র সকলেই মরিয়া যাইবেক”। নৃপতি ক্রুদ্ধ হইয়া ঐ ব্যক্তিকে গুরুতর শাস্তি দিয়া অপর এক দৈবজ্ঞকে উক্ত বিষয়ে প্রশ্ন করিলে, সে কহিল, “নৃপতে, আপনার সর্বত্র জয় হউক; ঈশ্বর আপনাকে দীর্ঘায়ুঃ করিয়াছেন; এই স্বপ্নে স্পষ্ট প্রতীতি হইতেছে যে মহাশয়ের জ্ঞাতি, পুত্র, পরিজন, কেহই আপনার সহ দীর্ঘজীবী হইবেন না”। ভূপতি এতদ্বাক্যে সন্তুষ্ট হইয়া তাহাকে বিবিধ পুরস্কার প্রদান করিলেন।

সুবোধ পাগল।

বিনি আসদ্ বংশে সোগদান নামা এক জন পাগল ছিল। একদা সে তিম্‌আল্লা বংশীয় ব্যক্তিদ্বিগের পল্লী দিয়া গমন করিতেছিল, এমত সময়ে উক্ত বংশীয় কএক ব্যক্তি ঐ উন্নতের অঙ্গে ধূলি নিক্ষেপ করত উপহাস করিতে প্রবৃত্ত হইলে, সোগদান কহিল; “ও তিম্‌আল্লাজ তোমাদিগের তুল্য সৌভাগ্যবান পুরুষ আমি আর কুত্রাপি দেখি নাই”। তাহারা জিজ্ঞাসিল; “সে কি প্রকার”? ক্ষিপ্ত কহিল; “ভাই, বিনি আসদ্ বংশে আমি মাত্র পাগল, তন্নিমিত্ত আ-ত্মীয় স্বজন সকলেই আমাকে হস্ত-পদে শূঙ্কল বন্ধ করিতে উদ্যত হয়; তোমার বংশে সকলেই সমান, অতএব এতাদৃশ ধূল্যয় ধূসর হওয়া-তেও তোমাদিগকে কেহ নিষেধ করিয়া বিরক্ত করে না”।



## বিবিধার্থ-সঙ্গ্রহ,


অর্থঃ

পুরাতত্ত্ব-ইতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

২ পর্ব]

শকাব্দ ১৭৭৪, ফাল্গুন।

[১৫ খণ্ড।



(ইন্দ্রসভা।)

ইলোরার গুহা।

“কী” ত্রিষস্য স জীবতি”। এই শাস্ত্রসিদ্ধ প্রাচীন বাক্যের প্রমাণার্থে অধুনা বাক্য ব্যয় করিলে অনেকে পশুশূন্য বোধ করিবেন; পরন্তু এক তনসাবৃত গৃহে বন্ধু-দ্বয় সন্নিহিত থাকিলেও পরস্পর চাক্ষুষ প্রত্যক্ষ-

বিরহে তাহাদিগের সম্বন্ধে বর্তমান পদার্থ যেমন অবর্তমান তুল্য হয়, অজ্ঞান তিমিরাচ্ছন্ন দেশে কীর্তিমানের কীর্তিও তাদৃশ বিফল হয়। মিসর দেশে “পিরামিড” নামক যে কএক পঞ্চকো-ণাকার সমাধিস্থান আছে তৎতুল্য বৃহৎ নির্মাণ পৃথিবীর আর কুত্রাপি নাই; অথচ মিসর-দেশী-য়েরা অজ্ঞানতার প্রাদুর্ভাবে তৎকর্তৃদিগের নামও



বিস্মৃত হইয়াছেন। দিল্লী নগরে কোন প্রাচীন হিন্দু রাজা লৌহময় এক অদ্বিতীয় প্রকাণ্ড জয়স্তম্ভ স্থাপন করেন। ঐ স্তম্ভ অদ্যপিও বর্তমান আছে, এবং তদুপরি বিবিধ অক্ষর খোদিত আছে, তদৃষ্টে বোধ হয়, যে তাহাতে ঐ স্তম্ভ-কর্তার বংশাবলী কিম্বা কোন রূপ শাসন খোদিত থাকিবেক; কিন্তু অধুনা কেহ ঐ অক্ষর পাঠ করিতে পারেন না, এবং ঐ স্তম্ভ কি নির্মিত্রে ও কোন্ সময়ে নির্মিত হইয়াছিল ও কে নির্মাণ করিয়াছিল তাহার কোন বিবরণ প্রচারিত নাই। বে-তিয়া, বাকরা, মগধ, কান্যকুব্জাদি অপর অনেক স্থানেও প্রস্তরময় তদ্রূপ জয়স্তম্ভ বর্তমান আছে; কিন্তু তাহাদিগেরও বিবরণ লুপ্ত হইয়াছে। অপর ভারতবর্ষের অনেক স্থানে দেবভবন রাজভবনাদি আশ্চর্য ও অতুল্যকৃষ্ট বিবিধ অট্টালিকাদি বর্তমান আছে। বোধ হয় তৎপুণেতারা তাহার নির্মাণ সময়ে মনে প্রত্যক্ষা করিয়া থাকিবেন যে “যদ্যপি ‘কীর্তির্য়স্য স জীবতি’ এই বাক্য সত্য হয়, তবে আমাদিগের গুণগরিমা জনসমাজে অবশ্য চিরস্থায়ী হইবেক”। কিন্তু হায়! সে আশা কি বিফল হইয়াছে! বর্ণনাভিত-উৎকট-পরিশ্রম-সাধনপূর্বক শত শত রাজভা-গারের সম্পত্তি-সহকারে যাহারা আপন যশো-বর্ণনা চিরস্থায়ী-করণাভিপ্রায়ে অদ্ভুত কীর্তি রা-খিয়া গিয়াছেন, অজ্ঞানাত্মকারে কীর্তি-সত্ত্বেও তাহাদিগের নাম পর্যন্ত বিলুপ্ত করিয়াছে! এই সকল অদ্ভুত কীর্তির মধ্যে পুরাগ নগরের “কি-রোজ শাহের লাঠ” নামক স্তম্ভ,—দক্ষিণ দেশীয় মহাবালিপুর নগরের দেবভবন,—বোম্বাই দ্বীপ-সান্নিধ্য সালসেট ও হস্তি-দ্বীপস্থ প্রস্তর গুহা, ও মহারাষ্ট্র দেশের ইলোরা নগরের সান্নিধ্য গিরি-গুহা, সর্ব প্রধান। অবকাশ-মতে ইহাদিগের

কিঞ্চিৎ ২ বিবরণ লেখা আমাদিগের উদ্দেশ্য হই-  
য়াছে। তদভিপ্রায়ে আদৌ ইলোরাস্থ গুহার  
বিবরণ করা যাইতেছে।

বোম্বাই দ্বীপের পূর্বাংশে দৌলতাবাদ নগরের  
সন্নিকটে ইলোরা নামে এক স্থান আছে; তাহা  
অধুনা সম্পূর্ণরূপে ত্রিভুষ্টি, এবং নির্মল্যপ্রায়  
হইয়াছে; পরন্তু ইহার চতুর্ভুক্তি ভগ্ন প্রাচীর  
ও উৎসন্ন অট্টালিকা-সমূহের চিত্র দৃষ্টে বোধ  
হয় পূর্বে ইহা সমৃদ্ধ প্রকাণ্ড ও বহুজন-সন্মাকীর্ণ  
এক নগররূপে পরিগণিত ছিল। ইহার অর্ধক্রোশ  
অন্তরে অর্ধচন্দ্রাকৃতি এক পর্বত আছে; তাহা  
নগরের নামেই বিখ্যাত। ইহা পূর্বপশ্চিমে ব্যা-  
য়ত, কিন্তু উচ্চ নহে। ঐ অর্ধচন্দ্রাবয়বের মধ্যভা-  
গাপেক্ষায় ভূজদ্বয় অধিক উচ্চ। ইহার অধিকাংশ  
ক্রমশঃ অবনত, কিন্তু কোন ২ স্থান প্রাচীরবৎ।

ইলোরা নগরের মনুষ্যেরা কহে, পূর্বকালে  
“ইলিচপুর” নগরে ইলু নামে এক রাজা ছিলেন।  
দৌর্ভাগ্যবশতঃ তাহার সর্বাঙ্গ ক্ষত হইয়া কীটে  
সন্মাকীর্ণ হইলে তিনি ইলোরা শৃঙ্গস্থ “শিবালয়-  
নরোবর” নামক পবিত্র তীর্থে অবগাহন-মানসে  
যাত্রা করেন। ঐ তীর্থ প্রথমতঃ যাঁই ধনুঃ পরি-  
মিত ছিল; কিন্তু যমদেবের প্রার্থনায় ভগবান  
বিষ্ণু তাহাকে গোপদ তুল্য খর্ব করিয়াছিলেন।  
ইলু রাজা এই তীর্থ-নিকটে উপস্থিত হইয়া অব-  
গাহনের সম্ভাবনাবিরহে অগত্যা ঐ তীর্থোদকে এক  
বস্ত্র ভিজাইয়া আপন ক্ষত শরীর ধৌত করাতে  
বহুকাল স্থায়ী কদর্য ব্যাধিহইতে মুক্ত হন; পরে  
আপন কৃতজ্ঞতা চিরস্মরণীয় করণাভিপ্রায়ে ইলো-  
রা পর্বত খনন করাইয়া, ঐ খনিত বিস্তীর্ণ গুহা সক-  
লেতে বিবিধ দেবতার প্রতিষ্ঠা করেন। এই গম্পে  
মিথ্যা কি সত্য তাহা অধুনা নিশ্চয় করা দুষ্কর।  
বোধ হয় ইহার অধিকাংশই অলীক; কারণ

ঐ সকল গুহা-দৃষ্টে স্পষ্ট প্রতীতি হইতেছে যে  
তৎসমুদয় সমকালে এক রাজার অনুজ্ঞায় নির্মিত  
হয় নাই। জিন, বুদ্ধ ও হিন্দু, এই তিন পৃথগ ধর্মা-  
বলম্বিদিগের দেবমূর্তি এই সকল-গুহা-মধ্যে প্রতি-  
ষ্ঠিত আছে; অতএব অনুমান হয় যে ভিন্ন ২ সময়ে  
উক্ত স্বতন্ত্র ২ ধর্মাবলম্বিরা ক্রমে ২ এই গুহা-সকল  
নির্মাণ করান, অথবা এই গুহা-সমুদয় খোদিত  
করেন; পরে কালসহকারে বিভিন্নমতীয় ব্যক্তি-  
দিগের হস্তগত হইয়া তদীয় দেবমূর্তি ও চিত্রে  
সুশোভিত হইয়াছে। সে যাহা হউক, অধুনা গুহা-  
সকল কোন ব্যক্তি বিশেষের অধীনে নহে; প্রায়  
সকল অধিকারিগণ কালের করাল গুণে পতিত হই-  
য়াছে। হায়! কি ক্রোভের বিষয়, যে সকল মন্দির বা  
প্রাসাদ পূর্বে অপরিপূর্ণ শ্রম ও ব্যয় সহকারে  
নির্মিত হইয়া বিবিধ উপাদেয় দ্রব্য সুশোভিত  
ও শত শত ঐকান্তিক ভক্তের প্রার্থনা ও স্তুতি-  
বাদে সতত প্রতিদ্বিত ছিল, এবং যথায় ভার-  
তবর্ষের সর্বত্র হইতে আগত শতসংসু যাত্রিদিগের  
তুমুল সমারোহ হইত, এইরূপে তাহা চাম্চিকা  
ও বন্যপশুর আবাস হইয়াছে, এবং কদাপি  
তক্ষর ভিন্ন প্রায় আর কেহই তাহার সন্নিকটেও  
গমন করে না।

পূর্বেই উক্ত হইয়াছে যে ইলোরা পর্বত অর্ধ-  
চন্দ্রাকৃতি। ইহার উত্তরভূজের সর্ব প্রান্তভাগস্থ  
মন্দিরের নাম “পারশ্বনাথ”। ইহা ভূমিহইতে  
৪০০ হস্ত উর্ধ্বে অবস্থিত। এই মন্দিরের দক্ষিণ  
অর্ধ ক্রোশ স্থান ব্যাপিয়া নানা বিধ দেবা-  
লয় আছে। সর্বশেষের যে মন্দির তাহার নাম  
“দেহর বারা”। পরন্তু, বোধ হয়, এই সকল  
নাম তদ্রূপ ইদানীন্তন লোকদ্বারা ব্যবহৃত হইয়া  
থাকিবেক; ইহা প্রাচীন নাম নহে, তাহাতে  
অনেক প্রমাণ আছে।

পারশ্বনাথের মন্দির প্রাচীন নহে; ইহা ইষ্টক  
নির্মিত। শত বৎসর হইল আরম্ভাবাদ নগরস্থ জ-  
নৈক বণিক ইহা নির্মাণ করাইয়াছিল; ফলতঃ ইহা  
মন্দিরাকৃতিও নহে। পরন্তু ইহার মধ্যে যে মূর্তি  
আছে তাহাইমাত্র অতি প্রাচীন, এবং পর্বতের এক  
ভাগ খনিত হইয়া উহা নির্মিত হইয়াছে। এই মূর্তি  
দিগম্বর; ৩১।০ হস্ত উচ্চ; এবং ধ্যান মুদ্রা ধারণ  
করত যোগামনে উপবিষ্ট আছে। জিন-ধর্মাবলম্বি-  
দিগের উপাস্য পারশ্বনাথের মূর্তি যে প্রকার হইয়া  
থাকে, ইহাও তদ্রূপ, এবং কোন ২ গুর্জর জাতীয়  
বণিকেরা প্রতিবর্ষে ভাদ্র মাসের শুক্ল চতুর্দশী দি-  
বসে ইহাকে জিনদেব বোধে উপাসনা করিয়া  
থাকে; কিন্তু এক মন ঘট ভিন্ন অন্য কোন দ্রব্য  
নিবেদন করা প্রথা নাই, সুতরাং সামান্য লোকে  
এই মূর্তির উপাসনা করিতে অক্ষম হয়।

পারশ্বনাথের দক্ষিণ পার্শ্বস্থ মন্দিরের নাম  
“ইন্দ্রসভা”। ইহা অতি বিস্তৃত ও রম্য, এবং নানা-  
বিধ খোদিত অতি সুন্দর অবয়বে সুশোভিত হই-  
য়াছে। ৪২ পাত্র এই আশ্চর্য গুহার এক চিত্র মুদ্রিত  
করিলাম। তদৃষ্টে পাঠক মহাশয়েরা ইহার সুচারু  
রচনার চাতুর্য অনুভব করিতে পারিবেন। এই  
গুহাস্থ স্তম্ভ সকল অতি মনোহর। ইহাদিগের  
অগুণাগ ইদানীন্তনের স্তম্ভাগের ন্যায় নহে; পরন্তু  
প্রাচীন হিন্দুরা এতদ্রূপ ভিন্ন অন্য রূপে স্তম্ভাগ  
নির্মাণ করিত না।

ইন্দ্রসভাস্তম্ভাগে তিন গুহা আছে; তদ্রূপ দক্ষি-  
ণাভিমুখ, ও ৪০।০ হস্ত দীর্ঘ, এবং ৩২ হস্ত প্রস্থ।  
ইহার মধ্যে ষোড়শ স্তম্ভ ও দ্বাদশ ছড় \* আ-  
ছে; এবং ইহার প্রাচীরের সর্বত্র বুদ্ধ দেবের  
বহুসংখ্যক খোদিত মূর্তিতে সুশোভিত। এই

\* যে স্তম্ভের ব্যাসের কিয়দংশ প্রাচীর মধ্যে গৃহিত থাকে  
তাহার নাম “ছড়” বা অর্ধ স্তম্ভ।



গুহার উত্তরভাগস্থ গর্ভ-গৃহে • বুদ্ধদেবের এক প্রকাণ্ড মূর্তি আছে। ঐ মূর্তি পারশ্বনাথ দেবের মূর্তির তুল্য প্রায়, কিন্তু কিয়দংশে বিশেষ! হিন্দুদিগের দেবমূর্তি যে প্রকার মালা, কেয়ুর, নুপুর, বলয়াদি অলঙ্কারে সুসজ্জীভূত হয়, বুদ্ধদেবের মূর্তি তদ্রূপ নহে; কদাপি আভরণ বিশিষ্ট হয় না! হিন্দুরা এই মূর্তিকে “জগন্নাথ বুদ্ধ” শব্দে কহে! এই মূর্তির বাম পার্শ্বে ব্যাঘ্রোপরি আকৃতা এক স্ত্রীর মূর্তি আছে; তাহা “ব্যাঘ্রেশ্বরী ভবানী” নামে বিখ্যাত। এই গুহার এক পার্শ্বে এক দ্বার আছে, তদ্বারা দ্বিতীয় গুহায় প্রবেশ হওয়া যায়। ঐ গুহা সর্বতোভাবে পূর্ব তুল্য; এবং ইহারও গর্ভগৃহে পারশ্বনাথের মূর্তিসদৃশ এক মূর্তি আছে; কিন্তু ইলোরা দেশের লোকেরা ইহাকে পরশুরামের মূর্তি বলিয়া বর্ণনা করে। ইহার উভয় পার্শ্বে ব্যাঘ্রোপরি উপবিষ্টা ভবানীর মূর্তি আছে।

তৃতীয় গুহার “নাম রঞ্জোড়জির গুহা”; এবং তাহার গর্ভ স্থানে ও প্রাচীরের সর্বত্র বুদ্ধদেবের মূর্তি আছে; কিন্তু অধুনা তাহা “রঞ্জোড়জি” নামে বিখ্যাত, ও তাহার সম্মুখস্থ বারান্দায় হস্তিনাশ্রয়ী এক পুরুষের মূর্তি ও ব্যাঘ্রোপরি এক স্ত্রীর মূর্তি আছে; বুদ্ধদেবের ইহাদিগকে ইন্দু ও ইন্দ্রাণীর মূর্তিবোধে বর্ণন করে, এবং কহে ঐ মূর্তিহইতে এই গুহাদ্বয়ের নাম “ইন্দুসভা” হইয়াছে; পরন্তু এই ইন্দ্রাণীর মূর্তিই অপর গুহা দ্বয়ে ভবানী নামে বিখ্যাত। কলতঃ এই গুহা-ত্রয় ইন্দুদেবের পূজার্থে নির্মিত হয় নাই; কারণ তাহা হইলে মন্দিরের গর্ভগৃহে বুদ্ধদেবের মূর্তি

স্থাপন পূর্বক এক বহিঃপ্রদেশে প্রধান উপাস্য দেবের মূর্তি রক্ষিত হইত না।

এই গুহা-ত্রয়ের সর্বত্র পর্বতের অঙ্গ খোদিত হইয়া প্রস্তুত হইয়াছে। ইহার কোন অংশ গুপ্তিত নহে; প্রাচীর, স্তম্ভ, ছাদ, মেজিয়া সকলই এক খণ্ড প্রস্তর। পূর্বে এই গুহা সকল দুই তলা ছিল, কিন্তু অধুনা প্রথম তলস্থ গৃহ মৃত্তিকায় পরিপূর্ণ হইয়াছে। গুহা সকলের চতুর্দিকবর্তি স্থান অতি পরিসর; এবং ইহার প্রাচীর নানাবিধ অবয়বে খোদিত আছে; অপর তৃতীয় গুহার সম্মুখে এক সূচাক জয়সম্বল থাকাতে, সৌন্দর্য-বিষয়ে এই গুহাপ্রতি ইন্দুসভাপদ ব্যবহার যোগ্য হইয়াছে ইহা অবশ্যই স্বীকার করিতে হয়।

ইন্দু সভার কিয়দূর পূর্বে এক ক্ষুদ্র বৌদ্ধ মন্দির আছে, তৎপূর্বে অপর এক মন্দির; কিন্তু তাহা মৃত্তিকায় পরিপূর্ণ হওয়াতে অধুনা তাহার বর্ণনা করা দুষ্কর। এই শেষোক্ত মন্দিরের ৪০০ হস্ত অন্তরে এক বিস্তৃত গুহা আছে। তাহার নাম “দুমার নয়না” অর্থাৎ “উদ্বাহ শালা”, কারণ তাহাতে শিব পার্বতীর বিবাহ বিষয়ক মূর্তি-মণ্ডলী আছে। এই গুহা শৈবদিগের দ্বারা নির্মিত হইয়া থাকিবেক! ইহার গর্ভ গৃহে শিব-লিঙ্গ প্রতিষ্ঠিত, এবং তাহার চতুর্দিকস্থ দ্বারের উভয় পার্শ্বে প্রায় দশ হস্ত পরিমিত দ্বারপাল-সকল আছে। ইহা ইলোরা গিরিস্থ নিখিল গুহাপেক্ষায় বৃহৎ; ইহার দীর্ঘতা ১২৩। হস্ত, প্রস্থ ১০০ হস্ত, এবং উচ্চ ১২।। হস্ত। ইহার মধ্যে ২৮ স্তম্ভ ও ২০, ছড়, এবং নানা বিধ দেবদেবীর মূর্তি আছে। ঐ মূর্তি-সকলের মধ্যে শিব-পার্বতীর বিবাহ, যমদেব ও এহর ভদ্রনামা শিবের মূর্তি প্রধান; শেষোক্ত মূর্তি অপর পৃষ্ঠায় মুদ্রিত হইল।

\* মন্দিরের যে গৃহ বা স্থানে দেবমূর্তি প্রতিষ্ঠিত থাকে তাহার নাম “গর্ভ স্থান” বা “গর্ভ গৃহ”।




(এহর ভদ্র।)

দুমার নয়নার অনতিদূরে এক জনপ্রবাহ আছে; তাহার পার্শ্বদ্বয় বহুল শিবালয়ে সুশোভিত। তৎপরে “জন্মস্থ” অর্থাৎ বাসর গৃহ, “কুমার বারা” অর্থাৎ কুম্ভকারের গৃহ, “তেলিকা গন্না” অর্থাৎ তিলির গৃহ, রামেশ্বর আদি নাম বিশিষ্ট বহুল গুহা আছে; তৎসমুদয়ই প্রশস্ত, অতি সুন্দর, ও পর্বত খনিত হইয়া প্রস্তুত হইয়াছে, এবং প্রচুর দেবমূর্তিদ্বারা সুসজ্জীভূত; এই অম্পায়-তন পত্রে তৎসমুদয়ের বর্ণনা করা অসাধ্য।

শেষোক্ত গুহার কিয়দূর উর্দ্ব্বে এক অদ্ভুত দেবালয় দৃষ্ট হয়; তাহার নাম “কৈলাস”। ইলোরা গিরিস্থ দেবালয়-সকল মধ্যে এই গৃহ সর্বোৎকৃষ্ট, এবং তাহাতে এতাদৃশ প্রচুর অবয়ব আছে যে তৎসমুদয়ের কেবল নামোল্লেখ করিতে হইলে বিবিধার্থ-সমূহের এক খণ্ড পরিপূর্ণ হইতে পারে।

অপর পৃষ্ঠায় যে চিত্র মুদ্রিত হইয়াছে, তাহাতে কৈলাস মন্দিরের মূল মাত্র দৃষ্টিগোচর হয়, কিন্তু তদপেক্ষায় উত্তম ছবি প্রস্তুত না থাকায় অধুনা তাহাই গ্রাহ্য করিতে হইল! এই চিত্র দৃষ্টে অনুভব হইবেক যে কৈলাস এক পর্বত খোদিত উঠানের মধ্যে স্থিত। উক্ত উঠান ৩৬৭ হস্ত দীর্ঘ। ইহার সম্মুখে এক অপূর্ব তোরণ বাদ্যশালা (নহ-বৎখানা) ও মন্দির গৃহ আছে; তৎসমুদয়ই পর্বত খোদিত হইয়া প্রস্তুত হইয়াছে; এবং তাহার সর্বত্র হিন্দুশাস্ত্রোক্ত দেবতাদিগের জীবনচরিত্র বিষয়ক অসংখ্য পুস্তলিকা খোদিত আছে। উঠানের অপর তিন দিকে অতি সুন্দর স্তম্ভদ্বারা নির্মিত অলিন্দ (বারান্দা) আছে। উহার প্রাচীরে অর্দ্ধ স্তম্ভ পরিমিত অনেক ছড় থাকাতে তাহা কয়েক চতুর্কোণাকার স্থানে বিভক্ত হইয়াছে। উক্ত প্রত্যেক চতুর্কোণাকার স্থানে বুদ্ধা-বিষ্ণু-মহেশ্বরাদির অনুকূপ মূর্তি-মণ্ডলী আছে; কোন স্থানে রাবণ আপন মুগ্ধছেদ করত মহাদেবের পূজা করিতেছেন; কোন স্থানে পার্বতী শিবলিঙ্গ পূজা করিতেছেন; কোথাও বা শিবপার্বতী একাসনে উপবিষ্ট আছেন, সম্মুখে নাগ ও নন্দী উপস্থিত, কোন স্থানে ক্ষীরোদশায়ী, ভগবানের মূর্তি দৃষ্ট হইতেছে; কোথাও বরাহ অবতারের প্রতিমা, কুব্জিচৎ নৃসিংহ অবতার; কোন স্থানে কৃষ্ণ কালীয় দমন করিতেছেন; কোথাও বটুকভৈরব; কোথাও কপাল ভৈরব; কোথাও বা নবযোগিনী ভৈরব; ইত্যাদি বহুল মূর্তি প্রত্যক্ষীভূত আছে। তৎসমুদয় পর্বতে খোদিত করিতে কি পর্যন্ত শ্রম ও ব্যয় হইয়াছে তাহা অধুনা অনুমান করিতে হইলে, মনঃ এক-কালে শান্ত হইয়া পড়ে; ও যে রাজার আজ্ঞায় ঐ অদ্বিতীয় বিশ্বয়জনক কীর্তি প্রচার হইয়াছিল, তাহার অতুল সম্প-





কৈলাস।

তির অনুভব করিতে গেলে তাহা স্বপ্নের ন্যায় বোধ হয়।

পূর্বোক্ত নন্দীগৃহের উভয় পার্শ্বে সোপান দ্বয় আছে; তদ্বারা তোরণ (সিংহদ্বার) সম্মুখে উপনীত হওয়া যায়; তৎপশ্চাতে কৈলাসের প্রাসাদ। ঐ প্রাসাদ মন্দির পঞ্চকের-মধ্যগত এক শত হস্ত উচ্চ এক অত্যশ্চর্য্য অপূর্ব মন্দির, এবং তচ্চতুষ্কোণে তদপেক্ষায় ক্ষুদ্র, কিন্তু তত্তুল্য সুচাক রচিত অপর মন্দির চতুষ্টয়। এই মন্দির সকল হস্তি ও ব্যাঘ্র গৃষ্ঠে স্থাপিত। উক্ত পশুর মূর্তি উপরে মুদ্রিত চিত্রে দৃষ্ট হইবেক।

প্রধান মন্দির ৪৪।০ হস্ত দীর্ঘ এবং ৩৭ হস্ত প্রস্থ। ইহার গর্ভস্থানে এক প্রকাণ্ড শিবলিঙ্গ স্থাপিত আছে; এবং ইহার প্রাচীর ও ছাদের সর্বত্র অপৰ্য্যাপ্ত দেবমূর্তিতে পরিপূর্ণ, কিঞ্চিৎ মাত্র স্থান চিত্র রচিত নহে। ইহার ছাদ ষোড়শ স্তম্ভ ও দ্বাবিংশতি অর্দ্ধস্তম্ভোপরি স্থাপিত। ছাদের মধ্যভাগে লক্ষ্মীনারায়ণের মূর্তি বিরাজমান আছেন।

কৈলাসের উত্তরস্থ অলিন্দের (বারান্দার) মন্দিরটি এক প্রকাণ্ড গুহা আছে, তাহার নাম “লক্ষা”। পূর্বে এক সেতুদ্বারা ঐ অলিন্দহইতে ঐ গুহায় গমনাগমনের উপায় ছিল, অধুনা তাহা ভগ্ন হওয়াতে পথ রহিত হইয়াছে।

কৈলাসের দক্ষিণ-পার্শ্বস্থ গুহার নাম “দশাবতার”। এই গুহা দুই তলা; প্রথম তলা মূর্তিকায় পূর্ণ হইয়াছে। দ্বিতীয় তলা ৬৮ হস্ত দীর্ঘ; ৬৫।০ হস্ত প্রস্থ, এবং নানাবিধ দেবমূর্তিতে পরিপূর্ণ। দশাবতার নাম হওয়াতে বোধ হইতে পারে যে ঐ গুহা বিষ্ণু অবতার রক্ষার্থ প্রতিষ্ঠিত, কিন্তু ফলতঃ তাহা নহে; ইহার গর্ভস্থানে এক প্রকাণ্ড শিবলিঙ্গ প্রতিষ্ঠিত আছে, এবং প্রাচীরে দশাবতার ভিন্ন নানাবিধ অন্যান্য মূর্তিও প্রত্যক্ষ হয়। দশাবতারের কিয়দূরে “রাবণ-কুণ্ড”। এতন্মধ্যস্থ মূর্তি-সকল অন্যান্য গুহাস্থ মূর্তির তুল্য, পরন্তু অতি সুচাকরূপে নির্মিত। এতন্মধ্যস্থানে এক গর্ভ আছে, তাহাকে কুণ্ড শব্দে কহে; কিন্তু তথায় দশাবতারের কোন মূর্তি নাই, এবং ঐ

কুণ্ডের সহিত তাহার কি প্রকারে সংসর্গ হইয়াছিল, তাহা আমরা জ্ঞাত নহি। এই গুহার প্রধান দেবতা ব্যাঘ্রেশ্বরী ভবানী।

দুমার লয়না অবধি এ পর্য্যন্ত যে সকল গুহার বর্ণন করা গিয়াছে তৎসমুদয় হিন্দু দেবতার উপাসনা-স্থান। অতঃপর যে কয়েক গুহা আছে তৎসমুদয় বৌদ্ধ মঠ; এবং তন্মধ্যে প্রথম গুহা তিন তলা। প্রথম তলার নাম “পাতাল”, দ্বিতীয় তলার নাম “মর্ত্যলোক”, এবং তৃতীয় তলার নাম “স্বর্গ”; সমষ্ট্যাখ্যা “তিন লোক”। ইহার গর্ভগুহাতে বুদ্ধদেবের দিগম্বর এক মূর্তি, এবং প্রাচীরের সর্বত্র পদ্মানোপবিষ্ট এক ২ স্ত্রীর মূর্তি আছে; ঐ স্ত্রী-সকলের মস্তকে এক ২ বুদ্ধদেবের মূর্তি খোদিত হইয়াছে। ইদানীন্তনের বুদ্ধগণেরা বুদ্ধদেবের মূর্তিকে রামচন্দ্রের মূর্তি বলিয়া বর্ণন করেন, এবং সিন্দুরদ্বারা তাহার হস্ত, পদ ও গলদেশে অলঙ্কারচিত্র করিয়াছেন। গুহাদ্বারে দুই প্রকাণ্ড দ্বারপাল স্থাপিত আছে; কিন্তু তাহারা বিবস্ত্র, এবং ধ্যানস্থ বোধ হয়।

মর্ত্যলোক স্বর্গের তুল্য; ইহার গর্ভ স্থানে বুদ্ধদেবের মূর্তি; কিন্তু প্রাচীরে নিরবচ্ছিন্ন স্ত্রী মূর্তি না হইয়া স্ত্রী পুরুষদ্বারা উপাসিত ও হস্তাদি বাহনবিশিষ্ট বুদ্ধদেবের মূর্তি আছে। প্রধান প্রতিমা স্বর্গ লোকের প্রতিমার তুল্য, কিন্তু বুদ্ধগণেরা তাহাকে লক্ষ্মী দেবীর মূর্তি বলিয়া বর্ণন করেন; পাতাল লোকস্থ তদ্রূপ মূর্তিকে নাগরাজ কহেন। পাতাল লোক পূর্ববৎ। অধিকন্তু ইহাতে নবগৃহের মূর্তি আছে।

তিন লোকের দক্ষিণে “দুখিয়া ঘর,” এবং তৎপার্শ্বে বিশ্বকর্ম “গুহা”। এ উভয়ই বৌদ্ধ মন্দির, কিন্তু ইদানীন্তনের বুদ্ধগণেরা তাহার বিপরীত বর্ণন করেন। তাহারা কহেন স্বর্গীয় শিল্পকর বিশ্ব-

কর্মা “তিনলোক” প্রস্তুত করণান্তর তত্তুল্য অন্য এক গুহা প্রস্তুত করণ-মানসে দুখিয়াঘর প্রস্তুত করণে নিযুক্ত হন; কিন্তু দুই তলা সমাপনহইতে না হইতেই তাহার অঙ্গুলীতে অস্ত্রাঘাত হওয়াতে তিনি নিরস্ত হইয়া ঐ বাটীর নাম “দুখিয়াঘর” অর্থাৎ দুঃখ-গৃহ রাখিলেন; পরে অপর এক গুহা নির্মাণ করত স্বনামে বিখ্যাত করেন, এবং তন্মধ্যে ক্ষতান্ধুলীবিশিষ্ট আপন মূর্তি স্থাপন করেন। এ কথা সমুদয় অলীক। কারণ এই উভয় গৃহের গর্ভে বুদ্ধদেবের মূর্তি প্রতিষ্ঠিত আছে। ইলোরার সকল গুহার ছাদ চেপ্টা, কেবল বিশ্বকর্মগুহার ছাদ গোলাকার। এতদ্ব্যতীত সন্দেহ হয় যে এই গুহা অপর গুহা সমকালীন নহে; সে যাহা হউক, তদ্বিষয়ের বিচারে আমরা অধুনা প্রস্তুত নহি।

বিশ্বকর্ম-গুহার দক্ষিণে “দেহরবারা” নামক গুহা। ইহার মধ্যে মেঘছাগাদি অনেক পশুর আবাস হওয়াতে তাহাদিগের মলে এই গুহা পূর্ণ হইয়াছে; এবং মলজাত মক্ষিকামশকাদি-কীটে ঐ গুহা এতাদৃশ সমাকীর্ণ যে তন্মধ্যে প্রবেশ করা দুষ্কর, এবং, বোধ হয়, হৃদয়তকই ইহার নাম “দেহরবারা” অর্থাৎ হৃদয়কালয় হইয়াছে।

দেহরবারা ইলোরার শেষ গুহা; তদক্ষিণে আর গুহা নাই; পরন্তু পূর্বোক্ত গুহা-সকলের চতুর্দিকস্থ অনেক ক্ষুদ্র গুহা আছে; স্থানাভাব প্রযুক্ত এস্থলে তাহাদিগের নামোল্লেখও নিবৃত্ত হইতে হইল। উক্ত গুহা সকলের বর্ণনা বিষয়েও আমাদিগের অনেক বক্তব্য আছে, কিন্তু উক্ত কারণ বশতঃ তদ্বিষয়ে এই ক্ষণে ক্ষান্ত রহিলাম।



## প্রবোধচন্দ্রোদয়-নাটকের মর্ম।

যে মামীর বিবিধার্থ-সঙ্গ্রহ পত্রে প্রস্তাব করা গিয়াছে যে সংস্কৃত-ভাষাভিজ্ঞবিদ্যোৎসাহি মহাশয়-দিগের জ্ঞানজন্য সংস্কৃতভাষায় বিরচিত সুনীতি-কাব্যাদির মর্মোন্মেষদ গোড়ীয় ভাষায় করিলে তত্তদগুণের সকল-মর্ম তাহাদের অনায়াস লভ্য হইতে পারে। এই মানসে প্রথমতঃ অভিজ্ঞান-শকুন্তল-নাম নাটকের মর্মপ্রকাশ করা গিয়াছে, এক্ষণে প্রবোধচন্দ্রোদয়নাটকের তাৎপর্য ও মর্ম-প্রকাশে যত্ন করা যাইতেছে।

মহাকাব্যী ক্রীষ্ণমিশ্র বুদ্ধিকৌশলপূভাবে নানা-প্রকার-বিষয়-বাসনা-নিমগ্ন ব্যক্তিদিগকে শান্তিরস-প্রয়োগের অভিনয় প্রদর্শন করাইয়া বাসনাহীন করিবার মানসে বেদান্ত-দর্শনের মতাবলম্বনে জগতের সৃষ্টি-প্রক্রিয়াবধি-আদ্যো-পান্ত সমস্ত এই গুণে বর্ণনপূর্বক তাহার অনিত্যতা ও তত্ত্বজ্ঞাননাশ্যতা সংস্থাপন করিয়া ইহার নাম প্রবোধচন্দ্রোদয় রাখিয়াছেন।

বেদান্ত-মতে মায়ী-শক্তি-বলে পরমেশ্বরের সত্তার উপরি অনিত্য বিনশ্বর বিশ্বের সৃষ্টি মনঃকল্পিত হইয়াছে। গুণকর্তাও ঐ মতটি স্বকীয় নাটক গুণে অবিকল প্রয়োগ করিয়াছেন। এতাদৃশ প্রয়োগের অভিনয় দর্শন করিলে সামাজিক-গণের স্পষ্টই প্রতীতি হইবেক যে এই চরাচর বিশ্বের নিদান কেবল এক মাত্র অজ্ঞান; ও জ্ঞানোদয়ে কার্যবর্গের সহিত তাহার বিনাশ; অবশ্যই হয়, তাহার অন্যথা নাই। গুণকার অতি দুঃখ বেদান্ত দর্শনের মতটি কি প্রকার কৌশলে প্রয়োগ করিয়া অভিনয় করাইয়াছেন তাহা পাঠকবর্গ মনোনাধাবন পুরঃসর গৃহণ করুন।

তিনি নিজ গুণে উক্ত প্রয়োগ এই রূপে সুসজ্জিত করিয়াছেন যে পরমাত্মার সন্নিধানবশতঃ মায়ীহইতে মনঃ নামে এক তনয় জন্মে। তিনি এই প্রত্যক্ষ পরিদৃশ্যমান চরাচর জগতের সৃষ্টি করিয়াছেন। বেদান্ত মতে মায়ী বলে মনে-তেই সমুদায় জগৎ কল্পিত হয়। ঐ মনের প্রবৃত্তি নিবৃত্তি নামে দুই ধর্মপত্নী, তন্মধ্যে তিনি প্রবৃত্তিহইতে মহামোহ-প্রধান এক কুল, ও নিবৃত্তিহইতে বিবেক-প্রধান অপর কুল, উৎপন্ন করেন। এই উভয়ের প্রথম কুল স্বজনক মনের নিতান্ত প্রিয়পাত্র, একারণ পিতার যাবৎ স্বো-পার্জিত ধনে তাহারাই প্রায় অধিকারী; দ্বিতীয়ের প্রচার অতি বিরল; অর্থাৎ সমুদায় জগৎ প্রায় মহামোহে মুগ্ধ, বিবেকী অতি দুষ্সাপ্য। পৈতৃক ধনের অধিকার বিষয়ে ঐ উভয় কুলের যোরতর বিবাদ উপস্থিত, ও তন্নিবন্ধন তাহাদের পরস্পর বৈরভাব উত্তরোত্তর বর্দ্ধমান হয়। মহামোহের পক্ষীয় কাম, ক্রোধ, লোভ, মদ, মাৎসর্য, দম্ব, অহঙ্কার, প্রভৃতি; এবং শম, দম, উপরতি, তিতিক্ষা, সমাধান, শ্রদ্ধা, ইত্যাদি বিবেকের পক্ষীয়। সমকক্ষ উভয়-পক্ষীয় বিপক্ষগণ পরস্পর স্ব স্ব পক্ষের জিগীষাতেই যত্বান থাকে, কেহ কাহারো নিকটে পরাস্ত হয় না। কারণ বিবেক-পক্ষীয় শমাদিরা প্রবল ও জিগীষু হইলে মহামোহ-পক্ষীয় কামাদিরাও স্পর্ধাপূর্বক তাহাদের বিনাশে কৃতোদ্যম হয়। এতদ্বিষয়ে মিশ্র ও কামের কথোপকথন কালে লিখিয়াছেন,

“অহিংসা কৈব কোপস্য বুদ্ধচর্যাদয়ো মম।

লোভন্য পুরতঃ কেহমী মত্যাশ্বেয়া পরিগৃহাঃ” ॥

অর্থাৎ কোপের অগ্নে অহিংসা কে? আমার অর্থাৎ কামের সম্বন্ধে বুদ্ধচর্যাদিই বা কোথায়? মত্যাশ্বে, অশ্বেয়, অপরিগৃহ, ইহার লোভসত্ত্বে কি প্রকারে

সম্ভবিবেক ইত্যাদি। বিশেষতঃ তাহাদের আরো এক আন্তরিক বিবাদের কারণ ছিল বোধ হইতেছে। দেখ এই উভয় কুলের জনক যে মন, তিনি অহঙ্কারের অনুগামি হইয়া জগৎপতি পরমাত্মাকে বন্ধ করিয়া রাখিয়াছেন; ইহাতে তাহার প্রিয়পাত্র মহামোহাদি যত্নপূর্বক সেই বন্ধনকে আরো দৃঢ়তর করিয়াছিলেন; কিন্তু বিবেক-প্রধান কুল তাহার কিপ্রকারে মুক্তি হয় এমত চেষ্টা মততই করিতেন।

যাদৃশী ভাবনা যস্য সিদ্ধির্ভবতি তাদৃশী।

“যাহার যাদৃশী চিন্তা তাহার তাদৃশী সিদ্ধি হয়।” বিবেক মতত সৎকার্যতৎপর থাকতে পর্য্যবসানে তাহারি ইষ্টসিদ্ধি অর্থাৎ তদ্বারা আত্মার বন্ধনোক্ষ হয়। এই বিবেকের দুই সহধর্মিণী। জ্যেষ্ঠার নাম উপনিষদেবী, কনিষ্ঠার নাম মতি। এই উভয়ের মধ্যে কনিষ্ঠা মতি, বিবেকের যে কেবল সহধর্মিণী ছিলেন এমত নহে, কিন্তু সঙ্গিনী। মতত বিবেক ইহারি অনুগত থাকেন একারণ জ্যেষ্ঠার দুঃখের আর ইয়ত্তা কি রূপে রহিবেক। উপনিষদেবী কোথায় থাকিয়া কি প্রকারে কালযাপন করেন, তাহার প্রতি অন্ততঃ বারেকের নিমিত্ত দৃষ্টিপাত করাও মতির গুণে বিবেকের অতি সুকঠিন হইয়া উঠিল। বিবেক কেবল নামতঃ নহে কিন্তু কর্তব্যও মূর্তিমান বিবেক, অর্থাৎ তাহার নিকট সদসম্বিবেচনার কিঞ্চিৎমাত্র ত্রুটি হইবার সম্ভাবনা নাই। একারণ বিবেক একদা উপনিষদেবীকে অতি মলিনা, কৃশা, আলুলায়িত-কেশা, কুবেশা দেখিয়া জিজ্ঞাসিলেন, “প্রিয়ে! তোমার এতাদৃশী দূরবস্থা কি প্রকারে ঘটয়াছে?” তাহাতে তিনি উত্তর করেন, “বল্লভ! তোমার বিরহে যাবৎ কাল আমি অনাথা হইয়া ইতস্ততঃ পরিভ্রমণ-তৎপর ছিলাম, সেই সময়ে পাবণেরা আমার শিরো-

রত্ন লুণ্ঠন করিবার জন্য আমার কেশ সকল আলুলায়িত করিল, এবং আমাকে বিবস্ত্রাদি করিয়া ফেলিল। তথাপি আমার সার যে রত্ন-সকল তাহা কেহই নইতে পারে নাই?” অর্থাৎ নাস্তিকেরা কেবল বেদ নিন্দাই করিয়াছে, আর ইহার সার ভাগ লইবার মানসে ইহাকে দূরবস্থায় ফেলিয়াছে। উপনিষদেবীর এই সকল আর্তনাদ শ্রবণ করিয়া বিবেকের মন এককালে কাঞ্চরসে আর্দ্র হইয়া উঠিল। ইহাতে তিনি তৎক্ষণাৎ কনিষ্ঠা মহিষী মতিকে বিনয়-পূর্বক কহিলেন প্রেয়সি!

“মানিন্যাশ্চিরবিপ্রয়োগজনিতাসূয়াকুলয়া ভবে-চ্ছাত্ত্যাদেবনুকুলনাদুপনিষদেব্য। যস্য সঙ্গমঃ। তুষ্ণীং চেদ্বিষয়ানপাস্য ভবতী তিষ্ঠেয়ুর্ভূতং ততো জাগ্রৎস্বপ্নমুপ্তিবামবিরহাৎ প্রাপ্তঃ প্রবোধোদয়ঃ” ॥

অর্থাৎ বহুকাল মদ্বিরহ-জনিত অসূয়াবতী সেই মানবতী উপনিষদেবীর সহিত শান্তি প্রভৃতির সাহায্যে আমার সহবাস হইবেক। অতএব যদি তুমি ক্ষণকালের নিমিত্ত বিষয় বশনা পরিত্যাগ পূর্বক অবস্থিতি করহ, তাহা হইলে প্রবোধ নামক পুত্রের উদয় হইতে পারে। মতি প্রিয়তমের এই বাক্য কর্ণগোচর করিয়া অননুসূয়াতে কহিল, “প্রিয়তম! যদি দৃঢ়গুণিবদ্ধ পরমাত্মার বন্ধনোক্ষ হয়, তাহা হইলে তদপেক্ষা আমার আর কি ইষ্ট আছে।” ইত্যাদি মতির অভিপ্রায় পাইয়া বিবেক উপনিষদেবীর নিকট সহবাস করিলে বিদ্যা নামী কুলক্ষয়কারিণী কাল-রাত্রি-স্বরূপা কন্যার সহিত প্রবোধ নামক পুত্র উৎপন্ন হইল। ঐ কন্যা পর্য্যবসানে পিতাকে স্ববংশে ধ্বংস করেন, অর্থাৎ বেদান্তমতে বিদ্যা দ্বারা মায়াকল্পিত জগৎ ও তেজ-জনক মন প্রভৃতি সমুদয় বিনষ্ট হয়। বেদান্তের তাৎপর্য এই যে যথার্থ বিবেকের সহিত উপনিষদের সঙ্গ হইলে



তত্ত্বজ্ঞানের উৎপত্তি হয় তাহাতে পুরুষ জীবন্মুক্ত হইলেন। ইত্যাদি সমস্ত বিষয় গুহ্যকর্তা নিজ নাটক গুহ্যে প্রয়োগ করিয়া অভিনয় করিয়াছেন। বিষয় বাসনারত-সামাজিকদের এতদর্শনে অবশ্যই চিত্ত উপরত-স্পৃহ হইতে পারে, সন্দেহ নাই।

\*\*

### হাইদর আলি।

(বঙ্গুহইতে প্রাপ্ত।)

**হ**াইদর আলির নাম অনেকের কর্ণগো-  
চর হইয়া থাকিবেক; বিশেষতঃ ইংরা-  
জদের সহিত তাঁহার ও তাঁহার পুত্র  
টিপু সুলতানের বহুকাল পর্যন্ত যে তুমুল সঙ্গ্রাম  
হইয়াছিল, প্রাচীন লোকেরা সতত তাহার উল্লেখ  
করিয়া থাকেন; ও রসাপাগা নিবাসি তদ্বংশীয়  
রাজকুমারদিগের (সাহাজাদাদিগের) সহিত  
অনেকের সাক্ষাৎ হয়; একারণ তাঁহাদের কুল-  
শ্রেষ্ঠের বৃত্তান্ত শুনিতে অবশ্যই সকলের মানস  
হইবেক।

হাইদর আলি স্বয়ং প্রচার করিতেন যে তিনি  
বিজয়পুরের রাজবংশজাত; কিন্তু ইতিহাসবেত্তারা  
কহেন যে তিনি ওলি মহম্মদ নামা এক সামান্য  
ব্যক্তির বংশোদ্ভব। সে যাহা হউক, উক্ত ওলি  
মহম্মদ যে হাইদরের আদি পুরুষ ইহাতে সন্দেহ  
নাই। তিনি বিজয়পুরের ভূপতি মহম্মদ আদিল্‌শা-  
হের রাজ্যকালীন দিল্লীর নিকটস্থ হইতে কালবর্গ  
নগরে উপস্থিত হইয়া “হজরৎবন্দা নবাজের দর-  
গা” নামক এক প্রসিদ্ধ মঠে বাস করেন। তাঁহার  
ভরণ পোষণার্থে মঠের ভূতেরা কিঞ্চিৎ ২ অর্থ  
প্রদান করিত। এই স্থলে তিনি মহম্মদ আলি  
নামা পুত্রের বিবাহ দিয়া বহুকাল পর্যন্ত অব-  
স্থান করত পরলোকযাত্রা করেন। পিতার

মৃত্যুর পর মহম্মদ আলি বিজয়পুরে আপন শ্যা-  
লকের গৃহে কিয়ৎকাল অবস্থিতি করণান্তর  
শ্যালকেরা যুদ্ধে নষ্ট হইলে তথা হইতে সন্ত্রীকে  
যাচাখ্য পর্বতোপরিষ্ক কর্ণাট দেশের কোলা  
নগরে যাইয়া কৃষিকর্মে প্রবৃত্ত হন। তথায় তাঁহার  
চারি পুত্র হয়। প্রথমের নাম সেখ মহম্মদ ইনি-  
য়াস; দ্বিতীয়ের, সেখ মহম্মদ; তৃতীয়ের, সেখ  
মহম্মদ ইমাম; ও চতুর্থের, কতে মহম্মদ।

কতে মহম্মদ পিতার পরলোকান্তর আকর্টা-  
ধিপতি নবাব সাদতুল্লা খাঁর অধীনে কিঞ্চিৎ কাল  
উত্তমরূপে দুই শত অবধি ছয় শত পর্যন্ত সৈ-  
ন্যের জমাদারি পদে কর্ম করত নবাবের মৃত্যুর পরে  
তাঁহার জ্যেষ্ঠ ভ্রাতার পুত্র হাইদর শাহেবের সহ-  
কারে মহীসুর রাজার সমীপে “নায়েক” অর্থাৎ  
অল্প সৈন্যধ্যক্ষ পদে নিযুক্ত হন। পরে তথায়  
গোলযোগ উপস্থিত হওয়াতে তিনি তথাহইতে  
বালাপুরের দুর্গে তত্রত্য সুবাদারের অধীনে অল্প  
সেনার কর্তৃত্ব পদে নিযুক্ত হন। এই স্থলে ১৭৭২  
সংবতে হাইদর আলি নামক তাঁহার পুত্র জন্ম-  
গৃহণ করেন। অতঃপর তিনি দুই তিন সুবাদারের  
নিকট কর্ম করত অবশেষে যুদ্ধে বিনষ্ট হন। সু-  
বাদার তাহার মৃত্যুর বার্তা শুনিয়া সমুদায় ঐশ্বর্য  
লুণ্ঠ করত তাহার স্ত্রী পুত্রদিগকে কারাগারে বদ্ধ  
রাখেন। হাইদর শাহেব পিতৃব্যের পরিবারদিগের  
এই দুরবস্থার সংবাদ শুনিবামাত্র সুরাটে নবাবের  
নিকট সুবাদারের দৌরাভ্য বিজ্ঞাপন করত কারা-  
গারহইতে তাহাদিগকে মুক্ত করিয়া নিজ গৃহে আ-  
নিয়া স্বীয় পরিবারপেক্ষা যতপূর্বক প্রতিপালন  
করেন। হাইদর আলি ও তাঁহার জ্যেষ্ঠভ্রাতা সাবাজ্  
শাহেব এই আশ্রয়ে বয়ঃপ্রাপ্ত হইয়া চিতোরের  
ভূম্যধিকারির নিকটে সৈন্য মধ্যে কিঞ্চিৎ কাল  
যাপন করণান্তর হাইদর শাহেবের সাহায্যে

মহীসুরের রাজ-সংসারে এক যৎসামান্য বৃত্তি  
প্রাপ্ত হন।

কিয়ৎকাল পরে হাইদর শাহেবের মৃত্যু হইলে  
সাবাজ শাহেব তাহার অধীনস্থ সেনাগণের অধ্য-  
ক্ষতা প্রাপ্ত হন, এবং হাইদর আলি মহীসুর রা-  
জধানীতে কক্ষোপলক্ষে আগমন করেন।

মহীসুর রাজ্য চিরকাল পর্যন্ত হিন্দু রাজাদের  
অধীনে ছিল; কদাপি সম্পূর্ণরূপে মুসলমানদিগের  
অধীন হয় নাই। পূর্বে মহীসুরাধিপতি দক্ষিণ দে-  
শের মুসলমান রাজাদিগকে (সুলতানদিগকে)  
কর প্রদান করিতেন; পরে দিল্লীর মোগল ভূপতির  
দাক্ষিণ্যধিপতিদিগকে পরাজয় করিয়া মহীসুরের  
করগাহী হন। মোগল ভূপতিদিগের দুর্বলাবস্থায়  
ভারতবর্ষীয় বিশাল-রাজ্য ছিন্নভিন্ন হইয়া সুবা-  
দার নবাব ও অন্যান্য উপাধিবিশিষ্ট বঙ্গবান  
রাজপুতিনিধিদিগের অধীনে ক্ষুদ্র ২ রাজ্যে বি-  
ভক্ত হয়। ইত্যবকাশে মহীসুরের রাজারা স্বকীয়  
স্বাধীনত্ব স্থাপন করত কর-প্রদানে নিবৃত্ত হই-  
য়া ক্রমে ২ রাজ্য-বৃদ্ধি-করণে প্রবৃত্ত হন; কিন্তু  
সে উৎসাহ অতি অল্পকালস্থায়ী হইয়াছিল; এত-  
দেশীয় অপর নৃপতিগণের ন্যায় তাঁহারাও আ-  
লস্যে আবৃত হইয়া স্বরায় সমস্ত রাজকীয় কর্মের  
ভার মন্ত্রিবর্গের হস্তে সমর্পণ করেন। মহীসুরের  
জগৎকৃষ্ণরাজ নামা রাজার এই রূপ দুর্বলাব-  
স্থায় নন্দিরাজ ও দেবরাজ নামা তাঁহার মন্ত্রিদ্বয়  
কর্তৃক তাবৎ রাজকীয় কর্ম নির্বাহ হইত। নন্দি-  
রাজ “দেওনহলি” নামক দুর্গাক্রমণ সময়ে হাই-  
দর আলির যুদ্ধ বিষয়ে পারগতা ও চতুরতা দেখি-  
য়া তাহাকে যৎকিঞ্চিৎ সৈন্যের অধ্যক্ষ-পদে  
নিযুক্ত করেন। এই সময়ে (১৮০৫ সংবতে) হাইদর  
আলির দ্বিতীয়া স্ত্রীর গর্ভে টিপু সুলতানের জন্ম  
হয়। অতঃপর গঙ্গারাম নামক দুর্গ, রামকোট ও

বাগর প্রদেশের ফৌজদারেরা কর প্রদানে নিবৃত্ত  
হওয়ায় নন্দিরাজ হাইদরকে তাহাদের শাসন  
করিতে প্রেরণ করেন। হাইদর রাজবৈরিদিগকে  
নষ্ট করিয়া হোলী দুর্গ প্রভৃতি কতিপয় পর্বতীয়  
দুর্গে অল্পসেনা সহ এক জন বিশ্বাস-পাত্র রা-  
খিয়া মহীসুর দেশের রাজপাট শ্রীরঙ্গপত্তনে  
পুনরাগমন করেন।

তৎপরে নন্দিরাজ করাসিন্দিগের পক্ষ হইয়া  
ইংরাজদের ও তৎপক্ষ নবাবের সহিত বিদ্রোহার্থে  
ত্রিচীনপল্লীদেশ আক্রমণ করেন; এবং হাইদর তৎ-  
সমভিব্যাহারে গমন করিয়া আত্মরক্ষিতির সদুপায়  
প্রাপ্ত হইলেন; বিশেষতঃ তিনি লুণ্ঠিত বস্তুর অর্দ্ধাংশ  
শের লোভ দর্শাইয়া বিনা বেতনে কতিপয় দস্যু-  
দলকে আপন সৈন্যমধ্যে নিযুক্ত করেন। এই  
দস্যুরা লুণ্ঠিত ও অপহৃত স্বর্ণ, অলঙ্কার, ধান্য,  
বস্ত্র, অশ্ব, গবাদি নানা বিধ বস্তু জাতের অর্দ্ধাংশ  
প্রদান পূর্বক হাইদরের ধন ও বলের এতাদৃশ বৃদ্ধি  
করিলেক যে ত্রিচীনপল্লীহইতে প্রত্যগমন সময়ে  
তিনি অনায়াসে ১৫০০ অশ্বারুঢ় ও ৫০০০ পদাতিক  
সেনা ও সজ্জাদির কর্তা হইলেন।

অতঃপর হাইদর তিম্বিবেলী দেশের পল্লিগার  
নামক ভূম্যধিকারিদের শাসন করিতে দিল্লিগল  
নগরের সেনাধ্যক্ষ (ফৌজদারি) পদে নিযুক্ত হন;  
এবং ফেরল পার্শ্বস্থ দেশ লুট করত স্বসৈন্যের ও  
ধনের বৃদ্ধি করেন। অধিকন্তু নিজ ১০,০০০ সেনাকে  
অষ্টদশ সহস্র সংখ্যক রূপে বিখ্যাত করাইয়া  
প্রতারণা পূর্বক রাজার নিকট অধিক বেতন লাভ  
করিতে লাগিলেন।

এতজ্ঞাপে ক্রমে ২ হাইদরের এতাদৃশ সৈন্যসামন্ত  
সঙ্গু হইলে কিপ্রকারে তিনি মহীসুরের সিংহাসন  
আরোহণ করিবেন এই আকাঙ্ক্ষা মনে ২ করি-  
তে লাগিলেন। তৎকালে ঐ রাজ্যে গোলযোগ



উপস্থিত হওয়ায় তাঁহার মানস সফল হইবার উপক্রম হয়। মহীসূরের রাজা স্বীয় সচিব নন্দিরাজের অধীনতা পরিত্যাগ করিতে উদ্যোগী হইলেন। নন্দিরাজ তাহা জ্ঞাত হইয়া রাজবাটী আক্রমণপূর্বক রাজ-পক্ষগণের নাসিকা ও কর্ণ ছেদন করত রাজপথে তাহাদিগকে নিষ্কপ করিলেন; ও রাজার পুত্রিতাচ্ছল্য প্রকাশ করিতে লাগিলেন। নন্দিরাজের ভ্রাতা দেবরাজ সহোদরের দুষ্টাচারে ক্রোধান্বিত হইয়া তৎপক্ষ পরিত্যাগ পরঃসর অন্য স্থানে গমন করেন। তদনন্তর সৈন্যদিগের বেতন প্রদানে নন্দিরাজের অশক্ততাপ্রযুক্ত সেনারা তাঁহার দ্বারা “হত্যা” দিয়া আহার নিদ্রা রহিত করিল। প্রভুর বিপদ দেখিবামাত্র হাইদর মহীসূরের ধনাগার ও রাজকীয় ঋণিদিগের নিকট হইতে ধন গৃহণ করত সৈন্যদিগের বেতন প্রদান পূর্বক প্রভুকে বিপদহইতে রক্ষা করিলেন; এবং দেবরাজের সহিত তাঁহার মিলন করিয়া দিলেন; কিন্তু দেবরাজের ভ্রাতার সহ সখ্যতা বহুদিন ভোগ হয় নাই, যেহেতু তাঁহাকে অবিলম্বে শমন ভবনে গমন করিতে হইয়াছিল। এই সময়ে মহারাজপুত্রেরা মহীসুর আক্রমণ করে। হাইদর ঐ রাজ্যদায় সমাধা করিয়া নন্দিরাজেরও সর্বসাধারণের বিশ্বাসী ও প্রিয়পাত্র হইতে লাগিলেন। তিনি এই গোলযোগ সময়ে নন্দিরাজের সেনাদিগকে বশীভূত করিতে, এবং স্বীয় ধন ও পরাক্রমের বৃদ্ধি করণে ত্রুটি করেন নাই। এক্ষণে তিনি প্রভুর প্রভুত্ব নিঃসন্দেহে আত্মসাৎ করিতে চেষ্টিত হইলেন। তিনি কুন্দিরায় নামা জনৈক কর্মচারী ব্রাহ্মণদ্বারা বৃদ্ধা রাণীর সহযোগে রাজার সমীপে নন্দিরাজকে মন্ত্রিপদ চ্যুত করণের কথা চালনা করিতে লাগিলেন। রাজাও স্বাধীনে রাজ্য করণাশয়ে উক্ত মতে সন্মত হইলেন। হাইদরের এ মানসসিদ্ধির পোষ-

কতার এক ঘটনা উপস্থিত হইল। পুনর্বার সেনারা নন্দিরাজের দ্বারে ধর্ম্মা দিলেক। হাইদর তাহাদিগকে সান্ত্বনা না করিয়া বিষম-বদনে আপনিও ধর্ম্মা দিলেন। নন্দিরাজ ঘোর বিপদ দেখিয়া কিঞ্চিৎ অর্থ ও সৈন্য লইয়া রাজ্যভার পরিত্যাগ করেন; রাজাও তৎক্ষণাৎ হাইদর ও কুন্দিরায়ের উপরে সমস্ত সাম্রাজ্যের ভার সমর্পণ করেন। কিন্তু নন্দিরাজ অপদস্থ হওয়া অবমান সহ্য করণের পাত্র নহেন। তিনি রাজধানীর নিকটবর্ত্তি মহীসুর নগরে উপস্থিত হইয়া দলবল বৃদ্ধি করিতে লাগিলেন; তন্নিবারণার্থে রাজা তাঁহাকে দূর করিতে আজ্ঞা করিলেন। নন্দিরাজ তাহা গৃহ্য না করিয়া হাইদরকে এক লিপি লিখিলেন যে “তুমি কি ছিলে; তোমাকে আমি কি করিলাম; এইক্ষণে শিরো রক্ষণার্থে বাস স্থান দিতেও চাহ না; যাহাতে তোমার অভিকর্ষ হয় তাহাই কর; আমি এস্থান পরিত্যাগ করিব না”। হায়! এ লিপির মর্ম্ম কি ধনোন্মত্ত অধর্ম্মি হাইদরের হৃদয়ঙ্গম হইতে পারে! কখনই সম্ভব নহে। তিনি অনায়াসে মহীসুর নগর আক্রমণ পূর্বক স্বপ্রভুকে পরাভব করত আজ্ঞানুবর্ত্তি করিয়া রাখিলেন।

এপর্যন্ত হাইদর আলীর সম্বন্ধে শুভগুণের প্রাদুর্ভাব ছিল; অতঃপর কিয়ৎকালের নিমিত্তে তাঁহাকে কুগুণের গুণে পতিত হইতে হইল। মহীসুরাধিপতি দেখিলেন যে হাইদর মন্ত্রি পদাভিষিক্ত হওয়াতেও তাঁহার পূর্বাভার কিঞ্চিৎমাত্রও বিভিন্নতা হয় নাই। “এক শূলশূরুপ মন্ত্রিপরিবর্ত্তনে অপর শূল উপস্থিত হইল; কি করি”। অতএব তিনি হাইদরের বিশ্বাসী কর্মচারী কুন্দিরায়কে হস্তগত করিলেন; এবং ঐ ব্যক্তি আপন পুত্রিপালককে বিপদগুস্ত করণের অবকাশ অনুসন্ধান করিতে লাগিল। হাইদর এ সমস্ত গুহ্য ব্যাপার না জানিয়া দূরদেশে

সেনাদিগকে প্রেরণ করত শ্রীরঙ্গপত্তনের প্রাচীর সমীপে অতঃপ সৈন্যসহিত অবস্থিতি করিতে ছিলেন, এমত সময়ে একদা সহসা তাঁহার উপরি দুর্গস্থিত কামানহইতে গোলা প্রক্ষিপ্ত হইতে লাগিল। তিনি কুন্দিরায়কে অন্তেষণ করিলেন, কিন্তু সে তৎসময়ে শত্রুমধ্যে প্রবিষ্ট ছিল, অতএব সম্পূর্ণ বিপদ জানিয়া ঐর্ষ্যা বলস্বনপূর্বক তন্নির্কটে আত্ম-পরাভবের সম্বাদ জ্ঞাপন করিলেন। কুন্দিরায় তাঁহার পুত্র সমুদয় অর্থ ও পরিবার অপহরণ পূর্বক তাঁহাকে অঃপ সৈন্যসহিত রজনীযোগে পলায়ন করিতে অনুমতি দিলেন। বিপদগুস্ত হাইদর বাজালুর দেশে পলায়ন করত তথাকার বিশ্বাসি কর্মচারীদের সহযোগে দলবল বৃদ্ধি করণ পরঃসর কতিপয় মানসন্তর কুন্দিরায়ের সহিত পুনরায় যুদ্ধে প্রবর্ত্ত হইলেন; কিন্তু ঐ যুদ্ধেও পরাজিত হইয়া দ্বিশত অশ্বারুঢ় সেনার সমভিব্যাহারে নিশিতে পলায়ন করত পুনর্বার নন্দিরাজের শরণাগত হইলেন। নন্দিরাজ তাঁহার সমস্ত অপরাধ মার্জনা করিয়া, বোধ হয়, পূর্ববৎ ক্ষমতাপন্ন হওন মানসে শরণাপন্নকে অভয় প্রদান করিলেন।

পরন্তু ধনলোভি প্রতারকদিগের মধ্যে কতকাল সখ্য থাকিতে পারে! হাইদর এক প্রতারণাপূর্বক যে অভিপ্রায়ে অধীনতা স্বীকার করিয়াছিলেন তাহা সফল হইলেই অন্য এক গুরুতর প্রতারণা করণে প্রবৃত্ত হইলেন। তিনি কুন্দিরায়ের সৈন্যধ্যক্ষদের নামে কতিপয় লিপিতে নন্দিরাজের নাম মূদ্ধাক্রান্ত করত দূত দ্বারা এমত রূপে প্রেরণ করেন যে তাহাকে গুপ্তভাবে গমন করিয়া কুন্দিরায়ের সমীপে অবশেষে ধরা পাড়িতে হইল। কুন্দিরায় হাইদরের শঠতাজালে পতিত হইয়া লিপি-সকল অবলোকন মাত্র সৈন্যধ্যক্ষদিগকে বিপক্ষ-পক্ষ বোধ করত হঠাৎ শ্রীরঙ্গপত্তনে

পলায়ন করেন। ইত্যবকাশে হাইদর নায়কশূন্য সেনাদের উপরি আক্রমণ পূর্বক তৎসমুদায় পরাভব করত সমস্ত কামান ও অন্যান্য দুর্বাতি লুট করিয়া পদাতিদিগকে আত্ম সৈন্যমধ্যে আনি-লেন। কিন্তু অশ্বারুঢ় সেনারা পলায়ন করিয়া কুন্দিরায়কে পরাভব সংবাদ জ্ঞাত করায়। তথাপি তিনি হাইদরের যথার্থ মর্ম্ম জানিয়া পুনর্বার সৈন্য জগুগু করিতে উদ্যোগী হন; কিন্তু সহসা হাইদর উপস্থিত হইয়া নূতন দলবলকে পরাজয় করত যষ্টি সহস্র অশ্বারুঢ় সেনা লইয়া শ্রীরঙ্গপত্তন আক্রমণ পূর্বক বিপক্ষ সমস্ত সেনা ও তাবৎ যুদ্ধের সজ্জা বিনষ্ট করিলেন। তদনন্তর তিনি নিকপায়ী রাজার সমীপে এই মর্ম্মে লিপি প্রেরণ করেন যে কুন্দিরায়কে তাঁহার হস্তে সমর্পণ করণে ও অপ্রাপ্ত-বেতন-প্রদানে রাজার আজ্ঞা হইলে তিনি নিরস্ত হইবেন; ইহাতে বদ্যপি রাজা তাঁহাকে স্বপদে রাখিতে অভিকর্ষ করেন, ভালই, নচেৎ তিনি অন্য স্থানে ধন উপার্জন করিতে যাইবেন। কিন্তু তিনি আপনার অভিপ্রায় গুপ্তভাবে জ্ঞাত করাইলেন যে রাজ্য প্রাপ্ত না হইলে তিনি ক্ষান্ত হইবেন না। সুতরাং রাজাকে স্বীকার করিতে হইল, যে হাইদর তাঁহাকে রাজ্যভারহইতে মুক্ত করিয়া তাঁহার নিজ ব্যয়ের নিমিত্ত তিন লক্ষ, ও নন্দিরাজকে এক লক্ষ মুদ্রা প্রতী বর্ষে প্রদান করত রাজ্যের সমস্ত কর গৃহণ করুন। এবম্পকারে নানাবিধ চাতুরী ও বিশ্বাস-যাতকতা সহকারে হাইদর মহীসুর রাজ্য হস্তগত করত সিংহাসনারোহণ সময়ে ইহা প্রকাশ করেন যে “রাজ্যভার-গৃহণে আমার কদাপি ইচ্ছা ছিল না, কেবল রাজার অনুরোধেই তদগৃহণে স্বীকৃত হইলাম”। রাজা হইবার অব্যবহিত পরে কুন্দিরায়কে বিনাশ করিতে তাঁহার প্রথম অভিপ্রায় হয়, কিন্তু



রাজা ও রাণীদ্বারা উপরোধিত হইয়া হাইদর তাঁহাকে বিনষ্ট না করিয়া লৌহ পঞ্জরে বদ্ধ করত প্রতিদিন স্বপ্ন আহার দিতে লাগিলেন; এবং একবার লক্ষ মুদ্রা ব্যতিরেকে কখনই তাহাকে বা রাজাকে বার্ষিক প্রদান করেন নাই।

যা. কৃ. সি.

### বেণ ও পৃথু নৃপতি।

(প্রেরিত প্রস্তাব।)

আষাঢ়া নগরী ভারতবর্ষীয় পুতাপ-  
শালি-নৃপতিদিগের রাজধানীরূপে পরিগণিত হইবার পূর্বে ভারতবর্ষ মধ্যে কতকগুলি চিরস্মরণীয় ব্যাপার ঘটিয়াছিল। সেই অপরিজ্ঞাত প্রাচীন সময়ে এতদেশীয় লোক সকল ব্রাহ্মণ, ক্ষত্রিয়, বৈশ্য, শূদ্র ক্রমে বর্ণ চতুষ্টয়ে প্রথম বিভক্ত হইলেন; সুতরাং অনুমান হয় তখন লোক সমাজের অবস্থা অনেক উন্নত হইয়াছিল। বোধ হয় অপরাপর দেশের ন্যায় সর্বাদৌ ভারতবর্ষে বর্ণপ্ৰভেদ কিছু মাত্র ছিল না; তদনন্তর লোক সঙ্খ্যার বৃদ্ধি হইলে ক্রমশঃ যাদৃশ নানা বিধ বৃত্তি ব্যবসায়ের প্রয়োজন হইল, তদনুসারে বর্ণ বিভাগ হইয়া এক এক বংশের এক এক পৃথক বৃত্তি নিরূপিত হইল। যে সকল ব্যক্তি কাম-ভোগ-প্রিয়, উগু-স্বভাব, ক্রোধ-পরায়ণ, এবং সাহসপ্রিয় ছিলেন, তাঁহারা যুদ্ধ-ব্যবসায়ী ক্ষত্রিয় হইলেন; যাঁহারা গাভী ও কৃষিহইতে উপজীবিকা সংস্থান করিতে লাগিলেন, তাঁহারা কৃষি-বাণিজ্য-ব্যবসায়ী বৈশ্যরূপে পরিগণিত হইলেন; যে সকল ব্যক্তি হিংসা, মিথ্যা-কুক্তিয়া-লুব্ধ, সর্ব-কর্মোপজীবী, এবং অশুদ্ধ-চিত্ত, তাহারা শুশ্রূষা-বৃত্তি শূদ্র হইল; অবশিষ্ট

সাত্ত্বিক, ধর্মপরায়ণ, বিদ্যানুরাগী ব্যক্তির বা-  
ক্ষণ হইলেন।\*

যখন এই সকল বর্ণের-স্বাতন্ত্র্যভাব এতদেশে  
অসম্পূর্ণরূপে প্রচারিত হয়, তখন বেণনামক  
নৃপতি ভারতবর্ষে রাজত্ব করিয়াছিলেন। তিনি  
কোন স্থানে আপনাদের রাজধানী প্রতিষ্ঠিত করিয়া-  
ছিলেন, তাহার কোন নিদর্শন প্রাপ্ত হইয়া যায় না।  
এমত উপাখ্যান আছে যে বেণ রাজা নানা প্রকার  
অধর্মে অনুরক্ত হইয়া স্বরাজ্যের অকল্যাণ সৃজন  
করিয়াছিলেন। তাঁহার রাজ্যে প্রজা-সকল বেদা-  
ধ্যয়ন-বিহীন, এবং হোম-যাগ-তপস্য-বর্জিত হই-  
য়াছিল। তিনি এমত কঠোর আজ্ঞা প্রচার করি-  
য়াছিলেন যে রাজ্যমধ্যে কেহই জপ যজ্ঞ করিতে  
পারিবে না; সকলে কেবল তাঁহারই সেবা  
করিবেক। এই রূপ অত্যাচারের ক্রমশঃ প্রাবল্য  
হইলে রাজ্যে আর বর্ণ-বিচার রহিল না, সকলেই  
স্বেচ্ছাচারে অবিহিত বিবাহাদিরদ্বারা বর্ণ সঙ্কর  
উৎপন্ন করিতে লাগিল। তৎপূর্বে সমান বর্ণের স-  
হিত বিবাহ প্রচলিত ছিল; অর্থাৎ ব্রাহ্মণ ব্রাহ্মণক-  
ন্যার পাণি গৃহণ করিতেন, ক্ষত্রিয় ক্ষত্রিয়কন্যাকে  
বিবাহ করিতেন; বৈশ্য শূদ্রের প্রতিও এই নিয়ম  
নির্দারিত ছিল; কিন্তু বেণ রাজার রাজত্বকালে  
এ নিয়ম বলবান্ রহিল না। ব্রাহ্মণেরা আপনা-  
দের কৃত নিয়মকে এপ্রকার অবহেলিত দেখিয়া,  
এবং বেণ রাজার আর ২ দৌরাভ্য সহ্য করিতে  
অসমর্থ হইয়া ষড়যন্ত্রপূর্বক তাঁহাকে শমনভবনের  
অতিথি করিলেন; ও বেণ রাজার অনুগত এবং  
মতানুসারি ব্যক্তিবর্গকে নির্বাসিত করিলেন।  
এবং বেণের পুত্র পৃথুকে রাজ্যে অভিষিক্ত করি-

\* তন্ত্রবোধিনী-পত্রিকাধৃত মহাভারতীয় যোদ্ধধর্মে এবং শব্দ-  
কল্পদ্রুমে 'বর্ণ' শব্দে দৃষ্টি করিবেন।

লেন। বস্তুতঃ বেণ রাজা যে অত্যাচারী, এবং  
অধার্মিক ছিলেন,—তাঁহার রাজত্বহইতে যে বর্ণ-  
সঙ্করের উৎপত্তি হয়—এই জন্যই তিনি বিশেষ  
বিখ্যাত আছেন। ইহা স্পষ্টই বোধ হইতেছে  
যে সেই প্রাচীন সময়ে তাঁহার রাজ্য সীমা অতি  
সঙ্কীর্ণ ছিল।

বেণের পুত্র পৃথু অতি ধার্মিক এবং মহাতে-  
জস্বী বলিয়া বর্ণিত হইয়াছেন। কোন সুকবি পৃথু-  
রাজ্যের রাজ্যভিষেকের বিষয় অতি পারিপা-  
ট্যের সহিত বর্ণনা করিয়াছেন যে

“তৎ সমুদ্রাশ্চ নদ্যাশ্চ রত্নান্যাদায় সর্ষশঃ ।  
তোয়ানি চাভিষেকার্থং সর্ষত্রৈবোপতস্থিরে ॥  
পিতামহশ্চ ভগবান্ দেবৈরাঙ্গিরসৈঃ সহ ।  
স্থাবরাণি চ ভূতানি জঙ্গমানি চ সর্ষশঃ ॥  
সমাগম্য তদাবৈণ্যমভ্যধিষ্ণুন্নরাধিপং ।  
মহতা রাজরাজ্যেন প্রজাপালং মহাদ্যুতিং ॥  
পর্ষতাশ্চ দদুর্মাগাং ধ্বজভঙ্গশ্চ নাভবৎ ।  
অকৃষ্টপাচ্যা পৃথিবী সিদ্ধন্ত্যানি চিন্তয়া ॥  
সর্ষকামদুঘা গাবঃ পুটকে পুটকে মধু ॥”  
ব্রাহ্মপুরাণ ৩ অধ্যায়।

তাঁর অভিষেক হেতু লয়ে রত্নজল।  
আগমন করে সিদ্ধ-ভট্টনী-সকল ॥  
পিতামহ সহ আঙ্গিরস দেবচয়।  
স্থাবর জঙ্গম আর প্রাণি-সমুদয় ॥  
আসি অভিষিক্ত করে বৈণ্য নরপতি।  
প্রজাপাল মহাতেজা রাজমহামতি ॥  
তাঁর রাজ্যে পথ ছাড়ি দিল গিরিগণ।  
ধ্বজভঙ্গ নাহি তাঁর হয় কদাচন ॥  
অকর্মণে ক্ষিতি দেয় শস্য সুপ্রচুরে।  
চিন্তায় প্রস্তুত অন্ন হয় মর্ত্যপুরে ॥  
সর্ষকামদুঘা হৈল গাভীর প্রকার।  
পুটকে পুটকে হয় মধুর সঞ্চার ॥

কলতঃ পুরাণ দৃষ্টে প্রকৃত বোধ হইতেছে যে  
পৃথুহইতেই রাজ্য শাসনাদির সূশৃঙ্খলা হয়।

† ব্রহ্মপুরাণ এবং বৃদ্ধপুরাণ।

তাঁহার পূর্বে এতদেশীয় লোকেরা সুসভ্যতা প্রাপ্ত  
হইলেন নাই, তখন কৃষি এবং বাণিজ্য কার্যের  
উৎকৃষ্ট নিয়ম সকল পরিজ্ঞাত ছিল না; লোকে  
সামান্যতঃ কল মূল আহার করিয়া প্রাণ ধারণ  
করিত; কিন্তু পৃথুরাজ কৃষি-বাণিজ্যাদির নিয়ম প্র-  
কাশ করিয়া প্রজাবর্গের সৌভাগ্য ও উন্নতির পথ  
পরিষ্কার করিয়া দিয়াছিলেন। মস্কোবি দেশীয়  
প্রসিদ্ধ সম্রাট পিতর, আপনাদের ভাগ্যহীন দীন  
অসভ্য প্রজাদিগের দুঃখমোচনে যাদৃশ অসাধারণ  
প্রয়ত্ন প্রকাশ করিয়া কৃতকার্য হইয়াছিলেন,  
নানা-দেশ পর্যটন, নানাবিধ-বিদ্যা-ভ্যাস, যুদ্ধ  
এবং রাজকীয় ব্যবহারাদি কর্মে জ্ঞান এবং পার-  
দর্শিতালাভার্থে, এবং স্বরাজ্যের প্রজা সমূহের  
মঙ্গলোন্নতির নিমিত্ত যৎপরোনাস্তি শারীরিক  
এবং মানসিক কৌশল স্বীকার, স্বরাজ্যে শিল্প এবং  
বিজ্ঞান শাস্ত্রাদির প্রচার, ভিন্ন দেশের সহিত  
স্বরাজ্যের বাণিজ্য বিস্তার, এবং প্রজাদিগের চিত্ত  
হইতে চির-সেবিত অজ্ঞান মূলক কুসংস্কার অপ-  
নয়ন পূর্বক উত্তম লৌকিক ব্যবহার প্রচলন;—এই  
সকল কারণে পিতর যেমন “স্বদেশের পিতা”  
বলিয়া উক্ত হইয়াছেন, তদ্রূপ সেই অজ্ঞাতমসাবৃত  
প্রাচীনকালে আর্নাদিগের দেশীয় নৃপতি মহাত্মা  
পৃথুও প্রজাদিগের অশেষ কল্যাণ সৃজন করি-  
য়াছিলেন; এবং ইহা অতি উপযুক্তরূপে উক্ত হই-  
য়াছে যে পৃথিবী পৃথু রাজার নিকট দুহিত্ব  
স্বীকার করিয়াছিলেন। অতএব পিতরকে মস্কোবি  
দেশীয় পৃথু বলা, কিম্বা পৃথুকে ভারতবর্ষীয় পি-  
তর বলা কোন ক্রমেই অসঙ্গত নহে।

কথিত আছে যে দুর্জয়-বিক্রম বৈণ্য নৃপতি  
স্বকীয় বাহুবলে বহু দেশ পরাজয় করিয়াছি-  
লেন। তিনিই প্রথমতঃ যথা বিধানে রাজ্যে  
অভিষিক্ত হইলেন, এবং অমাত্য মন্ত্রি ও আর ২



রাজকর্মচারিগণকে নিযুক্ত করেন। বহুকালাবধি এতদেশে মহামহিম রাজাদিগের মধ্যে সূত এবং মাগধ নিযুক্ত রাখিবার যে প্রথা প্রচলিত ছিল, তাহারাও সেই পৃথুরাজকর্তৃক স্বল্প বৃত্তিতে নিয়োজিত হয়। তিনি এই রূপ নিয়ম করেন যে সূত এবং মাগধেরা রাজসম্মুখে দণ্ডায়মান থাকিয়া রাজ বংশের চরিতানুকীর্ণন করিবে।

বাস্তবিক পুরাণে পৃথু মহাত্ম্য আদ্যোপান্ত পাঠ করিলে স্পষ্ট প্রতীতি হয় যে তিনি এক জন পবিত্র চরিত্র, প্রজাবৎসল, পরমধার্মিক নরাদিগণিত ছিলেন। এতদেশীয় লোকেরা এতাদৃশ সদাশয় রাজার নিকট যথাযোগ্য কৃতজ্ঞতা স্বীকার করিতে অনুদ্যত ছিলেন না; তাঁহারা ধরনীকে পৃথুরাজের নামানুসারে ‘পৃথী’ বলিয়া উক্ত করিয়াছেন, এবং রাজা সকলকে অভিনিবেশপূর্বক পৃথু মহাত্ম্য পাঠ করিতে অনুরোধ করিয়াছেন।

এই নৃপতি মহাত্ম্যের অব্যবহিত পরে কোন ব্যক্তি কোন স্থানে রাজ্যাভিষিক্ত হইয়া কি প্রকারে রাজ্য শাসন করেন, তাহার কোন বিস্তারিত বর্ণনা নাই; বোধ হয় উত্তর বিবরণ সমস্ত লুপ্ত হইয়া থাকিবেক। কিন্তু তদনন্তর চন্দ্র ও সূর্য বংশের বর্ণনা আরম্ভ হইয়াছে।

### বিবিধার্থ-সঙ্গ্ৰহোপযোগিবিষয়ের নিকপণ।

কাগজ প্রস্তুত করণের প্রথা।

ময়িক পত্রের সম্পাদকেরা সর্বদা প্রশ্ন করিয়া থাকেন “এবার কি লিখি? কোন বিষয় লিখিলে পাঠকদিগের

\* এই বিষয় লিখিবার সময় ১১৩ সংখ্যক তত্ত্ববোধিনী-পত্রিকা প্রাপ্ত হইলাম; তাহা হইতে বিদিত হইল যে বংশানুক্রমে সূত-জাতি রাজাদিগের কীর্তি বর্ণন ব্যবসায় নিযুক্ত ছিল; তাহাদের রাজ্য সকল পূর্বে পুরাণ নামে খ্যাত হয়, সম্রাট, লোমহর্ষণ, উগ্ৰশ্রবা প্রভৃতি পৌরাণিকেরা সূতকুলে উৎপন্ন হইলেন।

বিশেষ পরিতৃপ্ত জন্মিবে?” এবং তদন্তরে এতাদৃশ ভূরি উপদেশ নিঃসৃত হয় যে তাহাতে এতৎপত্রের তিন-চারি খণ্ড অনায়াসে পরিপূর্ণ হইতে পারে; কিন্তু সে উপদেশ অনেকেই গৃহ্য করেন না; এবং কদাপি গৃহ্য করিলেও তাহার অনুশীলন করা দুষ্কর হয়। আত্মীয়-সম্মিলকে আমরা স্বয়ং এতাদৃশ প্রশ্ন বারম্বার করিয়াছি, এবং তদন্তরে অনেকে বিপুলার্থের আকর আশাদিগের নয়ন-পথের গোচর করাইয়াছেন; কিন্তু সামান্য কথায় কহে “বংশ বনে বেণুকায় অন্ধ”; আশাদিগের পক্ষে তাহাই ঘটিয়াছে। যাহাতে পাঠকদিগের উপকার ও পরিতৃপ্তি জন্মিতে পারে এতাদৃশ অনেক বিষয়ে আমরা উপদেশ প্রাপ্ত আছি, কিন্তু কোন বিষয়ের বিচারে অধুনা প্রবৃত্ত হইব তাহা স্থির হইতেছে না, অথচ মুদ্রাকরেরা বিলম্ব সহে না; তাহাদিগের নিমিত্তে পত্র পূরণার্থে কিঞ্চিৎ আদর্শ অবশ্য পাঠাইতে হইবেক; পত্র প্রকাশে বিনম্র হইলে গ্রাহকশ্রেণীও অসন্তুষ্ট হন, অতএব অধুনা উত্তম প্রস্তাবের অন্বেষণে চিন্তকে শূন্য না করিয়া এই বিবিধার্থসঙ্গ্ৰহ প্রস্তুত করণে কিং প্রয়োজন তাহারই অনুসন্ধান করিতে প্রবৃত্ত হইলাম।

বিবিধার্থ-সঙ্গ্ৰহার্থে (প্রথম,) বিদ্যা, (দ্বিতীয়,) বিদ্যাব্যবসায়ী, (তৃতীয়,) তদ্ব্যবসায়োপযোগ্য অস্ত্র, অর্থাৎ কাগজ, লেখনী, ও মসি, (চতুর্থ,) মুদ্রাকর, (পঞ্চম,) অক্ষর সংযোজক, (ষষ্ঠ) মুদ্রায়ন্ত্র ও মুদ্রাকর, (সপ্তম,) চিত্রকর, (অষ্টম,) পুস্তক বন্ধক, এই অষ্টাঙ্গ যোগের প্রয়োজন; তদ্ব্যতীত বিবিধার্থ-সঙ্গ্ৰহ কদাপি স্বচ্ছন্দে প্রস্তুত হইতে পারে না। অতএব তদ্বিশেষ অনুসন্ধান করায় বোধ হয় লেখক ও পাঠক উভয়েরই উপকার সম্ভব হইতে পারে।

প্রথম বিদ্যা; তদনুশীলনই বিবিধার্থের মুখ্যাংশ; প্রত্যেক পত্রেই তাহা চরিতার্থ আ-

ছে, অতএব অধুনা তদ্বিশেষে নবীন কিছু বক্তব্য নাই। দ্বিতীয় অধ্যায় প্রথমোক্তে ব্যাখ্যাত। তৃতীয়, বিদ্যা ব্যবসায়োপযোগি অস্ত্র; এবং তত্রাদৌ কাগজ। পূর্বকালে এতদেশে কাগজের ব্যবহার ছিল না, তৎপরিবর্তে বলুল ও পত্র ব্যবহৃত হইত, এবং তন্মধ্যে ভূজ-পত্র ও “তিড়েট” নামক তাল বৃক্ষের পত্র স্বর্বাঙ্গুগণ্য ছিল। কবচাদি লিখনার্থে অদ্যপি ভূজপত্রের ব্যবহার আছে, এবং উৎকল দেশে লিখন কর্ম কেবল তাল পত্রেই নিস্পন্ন হয়। ফলতঃ এই নিমিত্তে লিপিমাত্রের নাম “পত্র” হইয়াছে, সুতরাং এ তালের পত্র হইতেই বিবিধার্থ-সঙ্গ্ৰহ পত্রাভিধান প্রাপ্ত হইয়াছে। বিলাতেও পূর্বে বলুলের ব্যবহার ছিল, এবং এ বলুল জ্ঞাপক “পাগিরন” শব্দ হইতে কাগজ জ্ঞাপক ইংরাজি “পেপার” শব্দ উৎপন্ন হয়।

বোধ হয় প্রথমতঃ কাশ্মীর দেশীয়েরা মুসলমানদিগের নিকট কাগজ বানাইবার প্রথা শিক্ষা করে; এবং তাহাদিগ হইতে ভারতবর্ষের অন্যত্র এ প্রথা প্রচার হয়। সে যাহা হউক কাশ্মীর দেশীয় কাগজ সর্বাপেক্ষায় উত্তম; ততুল্য শ্রেষ্ঠ কাগজ ভারতবর্ষের আর কোত্রাপি হয় না। নেপালে দুই প্রকার কাগজ প্রস্তুত হয়; পুস্তকাদি লেখনার্থে যে কাগজ প্রস্তুত হয় তাহা স্থূল কিন্তু সুদৃশ্য নহে; অপর প্রকার সুদৃশ্য এবং সুবিস্তীর্ণ পরিসরবিশিষ্ট, তাহার এক পৃষ্ঠায় লেখা যায়; কিন্তু ইহা ঔষধাদি পদার্থ জ্ঞাপনার্থেই ব্যবহৃত হয় তাহার এক তার পরিমাণ ৫ অবধি ৬ হস্ত পর্যন্ত দেখা গিয়াছে। এই কাগজ যেমত সুদৃঢ় এমত অন্য কোন কাগজ হয় না। পরন্তু বঙ্গদেশীয় কাগজ ভারতবর্ষের অধিকাংশে ব্যবহৃত হয়। বর্তমান প্রদেশের নিয়ালা, সাতগাঁ, মানাদ,

শাহবাজার এবং মৈমন গ্রাম-সকল ও বালেশ্বর, বাঙ্কিপুর, আরওয়াল, শাহার, হরিহর গঞ্জ, ঢাকা, দিনাজপুর, পাটনা, মুর্শিদাবাদ, কলিকাতা ও শ্রীরামপুর নগর-সকল কাগজ প্রস্তুত করণের প্রধান স্থান। এই সকল স্থানে যে কাগজ প্রস্তুত হয় তাহা সমগ্ৰবিশিষ্ট নহে। শ্রীরামপুর, বর্দমান, ও ঢাকাই কাগজ দেশীয় অন্য কাগজাপেক্ষায় শ্রেষ্ঠ; এবং পাটনাই কাগজ অপকৃষ্ট। পরন্তু এ কাগজ প্রস্তুত করণে যে পদার্থ ব্যবহৃত তাহা সর্বত্রই প্রায় তুল্য। সন, পাট, তজ্জাত পুরাতন খলিয়া, পরদা, জাহাজের কাপ্তার, প্রাচীন জীর্ণ কাগজ, জীর্ণ রজ্জু, জীর্ণ কাপাস, ও নানাবিধ বলুল কাগজ প্রস্তুত করণার্থে ব্যবহৃত হয়। কিন্তু এ সকল পদার্থ একত্রে ব্যবহার করিবার প্রয়োজন নাই; উক্ত পদার্থের যে কোন দুব্য প্রাপ্ত হওয়া যায় তাহাতেই কাগজ হইতে পারে।

কাগজ বানাইবার উত্তম সময় কার্তিক অবধি চৈত্র মাস; তদন্য সময়ে উত্তম কাগজ জন্মে না, অতএব তৎসময়ে কাগজ ব্যবসায়েরা কাগজে মগ্ন লেপন, কাগজ ছাঁটন ও ভাঁজ করণ কর্মে কাল যাপন করে। কাগজ প্রস্তুত করণের বিহিত সময় উপস্থিত হইলে আদৌ যে পদার্থে তাহা বানাইতে হয় তাহা ধৌত করণের আবশ্যিক; এবং এ পদার্থ দুই দিবস জলে ভিজাইলেই তৎকর্ম সিদ্ধ হয়। অতঃপর এ ধৌত পাট কি শণ শুষ্ক করিয়া বাথারি চুন ও দধ সাজি মাটিতে মিশ্রিত করিয়া কএক দিবস ক্রমাগত পুনরায় জলে ভিজাইয়া রাখিলে এ পদার্থ গলিত হইয়া যায়। পদার্থ উত্তমরূপে গলিত হইলে, কাগজ ব্যবসায়েরা তাহা টেকিতে মর্দন করত, কদমের ন্যায় পিণ্ড করে। এই পিণ্ড পরিষ্কার ও শুকু বর্ণ না হইলে তাহা দুই তিন বার পরিষ্কার জলে ধৌত



করিতে হয়। পরে ঐ পিণ্ড এক পুশস্ত গামলায় গুলিলে দধির ন্যায় বোধ হয়।

এতদবস্থায় ঐ দধিবৎ পদার্থ কাগজ রূপে পরিণত হইবার উপযুক্ত।

যে যন্ত্রে কাগজ পুস্তত হয় তাহার নাম “চৌকা”। চতুষ্কোণাকার এক কাষ্ঠ পরিধিতে অতি সূক্ষ্ম বংশসলাকা ও অশ্বকেশ নির্মিত সূক্ষ্ম জাল সংলগ্ন করিলেই ঐ যন্ত্র পুস্তত হয়; কলতঃ তাহা এক পুকার ছাঁকনি মাত্র। কাগজ পুস্তত-কারী পর্বোক্ত দধিবৎ পদার্থবিশিষ্ট গামলার পার্শ্বে উপবেশনপূর্বক ছাঁকনি ঐ পদার্থে নিমগ্ন করণান্তর কিঞ্চিৎ পদার্থ সহিত তাহা তুলিয়া মৃদুভাবে ঐ ছাঁকনি কম্পিত করিলে কাগজ পদার্থ তদুপরি সমভাবে জমিয়া যায়, এবং কাগজ জন্মিলেই শিল্পী তাহার বাম ভাগে এক কাষ্ঠ পীঠকো-পরি তাহা রাখে। এবম্পুকারে ক্রমশঃ ২৫০ তা কাগজ উপর্যুপরি স্থাপিত হইলে তদুপরি অপর এক কাষ্ঠ পীঠক স্থাপন করত সর্বোপরি এক বৃহৎ পুস্তর স্থাপন করে। কাগজ এতদবস্থায় ২৪ ঘণ্টা কাল রাখিলে তাহাইহতে সমুদায় জল নিঃসৃত হইয়া শুষ্ক প্রায় হয়। পর দিন প্রাতে ঐ কাগজ রৌদ্রে শুষ্ক করা আবশ্যিক; পরে তাহা কাষ্ঠ মুদ্রদ্বারা মর্দন করিলে তাহার সর্বত্র সমান হয়।

অতঃপর ঐ কাগজে আতব তপ্তলের মণ্ড লেপন করণাবশ্যক; এবং ঐ মণ্ড শুষ্ক করণান্তর গিলা নামক বীজ বা শঙ্কুদ্বারা তাহা ঘষণ করিলে কাগজ চিক্ৰণ হয়। তৎপরে কাগজের প্রান্তভাগ ছাঁটিয়া তাহা ভাঁজ করা প্রয়োজন। বঙ্গদেশে কাগজ চারি পুকারে ভাঁজ হইয়া থাকে; এবং ঐ ভাঁজানুসারে তাহার নামভেদ হয়। এক তা কাগজ ২, ৪, ৬, বা ৮ পত্রে ভাঁজিত করিলে,

যথাক্রমে, “৪ ককে”, “৮ ককে”, “১২ ককে” বা “১৬ ককে”, নাম প্রাপ্ত হয়। “কক” শব্দ পৃষ্ঠা জ্ঞাপক; পারস্য রোখ শব্দের অপভ্রংশ; সুতরাং ৪ ককে ৮ ককে ইত্যাদি শব্দে তৎসংখ্যক পৃষ্ঠাবিশিষ্ট কাগজ বোঝায়।

যন্ত্রজাত বিলাতি কাগজ সর্বত্র যে প্রকার সমভাববিশিষ্ট, চিক্ৰণ ও উজ্জ্বল হয়, এতদেশীয় কাগজ তদ্রূপ হয় না; পরন্তু বঙ্গদেশীয় কাগজেই বিবিধার্থের আদর্শ লেখা হয়, অতএব অধুনা তাহারই বিবরণ লিখিত হইল; অবকাশমতে অন্য সময়ে যে বিলাতি কাগজে বিবিধার্থ মুদ্রিত হয় তাহা পুস্তত করণের পুথা বর্ণন করা যাইবেক।


### কাশীর ইতিহাস।

“যে কাশ্যাং নিবসন্তি শঙ্করহরিদ্বারানাতং পরা-  
স্তেযাং পাপচযোংপি যাতি বিলয়ং মুক্তিং লভন্ত্যপি চ।  
যে কাশ্যাং ভবনাশিনীং ভগবতীং ক্রীমদ্ভবানীং জনাঃ,  
সেবন্তে সততং সুপূজনপরিক্রামাদিভিস্তে স্থিরাঃ ॥  
পূর্বজন্ম শতকোটি সঙ্কিতং পাপরাশিমতুলং বিনাশয়েৎ।  
কাশিকা পরপদপ্রকাশিকা দর্শনশ্রবণকীর্তনাদিভিঃ ॥

কাশ্যাং যেযাং নাম গৃহ্ণন্তি লোকা  
বীজং তেষাং জায়তে মোক্ষমার্গে।  
কাশীং যে বৈ সংস্মরন্ত্যান্যদেশে  
তামপ্যাংমা শঙ্করস্তারয়েচ্ ॥”

অর্থাৎ যাঁহারা প্রতিদিন পূজন পরিক্রমাদি নিয়মপূর্বক বিশেষর হরি পুভূতি দেবতার উপাসনা করত কাশাতে নিবাস করেন তাঁহারা বিনষ্টপাপ হওত কেবল স্ব স্ব রূপাবস্থিতিকে প্রাপ্ত হন।

যাঁহারা পরমপদ-পুদায়িকা কাশিকার দর্শন





শুবণ কীৰ্ত্তনাদি করেন তাঁহাদিগের পূৰ্বজন্ম সঞ্চিত কোটি ২ অতুল পাপসমূহ বিনষ্ট হয় ॥

কাশীনিবাসি ব্যক্তির যদি কোন বার্তা-পুন-জ্ঞাবসরে দেশান্তরীয় ব্যক্তির নাম-গুহণ করেন তবে সেই বিদেশী ব্যক্তির পক্ষে তাহা মোক্ষ বক্ষের বীজরোপণবৎ হইয়া উঠে। আর যাহারা দেশান্তরে থাকিয়া কাশীকে স্মরণ করেন তাহাদিগকেও বিশ্বেশ্বর ভবসাগর পার করেন ॥

ইত্যাদি নানাবিধ স্তুতিবাদ কাশীর মহিমা-বিষয়ে পুরাণাদিতে বর্ণিত আছে, এবং কাশীর এতাদৃশ উৎকট মহিমা হইবার কারণ বিষয়েও উক্ত আছে যে সৃষ্টির আরম্ভে পৃথিবী যখন জলপ্লাবিতা ছিল তখন হিরণ্যাক্ষ নামা রাক্ষস তাহাকে রসাতলে নিমগ্ন করাইতে উদ্যত হয়। বুদ্ধা অতি কাতরে সতুরে নারায়ণের বহুবিধ স্তুতি করেন। তৎশুবণে প্রভু প্রসন্ন হইয়া কহিলেন; “বুদ্ধন, চিন্তা করিও না; আমি ইহার বিহিত করিতেছি।” পরে তিনি শিবকে কহিলেন; “হে মহাদেব, তোমাতে আমাতে কোন ভেদ নাই, এবং সর্ববিষয়ে তুমি আমার তুল্য ইহাতে নিঃসন্দেহ। অতএব যাবৎ আমি এই দুষ্ট দৈত্যকে বিনাশ করিয়া পৃথিবীকে স্বস্থানে স্থাপন না করি, যাঁটি ভূতলে গমনপূর্বক তাবৎ পঞ্চক্রোশাক্ষক লিঙ্গাকার হইয়া কাশীক্ষেত্রকে ছত্রবৎ ধারণ করহ”। মহাদেব তৎক্রোধে লিঙ্গস্বরূপ হইয়া কাশীক্ষেত্রকে শূন্যে ধারণ করিলেন। অবশিষ্ট পৃথিবীরসাতলে নিমগ্ন হইল। পরে নারায়ণ বরাহাবতার ধারণপূর্বক উক্ত দৈত্যকে বিনাশ করিয়া পুনরায় পৃথিবীকে যথা স্থানে স্থাপিত করিলেন। অপর পুরাণাদি গুণ্ডে এতমহানগরীর উৎপত্তি ও পবিত্রতা বিষয়ে পূৰ্বোক্ত বাক্যবৎ যে সকল বৃত্তান্ত বিবৃত আছে তাহা অনেকেই জ্ঞাত আছেন, অতএব তাহার বর্ণনে অধুনা কালব্যয় না

করিয়া ইহার প্রাচীন ইতিহাস ও সাম্প্রতিকের অবস্থা-বিষয়ে যৎকিঞ্চিৎ লিখিতে প্রবৃত্ত হইলাম।

কাশীশব্দের উৎপত্তি বিষয়ে দুই মত আছে। কেহ ২ এই সুবর্ণময়ী নগরীর প্রচণ্ড-প্রভা-বিজ্ঞাপনার্থে দ্যোতিজ্ঞাপক “কাশ” ধাতুর উত্তর অচ্ এবং জীষ প্রত্যয় পূর্বক শব্দ নিস্পন্ন করেন। অপর কহেন চান্দুবংশীয় পুরুষের কুলজাত ক্ষেত্রবৃদ্ধি রাজার পুত্র কাশীরাজ ঐ নগর স্থাপন করত স্বনামে বিখ্যাত করেন। কাশীর অপর নাম “বারাণসী”। কাশীর উত্তর পার্শ্বস্থ বকণা ও অসী নামী ক্ষুদ্র নদীদ্বয়ের নামহইতে ঐ শব্দ উদ্ভব হইয়াছে। প্রলয় কালে এই নগর ধ্বংস হয় না, এই অভিপ্রায় বিজ্ঞাপনার্থে পুরাণাদিতে ইহাকে “অবিনষ্ট” শব্দেও কহে, কিন্তু এই নাম জনসমাজে প্রসিদ্ধ নহে।

কাশীরাজের পৌত্র ধনস্তুরি। তিনি অতি প্রসিদ্ধ ভূপতি; বহুকাল কাশী নগরীতে স্বস্বন্দে রাজ্য করিয়াছিলেন, এবং চিকিৎসা শাস্ত্রের আদিম উপদেষ্টা রূপে গণ্য ছিলেন। পরন্তু তাঁহার পৌত্র দিবোদাস তাহা অপেক্ষায় প্রসিদ্ধ হন। কথিত আছে দিবোদাস এতাদৃশ ধার্মিক ছিলেন, যে তাঁহার ধর্মপ্রভাবে মহাদেব কাশীচ্যুত হইবার আশঙ্কায় অস্থির হইয়াছিলেন; এবং তাঁহাকে ধর্মপথে বিমুখ করণাভিপ্রায়ে প্রথমতঃ যোগিনীদিগকে প্রেরণ করেন; কিন্তু যোগিনীদিগের ছলনায় দিবোদাস বিমুখ হইলেন না; তৎপরে বুদ্ধা তদর্থ বৃদ্ধ বুদ্ধরূপে অবতীর্ণ হইয়া গঙ্গাতটে দশ অশ্বমেধ যজ্ঞ করিতে আজ্ঞা প্রাপ্ত হন, এবং যে স্থানে ঐ যজ্ঞ সম্পন্ন করেন, তাহা অদ্যাপি “দশাশ্বমেধ ঘাট” নামে বিখ্যাত আছে। উক্ত ঘাট মণিকর্ণিকাঘাটের কিয়দূর দক্ষিণে স্থিত। জৈষ্ঠমানের শুক্লপক্ষীয় দ্বিতীয়া

অবধি দশমী পর্যন্ত তাহাতে স্নান করার প্রথা আছে। ৬৭ পত্রে এই ঘাটের এক চিত্র মুদ্রিত করা গেল। ঐ চিত্রের মধ্যভাগে যে বৃহৎ অটালিকা দৃষ্ট হয় তাহার নাম “বুদ্ধপুরী”। গোয়ালিয়র রাজ্যধিকারিণী বিখ্যাতা অহল্যা বাই এই অটালিকা নির্মাণ করাইয়া ইহাতে এতাদৃশ বৃত্তি সংস্থাপন করিয়া দিয়াছেন যে তদ্বারা যষ্টি জন পঞ্চদ্বিবিড় বেদাধ্যায়ী ব্রাহ্মণ অনায়াসে প্রত্যহ গুণাচ্ছাদন প্রাপ্ত হইয়া থাকেন।

বুদ্ধা যজ্ঞ সম্পন্ন করিয়াও দিবোদাসকে ধর্ম-বিমুখ করিতে অক্ষম হইলে ভগবান্ বিষ্ণু স্বয়ং বুদ্ধ রূপে অবতীর্ণ হইয়া ঐ রাজাকে বৌদ্ধ মত দিক্ষা প্রদানপূর্বক ধর্মচ্যুত করেন।

উক্ত কাশীরাজের বংশীয় কোন ব্যক্তির অধিকা ও অম্বালিকা নামী দুই কন্যাকে আপন ভ্রাতা বিচিত্রবীর্যের পরিণয়ার্থে ভীষ্মদেব লইয়া যান। অতঃপর কাশীতে পৌণ্ড্রক নামা এক ব্যক্তি জন্ম-গুহণ করে। সে বসুদেবাজ্ঞ জীকৃষ্ণের সহিত স্পর্ধা করিয়া তন্তুল্য হওনাভিপ্রায়ে স্বকীয় স্বতঃসিদ্ধ দ্বিত্বজের নিকটে কৃত্রিম দ্বিত্বজ সংলগ্ন করত চতুর্ভুজে কৃত্রিম শঙ্খ চক্র গদা পদাদি ধারণপূর্বক এক কৃত্রিম গজডোপরি আরোহণ করত কহিত যে “আমিই বাসুদেব, মন্দির অপর বাসুদেব কে আছে”? এই কারণ তাহার অপর নাম “মিথ্যাবাসুদেব” হয়। জীকৃষ্ণ ইহাকে এই অপরাধ নিমিত্তে ঘোর সঙ্গামে বিনাশ করেন। তাহার পুত্র ভয়ে শিবের স্মরণ লয়। তদুদ্দেশ্যে শিব এক দূত প্রেরণ করেন। জীকৃষ্ণ সক্রোধে উভয়কে লক্ষ করিয়া সুদর্শনচক্র নিক্ষেপ করেন। তাহাতে তাহার তৎক্রোধে সুদর্শনানলে বিনষ্ট হয়, অধিকন্তু তদীয় বাট্যাদি দাহন সময়ে নিরপরাধিনী কাশীকেও

সঙ্গ দোষাৎ দক্ষা হইতে হয়। এই গল্প পাঠে বোধ হয় কাশীতে আদৌ যে সকল দেবালয়াদি স্থাপিত হইয়াছিল, তৎসমুদয় কোন সময়ে অগ্নি দক্ষ হইয়াছিল, এবং কিয়ৎকাল পরে পুনরায় তৎস্থানে দেবালয়াদি নির্মিত হইয়াছে। তদবধি কাশীর রাজাদিগের কোন ক্রমিক বিবরণ প্রচলিত নাই। পরন্তু যখন গুণ্ডে প্রকাশ পাইতেছে ১০৭৪ সম্বতে কাশীতে বুনর নামা রাজা ছিলেন। ইনি মহম্মদ-শাহদ্বারা পরাজিত হইয়া পরলোক প্রাপ্ত হন। কিংবদন্তি আছে যে বুনর রাজার নামেতেই কাশীর অপর নাম “বনারস” উৎপন্ন হইয়াছে।

অতঃপর দশ বৎসরান্তরে কাশী গৌড়াধিপ ভূপালবংশীয় মহীপাল রাজার অধীন হয়। তিনি কাশী সংরক্ষণার্থে স্থিরপাল ও বনভূপাল দুই ব্যক্তিকে প্রতিনিধি পদাভিষিক্ত করিয়া উক্ত স্থানে প্রেরণ করেন। তাহার কাশীর নিকট-বর্ত্তি সারনাথ নামক বৌদ্ধ মঠের জীর্ণোদ্ধার করান। পাল বংশীয়দিগের হস্তহইতে কাশীপুরী কনোজাধিপতি রাজা চন্দ্রদেবের রাজ্যান্তর্গতা হয়; এবং ক্রমাগত এক শত বৎসর কাল পর্যন্ত উক্ত রাজকুলের অধীন ছিল।

১১৮০ সংবতে মহম্মদ ঘোরী জয়চন্দ্রের পরাজয়ার্থে কুতবুদ্দীন নামক সৈন্যাধ্যক্ষকে প্রেরণ করেন। উক্ত রাজা ইহার সহিত ঘোর সঙ্গাম করিয়াও অবশেষে পরাজিত হন; এবং তাঁহার নিধনাবধি কাশী যখন রাজ্যান্তর্গতা হয়। হিন্দু রাজাদিগের শাসন সময়ে ইহার যে উন্নতি ছিল তাহা ক্রমশঃ যখন ভারে ভারাক্রান্তাধুক্ত অবনত হইয়া নতিভাবকে সমাশ্রয় করিল। তত্রত্য দেবতাসকল হিন্দুদিগের সময়ে পত্র পুষ্প ফলাদ্যুপচারে বিবিধরূপে পূজিত হইতেন; কিন্তু ইহাদি-



গের সময়ে অভাবতঃ একোপচারেও অতি ক্রোশে সমারাধিত হইতে লাগিলেন। সর্বত্র অন্তঃপ্রান্তরে অরণ্য তুল্য হইবায় ইনি কাশী এতাদৃশ নিশ্চয় জ্ঞান বিশেষ জ্ঞানের অপেক্ষা করিত, ফলতঃ তদানীং অজ্ঞানের বৃহন্নলা রূপে অজ্ঞাত বাসবৎ অতি দুরবস্থায়িতা ছিলেন। আকবর শাহের রাজ্য কালে রাজা মানসিংহ স্বকীর্তিকে চিরস্থায়িনী করিবার অভিপ্রায়ে স্বনামে এক মন্দির প্রস্তুত করান। তাহাতে চন্দ্র সূর্য-ছায়ানুসারে সমস্ত জ্ঞাপকাদি বহুবিধ পুস্তকসময় যন্ত্র-সকল জ্যোতিঃশাস্ত্রানুসারে নির্মিত করা-ইয়া প্রাচীরে গুণিত করান। তাহা অদ্যাপি “মানমন্দির” নামে লোক বিখ্যাত আছে। তদর্শনার্থে উৎসুক হইয়া ভূরি ২ বিজ্ঞানোক্তেরা কাশী যাত্রা করিয়া থাকেন; এবং তাহাদিগদ্বারা উক্ত মন্দির কাশীস্থ প্রধান বস্তু-মধ্যে গণ্য হইয়াছে।

১৭৫৭ সন্বতে হিন্দুধর্মদ্রোষি ঔরঙ্গজেব বাদশাহ হিন্দুদিগ পুতি বিরক্ত হইয়া তত্রত্য প্রধান ২ বি-শ্বেশ্বরাদি মন্দিরকে বিনষ্ট করে; এবং তত্রৎ স্থানে স্বকীয় ধর্ম্যানুসারে মসজিদ নির্মাণ করায়।

১৭৮০ সন্বতে মনসারাম নামা কোন ভূম্যধি-কারী দিল্লীর অধিপতি মহম্মদসাহ বাদশাহের নিকট স্বীয় পুত্র বলবন্ত সিংহের নামে রাজ-পদবি উপার্জন করতঃ কাশীর শাসনকর্তৃত্ব পদে নিযুক্ত হন, এবং তদেশ ইংরাজদিগের অধিকার হওন কাল পর্যন্ত তথায় রাজ্যভোগ করেন।

অন্য নগরোপেক্ষায় কাশী তাদৃশী বৃহত্তী নহে; কলিকাতার অর্ধ পরিমাণ মাত্র হইবেক। ইহার দৈর্ঘ্য ১১।০ ক্রোশ, এবং প্রস্থ ১।০ ক্রোশ মাত্র; সুতরাং আশু বোধ হয় যে ইহার জনসংখ্যা অল্প হইবেক; কিন্তু ফলতঃ তাহা নহে। কারণ

ইহাতে যে সকল গৃহাদি আছে তাহা স্থানাভাব প্রযুক্ত অতি স্বল্প পরিসরে উপায়ুপরি ইচ্ছানু-সারে ৪।৫ তলা পর্যন্ত নির্মিত হইয়াছে। অন্য-ত্রের ৫ বাটাতে যাবৎ মনুষ্য নিবাস করিতে পারে ইহার একেতেই তৎতাবতের সম্পোষ্য হইতেছে। অতএব কাশী বহু জন নিকরাশ্রয়বতী হইয়াছে। প্রায় ২৪ বৎসর গত হইল এতন্নগরীর মনুষ্য সকল তত্রত্য শান্তিরক্ষক সাহেব কর্তৃক পরিগণিত হয়, এবং তাহাতে ব্যক্ত হয় যে তথায় এক লক্ষ অশীতি সহস্র মনুষ্য নিবাস করিতেছে। তাহার মধ্যে পঞ্চমাংশ যবন; হিন্দুদিগের মধ্যে ২০,০০০ বুদ্ধাভিষ্কোপজীবী আছে।

বজ্রাদির বাণিজ্য এতদেশে বিস্তর আছে; কিন্তু তদপেক্ষায় ধর্মবাণিজ্য অতি প্রচুররূপে দিবারাত্রি হইতেছে। পুতি দেবালয়েতেই দর্শন-পূজার্থী দৃষ্টে বোধ হয় যে অত্র নগরে সকলেই নিরন্তর পরিভ্রমণ করিতেছে, কেহই স্থির হয় না। ফলতঃ কাশীস্থ মন্দিরের সঙ্খ্যা এতাদৃশ অধিক যে বলবান ব্যক্তি সপ্তাহেও কাশীস্থ সমস্ত দেবতার দর্শন পূজাদি করিতে পারে না। এই প্রযুক্ত “কাশী হিণ্ডে, গয়া দণ্ডে, প্রয়াগ মুণ্ডে” এ বাক্য লোকে প্রচলিত হইয়াছে। এই বাক্যের অভিপ্রায় এই যে ভ্রমণপূর্বক দেব দর্শন করাই কাশীর প্রধান ধর্মাজ্ঞ, পিতৃ বিমুক্ত্যর্থ গয়াতে দণ্ডস্বরূপ যথা শক্তি দ্রব্য দেওয়াই প্রধান ধর্মাজ্ঞ, এবং প্রয়াগে ইতর ধর্ম করণাপেক্ষায় মুণ্ডন করাই প্রধান।

### কৌতুক কথা।

দান প্রদানে কাহার মজল?

কো ন ধনী এক পণ্ডিতকে কহিলেন, “আমি তোমাকে কিঞ্চিৎ অর্থ প্রদান করিব”। পণ্ডিত উত্তর দিল,

“আমাকে উক্ত ধন প্রদান করিলে মহাশয়ের মজল; না দিলে আমার মজল”। ধনী জিজ্ঞাসিল “ইহার কারণ কি?” পণ্ডিত কহিল “তা-হার কারণ স্পষ্টই আছে; আপনি ধন দিলে আ-পনার পুণ্য হইবেক। লইলে তোমার নিকট আ-মাকে বাধিত হইতে হইবেক”।

সুচতুর চোর।

জর্নৈক লোভী চতুর একটা অনেক ছাগকে বিনাশ করিয়া ভক্ষণ করিতে কোন মল্লোক কর্তৃক ভৎসিত হইল। ভদ্রলোক কহিলেন “ভায়া, পরের বস্তু হরণ করিয়া আহ্বার করা শাস্ত্র বিরুদ্ধ; পরকালে ঐ ছাগের স্বামী তোমাকে দোষী করি-বেক”। চতুর কহিল; “তাহাতে ভয় কি? তৎকালে আমি অপহরণ করা অস্বীকার করিব”। সদ্যক্তি কহিল “অস্বীকার করিলেই কি নিষ্ফুতি আছে? তৎসময়ে ঐ অপহৃত ছাগ আসিয়া সাক্ষ্য দিবেক”। চতুর কহিল “ভালই, যদি সেই ছাগ আইসে, তবে আমি তাহার কর্ণ ধরিয়া তৎ-স্বামিকে সন্মর্গণ করিব”।

ভণ্ডামি।

কোন পণ্ডিত এক ভণ্ডকে কহিলেন “হে ভদ্র, চিরকাল ভণ্ডতাই করিবে? কিছু জপতপ কর, যা-হাতে পরকালে নরক যন্ত্রণায় নিষ্ফুতি পাইবে”। ভণ্ড কহিল; “ভাই, সেও এক প্রকার ভণ্ডামি”।

অবোধ প্রহরী।

কোন লোক মদ্যপানে উন্মত্ত হইয়া পথ-পার্শ্বে পড়িয়াছিল, ইত্যবসরে রাজপ্রহরী আসিয়া তাহার হস্ত ধারণ করত কহিল “ওরে, মত্ত, চল, তোকে কারাগারে যাইতে হইবেক”। মত্ত উত্তর দিল,

“হে নির্বোধ, যদি আমার চলচ্ছক্তিই থাকিত, তবে আমি আপন ঘরে যাইতাম, পদবুজে তো-মার সহিত কি প্রকারে যাইব”?

শচের প্রকৃত্তর!

এক ব্যক্তি শঠ কোন দোকানে উত্তম মোহন ভোগ বিক্রয়ার্থে রহিয়াছে, দেখিয়া তাহার এক মৃষ্টি লইল, এবং আপনিক তৎক্ষণাত তাহার হস্ত ধারণ করিলে সে ঐ মোহনভোগ আপন মুখমধ্যে নিক্ষেপ করত কহিল, “ভাই কেন বৃথা গোল করিলে, এক্ষণে না তোমার রহিল না আমার রহিল।” অতঃপর কি ঘটিল তাহা সকলেই অনুভব করিতে পারেন; যিনি না পারেন তাহার এতদ্রূপে সুখাদ্য মোহনভোগ খাওয়া কর্তব্য।

উদাহের অভিনয়।

কোন চিত্রাগারে নানাবিধ অপূর্ণ ছবির মধ্যে তিন খানি ছবি এক স্থানে ছিল। তাহার এক খানিতে এক ব্যক্তি আপন শিরঃ জানুদ্বয়োপরি স্থাপন করত অতিশয় চিন্তান্বিত আছে।

দ্বিতীয় ছবিতে এক ব্যক্তি অতিশয় শোকাকুল হইয়া আপন কেশ উৎপাটন ও বক্ষে করা-ঘাত করিতেছে।

তৃতীয় ছবিতে এক ব্যক্তি অতি আত্মদে মগ্ন হইয়া নৃত্য করিতেছে।

কোন দর্শক তদৃষ্টে বিস্ময়াপন্ন হইয়া জর্নৈক পণ্ডিত সন্নিধানে প্রশ্ন করিল এই তিন প্রকার ছবির একত্র থাকার কারণ কি? বিচক্ষণ কহিলেন “ইহার কারণ শুবণ কর;

“প্রথম ব্যক্তি মনে ২ বিবেচনা করিতেছে যে বিবাহ করিয়া সংসার করিবেক কি না।

“দ্বিতীয় ব্যক্তি বিবাহ করত সংসারে আবদ্ধ



হইয়া শোক করিতেছে যে ‘হায়! কেন এ দুর্ভিক্ষ করত নানা দায়ে বিবৃত হইয়া আপন পদে শঙ্খল দিলাম’!

তৃতীয় ছবিতে চিত্রিত ব্যক্তির স্ত্রীর বিয়োগ হওয়ায় সে সংসার বাতনাইতে আপনাকে মুক্ত মানিয়া আহ্বাদে নৃত্য করিতেছে।

রাজমুখ দর্শনের ফল।

একদা প্রাতে কোন রাজা মৃগয়ার্থে যাত্রা করণ-সময়ে কদাকার ও অন্ধহীন এক ব্যক্তিকে দেখিয়া কহিলেন “এটা বড় অশকুন দর্শন হইল। অদ্য মৃগয়ায় প্রতুল হইবেক না। অতএব এ ব্যক্তিকে বিহিত শাস্তি দিয়া কারাবদ্ধ কর”। পরে মৃগয়ায় যাইয়া মনোভিলষিত মৃগাদি প্রাপ্ত হওয়ানন্তর বাটী আসিয়া মনে করিলেন, আমার মৃগয়ায় সুফল হইয়াছে, এক্ষণে কারাবদ্ধ ব্যক্তিকে নিষ্কৃতি দেওয়াই বিধেয়। অতঃপর ঐ ব্যক্তিকে সম্মুখে আনাইয়া রাজপ্রসাদ প্রদান পূর্বক কহিলেন, “হে মনুষ্য, আমার মৃগয়ায় সুফল হইয়াছে, অতএব অধুনা তুমি আপন ঘরে যাও”। কদাকার গুরু কহিল “মহারাজ আপনার আজ্ঞাই বলবতী; কিন্তু দুঃখের বিষয় এই, অদ্য প্রাতে আপনি এই দুর্ভাগ্য অকিঞ্চনের মুখদৃষ্টি করাতে পরম সুখ উপলব্ধ হইলেন, কিন্তু আমি অদ্য প্রাতে মহারাজের ত্রিমুখ দর্শন করিয়া সমস্ত দিবস অনাহারে কারাগার গন্তোগ করিলাম”।

কোন স্বামী শ্রেষ্ঠ।

জটনক মন্ত্রির মনে বৈরাগ্য উপস্থিত হওয়াতে তেঁহ রাজসেবা পরিত্যাগ করত বনে বাইয়া অযাচকবৃত্তি ধারণ করিয়াছিলেন। কিয়ৎকাল পরে

রাজা ঐ মন্ত্রির সংবাদ অবগত হইয়া বনে গমন পূর্বক মন্ত্রির সহিত সাক্ষাৎ করত কহিলেন, “হে মন্ত্রিবর, আমাহইতে তোমার কি অপরাধ হইয়াছে যে তুমি আমাকে ত্যাগ করিলে”? মন্ত্রী কহিল, “রাজন্, আপনার কোন বিষয়ে ত্রুটি নাই। স্বীয় অবস্থার উন্নতি করণাভিপ্রায়ে আমি পাঁচটি কারণ প্রযুক্ত মহাশয়কে ত্যাগ করিয়াছি।

১ কারণ। পূর্বে মহাশয়ের সেবা করণ সময়ে আপনি বসিয়া থাকিতেন, আমি আপনার নিকট দণ্ডায়মান থাকিতাম। অধুনা যে প্রভু প্রাপ্ত হইয়াছি তাঁহার সম্মুখে অনায়াসে বসিয়া আরাধনা করি, তাহাতে কোন অপরাধ হয় না।

২ কারণ। আপনি পূর্বে ভোজন করিতেন, আমি নিকটে থাকিয়া দেখিতাম; এক্ষণে আমার প্রভু আমাকে আহার প্রদান করেন, কিন্তু তেঁহ আহার করেন না।

৩ কারণ। পূর্বে তুমি শয়ন করিতে, আমি জাগুৎ থাকিয়া তোমার সেবা করিতাম। অধুনা আমি শয়ন করিয়া নিদ্রা যাই, আর আমার প্রভু জাগুৎ থাকিয়া আমাকে রক্ষা করেন।

৪ কারণ। পূর্বে সর্বদা আমার মনে শঙ্কা থাকিত, তোমার লোকান্তর যাত্রা হইলে পাছে আমাকে বিপন্ন হস্তে পতিত হইতে হয়। আমার বর্তমান প্রভুর কদাপি বিনাশ নাই, সুতরাং আমার কেশ সন্তাবনাও নাই।

৫ কারণ। পূর্বে আমাহইতে কোন অপরাধ হইলে তুমি কুপিত হইবে এই ভ্রাস আমার মনে সর্বদা জাগুৎ থাকিত। আমার ইদানীন্তনের প্রভু এমন দয়ালু যে আমি তাঁহার ভরসায় সহস্র অপরাধ করিতেছি, তেঁহ তৎসমুদয় আমাকে মার্জনা করিতেছেন।



## বিবিধার্থ-সঙ্গ্রহ,


অর্থাৎ

পুরাবৃত্তেতিহাস-প্রাণিবিদ্যা-শিষ্ট-সাহিত্যাদি-দ্যোতক মাসিক পত্র।

২ পর্ব]

শকাব্দ ১৭৭৪, চৈত্র।

[১৩ খণ্ড।




মলবারীয় স্ত্রী পুরুষ।

কাণ্ডীয় পুরুষ।

সিংহলিনী স্ত্রী।

লঙ্কা দ্বীপ।



বা

লোক ঋষির প্রসাদে লঙ্কা দ্বীপ ভুবন বিখ্যাত হইয়াছে; হিন্দুজাতীয় আবাল বৃদ্ধবনিতারা রামায়ণের সুল-

লিত-আখ্যায়িকা-রসে নিমগ্ন হইয়া স্ব ২ আত্মীয়বর্গের নামাপেক্ষায় উক্ত দ্বীপের নাম স বিশেষ জ্ঞাত আছেন। দশাননের রাজপাট, সীতার কারাগার, হনুমানের বিক্রম-ক্ষেত্র, শ্রীরামচন্দ্রের লীলা-স্থান ইত্যাদি যে কোন বা-



কে সিংহল দ্বীপের উল্লেখ করা যায়, তদ্বারা অবিলম্বে সমস্ত রামায়ণের অপূর্ব-কবিতা-লহরী মনোমধ্যে বিকসিত হইয়া উঠে; এবং ঐ সকল কবিতা-বর্ণিত আখ্যায়িকা-সমূহ হিন্দু মাত্রেই সুবিজ্ঞাত আছেন। পরন্তু সিংহল-দ্বীপের আধুনিকী অবস্থা এতদ্দেশে প্রচার নাই। অনেকে বোধ করেন তদ্বীপ মনুষ্যের গম্য নহে; এবং তাহাতে জনগণের বসতি নাই। কেহ বা কহেন যে বিখ্যাত নব্য সিংহল দ্বীপ প্রাচীন লঙ্কা নহে, কারণ লঙ্কার পরিমাণ ও ভারতবর্ষহইতে দূরতা বিষয়ক বিবরণ রামায়ণে যে প্রকার উক্ত আছে তাহা অধুনা সপ্তমান হয় না। কিন্তু তাহা কবির অতুল্য মাত্র বোধ করিলে সেই সংশয় দূরহইতে পারে। সমস্ত পৃথিবীর পরিমাণ ২৪০০০ জ্যোতিষি ক্রোশ; তাহার একাংশে লঙ্কা যোজন বিস্তৃত সমুদ্র কোথায় প্রাপ্ত হইবেক? অপর নব্য সিংহল দ্বীপের পশ্চিম পার্শ্বে সেতুবন্ধ রামেশ্বরের চিহ্ন আছে; তাহাতেই স্পষ্ট প্রতীতি হইতেছে যে উক্ত দ্বীপই প্রাচীন লঙ্কা বটে।

কোন সুচতুর কবি বর্ণন করিয়াছেন যে লঙ্কা দ্বীপ ভারতবর্ষের মুকুটজিন্ম মুক্তা বিশেষ; ফলতঃ উক্ত দ্বীপের অবয়ব নোলক নামক মুক্তার ন্যায় বটে। অপর মণি মুক্তাদি যে সকল উপাদেয় দ্রব্য এই স্থানে উৎপন্ন হয় তদৃষ্টে ইহাকে ভারতবর্ষের মুকুটরূপে বর্ণন করা অসম্ভব বোধ হয় না। অধুনা এই দ্বীপের দুই শত সপ্ততি জ্যোতিষি ক্রোশ দীর্ঘতাপরিমাণ, এবং এক শত জ্যোতিষি ক্রোশ প্রস্থ; ইহার পরিধি ৭৫০ ক্রোশ, এবং চতুরসু ২৪৬০০ ক্রোশ।

লঙ্কা-সর্বাংশ সমুদ্রদ্বারা বেষ্টিত হইবাত্তে সুতরাং দ্বীপ শব্দবাচ্য হইয়াছে। ইহার সমুদ্র সন্নিকটস্থ ভূমি নিম্ন এবং সরল; কিন্তু মধ্য ভাগ উচ্চ এবং পর্বতে পরিপূর্ণ। ঐ পর্বত সকল ১।। জ্যো-

তিষি ক্রোশের উর্দ্ধ নহে; এবং তাহাহইতে মহাবলি গঙ্গা, বালুগঙ্গা, বেলবে, গুইদোরা ইত্যাদি নদী-সকল নিঃসৃত হইয়া দ্বীপের সর্বত্র প্লাবন করে। ঐ প্লাবন ভূমিতে দাকাচিনি, মরিচ, সুণি, মাটিন কাঠ, আবলুস কাঠ, গুবাক, কাওয়া, ইক্ষু ইত্যাদি বিবিধ ব্যবহার্য বাণিজ্য দ্রব্য অনায়াসে ও সুচাক্ষুণ্ডে উৎপন্ন হয়।

পরন্তু সিংহলদ্বীপের মধ্যভাগস্থ পর্বতাপেক্ষায় “আদম-শিখর” নামা সমুদ্রতটস্থ এক পর্বত-শৃঙ্গ বিশেষ প্রসিদ্ধ। তদুপরি এক মনুষ্যপদচিহ্ন আছে; তাহা ৩৫০ হস্ত দীর্ঘ, এবং ১৫০ হস্ত প্রস্থ। সিংহলদ্বীপস্থ সকলেই এই চিহ্নটি বিশেষ মান্য করিয়া থাকে। তত্রত্য মুসলমানেরা কহে, তাহাদিগের শাস্ত্রোক্ত আদিপুরুষ আদম এই স্থানে এক পদে দণ্ডায়মান থাকিয়া বহুকাল তপস্যা করিয়াছিলেন; তৎপুত্র ঐ সময়ে পুস্তুরোপরি তাহার পদের চিহ্ন হয়। বৌদ্ধেরা কহে, বুদ্ধদেব ভারতবর্ষহইতে সিংহলে আগমন সময়ে প্রথমতঃ ঐ স্থানে উত্তীর্ণ হন, এবং তাহাহইতেই তথায় ঐ চিহ্ন হইয়াছে। কিন্তু তত্রত্য হিন্দুরা ও মলবার দেশীয়েরা প্রচার করে যে উহা ভগবান মহাদেবের পদচিহ্ন। সে যাহা হউক, এই চিহ্ন হিন্দু, বৌদ্ধ ও মুসলমান সকলেরই মান্য হওয়াতে আদম-শিখরে অনেক যাত্রির সমাগম হইয়া থাকে, সুতরাং তথায় বাণিজ্যেরও বিস্তার সম্ভাবনা।

লঙ্কাদ্বীপ ইংরাজদিগের অধীন হইয়া অধি উত্তর, দক্ষিণ, প্রাচ্য, পূর্ব এবং মধ্য খণ্ড, এই পাঁচ অংশে বিভক্ত হইয়াছে। উত্তর খণ্ডের প্রধান নগর জাকনা; দক্ষিণ খণ্ডের প্রধান নগর গালি। বাম্পীয়পোত সকল কলিকাতা হইতে বিলাতে গমন কালীন কয়লা

লইবার নিমিত্তে এই স্থানে গমন করিয়া থাকে, এবং লোকে ইহাকে “পইণ্ট দিগালি” বা “গালি অন্তরীপ” শব্দে কহে। প্রাচ্য খণ্ডের প্রধান নগর কলম্বো; পূর্ব খণ্ডের প্রধান নগর ত্রিকমলি; মধ্য খণ্ডের রাজপাট কাণ্ডি। এই পঞ্চ প্রধান নগর ব্যতীত অনুরাধাপুর, মান্নার, মাত্তোট, নিগম্বো, চিলান, মাতুরা, টাঙ্গাল, গাম্পোলা, দাম্বুল, লুয়েরা-এলিয়া, বাদুলা ইত্যাদি অপর কএক নগর আছে, কিন্তু তাহাতে তাদৃশ অধিক লোকের বসতি নাই। পূর্বোক্ত পঞ্চ প্রধান নগরের প্রত্যেকে ১০,০০০ অবধি ৪০,০০০ লোকের বসতি আছে। পূর্বে অনুরাধাপুর লঙ্কাদ্বীপের রাজপাট ছিল; এবং অদ্যাপি তাহাতে অনেক প্রাচীন অটালিকাদির ভগ্নাবশেষ পাড়িয়া আছে।

লঙ্কাদ্বীপের জনসংখ্যা অধিক নহে; সর্ব লোকের সমষ্টি বিংশতি লক্ষেরও ন্যূন হইবেক। ঐ ব্যক্তিসমূহ চারি প্রধান শ্রেণিতে বিভক্ত। প্রথম শ্রেণী তত্রত্য অসভ্য জাতি। তাহাদিগকে লোকে “বেদা” শব্দে কহে, এবং তৎসম্বন্ধে অনেক আশ্চর্য গল্পও প্রচার আছে। জনশ্রুতি আছে বেদাজাতীয় ব্যক্তিদিগের বুদ্ধিবৃত্তি এতাদৃশ দুর্বল যে তদ্বিষয়ে তাহাদিগকে বানরের সহিত তুলনা দেওয়া যাইতে পারে। তাহারা নিয়ত বনে বাস করে; কদাপি ভদ্রসমাজে কি নগরে আগমন করে না। আপনারা স্বাভাবিক ভীত হইয়াও অন্যজাতীয় মনুষ্য অধীনে পাইলে নিষ্ঠুররূপে তাহাদিগকে বিনাশ করে। তাহাদিগের গৃহাদি নাই, সকলেই বৃক্ষমূলে শয়ন করিয়া থাকে, এবং ভয় পাইলে বিড়ালাদির ন্যায় অক্লেশে বৃক্ষোপরি আরোহণ করিয়া আপদহইতে মুক্ত হইবার চেষ্টা করে। মনুষ্য নিবাসহইতে ব্যাঘ্র ও

ভল্লুক যে প্রকারে পলায়ন করে, ইহারা তদপেক্ষায় সত্ত্বরে সত্য সমাজহইতে দূরে প্রস্থান করিয়া থাকে, সুতরাং ইহারা সহসা অন্যজাতীয় মনুষ্যকর্তৃক দৃষ্ট হয় না। ইংরাজি সৈন্যকর্তৃক কএকবার এই বেদাজাতীয় মনুষ্য ধৃত হইয়াছিল, কিন্তু তাহারা সকলেই এতাদৃশ অবাধ্য ও জড়বৎ যে তাহাদের মুখহইতে তদীয় কোন বিবরণ নিঃসৃত করান যায় নাই।

দ্বিতীয় শ্রেণীস্থ জাতির সামান্য অভিধান “সিংহলী”। তাহারা উনবিংশ পৃথক বর্ণে বিভক্ত; তন্মধ্যে “হপ্পু” নামক বর্ণই সর্বশ্রেষ্ঠ, এবং “পারিয়া” সর্বকনিষ্ঠ। যাহারা মৃত-পশু ভক্ষণ করে এবং শব স্পর্শ করে তাহারা শৈশোক অন্ত্যজ জাতিমধ্যে গণ্য হয়। ইহাদিগের প্রধান উপাধি “মুডিলিয়র”; কিন্তু বোধ হয় ঐ উপাধি প্রাকৃত সিংহল দেশীয় নহে; মলবার দেশহইতে নীত হইয়া থাকিবেক। বঙ্গদেশে দেওয়ানী, মুৎসদ্দি, বা সিরিস্তাদারী পদতুল্য সিংহলদ্বীপে মুডিলিয়রীপদ গণ্য। তথাকার সকল প্রধান কার্যালয়ে এক ২ জন মুডিলিয়র নিযুক্ত আছে। সিংহলদিগের শরীর তাদৃশ স্থষ্ট পুষ্ট নহে; প্রায় বঙ্গদেশীয়দিগের ন্যায় একহারা, এবং উজ্জ্বল শ্যামাঙ্গ। সৌহৃদ্য, দয়া, আতিথ্য, সত্যনিষ্ঠা, সৌজন্যাদি ধর্ম্মে এই জাতিয়েরা অত্যন্ত অনুরক্ত, এবং তদর্থে সর্বোৎকৃষ্ট সভ্যজাতীয়দিগের তুল্য, ইহাতে সন্দেহ নাই। কিন্তু সৌর্য, বীর্য, উৎসাহাদি গুণে নিতান্ত বঞ্চিত; সর্বত্র সকলেই নিরুদ্যম; প্রায় অনাহার না হইলে কেহ কোন কার্যে উদ্যম করে না; অথচ ইহাদিগের বুদ্ধিবৃত্তি সামান্য নহে।

সিংহলিনী স্ত্রীরা সুচাক্ষুণ্ড কক্ষনয়না ও গৌরাদী বটে, কিন্তু ইংরাজেরা কহেন যে তাহাদিগের



মুখত্রী তাদৃশ উত্তম নহে। ৭৩ পত্রে মুদ্রিত চিত্রের দক্ষিণ পাশ্বে এতজ্জাতীয় এক জননার আকৃতি অঙ্কিত আছে; তদৃষ্টে তাহাদিগের অঙ্গ ভঙ্গি ও বেশভূষার রীতি ব্যক্ত হইবেক। কেশ-মার্জ্জনী ও মণিমুক্তা মণ্ডিত সুদীর্ঘ শলাকা মস্তকে ধারণ করণের রীতি এতজ্জাতীয়দিগের মধ্যে অত্যন্ত প্রবল। দীন ব্যক্তি যাহারা চিকণি বা ধাতুময় শলাকা ক্রয় করিতে অশক্ত, তাহারা এক খণ্ড রজ্জুদ্বারা কেশপাশ বদ্ধ করত তদুপরি কাষ্ঠ শলাকা ধারণ করে। মধ্যম গৃহস্থ-বনিতারা কটিদেশে শাটী বেষ্টন করত দেহে সুসজ্জ কঙ্কুকী (কাঁচুলী) ধারণ করে; কেহ ২ তদুপরি জরির ফুলবিশিষ্ট মলমলের চাদর (উত্তরচ্ছদ) আবরণ করিয়া থাকে, কিন্তু তাদৃশো প্রথা প্রচরজ্ঞপা নহে। পুরুষেরা যে প্রকার সাহসহীন ও নির্বীর্য্য, তাহাদিগের বেশভূষাও তদ্রূপ; স্তনের কিঞ্চিৎ নিম্নে এক খানা চাদর বেষ্টন করিলেই তাহাদিগের বেশ সুসম্পন্ন হইল। কাছা বা কোচ্ছের কোন নুড়লা থাকে না। আঙুল দৃষ্টে ঐ বেশ জীবেশের ন্যায় বোধ হয়; এবং ফলতঃ উক্ত বেশ ধারণ করত যুদ্ধ, বিগৃহ, বেগে-গমনাদি বীরপুরুষ সাধ্য কোন কর্ম করা যায় না। ইহার সাকলে ফল-মলাহারী; আমিষাহার ইহাদিগের মধ্যে অত্যন্ত বিরল।

তৃতীয়শ্রেণী কাণ্ডীয় অর্থাৎ কাণ্ডীমণ্ডল নিবাসি জাতি। তাহারা সিংহলদ্বীপের পর্বতীয় মধ্যদেশে বাস করে। অন্যত্র পার্বত্য মনুষ্যেরা যে প্রকার বলবীর্য্যানুরাগী হয় ইহারও প্রায় তদ্রূপ, এবং সতত সাহসিক ও উৎসাহী এবং যুদ্ধবিগৃহে তৎপর, সুতরাং নির্বীর্য্য সিংহলদিগের অপেক্ষায় স্বাধীনতা সংরক্ষণে উপযুক্ত। বলবীর্য্য-বিষয়ে অম্বাহারী বঙ্গ-সন্তান ও রোটিকাপ্রিয় হিন্দুস্থানী-

য়ের মধ্যে যে প্রকার ইতর বিশেষ দেখা যায়, সিংহলী ও কাণ্ডীয় মধ্যেও তদ্রূপ; পরন্তু হিন্দু-স্থানীয় ও বঙ্গীয়াপেক্ষায় তাহারা অনেক অধম; বিশেষতঃ নীতি বিষয়ে তাহারা অত্যন্ত অপকৃষ্ট। অর্থেপার্জনই সকলের পরম ইষ্ট; তদর্থে সত্যতায় অনেকে একেবারে জনাজলি দেয়; তাহাদিগের মধ্যে গুরুতর প্রতিজ্ঞা ও সর্বোৎকট প্রতিশ্রুতি ক্ষণমাত্রের নিমিত্তে অর্থলাভ-রূপ সূর্যের কিরণ স্পর্শ করিলেই একেবারে বিলুপ্ত হয়।

সিংহল দেশীয় ব্যক্তি সমূহের চতুর্থ শ্রেণির নাম “মলবার”। তাহারা ভারতবর্ষীয় দক্ষিণ দেশের মলবার জাতীয়দিগের সন্তান। বাণিজ্য বশতঃ স্বদেশ পরিত্যাগ পূর্বক সিংহলদ্বীপে যে সকল মলবারেরা নিবাস করত তত্রত্য স্ত্রী গৃহণ করিয়াছিল তাহাদিগের সঙ্কীর্ণবর্ণ সন্তানেরাই এই শ্রেণির প্রধান ব্যক্তি। তাহারা সিংহলী ও কাণ্ডীয়জাতি অপেক্ষায় সমুৎসাহি ও বাণিজ্য কার্যে তৎপর। পারস্য ভাষায় একটা ইতর কথা আছে; যে “ধাবনাপেক্ষায় ভ্রমণ শ্রেয়ঃ; ভ্রমণাপেক্ষায় স্থিতি শ্রেয়ঃ; স্থিত্যপেক্ষায় শয়ন শ্রেয়ঃ; শয়নাপেক্ষায় নিদ্রা শ্রেয়ঃ; নিদ্রাপেক্ষায় মরণ শ্রেয়ঃ।” এই কথা কাপুরুষদিগের প্রিয় হইবেক ইহা সন্তবপর বটে; সুতরাং সিংহলদ্বীপের সর্বত্র সকলের মুখে সতত এই বাক্য স্মৃতি হওয়ায় কাহার আশ্চর্য্যকর বোধ হইবেক না। পরন্তু মলবারেরা এই বাক্য মুখাগ্রে আনয়ন করে না; এবং ব্যবহারদ্বারা স্পষ্ট সপ্রমাণ করে যে ঐ কাপুরুষোক্তি তাহাদিগের বক্তব্য নহে। ভারতবর্ষীয় মলবারীয়দিগের বেশভূষা যাদৃশ, ইহাদিগেরও তদ্রূপ, কেবল একমাত্র বিশেষ আছে। তাহারা কণ্ঠমূলে অত্যন্ত

বৃহৎ ছিদ্র করত তন্মধ্যে অতি স্থূল অলঙ্কার ধারণ করিয়া থাকে। কথিত আছে ঐ ছিদ্র এতদৃশ বৃহৎ যে তন্মধ্যে অনায়াসে হস্ত প্রবিষ্ট হইতে পারে। ইহাদিগের বনিতারা এই কদর্য্য রীতির অনুগামিনী নহে; অন্যত্র স্ত্রীলোকেরা যে প্রকার কুণ্ডলাদি অলঙ্কার কণ্ঠে ধারণ করে তাহারাও তদ্রূপ করিয়া থাকে, কদাপি কণ্ঠে বিকৃতাকার ছিদ্র করিয়া স্কন্ধ পর্য্যন্ত দোলায়মান করে না। শাটীপরিধান বিষয়ে ইহার বঙ্গাঙ্গনাদিগের তুল্য, কিন্তু অবস্ত্রচেনে কাঁ কথ্য, তাহারা মস্তকেও বস্ত্র দেয় না।

সিংহলদ্বীপস্থ মলবারীয়েরা অনেকেই মুসলমান ধর্ম পরায়ণ, কিন্তু তাহাদিগের কেহই ধর্মনিষ্ঠ নহে; যবন হইয়াও হিন্দুধর্মাস্ত্র সাধনে নিবৃত্ত হয় না।

এই শ্রেণিচতুষ্টয়ের অধুনা কোন শ্রেণী রাক্ষসপদবাচ্য তাহা আমরা জ্ঞাত নহি; পরন্তু ইহাদিগেরই একবর্ণ আনুসিক ব্যবহারপ্রযুক্ত পূর্বে ঐ পদবাচ্য ছিল এমৎ বিশ্বাস হইতেছে।

লঙ্কাদ্বীপের প্রাচীন ভাষার নাম “পালি”। সংস্কৃত নাটক গুলে যাহাকে “প্রাকৃত ভাষা” কহে, পালিভাষা তদ্রূপ। তদ্বিশেষ মহাবংশ নামক তদ্দেশীয় ইতিহাস-গুলের মঞ্জলাচরণ শ্লোক পাঠে অনায়াসে ব্যক্ত হয়; অতএব উক্ত শ্লোক এস্থলে উদ্ধৃত করা গেল।

শ্লোক।

নমস্বে ত্বান্ সম্বন্ধান্ মুস্তান্ শুদ্ধবংশজান্।  
মহাবংশং পবথখামি নানুমানাধিকারিকান্ ॥  
পুরানে হি কতোপেসো অতিবিখারিতো কুচি।  
অতীব কুচি সখ্ণিত্তো অনেকপুনরুত্তকো ॥  
বজ্জিতান্ তেহি দোশেহি সুখগগহনধারণান্ ॥  
পসাদসংবেগকরণং সুত্তিতোচ উপাগতান্ ॥  
পসাদজনকে থানে তথা সংবেগকারকে।  
জনয়ন্তান্ পসাদঞ্চ সংবেগঞ্চ সুনাত্তান্ ॥

লঙ্কার আধুনিক ভাষা ঐ পালিভাষার অপ-

ভূংশ; এবং তৈলঙ্গ যবনাদি ভাষার সহিত মিশ্রিত হইয়া সঙ্কীর্ণ হইয়াছে।

সিংহলদ্বীপস্থ লোকেরা স্বদেশীয় পুরাবৃত্ত ইতিহাসানুসন্ধানে যত্নশীল; এবং মহাবংশ, রাজাবলী, রাজরত্নাকরী ইত্যাদি নামক গুলে তাহাদিগের রাজবৃত্তান্ত সুস্পষ্ট লিখিত আছে। ঐ গুলে উক্ত আছে ৪২৩২ বৎসর পূর্বে রঘুকুল-তিলক স্ত্রীরামচন্দ্র দশাননকে বধ করেন; কিন্তু উক্ত বৎসরসঙ্খ্য সত্য কি মিথ্যা তাহা অধুনা সপ্রমাণ করিবার উপায় নাই। প্রস্তাবিত গুলে ইহাও উক্ত আছে যে ২৩৯৮ বৎসর পূর্বে শাক্য-সিংহ বুদ্ধদেব স্বয়ং লঙ্কাদ্বীপে গমন করত তথায় স্বধর্ম প্রচার করেন, এবং তাহার তিন বৎসর পরে পুনরায় তদর্থে তথায় গমন করেন। বুদ্ধদেবের মৃত্যু-সময়ে বঙ্গদেশে সিংহবাহু নামে এক রাজা ছিলেন। তাহার দুই পুত্র। জে/ষ্টের নাম বিজয় ও কনিষ্টের নাম সুমিত্র। বিজয় অত্যন্ত অসৎ ছিল। সর্বদা দুর্দান্ত-সমবয়স্কব্যক্তিগণের সমভিব্যাহারে প্রজাদিগের উপরি বিষম অত্যাচার করিত। প্রজারা ঐ জালের দৌরায়ে জর্জর হইয়া রাজবিদ্রোহে প্রবৃত্ত হয়। রাজা তাহাদিগকে দমন করিতে অক্ষম হইয়া অগত্যা আপন দুষ্ট সন্তানকে দেশবহিস্কৃত করণপূর্বক প্রজাদিগকে শান্তনা করিয়া রাজ্য-রক্ষা করিলেন। দুরাভ্রা বিজয় আত্ম-সদৃশ দুর্দর্ভ সপ্তশত সমবয়স্ক-সহ পোতারোহণে সমুদ্রে গমন করত অবশেষে সিংহলদ্বীপে উপস্থিত হয়। তথায় নে কুবানী নামী এক রাজদুহিতাকে বিবাহ করিয়া কিয়ৎকাল শিষ্টের ন্যায় কালযাপন করে। কিন্তু স্বাভাবিক দুষ্ট কতকাল ছদ্মবেশে শিষ্ট থাকিতে পারে? বিজয় কুবানীর নিকট রাজ্য-প্রাপ্তির অভিপ্রায় প্রকাশ করিল। তাহার



সহধর্মিণীও তদর্থে উদ্যোগিনী হইল। এমত সময়ে একদা এক রাজবিবাহের সমারোহ হয়; তাহাতে দেশীয় সমস্ত প্রধান লোক একত্র হইয়াছিলেন; বিজয় সমভিব্যাহারিদিগের সঙ্গে তথায় উপস্থিত ছিল, ইত্যবকাশে স্বাভীষ্ট সিদ্ধ করণের সদুপায় দেখিয়া মহানিশা সময়ে সন্ধিদিগের সাহায্যে অনায়াসে রাজপ্রভৃতি সমস্ত প্রধান ব্যক্তিদিগকে বিনষ্ট করিয়া আপনি রাজা হইল। অতঃপর সে অষ্টত্রিংশৎ বৎসর কাল ক্রমাগত পরমসুখে রাজ্য ভোগ করত পঞ্চম প্রাপ্ত হয়। মৃত্যু সময়ে অপুত্রক প্রযুক্ত পিতাকে এতদর্থে পত্র লেখে যে “আপনার কনিষ্ঠ পুত্রকে সিংহলরাজ্য গৃহণার্থে প্রেরণ করুন”।

বঙ্গদেশে পত্রাগমন-সময়ে সিংহবাহুর মৃত্যু হইয়াছিল, অতএব তাহার দ্বিতীয় পুত্র সুমিত্র এই ভ্রাতৃ-পত্র প্রাপ্ত হন; এবং স্বয়ং বঙ্গরাজ্য ত্যাগ পূর্বক লঙ্কাগমনে অসম্মত হইয়া আপন কনিষ্ঠ পুত্র পাণ্ডুবাসকে তথায় প্রেরণ করেন। পাণ্ডুবাস লঙ্কায় উপনীত হইবার এক বৎসর পূর্বেই বিজয়ের মৃত্যু হইয়াছিল, এবং তাহার অবর্তমানে উপতিস্য নামা তাহার সুবিজ্ঞ মন্ত্রী স্বহস্তে সাম্রাজ্য-ভারগৃহণ করিয়াছিলেন। পাণ্ডুবাসের আগমনে তিনি রাজ্য ত্যাগ করত পুনরায় মন্ত্রিপদে নিযুক্ত হন, ও পাণ্ডুবাস লঙ্কার রাজা হন। তদবধি ১২২২ বঙ্গাব্দে সিংহলদ্বীপে ইংরাজদিগের রাজ্য স্থাপনকাল পর্যন্ত ক্রমাগত ২৩২৪ বৎসর লঙ্কাদ্বীপ বঙ্গজ পাণ্ডুবাসের এবং তাহার ছয় শ্যালকের উত্তরাধিকারিগণ দ্বারা পালিত ও শাসিত হইয়াছিল; মধ্যে ২ কএকবার মলবার দেশীয় রাজারা লঙ্কা আক্রমণ করিয়া তথায় রাজশাসন করিয়াছিলেন, কিন্তু

তাহাদিগের অধিকার স্থায়ী হয় নাই। ইংরাজদিগের অধিকার হওনের পূর্বে পোর্তুগিস ও ওলন্দাজেরা লঙ্কার কোন ২ মণ্ডলের অধিকার প্রাপ্ত হইয়াছিল, কিন্তু কখন সমস্ত রাজ্য তাহাদিগের হস্তগত হয় নাই।

### কাদম্বরী গুহের সারসঙ্গ্রহ।

কাদম্বরী গুহের প্রণেতা মহাকবি বাণভট্ট। তিনি এই গুহের রচনা আরম্ভ করিয়া পূর্বার্দ্ধ সমাপনান্তে লোকান্তর গমন করেন। তদনন্তর তাহার পুত্র উত্তরার্দ্ধ লিখিয়া সমাপ্ত করেন। সংস্কৃত ভাষার গদ্য গুহের মধ্যে এই কাদম্বরী গুহ সর্বোৎকৃষ্ট। ইহার পূর্বার্দ্ধের লিপি-চাতুরী উত্তরার্দ্ধইহাতে উত্তম বোধ হয়। সে যাহা হউক, এই কাদম্বরীর রসাস্বাদ করিলে কেহ ইহা বিস্মৃত হইতে পারেন না। এই ক্ষণে এতদগুহে যে প্রকার আখ্যায়িকা আছে তাহা গোড়ীয় ভাষায় সঙ্ক্ষেপে লিখিয়া প্রকাশ করিতেছি; তৎপাঠে পাঠক মহাশয়েরা গুহের ভাব জ্ঞাত হইতে পারিবেন।

অথ কথা প্রারম্ভ।

বিদিশা-নামে এক নগরী, তথায় শূদুক নামে এক দোদণ্ড প্রতাপাবিত ভূপতি ছিলেন; এবং কুমারপালিত নামা তাহার এক মন্ত্রী ছিলেন। এক দিবস এক চণ্ডালকন্যা সকল-গুণাকর এক শুক পক্ষিকে সুবর্ণ পিঞ্জরস্থ করিয়া তাহা এক জন চণ্ডাল তনয়ের হস্তে দিয়া রাজদ্বারে উপস্থিত হইল। পরে দ্বারবান ভূপাল সমীপে যাইয়া উহার এবম্পুকারে উপস্থিত হওয়ার বৃত্তান্ত

বিজ্ঞাপন করিলে পর রাজা তৎক্ষণাৎ তাহাকে সভায় আনয়ন করিতে অনুমতি করিলেন। আজ্ঞা প্রাপ্তিমাত্র দ্বারপাল সত্বরে তাহাদিগকে সমভিব্যাহারে লইয়া আইল। গললম্বীকৃতবসনা চণ্ডাল-তনয়া যথানিয়মে রাজাকে প্রণামাদি করিয়া নিবেদিল, “মহারাজ! আপনি এই সনাগরা ধরার অধিপতি, ইহাতে যে ২ রত্ন উৎপন্ন হয় সকলই মহারাজের, এই বোধে আমি এই স্বর্ণ পিঞ্জরস্থ শুকরত্নকে মহারাজের চরণে সমর্পণ করিতে বাসনা করি; অনুমতি হইলে চরিতার্থ হই। মহারাজ এই যে শুককে দেখিতেছেন ইহার নাম বৈশম্পায়ন, ইহার গুণের পরিচয় দিতে আমার সামর্থ্য নাই। অধিক কি কহিব, আপনিই এ শুকরত্ন প্রদানের উপযুক্ত সম্প্রদান”। ইহা কহিয়া চণ্ডাল-অজ্ঞা শুককে রাজসম্মত করণপূর্বক স্বস্থানে প্রস্থান করিল। অনন্তর শুক নরপতি-গোচরে নিজ দক্ষিণ পদ উত্তোলন করিয়া এক শ্লোকোচ্চারণ করত তাহাকে আশীর্বাদ করিল।

রাজা শুকনুখবিনির্গত আশীর্ষচন শ্রবণগোচর করিয়া নিতান্ত বিস্ময়াপন্নভাবে মন্ত্রিকে কহিলেন, “ওহে কুমারপালিত গুনিলে শুকের কীদৃশী বাক্যটুতা, মনুষ্যবাক্যের সহিত ইহার কিছুমাত্র ইতর বিশেষ নাই”। সর্বাধিকারী কহিলেন, “মহারাজ পূর্বে তির্য্যগেগনিগত জীবের এতাদৃশ মনুষ্যবাক্যই ছিল, কোন কারণ-বশতঃ অগ্নির অভিসম্পাত হইলে ইহাদের বাক্য অক্ষুট হয়”। ইত্যাদি কথোপকথন হইতেছে এমন সময়ে যগ্গাধিনি হইতে লাগিল। রাজা সেই শব্দ শ্রবণমাত্র সমস্ত ব্যক্তিকে বিদায় ও পিঞ্জরস্থ শুককে অন্তঃপুরে লইয়া আসিতে আদেশ দিয়া নিত্যকৃত্য স্নান পূজাদি সমাধা করিতে অন্তঃপুরমধ্যে প্রবেশ করিলেন।

সমনস্তর ভূপতি ভোজনাবসানে কতিপয় পারিষদগণ সমভিব্যাহারে আস্থানমণ্ডপে উপবিষ্ট হইয়া অনুমতি করিলেন, “বৈশম্পায়নকে এই স্থানে আনয়ন কর”। অনুমতি প্রাপ্তিমাত্র এক জন দ্বারপাল সত্বরে রাজসম্মতিস্থানে হইতে পিঞ্জরস্থ শুককে আনিয়া নরপতি সম্মতিস্থানে রাখিল। পরে রাজা সমাদরপূর্বক শুককে আহারাদির বিষয়ে প্রশ্ন করিয়া কহিলেন “তুমি কে? কোথা হইতে আইলা? আর কি প্রকারেই বা তোমার শুকযোনিতে জন্ম হইল ইত্যাদি সমস্ত আদ্যোপান্ত আমার নিকটে ব্যক্ত করিয়া কহ। আমি শুনিয়াছি শুকজাতি জাতিস্বর অতএব তোমার পক্ষে এতাদৃশ বৃত্তান্ত কখন কিছুই কাঠন নহে”। ভূমিপতির এতাদৃশ প্রশ্নাবসানে শুক সবিনয়ে কহিল “মহারাজ! আমার বৃত্তান্ত সকল শ্রবণ করিতে আজ্ঞা হউক।

“দক্ষিণাঞ্চলে বিষ্ণুটিবী নামে এক বন আছে। তথায় অগস্ত্য নামা ঋষি পঞ্চতপা প্রভৃতি অতি যোরতর তপস্য৷ করেন। তাহার সমভিব্যাহারে লোপা-মুদুনাম্নী সহধর্মিণী ও আষাঢ়ি নামা এক তনয় ছিল। অধিক ইধুকাষ্ঠ আহরণ করিত বলিয়া পিতা তাহার আর এক নাম “ইধুবাহ” রাখিয়াছিলেন। ঐ তপোধনের তপোবনস্থ পর্ণকূটারের সমীপে এক পদ্ম সরোবর আছে। তাহার পশ্চিম তীরে বহুশাখাপল্লবশোভিত এক বৃহৎ শালুলী বৃক্ষ আছে। তাহার কোঠরে এক শুক-দম্পতী বাস করিত। তন্নিম্ন অনেক শুক ও অন্যান্য পক্ষিগণও থাকিত। তাহারা প্রতি দিন প্রাতঃকালে নিজ নিজ শাবকদিগকে নীড়মধ্যে সংস্থাপন করিয়া নানাস্থানে চরিতে যায়, এবং আপনাদের শিশুগণের আহারার্থ চঞ্চুদ্বারা যৎকিঞ্চিৎ লইয়া আইসে। আমি তৎকালে মাতৃকৃষ্ণিতে আছি, কালসহকারে দিন পূর্ণ হইলে



আমার মাতা প্রসব বেদনায় নিতান্ত অধীর ও পীড়িতা হইয়া আমি ভূমিষ্ঠ হইলেই তাহার প্রাণ বিয়োগ হইল। জনক আমার বৃদ্ধতম চল-ক্ষুদ্র-রহিত, তথাপি নিজ শাবকের প্রতি অক্লিম-স্নেহকারী, কি করেন? সামর্থ্য না থাকিলেও যথ-কথঞ্চিৎরূপে বৃক্ষ-তলপতিত শুক-শাবকগণ-মুখ-গলিত শস্যকণা আহার-পূরঃসর অগ্রে আমার চঞ্চু মধ্যে প্রদান করিয়া মদভুক্ত্যবশিষ্ট যৎকিঞ্চিৎ অভ্যবহার করত অতি-কষ্টে আমার পরিপোষণ ও কালহরণ করিতেন। দৈবযোগে এক দিন অন্যান্য পক্ষিগণে কোটরমধ্যে শাবকদিগকে রাখিয়া আহারাবেষণে গিয়াছে এমনকালে এক শবর সেনাপতি নিজ সেনাগণ সমভিব্যাহারে লইয়া মৃগয়া করিতে ঐ বনমধ্যে আইল, এবং মৃগ শবর কৃষ্ণসারাদি নানা পশু বধ করিয়া স্বস্থানে প্রস্থান করিলে পর অপর এক বৃদ্ধ শবর মৃগাদি কিছু না পাইয়া আমাদের নিবাস তরুর তলে ক্ষণকাল দণ্ডায়মান রহিল। পরে বৃক্ষের মূলাবধি অগুভাগ পর্য্যন্ত নিরীক্ষণপূর্বক তাহাতে আরোহণ ও তত্রস্থ শাবকগণের প্রাণ সংহার করিয়া ফেলিল। তদনন্তর আমাদের কোটরহইতে সেই আমার বৃদ্ধ পিতাকে গলে ধরিয়া বাহির করিল, তৎকালে নিতান্ত ভয়প্রযুক্ত আমি তাহার জীর্ণ পক্ষ মধ্যে লীন প্রায় হইয়া রহিলাম। পাছে আমার কোন অনিষ্ট হয় এই আশঙ্কায় পিতা তাহাকে চঞ্চুঘাত করিতে লাগিলেন, তাহাতে শবর আর ক্ষণ কাল বিলম্ব না করিয়াই তৎক্ষণাৎ তাঁহার গলা টিপিয়া মারিল। ও তরুর তলে শুক গলিত পত্রের উপরি নিষ্কপ করিল। পিতাকে মৃত ও অধঃপাতিত দেখিয়া নিতান্ত ক্ষুব্ধ-হৃদয়ে আপনার প্রাণ রক্ষার্থ পিতার পক্ষের মধ্যহইতে শনৈঃ ২ সেই সকল জীর্ণ পত্রের মধ্যে প্রবিষ্ট হইলাম। ক্ষণকাল বিলম্বে সেই নিষ্ঠুর শবর

তরু হইতে অবতীর্ণ হইয়া সেই অধঃক্ষিপ্ত মারিত পক্ষি শাবকগুলি ও মজ্জনক মৃত বৃদ্ধ শুককে গৃহণ পূর্বক প্রত্যাহার করিল। অনন্তর পিপাসায় শুষ্ক-কণ্ঠোষ্ণ হইয়া পক্ষ্যভাবে অসম্যগ্ গতিতে আমি সেই পক্ষু সরোবরাভিমুখে যাইতেছিলাম। তাহারই অনতিদূরে এক তপোবন ছিল। তথায় জাবালি নামে এক মুনি বাস করিতেন। হারিত নামা তাঁহার এক পুত্র ছিল। তিনি তখন কতিপয় মুনিবালককে সমভিব্যাহারে লইয়া মাধুগন্ধি-ককৃত্য সম্পাদনার্থ সেই সরোবরে যাইতেছিলেন। কক্ণানিধান ঋষিকুমার আমাকে নয়নগোচর করিয়া দয়াদৃষ্টিতে করতলে উত্তোলনপর্বক সরোবরতীরে লইয়া চলিলেন। তথায় আমাকে জল পান করাইয়া আপনি স্নানাদি নিত্য কার্য করিতে লাগিলেন। পরে আশুমে যাইবার সময়ে আমাকেও সঙ্গে লইয়া গেলেন। জাবালি আমাকে আশ্রমস্থ পাদপতলস্থ দেখিয়া ঈষৎ সহাস্য-বদনে অন্তঃ-কুপিতভাবে কহিলেন “এ কেবল আপনার অনিয়মে ও অত্যাচারে এতাদৃশ দুঃস্থ হইয়াছে। এক্ষণেও যদি এ সর্চৈতন্য হয় তথাপি শ্রেয়োভাজন হইতে পারে”। জাবালির এতদ্রূপ বাক্যে হারিত অন্যান্য ঋষি তনয়ের সহিত পিতৃ সমীপে প্রার্থনা করিলেন, “পিতঃ! আপনি কৃপা করিয়া ইহার বৃত্তান্ত আদ্যোপান্ত বর্ণন করুন। ইহা শুনিতে আমাদের নিতান্ত লালসা হইয়াছে”। জাবালি উত্তর করিলেন; “এক্ষণে সায়ংকাল উপস্থিত; সায়ং সন্ধ্যাবন্দনাদি-সমাপনান্তে কহিব”। ইহা কহিয়া তিনি সন্ধ্যাবন্দনে প্রবৃত্ত হইলেন। নিত্য কৰ্ম সমাধানান্তে হারিত মুনিবালকগণের সহিত আমাকে লইয়া পিতৃ সমীপে নিবেদন করিলেন, “পিতঃ! আমরা সকলে এই শুকবৃত্তান্ত শুক্রষু হইয়া মহাশয়ের চরণ সমীপে উপস্থিত হইলাম, দয়া করিয়া কহিতে

আজ্ঞা হউক”। তখন জাবালি কহিলেন, “যদি তোমাদের শুক্রষা থাকে মনঃসংযোগপূর্বক এই শুকের বৃত্তান্ত শ্রবণ কর।

“অবন্তীদেশে উজ্জয়িনী নামে প্রধান নগরী। তথায় তারাপীড় নামা নরপতি থাকেন। নিরতি-নয়রূপ লাবণ্যবতী বিলাসবতী নামী তাঁহার এক প্রধানা পটুমহিষী ছিলেন। তদ্যতীত তাঁহার অন্যান্য রাজ্ঞীও ছিলেন। তাঁহার মন্ত্রির নাম শুকনাস। এই মন্ত্রির প্রধানা পত্নীর নাম মনো-রমা। ভপতি ও সর্বাধিকারী উভয়েরই পুত্র জন্মে নাই। এক দিন রাজা অন্তঃপুরে প্রবেশিয়া দেখিলেন, যে রোকদ্য়মানা রাজমহিষী একান্তে বসিয়া আছেন। তিনি ইহার কারণ জিজ্ঞাসা করাতে রাণী কিছুমাত্র উত্তর দিলেন না, বরং উত্তরোত্তর ক্রন্দন বাড়াইতে লাগিলেন। তখন ভূপাল রাজ্ঞীর পার্শ্বস্থ পরিচারিকাবর্গকে জিজ্ঞাসা করাতে তন্মধ্যস্থ মকরিকা নামী এক জন রাজ্ঞীর তাহুর-করণবাহিনী কহিল, “মহারাজ! রাজমহিষী অদ্য শিব চতুর্দশী তিথি উপলক্ষে মহাকাল নামক দেবদেব মহাদেবের পূজা করিতে গিয়াছিলেন। তথায় শ্রীমন্নহাভারত-পুরাণ পাঠ হইতেছিল। তাহাতে শুনিয়াছেন অপুত্র ব্যক্তির গতি মুক্তি কিছুই নাই। এই কারণে গৃহে আগমনপূর্বক রোদন করিতেছেন। বুঝাইলে বুঝেন না, কাহার কথায়ও কণে স্থান দেন না”। এতচ্ছবনে রাজা নানা প্রকার প্রবোধ বাক্যদ্বারা রাণীকে সান্ত্বনা করিয়া কহিলেন, “পিরতমে! বৃথা শোক কর; প্রাক্তনে থাকে অবশ্যই পুত্রবতী হইবে; এক্ষণে দেবব্রাহ্মণে ভক্তিমতী হও। তাঁহাদের প্রসাদাৎ এতাদৃশ কলপ্রাপ্তি তোমার পক্ষে সুকঠিন নহে। দেখে পার্বে চণ্ডকৌশিক ঋষির প্রসাদে বৃহ-দুথ রাজা মহাবল পরাক্রান্ত জরাসন্ধ নামক এক

পুত্র পাইয়াছিলেন”। রাজ্ঞী এবম্পৃকার পতির অনুমতি পাইয়া দেবব্রাহ্মণে পূর্বাপেক্ষা অধিক ভক্তিমতী হইলেন। কিয়দিন যাইতে না যাইতে এক দিন রাজা নিদ্রাবস্থায় স্বপ্ন দেখিলেন, যে সম্পূর্ণ চন্দ্রমণ্ডল বিলাসবতীর মুখমণ্ডলে প্রবিষ্ট হইয়াছে। পর দিন প্রাতঃকালে রাজা গাত্রোথান করিয়াই সেই স্বপ্ন বৃত্তান্ত মন্ত্রি প্রবর শুকনাসের সন্নিধানে প্রচার করিলেন। মন্ত্রী শ্রবণমাত্র অতি-মাত্র আমোদিত হইয়া নিবেদন করিলেন, “মহা-রাজ! আপনার এতাদৃশ শুভ স্বপ্ন দর্শন বৃত্তান্ত-শ্রবণে আমার প্রতীতি হইতেছে, আপনি প্রাপ্ত-কাম হইয়াছেন। বিলাসবতীর গর্ভজাত অবিল-ম্বেই চন্দ্র তুল্য তনয়ের মুখচন্দ্র নিরীক্ষণ করিবেন, তাহাতে কোন সন্দেহ নাই”। স্বপ্নের এতাদৃশ কলশ্রুতিতে রাজা নিতান্ত পরিতুষ্ট হইলেন। পরে অমাত্যপ্রবর নিবেদন করিলেন, “মহারাজ! আমিও রাজ্ঞিশেষে একশুভ স্বপ্ন সন্দর্শন করিয়াছি, যেন একটি ব্রাহ্মণ অতি শান্তমূর্ত্তি সাক্ষাৎ ব্রাহ্মণদেব শ্বেতবস্ত্রযুগল পরীধান কিশোর বয়স্ আসিয়া মৎপত্নী মনোরমার জন্মাদে-শে একটা সহস্রদল শ্বেতপদ্ম রাখিয়া গেলেন। উভয়ের এতাদৃশ কথোপকথনাবস্থানে ভূপাল মন্ত্রিকে সঙ্গে লইয়া অন্তঃপুর মধ্যে প্রবে-শিয়া রাণী বিলাসবতীর সমীপে আপনাদের উভয় স্বপ্ন বৃত্তান্ত কহিলেন। তাহাতে রাজমহি-ষীরও কিঞ্চিৎ মনের শান্তি হইল। কিয়দিন গতে বিলাসবতীর গর্ভের লক্ষণ প্রকাশ পাইল। এক দিন মন্ত্রিসহিত রাজা আস্থানমণ্ডলে বসিয়া আছেন এমন সময়ে কুলবর্দ্ধনা নামী এক প্রবীণা দাসী হাস্যবদনে অন্তঃপুরহইতে আসিয়া কৃত-ঞ্জলিপুটে রাজসমক্ষে রাজ্ঞীর গর্ভ বৃত্তান্ত নিবে-দন করিলে পর রাজা এককালে আনন্দ সাগরে



নিমগ্ন হইলেন। পূর্ণকালে বিলাসবতী পুত্রবতী হইলেন। তদুপলক্ষে রাজভবনে মহামহোৎসব হইতে লাগিল। মহানন্দে সামাত্র্য ভূপতি অন্তঃ-পূর প্রাক্ষণে দণ্ডায়মান আছেন। এমত-সময়ে এক দূত বারিপূর্ণ মঞ্জল কলশহস্তে রাজসমীপে আসিয়া নিবেদন করিল। “মহারাজ! শুকনাস মন্ত্রির জ্যেষ্ঠা পত্নী মনোরমাও এক পুত্র প্রসব করিয়াছেন”। এতৎসমাচার শ্রবণে রাজার তৎকালীন আমোদের সীমাপরিবেশ রহিল না। সংবাদবাহককে প্রার্থনা-ধিক অর্থ দিয়া বিদায় করিলেন। যথাবিধি জাত কন্যাদি সমাপনান্তে রাজা পুত্রের নাম চন্দ্রাপীড়, এবং মন্ত্রী আপন পুত্রের নাম বৈশম্পায়ন রাখিলেন। শৈশবাবস্থা অতীত হইলে পর, রাজা মন্ত্রির সহিত একবাক্যে তাহাদিগকে সুপুসিদ্ধ অধ্যাপকের হস্তে বিদ্যাধ্যয়নার্থ সমর্পণ করিলেন। ক্রিয়ৎকাল অতীত হইলে পর, উহার শাস্ত্রবিদ্যা ও শাস্ত্রবিদ্যাতে বিশিষ্ট গুণসম্পন্ন হইয়া উঠিলেন। রাজা ও মন্ত্রির ন্যায় তাহাদের উভয়ের প্রতি উভয়ের সম্মান ও প্রীতি হইতে লাগিল। ষোড়শবর্ষ বয়ঃক্রম সময়ে তাহাদিগকে কৃতবিদ্য বোধ করিয়া রাজা তারাপীড় আপন সেনাপতি বলাহককে চতুরঙ্গিনী সেনা সমভিব্যাহারে দিয়া বিদ্যামন্দির হইতে পুত্রকে আনিতে পাঠাইলেন। সেনাপতি বিদ্যামন্দিরে রাজনন্দনের নিকটে যাইয়া নিবেদন করিল। “মহারাজকুমার! আপনি চতুর্দশ বিদ্যায় পারদর্শী হইয়াছেন। অতএব এক্ষণে রাজভবনে উপস্থিত হইয়া আপনার জনক জননীর মনে সন্তোষ প্রদান করুন। পঞ্চম বর্ষ বয়সে পিতামাতার নিকট হইতে বিদ্যামন্দিরে আসিয়াছেন, এখন মহারাজকুমারের বয়স পঞ্চদশ বর্ষ অতীত হইয়াছে। ১০ বৎসর হইল রাজভবনে গমন করেন নাই। সম্প্রতি রাজকার্য

পর্যালোচনা করিতে আজ্ঞা হইল। সমুদ্রোৎপন্ন উল্লেখশুবার বংশ সম্ভূত পারস্য-রাজদত্ত ইন্দ্রা-যুধ নামা ষোটক দ্বারদেশ আছে, তাহাতে আরোহণ করিয়া আগমন করুন”। রাজকুমার সেনাপতির এতাদৃশ প্রার্থনায় সম্ভুষ্ট হইয়া আদেশ করিলেন। “ভাল, ইন্দ্রাযুধকে এই স্থানে লইয়া আইন”। আজ্ঞা প্রাপ্তিমাত্র সেনাপতি ইন্দ্রাযুধকে কুমার সম্বিহিত করিলে পর রাজনন্দন মনে করিলেন, বোধ করি এ ষোটক জন্মান্তরে কোন মহাপুরুষ ছিল। কোন কারণবশতঃ শাপগুস্ত হইয়া এ অবস্থা পাইয়া থাকিবেক, সন্দেহ নাই। এই ভাবিয়া মনে তাহাকে নমস্কার করিলেন। পরে বৈশম্পায়ন সমভিব্যাহারে তৎপৃষ্ঠে সমাক্রম হইয়া ঋণৈকের মধ্যে রাজভবনের নিকটবর্তী হইলেন। এতাদৃশ কুমারদ্বয়কে সমাগত দেখিয়া পৌরেরা যৎপরোনাস্তি পরিতুষ্ট হইল। পুরদ্বারে উপস্থিতি মাত্র উভয়ে অশ্ব হইতে অবতীর্ণ হইয়া পদবুজে রাজসমক্ষে উপস্থিতি ও সাষ্টাঙ্গ প্রণিপাত করিয়া কৃতজ্ঞলিপুটে দণ্ডায়মান রহিলেন, অনন্তর রাজাজ্ঞা প্রাপ্তিমাत्रে উভয়ে আসনে উপবেশন করিলেন। ঋণকাল বিলম্বে মাতৃচরণ বন্দন লালসায় গাত্রোথানপূর্বক অন্তঃপুর মধ্যে প্রবেশ করিলেন। অমাত্র্য পুত্রের সহিত রাজকুমার মাতাকে প্রণাম করিয়া শুকনাসের ভবনে উপস্থিত হইলেন। তথায় যথা বিধানে আশীর্বাদাদি প্রাপ্ত হইয়া নিজভবনে আগমনপূর্বক স্বর্ণশূড়ুলে ইন্দ্রাযুধকে বদ্ধ করিয়া রাজনির্দিষ্ট প্রাসাদে পরমসুখে কাল হরণ করিতে লাগিলেন। এক দিন রাজী সর্বাভ্যুপায়ী কৈলাস নামা প্রতিহারীকে দিয়া পত্রলেখা নামী এক পালিত কুমারীকে রাজনন্দনের তাগুলবাহিনী নিযুক্ত করিয়া পাঠাইয়া দিলেন। কৈলাস কৃতজ্ঞলিপুটে কুমার

সম্মিথানে উপস্থিত হইয়া নিবেদন করিল, “মহারাজকুমার! রাজী কহিয়া দিয়াছেন যে এই পত্রলেখা আমার কন্যাবৎ প্রতিপালিতা আমার অনুগতা আছেন, ইহাকে তাগুলবাহিনী করিয়া নিজ ভগিনীবৎ আপন সমীপে রাখিয়া প্রতিপালন করিবে। মহারাজ দিগ্বিজয়ব্যাপারে প্রবৃত্ত হইয়া দেশদেশান্তরীয় অপরাপর রাজবর্গকে পরাজয় ও বিনাশ করিয়া তাহাদের পরিবারদিগকে কারাবদ্ধ করিয়া রাখিয়াছিলেন। আমি তন্মধ্য হইতে এই কুমারীকে রাজকন্যা বোধে গ্রহণ করিয়া কন্যা নিবিশেষে পালন করিয়াছিলাম। এক্ষণে তোমার নিকটে এই অভিসন্ধিতে পাঠাইতেছি যথাবিধান করিবে। কৈলাস এ সকল পরিচয় প্রদান করিলে পর, পত্রলেখা রাজনন্দনকে প্রণাম করিয়া করপুটে দণ্ডায়মানা রহিল। রাজপুত্র তাহাকে উক্ত কন্ঠে নিযুক্ত করিয়া তদ্দিনাবধি সেই কার্যের ভার তাহার হস্তে সমর্পণ করিলেন। পত্রলেখাও কুমারের ছায়ার ন্যায় অনুগতা হইয়া সেবা করিতে লাগিল। তারাপীড়, চন্দ্রাপীড়কে যৌবরাজ্যে অভিষিক্ত করিতে মনস্থ করিয়া ভৃত্যদিগকে অভিষেকোপযোগি দ্রব্য সামগ্গী প্রস্তুত করিতে আদেশ করিলেন। এক দিবস রাজপুত্র মন্ত্রিবর শুকনাসের সহিত সাক্ষাৎ করিতে গমন করিলে তিনি তাহাকে রাজনীতি বিষয়ক কতিপয় উপদেশ প্রদান করিলেন। অনন্তর শুভদিন লগ্ন স্থির করিয়া রাজা ও মন্ত্রী উভয়ে সভাস্থ সমস্ত ব্যক্তির সম্মতি গ্রহণপূর্বক চন্দ্রাপীড়কে যৌবরাজ্যে ও বৈশম্পায়নকে তন্মন্ত্রিপদে অভিষিক্ত করিলেন। অনন্তর যুবরাজ নিজামাত্র্য সমভিব্যাহারে চতুরঙ্গিনী সেনা লইয়া দিগ্বিজয় করিতে বহির্গমন করিলেন। ক্রমে সকল দেশ জয় করিয়া পরিশেষে তিনি উত্তর দিকে কৈলাস পর্বতের

নিকটস্থ কিরাতজন-বাসস্থান সুবর্ণ-পুরনামক এক নগরে পরিশ্রান্ত সেনানীর বিশ্রামার্থ শিবির সংস্থাপন করিয়া কিছু কাল অবস্থিতি করিলেন। এক দিন রাজা মন্ত্রিহস্তে সমস্ত সেনাগণের রক্ষণাবেক্ষণের ভার সমর্পণ পূর্বক আপনি ইন্দ্রা-যুধ ষোটকে আরোহণ করিয়া কতিপয় অশ্বা-ক্রম সৈন্য সমভিব্যাহারে মৃগয়া করিতে বাহির হইলেন। যাইতে ২ এক কিন্নর মিথুনকে ধাবমান দেখিয়া তাহাদিগকে ধরিবার জন্য বায়বেগে তৎপশ্চাৎ ২ ধাবমান হইতে লাগিলেন। সঙ্গিগণ সকলেই পশ্চাৎ পড়িয়া রহিল। পঞ্চদশ যোজন গমন করিলেন তথাপি সেই কিন্নর মিথুন ধৃত হইল না। পর্যবসানে তাহার এক পর্বত শিখরে আরোহণ করিয়া পলায়ন করিল। অশ্ব তো পর্বতে উঠিতে সমর্থ নহে। কি করেন নিরুপায় হইয়া রহিলেন। এদিকে মধ্যাহ্নকাল অতীত হইয়াছে জন মনুষ্যের সহিত সাক্ষাৎ হয় না, এমতকালে রাজকুমার ক্ষুৎপিপাসায় নিতান্ত কাতর হইয়া ভাবিতে লাগিলেন, “হায়! আমি কি নির্বুদ্ধির কার্য করিলাম, এই কিন্নরমিথুন প্রয়াসে বৃথায়াস করিয়া জীবন হারাইতে উদ্যত হইয়াছি। যাহা হউক এক্ষণে পিপাসায় প্রাণ ওষ্ঠাগত। দেখি আপাততঃ কোন স্থান হইতে অন্বেষণপূর্বক জলানয়ন করিতে পারি কি না; নচেৎ ষোটক সহিত আপন প্রাণ রক্ষা করা সুকাঠন হইবেক। এক্ষণে শিবিরে প্রতিগমনের উদ্যোগ দেখা যুক্তি যুক্ত নহে!” রাজনন্দন মনে এই সঙ্কল্প স্থির করিয়া অশ্বারোহণে গমন করিতে ২ অশ্বোদ সরোবর নামক এক বৃহৎ সরোবরের তীরে উপস্থিত হইলেন। তখন তিনি অশ্ব হইতে অবতীর্ণ হইয়া তাহাকে স্নান ও জলপান করাইয়া আপনি স্নান পানাদি সমাপন করিলেন। অশ্ব-পৃষ্ঠের আস্তর তত্রস্থ তরু-




তলে বিস্তার করিয়া বিশ্রাম করিতেছেন, এমৎ সময়ে উত্তরদিক্ হইতে শুবণ মনোহর সঙ্গীতধ্বনি শুনিতো পাইলেন। আর দেখিলেন যে ইন্দ্রায়ুধ মনঃ-সংযোগপূর্বক কাণ দিয়া তাহা শুনিতোছে। রাজনন্দন পুনর্বার সেই ঘোটকে উঠিয়া সেই সরোবরের উত্তর পারে উপস্থিত হইয়া দেখিলেন যে সেখানে এক চতুর্মুখ মহাদেবের মন্দির বিরাজমান আছে। তন্মধ্যে এক নবযৌবনা অঙ্গনা ঋদ্ধাকমালা করে করিয়া মহাদেবের নাম জপ করিতেছেন। যুবরাজ তদ্রশনমাত্র অতিমাত্র বিস্ময়াপন্ন হইয়া মনে ২ চিন্তা করিতে লাগিলেন। আমি যে এত পরিশ্রম করিয়া আনিয়াছি তাহা এখন সকল বোধ হইল। পরে মন্দিরের মধ্যে সেই তপস্বিনী ও দেবদেব শ্রীমহাদেবের পাষণময়ী মূর্তি নিরীক্ষণ করিয়া এক কালে পরমানন্দ সাগরে নিমগ্ন হইলেন। পরে ঘোড়া হইতে নামিয়া এক অশ্বখ বৃক্ষের ক্ষেত্রে ঐ ঘোটক বাঁধিয়া মন্দির-মধ্যে প্রবেশপূর্বক দর্শন প্রণামাদি করিলেন। সঙ্গীত-সমাপনান্তে সেই তপস্বিনী রাজনন্দনকে কহিলেন, “হে পুরুষবর! আপনি এখানে যদি উপস্থিত হইয়াছেন অনু-গৃহপূর্বক আমার সঙ্গে আসিয়া আতিথ্য গৃহণ ও আমাকে কতার্থ করিতে আজ্ঞা হউক”। রাজা শুবণমাত্র পরমপরিতুষ্ট হইয়া তৎসমভিব্যাহারে তাহার আশ্রুমাভিমুখে চলিলেন। উপস্থিতি-মাত্র অতিশয় যত্নসহকারে ঐ তপস্বিনী চন্দ্রা-পাড়ের যথাবিধান আতিথ্য সমাধান করিয়া তাহার তথায় আগমন বৃত্তান্ত শুবণলালসায় প্রস্তু করিলে পর কুমার দিগ্বিজয়াবধি কিল্পরমিথুনানু-ধাবন পর্য্যন্ত আদ্যোপান্ত সমুদায় বৃত্তান্ত ব্যক্ত করিয়া বলিলেন।

অবশেষ পরে প্রকাশ্য \*\*

### স্বর্ণকার।

গ ত বৎসর বিলাতে এক মহাব্যাপার হইয়াছিল। তত্রত্য মহারাণীর অনু-মত্যানুসারে ভূমণ্ডলের সমস্ত উপা-দেয় দ্রব্যের আদর্শ একত্র সঙ্গৃহীত হইয়াছিল। তথায় ভারতবর্ষ হইতে যে সকল দ্রব্য নীত হয় তন্মধ্যে ঢাকাই বস্ত্র ও শাল অত্যন্ত প্রশংস-নীয় হইয়াছিল; পরন্তু এতদেশীয় অন্যান্য বস্ত্র নিতান্ত অপ্রতিভ হয় নাই। অপরাপর দ্রব্যের মধ্যে এতদেশীয় বিদরির বাসন ও স্বর্ণালঙ্কার অনে-কের প্রশংসাভাজন হয়। বিদরির বাসনের অনু-রূপ বিলাতে হয় না। স্বর্ণালঙ্কার তথায় যথেষ্ট প্রস্তুত হয়, এবং তাহার অধিকাংশই অতি সুন্দর; পরন্তু কোন ২ অংশে তাহা ভারতবর্ষীয় অলঙ্কারের তুল্য হয় না। দক্ষিণ দেশীয় ব্রিটান-পল্লী নগরে যে প্রকার স্বর্ণহার প্রস্তুত হয় তদ্রূপ আর কুত্রাপি হয় নাই। বিশেষ আশ্চর্য্য এই, বিলাতীয় স্বর্ণভরণ প্রস্তুত করণার্থে নানাবিধ অতি সূক্ষ্ম ও বহুমূল্য যন্ত্রাদি অপেক্ষা করে, তদ্ব্যতীত তাহা প্রস্তুত হইতে পারে না; কিন্তু ব্রিটান-পল্লীই স্বর্ণকারেরা তদ্রূপ মনোহর সুন্দর হার গঠনে কোন বহুব্যয়সাধ্য যন্ত্রের ব্যবহার করে না; কয়েকটা যৎসামান্য অস্ত্রদ্বারা অতি আশ্চর্য্য ও অদ্বিতীয় সুন্দর দ্রব্য-সকল অনায়াসে প্রস্তুত করে। তাহাদিগের সমস্ত যন্ত্র এক সামান্য খলির মধ্যে রাখা যাইতে পারে, এবং ঐ খলি ক্ষেত্রে লইয়া তাহারা গৃহস্থের বাটী গিয়া কর্ম করিয়া থাকে। এই রীতি ভারতবর্ষের মধ্য-দেশেও প্রচার আছে। আগরা, মথুরা, দিল্লী, ইত্যাদি দেশে স্বর্ণকারেরা স্ব ২ গহে কর্ম না করিয়া অনেকে গৃহস্থের বাটী গিয়া আভরণ প্রস্তুত করে।





৮৫ পাত্রে যে চিত্র মুদ্রিত করা গিয়াছে তাহাতে এক ইংরাজের বাটীর বারান্দায় বসিয়া এক স্বর্ণকার অলঙ্কার গঠন করিতেছে; সম্মুখে দাসীদ্বয় (আয়া দ্বয়) সতর্ক আছে যাহাতে কর্মকার সামান্য ধাতু মিশ্রিত করিয়া সুবর্ণ না চৌর্য্য করে। কিন্তু তাঁহাদের সৈন্যসাবধান থাকা বিফল। কাঞ্চনকারেরা চৌর্য্য-বৃত্তিতে এতাদৃশ পটু যে যৎপরোনাস্তি সতর্ক থাকিলেও তাহাদিগকে স্ববৃত্তিসাধনে নিষেধ করা অত্যন্ত কঠিন, এবং তৎপ্রযুক্তই লোকে তাহাদিগের প্রতি “পল্যতো হর” \* শব্দ প্রয়োগ করিয়া থাকে। ঐ চৌর্য্য করণের প্রধান অবকাশ স্বর্ণ গলাইবার সময়। তৎসময়ে স্বর্ণকারেরা সুবর্ণের পাত্রে সোহাগা দিবার ছলনায় অনায়াসে পাত্র-হইতে কিঞ্চিৎ স্বর্ণ ছাপরে ফেলিয়া দেয়। কোন-সুচতুর কর্মকার সোহাগার পরিবর্তে মুচিতে লবণ ও শোরা নিষ্ক্ষেপ করে; তৎস্পর্শে সুবর্ণের কিয়দংশ উৎখলিয়া উঠিয়া মলাকূপে পরিণত হয়। যাহার স্বর্ণ সে ঐ মলা নিষ্কর্মণ্য জ্ঞান করে; কিন্তু কর্মকার সাবধানে তাহা সঙ্গ্রহ করিয়া রাখে, এবং অবকাশমতে তাহাহইতে স্বর্ণ উদ্ধার করে। মুচিস্ব স্বর্ণ লাঘব হইবে ইত্যশঙ্কায় এক ভামুশলাকা ঐ মুচিতে বিলোড়ন করিতে থাকে; এবং গলিত স্বর্ণে কিয়ৎকাল নিমগ্ন থাকিলে ঐ তামুর কিয়দংশ স্বর্ণের সহিত মিশ্রিত হইয়া তাহার পরিমাণ পূর্ববৎ রক্ষা করে।

### রত্নাবলী নাটিকার সঙ্ক্ষেপ ইতিহাস।

কৌশাধী নগরে উদয়ন নামা পরম রূপবান সর্বগুণনিকেতন এক নরপতি থাকিতেন। তাঁহার অমাত্যের নাম যোগান্দরায়ণ। তিনি

\* অর্থাৎ প্রত্যক্ষে চৌর্য্যকৃত্য।

অতি সুশীল, বিনীত, রাজনীতিবিশারদ, এবং অত্যন্ত প্রভুভক্ত ছিলেন। অনুরূপ স্বামির কুশলা-শেষণে নিরত থাকতে একদা কোন স্থানে এক সিদ্ধপুরুষের প্রমুখাৎ এই বাক্য শ্রবণ করিয়াছিলেন, সিংহলদ্বীপে তত্রত্যধিপতির রত্নাবলী নামী এক দুহিতা সুলক্ষণ সম্পন্ন হইয়া শুভক্ষণে ভূমিষ্ঠা হইয়াছেন; যে ব্যক্তি তাঁহার পাণিপীড়ন করিবেন, তিনি এই সমাগরা ধরার অধীশ্বর হইবেন। মন্ত্রী এই সিদ্ধাদেশ শ্রবণাবধি স্বীয় পুত্রুর অভ্যুদয়ার্থ সমুৎসুক হইয়া সেই কন্যার সহিত আপনার স্বামি উদয়ন নৃপতির বিবাহার্থ উপায় চিন্তনে প্রবৃত্ত হন। তাহাতে সিংহল-দ্বীপ যদিও কৌশাধী রাজধানী হইতে অধিক দূরবর্তী ছিল; এবং সিংহলেশ্বর যদিও অসামান্য-রূপলাবণ্য-সম্পন্ন লোচনানন্দদায়িনী নন্দিনীকে দূরদেশীয় পাত্রে সম্প্রদান করিতে ইচ্ছা করিতেন না, তথাপি তদীয় কৌশলে ও বারম্বার প্রার্থনায় আপনার মত পরিবর্তন পূর্বক কৌশাধীশ্বরকে পুত্রীর বরপাত্র করিতে সম্মত হইলেন; এবং পরিণয় ক্রিয়া সমাধার্থ অমাত্য ও আত্মীয় স্বজন সঙ্গে দিয়া অর্ণবতরিয়োগে কৌশাধী-নগরে কন্যাকে প্রেরণ করেন।

রত্নাবলী সমুদ্রযানে সিংহলহইতে আগমন করিতেছিলেন, এমত সময়ে পথিমধ্যে দুর্দ্দৈববশতঃ হঠাৎ অর্ণবপোত ভগ্ন হইয়া সাগর সলিলে নিমগ্ন হইল; কিন্তু পরমায়ু বলে তরিস্থিত সকলেই সন্তরণদ্বারা প্রাণে রক্ষা পাইলেন, এবং রত্নাবলীও এক খান ফলকাবলম্বে তরঙ্গোপরি ভাসিতে ২ এক দিকে চলিয়া গেলেন। দৈবাৎ সেই দিক দিয়া কৌশাধীনগরীয় এক জন পোতবন্ধি যানযোগে গমন করিতেছিলেন। নীরধি নীরে ভাসমানা সেই

লাবণ্যবতী নয়নপথবর্তিনী হওয়াতে দয়াদু হইয়া তাঁহাকে স্বীয় তরণীতে উত্তোলন করিয়া লইলেন; এবং জলধিমধ্যে যান নিমজ্জনের সংবাদ শ্রবণে ও সেই কন্যার রূপলাবণ্য বিশেষত রত্নমালার চিত্র অবলোকনে জানিতে পারিলেন ইনিই কৌশাধীনাথের বনিতা হইবার নিমিত্ত সিংহল হইতে আসিতেছিলেন, অতএব পরম যত্নে তাঁহার রক্ষণাবেক্ষণ করিতে লাগিলেন।

এদিকে সিংহলেশ্বরের অমাত্য এবং কন্যাযাত্রিগণ কোন ক্রমে সাগর তরঙ্গহইতে স্বয়ং প্রাণ পরি-রক্ষণ করত স্বদেশে প্রত্যাগমন পূর্বক নৃপসমীপে সামুদ্রিক দুর্ঘটনার বিষয় বিজ্ঞাপন করিয়া অশ্রু-পূর্ণলোচনে নিবেদন করিল; “আমরা সন্তরণে সমর্থ, তাহাতেই জীবন রক্ষা করিয়া আসিলাম; রত্নাবলী অবলা বাল্য, ফলকাবলম্বনে কিয়ৎক্ষণ জলের উপরি ভাসিয়াছিলেন; কিন্তু জলপ্রবাহ তাঁহাকে কোন দিকে লইয়া গেল, সন্ধান পাইলাম না; বোধ হয় জলসং হইয়াছেন”। এই সংবাদে সিংহলাধিপতি সাতিশয় শোকাকুল হইলেন; এবং তথা হইতে ঐ বার্তা অনতিবিলম্বে কৌশাধীনগরেও আসিয়া উপস্থিত হইল, সূতরাং কৌশাধীশ্বর বিশেষতঃ তদীয় পরমহিতৈষি মন্ত্রী রত্নাবলী-লাভে নিরাশ হইয়া বিবাদ সাগরে মগ্ন হইলেন।

কিয়ৎকালগতে কৌশাধীনগরীয় সেই সাংযাত্রিক সামুদ্রিক বাণিজ্যকার্য্য নির্বাহ করিয়া ভবনে প্রত্যাগমন করিলেন, এবং সাগর হইতে যে কন্যাটিকে প্রাপ্ত হইয়া প্রতিপালন করিতেছিলেন, রাজমন্ত্রী যোগান্দরায়ণ আপনার পরম মিত্র এবং অতিশয় সদাশয় ও সচরিত্র, এপ্রযুক্ত তাঁহার হস্তে তাহাকে সমর্পণ করিয়া কহিলেন “সখে এই কন্যার রূপলাবণ্য প্রত্যক্ষ নিরীক্ষণ করিতেছ,

যাহাতে অভিরূপ ভর্তৃভাগিনী হয় তাহার উপায় করিও, আমি সাগরহইতে প্রাপ্ত হওয়াতে ইহার নাম সাগরিকা রাখিয়াছি”। মন্ত্রী সাগরিকার আকৃতি প্রকৃতি অবলোকন করিয়া সর্বাংশে সুলক্ষণা বোধ করিলেন। পরে তাঁহার গলদেশে রত্নমালার চিত্র দৃষ্ট হইলে সিদ্ধপুরুষের বাক্য স্মরণপথে উদিত হইল; তাহাতে সংশয় পরিহার পূর্বক মনে হির করিয়া কহিতে লাগিলেন “ইনিই সেই রত্নাবলী; সিংহলের দুহিতা, আপন পাণি-গুহকে অখণ্ড ভূমণ্ডলের একাধিপতি করিবার নিমিত্ত অবনীমণ্ডলে অবতীর্ণ হইয়াছেন; যাহা হউক, আমাদের কৌশাধীশ্বর অতি ভাগ্যবান, নষ্ট নিধি পুনঃপ্রাপ্ত হইবেন। কিন্তু আপাততঃ এ রহস্য প্রকাশ করা হইবেক না। রাজমহিষী বাসবদত্তা অতি ব্যাপিকা; রাজার দারাত্তর পরি-গৃহের কথায় পূর্বেই ক্রুদ্ধ হইয়াছিলেন; আবার রত্নাবলী লাভের সংবাদ দিয়া, এবং রাজার বিবাহের কথা উত্থাপন করিয়া তাঁহার ক্রোধোদ্দীপন করিব না। এই সুলক্ষণা আমাদের হস্ত ভ্রুষ্টা না হন, এবং কালক্রমে নৃপতির অক্ষলক্ষ্মী হইয়া সংসূচিত সৌভাগ্য প্রদান করিতে পারেন এমত উপায়ই করি”। এই বিবেচনা করিয়া বন্ধু বণিকের নিকট হইতে গৃহণ করত নৃপাজ্ঞনা বাসবদত্তার সন্নিধানে তাঁহাকে লইয়া গেলেন; এবং রাজ্ঞীর সখীত্বে নিযুক্ত করত সবিনয় বচনে রাণীকে নিবেদন করিলেন “আপনি এই কন্যাটিকে যতপূর্বক রক্ষা করিবেন”।

নৃপগেহিনী মন্ত্রির অনুরোধে এবং সাগরিকার গুণে সন্তুষ্ট চিত্তে সদ্যবহার করত তাঁহাকে রক্ষা করিতে লাগিলেন; কিন্তু তাঁহার লোকাতিত রূপলাবণ্য দেখিয়া মনোমধ্যে এই আশঙ্কার আ-বির্ভাব হইল “ইহার যেকপ সৌন্দর্য্য মাধুর্য্য,



যদি স্যাৎ রাজার নয়নগোচর হয় নৃপতি মোহিত হইয়া পাণিগুহণাভিলাষী হইতে পারেন”। অতএব কদাচিৎ তাঁহাকে নরপতির নেত্রপথের পথিক হইতে দিলেন না; আপনি পরিজনগণের সহিত সর্বদা ঐ বিষয়ে সতর্ক রহিলেন। রাণীর কাঞ্চনমালা ও সুসজ্জতা নামে দুই প্রধানা সখী ছিল। তাহাদের মধ্যে প্রথমা রাজার প্রতি বিশেষ অনুরক্তা; দ্বিতীয়া সাগরিকার সহিত আলাপ হওয়া অবধি তাঁহার মঙ্গলাকাঙ্ক্ষিণী হইল।

অনন্তর বসন্তকাল সমাগত হইলে রাজধানী-মধ্যে মদনোৎসবের সমারোহ হইতে লাগিল, এবং সমস্ত পৌরজন তদুপলক্ষে আমোদ প্রমোদে নিমগ্ন হইল। রাজমহিষী সেই উৎসবে ভগবান কামদেবের পূজা করিতেন। সে বৎসর এক উদ্যানে অনঙ্গোৎসব নিষ্পন্ন করিতে স্থির করিয়া নৃপসমীপে এই সন্দেশ প্রেরণ করিলেন; “আমরা ‘মকরন্দ’ নামক উপবনে তত্রস্থ অশোকতরু মূলে কুমুমায়ুধ দেবের অর্চনা করিব; আপনি তথায় সন্নিহিত হইয়া ক্রিয়া নির্বাহ করাইবেন”।

পরে রাজা পরিজনগণ সমভিব্যাহারে পূজার দ্রব্যসামগ্ৰী গৃহণপূর্বক মকরন্দোদ্যানে গমন করিলেন। সাগরিকাও সঙ্গে গিয়াছিলেন। রাণী ব্যস্ততাপ্রযুক্ত অগ্রে তাঁহাকে দেখিতে পান নাই। সেখানে গিয়া পূজার সকল আয়োজন হইয়াছে কি না যখন জিজ্ঞাসা করিলেন, তখন সাগরিকার নিকট তদ্বিষয়ের প্রত্যুত্তর শ্রবণ করাতে বিস্ময়াপন্ন হইয়া সোধেগচিতে কহিতে লাগিলেন “এ কি, এখানে সাগরিকা আসিয়াছে! আহ! আমার পরিজনেরা কি অসাবধান! যাঁহার দর্শন পথহইতে যত্নপূর্বক ইহাকে রক্ষা করিতেছিলাম, এখনই যে তাঁহারই দৃষ্টিগোচর হইয়াছিল। যাহা

হউক, এখনও রাজার আগমন হয় নাই, এই সময়ে কৌশলক্রমে ইহাকে গৃহে প্রেরণ করি”। পরে সাগরিকাকে সম্বোধন করিয়া কহিলেন; “সাগরিকে, তোমার কেমন বিবেচনা? মদনোৎসবে দাস দাসী সকলেই ব্যস্ত, তুমি আমার সাগরিকাকে কোথায় রাখিয়া আসিলে? যাও, এই পূজোপকরণ কাঞ্চনমালার হস্তে নিক্ষেপ করিয়া ত্বরায় অন্তঃপুরে গমন কর”।

সাগরিকা রাণীর আজ্ঞানুসারে উপকরণ ভাজন অন্যের হস্তে সমর্পণ পূর্বক তৎক্ষণাৎ অন্তঃপুরাভিমুখে প্রস্থান করিলেন, কিন্তু কতিপয় পদ গমন করিয়া মনে কহিতে লাগিলেন “এখানে অনঙ্গোৎসব কি প্রকারে হয় দেখিতে অতিশয় অভিলাষ আছে। পিতার ভবনে যজ্ঞপ মদন পূজা দেখিয়াছি এখানেও কি সেই রূপে হয়? যাহা হউক আমার প্রিয়সখী সুসজ্জতা অন্তঃপুরে আছেন, সারিকার তত্ত্বাবধারণ অবশ্যই করিবেন; আমি এখন যাইব না; এই স্থানে অলক্ষিতা হইয়া নিরীক্ষণ করি”। এই স্থির করিয়া কিসদুরে এক বৃক্ষের অন্তরালে দণ্ডায়মানা রহিলেন।

এদিকে মকরন্দোদ্যানে রাজা আসিয়া উপস্থিত হইলে বাসবদত্তা অনঙ্গপূজা সাজ করিয়া ভক্তার অর্চনা করিতে বসিলেন। সাগরিকা পূজার স্থলে রাজাকে দেখিয়া তাঁহার শরীর-সৌন্দর্য্য বিমুগ্ধা হওত মনে কহিতে লাগিলেন “এ কি? এখানে মূর্ত্তিমান রতিপতি পূজিত হন না কি? পিতার অন্তঃপুরে চিত্রগত কামদেবের পূজা হইতে দেখিয়াছি; এমন তো কখন দেখি নাই। আহা কি মনোহর রূপ! আমিও এই স্থলের তরুকুমুদ্বারা মূর্ত্তিমান এই মদনের পূজা করিয়া জন্ম সার্থক করি”। এই বলিয়া পুষ্পাবচয়ন পুরঃসর উদয়ন নরপতিকে রতিপতি জ্ঞান করিয়া তদু-

দেখে কুমুমাবকিরণ করিতে লাগিলেন। সেই সময়ে হঠাৎ স্তুতিপাঠকগণ রাজার বশোপ্ত বর্ণনপূর্বক উচ্চৈঃস্বরে কতিপয় শ্লোক পাঠ করিল। সাগরিকা এপর্য্যন্ত জানিতেন না কোন্ রাজার মহিষী-সন্নিধানে সখ্যভাবে কালযাপন করিতেছেন। ঐ শ্লোক শ্রবণে অবগত হইয়া বিস্ময় প্রকাশ পুরঃসর আপনা আপনি কহিতে লাগিলেন; “কি! ইনিই সেই উদয়ন নৃপতি! আমার পিতা ইহঁারই সহিত পরিণয়ার্থ আমাকে প্রেরণ করিয়াছিলেন? যাহা হউক আমার এই দেহ অকস্মৎ হইলেও অদ্য ইহঁার দর্শনে বহুমত হইল”। ফলতঃ তিনি রাজাকে নয়নগোচর করিয়াই মদনবাণে আহত হইয়া তদুত্তরিত্তে অনুরক্ত কেবল তাঁহার চিত্তায় প্রবৃত্ত হইলেন।

অনঙ্গপূজা সাজ হইলে রাজমহিষী এবং রাজা পরিজনগণ সমভিব্যাহারে স্ব ২ স্থানে প্রস্থান করিলেন। নরেন্দ্র নয়নপথের বহির্গত হইলে সাগরিকা সোধেগমনা হইয়া বিবেচনা করিলেন “এক্ষণে উদয়ন নৃপের অনুপম রূপ অনুরক্ত নিরীক্ষণ ব্যতিরেকে চিত্তবিনোদের উপায় দেখি না; অতএব কদলী কাননস্থ নিকুঞ্জ অতি নিভৃত স্থল, সেই স্থানে বসিয়া চিত্রফলকে রাজার মনোহর মূর্ত্তি চিত্রিত করি”। ইহা স্থির করিয়া তথায় গমন করত ঐ কার্য্যে অভিনিবিষ্টা হইলেন। কিয়ৎক্ষণ পরে তাঁহার প্রিয়সখী সুসজ্জতা সারিকা হস্তে করিয়া তাহার অন্বেষণ করিতে ২ সেই স্থানে আসিয়া উপস্থিতা হইল। সে দূরহইতে নিরীক্ষণ করিয়া মনে করিতেছিল “সাগরিকা গাঢ়ানুরাগে পরিপূর্ণমনা হইয়া চিত্রফলকে কি লিখিতেছেন? অন্য দিকে ইহঁার দৃষ্টিমাত্র নাই, যাহা হউক দৃষ্টিপথ পরিহার করিয়া দেখিতে হইল কাহার চিত্র করিতেছেন”। পরে সেই রূপ

করিয়া রাজার আকৃতি চিত্র করিতে দেখিয়া মহর্ষমনে আপনা আপনি কহিল “এ কি! সাগরিকা আমাদের স্বামিকে নয়নগোচর করিয়া তাঁহার প্রতি অনুরাগিণী হইয়াছেন না কি? আহা! হউক ২; অথবা না হইবে কেন? রাজহংসী কি রত্নাকর ত্যাগ করিয়া অন্যত্র প্রীতিমতী হয়?” সাগরিকা চিত্র লিখিয়া আনন্দজন্য বাস্পমলিলে সুন্দররূপে অবলোকন করিতে শক্ত হইতেছিলেন না, উর্দ্ধমুখী হইয়া যেমন অশ্রুমোচন করিবেন সুসজ্জতা নয়নপথে পতিতা হওয়াতে উত্তরীয় বসনদ্বারা চিত্রফলক আচ্ছাদন করত মহাস্য বদনে কহিলেন “এ কি প্রিয়সখী সুসজ্জতা, আইস ২, এখানে উপবেশন কর”। সুসজ্জতা আসন পরিগৃহণান্তর চিত্রফলক বলে গৃহণ করিয়া জিজ্ঞাসা করিল “সখি এ কাহার চিত্র লিখিলে?” সাগরিকা স্কপট বাক্যে কহিলেন “মদনোৎসব সময়ে ভগবান কামদেবের মূর্ত্তি চিত্রিত করিলাম”। সুসজ্জতা তুলিকা গৃহণপূর্বক তাহার পার্শ্বে সাগরিকার চিত্র করিয়া কহিলেন “সখি, দেখ, তুমি যেমন রতিপতির মূর্ত্তি লিখিয়াছ, আমি তেমনি রতি লিখিয়া দিলাম; এখন কেমন শোভা হইল”। তখন সাগরিকা আপনার রহস্য প্রকাশ করত সকল বিষয় বিজ্ঞাপন করিয়া কহিলেন “প্রিয়সখি এক্ষণে আশু কোন উপায় করিয়া দেও, নচেৎ প্রাণ রক্ষা সুকঠিন”।

এই সময়ে অকস্মাৎ একটা মহাকোলাহল উথিত হইল, সকলে যেন কহিতে লাগিল “সাবধান ২, একটা বানর শৃঙ্খল ভগ্ন করত অশ্বশালা হইতে উল্লঙ্ঘন করিয়া রাজমন্দিরে প্রবেশ করিয়াছে, তাহার ভয়ে অন্তঃপুরচারি ভৃত্যবর্গকে কোথায় পলাইতেছে নিদর্শন নাই”। সুসজ্জতা ঐ কলরব শ্রবণমাত্র শশব্যস্তা হইয়া ভয়ে



চিত্রকলক ও সারিকাকে সেই স্থানে নিক্ষেপ পূর্বক সাগরিকার হস্ত ধরিয়া বেগে অন্তঃপুরে প্রবেশ করিল।

অনন্তর রাজা বিদূষক সম্ভবিবাহারে উপবন বিহার মানসে সেই কাননের দিকে আগমন করিলেন। সে সময় সারিকা পঞ্জরহইতে বহির্গত হইয়া সমীপবর্তি বকুল বৃক্ষের শাখায় বসিয়া সাগরিকা ও সুসজ্জতার কথোপকথন পুনর্কল্পিত করিতেছিল। পক্ষির বাক্য কর্ণগোচর হওয়াতে রাজা বিদূষককে কহিলেন “বয়স্য স্তন দেখি, সারিকা কি কহিতেছে”। বিদূষক মনোযোগ পূর্বক কর্ণপাত করিয়া শ্রবণানন্তর নিবেদন করিলেন “মহারাজ, সারিকা কহিতেছে তুমি যেমন রতিপতি লিখিয়াছ আমি তেমনি রতি লিখিলাম”। রাজা বলিলেন “বোধ হর কোন কামিনী কামদেব ব্যপদেশে আপনার হৃদয়বল্লভকে চিত্রগত করিয়া অপহৃত করিয়াছিল, তাহার চতুরা সখী বৃষ্টিতে পারিয়া রতিচ্ছলে সেই স্থলে তাহাকে চিত্রিত করিয়া থাকিবে”। পরে সারিকার মুখহইতে অম্যান্য সমুদায় কথা শ্রবণ করিলেন, এবং কদলীকুঞ্জে প্রবেশ করিয়া তথায় চিত্রকলকও দেখিতে পাইলেন। রাজা চিত্রা-পিতা কামিনীর মনোহর রূপ অবলোকন করিয়া একেবারে মুগ্ধ হইলেন, এবং আপনার প্রতি তাঁহার অনুরাগ জানিয়া তদর্থ নানা প্রকারে অভিনায় প্রকাশ করিতে লাগিলেন।

কিয়ৎকাল পরে বানর-সঞ্জাত সন্তুম অপগত হইলে সুসজ্জতা সাগরিকার সহিত সারিকা ও চিত্রকলকের অন্ত্রেষণ করিতে পুনর্বার কদলীকাননে আগমন করিল; এবং দূরহইতে রাজার বাক্য শ্রবণ করিয়া আপনার বয়স্য সাগরিকাকে কহিল “সখি, বোধ হয়, তোমার মনোরথ অচিরে পূর্ণ হই-

বে, মনোযোগ পূর্বক শ্রবণ কর, রাজা চিত্রকলক প্রাপ্ত হইয়া চিত্রস্থা তোমার আকৃতি অবলোকন করত কেমন অনুরাগ প্রকাশ করিতেছেন; সারিকা ঐ স্থানে বৃক্ষোপরি বসিয়া আছে, বোধ করি, তাহার প্রমুখাৎ আমাদের সমুদায় কথোপকথন শ্রবণ করিয়া থাকিবেন”। তদনন্তর সুসজ্জতা কদলীগৃহের দিকে কিঞ্চিৎ পরিক্রম করিলে হঠাৎ রাজার নয়নপথে পতিতা হইল! রাজা তাহাকে দেখিয়া চিত্রকলক গোপনার্থ ব্যস্ত মনস্ত হওয়াতে সে কহিল “মহারাজ, শঙ্কার প্রয়োজন নাই; আমার প্রিয়সখী সাগরিকাই ঐ চিত্রস্থা হইয়াছেন। তাঁহার প্রতি আপনকার অনুরাগের কথা স্বকর্ণে শ্রবণ করিয়া পরম প্রীতি হইলাম। তিনি এই আসিয়াছেন, সন্মিলন হউক”। রাজা এই বাক্যে তৎক্ষণাৎ সাগরিকা সন্নিধানে গিয়া তাঁহার হস্তাবলম্বন পূর্বক বাক্যলাপ করিতে লাগিলেন। কিন্তু অবিলম্বে রাজমহিষী বাসবদত্তা সখী সম্ভবিবাহারে সেস্থানে আসিতেছেন, এমত বোধ হইল, এবং তাঁহার আগমন বার্তা শ্রবণে সাগরিকা সুসজ্জতার সহিত একান্তে লুক্কায়িতা হইলেন। রাজাও বিদূষক হস্তে চিত্রকলক সমর্পণ পূর্বক গোপন করিতে কহিয়া ক্ষুণ্ণমনে মহিষীর আগমন প্রতীক্ষা করিতে লাগিলেন। পরে রাণী স্বীয় সখী সঙ্গে আসিয়া উপস্থিতা হইলে তাঁহার সহিত সম্ভাষণে প্রবৃত্ত হইলেন। ইতিমধ্যে বিদূষকের বক্ষদেশ হইতে ঠৈবাৎ সেই চিত্রকলক ভূমিতে পতিত হইল; কাঞ্চনমালা সত্তর তাহা গৃহণ করত তন্মধ্যে রাজার ও সাগরিকার চিত্রিত মূর্তি দেখিয়া বাসবদত্তাকে দেখাইতে লাগিল তাহাতে রাজা মহাবিপদে পড়িলেন; নৃপাঙ্গনা সাতিশয় মানিনী হইয়া ক্রোধভরে চলিয়া গেলেন।

বাসবদত্তা মানবতী হইয়া গমন করিলেন বটে, কিন্তু রাজা তাঁহার অনুরাগ কোন যত্ন করিলেন না; সাগরিকার রূপ হৃদয়ে জাগরক হওয়াতে তদর্থই ব্যাকুল হইয়া বয়স্য বিদূষককে তাঁহার সহিত পুনর্বার সমাগমের উপায় চিন্তা করিতে নিযুক্ত করিলেন। বিদূষক কৌশলক্রমে সাগরিকার হৃদয়ঙ্গমা সহচরী সুসজ্জতার সহিত সাক্ষাৎ করিয়া তাহাকে কহিলেন “রাজা সাগরিকাবিরহে অত্যন্ত অসুস্থ হইতেছেন, অচিরে তাঁহাদের পুনর্বার মিলনের পস্থা কর। সুসজ্জতা কহিল “আমি রাণীর সকাশাৎ প্রসাদ স্বরূপ বসন ভূষণ প্রাপ্ত হইয়াছি, তদ্বারা সাগরিকাকে রাজমহিষীর স্বরূপিণী করিয়া এবং আপনি কাঞ্চনমালা বৈশাধারিণী হইয়া অদ্য সায়ংকালে প্রকাশ্য-রূপেই নৃপসমীপে গমন করিব”। বিদূষক রাজার নিকট প্রত্যাগমন পূর্বক এই সুসংবাদ জ্ঞাপন করিলে রাজা আনন্দপূর্ণ হইয়া দিবাবসান প্রতীক্ষা করিতে লাগিলেন।

বাসবদত্তার প্রিয়সখী কাঞ্চনমালা ঐ পরামর্শ অবগত হইয়াছিল; সে রাণীর নিকটে গিয়া সমুদায় বিবরণ জ্ঞাপন করিল তাহাতে রাজমহিষী মহাক্রুদ্ধা হইলেন, এবং সখীকে কহিলেন “চল, তাহারা না যাইতে ২ আমরা সঙ্কেত স্থানে গমন করি, রাজা আমাকে সাগরিকা জ্ঞান করিয়া কি প্রকার প্রেম প্রকাশ করেন বৃষ্টিতে পারিব”। এই স্থির করিয়া রাজ্ঞী দিবাবসান হইবামাত্র অবগুণ্ঠনবতী হইয়া কাঞ্চনমালা সম্ভবিবাহারে সঙ্কেতস্থলে প্রস্থান করিলেন। রাজা বাসবদত্তার বৈশাধারিণী সাগরিকার প্রতীক্ষা করিতেছিলেন, যথার্থ বাসবদত্তা আগতা হইলেন জানিতে না পারিয়া পরম প্রেমভাজন সাগরিকা জ্ঞানে মহাসমাদরে গৃহণ পুরঃসর নানা প্রকারে

প্ৰণয় প্রকাশ করিতে লাগিলেন, এবং তাঁহার প্রতি আপনার আন্তরিক অনুরাগ ও পরম প্রীতি প্রকাশ নিমিত্ত তাঁহার সাক্ষাতে স্বীয় মহিষী বাসবদত্তার নানা প্রকার বিমাননা করিলেন। বাসবদত্তা প্রিয়তমের মুখে পুনঃ ২ আপনার অপমান শ্রবণ করিয়া আর সহিষ্ণুতা করিতে পারিলেন না, কিয়ৎকাল পরে অবগুণ্ঠন উন্মোচন পূর্বক স্বরূপ প্রকাশ করিয়া মানভরে মহীপতিকে বিবিধ ভৎসন করিতে লাগিলেন। রাজা অপ্রতিভ হইয়া ক্ষণকাল স্তম্ভভাবে রহিলেন, পরে প্রিয়তমার প্রসন্নতা নিমিত্ত অনেক স্তুতি বিনীতি করিলেন, কিন্তু কোন প্রকারে কোপের উপশম হইল না, রাণী কষ্টা হইয়া সহচরী সম্ভবিবাহারে তৎক্ষণাৎ আপন আগারামুখে গমন করিলেন।

অনন্তর সাগরিকা কথিতানুসারে বাসবদত্তার বেশে আসিয়া অবগত হইলেন, রাজমহিষী সমুদায় রহস্য বিদিতা হইয়া কপটবেশে সঙ্কেত স্থানে আগমন পূর্বক রাজার সহিত বিবাদ করিয়া গিয়াছেন, অতএব দুই দিকে হতাশা হইয়া চিন্তা করিতে লাগিলেন “এক্ষণে কি করি, আত্মহত্যা ব্যতীত পরিত্রাণের উপায় দেখি না”। পরে সমীপস্থিত অশোকশাখায় লতাবন্ধনে উদ্বন্ধন পূর্বক প্রাণত্যাগ করিতে স্থির করিয়া লতাপাশে গলদেশ বন্ধন করিতে প্রবৃত্তা হন, ইত্যবসরে বিদূষক বাসবদত্তার অন্ত্রেষণ করিতে ২ তথায় আসিয়া উপস্থিত হইলেন, এবং রাণীই মানভরে উদ্বন্ধনে কলেবর ত্যাগ করিতেছেন এই ভাবিয়া তাঁহাকে তাদৃশ ব্যাপারান্তিত দেখিয়া চীৎকার পূর্বক রাজাকে আহ্বান করিতে লাগিলেন। রাজা আসিয়া উপস্থিত হইলে উভয়ে লতাবন্ধন মোচন করিয়া দিলেন। সাগরিকার রাজসন্দর্শন লাভে



যদিও মনোমধ্যে পুনর্বার জীবনাশা হইল, তথাপি আত্ম-অবস্থা বর্ণনা করত কাतर্য্য প্রকাশ করিতে লাগিলেন, এবং প্রাণ পরিত্যাগই তাঁহার পক্ষে শেষঃকল্প বলিয়া পুনর্বার লতা গৃহপূর্বক উদ্ধারনের উদ্যম করিলেন। রাজা এক্ষণে তাঁহাকে সাগরিকা জানিয়া তৎসমাগমে পুনর্বার আপনাকে মহাসুখী বোধ করত নানা প্রকার প্রিয় বচন প্রয়োগ পুরঃসর তাঁহাকে সান্ত্বনা করিতে লাগিলেন।

এদিকে বাসবদত্তা মানভরে ভূপতির অনুনয় অমান্য করিয়া গিয়া অবধি আপনা আপনি অনুতাপ করিতেছিলেন, শেষে সখীর সহিত পরামর্শ করিয়া রাজসমীপে গমন পূর্বক সন্তাব প্রকাশ করা কর্তব্য ইহা স্থির করিলেন, এবং তদনুসারে সখীর সহিত ঐ সময়েই পুনর্বার নৃপ সন্নিধানে আসিয়া উপস্থিত হইলেন, কিন্তু এবার স্বচক্ষে নিরীক্ষণ করিলেন সাগরিকার সহিত রাজা নানা বিধ কৌতুক ও প্রণয়লাপ করিতেছেন, তাহাতে পুনশ্চ রোষ পরবশ হইয়া রাজার প্রতি যথোচিত অনুযোগ বাক্য প্রয়োগ করিলেন। পরে সাগরিকার হস্তাকর্ষণ পুরঃসর বলদ্বারা তাঁহাকে রাজার পার্শ্বহইতে লইয়া গিয়া এমত স্থানে অবরুদ্ধ করিয়া রাখিলেন যে কেহই তাঁহার আর কোন সন্ধান পাইল না।

সাগরিকার অদর্শনে অনুদিন রাজার বিরহ বেদনা প্রবলা হইল, এবং সুসঙ্গতা শোকসাগরে মগ্ন হইয়া নিরন্তর কেবল বিলাপে কালযাপন করিতে লাগিল। বিদূষক বিবিধ প্রবোধ বচনে রাজাকে সান্ত্বনা করিতেন, কিন্তু কোনমতেই রাজার ধৈর্য্য হইত না। তদনন্তর কিয়দিন গতে কোশলা নগরীহইতে দূত প্রত্যাগমন করিয়া যুদ্ধ জয়ের বিবরণ রাজার সুগোচর করিল তাহাতে

বিষয় কর্মে মনোনিবেশ হওয়াতে সাগরিকা নিমিত্ত ভূপতির উদ্বেগ কিয়ৎপরিমাণে খর্ব হইতে লাগিল। ঐ সময়ে বাসবদত্তার পিতৃদেশহইতে এক জন ঐন্দুজালিক তথায় আসিয়া উপস্থিত হইয়াছিল। রাজা কিঞ্চিৎ সূত্রের হইলে রাণী স্বীয় সহচরীদ্বারা তাঁহাকে বিজ্ঞাপন করিলেন, এক জন বিখ্যাত ঐন্দুজালিক সমাগত হইয়াছে, তাহার যাদু অতিশয় মনোহর ও পরম কৌতুকবহু। নৃপতি রাণীর প্রার্থনায় আপনিও ঐন্দুজালিকী ক্রিয়া দর্শনার্থ কৌতুকলাভিত হইয়া সেই ঐন্দুজালিককে রাজপুরীমধ্যে আনাইতে আজ্ঞা প্রদান করিলেন। সে নৃপসন্নিধানে উপনীত হইয়া অশেষ প্রকারে আপনার বিদ্যাবুদ্ধির ব্যাখ্যা করিল। রাজা সপরিবারে তাহার যাদু দর্শন করিতে মানস করিয়া সেই স্থানের এক দেশ বিজন করত আপনার মহিষী এবং অন্যান্য অন্তঃপুর-চারিণীগণকে তথায় আনাইলেন। পরে ঐন্দুজালিক রাজাদেশে বহুবিধ ঐন্দুজাল প্রদর্শন করাইতে আরম্ভ করিল।

রাজা ঐন্দুজালিক দর্শন করিতেছেন ইত্যবসরে দ্বারী আসিয়া সংবাদ দিল, মহারাজ সিংহলদ্বীপস্থ দুই ব্যক্তি আসিয়া দ্বারে উপস্থিত হইয়াছেন; তাহাতে নৃপতি ঐন্দুজালিক ক্রিয়া স্থগিত করিতে আজ্ঞা করিয়া তাহাদিগকে প্রবেশ করাইতে আদেশ করিলেন। ঐন্দুজালিক ঐ সময়ে স্বীয় বিদ্যাপ্রভাবে যে স্থানে বাসবদত্তা সাগরিকাকে অবরুদ্ধ করিয়া রাখিয়াছিলেন সেই স্থানে মায়াগ্নির উদ্দীপন করাতে তত্রস্থ গৃহ দগ্ধ হইতেছিল। ঐ দুই ব্যক্তি লোকমুখে সেই গৃহ দাহে সাগরিকার দাহ হইবার জনরব শ্রবণ করিয়াছিল। রাজসমীপে আগমনান্তর সস্তাষণের পর ঐ সংবাদ রাজার কর্ণগোচর করাতে

রাজা সাগরিকার প্রাণ রক্ষার্থ আপনি গিয়া সেই অনলমধ্যে প্রবেশ করিলেন। তাঁহার সঙ্গে রাজমহিষী ও অম্মাত্য প্রভৃতি সকলেই গমন করিল। কিন্তু অনতিবিলম্বে মায়াগ্নি অপগত হইল। পরে সিংহলেশ্বর-প্রেরিত ব্যক্তিরাজাকে সাগরিকার পরিচয় দিয়া তদ্বিবরণ বাসবদত্তাকেও কহিলেন। তখন বাসবদত্তা রত্নাবলীকে আত্ম-মাতুলপুত্রীরূপে ভগিনী জানিয়া তাহার প্রতি নিষ্ঠুরতাচরণ নিমিত্ত অনুতাপ করিতে লাগিলেন, এবং সাতিশয় সুহ প্রকাশ পূর্বক স্বয়ং উদ্যোগিনী হইয়া তাঁহার সহিত আপন স্বামি উদয়ন নরপতির পরিণয় নির্বাহ করিয়া দিলেন। তাহাতে রত্নাবলী এবং কোশাশ্বীশ্বর উভয়েই পরমসুখে শেষকাল যাপন করিলেন; বিশেষতঃ উদয়ননরেন্দু সিদ্ধাদেশানুসারে অখণ্ড ভ্রমণলের একাধিপত্য প্রাপ্ত হইলেন।

\*\*

### দিল্লী নগরের বৃত্তান্ত।


ইন্দু বংশাবতংস পাণ্ডবজ্যেষ্ঠের ইতিহাস সর্বত্রই প্রচার আছে। হিন্দু মাত্রে ইন্দুপ্রস্থের ঐশ্বর্য্য, যুধিষ্ঠিরের রাজসভা, রাজসুয় যজ্ঞের সমারোহ, ইত্যাদি বিষয়ের সকল বিবরণ সর্বতোভাবে বিদিত আছেন। কাহারও পক্ষে পাণ্ডব-রাজপাট অপরিজ্ঞাত নহে। তত্রত্য সম্পত্তির অনুভব করিতে হইলে অনেকের মন একেবারে শূন্য হইয়া পড়ে, এবং তদর্থই কেহ তাহা অলীক—কবির অতুষ্কি—বোধ করেন। কিন্তু সেই সন্দেহচিন্তেরা ইন্দুপ্রস্থের ধ্বংসাবশেষও দেখেন নাই। নব্য দিল্লী নগরের কিয়দংশে ও তৎপশ্চিমে ৪১৫ ক্রোশ স্থান ব্যাপিয়া যে সকল প্রস্তরময় অট্টালিকাদির খণ্ডাবশেষ

পড়িয়া আছে তাহা দেখিলে পর ইন্দুপ্রস্থের ঐশ্বর্য্য বিষয়ে কাহারও সন্দেহ থাকে না। ঐ সকল অট্টালিকা নব্যাবস্থায় কীদৃশ চমৎকার ও সৌন্দর্য্যময় ছিল তাহা অধুনা বর্ণনা করা অসম্ভব; তাহার একই অট্টালিকার আধুনিকী অবস্থার যথাযোগ্য বর্ণনায় বিবিধার্থের একই খণ্ড পরিপূর্ণ হইতে পারে। ঐ সকল অট্টালিকা কোন সময়ে বিনষ্ট হইয়াছিল তাহার নিশ্চয় বিবরণ প্রচারিত নাই।

পুরাণাদির আলোচনায় বোধ হয়, যুধিষ্ঠিরের সমকাল হইতে বিক্রমাদিত্যের রাজ্যকালের ৪০০ বৎসর পূর্ব পর্য্যন্ত ইন্দুপ্রস্থ তারতবর্ষের রাজপাটরূপে গণ্য ছিল। তদনন্তর ক্রমশঃ ইহার শ্রী ভুগু হইল। বিক্রমাদিত্যের কিঞ্চিৎপূর্বে ইন্দুপ্রস্থে রাজপাল নামা এক রাজা ছিলেন। তিনি কিমায়ূন পর্বতের শুকবস্ত নামা রাজার বিরুদ্ধে যুদ্ধযাত্রা করত তৎকর্তৃক রাজ্যচ্যুত হইয়া বিনষ্ট হন; শুকবস্ত ইন্দুপ্রস্থের সাম্রাজ্য গৃহণ করেন। তৎসময়ে ঐ নগরীর তাদৃশী সম্পত্তি ছিল না; প্রায় সকলই বিনষ্ট হইয়াছিল; অবশিষ্ট যৎকিঞ্চিৎ রাজা বিক্রমাদিত্য অপহরণ করিয়া নগরীকে একেবারে শ্রীভুগু করেন। তদবধি ৮০০ বৎসর কাল ইন্দুপ্রস্থের কি অবস্থা ছিল তাহার কোন ইতিহাস পাওয়া যায় না। “কোতব-মিনার” নামক জয়স্তম্ভের স্নিকটবর্তি এক লৌহ-স্তম্ভে যে বিবরণ খোদিত আছে তদৃষ্টে বোধ হয়, সংবৎ ৪৪০ অব্দে ইন্দুপ্রস্থে ধার নামে এক বীর্যবান রাজা হন। কিন্তু তিনি চক্রবর্তি মধ্যে গণ্য হন নাই, এবং তাঁহার কোন বিশেষ বিবরণও প্রচারিত নাই।

৮০০ সংবতে তুয়ার বংশীয় মহারাজদিগের জয়পতাকা ইন্দুপ্রস্থে উড়ায়মানা হয়; এবং রাজপুত্রদি-





দিল্লী নগরের চাঁদনিচক।

গের সিংহনাদে ইন্দুপুস্ত্রের শত্রু-দল একেবারে মিয়-মাণ হয়। তদবধি পাঠান জাতীয় রাজাদিগের রাজ্যকাল পর্যন্ত এই প্রাচীন বিখ্যাত নগরী সর্বতোভাবে সমৃদ্ধা হইয়া পৃথিবীর অদ্বিতীয় রাজপাটরূপে গণ্য হইয়াছিল। তৎকালে তাহার তুল্য নগরী পৃথিবীর আর কুত্রাপি ছিল না। ধন, মান, বল, বীর্য, বিক্রম, শিল্প, সৌজন্য প্রভৃতি সর্ব-ঙ্গে ইন্দুপুস্ত্র দেবরাজের যোগ্যই ছিল। তৎসময়ে বোধ হইত যেন এই বর্জিসুহানগরী চিরকাল স-র্বাঙ্গুগণ্য থাকিবে; ইহার সম্পত্তি কদাপি ধ্বংস হইবার নহে; কিন্তু “কালো হি বলবত্তরঃ”! কালের করাল গুণে সকলকেই পড়িতে হয়, কা-হারও নিস্তার নাই। কাল একশ্বে ক্ষণমাত্রের নিমিত্তে বিরাম করে না। কি ধন, কি মান, কি অদ্বিতীয় মহাবল পরাক্রান্ত যোদ্ধা, কি অনঙ্কমোহিনীর অনির্ঘচনীয় লাবণ্য, কি অপূর্ব অট্টালিকা, কি সম্পত্তি-সম্পন্ন জনসমূহ-সমা-কীর্ণ নগর, সকলই তাহার জঠরানলে অনুক্ষণ পত-ঙ্গবৎ পতিত হইতেছে। স্বয়ং পৃথিবীও কোন সম-য়ে ঐ সর্বসংহারকের গুণসাংশ হইবে ইহাও সম্ভব হয়। অধুনা ইন্দুপুস্ত্র সেই ভয়ঙ্কর কাল-কর্তৃক নিগলিত হইয়াছে; কেবল কএক ক্রোশ স্থান ব্যাপিয়া প্রাচীন অট্টালিকার ইষ্টক ও প্রস্তর স্তূপ ইন্দুপুস্ত্রের সাক্ষিস্বরূপ বর্তমান আছে; তন্মিত্ত তাহার আর কিছু মাত্র অবশিষ্ট নাই। কিন্তু মহতের ধ্বংসাবশেষও আশ্চর্য জনক হয়। প্রধান পাদরি হিবর সাহেব এই ধ্বংসাবশেষ দৃষ্টে কহিয়াছিলেন, “লণ্ডন নগর ধ্বংস হইলে ইহার তুল্য হইবে না”।

ইন্দুপুস্ত্রের অপর নাম “দিল্লী।” কিংবদন্তী আছে, দিলীপ রাজার নাম হইতে ঐ শব্দ উৎপন্ন হইয়াছে। কেহ ২ কহে যে ২১০০ বৎসর

প্রাচীন দেহলু রাজার নামই দিল্লীর আদি শব্দ। অপর মুসলমানদিগের মধ্যে প্রবাদ আছে, দিল্লী শব্দ কোমল অদৃঢ় মৃত্তিকা জ্ঞাপক “দহলু” শব্দজাত। গজননাধিপতি মহম্মদ পাদশাহ ইন্দু-পুস্ত্রে আগমন সময়ে তত্রত্য মৃত্তিকার অদৃঢ়তা-প্রযুক্ত শিবির সংস্থাপনে কৌশ পাইয়া নগরের নাম “দহলী” রাখিয়াছিলেন; তাহার অপভ্রংশে দিল্লী হইয়াছে। কিন্তু সে প্রবাদ মিথ্যা; কারণ ভারতবর্ষে মুসলমানদিগের আগমনের পূর্বা-বধি দিল্লী শব্দ প্রসিদ্ধ আছে।

১৬৮৬ সন্বতে মোগলবংশজাত শাহ-জহান পাদশাহ প্রাচীন দিল্লী নগরীর সন্নিহিতে যমুনা-নদী-তটে এক নগর স্থাপন করত “শাহ জহানা-বাদ” নামে বিখ্যাত করেন, এবং দিল্লী নগরের সমস্ত প্রজাদিগকে তথায় আনয়ন করেন। তদা-রায় প্রাচীন দিল্লী একেবারে উৎসন্ন হয়, এবং শাহ-জহান কৃত নগর দিল্লী নামে বিখ্যাত হয়।

নূতন দিল্লী নগরী যমুনার পশ্চিম পার্শ্বে এক বিশাল বালুকাক্ষেত্রের মধ্যস্থ পার্শ্বত ভূম্যু-পরিষ্টিত। ইহা কলিকাতা হইতে ৮৮০ জ্যোতিষি ক্রোশ অন্তর। ইহার চতুর্দিকে এক সুদৃঢ় প্রা-চীর আছে। প্রসিদ্ধ পাদরি হিবর সাহেব কহেন যে ঐ প্রাচীরের মধ্যে ২ প্রস্তর নির্মিত যে সপ্ত তোরণ \* আছে তন্মূল্য সুনজ্জ বৃহৎ দ্বার আর কুত্রাপি নাই। ঐ সপ্তদ্বারের নাম যথা, ১ লাহোর-দ্বার, ২ আজমীর-দ্বার, ৩ তখোমান-দ্বার, ৪ দিল্লী-দ্বার, ৫ মোহর-দ্বার, ৬ কাবুল-দ্বার, ৭ কাশ্মীর-দ্বার। এই দ্বার সপ্তদ্বারা নগরীর সর্বত্র গমনা-গমন করা যাইতে পারে; কিন্তু পথ-সকল প্রশস্ত নহে। কেবল রাজবাটীহইতে দিল্লীদ্বার ও লাহো-

\* নগরদ্বার বা বাটীর প্রধান দ্বারকে তোরণ শব্দে কহে।



রদ্বার পর্যন্ত যে রাজমার্গদ্বয় আছে, তাহা সুবিস্তীর্ণ ও সুরম্য বটে। দিল্লীদ্বারাভিমুখমার্গ মধ্যে এক জন-পরিখা আছে; তাহাইহতে ঐ মার্গ-নিবাসি ব্যক্তির স্বয়ং ব্যবহারোপযোগ্য জন প্রাপ্ত হয়। অপর দিল্লী নগরের “চাঁদনি চোক” নামক প্রধান বাজার এই মার্গে স্থিত, এবং ইহার উভয় পার্শ্বে অনেক সুচাক অট্টালিকা থাকাতে ঐ মার্গ অত্যন্ত মনোহর বোধ হয়। ২৪ পত্র যে চিত্র মুদ্রিত করা গিয়াছে তাহাতে উক্ত মার্গের অবয়ব ও তন্মধ্যস্থ জন পরিখা বিলক্ষণ প্রতীত হইবেক।

ঐ চোকের পণ্যশালায় নানাবিধ উত্তম ২ দুব্য বিক্রয়ার্থ প্রসারিত থাকে। তথায় কাশ্মীরদেশীয় শাল, কাবুলদেশীয় দাড়িষাদি উপাদেয় কল, ঢাকার মলমল, চীনদেশের সাটিন, ও বিলাতি কাচের বাসন, সকল বস্তুই প্রচুররূপে প্রাপ্ত হওয়া যায়। বহুমূল্য প্রস্তরও ঐ নগরীতে অনেক আছে, এবং বিদরির তৈজস অতি সুন্দররূপে প্রস্তুত হইয়া থাকে। অপর ঐ নগরীতে অনেক ধনাঢ্য ব্যক্তির সমাগম থাকাতে পথ সকল সর্বদা হস্ত্যশ্ব-উষ্ট্রাদি দ্বারা সমাকর্ণ থাকে, এবং তৎস্বামিদিগের প্রয়োজনীয় বস্তুর ক্রয়বিক্রয়ে বাণিজ্যের সম্যক প্রাচুর্য হয়।

নতন দিল্লীতে যে সকল উত্তম অট্টালিকা

আছে তন্মধ্যে শাহ জহান্ পাদশাহের “মালি-মার” নামক উদ্যান অতি প্রসিদ্ধ; তাহার নি-র্মাণে এক কোটি মুদ্রা ব্যয় হইয়াছিল। কুদ-সিয়া নামী রাজার উদ্যানস্থ ভবন, এবং সাদৎ খাঁর বাটী ও রাজকুমার দারাশেকোর বাটী ও বিশেষ বিখ্যাত।

অপর তত্রত্য মসজিদ সকলও অতি সুন্দর, এবং তন্মধ্যে “জমা মসজিদ” নামক সাধারণের উপাসনা স্থান সর্বাপেক্ষায় বৃহৎ। তাহাতে এক কালে বহু সহস্র মনুষ্য অনায়াসে উপাসনা করিতে পারে। ঐ মসজিদ শাহজহান্ পাদশাহের রাজ্যকালীন ১০ লক্ষ মুদ্রা ব্যয়ে নির্মিত হইয়া-ছিল। ইহার সন্নিকটে বিখ্যাত রাজ মন্ত্রী রৌসনু-দৌলার এক মসজিদ আছে। তাহা জমা মস-জিদের ন্যায় বৃহৎ নহে; কিন্তু তৎতুল্য সুচাক-গঠিত বটে। ১৭২৪ সংবতে পারস্য দেশের অধি-পতি নাদর শাহ দিল্লীনগর জয় করত এই মসজিদের অলিন্দে উপবেশন করত আপন সম্মুখে তত্রত্য সমস্ত প্রজাগণের মুগ্ধচ্ছদ করান। তদবধি এই মসজিদের সন্নিকটে প্রজার বসতি হয় নাই। দিল্লী নগরী ৩৬ পল্লীতে বিভক্ত; এবং ঐ সকল পল্লীর প্রত্যেকতে বহুল সুচাক অট্টালিকা ও মসজিদ থাকায় নগরের সর্বত্র অভিমনোহর বোধ হয়।



## বিবিধার্থ-সঙ্গ্রহ,


অর্থাৎ

পুরাতত্ত্ব-ইতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

২ পর্ব]

শকাব্দ ১৭৭৪, বৈশাখ।

[১৭ খণ্ড।



সালসেট্ দ্বীপ।

**বি**বিধার্থ-সঙ্গ্রহের পঞ্চদশ সঙ্খ্যায় ইলোরার গুহা প্রসঙ্গে সালসেট্ দ্বীপস্থ গুহার উল্লেখ হইয়াছে। অধুনা তাহার যৎকিঞ্চিৎ বর্ণন করা অভিপ্রেত।

ভারতবর্ষের পশ্চিম পার্শ্বে আরব্য সমুদ্রের পূর্ব তটে কয়েকটি ক্ষুদ্র উপদ্বীপ আছে। তন্মধ্যে একটার নাম বোম্বাই দ্বীপ। মহারাষ্ট্রীয়েরা তাহাকে “মুম্বই” শব্দেও কহে। ভারতবর্ষের পশ্চিম প্রদেশে ইংরাজদিগের যে সমস্ত

অধিকার আছে তাহার কর্মকর্তা (গবর্নর সা-হেব) ঐ দ্বীপে বাস করেন, সুতরাং তাহা রাজপাট বলিয়া গণ্য হইয়াছে। ঐ স্থলে এক সুচাক দুর্গও আছে। বাণিজ্য বিষয়ে এই দ্বীপ অতি প্রসিদ্ধ, এবং ইহাতে পণ্য-প্রিয় অনেক পারসি জাতীয় ধনাঢ্য বণিকেরা বসতি করিয়া থাকে।

এই দ্বীপের উত্তর পার্শ্বে অপর এক দ্বীপ আছে। তাহার নাম সালসেট্ দ্বীপ। পূর্বোল্লিখিত দ্বীপ-ব্যূহের মধ্যে এই দ্বীপ সর্বাপেক্ষায় বৃহৎ। ইহার দৈর্ঘ্য-পরিমাণ ৮ কোশ; প্রস্থ পরিমাণ ৫ কোশ;



এবং চতুরসু ৪০ ক্রোশ। ১৮-৩৩ সংবতে ইংরাজ রাজপুরুষদিগের আজ্ঞায় সালসেট ও বোম্বাই দ্বীপ মধ্যস্থ সমুদ্রসঙ্কটোপরি এক সেতু নির্মিত হয়, তাহাতে সালসেট দ্বীপ-বাসিদিগের অনেক উপকার হইয়াছে; কিন্তু ঐ সেতু সুদৃঢ় ও সুপ্রশস্ত না হওয়াতে যানবাহনাদির গমনাগমনে ক্লেশ হয়। তন্মোচনার্থে অধুনা সে স্থলে এক লৌহ-পথ নির্মিত হইতেছে তাহা প্রস্তুত হইলে বোম্বাই হইতে টানা নগরের গমনাগমনের বিশেষ সুবিধা হইবে।

সালসেট দ্বীপের অধিকাংশই পর্বতে পরিপূর্ণ, এবং তাহার কোন ২ শিখর প্রকৃষ্ট উচ্চও বটে। ঐ পর্বতের সমুদ্রাংশ তরুণলো সমাকীর্ণ—শৃঙ্গাগু পর্যন্ত সকল স্থানেই নিবিড় বন—সুতরাং তাহা অনেক ব্যাঘ্র ভল্লুক বানর কুক্কুটাদির নিবাস-স্থল হইয়াছে। মধ্য ২ অসভ্য বন্য জাতীয় মনুষ্যদিগেরও আবাস আছে। তাহারা বন দখল করিয়া অঙ্গার প্রস্তুত করত তাহা হিন্দু প্রজাদিগের আবাস-নিকটে রাখিয়া যায়; এবং ঐ হিন্দুরা সেই অঙ্গার লইয়া তাহার মূল্যস্বরূপে নির্দিষ্ট পরিমাণে তণ্ডুল, বস্ত্র, লৌহাস্ত্র ও অন্যান্য প্রয়োজনীয় বস্তু তথায় রাখিয়া দেয়। যে সময়ে হিন্দুরা উপস্থিত না থাকে তখন ঐ অসভ্যরা তথায় পুনরায় আসিয়া ঐ দ্রব্যাদি লইয়া যায়; কিন্তু বিনিময়ীভূত বস্তু উপযুক্ত পরিমাণে না পাইলে তথায় পুনরায় অঙ্গার আনয়ন করে না। এই প্রকার বাণিজ্য ব্যতীত হিন্দুদিগের সহিত ঐ অসভ্যদিগের অন্য কোন সংস্বব নাই; ফলতঃ যে স্থলে বাক্যালাপের বৈমুখ্য সেখানে অন্য সংস্ববের সম্ভাবনা কি?

পূর্বোক্ত পর্বত সকলের মধ্যগত নিম্ন ভূমি অর্থাৎ উপত্যকা সকল অতীব উর্বরা; এবং তা-

হাতে নানাবিধ উত্তম দ্রব্য উৎপন্ন হইয়া থাকে। ঐ সকল স্থানে হিন্দু প্রজাদিগের বসতি আছে; এবং মধ্য ২ পর্টুগিসদিগের জাতিসঙ্কর সম্ভূতিও অনেক আছে। এই পর্টুগিস সম্ভানদিগের জাতি যে প্রকার সঙ্কীর্ণ, তাহাদিগের ধর্ম ও তদ্রূপ—হিন্দু ও খ্রীষ্টীয় ধর্মে মিশ্রিত।

সালসেট দ্বীপস্থ নগর সকলের মধ্যে টানা এবং ঘোরবন্দর নগর-দ্বয়ই প্রসিদ্ধ; এবং অধুনা তাহাদিগের ক্রমশঃ শ্রীবৃদ্ধি হইতেছে। পরন্তু এই সকল নগরাদির নিমিত্তে সালসেট খ্যাতি-প্রাপন্ন নহে; ইহাতে যে সকল গুহা আছে তাহাই ইহার বিখ্যাতির প্রধান কারণ। ইলোরার গুহা সকল যে প্রকারে পর্বত খননদ্বারা প্রস্তুত হইয়াছে, প্রস্তাবিত গুহা সকলও তদ্রূপে নির্মিত; ইহার কোন অংশ ইষ্টকাঁদিদ্বারা গুথিত নহে। পূর্বে বর্ণিত হইয়াছে ইলোরাস্থ গুহা-সকলের কিয়দংশ হিন্দু দেবতাদিগের মূর্তি স্থাপনার্থে ও অপর কিয়দংশ বুদ্ধ দেবের পূজার্থে নির্মিত হইয়াছে; প্রস্তাবিত দ্বীপস্থ গুহা বিষয়েও সেই বাক্য বক্তব্য।

ঐ গুহা-সকল দ্বীপের অনেক স্থানে আছে। দ্বীপমধ্যস্থ আঞ্চলি গ্রামের এক ক্রোশ অন্তরে কতক গুলিন গুহা আছে; তাহাদিগের নাম “যোগেশ্বর গুহা”। ঐ গুহা-সকল তদুর্ভুক্তি-ভূম্যপেক্ষায় নিম্ন ভূমিতে স্থিত, সুতরাং তাহাতে গমনের পথ ক্রমশঃ ঢালু হইয়াছে; এবং তাহা প্রকাণ্ড বট-বৃক্ষদ্বারা আচ্ছাদিত হওয়াতে অতি সুরম্য বোধ হয়। গুহার পশ্চিম পার্শ্বে ৮ টি সোপান আছে; তদ্বারা পুরোবর্তি গুহার দ্বার-গৃহে \* উপনীত হওয়া যায়। পূর্বে ঐ দ্বারগৃহের প্রাচীরে অনেক মূর্তি খোদিত

\*বাটার প্রধান দ্বার প্রবেশ মাত্রই যে গৃহে উপনীত হওয়াবার তাহার নাম “দ্বারগৃহ”।

ছিল; কিন্তু বৃষ্টিদ্বারা অধুনা তাহা লুপ্ত হইয়াছে; কেবল দ্বার প্রান্তে যৎকিঞ্চিৎ অবশিষ্ট আছে। দ্বারগৃহের অব্যবহিত-পারেই এক চতুষ্কোণাকার বৃহৎ গৃহ দৃষ্ট হয়; তাহার দৈর্ঘ্য ও প্রস্থ পরিমাণ তুল্য; উভয় দিগেই ৮০ হস্ত। তাহার উর্দ্ধ পরিমাণ ১০ হস্ত। ইলোরার গুহা-সকলেতে যে প্রকার স্তম্ভ আছে, তদ্রূপ বিংশতি স্তম্ভদ্বারা প্রস্তাবিত গৃহের মধ্যভাগে এক ষোড়শ হস্ত পরিমিত গৃহ প্রস্তুত হইয়াছে, এবং তন্মধ্যে এক শিবলিঙ্গ প্রতিষ্ঠিত আছে। গুহার দক্ষিণ প্রাচীরের বহিঃপৃষ্ঠে বিবিধ অবয়বে খোদিত; এবং তৎ সমুদায় এক প্রশস্ত বারাগুয় আচ্ছাদিত। ইহার চতুষ্পার্শ্বে অনেক ক্ষুদ্র ২ গৃহ আছে; ঐ গুহা সকল উপাসকদিগের বাসস্থান ছিল; তাহাতে কদাপি দেবমূর্তি প্রতিষ্ঠিত ছিল, এমত বোধ হয় না।

উক্ত গুহার কিয়দূর অন্তরে মাগাতানি গ্রামের এক ক্রোশ উত্তর-পশ্চিমে অপর এক বৃহৎ গুহা আছে। পূর্বকালে তাহা নানাবিধ প্রস্তর খোদিত পুস্তলিকায় সুসজ্জীভূত ছিল; কিন্তু তিন শত বৎসর হইল সালসেট দ্বীপ পোর্টুগিস জাতীয়দিগের অধীন হওয়াতে তৎকর্তৃক ঐ পুস্তলিকা-সকল বিনষ্ট হইয়াছে; এবং পর্টুগিসদিগের ঐ অকীর্তির সাক্ষ্যস্বরূপ অধুনা ঐ গুহার উপরি এক গির্জা নামক উপাসনা ঘর বর্তমান আছে; পরন্তু সেই গির্জা এক্ষণে সৌভাগ্য সম্পন্ন নহে; উপাসকেরা ও বিভ্রাভাবে সম্যগ্ৰূপে শ্রীভুষ্ট হইয়াছে; বৌদ্ধদিগের গুহা ও পোর্টুগিসদিগের গির্জা, উভয়েই সমভাবাপন্ন, এবং ত্রায় বিলুপ্ত হইবার প্রাগ-বস্থা-প্রাপ্ত হইয়াছে। গির্জা সংস্থাপকের নামহইতে এই গুহা “মণ্টপিজির” নামে বিখ্যাত।

মণ্টপিজির গুহার পূর্ব দক্ষিণ কোণে ৫ ক্রোশ অন্তরে অপর কএক গুহা আছে। তাহা “কে-

নেরি” নামক এক ক্ষুদ্র গ্রামে স্থিত। ঐ গ্রাম বোম্বাই দ্বীপস্থ দুর্গ হইতে ১০ ক্রোশ অন্তর। যে পর্বতে এই গুহা-সকল খোদিত হইয়াছে তাহার সর্বাংশ অতি সুচাকবৃক্ষরাজিতে সুশোভিত; এবং তদ্বারা ঐ গুহা-সকল সম্পূর্ণরূপে আচ্ছন্ন থাকে; সুতরাং দূরহইতে কাহারও দৃষ্টিগোচর হয় না; এবং দর্শকদিগের পক্ষে ব্যাঘ্রাদি হিংসু পশুর ভয়ও বৃদ্ধি হয়। ষোড়শশত বর্ষ পূর্বে ফাহিয়ন্ নামা চীনদেশীয় জনৈক তীর্থযাত্রী কেনেরির গুহা দর্শন করণানন্তর তাহার বিবরণ স্বকীয় ভ্রমণ বৃত্তান্ত গ্রন্থে লিখিয়াছেন; তৎপাঠে বোধ হয় পূর্বে এই গুহা ছয় তল ছিল; অধুনা তাহার তিন তল মাত্র অবশিষ্ট আছে।

গুহার সম্মুখে উপনীত হইলেই দুই বিশাল স্তম্ভ এবং এক গোপূর দৃষ্ট হয়। ঐ গোপূরের পশ্চাতে ২০ হস্ত দীর্ঘ ও ৮ হস্ত প্রস্থ দুই গৃহ আছে; এবং তৎপশ্চাতে ১৮ হস্ত পরিমিত অপর এক গৃহ; কিন্তু “বোধ হয়” তাহা কদাপি সম্পূর্ণ হয় নাই। এই গৃহহইতে এক অসম পথদ্বারা অপর এক গুহার উপনীত হওয়া যায়। পথিমধ্যে অর্দ্ধ-গোলাকার দুই প্রস্তর স্তূপ আছে। বৌদ্ধ ধর্মাবলম্বির তাহাকে “দেহ গোপ” শব্দে কহে; কারণ ঐ পাষাণ-স্তূপমধ্যে তাহাদিগের সিদ্ধ পুরুষদিগের শরীরাবশেষ রক্ষিত হয়। কয়েক বর্ষ হইল বোম্বাই দেশবাসী বর্ড সাহেব ঐ স্তূপ খনন করাইয়া তাহার মূলহইতে এক রৌপ্য কোটায় কিঞ্চিৎ ভস্ম, এবং এক প্রস্তর গহ্বর মধ্যে দুই তাম্বু কোটায় কিঞ্চিৎ ভস্ম, এক খণ্ড চূনি, এক মুক্তা, কয়েক খণ্ড স্বর্ণ, এবং এক সুবর্ণ কোটায় এক খণ্ড বস্ত্র, প্রাপ্ত হইয়াছিলেন। তাম্বু কোটার সন্নিকটে পালি \* অক্ষরে

\* প্রথম পর্বের ৩০ পত্রে এই অক্ষর মুদ্রিত করা গিয়াছে।



বীজক খোদিত দুই খণ্ড তাম্র পত্র ছিল। ঐ বীজক পাঠে ব্যক্ত হইয়াছে যে কোটাশ্ব ভাস্কর বৌদ্ধদিগের জর্নৈক নিদ্ধ পুস্তকের দেহাবশেষ। তাহাতে নিম্ন লিখিত বৌদ্ধ বীজমন্ত্রও ছিল। ঐ মন্ত্র যথা,

“যে ধর্মাহেতু প্রভবাস্তেষাং হেতুস্তথাগতঃ।

সুবাচ তেষাং নিরোধ এবং বাদী মহাসুবর্ণঃ” ॥

(অর্থ) “যে সকল ধর্ম্য পদার্থ উৎপন্ন হইয়াছে তৎসমুদয়ের আদিকারণ তথাগত কহিয়াছেন; তাহার ধ্বংসের কারণও মহাসুবর্ণ (অর্থাৎ বুদ্ধদেব) কহিয়াছেন”। এই বীজ-মন্ত্রের স্থানে ২ পাঠান্তর হইয়া থাকে; পরন্তু বস্তুত ইহাই চীন, তাতার, তিব্বত, ভারতবর্ষ, বুদ্ধদেশ, লঙ্কা, প্রভৃতি সমস্ত দেশীয় বৌদ্ধেরা মহাবাক্য রূপে মান্য করত অহরহঃ উচ্চারণ করিয়া থাকে।

শেষোক্ত গুহার সন্মুখাকৃতি ৯৭ পাত্রে মুদ্রিত করা গিয়াছে। তদৃষ্টে ব্যক্ত হইবে এক নোপানদ্বারা এই গুহা প্রবেশ করিতে হয়; ঐ নোপান সন্মুখবর্ত্তি গৃহের উভয় পার্শ্বে দুই সুদীর্ঘ স্তম্ভ এবং দুই দেহগোপ খোদিত আছে। তন্মধ্যে এক দেহগোপের মূলে অক্ষুট অক্ষরে কয়েক ছত্র খোদিত আছে, কিন্তু তাহার অর্থ অদ্যপি প্রচার হয় নাই। সন্মুখ গৃহের বাম পার্শ্বে দুই ক্ষুদ্র গুহা এবং তন্মধ্যে পাঁচটি বৌদ্ধমূর্ত্তি আছে। দ্বারগৃহের পশ্চাতে তিন দ্বার ও তদুপরি পঞ্চ গবাক্ষ দৃষ্ট হয়। ঐ দ্বারদ্বারা অপর এক গুহাতে প্রবেশ করা যায়। তাহার অপর পার্শ্বে ১৫ হস্ত পরিমিত দুই বুদ্ধমূর্ত্তি আছে। দ্বিতীয় গুহার পশ্চাতে অপর এক গুহা দৃষ্ট হয়; তাহাই এই স্থানের প্রধান মন্দির। ইহা দীর্ঘে ৫৩ হস্ত, এবং প্রস্থে ২০ হস্ত। ইহার চতুর্দিকে এক স্তম্ভ শ্রেণী আছে; এবং ইহার ছাদ গোলাকার; কেবল স্তম্ভ ও প্রাচীর-মধ্যগত ছাদ চেপ্টা। স্তম্ভ সক-

লের অগুভাগ হস্ত্যাকারে সুসজ্জ। হস্তি সকলের শুণ্ডে কলস আছে। তাহারা ঐ কলসহইতে বট-বৃক্ষোপরি জলসেচন করিতেছে এতাদৃশ ভঙ্গি বোধ হয়। মন্দিরের প্রান্তভাগে এক বৃহদাকার দেহগোপ আছে; এবং প্রাচীরের সর্বত্র অনেক বুদ্ধমূর্ত্তি খোদিত আছে; কিন্তু সেই সকলের চিত্র উপস্থিত না থাকায় অধুনা তাহার বিশেষ বর্ণনা করা বিফল বোধে প্রকাশ করণে ক্ষান্ত হইলাম। চিত্র প্রস্তুত হইলে এই আশ্চর্য্য গুহা-বিষয়ে আমাদিগের আরও কিঞ্চিৎ বক্তব্য হইবেক।

### পর্বোচন্দোদয়।

বিদ্যার সহিত পর্বোচন্দের জন্ম হইবার পূর্বে পরাৎপর পরমাত্মার বন্ধন মোচন নিমিত্ত বিবেকের সমরোদ্যোগ দেখিয়া মহামোহ ক্রোধাক্র হইল, এবং আপনীর অনুচরদিগকে নিয়োগ করিবার নিমিত্ত স্বয়ং রঙ্গভূমিতে আসিয়া আদৌ দস্তকে আশ্রয়পূর্বক কহিল; “বৎস! শুনিয়াছ কুলাজ্ঞার বিবেক অন্ধ-দ্বন্দ্ব ধ্বংসনিমিত্ত কৃতোদ্যম হইয়া শমদমাদিকে নানা তীর্থে প্রেরণ করিয়াছে। অতএব আর কাল-বিলম্ব করিতে হইবে না, তুমি কামাদির সহিত পুনঃক্ষেত্র বারাগসী গমনপূর্বক চতুর্বিধ আশুমিদিগের আশুমধর্মের ব্যাঘাত জন্মাও। আমি এক্ষণে তাহাদিগকে এতাদৃগ্ দূরবস্থা-গুস্ত করিয়া রাখিয়াছি যে সকলে মদ্যপান বে-শ্যাসঙ্গ দ্যুতক্রীড়া দিতে নিশাযাপন করিয়া দিবাভাগে আমরা অগ্নিহোত্রী তপস্বী বৃক্ষচারী বলিয়া নিজ বুদ্ধগ্য জ্ঞাপন পূর্বক জগদ্বক্ষণা করিতেছে”। এই অবসরে অহঙ্কারকে আগমন করিতে দেখিয়া দস্ত মনে কহিতে লাগিল “ভা-

গারথী পার হইয়া এই যে পথিকটি আসিতে-ছেন, ইনি কে? বোধ হয় ইনি দক্ষিণ রাঢ়হইতে আসিয়া থাকিবেন। যদি তাহা হয় তবে ইহার প্রমুখাৎ পিতামহ অহঙ্কারের বার্ত্তা শুনিতো পাইব”। ইহা কহিয়া রঙ্গভূমি হইতে প্রস্থান করিল।

পরে অহঙ্কার আসিয়া কহিতে লাগিল “আঃ! একি চমৎকার! পৃথিবী মধ্যে অধিকাংশ লোক-কেই মূর্খ দেখিতে পাই। ইহাদের কর্ণকুহরে প্র-ভাকর ও ভট্টের মত প্রবিষ্ট হয় নাই, এবং ন্যায়-দর্শন, মধ্যমাগম, সামুদ্রিক এবং মীমাংসা গুণ্ডে ইহাদের কিঞ্চিন্মাত্র দৃষ্টি নাই। দেখিতে পাই, বারাগসীস্থ সকলেই অর্থাভর্জনতৎপর হইয়া শুকের ন্যায় কেবল স্বাধ্যায়পাঠনিরত, কিন্তু কেহই কিছু বুঝিতে পারে না। ঐ স্থানে যে সকল যতি রহিয়াছেন তাহারা কেবল নিজ ২ মুণ্ড মুণ্ড ও পণ্ডিতাভিমান করিয়া শাস্ত্র সকলকে ব্যাকুল করিতেছেন; ইহাদের বুদ্ধিমাত্র নাই। কি আশ্চর্য্য ইহাদের মতে প্রত্যক্ষাদি প্রমাণবিহীন পদার্থ প্রতিপন্ন করিয়া যদি বেদান্ত শাস্ত্রমধ্যে পরি-গণিত হইল তবে বৌদ্ধেরা কি অপরাধ করিল। দূর হউক, ইহাদের সহিত বাণ্ডিশুণ্ড ও দুরিতাবহ”। এই বলিয়া তৎপ্রসঙ্গ হইতে ক্ষান্ত হইল। পরে শৈব প্রভৃতিকে ন্যায়দর্শনের অনভিজ্ঞতাহেতু যৎপরোনাস্তি নিন্দা করিয়া তদদর্শনেও পরাঙ্মুখ হইল; এবং গঙ্গাতীরে কুশাসনোপরি উপবিষ্ট তাপসদিগকে ধূর্ত্ত দাস্তিক এবং ধনিবঞ্চক বলিয়া ভৎসনা করিতে লাগিল। পরে কিয়দূরে অজ্ঞাত দস্তের আশ্রমে যাগারস্তের নানা প্রকার চিত্র সন্দর্শন করিয়া অনুভব করিল “এ অবশ্যই কোন সান্ত্বিক বুদ্ধগণের আশ্রম হইবেক, যেহেতু দেখিতেছি হোমধূমে অত্রত্য গগনমণ্ডল ব্যাপ্ত হইয়াছে; অতএব এ আশ্রম আমার প্রবেশযোগ্য

বটে”। এই চিন্তা করিতে ২ দ্বারদেশে প্রবেশ করিয়া দেখিল এক ব্যক্তি সকল অবয়বে গঙ্গা-মূর্ত্তিকার তিলক করিয়া বসিয়া আছে। পরে সে তাহার সন্মুখীন হইয়া নমস্কার পূর্বক কুশল প্রশ্ন করিতে আরম্ভ করিল। দস্ত তাহাকে হৃৎকার-ধ্বনিত আসিতে নিবারণ করিলে তত্রত্য এক পরি-চারক বটু তাহাকে বিজ্ঞাপন করিল যে “অধৌত পদে পূরপ্রবেশের অনুমতি নাই। অতএব তুমি আশ্রমের বাহিরে থাক”। তাহাতে অহঙ্কার ক্রোধভরে কহিল; “হায়! আমি ম্লেচ্ছদেশে আইলাম। এখানে গৃহী হইয়া শৌত্রিয় অতি-থির আতিথ্য করে না”। দস্ত তন্মুখবিনির্গত ঐ কথা শুনিয়া ভূজভঙ্গিতে তাহাকে আশ্রম দিল, তাহাতে তত্রত্য এক জন পরিচারক তন্মুখ বুলিয়া দস্তকে কহিল “আপনি দূরদেশীয়, আপনীর কুলাদির পরিচয় আমাদের এই আশ্রমী মহাশয় অবগত নহেন”। এই কথা শুনিবামাত্র অহঙ্কার অতিমাত্র ক্রুদ্ধ হইয়া সাহঙ্কার বাক্যে আত্মপরিচয় প্রদান করিল। তদনন্তর দস্ত বটুকে দিয়া তাহাকে পাদপ্রক্ষালনার্থ অনুরোধ করিল। অহঙ্কার পাদপ্রক্ষালন করিয়া দস্তের নিকট যা-ইতে উদ্যত হইতেছিল, দস্ত বটুর প্রতি ইঙ্গিত করিলে পর সে তদনুসারে তাহাকে দূরে থাকি-তে অনুমতি করিল। অহঙ্কার কহিল “শুন রে মূর্খ, আমাকে তুই সামান্য জ্ঞান করিস না। আমি নিমেষমধ্যে ইন্দু উপেন্দু প্রভৃতিকে সৃষ্টি স্থিতি প্রলয় করিতে পারি”।

দস্ত এই কথা শ্রবণগোচর করিয়া ইনি আমা-দের পূজ্যপদ পিতামহ অহঙ্কার ইহা নিশ্চয় করিয়া মহা নাদরে তাহাকে কহিল; “পিতামহ, প্রণাম করি; আমি লোভের পুত্র দস্ত”। অহ-ঙ্কারও পরিচয় পাইয়া বাৎসল্যভাবে কহিল;



“কে ও, পৌত্র; দস্ত; আইস২ আহা চিরজীবী হও। দ্বাপরশেষে তোমাকে অতি শিশু দেখিয়াছিলাম, এক্ষণে কলিযুগে তুমি এমত যুবা হইয়াছ। আমার এক্ষণে বার্দক্য হেতু জ্ঞানের বৈলক্ষণ্য জন্মিয়াছে। বৎস দস্ত তোমার পুত্র অসত্য ভাল আছে”। দস্ত কহিল “হাঁ পিতামহ, সেই তনয় বিনা আমি ক্ষণকাল প্রাণধারণ করিতে সমর্থ হই না, একারণ তাহাকে আপন সমভিব্যাহারী করিয়া রাখিয়াছি”। অহঙ্কার আরো জিজ্ঞাসিল “বৎস তোমার পিতা লোভ ও তৃষ্ণা মাতা কুশলে আছে”। দস্ত বলিল, “পিতামহ, মহারাজ মহামোহের নিদেশানুসারে তাঁহারাও এখানে আমার সমভিব্যাহারে আসিয়াছেন। আমরা সকলেই কোন কার্যার্থে এস্থলে তৎকর্তৃক প্রেরিত হইয়াছি”। অহঙ্কার কহিল “দস্ত, তবে বল দেখি, মহারাজ মহামোহের বিবেকহইতে যে অনিষ্ট বার্তা শুনিয়াছিলাম তাহার বিষয় কি হইল”। দস্ত কহিল “তিনি এই নিত্যরূপা বিদ্যা ও প্রবোধোদয়ের জন্মভূমিস্বরূপ বারণসীতে আসিয়া বাস করিতে বাসনা করিয়াছেন”। তৎশ্রবণে অহঙ্কার সশঙ্ক হইয়া কহিতে লাগিল “একপ করিলে ইহার কি প্রতীকার হইবেক, কেননা এস্থলে ভগবান্ বিশ্বেশ্বর জীবের প্রয়াগকালে স্বয়ং “তত্ত্বমসি” ইত্যাদি মহাবাক্যরূপ তারকবুদ্ধমন্ত্র কর্ণে প্রদান করিয়া থাকেন। তাহাতে তাহারা অনায়াসে ভবসাগর পার হইয়া যায়”। দস্ত বলিল; “যাহা কহিলেন সত্য বটে; কিন্তু অবশেষে রিপুপরতন্ত্র ব্যক্তির পক্ষে তাদৃশ সম্ভব নহে, কেননা সত্ত্বস্থান সম্পন্ন মানবদিগেরই তীর্থকলপ্রাপ্তি শাস্ত্রে কহিয়াছেন”। ইতিমধ্যে নেপথ্য হইতে এক ধ্বনি হইল “মহামোহ সসৈন্য হইয়া বারণসীতে আসিতেছেন”। ইহা শুনিয়া দস্ত কহিল “পিতামহ,

আপনি কিঞ্চিৎ অগুসর হইয়া যথোচিত সম্বন্ধনা করুন। অহঙ্কার তাহাতে সন্মত হইলে পর তাহারা উভয়েই রঞ্জভূমিহইতে অপসৃত হইল। অনন্তর যথানির্দিষ্ট রাজা মহামোহ পরিবার সহিত রঞ্জভূমিতে আসিয়া আপন মত প্রকাশ করিতে লাগিলেন।

“আত্মান্দি দেহব্যতিরিক্তমুর্তি-  
ভোক্তা স লোকান্তরিতঃ ফলানাং।  
আশেষমাকাশতরোঃ প্রসূনাৎ  
প্রথীয়সঃ স্বাদুফলপ্রসূতো” ॥

“দেখ মুর্থদের এ কীদৃশী দুরাশা; ‘দেহ ব্যতিরিক্ত আত্মা স্বতন্ত্র আছেন, তিনি পরলোকে গমন করিয়া পুণ্য পাপ ফলরূপ সুখ দুঃখ ভোগ করেন’, এই প্রকার বলিয়া ইহারা আকাশ-কুসুমহইতে সুস্বাদু ফলপ্রাপ্তির প্রত্যাশায় কাল হরণ করিতেছে”। অর্থাৎ গগনপুষ্পের ন্যায় দেহাতিরিক্ত আত্মা ও পরলোকে স্বর্গ নরক প্রভৃতি সকলি মিথ্যা। কেবল পৌরাণিক প্রভৃতির। কেবল মিথ্যা কল্পনাদ্বারা এই সমস্ত জগৎকে প্রতারণা করিতেছে। দেখ, ইহারা অসদ্বস্তুর সত্তা কল্পনা করিয়া সদ্বস্তুর সত্তাবাদিগকে নাস্তিক বলিয়া নিন্দা করিয়া থাকে। কিন্তু ভূতসংযোগ ব্যতীত আত্মাকে কে কোথায় দেখিয়াছে কেহই বলিতে পারে না”। ইত্যাদি নানা ভৎসনা করিয়া কহিল “বৌদ্ধধর্ম সর্বোৎকৃষ্ট। প্রত্যক্ষমাত্র প্রমাণ। অর্থ ও কাম পুরুষার্থ। পৃথিবী, জল, তেজঃ, বায়ু, এই চারি ভূত। কেবল এই ভূত চতুষ্টয় সংযোগেই দেহের চৈতন্য সম্পাদন হয়। তাহাই চৈতন্যরূপ; এতদ্ব্যতিরিক্ত ভিন্ন আত্মা নাই; পরলোকও নাই, এবং মরণই মুক্তি। আমাদের তাৎপর্যগুহি বৃহস্পতি ঠাকুর ও এতন্মত প্রকাশক শাস্ত্র করিয়া চার্বাক হস্তে সমর্পণ করিয়াছিলেন।

পরে চার্বাকের শিষ্য পরম্পরায় ঐ শাস্ত্র পৃথিবীতে বহুলরূপে প্রচার হইয়াছে”।

তদনন্তর শিষ্য চার্বাক রঞ্জভূমি প্রবিষ্ট হইয়া অর্থশাস্ত্র ইতিহাসাদির ভূরিং প্রশংসা করত বেদকে ধূর্ত পলপিত বলিয়া নিন্দা করিল, এবং কহিল; “কর্ত্তা ক্রিয়া দুব্য নষ্ট হইলেও যদি যাজকদিগের স্বর্গ প্রত্যাশা থাকে তবে তাহারা দাবানল দক্ষ পাদপের ফল কেন না আশ্বাস করে? মৃতব্যক্তির শ্রাদ্ধে যদি তৃপ্তি জন্মে, তাহা হইলে নির্বাণদীপে তৈলপ্রদানে কেন না তাহার শিখা প্রদীপ্ত হয়”? পরে শিষ্য কহিল “গুরো ইষ্টভোগই যদি পরমার্থ হইল, তবে কেন তীর্থবাসিনা নিরর্থক কঠোর বুতাদির অনুষ্ঠানে তৎপর হয়?” চার্বাক কহিল; “ওহে, বুঝ না, যেমন পিতা মাতা অবোধ বালককে সান্ত্বনা জন্য মোদকদানের লোভ দেখান, তেমনি পৌরাণিকেরা নির্বোধদিগকে ভাবি স্বর্গাদির আশা দেখাইয়া থাকে। বিবেচনা করিয়া দেখ দেখি কামিনীদিগের সহিত সহবাস ও কঠোর তপস্যায় দেহ শোষণ, এই উভয়ের মধ্যে কি শ্রেষ্ঠ”। ইত্যাদি নানা প্রকার প্রশ্নোত্তর সমাধা হইলে পর চার্বাক “জয় জীব” শব্দোচ্চারণ পূর্বক মহামোহকে প্রণাম করিল। মহামোহ তাহাকে স্বাগত প্রসাদি করিলেন। অনন্তর চার্বাক রাজনির্দিষ্ট আসন পরিগৃহ করিয়া রাজার প্রতি কলির সাষ্টাঙ্গ প্রণাম জানাইল। রাজা কলির কুশলাদি জিজ্ঞাসা করিলে পর চার্বাক কহিল “আপনার চরণপ্রসাদাৎ সমস্ত মঙ্গল। তিনি এখন সম্পাদিত কৃত্য হইয়াছেন, অবিলম্বেই আপনকার শ্রীচরণ দর্শন করিবেন”। ইত্যাদি বিবিধ প্রকার কথোপকথনান্তে চার্বাক কহিল; “মহারাজ, তীর্থস্থলে বিদ্যা ও প্রবোধের উদয় স্বপ্নেও আশঙ্কা করিবেন না”। মহামোহ তৎ

শ্রবণে পরমানন্দে সে স্থানে ধন্যবাদ করিতে লাগিল।

অনন্তর চার্বাক কহিল, মহারাজ একটা অমঙ্গল দেখিতে পাই। বিষ্ণুভক্তি নামী এক যোগিনী আছে; কলিপ্রভাবে যদিও তাহার কোন প্রতিভা নাই, তথাপি তদাশ্রিত ব্যক্তিদিগের প্রতি কোন অংশে দৃষ্টিপাত করিতে সক্ষম নাই”। তাহাতে মহামোহ “সে আমাদের পরম শত্রু বটে, এবং তাহার উচ্ছেদ আমাদের সুসম্পাদ্যও নহে”। মনেং এই কথা কহিয়া প্রকাশ করিয়া কহিলেন; কামক্রোধাদি সত্ত্বে তাহার প্রাদুর্ভাব কি রূপে সম্ভব হইবেক”? ইহাতে চার্বাক কহিল; “হাঁ মহারাজ, ইহা সত্য বটে; কিন্তু বিজিগীষুর ক্ষুদ্র শত্রুকেও শঙ্কা করা উচিত”। অনন্তর মহামোহ “কে এখানে আছিন্ রে” বলিয়া শব্দ করিলে পর অসৎসঙ্গ নামে এক দৌবারিক বদ্ধাঞ্জলি হইয়া সন্মুখে দণ্ডায়মান হইল। মহামোহ তাহাকে কহিল; “কামাদিকে জানাও বিষ্ণুভক্তির সমূলে বিনাশের নিমিত্ত আদেশ করিতেছি”। ইহাতে সে “যে আজ্ঞা মহারাজ” বলিয়া প্রস্থান করিল।

অনন্তর পত্রহস্ত এক পুরুষ রঞ্জভূমিতে প্রবেশিয়া কহিল, “আমি উৎকলদেশহইতে আসিতেছি। তত্রত্য সাগরতীরে পুরুষোত্তমক্ষেত্র নামক এক তীর্থ আছে; তাহাইতে দস্ত ও অহঙ্কার এই পত্র দিয়া আমাকে মহারাজের চরণসমীপে প্রেরণ করিয়াছেন। লিপিলইতে আজ্ঞা হউক”। ইহা বলিয়া রাজহস্তে পত্র দিল। রাজা কার্যান্তর ব্যপদেশে চার্বাককে পাঠাইয়া পত্রপাঠে প্রবৃত্ত হইলেন। পত্রে লেখা আছে যে “মহারাজের চরণপ্রসাদাৎ এ দাসদের মঙ্গল। পরন্তু এখন শুদ্ধার কন্যা শান্তিদেবী মাতার আনুকূল্যবলম্বনে উপনিষদেবীকে বিবেকের সহিত মিলন করাইবার জনে



অনেক যত্ন করিতেছেন, এবং বৈরাগ্য প্রভৃ-  
তিরীণ নিষ্কামকর্ম প্রচারে সচেষ্ট আছেন।  
কোন ২ স্থলে তাদৃশ কর্মের দৃশ্যনুষ্ঠানও দেখি-  
তেছি, ইহাতে যথাবিহিত করিবেন ইতি”! এতৎ-  
পাঠে মহামোহ ক্রোধাক্ত হইয়া কহিল “আঃ,  
মুখেরা শান্তিহইতে কেন ভয় পাইল? কামাদি  
রিপুসত্ত্বে শান্তির আশা কেবল ভ্রান্তিমান্ত্র। হরি  
হর বিরিকিও তৎসত্ত্বে শান্তিপ্ৰাপ্ত হন নাই, অপ-  
রের কি রূপে সম্ভব হইবেক”? পরে দূতকে আদেশ  
করিলেন, শুন “নিষ্কামকর্ম আমাদের নিরতিশয়  
অনিষ্টকর, অতএব কামের নিকট গিয়া আমার  
নিদেশ জানাও, সে অবিলম্বে যাইয়া তাহাকে  
দূত বন্ধন করিয়া এখানে আনয়ন করে”।  
দূত “যথাজ্ঞা মহারাজ” বলিয়া প্রস্থান করিল।  
অনন্তর মহামোহ স্বয়ং উপায়ান্তরের অন্বেষণে  
কৃতোদ্যম হইয়া দ্বারাভিমুখে “কে আছিস রে”  
বলিয়া ডাকিলে পর এক জন দ্বারবান আসিয়া  
উপস্থিত হইল। রাজা তাহাকে ক্রোধ ও লোভকে  
ডাকিতে আদেশ করিলে সে তাহাদিগকে আ-  
স্থান করিয়া আনিল। তাহার প্রভু সম্মুখে  
দণ্ডায়মান হইয়া যথোচিত স্পর্ধা করিতে লা-  
গিল, এবং কহিল; “আমরা থাকিতে কি প্রকারে  
শান্তির উদয় সম্ভব হইতে পারে”।

পরে লোভ নেপথ্যাভিমুখে স্বপ্রেয়সী তৃষণাকে  
আস্থান করিল। তাহাতে সে তথায় আসিয়া উপ-  
স্থিত হইল। লোভ তাহাকে শান্তির উদয় নিবারণ  
করিতে আদেশ করিলে পর সে কহিল, নাথ “আমি  
স্থিরযৌবনা, প্রত্যশাস্বরূপা, আমার রূপ দেখিয়া  
জগৎশুদ্ধ মুখ রহিয়াছে, কোটি ২ বুদ্ধাণ্ডেও আমার  
তৃষ্ণি জন্মে না; আপনার ভাবনা নাই, প্রভুর নি-  
দেশ সকল করিতে আমার বিশিষ্ট মানস আছে”।

এই অবসরে ক্রোধও আপন প্রণয়িণী হিং-

সাকে ডাকিল। সে আসিয়া কহিল; “নাথ,  
আমি তোমার অঙ্গসঙ্গিনী হইয়া নিরন্তর আ-  
ছি, কি আজ্ঞা হয়”। ক্রোধ তাহাকে পূর্বব-  
ক্তান্ত জানাইয়া কহিল, “যাহাতে শান্তি না জন্মে  
এতাদৃশ যত্ন করিও”। এই কহিয়া লোভ তৃষণ  
ক্রোধ হিংসা চারি জনেই মহামোহের সম্মুখীন  
হইয়া জয়ধ্বনি করিল। রাজা তাহাদিগকে শা-  
ন্তির বিকল্পাচরণের বিষয় বিজ্ঞাপন করিয়া তা-  
হার বিনাশে যত্ন করিতে অনুরোধ করিলে তা-  
হার “যে আজ্ঞা মহারাজ” বলিয়া বিদায় হইল।

এদিকে রাজা শান্তির উচ্ছেদের জন্য তন্মাতা  
শুদ্ধাকে উপনিষদেবীর নিকটহইতে আকর্ষণ ক-  
রিতে মিথ্যা দৃষ্টি অর্থাৎ নাস্তিকতা নামী এক  
নিপুণা বারবিনাসিনীকে বিভ্রমবতী নামী দা-  
সীকে দিয়া ডাকিয়া পাঠাইলেন। অবিলম্বেই  
বিভ্রমবতী তাহাকে লইয়া রঙ্গভূমিতে উপস্থিত  
করিল। বহুদিনান্তে রাজসাক্ষাৎকার গমনে লজ্জা  
বোধ করিয়া মিথ্যা দৃষ্টি বিভ্রমবতীকে জানা-  
ইলে পর সে কহিল, সখি “এ কথা বার্থ বটে,  
কিন্তু রাজা তোমাকে দেখিবামাত্র অচেতন  
হইবেন, তোমার সঙ্গে তাহার আলাপের সম্ভাবনা  
কি”? ইত্যাদি কথোপকথনান্তে রাজসাক্ষাৎ-  
কারে উপস্থিত হইল। রাজাও তাহাকে কার্য-  
সম্পাদনে নিপুণ বুঝিয়া সমাদর করিতে লাগি-  
লেন। তাহাতে মিথ্যা দৃষ্টি সভার মধ্যে মহা-  
রাজের ব্যবহারে লজ্জা পাই বলিয়া ভঙ্কি-  
ক্রমে কেলিগৃহ প্রবেশের সঙ্কেত করিয়া সকলে  
তৎস্থানহইতে প্রস্থান করিল।

সমন্তর শান্তি প্রিয়সখা কৰ্ণাকে সমভি-  
ব্যাহারে লইয়া রঙ্গভূমিতে উপস্থিত হইল, এবং  
“হে মাতঃ শুদ্ধে, কোথায় আছ, দর্শন ও প্রতিবচন  
দেও”। বলিয়া উচ্চৈঃস্বরে রোদন করিতে লাগিল।

আর কহিল, “মাতঃ, তুমি পূর্বে তপোবন ও তী-  
র্থাদি পুণ্য স্থানে থাকিলে এক্ষণে কি রূপে পাষ-  
ণ্ডহস্তগতা হইয়া কাল হরণ করিতেছ? আমা বিনা  
তুমি স্নান ভোজন শয়নাদি কিছুই করিতে না”। এই  
রূপ বিলাপ করিয়া নিজ সহচরী কৰ্ণাকে কহিল;  
“সখি, শুন, বিনা শুদ্ধায় আমার অবস্থান বিড়-  
ম্যনামাত্র। অতএব তুমি চিত্তারচনা কর; অগ্নি  
প্রবেশিয়া দেহ অবসান করি”। ইত্যাদি কাত-  
রোক্তি শ্রবণে কৰ্ণা কৰ্ণা করিয়া কান্দিতে ২  
কহিল; “সখি, ধৈর্য ধর। ক্ষণকাল ইতস্ততো  
অন্বেষণ করিয়া আসি। মহামোহভয়ে কোন না  
কোন নিভৃতস্থানে তিনি লুকাইয়া থাকিতেও পা-  
রেন। অগ্নেই প্রাণ ত্যাগের প্রয়োজন কি”? ইহা-  
তে শান্তি কহিল; “সখি, আমি সকল আশুনিকে  
ও তাহাদের প্রত্যেক আশুমে অন্বেষণ করিয়াছি,  
কুত্রাপি তাহার কথাও শুনিলাম না”। ইহাতে কৰ্ণা  
কহিল; “সখি ক্ষণেক বিলম্ব কর; আমি এখানেই শু-  
দ্ধার অন্বেষণ করি”। এমত সময়ে মহামোহ দিগ-  
ম্বর সিদ্ধান্তকে রঙ্গভূমিতে প্রেরণ করিলে সে তথায়  
আসিয়া বৌদ্ধমতের প্রশংসা ও বুদ্ধদেবের ভূয়ো-  
ভূয়ঃ প্রণাম করত যজ্ঞাদির প্রাণিবধহেতু নিন্দা ও  
প্রত্যক্ষ সুখহেতু বিষয় ভোগাদির প্রশংসা করি-  
তে লাগিল। ইহা শুনিয়া শান্তি ও কৰ্ণা উভয়ে  
ভয়প্রযুক্ত গোপনে দেখিতে লাগিলেন।

অনন্তর সিদ্ধান্ত মহাশয়ের অনুরূপ বেশ-  
ধারিণী শুদ্ধা রঙ্গভূমিতে প্রবেশিয়া “কি আজ্ঞা  
করেন প্রভু?” বলিয়া তাহার সম্মুখীন হইল।  
এতদর্শনে শান্তির মুচ্ছা হইল। কৰ্ণা কহিল;  
“সখি, আমি অহিংসার নিকটে শুনিয়াছি, পাষণ্ড-  
গণের এক তামসী শুদ্ধা আছে সেই এ হই-  
বেক; তুমি নাম শুনিয়াই ভীতা হইতেছ কেন?  
তোমার জননী সাত্ত্বিকী শুদ্ধা; তিনি এতাদৃশা

নহেন। সে যাহা হউক, আইস আমরা এক্ষণে তা-  
হাকে বৌদ্ধদের মধ্যে অন্বেষণ করি” ইহা বলিয়া  
ইতস্ততঃ অন্বেষণ করিতে লাগিলেন। ইতিমধ্যে  
বুদ্ধাগম নামা এক জন ভিক্ষু পুস্তক হস্তে রঙ্গ-  
ভূমিতে আসিয়া বৌদ্ধ মত প্রকাশিতে লাগিল,  
এবং তামসী শুদ্ধাকে ডাকিয়া ভিক্ষুদিগকে আ-  
নিজ্ঞন করিতে অনুমতি করিল।

পরে দিগম্বর সিদ্ধান্ত ও সোম সিদ্ধান্তের সহিত  
সাক্ষাৎ এবং পরস্পরের মত প্রকাশ হয়। অন-  
ন্তর তথাহইতে যাইতে উদ্যতা হইয়া শান্তি ও  
কৰ্ণা ইতস্ততঃ ভ্রমণ করিতে লাগিলেন। ইতি-  
মধ্যে সোমসিদ্ধান্ত রাজসী শুদ্ধাকে আস্থান ক-  
রিল। কৰ্ণা শান্তিকে তাহার পরিচয় দিলেন।  
ক্ষণকাল বিলম্বে মহামোহের কার্য সম্পাদনার্থে  
সাত্ত্বিকী শুদ্ধাকে আস্থান করিতে মনস্থ করিয়া  
সে কোথায় আছে তাহা জানিবার জন্য জ্যোতিঃ-  
শাস্ত্র বলে গণনা করিতে উপক্রম করিল, এবং  
কহিল; “এক্ষণে বিষু ভক্তির সহিত সে মহাত্মা  
ব্যক্তিদেব চিত্তে অবস্থিতি করিতেছে”। ইহা  
শুনিয়া কৰ্ণা শান্তিকে আস্থাস প্রদান করিল।  
তদনন্তর শান্তি ও কৰ্ণা সোমসিদ্ধান্ত প্রভৃ-  
তির দৃশ্যে সাক্ষাৎ সাক্ষাৎ বিষু ভক্তি দেবীর নিকটে গিয়া  
কহিবার জন্য রঙ্গভূমিহইতে প্রস্থান করিল।

তদনন্তর রাজা বিবেক মীমাংসানুগতা মতির  
সহিত রঙ্গভূমিতে উপস্থিত হইয়া মহামোহকে  
যথোচিত ভৎসনাদি করিতে লাগিলেন। ইহাতে  
ঐ মতি তাহাকে নিবেদন করিলেন; “মহারাজ,  
শুনিয়াছি, পুণ্যানুষ্ঠানে দেবতার সহায় হন।  
অতএব মহামোহের প্রধান বীর কামকে পরা-  
জয় করিবার নিমিত্ত বিষুভক্তির যে আদেশ আছে,  
তাহাতে যত্ন কর; আমিও তোমার জন্য তাহার  
আশয় লইয়াছি”। বিবেক কহিলেন; “তবে



এখন কাম পরাজয়ে বস্তু-বিচারকে প্রেরণ করি তুমি একবার তাহাকে ডাকিয়া দেও”। আজ্ঞা পাইবামাত্র মতি তাহাকে ডাকিয়া আনিল। সে রক্তভূমিতে দণ্ডায়মান ও উর্দ্ধদৃষ্টি হইয়া “তুই নিরন্তর মনোবর্তী হইয়া সাধুদের ব্যাকুলতা জন্মাইস” বলিয়া যৎপরোনাস্তি তিরস্কার করিল। অনন্তর মতি তাহাকে সঙ্গে লইয়া রাজা বিবেকের সহিত সাক্ষাৎ করাইয়া দিলেন। বস্তু-বিচার যথা নিয়মে জয়ধ্বনি করত মহারাজকে নাপ্তাঙ্গ প্রণাম করিলে পর রাজা তাহাকে সন্নিহিত আসনে উপবেশন করাইলেন। পরে তিনি মহারাজ মহামোহের সহিত শত্রুতা নিবন্ধন আপনার সমরোদ্যোগ বৃত্তান্ত আদ্যোপান্ত বর্ণনা করিয়া কহিলেন; “আমি তোমাকে কাম বধে পাঠাইতে মনোনীত করিয়াছি। অতএব কহ দেখি, কোন অস্ত্রবিদ্যা প্রভাবে তাহাকে পরাজয় করিবে”। ইহা শুনিয়া বস্তুবিচার কহিল, “মহারাজ, কসুমময় পঞ্চশর মাত্র যাহার সাধন তাহার পরাজয়ে কি অস্ত্রবিদ্যার প্রয়োজন আছে? ইন্দ্রিয়দ্বার সকল এককালে নিরোধ করিলেই তাহাকে কাষে ২ পরাজিত হইতে হইবেক, সন্দেহ নাই”। ইত্যাদি বাক্যকৌশল শ্রবণে পরম পরিতুষ্ট হইয়া বিবেক বস্তুবিচারকে যৎপরোনাস্তি ধন্যবাদ প্রদান করিতে লাগিলেন। অনন্তর বস্তু-বিচার চন্দ্র চন্দনাদিপ্রিয় মিত্রের সহিত কাম-জয়ের সাধন কামিনী পরাজয় বোধ করিয়া বিবেক সন্নিধানে নিবেদন করিল; “মহারাজ, শীঘ্র কাম-জয়ে আজ্ঞা প্রদান করুন, বিলম্বে প্রয়োজন নাই”। ইহাতে রাজা পরমানন্দে শত্রু জয়ার্থ তাহাকে সুসজ্জ হইতে আদেশ করিলে বস্তুবিচার যথাজ্ঞা বলিয়া রাজাকে প্রণাম ও নাট্য-শালাহইতে প্রস্থান করিল।

অনন্তর বিবেক সুমতিকে দিয়া ক্রোধ জয়ার্থ ক্রমাকে আহ্বান করিয়া পাঠাইলেন। সে তদনুসারে ক্রমাকে সঙ্গে লইয়া উপস্থিত করিলে সে রাজাকে প্রণামাদি করিল। রাজা তাহাকে ক্রোধ জয়ার্থ আদেশ করিলেন। ইহাতে সে কহিল; “আপনার চরণকৃপায় কামকে পরাজয় করিতে পারি, তদনুচর ক্রোধকে পরাজয় করা কি বিচিত্র? আমি তো ইহা ঈষৎকর বোধ করি”। এই কথা শুনিয়া বিবেক তাহাকে ক্রোধ জয়ে নিযুক্ত করিলেন। সেও যথাজ্ঞা বলিয়া কার্যসাধনে প্রস্থান করিল। এই রূপে লোভজয়ার্থ সন্তোষকে নিযুক্ত করিয়া পাঠাইলেন। অনন্তর বিবেক শত্রু জয়ার্থ সুসজ্জীভূত হইয়া রথারোহণ পূর্বক বারানসী যাত্রা করিলেন।


সমন্তর রক্তভূমে শুদ্ধা, বিষ্ণুভক্তি, ও শান্তি এই তিন জন আসিয়া পরস্পর যথাযোগ্য কথোপকথন করিল। তন্মধ্যে শুদ্ধাকে বিষ্ণুভক্তি বারানসীর শুদ্ধ বৃত্তান্ত জিজ্ঞাসিলে তিনি তাহাকে প্রতিকূলাচারি মহামোহাদির সমুচিত ফলপ্রাপ্তি বিজ্ঞাপন করিলেন। ইহাতে বিষ্ণুভক্তি বিশেষ বৃত্তান্ত শুশ্রুষায় শুদ্ধাকে আদ্যোপান্ত বর্ণন করিতে কহিলে সে তথায় উভয় পক্ষীয় সৈন্যের ব্যহরচনায় অবস্থানাবধি বিবেকের ন্যায়শাস্ত্রকে দৌত্যকর্মে নিয়োগপূর্বক মহামোহের সমীপে তাহার অনুচরবর্গের সহিত পূণ্যতীর্থ ত্যাগ করিয়া মুচ্ছরাজ্যে প্রস্থান করার আদেশ কহিয়া পাঠান পর্যন্ত সমুদায় বর্ণনা করিয়া কহিল; “বৎসে বিষ্ণুভক্তি, শ্রবণ কর, তাহার পরে যাহা ঘটিল তাহা তোমার নিকট বর্ণন করিতেছি। সেই উভয় পক্ষীয় তুমুলসংগামে সর্বাঙ্গে বৌদ্ধ-দর্শন প্রেরিত চার্বাকাদিমতরূপ সৈন্য সকল মর্দন মাত্রেতেই বিনষ্ট হইল। অনন্তর বৌদ্ধশাস্ত্র সকল নির্মূল হইয়া বেদান্তাদি দর্শনরূপ পারাবারে

নিমগ্ন হইয়া গেল”। বিষ্ণুভক্তি কহিল; “সে যাহা হউক, শুদ্ধে, মহামোহের বৃত্তান্ত কহ দেখি”। ইহাতে শুদ্ধা নিবেদন করিল; “মহামোহ এখন যোগের অন্তরায় কতক ব্যক্তি লইয়া কোন নিভৃতস্থানে গুপ্ত হইয়া আছে”। বিষ্ণুভক্তি কহিল; “তবে তো এখন মহা অনর্থের শেষ রহিয়াছে, ইহাকে উপেক্ষা করা কদাচ যুক্তিযুক্ত নহে। শাস্ত্রে শত্রুর শেষ রাখিতে নিবেদন করিয়াছেন”। ইহা কহিয়া শান্তি মনের বৃত্তান্ত জিজ্ঞাসা করিলে শুদ্ধা উত্তর করিল, মনঃ এক্ষণে পুত্র পৌত্রাদির বিনাশজন্য শোকে মরণোদ্যত হইয়াছেন”। এত-চ্ছবণে অটু অটু হাসিয়া বিষ্ণুভক্তি কহিতে লাগিল; “এমন হইলেই আমরা কৃতকার্য হই, ও আত্মাও প্রাপ্তবৈরাগ্য হইতে পারে, অতএব আইন, আমরা মনের বৈরাগ্য জননের জন্যে আদৌ বেদান্তদর্শনকে প্রেরণ করি”। এই বলিয়া রক্তভূমিহইতে সকলেই প্রস্থান করিল।

তদনন্তর তথায় মনঃ ও সঙ্কপে আসিয়া রাগদে-যাদি পুত্র, অসুখাদি পুত্রী, তৃষ্ণাদি স্নানুযা পুত্রী নিজ বংশের কালগামে পতন দেখিয়া যৎপরো-নাস্তি পরীতাপ করিতে ২ মূচ্ছিত হইল। সঙ্কপে তাহাকে নানা প্ৰবোধ বাক্যদ্বারা সান্ত্বনা করিলে পর মনঃ তাহাতে কহিল; এ “দুরবস্থার সময়ে আমার প্ৰাণসমা প্রিয়তমা প্রবৃত্তি কোথায়”? তাহাতে সঙ্কপ উত্তর করিল “মহাশয়, তিনি কি এখনও জীবিতা আছেন? আমি শুনিয়াছি পুত্র-দির শোকে তিনি প্ৰাণ পরিত্যাগ করিয়াছেন”। মনঃ প্লেয়সীর এতাদৃশী অমঙ্গলময়ী বার্তা শ্রবণ-গোচর করিয়া মরণ ব্যবসায় কৃত নিশ্চয় হইয়া সঙ্কপকে চিতা রচনার্থ আদেশ করিলে পর তথায় বৈয়াসিকী সরস্বতী অর্থাৎ বেদান্তদর্শন আসিয়া তদানীং তাহার বৈরাগ্যেৎপত্তির নিমিত্ত

নানা প্ৰকার প্ৰবোধ দিয়া কহিল, “হে মনঃ! তুমি কি কারণে এতাদৃশ শোকনাগরে নিমগ্ন হই-তেছ। জলবুদ্বদবৎ ক্ষণভঙ্গুর এই পাঞ্চভৌতিক দেহ বিনষ্ট হইয়া পঞ্চভূতেই মিশ্রিত হইয়াছে। আর আত্মা নিত্য পদার্থ, তাহার কোন অংশেই বিনাশ সম্ভব নহে! জনামাত্রের বিনাশ সর্বথা অনিবার্য, ইহা তুমি বিশিষ্টরূপে অবগত আছ”। ইহা শ্রবণ করিয়া মনঃ তাহাকে নিবেদন করিল; “দেবি! তুমি যাহা কহিতেছ সকল-লই সত্য, কিন্তু শোকবিষ্মলচিত্তে বিবেক যে স্থান লাভ করিতেছে না তাহার কি উপায় করি? পরস্পর বিকল্প পদার্থদ্বয় কদাচ এক অধি-করণে অবস্থিতি করিতে সমর্থ নহে”। ইহাতে ঐ সরস্বতী নানা প্ৰকার শাস্ত্রযুক্তিদ্বারা পুত্রাদির কেবল অনিষ্টকারিতা সংস্থাপন করিলে পর মনঃ তাহার সমীপে ব্যগৃতা সহকারে নিবেদন করিল; “দেবি যদি মমতাপাশচ্ছেদনের কোন বিশিষ্ট উপায় থাকে অব্বেষণ করুন”। ইহাতে সরস্বতী কহিলেন; “বৎস, ইহার প্রথম উপায় জন্মপদার্থ সকলের অনিত্যতা চিন্তন”। ইত্যাদি নানা উপ-দেশ শ্রবণ করিয়া মনঃ কহিল; “দেবি, এখন আ-মার ব্যামোহ প্রায় দূর হইল বটে, কিন্তু এই শো-কযাতনাহইতে পরিত্রাণ পাই এমনত কোন ঔষধ আজ্ঞা করুন”। ইহাতে সরস্বতী অচিন্ত্যরূপ মহৌষধ সেবনের আদেশ করিলেন। তাহাতে মনঃ শোকোত্তীর্ণ হইয়া সরস্বতীর শরণাগত হইলে পর তিনি তাহার নিকটে পুত্রাদি বিয়োগজন্য শোক ইত্যের হয় জানিয়া বৈরাগ্যকে সুদৃঢ় করে ইত্যাদি উপদেশ প্রদান করিলেন। অনন্তর বৈরাগ্য সে-খানে উপস্থিত হইল। সরস্বতী মনের সহিত তা-হাকে পরিচয় ও মিলন করিয়া দিলেন।





হরিদ্বারের মেলা।

## হরিদ্বারের মেলা।

হরিদ্বার নগরী পরিমাণে অতি ক্ষুদ্র, এবং হর্ম্যাদির বাহুল্যভাবে আ-  
 হার্য শোভায় বিহীন বটে, কিন্তু উত্তর ভাগে অনতিদূরে হিমগিরির ভূরিং গণ্ড শৈল, এবং পশ্চাতে মনোহর অরণ্য সংলগ্নপ্রায়, ও সম্মুখে হিমালয়ের নির্ঝর হইতে বেগে পতন-  
 শীল ত্রিপথগার পুবল জনপ্রবাহ বহমান হও-  
 য়াতে, স্বভাবতঃ পরম রমণীয়। সমীপবর্তি পার্ব-  
 তের গৈরিকমৃতিকার স্বাভাবিক শোণিতায় উপরিস্থ নভোভাগ অকণবর্ণ হইয়া সঙ্কটভূ তুল্য চমৎকার শোভা বিস্তার করিতেছে। অপর ভাগী-  
 রথীতীরস্থ রাজপথের প্রান্তে একমাত্র অউালিকা-  
 বলী বিনির্মিতা হইয়াছে বটে, কিন্তু চতুষ্পার্শ্ব পরিশ্রম্য থাকাতে তাহার শোভাতেও নগরীর রমণীয়তা বৃদ্ধিশীল হইতেছে; ফলতঃ তন্মাত্র অব-  
 লোকনেও অন্তঃকরণ সাতিশয় প্রকুল্ল হয়। হরিদ্বার নগর এতদেশীয় কোন পুরাণশাস্ত্রে “গঙ্গাদ্বার” নামে প্রসিদ্ধ। অনুমান হয় যোগার্থ গুহণ পুরঃসর এ অভিধান সৃজন হইয়া থাকিবেক; যেহেতু গঙ্গানদী এই ভারতবর্ষের প্রশস্ত ভূভাগে স্বীয় স্রোতের বিস্তার করিয়া সাগর সহিত সঙ্গতা হই বার নিমিত্ত হিমালয়ের নির্ঝরহইতে পতনা-  
 ন্তর এ স্থানের অদূর উত্তরেই পুবেবতীকপে দৃশ্য হইয়াছেন; অতএব গঙ্গার আদিম দ্বার বলিয়া এ স্থানকে গঙ্গাদ্বার কহা অসঙ্গত নহে।

উক্ত নগরীর দৈর্ঘ্য পুস্থ পরিমাণ অত্যন্ত অল্প; এবং তথায় রাজপথ বা গৃহাদির প্রা-  
 চুর্য নাই। তত্রত্য প্রশস্ত বর্জ্যমধ্যে একমাত্র রাজ-  
 পথ আছে। তাহার পুস্থ পরিমাণ দশ হস্তের অধিক নহে। তন্মিত্ত যে সকল পথ আছে তা-

হা পরিগণনীয় হইতে পারে না। অপর ইষ্টকালয় মধ্যে ভাগীরথীতীর সন্নিহিত অউালিকাই গণ্য। গঙ্গাতীরে “হরকা পৈরী” নামে এক সুশোভন ঘাট আছে। পূর্বে এ ঘাট ক্ষুদ্রাকারে ছিল; ইংরাজ-  
 দিগের অধিকারে অতি পুশস্তরূপে নির্মিত হই-  
 য়াছে। এ ঘাটের উপরিভাগে ভাগীরথীর গর্ভেই দুই ভাগে বিভক্ত এক মন্দির আছে। তাহাতে মহাদেবের এক পুতিমূর্তি বিরাজমান। পর-  
 স্পরাগত চিরন্তনী কিম্বদন্তী এই যে এ ঘাটের নিকট মহাদেবের পদচিহ্ন ছিল, তন্মিন্ত্র এ তীর্থ অক্ষরণীয় কালাবধি মহাদেবের নামান্তর (হর) হইতে “হরকা পৈরী” বলিয়া বিখ্যাত হইয়াছে।

গঙ্গানদী হিমালয়ের নির্ঝর হইতে নিপাতান-  
 ত্তর হরিদ্বারের সম্মুখ দিয়া পুথমতঃ পুবেবমানা হইয়াছেন। বোধ হয় এই কারণে শাস্ত্রানুসারে উক্ত স্থানের অধিক মাহাত্ম্য ও তাহা তীর্থ বলিয়া গণ্য হইয়াছে। যদিও হরিদ্বারে গঙ্গা-  
 স্নান জন্য পুণ্যতিশয়ত্ব সকল সময়েই হইতে পারে, তথাপি সূর্য মেঘরাশিহু হইলে অর্থাৎ বৈশাখমাসে বিশেষ ফলোপদেশ থাকিতে পারে; কেননা মেঘসঙ্ক্রান্তির কিয়দিন থাকিতে বহুদূর হইতে অসঙ্খ্য লোক তীর্থযাত্রী হইয়া আগমন করিয়া থাকে। সেই সময়েই হরিদ্বারের মেলা হয়। মেলার নিমিত্ত যে কত লোকের সমাগম হয় তাহার সঙ্খ্য করা যায় না। দ্বাদশ বৎসর অন্তর তদুপরি আরো জনতা হইয়া থাকে। বৃহ-  
 স্পতি নামক গুহ আপনার স্বাভাবিক গতি-  
 ক্রমে দ্বাদশ বর্ষান্তে বৈশাখমাসে কুম্ভরাশিহু হন; সে সময় স্নানদানে ফলাধিক্য নির্দিষ্ট থাকিতে অসঙ্খ্য তীর্থযাত্রী আনিয়া থাকে; দ্বাদশ বৎসরানন্তর যে মেলা হয় তাহাকে তত্রত্য লো-  
 কেরা “কুম্ভমেলা” বলে।



হরিদ্বারের মেলার উপলক্ষে হিন্দুস্থানের নানা প্রদেশে বিবিধ মানবমণ্ডলীর সমাগম হয়, তাহাদের মধ্যে যদিও ধর্মার্থ তীর্থযাত্রী অধিক, তথাপি বাণিজ্যব্যবসায়ি প্রভৃতি লোকও অল্প সংখ্যায় আগমন করে না। পঞ্জাব, কাবুল ইত্যাদি বহুদূরস্থ দেশহইতে অনেক বণিক ভূরি ২ বাণিজ্য দ্রব্য সমভিব্যাহারে ব্যবসায়ার্থে আসিয়া থাকে; এবং সমধিক লাভ করিয়া প্রত্যাবর্তন করে। অপর অন্যান্য স্থানের মেলায় যজ্ঞপ বসন ভূষণ ও ভোজনপাত্র পানপাত্র ইত্যাদি সামান্য পণ্য পণ্যবীথার মধ্যে প্রসারিত হয়, হরিদ্বারের মেলায় কেবল তজ্ঞপ দ্রব্যসামগ্রীর ক্রয়বিক্রয় হয় না। এই মেলায় নানা জনপদ হইতে নানাবিধ ব্যবহার্য জীব জন্তু বিক্রয়ার্থ আনীত হইয়া থাকে। দূরদেশীয় পণ্যজীবির অপ্রাণি পণ্য যে সমস্ত হস্তি অশ্বাদি বাহনদ্বারা আনয়ন করে সে সকলও বিক্রয় করিয়া থাকে; অতএব বিক্রয়ার্থ কত পশু আনীত হয় তাহার সঙ্খ্যা করা যাইতে পারে না।

হরিদ্বার নগরীমধ্যে হুউ বা বিক্রয়শালা অধিক নাই; সুতরাং মেলার উপলক্ষে যে সকল বিক্রয় সামগ্রী দেশ বিদেশ হইতে আনীত হয়, তৎসমুদায় মাঠে ঘাটে নানা স্থানে বিক্রয়ার্থ প্রসারিত হইয়া থাকে; মেলার কিয়দিন আগে কতিপয় প্রশস্ত স্থানে কিয়দিবসের নিমিত্ত ভূরি ২ গৃহাদি নির্মিত হয় বটে, কিন্তু এতাদৃশ অপরিমিত পণ্য আনীত হয় যে সেই সকল আনয়নে সমুদায় ব্যবসায়ির সম্প্রাণ্য হইতে পারে না; অতএব অনেকে অনাবৃত স্থানে দ্রব্যসামগ্রী স্থাপন পূর্বক ক্রয়বিক্রয় করে। বাণিজ্যকারিদিগের পুঞ্জ ২ বাণিজ্য সামগ্রী এবং তীর্থযাত্রী ও ক্রয়বিক্রয়ি লোকের জনতা এই দুই বিষয়ে

সকল স্থান এমত সঙ্কীর্ণ হয় যে স্বচ্ছন্দে গমনাগমনও দুর্ঘট হইয়া উঠে।

মেলার উপলক্ষে যে সমস্ত বাণিজ্য দ্রব্য আনীত হয় তন্মধ্যে নানাবিধ স্ত্রী সূন্দর কল, ও কাশ্মীরীয় শাল এবং অশ্ব, উষ্ট্র প্রভৃতি পশু সর্বোৎকৃষ্ট। অনেক স্থানের লোকেরা সে সকলের ক্রয় নিমিত্তও আগমন করিয়া থাকে।

হরিদ্বারের মেলায় নানা দেশের বাণিজ্যকারি লোকের বিশেষতঃ ভূয় ২ তীর্থযাত্রির সমাগমে যদিও অতিশয় জনতা হয়, এবং যদিও সমস্ত বৈশাখমাস গঙ্গাস্নান বিধেয় হওয়াতে ঐ জনতা দীর্ঘকাল থাকে, তথাপি সেখানে অবস্থানের অসুবিধা হয় না; নিকটবর্তি স্থানের অধিকাংশ তীর্থযাত্রী স্নান পূজাদি ক্রিয়া কলাপ সমাপন পূর্বক প্রত্যহ স্ব ২ ভবনে প্রত্যাবর্তন করিয়া থাকে; সুতরাং নিশাভাগে জনতার অনেক হ্রাস হওয়াতে তীর্থবাসি ও ব্যবসায়ি লোকে স্বচ্ছন্দে থাকিতে পারে। এই মেলায় কত লোকের সমাগম হয় এক্ষণে নিশ্চয় সঙ্খ্যা করা যাইতে পারে না। কিন্তু পূর্বকালে যখন ঐ স্থান মহারাষ্ট্রীয় রাজার অধিকৃত ছিল তখন প্রত্যেক তীর্থযাত্রী ও বাণিজ্যকারির প্রতি কর নির্দ্ধারিত থাকাতো কিয়দংশ লোকের সঙ্খ্যা হইতে পারিত। কথিত আছে কোন ২ বৎসর দ্বাদশ লক্ষ মনুষ্য একত্র হইয়াছে।

এই মেলায় যে ঋণ অসঙ্খ্য মানব ও অন্যান্য অগণ্য জীব জন্তু একত্র সমাগত হয় তাহাতে তাহাদের আহারীয় দ্রব্য সামগ্রীর অভাব হইবার সম্ভাবনা আছে; কেননা ক্ষুদ্র নগর হরিদ্বারের নিকট ক্ষেত্রাদিতে তাদৃশ অসঙ্খ্য প্রাণির সম্প্রাষণোপযুক্ত শস্যাদি উৎপন্ন হওয়া সম্ভাব্য নহে; কিন্তু এই জনতাতে কাহার পক্ষে কোন

দ্রব্যের অভাব হয় না। বাণিজ্যার্থ অন্যান্য সামগ্রীর ন্যায় বিবিধ ভক্ষ্যও নানা স্থান হইতে আনীত হইয়া থাকে। অপর তপ্তলাদি অহরহ ভূরি ২ পরিমাণে ব্যবসায়ি লোককর্তৃক প্রেরিত হয়। পরন্তু দূরদেশ হইতে যে সকল বাণিজ্যকারী অন্যান্য পণ্য আনয়ন করে তাহারা আপনাদের খাদ্যসামগ্রী একেবারে প্রায় গৃহ হইতেই সঙ্গ্রহ করিয়া আনিয়া থাকে।

হরিদ্বারের মেলায় তীর্থযাত্রী ও ব্যবসায়ী লোকের যজ্ঞপ জনতা হয় সন্ন্যাসী, যোগী, দণ্ডী, ইত্যাদি ভূরি ২ উদাসীন লোকেরও সমাগম হওয়াতে তাহাদের জনতাও তজ্ঞপ হইয়া থাকে; কলতঃ ভারতবর্ষমধ্যে যে স্থানে যত প্রকার উদাসীন আছে প্রায় সকলেই আসিয়া থাকে। ঐ সকল লোক নানা বেশধারী, তাহাদের মধ্যে এক জাতীয় সন্ন্যাসির প্রতিমূর্তি ১০৮ পৃষ্ঠায় অঙ্কিত হইয়াছে।

উল্লেখিত উদাসীন লোকদিগের মধ্যে গোসাঁই নামে বিখ্যাত এক জাতীয় সন্ন্যাসী অতিশয় পরাক্রমী। তাহারা দলবদ্ধ হইয়া সর্বত্র পরিভ্রমণ করে। মহারাষ্ট্রীয়দিগের অধিকার কালে ঐ গোসাঁইরা প্রায় সর্বদা অত্যাচার করিত; কিন্তু ইদানী ইংরাজ রাজপুরুষদের শাসনে তাহাদের দমন হইয়াছে।

যে সকল ব্যক্তি পুণ্যোদ্দেশে হরিদ্বারের মেলায় গমন করেন তাহাদিগকে বিশেষ বৃত্ত নিয়ম বা শ্রদ্ধা শাস্তি কিছু করিতে হয় না। সঙ্কল্পবাক্য অভিলাপ পূর্বক সকলেই গঙ্গাস্নান করেন। তাহারা স্বয়ং সঙ্কল্পবাক্য বিরচনে অক্ষম, পুরোহিতেরা তাহাদিগকে সঙ্কল্প করাইয়া থাকেন। অতএব উক্ত তীর্থে গঙ্গাস্নানই মুখ্যকর্ম হওয়াতে স্নানকালে গঙ্গার গর্ভে ও তীরে লোকারণ্য হয়।

ঐ স্থানে গঙ্গানদীর জল তিন হস্তের অনধিক গভীর হওয়াতে সকলে নীরে দণ্ডায়মান হইয়া স্নান তর্পণ সমাধা করেন; এবং অবলারাও অধিক দূরে গিয়া অবগাহন করিতে সঙ্কুচিতা হয় না। স্নান সমাপন হইলে তীর্থযাত্রীদের মধ্যে যে সকল পুরুষ মৃতপিতৃক এবং যে সমস্ত স্ত্রী বিধবা, তাহারা মস্তক মুগুন করিয়া কেশ সকল চতুষ্পাথে নিক্ষেপ করেন। তাহার কারণ এই পরম্পরাগত জনপ্রবাদ আছে, যত অধিক সঙ্খ্যক ব্যক্তির চরণ করণক ঐ কেশ সংস্পৃষ্ট হয় কেশধারির তত পুণ্যবৃদ্ধি হইতে থাকে।

অপর তীর্থ যাত্রীরা হরিদ্বারের হরকা-পৈরী তীর্থে গঙ্গাস্নান করিয়া ঘণ্টের উপরিস্থ দেব নিকেতনে প্রবেশ পূর্বক তথায় মহাদেবের দর্শন-প্ৰণাম পূজনাди করিয়া থাকে। কোন ২ তীর্থযাত্রী সমধিক পুণ্যসঞ্চয় মানসে নিকটবর্তি অন্যান্য তীর্থে গমন করেন। কিয়দূরে পঞ্চতীর্থ নামক যে স্থান, তথায় অমৃতকুণ্ড, তপ্তকুণ্ড, রামকুণ্ড, সীতাকুণ্ড, এবং সূর্যকুণ্ড নামে কুণ্ডপঞ্চক আছে। সে সকলেতে স্নান তর্পণাদি করিলে মহাফল হয় বলিয়া যাত্রীরা ঐ স্থানে গিয়া যথাবিধি ঐ সমস্ত ক্রিয়াকলাপ করে। কোন ২ যাত্রী ঐ তীর্থ সাজ করিয়া তথা হইতে হিমালয়ের যে নির্বার হইতে ভাগীরথী পতিত হইতেছে তদর্শন মানসে তদভিমুখে গমন করিয়া থাকেন।

\*\*

### ভোজরাজার বিবরণ।

ভোজরাজার নাম সকলেই শ্রুত  
আছেন; এবং ইনি বিদ্যানুরাগে  
সর্বদেব অনুরক্ত থাকিয়া বি-  
দ্যাব্যবসায়িদিগকে বিদ্যানুকাপে ভূরি ২ পা-



রিতোষিক প্রদান করিতেন, ও আজন্ম মৃত্যু পর্য্যন্ত প্রায় এই অনুরাগেই প্রমত্ত ছিলেন, ইহাও অনেকে শ্রুত আছেন। কিন্তু ইহার প্রকৃত ইতিহাস কিছুমাত্র প্রচার নাই; ভোজ-প্রবন্ধাদি গুলে যাহা কিছু দৃষ্ট হয় তাহা অলীক-গল্পে পরিপূর্ণ; পরন্তু অন্য উপায় না থাকায় উক্তগুলে যে সকল বাক্য সম্ভব পর বোধ হয় তাহা এস্থলে সঙ্ক্ষেপে প্রকাশ করা যাইতেছে।

ধারা নামেবিখ্যাত নগরীতে সিদ্ধল নামা রাজা ছিলেন; তাহার বৃদ্ধাবস্থায় সাবিত্রী রাজ্ঞীর গর্ভহইতে এক পুত্র সমুৎপন্ন হয়। জ্যোতির্বেত্তারা ঐ বালকের নাম ভোজ রাখিয়াছিলেন। পুত্রটির পঞ্চবর্ষ বয়ঃক্রম হইলে রাজা আপনার মরণ-সময় নিকটবর্তী জানিয়া মনে ২ বিচার করিতে লাগিলেন; “এই রাজ্য পুত্রকে কিম্বা মুঞ্জ ভ্রাতাকে অর্পণ করি? সমর্থ ভ্রাতা সত্ত্বে অপটু পুত্রকে দেওয়ায় লোকাপবাদ, এবং পুত্রের ক্লেশের সম্ভাবনা।” ইত্যাদি বিচারে ভ্রাতাকেই সর্ব-তোভাবে রাজ্য দেওয়া শ্রেয় ভাবিয়া তাহাকে রাজ্যে অভিষিক্ত-করণপূর্বক তাহার ক্রোড়ে পুত্রকে সমপণ করিলেন।

বৃদ্ধ রাজার মরণান্তর ভোজ বুদ্ধিসাগর নামা প্রধান অমাত্যকে পদচ্যুত করিয়া সেই পদে অন্য কোন ব্যক্তিকে নিযুক্ত করেন। ইহা শুনিয়া মুঞ্জরাজা চিন্তায় ব্যাকুল হওত এক বিজ্ঞ ব্রাহ্মণ সম্মতিব্যাহারে স্বকীয় শয়নাগারে প্রবেশ করিয়া বিচার করিতে লাগিলেন; “আমি অনুমান করি, বয়ঃপ্রাপ্ত হইলে এই ভোজ অত্যন্ত প্রতাপী হইবেক; আমি ইহার সম্পর্কে এবং বয়োপেক্ষাও মান্য, পরন্তু আমাকে তীব্র মানিয়া সকল রাজকীয় কর্ম করিতেছে। বোধ হয় আমি রাজলক্ষ্মী বিহীন হইলাম। ভোজ যখন বুদ্ধি-

সাগরকে পদচ্যুত করিয়াছে, তখন অবিলম্বে আমারও তাদৃশ গতি করিয়া আপনি একাকী রাজ্যাধিপতি হইবে এই ইহার বাসনা, ইহাতে কোন সন্দেহ নাই!” ব্রাহ্মণ কহিল, “নৃপতে, এই সময়ে ইহার বিহিত উপায় না করিলে আপনার মঙ্গল-সম্ভাবনা অসম্ভাবনীয়া হইবে। এতাদৃশ বিষয়ে পরম্পরাসিদ্ধ এই মাত্র এক উপায় স্থিরীকৃত আছে। শত্রুকে ছোট বড় জ্ঞান না করিয়া তৎক্ষণাৎ তাহার বিবিধপ্রকারে বিনাশ করিবে; কদাপি অবহেলা করিবে না। অন্যথা ব্যাধিবৎ; তদ্বারাই সে বিনাশকে পায়। অতএব আপনার পক্ষেও এই সৎপরামর্শ।” রাজা এ প্রকারে পরামর্শ স্থির করিয়া আপনার পরম প্রীতিপাত্র বৃদ্ধদেশাধিপতি বৎস রাজার আহ্বান করণার্থে এক সূচতুর দূতকে পাঠাইলেন। দূতবাহী শূনিবামাত্র রাজা সমজ্ঞ হওত রথে আরোহণ করিয়া ধারা নগরাভিমুখে বেগে যাত্রা করিলেন। এবং যথাকালে উক্তনগরাধিপতি মহারাজের নিকটে উপনীত হইয়া প্রণামাদি কুশল প্রশ্ন করত রাজাজ্ঞায় যথোচিত স্থানে উপবিষ্ট হইলেন। তৎক্ষণাৎ মুঞ্জরাজা সভাসদদিগকে বহিঃপ্রেরণ করিয়া বৎসরাজের নিকট স্বাভিপ্রায়কে ব্যক্ত করিয়া কহিলেন; “হে বৎসরাজ, রাজা তুষ্ট হইলে ভৃত্যবর্গের সম্মান করে; তাহারা আপনার প্রাণ পর্য্যন্ত দিয়া প্রত্যুপকারে তৎপর হয়। আমি তোমাকে কোন কার্যার্থে অনুরোধ করিব তুমি তাহার প্রতিপালনপূর্বক আমাকে কৃতজ্ঞতাপাশে বদ্ধ কর।” বৎসরাজ কহিলেন; “মহারাজ, আজ্ঞা কখন, আমি অবশ্য করিব।” রাজা বলিলেন, “হে বৎসরাজ, যে বনে ভুবনেশ্বরী দেবী আছেন সেই বনে উক্ত দেবীর প্রীত্যর্থে তাহার সম্মুখে ভোজের শিরশ্ছেদন করিয়া আমার নিক-

টে ঋটিতি আনয়ন করহ”। রাজার এতাদৃশ নিষ্ঠুর বাক্য-শ্রবণে বৎসরাজ সভয়ে গাত্রোথান করত নিবেদন করিলেন; “মহারাজ, আমি মহাশয়ের ভৃত্য, বহু প্রকারে প্রতিপালিত এবং অনুগৃহীত, আমার এতাদৃশ ক্ষমতা নাই যে মহাশয়ের বাক্যের প্রত্যুত্তর প্রদান করি; তথাপি এবিষয়ে অনায়াস বোধ হইবার কিঞ্চিৎ নিবেদন করিব, অপরাধ মার্জনা করিতে হইবেক! দেখুন প্রথমতঃ ভোজের প্রচুর ধন, বিপুল বল বা বহু সহায় নাই; কেবল সে পাক্কির তত্ত্বায় উদর পরিপূর্ণ করত ইতস্ততো ভ্রমণদ্বারা দিনপাত করিতেছে। তদ্বারা কি মহাপরাধ ঘটিল যে মহাশয়ের তদ্বধে এতাদৃশ উৎকট ইচ্ছা হইয়াছে”? এতৎবাক্য শ্রবণান্তর রাজা বৎসরাজকে বুদ্ধি-সাগরের বৃত্তান্ত আনুপূর্বিক জ্ঞাত করাইলেন। তৎশ্রবণে ঈষৎ হাস্যপূর্বক বৎসরাজ প্রত্যুত্তর দিলেন; “মহারাজ, দেখুন ত্রেতাযুগে বশিষ্ঠদেব শ্রীরামের রাজ্যাভিষেকার্থে যে দিন স্থির করিয়াছিলেন সেই দিনে শ্রীরামকে বন-বাসার্থে যাত্রা করিতে হইয়া ছিল। মুনিশ্বেষ্ট বশিষ্ঠদেব ত্রিকালজ্ঞ হইয়াও পরদিবসের কথা জানিতে পারিলেন না। পাপিষ্ঠ কলিযুগী ব্রাহ্মণের কথায় সত্য জ্ঞান করিয়া আপনার প্রাণের প্রিয়তম মম্বথমূর্তি ভ্রাতুপুত্রকে বিনাশ করিতে উদ্যত হইয়াছেন। ইহা মহাশয়ের সর্বথা অকর্তব্য। অপর দেখুন, ভোজের বিনাশ করাতেই মহাশয়ের অভীষ্ট সম্পন্ন হইবে ইহাও মনে করিবেন না; কারণ অতুল্য দিবস মহাশয়ের রাজ্য-প্রাপ্তি হইয়াছে; ইতিমধ্যে যে মহাশয়ই রাজা এতাদৃশ দৃঢ় নিশ্চয় সৈন্য সামন্ত প্রজাদিগের কাহারো হয় নাই। তনেকে কহে, মৃতরাজা রাজ্য পুত্রকেই দিয়াছেন, ভ্রাতাকে কেবল প্রতিনিধি-

স্বরূপ করিয়া গিয়াছেন। যে পর্য্যন্ত ভোজ বালক থাকিবেন তত দিবস ইনিই রাজ্যের প্র-তিপালন করিবেন, সমর্থ হইলে ভোজ রাজ্য-প্রাপ্ত হইবে। অতএব ভোজের বধ শুনিলে ঐ সকল সৈন্য সামন্ত প্রজা প্রভৃতি মহাশয়ের এই নগরকে ছিন্নভিন্ন করিয়া দিবে; অধিকন্তু মহাশয়ের উপরি আঘাত করাও আশ্চর্য্য নহে। অতএব এই বিষয়ে ক্ষান্ত হউন। পুত্রবধ সর্ব-প্রকারে অশ্রেয়স্কর।” বৎসরাজের এই সদুপ-দেশ-বাক্য-শ্রবণে রাজা অতিক্রোধাধিত হইয়া বলিলেন, “বৎসরাজ, বোধ হয় তুমিই এই সমস্ত রাজ্যের অধিপতি; আমার সেবক কদাপি নহ। তাহা হইলে মদাজ্ঞা লঙ্ঘন কদাপি করিতে না”। বৎসরাজ সভয়ে কহিলেন, “মহারাজ, পূর্বে যাহা আজ্ঞা করিয়াছেন তাহাই করিব আর ক্রোধ প্রকাশিবেন না”। তদনন্তর সম্মুখে উঠিয়া রাজাকে প্রণাম করত উক্ত কার্য সম্পাদনার্থে প্রস্থান করিলেন। তৎসময়ে বৎসরাজের ভয়ানক আ-কৃতি দর্শন করিয়া সম্পূর্ণ সভাসদ প্রভৃতি পলা-য়নচ্ছলতঃ স্ব ২ ভবনে প্রবিষ্ট হইল। বৎসরাজ রাজসদনহইতে বহির্ভূত হইয়া তত্রত্য আবাস-রক্ষণার্থে স্বকীয় ভৃত্যবর্গকে প্রেরণ করত এক দূতকে ভোজের অধ্যাপকের আহ্বান-নিমিত্ত পাঠাইলেন।

অধ্যাপক সমাগত হইলে বৎসরাজ প্রণাম ক-রিয়া ভোজকে নিকটে আনিত্তে তাহার প্রুতি আ-জ্ঞাপ্রদান করিলেন। তিনি তৎক্ষণাৎ এক ছাত্রকে প্রেরণ করিলেন। সে ভোজ-নিকটে গিয়া তা-হাকে পুনঃ ২ আহ্বান করিল; কিন্তু ভোজ তাহা শুনিয়াও তথায় আগমন করিলেন না। ইহাতে বৎসরাজ কুপিত হইয়া স্বয়ং অন্তঃপুর-হইতে বলাৎকারে ভোজকে ক্রোড়ে লইয়া রথে



সমারোহিত করত স্বহস্তে নগ্নখড়্ধ ধারণপূর্বক ভুবনেশ্বরী দেবীর মন্দিরাভিমুখে রথ চালান করিতে আজ্ঞা দিলেন। এই বাক্য শুনিবামাত্র পুরবাসি প্রজা সৈন্যগণ প্রভৃতি সকলে মহাকোলাহলপূর্বক খড়্ধাদি শস্ত্র লইয়া বৎসরাজের অভাবে অশ্ব গজ রথাদিকে সরোষে আঘাত করিতে লাগিল। ভোজমাতা দাসী প্রমুখাৎ এই সকল বৃত্তান্ত শুনিয়া বহুপ্রকার বিলাপ করিতে লাগিলেন। বৎসরাজ সঙ্ঘার সময়ে ভুবনেশ্বরীমন্দিরের সম্মুখে ভোজকে উপনীত করিয়া কহিলেন; “রাজকুমার, তোমার ইষ্টদেবতাকে স্মরণ করহ; তিনি এই নিজ্জন অরণ্যে তোমাকে পরিদ্রাণ করুন”। ভোজ কহিল, “ওহে বৎসরাজ, তুমি অবোধের সদৃশ বাক্য কহিতেছ! দেখ কালবশতঃ সাক্ষাৎ রামচন্দ্রকে বনে যাইতে, বলিকে বন্ধনে নিবদ্ধ হইতে, বৃষ্টিদিগকে নিধনহইতে হইল, এবং নলের রাজ্যচ্যুতি, দেবতার কাণাগারে স্থিতি, রাবণেরও মৃত্যু, হইয়াছে। কালেতেই সকল হয়। কেহ কাহাকে রক্ষা করে না”। ইত্যাদি অনেক শাস্তিকারক বাক্য প্রকাশ করিয়া অবশেষে স্বকীয় জঙ্ঘাক্রমহইতে উৎপন্নকধিরদ্বারা এক পদ্য লিখিয়া সেই পদ্য বৎসরাজের হস্তে সমর্পণ করত কহিলেন; “বৎসরাজ, আর বিলম্ব কেন? যদর্থ আমাকে এই স্থানে আনিয়াছ, সেই কার্য সম্পন্ন করহ”। এতাদৃশ বালকের প্রগল্ভ বাণী শুনিয়া বৎসরাজের অনুজ জ্যেষ্ঠভ্রাতা প্রুতি সদুপদেশপ্রয়োগ করত কহিলেন; হে ভ্রাতঃ, ক্ষণভঙ্গুর শরীর ধারণ করিয়া রাজার প্ৰীত্যর্থ কি নিমিত্তে চিরস্থায়ি অক্ষয়কল-কলঙ্কদায়ি মহাপাতকপ্রদ কুৎসিত কর্মে প্রবৃত্ত হইতেছেন? দেখুন মরণান্তর দেহসম্বন্ধি বন্ধুবান্ধবাদি কেহ আত্মার সঙ্গে যায় না; কেবল ধর্মই

সহগামী হয়। পরলোকে অধর্ম-প্রতিকারের উপায় কদাপি হইতে পারে না; এ অধর্ম করিলে অবশ্য নরক ভাগী হইতে হইবে”। এতাদৃশ অনুজের জ্ঞানোপদেশক-বাক্য শ্রবণে বৈরাগ্যোৎপত্তি হইয়া বৎসরাজ আপনাকে ধিক্কার করিয়া ভোজকে প্রণাম করত কহিল; “হে মহারাজ, আমার অপরাধ ক্ষমা কর। আমি আপনার ভৃত্যানুভৃত্য হইয়া এতাদৃশ অকর্তব্য-কর্মে প্রবৃত্ত হওয়াতে নিতান্ত অপরাধি হইয়াছি”। ভোজ কহিলেন; “ইহাতে তোমার কিঞ্চিন্মাত্র দোষ নাই, দোষ-গুণ স্বামিরই ধর্তব্য; সেবকের কদাপি নহে”। এই প্রকারে সমাখ্যাসিত হইয়া বৎসরাজ ভোজকে আপন রথে প্রত্যানয়ন করত রাজভবনের গোপন-স্থানে লুক্কাইত করিয়া রাখিল; এবং সিল্পিদ্বারা নির্মিত যথার্থ ভোজ-মুখানুরূপ এক কৃত্রিম মুখ হস্তে লইয়া মুঞ্জরাজার নিকট উপস্থিত হওত প্রণামপূর্বক কহিল, “মহারাজ, যদর্থ আমাকে পাঠাইয়াছিলেন তাহার কলম্বরূপ এই ভোজের মস্তক লইয়া আপনার কার্য সফল করুন”। তদৃষ্টে রাজা জিজ্ঞাসিলেন, “বৎসরাজ, খড়্গ-প্ৰহার-সময়ে ভোজ কিছ বাক্য উচ্চারণ করিয়াছিল কি না”? বৎসরাজ বলিল; “মহারাজ, মুখব্যপারে কোন বিশেষ কথা না কহিয়া বটপত্রে লিখিত এক পদ্য মহাশয়কে দিতে বলিয়াছিল, তাহা এই লউন”। রাজা ঐ পত্র লইয়া ক্ষণমাত্র রোদন করত কহিলেন; “বৎসরাজ, এই মস্তক কোন দূর স্থানে নিক্ষেপ কর”। বৎসরাজ তন্নিক্ষেপার্থে বহির্গমন করিলে পর রাজা ব্রাহ্মণকে বটপত্রে লিখিত পদ্যপাঠে অনুরোধ করিলেন। ঐ পদ্য যথা,

“মাক্ষাতা চ মহীপতিঃ কৃত্যুগেলঙ্কারভূতো গতাঃ

সেতুর্মে মনোদধৌ বিরচিতঃ ক্বাসৌ দশাস্যাত্তকঃ।

অন্যে চাপি যুধিষ্ঠিরপ্রভৃতয়ো যে চাভবন্ ভূভূতো।  
নৈকেনাপি সমঙ্গতা বসুমতির্মন্যে ত্বয়া যাস্যতি ॥”

অস্যার্থঃ। “পূর্বে সত্যযুগে এই পৃথিবীতে অতি পুতাপী মাক্ষাতা প্রভৃতি মহান রাজা-সকল হইয়াছিলেন; কিন্তু তাঁহারা সকলে একাকী পরলোকে গমন করেন; ত্রেতাযুগে অপার বারিধিতে পুস্তুরময়-সেতুবন্ধন, রাবণাদি-বধ, ইত্যাদি অদ্ভুত কার্য করণে সমর্থ শ্রীরামচন্দ্রও স্বধামে একাকী প্রস্থান করিয়াছিলেন; এতদ্ভিন্ন অপর যুধিষ্ঠিরাদি ভূরি ২ মহারাজারাও একাকী লোকান্তর হইয়াছেন। এই পৃথিবী কাহারও সঙ্গে যায় নাই; কিন্তু বোধ করি ইহা তোমার সঙ্গে যাইতে পারিবে”। ঐ পদ্য শ্রবণে রাজা দুঃখাঙ্কিত হইয়া রাণীর নিকটে বিলাপ করিতে লাগিলেন এবং কহিলেন, “হে প্রিয়ে, পুত্রঘাতী মহাপাতকী আমাকে স্পর্শ করিও না। সম্প্রতি ধর্মশাস্ত্রবেত্তা ব্রাহ্মণবর্গকে ঝাটতি আনয়ন কর। যাহাতে আমি এই পাপহইতে মুক্ত হই, অগ্রে তাহারই চেষ্টা কর”। রাজার এতাদৃশ সঙ্কণবাণী শ্রবণ করিয়া রাজ্ঞী সত্বরে পুরোহিতকে ডাকিতে আজ্ঞা দিলেন। ব্রাহ্মণেরা শ্রবণমাত্রে রাজার নিকটে সমাগত হইয়া আশীর্বাদপূর্বক নিবেদন করিলেন; “মহারাজ, কি নিমিত্তে আমাদিগকে আহূত করিয়াছেন”? রাজা কহিলেন “ভো ভট্টাচার্য্যমহাশয়েরা, আমি আমার ভ্রাতৃপুত্রকে বধ করিয়াছি; ইহার যথার্থ কি প্রায়শ্চিত্ত হইতে পারে তাহা আপনারা বিবেচনা করিয়া আদেশ করুন”। তাঁহারা কহিলেন; “মহারাজ, আমরা মহাশয়ের নিতান্ত আশ্রিত অতএব কটু কথা বলিতে দুঃখ বোধ হয়, তথাপি শাস্ত্রী-ত্যা ইহার প্রায়শ্চিত্ত সবস্ত্রে অগ্নিপ্রবেশ; পরে মহাশয়ের যাহা ইচ্ছা; আমরা বিধি-

নিষেধে অসমর্থ”। রাজা বলিলেন, “মহাশয়েরা যাহা বিবেচনাপূর্বক আজ্ঞা করিলেন তাহা আমার পক্ষে অতি উত্তম হইয়াছে; মহাপাপী হইয়া জীবনাপেক্ষায় অগ্নিপ্রবেশে প্রাণত্যাগ করাই কর্তব্য”।

এই কথা জনপরিষদাদ্বারা তৎক্ষণাৎ নগরস্থ সকলেরই কর্ণগোচর হইয়া গেল। বুদ্ধি সাগরেরও কর্ণগত হইবামাত্র তিনি অত্যশ্চর্য বোধ করিয়া ত্বরায় ভবনে উপনীত হইলেন, এবং দ্বারপালকে বলিলেন; “দ্বারপাল, ইতঃপর রাজ ভবনে কোন ব্যক্তিকে প্রবেশ করিতে দিও না, তাহা হইলে তুমি দণ্ডার্থ হইবে”। অতঃপর বৎসরাজের সহিত সাক্ষাৎ হইয়া তদ্বারা রাজবৃত্তান্ত সমস্ত জ্ঞাত হইলেন। বৎসরাজ মৃদুস্বরে কহিলেন; “মহাশয়, আপনি মনে করিয়া থাকিবেন যে আমি যথার্থ ভোজকে বিনাশ করিয়াছি; বস্তুতঃ তাহা নহে। ঐ বাতী কেবল রাজার ভয়ে আমি জনরব করিয়াছি, কলতঃ ভোজকে কোন গোপনায় স্থানে লুক্কাইত করিয়া রাখিয়াছি; মহাশয়ের অনুমতি হইলেই সমানয়ন করিব”। এই বাক্য শ্রবণমাত্র অন্তরে পরমানন্দ প্রাপ্ত হওত দৃশ্যে সশোক-মুখাকৃতির অনুকরণাচরণকে অবলম্বন করত রাজসন্নিধানে উপস্থিত হইয়া প্রণতি পূর্বক উপবিষ্ট হইলেন। সভাতে রাজার সহিত উক্ত বাতীর কর্তব্যকর্তব্য বিষয়ে আন্দোলন হইতেছিল, ইতিমধ্যে দৃষ্টি হইল, সর্বাঙ্গ বিভূতি-ভূষিত কাষায়-কৌপানধারী স্ফটিক-কুণ্ডল-মণ্ডিত সাক্ষাৎ মন্থমুর্তি এক অপূর্ব যোগী সভার সম্মুখে আসিতেছেন। তদৃষ্টে বুদ্ধিসাগর গাত্রোখানপূর্বক সপ্রণতি নিবেদন করিলেন, “হে যোগিন, আসিতে আজ্ঞা হউক; অদ্য আমাদিগের পরমভাগ্য যে মহাশয়ের শ্রীচরণ-



দর্শন হইল”। পরে রাজা সম্মান পুরস্কার যোগিকে পবিত্রাসনে বসাইয়া নিবেদন করিলেন, “হে যোগিন্, ভ্রাতৃপুত্রার্থি মহাপাতকী পামরের গৃহে কি অভিপ্রায়ে পাদার্পণ করিলেন?” যোগী কহিলেন; “মহারাজ, তন্নিমিত্তে মনে ক্ষোভ করিবেন না; কল্য প্রাতঃকালে তোমার ভ্রাতৃপুত্র আপনি তোমার নিকটে আসিবেন; পরন্তু আমি যাহা নিবেদন করিতেছি তাহা নিঃসন্দেহে নিষ্পন্ন কর। এই বুদ্ধিসাগর মন্ত্রিকে অদ্য রাত্রিতে হোমদুব্য লইয়া শ্মশানে পাঠাইয়া দিবেন। সে সময়ে আমিও সেই স্থানে থাকিব। কোন দেবতা-বিশেষোদ্দেশে হোমাদি করিব, তাহাতে মহাশয়ের ভ্রাতৃপুত্র প্রাণদান পাইবেন”। রাজা অতিশ্রুত হইয়া তদনুসরণ আজ্ঞা দিলেন। তদনন্তর বুদ্ধিসাগর প্রভাতের প্রাক্কালে উচ্চৈঃশব্দে সর্বত্র প্রচার করিতে লাগিলেন “যে এক যোগী শ্মশানে হোমাদি বিধানে ভোজের জীবিত প্রদান করিলেন”। বুদ্ধিসাগরের বিশ্বস্ত এই বাণী শ্রবণ করিয়া নগরস্থ সকলেই চমৎকৃত এবং আনন্দিত হইলেন।

পরদিন প্রাতঃকালে বুদ্ধিসাগর অমাত্যবর্গ যোগি সমভিব্যাহারে সর্বাভরণ ভূষিত ভোজকে পুরোবর্তী করিয়া রাজভবনের অতি সন্নিহিত মন্ডনে উপনীত হওত যথোচিত আসনে সন্নিবিষ্ট হইলেন। পরে স্বীয় কথোপকথন রাজার কর্ণগোচর হয় এমত অভিপ্রায় বুদ্ধিসাগর যোগিকে জিজ্ঞাসা করিতে লাগিলেন “মহাশয়; আপনি ভোজের প্রাণ দান করিয়াছেন এতন্নিমিত্ত কিঞ্চিৎ পারিতোষিক গ্রহণ করিতে হইবেক”। যোগি কহিলেন; “আমাদিগের সর্বত্রই নিবাস স্থান, ভিক্ষাম, নদী সরোবরস্থ জল, বলুল বস্ত্র ইত্যাদি প্রয়োজনীয় সকল দ্রব্যই সুপ্রাপ্য আছে,

অতএব তদর্থে অর্থ লওয়া ব্যর্থ। উপভোগ ব্যতিরেকে কেবল সঞ্চয় করায় ফলাভাব। আমরা গুরুপদেশানুসারে সর্বত্রই ভ্রমণ করি; এবং যে স্থানে মনুষ্যকে বিপদাপন্ন দেখি, কেবল পরোপকারার্থে তাহার তৎক্ষণাৎ গুরুপ্ৰসাদে প্রতীকার করিয়া থাকি। তাহাতে প্রাপ্তিহার কিছু মাত্র উল্লেখ নাই”। রাজা কুড়া-স্তরিত হইতে ইহা শুনিয়া যোগি প্রভৃতিকে সভায় আনিতে আজ্ঞা করিলেন। তাহার রাজাজ্ঞানুসারে সভায় গমন সময়ে বহুবিধ বাদ্যাদিকুতূহলে ভোজকে অগুবর্তী করিয়া রাজসভায় উপস্থিতিপূর্বক যথাযোগ্য প্রণামাদি করিয়া উপবিষ্ট হইলেন। রাজা যোগির চরণকমলে সাষ্টাঙ্গে দণ্ডবৎ করিয়া ভোজকে আলিঙ্গন করত রোদন করিতে লাগিলেন; এবং ভোজের বহু প্রকার পরিতোষ বাক্যে রোদনে নিবৃত্ত হইয়া অধোবদন হওত তাহাকে রাজসিংহাসনে সংস্থাপনপূর্বক নিখিলরাজ্য সমর্পণ করিলেন, এবং কতিপয় গ্রাম প্রত্যেক স্বপুত্রদিগকে প্রদান করিয়া স্বয়ং স্বপত্নী সহিত তপস্য সাধনার্থে তপোবনে যাত্রা করিলেন।

ভোজরাজা পৈতৃক রাজ্য প্রাপ্ত হইয়া প্রধান মন্ত্রী বুদ্ধিসাগরের সংপরামর্শানুসারে সুখে রাজ্যপ্ৰতিপালন করিতে লাগিলেন। রাজ্যের রক্ষণাবেক্ষণ বুদ্ধিসাগরই করিতেন, রাজা কেবল পণ্ডিত-জনমণ্ডলীকৃত গদ্যপদ্যাবলী-শ্রবণ-লীলা-কৌতূহলপীযুষ-পানেই অবিরত রত থাকিতেন। অতএব তাঁহার বিদ্যানুরাগিতা গুণ-জ্ঞতা দাতৃহাদি গুণ সর্বত্র বিখ্যাত ছিল। ঐ প্রযুক্ত পুষ্প সুরভিছারা সমাকর্ষিত ভ্রমরের ন্যায় বিবিধ-বিদ্যা-বিজ্ঞ-বুধজনেরা রাজসমাজে সমাগত হইয়া কীর্তি-বর্ণন-বিষয়ে

স্বকৃত পদ্য শ্রবণ করাইতে বাধিত হইত। রাজা তৎশ্রবণ করত প্রচুরমুদ্রা পারিতোষিক প্রদান করিতেন। অভাবতঃ জঘন্য সংস্কৃতে বা ইতর-ভাষাতেও যে যে পদ্য নিবন্ধ করিয়া শ্রবণ করাইত তাহাকেও প্রতি পদ্যে লক্ষমুদ্রা পুরস্কার দিতেন। ইহাতে বোধ হয় যে তৎকালের বিদ্যাব্যবসায়িরা অতি সুখে অনায়াসে কাল-যাপন করিতেন।

[কোন আত্মীয় ভট্টাচার্য মহাশয়ের নিকট হইতে এই প্রস্তাব প্রাপ্ত হইয়া অবিকল প্রকাশ করিলাম। ভোজ প্রক্টের নারহইতে ক্ষার বিভিন্ন করা কিদৃশ কঠিন তাহা এই প্রস্তাব লেখক কি পর্যন্ত জ্ঞাত হইয়াছেন তাহা আমরা স্মৃত হই নাই; পরন্তু তাহা পাঠক মহাশয়েরা এতৎ পাঠে অনায়াসে অনুমান করিতে পারিবেন। “প্রতি পদ্যে লক্ষ মুদ্রা”!!! একথা শুনিলে ভোজরাজ প্রতীবর্ষে কয়জন পণ্ডিতের সহিত সাক্ষাৎ করিতেন এই প্রশ্ন মনে উদয় হয়। বিঃ সং সং।]

### মেঘভুক্।

পরন্তু অপরাহ্নে একজন আত্মীয় সমভিব্যাহারে প্রীতিভোজন করিতেছিলাম, এমত সময়ে কেহ নিয়মিতরক্রে আহ্বার করাত বহ্মাহারিদিগের প্রসঙ্গে অনেক আশ্চর্য আখ্যায়িকা উল্লেখিত হইয়াছিল; তন্মধ্যে এক মেঘাহারির বিবরণ অত্যন্ত অদ্ভুত; বোধ হয়, পাঠক-মহাশয়েরা তাহার শ্রবণে বিস্ময়াপন্ন হইতে পারেন।


বক্তব্য আখ্যায়িকা যে পরম সত্য ইহাতে কোন সন্দেহ নাই; কারণ ইংরাজদিগের জনৈক প্রধান সেনাপতি মেজর জেনেরল হার্ডউয়িক সাহেব স্বচক্ষে ঐ মেঘাহারিকে নিম্নে প্রকাশ

পৈশাচিক কর্মে নিযুক্ত দেখিয়া তাহার বিবরণ লিপি-বন্ধ-করত লণ্ডন নগরীয় আনিয়াটিক সোসাইটিখ্য সভার সাময়িক পুস্তকের তৃতীয় পর্বে প্রকাশ করিয়াছেন।

তিনি লেখেন ইংরাজি ১৭৯৬ অক্টোবর ৩ রা মার্চ মাসের প্রাতঃকালে উক্ত মেঘভোগী আপনার গুরু ও মেঘদর-সমভিব্যাহারে কতেগড নগরের সেনানিবাসে উপনীত হয়। তাহাকে দর্শন করণার্থে তত্রত্য অনেক পুণ্ডিত সাহেব ও হিন্দু ও মোসলমান একত্র হইলে পর সে ব্যক্তি যৎকিঞ্চিৎ বক্তৃতা করণানন্তর পুরোবর্তী মেঘের পৃষ্ঠদেশে দংশন করণপূর্বক আপন দস্তদ্বার তাহাকে শূন্যে উত্তোলন করিলেক, এবং ক্ষণেক-কাল তদবস্থায় রাখিয়া পরে মস্তক ঘূর্ণায়মান করিয়া তাহাকে ভূমিপরি নিক্ষেপ করিল। অতঃপর ভূমিতে জানুরোপণ পূর্বক স্বয়ং উপবেশন করত মেঘের পদচতুষ্টয় প্রসারণ করিয়া ধরিল; এবং দস্তদ্বারা তাহার উদর বিদারণ করিতে লাগিল। মেঘের উদর বিদারণ হইলে পর ঐ পিশাচ-প্রকৃতি তন্মধ্যে আপন মস্তক প্রবৃষ্ট করাইয়া শোণিত পান করিতে লাগিল, এবং তিন চারি পল পর্যন্ত রক্তশোষণ করণানন্তর শোণিত-বিলেপিত বিকৃতাকার মুণ্ড মেঘোদরহইতে বিক্ষত করিয়া প্রুশংসা প্রত্যুশায় দর্শকদিগের প্রতি বিলোকন করিলেক।

অতঃপর ঐ দুপ্পৃহ-আম-মাংস-ভোজী মেঘের চর্ম নির্মুক্ত করিয়া মস্তক, হস্ত, পদ, পশুকাদি অঙ্গ প্রত্যঙ্গ পৃথক করত তদুপরি কিঞ্চিৎ ধূলি-লেপন করিল, এবং ঐ ধূলি লেপন বিষয়ে দর্শকদিগকে কহিল, যে তাহা করাত সে অনায়াসে অস্থিহইতে মাংস ও শিরা ছিন্ন করিতে পারিবেক। মাংস-নকল ধূলায় খুসর হইলে পর সে ব্যক্তি তৎসমুদায় অনা-





মেঘভুক্।

মাংসে ভক্ষণ করিলেক; অস্থি ভিন্ন কিছু মাত্র অবশিষ্ট রাখিলেক না; অধিকন্তু মাংসের সহিত তল্লিষ্ট ধূলি-পটলও একেশে এ পৈশাচিকের জঠারানলে নিক্ষিপ্ত হইল। মাংস সমুদায় ভুক্ত হইলে পর সে ব্যক্তি কএকটি অর্কপত্র চর্ষণ করত তাহার দুগ্ধ পান করিয়া দর্শকদিগকে কহিল, “আমি যাহা ভক্ষণ করিয়াছি তৎসমুদায়

এই রসের সাহায্যে জরায়ু জীর্ণ হইয়া যাইবেক, এই ক্ষণে আপনাদিগের অনুমতি হইলে অপর মেঘটিকে ভক্ষণ করি”।

উপরে যে ছবি প্রকাশ করা গেল তাহাতে এই শেষ বক্তৃতার অবস্থা চিত্রিত হইয়াছে। দক্ষিণ পার্শ্বে দণ্ডায়মান সুদীর্ঘ অশ্রুবিশিষ্ট বৃদ্ধটি এই বাতাহারির গুরু। ইহার উভয়ে বহুকাল একত্র কালযাপন

করিয়াছিলেন। ইষ্ট দেবটি শিষ্যের ন্যায় আমমাংসে রত ছিলেন না; শিষ্যের ভুক্তাবশেষ অস্থি সিদ্ধ করত কিঞ্চিৎ বোল প্রস্তুত করিয়া তদবলম্বনে দিনপাত করিতেন; কিন্তু শিষ্যটি তৎসময়ে ক্ষান্ত থাকিতেন না; গুরুর প্রসাদ বোল ও তদুপযুক্ত অন্ন ভক্ষণে তাঁহার তুল্যাবয়ব মনুষ্যকে অনায়াসে লজ্জাঙ্কিত করিতেন। পরন্তু যে ব্যক্তি অন্নানমুখে এককালে দুইটি স্থূলকায় মেঘের আমমাংস ভোজন করিতে পারে, সে তৎপরে অপরাহ্নে অন্যাপেক্ষা কিঞ্চিৎ অধিক অন্নব্যঞ্জনাদি ভোজন করিবে ইহাতে প্রশংসাধিক্য হয় না। গুরু শিষ্য উভয়েই রাজবারা-দেশবাসি হিন্দু। ইহার উত্তরবর্ষের উত্তর পশ্চিমে অনেক স্থানে ভ্রমণ করিয়াছিল; যে গুমে গমন করিত তথাকার গেহিনীরা পাছে মেঘভুক্ অবি-মাংসভাবে নৃশিশু আত্মদানে উদ্যত হয়, ইত্যাদি কায় আপনং অবগণ্ড অপত্যদিগকে লুকায়িত করিত।

১১ সে বৈশাখ; ১২৬০।

### কণিকাসমুচ্চয়।

ষাটশ দুব্য তাদৃশ মূল্য।

এ ক জন কবি কোন কৃপণ ধনির নিকট গিয়া ধনির যথেষ্ট প্রশংসা করিল। ধনী সন্তুষ্ট হইয়া কহিলেন; “হে কবির, অদ্য আমার নিকট টাকা নাই, কল্য তুমি আইলে তোমাকে কিঞ্চিৎ পারিতোষিক দিব”। পর দিন কবি অর্থ প্রত্যাশায় ধনির নিকট গিয়া পারিতোষিক যাচঞা করিলে পর ধনী কহিল; “আপনি কেবল কথা দ্বারা আমাকে তুষ্ট করিয়াছিলেন। আমিও তোমাকে পারিতোষিক প্রদানের কথায় তুষ্ট করিয়াছি; প্রকৃত ধন কিমর্থে দিব?”

মুচতুর তাত্ত্বিক।

এক জন মোহনমান কোন স্বজাতীয় পণ্ডিতের নিকট উপনীত হইয়া কহিল; “মহাশয়, আমার তিনটি সন্দেহ হইয়াছে, তাহা ভঞ্জন করিতে অনুমতি করুন।

১ প্রশ্ন! সকলে কহে পরমেশ্বর সকল স্থানে আছেন, তবে কেন তাঁহাকে দেখিতে পাই না?

২ প্রশ্ন! প্রবাদ আছে মনুষ্যহইতে কোন কর্ম হয় না, সকল কর্ম পরমেশ্বর করেন; তবে কি প্রকারে পাপ করণের শাস্তি মনুষ্যের প্রতি বিধান হইতে পারে?

৩ প্রশ্ন! শাস্ত্রে কহে শয়তানেরা সর্বদা পাপাচরণে রত থাকে এতৎপ্রযুক্ত তাহাদিগকে সৃষ্টিকর্তা অগ্নিকুণ্ডে নিক্ষেপ করিয়া রাখিয়াছেন; ইহাও উক্ত আছে এ শয়তানদিগের শরীর তেজঃ পদার্থে নির্মিত; অতএব এ স্থলে জিজ্ঞাস্য অগ্নিতে এ তেজঃ পদার্থের কি শাস্তি হইতে পারে?”

এই বাক্য শ্রবণে পণ্ডিত কোন প্রতু্যক্তি না করিয়া এ প্রশ্নকর্তার মস্তকে একটা মৃৎপিণ্ড নিক্ষেপ করিল। প্রশ্নকর্তা লোষ্ট্রাঘাতে রাগান্বিত হইয়া বিচারকর্তা কাজির নিকট গমনপূর্বক বিচার প্রার্থনা করিল। কাজি উক্ত পণ্ডিতকে ডাকাইয়া কহিলেন; “হে পণ্ডিত, তুমি প্রশ্নের উত্তর না দিয়া ইহাকে কি কারণে আঘাত করিয়াছ?” পণ্ডিত কহিলেন; “ধর্ম্মাবতার, আমি তাহাকে মারি নাই, এ লোষ্ট্রাঘাতে তাহার প্রশ্নত্রয়ের উত্তর প্রদান করিয়াছি। প্রথমতঃ প্রশ্নকর্তা কহে তাহার শিরে লোষ্ট্রাঘাতে বেদনা হইয়াছে; অথচ কোন্ স্থানে কি প্রকারে বেদনা হইয়াছে তাহা দৃষ্টিগোচর নহে। দ্বিতীয়তঃ সে কহে, সকল কর্ম পরমেশ্বর করেন তবে আমি কি প্রকারে উহাকে মারিলাম? তৃতীয়তঃ সে কহে



তেজঃ পদার্থকে তেজে দাহ করিতে পারে না, তাহা হইলে মৃত্তিকার শরীরকে মৃৎপিণ্ডে কি প্রকারে পীড়া দিতে পারে”?

মুলতান মহম্মদ।

মুলতান মহম্মদ এইযাজ্ নামক মন্ত্রিকে যথেষ্ট বিশ্বাস করিতেন; একারণ অন্য কন্ম্যা-চারিরা তাহার প্রতি হিংসা করিয়া বাদশাহের নিকট সর্বদা কহিত; “এইযাজ্ প্রতিদিন রাজভাণ্ডারে নির্জনে যাইয়া থাকে, বোধ হয়, রাজদ্রব্য হরণ করিয়া লয়”। কিন্তু বাদশাহ স্বচক্ষে না দেখিলে ঐ কথায় বিশ্বাস করিতে স্বীকৃত হইলেন না। পরে এক দিবস এইযাজ্ আপন নিয়ম মত রাজভাণ্ডারে প্রবেশ করিলে পর তাহার বিদ্রোহিণী বাদশাহকে সংবাদ করিল। বাদশাহ তৎক্ষণাৎ স্বয়ং আগমন পূর্বক রাজকোষের এক গবাক্স দ্বারা দৃষ্টি করিলেন যে এইযাজ্ একটা সিন্দুকহইতে এক খানি জাগ বস্ত্র লইয়া রাজমন্ত্রির পরিচ্ছদ ত্যাগ করত ঐ জাগ বস্ত্র পরিধান করিল; এবং ক্ষণকাল পরে তাহা পুনর্বার দেহহইতে বিমুক্ত করতঃ সেই সিন্দুকে রাখিয়া রাজপুসাদ বস্ত্র পরিধান করিল। বাদশাহ তদৃষ্টে ধনাগারে প্রবেশ পূর্বক এইযাজ্কে তদ্বিষয়ে প্রশ্ন করিলেন। এইযাজ্ কহিল; “ধর্ম্মাবতার, আমি আপনার পুসাদে অত্যুচ্চ পদ প্রাপ্ত হইয়াছি; কি জানি এই ধনমদে আমার অহঙ্কার জন্মে, একারণ আমার পূর্ব দরিদ্রাবস্থার পরিধেয় বস্ত্রখানি যত্ন করিয়া রাখিয়াছি; প্রত্যহ এক বার তাহা পরিধান করি, যাহাতে পূর্ব দৈন্য অবস্থা স্মরণ হইয়া এক্ষণকার উচ্চ অবস্থায় গর্বিত এবং অসৎ কর্ম্মে প্রবৃত্ত না হই”। বাদশাহ ঐ বাক্য শ্রবণে অত্যন্ত পরিতুষ্ট হইলেন।

ধূর্ত আরব।

এক জন ধূর্ত ক্ষুধার্ত পথিক দেখিলেক যে এক জন এয়াবারী মোসলমান জলাশয়ের তীরে বসিয়া ভোজন করিতেছে, সম্মুখে একটা কুকুর বসিয়া আছে। পথিক তন্নিকটে শিষ্টাচারে কহিল; “মহাশয় আমি তোমার বাটীহইতে আসিতেছি”। এয়াবারি কহিল; “বাটীর কুশল? আমার স্ত্রী ও পুত্র ও উষ্ট্র ও কুকুর ভাল আছে”? পথিক কহিল “সকলেরই কুশল”। তৎশ্রবণে এয়াবারি কিছু প্রতু্যক্তি না করিয়া আহ্বার করিতে লাগিল। ধূর্ত মনে বিচার করিল, এ ব্যক্তি আহ্বার করিতে সম্বোধন করিল না; স্বয়ং ভোজন শেষ করিতে লাগিল, অতএব অন্য উপায় করা কর্তব্য। পরে সম্মুখস্থ কুকুরটির প্রতি লক্ষ করিয়া কহিল, “হে এয়াবারি; তোমার কুকুরটি জীবিত থাকিত এই কুকুরটির তুল্য বড় হইত”। এয়াবারি জিজ্ঞাসিল; “আমার কুকুর কি মরিয়াছে”? ধূর্ত কহিল “তোমার উষ্ট্রের মাংস যথেষ্ট খাইয়া উদর ফাট হইয়া মরিয়াছে”। “উষ্ট্র কেন মরিল”? ধূর্ত উত্তর দিল “তোমার স্ত্রীর মৃত্যু হওয়ায় সে তৃণপানাভাবে মরিয়াছে”। এয়াবারি প্রশ্ন করিল “স্ত্রী কি প্রকারে মরিল”? ধূর্ত কহিল “তোমার পুত্রের মৃত্যু হইবায় শোকে কাতর হইয়া মরিয়াছে”? “পুত্র কি প্রকারে মরিল”? ধূর্ত প্রতু্যত্তর দিল “যরের ছাদ পতনে তোমার পুত্রের মৃত্যু হইয়াছে”। এয়াবারি এই রূপ আপন সর্বনাশের সংবাদ শ্রবণে অত্যন্ত শোকাতুর হইয়া অন্নত্যাগ করত আপন বাটীর তত্ত্ব লইতে উদ্ধৃস্থানে প্রস্থান করিল। ধূর্ত সেই অবকাশে তাহার ভুক্তাবশেষ অন্ন ব্যঞ্জন লইয়া সুখে ভোজন করিল।

## বিবিধার্থ-সমুহ,


অর্থাৎ

পুরাতত্ত্ব-ইতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

২ পর্ব]

শকাব্দ ১৭৭৫, জ্যৈষ্ঠ।

[১৮ খণ্ড।



(পারস্দিগের প্রাতরাশ।)

### পাঠান্দিগের চরিত্র।

এ তৎ পত্রের প্রথম পর্বে (১২৩ পাত্রে) পাঠান্ জাতির বিবরণ এবং তদীয় স্ত্রীদিগের অবস্থা-বিষয়ে দুই প্রস্তাব প্রকটিত হইয়াছে; অধুনা তাহাদিগের চরিত্র বিষয়ে যৎ-কিঞ্চিৎ বর্ণন করি অভিপ্রেত।

পাঠান্দিগের প্রধান ধর্ম্ম অতিথিসম্বন্ধে; তৎসাধনে তাহারা সর্বদা অনুরক্ত থাকে; সহস্র অনিষ্ট ঘটিলেও কোনক্রমে তৎকর্ম্মে বিরত হয় না। পৃথিবীমধ্যে আরবজাতীয়েরা অতিথিসম্বন্ধে সর্বাপেক্ষায় পুসিদ্ধ; পরন্তু এতদ্বিষয়ে পাঠান্ জাতীয়েরা আরবহইতে নিকৃষ্ট নহে; তাহাদিগেরও প্রধান পৌকষ্য অতিথিসম্বন্ধে। যে ব্যক্তি



তৎকার্যে বিমুখ তাহাকে তাহারা অত্যন্ত অ-  
ধম—কুলাজ্ঞান—জ্ঞান করে; ফলতঃ তাহাদিগের  
পক্ষে আতিথেয় বিমুখ এবং জাতি-ভুক্ত এই  
উভয় পদ তুল্য রূপে কটুক্তি-বোধক হয়; এবং  
উভয়ার্থে তাহারা “পুস্তান্‌বলীবিহীন” এই  
বাক্য প্রয়োগ করে।

এই অতিথিসেবায় পাত্রাপাত্রের বিচার  
নাই; হিন্দু মোসলমান সকলেই ইহার ফল-  
ভোগী হইয়া থাকে। অত্যন্ত দরিদ্রব্যক্তিও আফ-  
গানিস্তান দেশের এক প্রান্তস্থিত অপর প্রান্ত  
পর্যন্ত ভ্রমণ করিতে হইলে কদাপি অনাভাবে  
ক্লেশ পায় না; পাঠান্দিগের আতিথ্য-পরতার  
সাহায্যে সে সর্বত্রই স্বচ্ছন্দে দিনপাত করিতে  
পারে। গৃহস্থেরা এ অতিথিসেবায় আপনা-  
দিগকে শ্লাঘ্য করিয়া মানে; ও কদাচ কোন  
গৃহস্থ প্রতিবাসির গৃহে সমাগত অতিথিকে অপর  
কেহ আপন গৃহে আশ্রয় করিয়া আনিলে এ  
গৃহস্থ দ্বয়ের মধ্যে পরস্পর বিবাদ হয়।

এতদ্বিষয়ে পাঠান্দিগের মধ্যে এক আশ্চর্য-  
ব্যবহার আছে। কাহার কোন উৎকট প্রার্থনা  
থাকিলে সে ব্যক্তি অভিপ্রেত গৃহে উপনীত হইয়া  
এ প্রার্থনা প্রকাশ করত যে পর্যন্ত তাহা সফল না  
হয় তদবধি পান ভোজন বা আসন গৃহণে অস্বী-  
কার করে; এবং গৃহস্থ এ অনুরোধ গুরুতর  
জ্ঞান করিয়া তৎক্ষণাৎ এ প্রার্থনাপূরণে স্বীকৃত  
হয়; তাহাতে আপনার নিতান্ত অমঙ্গল  
হইবেক এ বোধ না হইলে কদাপি অস্বীকার  
করেন না। এই ব্যাপারের নাম “নান্নাবতি”।  
স্ত্রীলোকেরা অন্যের গৃহে গিয়া নান্নাবতি-প্রতি-  
পালনে অক্ষম হইলে, বাহার নিকট নান্নাবতি  
দিবেক তাহার সদনে আপনার অবগুণ্ণীয় বস্ত্র  
প্রেরণ করে। যে ব্যক্তি এ অবগুণ্ণীয় প্রাপ্ত হয়

সে আপন সম্মান রক্ষার্থে অবগুণ্ণন-প্রেমিকার  
অভিপ্রায় তৎক্ষণাৎ সফল করে। এই উপায়-  
দ্বারা অনেক গুরুতর কর্মও নিষ্পাদিত হইয়া  
থাকে। তিমুরশাহের মৃত্যুর পর তাহার স্ত্রী  
প্রধান উজির সফরাজখাঁর নিকট আপন অব-  
গুণ্ণনীয় বস্ত্র প্রেরণ করিয়া আপন পুত্র শাহ-জে-  
মানকে রাজ্যপ্রদান করিতে অনুরোধ করি-  
লেন। সফরাজখাঁ তিমুর শাহের জ্যেষ্ঠজকে রাজ্য-  
ভিষেক করিতে প্রস্তুত ছিলেন; কিন্তু এই অনুরোধ-  
বশতঃ তৎক্ষণাৎ তাহার মতান্তর হয়। এতদ্বশে  
বাহাকে “ধর্গাদেওয়া” কহে নান্নাবতিও তদনু-  
রূপ; পরন্তু ধর্গায় দাতা ভোক্তা কাহার পক্ষে  
শ্লাঘ্যতা নাই; নান্নাবতি উভয় পক্ষেই শ্লাঘ্য কর।

পাঠান্‌ জাতীয়েরা অনেকেই দস্যুবৃত্তিতে তৎ-  
পর, এবং পথিকদিগকে একাকী পাইলে তাহার  
সম্পত্তি অপহরণে প্রায় ভ্রুটি করে না, কিন্তু গৃহে  
অতিথি সমাগত হইবামাত্র গৃহস্থানী সম্যগরূপে  
তাহার মঙ্গলচেষ্টায় প্রবৃত্ত হয়, এবং যে পর্যন্ত  
সে ব্যক্তি গৃহে উপস্থিত থাকে সে পর্যন্ত তাহার  
রক্ষণাবেক্ষণে যৎপরোনাস্তি আগ্রহ প্রকাশ করে।  
কোন দুর্দান্ত শত্রু অতিথি-বেশে গৃহে সমাগত  
হইলে তাহাকেও যথাযোগ্য গুণাঙ্গাদন-প্রদান  
করে; কোন ক্রমে আতিথ্যচারে ব্যতিক্রম করে  
না; অধিকন্তু যে গুণে অতিথি সমাগত হয়  
তদ্রত্ন্য সকলেই তাহার মঙ্গল চেষ্টায় ব্যগ্ন হইয়া  
শত্রুহইতে তাহাকে রক্ষা করে; তৎপুত্র অনেকে  
এক গুণে পরদুহিতাপহরণপূর্বক অন্য গুণে  
পলায়ন করত সেই কন্যার জাতি-পরিজনের  
ক্রোধহইতে অনায়াসে রক্ষা পায়; অনেক নরঘাত-  
কেরাও এতক্রমে রাজদণ্ডহইতে ত্রাণ পাইয়াছে।

পাঠান্‌, পারস্‌, আরব্‌ ইত্যাদি সকল মোশল-  
মানেরা একাসনে আহা করিয়া থাকে, এবং

একত্রে ভোজনের অনির্ঘচনীয় প্রেম সম্যগরূপে  
অনুভব করিয়া থাকে। ১২১ পত্রে পারস্‌দিগের  
ভোজের এক চিত্র মুদ্রিত করা গিয়াছে; তদৃষ্টে  
তদবস্থার বিবরণ অনায়াসে সুব্যক্ত হইবে।  
ভোক্তাদিগের মস্তকে টুপির পরিবর্তে উষ্ণীয়  
থাকিলেই পাঠান্দিগের চিত্র হইত; চিত্রকর-  
পুন্মাদে অন্যথা হইয়াছে।

একত্রে ভোজনে যে প্রকার পরস্পর প্রীতি  
জন্মে তাহা অরণ করিলে \* এবং পাঠান্দিগের  
আতিথ্যভক্তির বিবরণ পাঠ করিলে, কদাপি  
বোধ হয় না যে তাহারা পথিকদিগের অনিষ্টে  
ব্যগ্ন হইবে; তথাচ এবিধে তাহাদিগের এক  
অত্যন্ত কুব্যবহার আছে। প্রাতঃকালে যে ব্য-  
ক্তিকে অতিথিজ্ঞানে গৃহস্থ সকলে আহ্বাদপূর্বক  
অন্ন-পানাদি দ্বারা তুষ্ট করে, এবং আপদ হইতে  
তাহাকে রক্ষাকরণার্থে ২ প্রাণসমর্পণে উদ্যত  
থাকে, অপরূহে গুণান্তরে একক পাইলে সেই  
অতিথির সর্বস্বাপহরণে অনায়াসে প্রবৃত্ত হয়,  
ক্ষণমাত্রের নিমিত্তে মনে দ্বিধা কণ্ঠনা করে না।

পুস্তাবিত জাতীয়েরা অতিথিসেবায় যাদৃশ তৎ-  
পর আত্মীয়-স্বজন-সহ প্রীতিভোজনেও তক্রপ; গৃ-  
হে একটি মেষ বলি হইলেই গৃহস্থানী তৎক্ষণাৎ  
চারি পাঁচ জন আত্মীয় বন্ধুদিগকে নিমন্ত্রণ করিয়া  
সকলে একত্রে প্রীতি-ভোজনে প্রবৃত্ত হয়। এই ভো-  
জে কোন বিশেষ খাদ্য-দ্রব্যের আয়োজন করণের  
আবশ্যক প্রায় থাকে না;—মেঘমাংসের ঝোল ও

\* একত্রে ভোজন বিষয়ে মহাত্মারতে এক সন্নীতি আছে। রাজা  
দুর্যোধন ভগবান্‌ জীকৃষ্ণের সহিত একত্রে ভোজন করিতে বাঞ্ছা  
করিয়াছিলেন, তদন্তরে জীকৃষ্ণ প্রত্যাক্তি করেন,

“প্রীতি ভোজ্যানি চান্নানি আপদ ভোজ্যানি বা পুনঃ।

ন চ মাং প্রীয়েসে রাজন্‌ নচৈবাপদগতা বয়ং” ॥

অর্থাৎ “পরের সহিত ভোজন দুই প্রকার প্রীতি-ভোজন,  
ও আপদভোজন; আপনার সহিত আমার তাদৃশ প্রীতিও নাই,  
এবং আপদগুস্তও নাই অতএব একত্রে ভোজন নিষ্ফল”।

কটিকা হইলেই সকলে পরিতৃপ্ত হয়; পরন্তু অন্ন  
ব্যঞ্জনেরও প্রাচুর্য থাকে। অপর ভোজন সম-  
য়ে পরিচিত ব্যক্তি গৃহে সমাগত হইলে গৃহস্থানী  
কদাপি তাহাকে অনাহারে প্রতিগমন করিতে দেয়  
না; যৎসামান্য যে কিছু দ্রব্য গৃহে প্রস্তুত থাকে  
তদবল্বলেনই উভয়ে একত্রে ভোজন করে। তাহা-  
দের পেয় দ্রব্য তক্র, এবং রামতুলসীর বীজ-  
মিশ্রিত সর্করাজল। কোন ২ স্থানে মেষ দুখে  
এক প্রকার মাদক দ্রব্যও প্রস্তুত হইয়া থাকে;  
কিন্তু তাহা পাঠান্দিগের প্রসিদ্ধ নহে।

কাবুল ও তন্নিকটস্থ স্থানে নানাবিধ সুখাদ্য  
ফল অত্যন্ত প্রচুররূপে জন্মিয়া থাকে, সুতরাং  
তাহাও পাঠান্দিগের এক প্রধান খাদ্য। তথায়  
সর্বোৎকৃষ্ট দুগ্ধা এক পয়সায় একসের পরিমাণে  
বিক্রীত হয়। স্তূলত্বক্-শ্বেত-অঙ্গুর যাহা কার্ণাল  
আচ্ছাদিত করিয়া বহু যত্নে কলিকাতায় নীত  
হইয়া এক বা দুই টাকায় দুই শতটি বিক্রীত  
হইয়া থাকে, কাবুল দেশে তাহা ক্রেতব্য নহে;  
অত্যন্ত অধম বোধে প্রায় সকলে তাহা ভক্ষণ  
করে না; কেবল গবাদির ভক্ষণনিমিত্ত তাহা  
সঞ্ছীত হয়। ৩ পয়সায় উত্তম দাড়িঘের  
সের, এবং সুখাদ্য সেবফল এক টাকায় ২।০  
মন বিক্রীত হইয়া থাকে। বাদাম, খোবানি,  
আলুবোখারা, ইত্যাদি অপর উৎকৃষ্ট ফল সকলও  
অত্যন্ত সুলভ। মূলা, মালগাম, কপি, সসা, ফুটি,  
অলাবু, ইত্যাদি দ্রব্য এক পয়সায় অনায়াসে  
৮—১০ সের প্রাপ্ত হওয়া যায়।


ভোজনান্তে পাঠানেরা ধূমুপান, \* নস্য গৃহণ ও

\* ধূমুপানে পাঠান্‌ অপেক্ষায় পারস্‌জাতীয়েরা অত্যন্ত রত;  
ক্রম হইয়াছি দ্বাদশ জন বন্ধু দেশ-ভ্রমণান্তর পথের ক্লেশ  
বর্ণন করিতে ২ কহিয়াছিলেন; “আমাদের দ্বাদশ জন পথিকের  
মধ্যে একাদশটা কুলিয়ান্‌ (ছঁকা) ছিল, আর একটা ছঁকার  
অভাবে আমরা অত্যন্ত ক্লেশ সহ্য করিয়াছি”।



উপন্যাস কখন ও শুবনে কালক্ষেপ করে। রাজা মন্ত্রিত্ব পিশাচাদি সম্বন্ধীয় ও আদিরসঘটিত গল্পই তাহাদিগের মধ্যে প্রসিদ্ধ, এবং তদর্শনে বৃদ্ধেরা অত্যন্ত তৎপর। সন্ধার পর বীণা, রবাব, সারিঙ্গাদি, বাদ্যযন্ত্রসহকারে রাগরাগিনীর আলাপ করণ ওকবিতা পাঠও পাঠানদিগের প্রিয়-কর্ম; এবং অনেকে তাহাতে সুনিপুণ বটে। ফলতঃ পাঠানেরা আহ্লাদক-রমানুরাগী; এবং সর্বদা সুখ-সন্তোষে দিনপাত করে। তাহাদিগের দেশে ব্যবসায়িনী নর্তকীঅধিক নাই; অল্পবয়স্ক বালকেরা তৎকর্ম সাধন করে। পরন্তু উদ্যানাদি রম্যস্থানে উপনীত হইলে পাঠানেরা আহ্লাদপূর্বক স্বয়ং

নর্তনে প্রবৃত্ত হয়; তৎসময়ে তাহাদিগের সুদীর্ঘ শ্মশ্রু ও স্বাভাবিক গম্ভীর স্বভাব নৃত্যের প্রতি কোন প্রতিবন্ধক হয় না। এই নৃত্য পাঠানদিগের পরম্পরাগত প্রথা, কিন্তু অধুনা আফগানস্থান দেশের কেবল পশ্চিম-পার্শ্বস্থ পল্লিগুণে প্রসিদ্ধ আছে; নগরনিকটে ও পূর্বপার্শ্বে প্রায় লুপ্ত হইয়াছে; ইহার পরিবর্তে ব্যবসায়ি নর্তক নর্তকীর সৌর্যক্রিয়াক্রিয়ায় প্রমোদিত হওয়াই প্রথা। ভারতবর্ষে যাহাকে তাণ্ডব কহে, প্রস্তাবিত নৃত্যও তদ্রূপ, পরন্তু তাহার বর্ণন করা বাহুল্য; নিম্নে প্রকাশিত চিত্রে তাহার ভাব অনায়ামে প্রতীত হইবেক।



(পাঠানদিগের নৃত্য।)

আফগানদিগের স্বদেশানুরাগ ও সময় প্রিয়তা পূর্বেই বর্ণিত হইয়াছে; এবং তৎপাঠে

পাঠকবৃন্দের অনায়ামে বোধ হইতে পারে, যে যে ব্যক্তির সর্বদা সঙ্কামে রত, তাহার যুদ্ধ উপস্থিত



দুরানি ভদ্রলোক।

দামানি।

হিন্দকি।

ইউনফ জৈ।

খিলজি।

পাঠান জাতি।

না থাকিলে তদনুকরণ মৃগয়ায় নিযুক্ত হইবেক; ফলতঃ তাহাই বটে। তরুণ ও বৃদ্ধ সকলেই একত্রে অশ্বারোহণে বা পদব্রজে মৃগয়ায় যাত্রা, এবং বন বেষ্টিত পূর্বক কুঙ্কুর ও বন্দুক সহকারে অনেক পশু বধ করিয়া থাকে। কেহ ২ একক মৃগাদির পশ্চাদ্ধাবমান হইয়া বহু দূর পর্য্যন্ত পর্যটন করত জীবহিংসা করিয়া থাকে। কেহ বা জলাশয়ের নিকট মৃত্তিকা মধ্যে গুহা খনন করিয়া তন্মধ্যে লুক্কায়িত থাকে; রজনীযোগে জলপানার্থ তথায় মৃগ-শৃগাল-ব্যাঘ্রাদি পশু আইলে তাহাদিগকে বন্দুকদ্বারা বধ করে।

প্রস্তাবিত দেশের সর্বত্রই অশ্বযাত্রা হইয়া থাকে; বিশেষতঃ বিবাহোপলক্ষে বরপাত্র একটি উষ্ট্র

প্ৰদান করিতে স্বীকৃত হন। তাহার ১০১২ জন সম-বয়স্ক বন্ধু ঐ উষ্ট্র প্রাপ্ত্যর্থে আপন ২ অশ্বারোহণ পূর্বক একত্রে ৫১৬ ক্রোশ পর্য্যন্ত অত্যন্ত বেগে গমন করেন; সর্বাপেক্ষে যাহার অশ্ব নিক্রপিত স্থানে উত্তীর্ণ হয়, তিনি ঐ উষ্ট্র প্রাপ্ত হন। যে ব্যক্তি সর্ব পশ্চাতে থাকে তাহাকে তাহার সহযোগি অশ্বারোহিদিগকে এক ভোজ দিতে হয়, এমত পণে ও অশ্বযাত্রা হইয়া থাকে। অশ্বারোহণ পূর্বক শর বা বন্দুকদ্বারা লক্ষভেদ করাও কাবুলদেশের প্রচলিত প্রথা; ধনাঢ্য ও দরিদ্র, উত্তম ও অধম, সকলেই এতৎকর্ম প্রবৃত্ত হয়। অপর মল্লযুদ্ধাদি সৌর্যক্রিয়ামাত্রতেই পাঠানেরা পরম-প্রাতি-পূর্বক স্বয়ং নিযুক্ত হইয়া থাকে;



এতদেশীয় বাবুদিগের ন্যায় স্বয়ং এক উচ্চাননে পঙ্কুবৎ উপবিষ্ট থাকিয়া বিদেশীয় ভৃত্যদ্বারা তৎকর্মসাধন করায় না।

অন্যান্য দেশে ঋতু ও অবস্থা ভেদে যে প্রকার বেশ-ভূষার প্রভেদ হইয়া থাকে, আফগানস্থান প্রদেশেও তদ্রূপ। পরন্তু তাহাষয়ে আনাদিগের কিছু বক্তব্য নাই; ১২৫ পৃষ্ঠায় যে চিত্র মুদ্রিত করা গেল তদৃষ্টে এতদ্বিষয়ে যথার্থ পরিজ্ঞান হইবেক; অতএব অধুনা পাঠানুদিগের চরিত্র বিষয়ে এল্লিনিষ্টন সাহেব যাহা স্থির করিয়া কহিয়াছেন এস্থলে তদুদ্বার করত এই প্রস্তাবের উপসংহার করিতেছি। তিনি কহেন “দেব, জিবাংসা লোভ, পরদুব্যাপহরণ, এবং হঠতা তাহাদিগের প্রধান দোষ; এবং স্বাধীনপ্রিয়তা, বালুবানুরাগিতা, সৎস্বামিত্ব, আতিথ্যচর্যা, উৎসাহ, কেশনহিকুতা, মিতব্যয়িতা, শ্রমনৈপুণ্য, এবং ধৈর্য তাহাদিগের গুণ। অপর মিথ্যা, চাতুর্য ও লাম্পট্য দোষ-বিষয়ে তাহাদিগের প্রতিবাসী অন্যজাতীয়ের ন্যায় তাহারা নিন্দনীয় নহে”।

### আজ্ঞাতকীয় নরবলি।

লিকাতাহইতে প্রায় দ্বাদশ সহস্র জ্যোতিষিক্রোশ অন্তরে আমেরিকা-খণ্ডের মধ্যভাগে মেক্সিকো নামে এক দেশ আছে। পূর্বে তাহা “আনাতুরাক” নামে বিখ্যাত ছিল। তাহার প্রাচীন ইতিহাস অধুনা লুপ্ত হইয়াছে; পরন্তু প্রবাদ আছে ১৩ শত বর্ষ পূর্বে তোলেতেক্ নামা এক সুসভ্যজাতি উত্তরাঞ্চল হইতে সমাগত হইয়া তদেশে বসতি করে। তাহারা যে-সকল অপূর্ব অট্টালিকা নিৰ্মাণ করিয়াছিল

তাহার কতিপয় ধ্বংসনশেষ অদ্যাপি বর্তমান আছে; তদৃষ্টে স্পষ্ট প্রতীতি হয় যে শিল্পবিদ্যায় তাহারা উত্তম পারদক্ষ ছিল, এবং আনাতুরাক দেশে আপনাদিগের রাজ্য সুবিস্তীর্ণ করিয়াছিল; কিন্তু ঐ রাজ্য বহুকাল স্থায়ি হয় নাই। দুর্ভিক্ষ, মহামারি এবং জয়হীন-যুদ্ধে অল্পকাল মধ্যে তোলেতেক্দিগকে আনাতুরাক হইতে দূরীকৃত করিয়াছিল। তদনন্তর প্রায় এক শত বর্ষকাল আনাতুরাকদেশ তত্রত্য প্রাচীন প্রজার অধীনে থাকে। ১১২৬ সংবতে চিচেমেক্ নামা এক জাতি মনুষ্য আনাতুরাক প্রদেশে উপনীত হয়; কিন্তু তাহাদিগের রাজ্য তোলেতেক্দিগের রাজ্যাপেক্ষায় সম্প্রসারিত হইয়াছিল। ত্রিংশৎ বর্ষ মধ্যেই আকলুয়ান্ নামা অপর এক জাতির হস্তগত হয়; এবং কাল ক্রমে ঐ আকলুয়ান্ জাতি আজ্ঞাতক্ নামা অপর এক জাতি-কর্তৃক তথাহইতে দূরীকৃত হয়।

পূর্বোক্ত অপরাপর জাতির ন্যায় আজ্ঞাতক্ জাতিও অমরিকার উত্তরাঞ্চলহইতে সমাগত হইয়াছিল। ১৩৮১ সংবতে তাহারা আনাতুরাক দেশে রাজ্য স্থাপন করে। সৌর্য, বীর্য ও সুসভ্যতা গুণে এই জাতি অত্যন্ত প্রসিদ্ধ ছিল। সভ্যতাবিষয়ে অমরিকা দেশবাসি প্রাচীন প্রজা কেহই এই আজ্ঞাতক্দিগের তুল্য হইতে পারে নাই। অঙ্কবিদ্যা, জ্যোতির্বিদ্যা, শিল্প, সাহিত্য, রাজনীতি, যুদ্ধ বিপ্লুহাদি বিষয়ে তাহারা সর্বাপেক্ষায় শ্রেষ্ঠ ছিল। উত্তমবস্ত্র, সুচারু অলঙ্কার, ধাতুময় অস্ত্র, সুপ্রশস্ত অট্টালিকা, ইত্যাদি কোন পদার্থের নিমিত্তে তাহারা পরের নিকট শিক্ষা লইত না; সমুদায় স্বদেশে স্বজাতীয় শিল্পিদ্বারা সুপরিপাটীরূপে প্রস্তুত হইত। তদেশে অনেক বিচারালয় ছিল। সর্বপ্রধান

বিচারালয়ে দ্বাদশ জন বিচারকর্তা থাকিত। দেশের অধিপতি পর্যন্ত সকলে এই বিচারালয়ের অধীন থাকিত, এবং যদিচ রাজা বিচারকর্তাদিগকে নিযুক্ত করিতেন তথাপি পাছে রাজভয়ে বিচারকর্তারা অবিচার করেন এই আশঙ্কা দূরী করণার্থে দেশরীত্যনুসারে রাজা তাহাদিগকে পদচ্যুত করিতে পারিতেন না। উৎকোচগুাহী বা পক্ষপাতী বিচারকর্তা প্রাণদণ্ডদ্বারা আপন অপরাধের প্রায়শ্চিত্ত করিতে বাধ্য হইত। পরন্তু আজ্ঞাতক্দিগের এই সকল সঙ্গুণাবলী ও ধর্ম-বিষয়ক উৎকটনীতি এক কুব্যহার দ্বারা একেবারে কলঙ্কিত হইয়াছিল। তাহারা দেবোদ্দেশে নরবলি প্রদান পূর্বক তন্মাংস ভক্ষণ করিত! দেবোদ্দেশে বলিদান অতি প্রাচীন প্রথা, এবং অনেক প্রাচীন ধর্মে ইহার উল্লেখ আছে। চামুণ্ডার উপাসকেরা, ইংরাজদিগের প্রাচীন পূর্বপুরুষেরা ও অন্যান্য ব্যক্তির নরবলি প্রদান করিত; কিন্তু কেহই আজ্ঞাতক্দিগের ন্যায় নিষ্ঠুর রূপে এতৎকর্ম সম্পন্ন করিত না। এতদ্বিষয়ে তাহারা নিতান্ত জঘন্য আনুতিক ভাব ব্যক্ত করিত।

তাহারা এক অলাদি অদ্বিতীয় অব্যক্ত পরমেশ্বরের অধিকার স্বীকার করিত, কিন্তু কহিত তাহার অধীনে অসংখ্যতাপন্ন অনেক দেবদেবী আছে, তাহারা পরমেশ্বরের অনুমত্যানুসারে পৃথিবীর নানা কার্যসম্পাদনার্থ নিযুক্ত হইয়া থাকে। ঐ সকল দেবোদ্দেশে তাহারা নরবলি প্রদান করিত। তাহাদিগের শাস্ত্রোন্মোখিত তেজ্জ্বালপোকা নামা এক দেবতা আছেন; তিনি পৃথিবীর আত্মরূপ ও সৃষ্টিকর্তা। আজ্ঞাতকেরা তাহাকে অতি মনোহর রূপলাবণ্যবিশিষ্ট নবীন পুরুষাকারে ধ্যান করিত, এবং তাহার মূর্তি সন্নিধানে মহা মহোৎসবে নরবলি প্রদান করিত। ভাবি উৎসবের

এক বর্ষকাল পূর্বে সর্বসুলক্ষণযুক্ত যুদ্ধে ধৃত এক জন বন্দিকে তাহারা ঐ দেবতার প্রতিনিধিত্ব পদে বরণ করত তাহাকে রাজার ন্যায় সমাদর করিত; সুবিজ্ঞ পণ্ডিত-সকল তাহার উপদেশার্থে নিযুক্ত হইতেন; তাহার সেবার্থে মনোহর বস্ত্র, সুস্বাদু নৈবেদ্য, উপাদেয় গন্ধ দুব্য, এবং সুকোমল পুষ্পাদি সমাহৃত হইত; সে বাদ্যযন্ত্র সহকৃত তৌর্যজিকরসে দিবা রাত্রি যাপন করিত; এবং বহুসংখ্যক ভৃত্য নিয়ত তাহার সেবায় নিযুক্ত থাকিত; পুরজন সকলেই দেবতাবোধে তাহাকে প্রণাম করিত, এবং ভূপতি ও সকল রাজকীয় প্রধান ব্যক্তির মহা সমারোহ পূর্বক তাহাকে স্বয়ং ভবনে নিমন্ত্রণ করিতেন। তাহার সন্তোষার্থে যুবজনমনোহরা স্থিরযৌবনা পরমাসুন্দরী চারিটি স্ত্রী সতত নিযুক্ত থাকিত। বর্ণনাতীত অপার্যাপ্ত সুখসন্তোষে তাহার দিনযামিনী যাপিত হইত। অবশেষে এক বর্ষান্তে কালস্বরূপ মহোৎসবের দিন উপস্থিত হইলে তাহার সেবকেরা রাজব্যবহার্য তরনীতে তাহাকে এক হৃদপ্রান্তে এক শিখরিমূলে লইয়া যাইত। দেশান্ত্র সমস্ত লোক একত্র হইয়া মহা সমারোহে তাহাকে সমভিব্যাহারে লইয়া তথাহইতে পর্বতশৃঙ্গে আরোহণ করাইত। ঐ সময়ে দেবপ্রতিনিধি বন্দী আপন পুষ্পহার ও বাদ্যযন্ত্র দূরে নিক্ষেপ করিত, এবং সেই প্রমদা চতুঃপুত্রের নিকট বিদায় লইত। শিখরিশৃঙ্গে জটিলকেশবিশিষ্ট ভীষণকায় ছয় জন পুরোহিত (?) তাহাকে তেজ্জ্বালপোকা দেবের সমীপে নিক্ষেপ করিয়া, পাঁচ জন তাহার হস্ত পাদাদি ধারণ করিত, ষষ্ঠ ব্যক্তি রক্তাস্বরপরিধান পূর্বক এক প্রস্তরময় ছুরিকা দ্বারা তাহার বক্ষদেশে ছিদ্র করত তথাহইতে হৃৎপদ্য ছিন্ন করিয়া প্রাণ বিয়োগ হইতে না হইতে



এ হুৎপদ্য উর্দ্ধদেশে সূর্যদেবেরে দর্শন করাইয়া আজ্জাতলপোকা দেবের সমীপে নিষ্কেপ করিত। অতঃপর যে ব্যক্তি এ দেবোপহার্য্য মনুষ্যকে যুদ্ধে বদ্ধ করিয়াছিল সে এ শব মাংসে ব্যঞ্জন পুস্তত করিয়া স্ত্রী-পুত্র-জ্ঞাতি-পরিজন সকলে একত্রে মহা সমারোহ পূর্বক ভক্ষণ করিত।

আজ্জতেক্দিগের দেবতারা যে কেবল যুবক ব্যক্তির বলি প্রাপ্তে সন্তুষ্ট থাকিতেন এমত নহে; স্ত্রী, পুরুষ, বালক, বালিকা, সকলেই তাহাদিগের প্রীত্যর্থ সর্বদা শমনসদনে প্রেরিত হইত; বিশেষতঃ রাজ্যভিষেক মন্দির-প্রতিষ্ঠাদি কোন প্রধানোৎসবোপলক্ষ হইলে নরবলির ইয়ত্তা থাকিত না। ধর্ম্ম-শব্দের কি আশ্চর্য্য মহিমা! তদুদ্দেশে অতি সভ্য মনুষ্যেরাও কি পর্য্যন্ত ভয়ানক ক্রিয়ায় নিযুক্ত না হইতে পারে! এবং কি আশ্চর্য্য যে পৃথিবী মধ্যে অত্যন্ত ভয়ানক কুক্তিয়ার অধিকাংশই ধর্ম্মসম্বন্ধে ঘটে!! কথিত আছে আনাছ্যাক্ দেশে ১৫৪২ সৎবৎসরে “হুইট্ জিলো-পোট্‌ক্‌” দেবের মন্দির প্রতিষ্ঠা-সময়ে দ্বিসপ্ততি সহস্র তিন শত চতুশ্চত্রারিংশদ ব্যক্তিকে পূর্বোক্ত নিষ্কুরূপে এক কালে বলি দেওয়া গিয়াছিল!!! অধিকন্তু এই আসুরিক ক্রিয়া চিরঃস্মরণীয়-করণ্যভিপ্রায়ে আজ্জতেকেরা বৃহদ্বহু অট্টালিকা নির্মাণ করিয়া উপহৃত ব্যক্তিদিগের মুণ্ড সংস্থাপন করিত। যে সময়ে স্পেন-দেশীয় মনুষ্যেরা মেক্সিকোদেশ জয় করেন তখন তাঁহারা এতাদৃশ এক এক গৃহে লক্ষ ২ নরমুণ্ড দেখিয়াছিলেন।

## আরব লোকদ্বারা পারস্দিগের পরাজয়।

(বহুহইতে প্রাপ্ত।)

তিন পূর্বে (৩৬ পত্রে) আরব লোকদ্বারা পারস্ দেশের পরাজয় বিষয়ে এক প্রবন্ধ প্রকটিত হইয়াছে; অধুনা তাহার শেষাংশ প্রকাশ করা যাইতেছে।

আরব লোকেরা কাদেশা জয় করিয়া তথায় কর সঙ্গ্রহ ও মসজিদ নির্মাণে নিযুক্ত হইয়াছিল। অপর পারস্য লোকেরা করাৎ নদীদ্বারা আগমন পূর্বক ভারতবর্ষে বাণিজ্য করিত তন্ন-বারণার্থে তাহারা উক্ত নদীর তটে এক নগর স্থাপন করিয়া এ নগর শুভভূমিতে সংস্থিত হইয়াছিল বলিয়া তাঁহার নাম “বস্ত্র” রাখিয়াছিল। কালক্রমে এ নগর বাণিজ্যে অতি বিখ্যাত হইয়া উঠিল। পারস্যরীত্যনুসারে অনেক লোক স্বদেশ পরিত্যাগ পূর্বক তথায় আসিয়া বাস-করিতে লাগিল।

অতঃপর সাইদ ৬০ সহস্র সৈন্য সমভিব্যাহারে লইয়া মেদিনা নগর আক্রমণ করিতে গমন করেন। ইহা শুনিবামাত্র রিজ্‌ডরিন্ দেশের সম্রাট স্বীয় রাজপাটহইতে পলায়ন করিলেন। পূর্বকালে রোম দেশীয়েরা এ নগর আক্রমণ করিয়া পরাহত হইয়াছিল; কিন্তু অধুনা বিনা যুদ্ধে সাইদ তাহা হস্তগত করিলেন। একা তথায় প্রবেশ করিয়া সর্বাদৌ তিনি কোরাণের এক অধ্যায় পাঠ করিয়াছিলেন।

আরবেরা মেদিনা নগর লুণ্ঠ করিয়া অনেক সম্পত্তি পাইয়াছিল। পারস্য দেশের প্রাচীন রাজা খোশরো পূর্বে মহম্মদের পত্র অগৃহ্য করিয়াছিলেন, কিন্তু এক্ষণে মরমর পুস্তরে নির্মিত তাঁহার অপূর্ব অট্টালিকা আরবদিগের হস্তগত হইল। তথায় কোষেয় বস্ত্রের এক আসন ছিল; তাহাতে

এক অপূর্ব উদ্যান চিত্রিত ছিল। এ উদ্যানস্থ বৃক্ষের পত্র মরকত-মণিতে প্রস্তুত, এবং তাহার মধ্যে নীলকান্ত মণিতে নির্মিত অত্যশ্চর্য্য এক উৎস (ফোয়ারা) ছিল। সূর্য্য কিরণে তাহার সচ্ছবারি অতি মনোহর-রূপে ভাষমান হইত। এ অট্টালিকার প্রধান প্রবেশ গৃহের পরিমাণ দীর্ঘে ৬০০ শত হস্ত, প্রস্থে ২৪০ হস্ত এবং উর্দ্ধে ২০০ হস্ত। এ গৃহের ছাদে রাশিচক্র চিত্রিত ছিল। এ গৃহের সমুদায় দ্রব্য উষ্ট্রদ্বারা মেদিনা-নগরে নীত হয়। লুণ্ঠিত দ্রব্যের পঞ্চমাংশ খলিফা ওমার গৃহণ করেন; অবশিষ্ট চারি অংশ ৭০০০ সহস্র সৈন্য প্রত্যেকে ৪৫০ টাকা অংশ করিয়া লয়। অবশেষে উক্ত আসন সাধারণের ব্যবহারার্থ রাখেন কি সকলকে অংশ করিয়া দেন ওমার এই চিন্তা করিতে-ছিলেন; এমত সময়ে আলি তাঁহাকে পরামর্শ দিলেন; “উত্তম কর্ম্মে নিযুক্ত হওরাই তোমার কর্ম্ম; দেখ যাহা পরিধান করিয়াছ তাহা জীর্ণ হইবে, ও যাহা আহা করিতেছ তৎসমুদায় পরিপাক হইয়া মল মুত্র হইবে; কিন্তু যাহা অপর লোককে প্রদান করিতেছ, তাহা অগ্নে পরলোকে যাইয়া তোমার নিমিত্তে থাকিবেক”। এই কথায় ওমার উক্ত আসন খণ্ড ২ করিয়া সকলকে বণ্টন করিয়া দিলেন; যে খণ্ড আলি পাইয়াছিলেন তাহার মূল্য ৩০০ শত রোপ্য মুদ্রা। কথিত আছে যে সমুদায় দ্রব্য মেদাইনা নগরহইতে লুণ্ঠিত হইয়াছিল তাহার মূল্য ৩০ ত্রিংশৎ কোটি টাকা। মেদাইনা নগর প্রচুর সম্পত্তি সম্পন্ন ছিল, কিন্তু কুফা নগরের খ্রীষ্টদ্বারা তাহার সম্পত্তির হুস হয়।

অতঃপর আরবেরা ছয় মাস পর্য্যন্ত জলোলা নগর অবরোধে রাখিয়া পরে জয় করত তাহার অনেক সম্পত্তি লুণ্ঠ করে। তন্মধ্যে স্বর্ণ-পুঙ্-ষাকট এবং নানা প্রকার রত্নে বিভূষিত এক

স্বর্ণময় উষ্ট্র ছিল। মেদাইনার লুণ্ঠিত দ্রব্য লইয়া সাইদ কুফা নগরে এক উত্তম অট্টালিকা নির্মাণ করিয়াছিলেন; কিন্তু আরবেরা সুখসন্তোগে নির্বীৰ্য্য হইবে এই আশঙ্কায় খলিফা ওমার তাঁহার নিকট দূতদ্বারা পত্র প্রেরণ করিলেন। দূত সাইদ সম্মুখে উপস্থিত হইয়া পত্র প্রদান করিল। উক্ত পত্রে খলিফা লিখিয়াছিলেন “আমি স্ত্রুত হইয়াছি মেদাইনা নগরের উৎকৃষ্টতাদ্বারা মদীয় রাজপাটের খ্রী মলীনা করিয়াছ, অতএব মৎসদৃশ দরিদ্রলোকের ভৃত্য তথায় প্রবেশ করিতে লজ্জিত হইবে, একারণ যে তোমাকে পত্র দিবে সেই এ নগরের দ্বার দৃষ্ণ করিয়া আসিবেক”। দূত অব্যবহিত পরে অগ্নিদ্বারা তাহা দৃষ্ণ করিয়াছিল।

মেদাইনা নগর জয় করণের অব্যবহিত পরেই আরবেরা সুল নামক নগরক্রমণ করত ছয় মাস পর্য্যন্ত অবরোধ করিয়া রাখিয়াছিল। অবশেষে এক জন পারস্য জাতীয় বিশ্বাসঘাতক এক শত মুসলমান সৈন্য সহযোগে জল পুণালীদ্বারা নগরে প্রবেশ পূর্বক তাহা আরবদিগের হস্তগত করাইল। হর্ম্মজাল নামক নগর-ধিপতি এ যুদ্ধে শত্রুকর্তৃক ধৃত হইয়া বন্দিরূপে মক্কাতে প্রেরিত হইলেন। তথায় উপনীত হইয়া তিনি দেখিলেন কালিফা ওমার নগরস্থ মসজিদে সোপানোপরি শয়ন করিয়া রহিয়াছেন, এক খানি জীর্ণবস্ত্র তাঁহার দেহোপরি লম্বমান আছে, অনুচরাদি কেহ সমভিব্যাহারে নাই। হর্ম্মজাল অধিপতি শুভ্রবর্ণ বস্ত্র পরিহিত ও মণি মুক্তা খচিত হেম মুকুটে সালঙ্কৃত ছিলেন। ওমার জাগরিত হইয়া তাঁহাকে অনলঙ্কৃত করণার্থে স্বীয় অনুচর গণকে আজ্ঞা প্রদান পূর্বক হর্ম্মজালকে কহিলেন; “তুমি অনেক আরব সৈন্য হত করিয়াছ এজন্য তোমার অতি শীঘ্র মৃত্যু হইবে”।



হর্মজাল অতিশয় তৃষ্ণাতুর হইয়া ওমারের নিকটে এক পাত্র জল প্রার্থনা করিলেন; ও তাঁহার প্রার্থনামতে কোন ব্যক্তিকর্তৃক বারি আনীত হইলে হর্মজাল জল পাত্র হস্তগত করিয়া কহিলেন; “যদি তুমি আমাকে বধ না কর তবে আমি এই জল পান করি। ওমার কহিলেন আমি তোমাকে নষ্ট করিব না”। কিন্তু এই বাক্য কখন মাত্রই হর্মজাল জল ভূমিতে নিক্ষেপ করিলেন। তদৃষ্টে ওমার কহিলেন “তুমি এ পাত্রের জল যে পর্যন্ত পান না করিবে তাবৎ তোমাকে আমি কখন বধ করিব না”। অতঃপর ওমার তাঁহাকে ক্লামা করিয়া বল পূর্বক মুলমান করিলেন।

পূর্বোক্তযুদ্ধের কিয়ৎকাল পরে পারস্যের নানা স্থানহইতে ১৫০ সহস্র সৈন্য একত্রিত হইয়া নেহবেণ্ড নগরে যুদ্ধার্থে গমন পূর্বক প্রাচীর-বৃত্ত শিবিরে দুইমাস পর্যন্ত অবস্থিতি করিয়াছিল; কিন্তু আরব সৈন্যের এ শিবির আক্রমণ করিতে পারিলেক না; অতএব এক দিবস ছলনা পূর্বক তাহারা পলায়ন করিল। পারস্যসেনারা তাহাদের প্রতি আক্রমণার্থে স্বশিবির হইতে বহির্গত হইল। তদৃষ্টে আরবেরা “আল্লা হো আক্বরু” এই জয়ধ্বনি পূর্বক প্রত্যাবর্তন করিয়া পরস্পর তুমুল সঙ্গ্রামে প্রবৃত্ত হইল। উভয় দলের পদধূলিতে দিবাকর আচ্ছন্ন হইল, এবং পরস্পরের শূল ও খড়্গের শব্দে দিক্ সকল পরিপূর্ণ হইল। এবম্পৃকারে এক ঘণ্টা কাল ঘোরতর সঙ্গ্রাম হইলে পর পারস্যের সৈন্য সম্পূর্ণ রূপে পরাভূত হইল, এবং সমরক্ষেত্রে ৩০ সহস্র সহচরগণ আহত হইল অপর তাহাদের পরীখা বেষ্টিত শিবিরে প্রত্যগমন করিতে উদ্যত হইল। কিন্তু তৎকালেও তাহাদিগের দুর্ভাগ্যের শেষ হয় নাই, শিবিরের পরীখা উত্তীর্ণ ওহন কালে প্রায় ৮০০০ সহস্র সৈন্য

পরীখা মধ্যে জলমগ্ন হইয়া হত হইল। আরব লোক মধ্যে এই রণ “জয়ের জয়” নামে বিখ্যাত। এই পরাজয় প্রযুক্ত পারস্যি ভাষা আরবি ভাষাতে মিশ্রিত হইল এবং এই যুদ্ধে পারস্যিদের যে প্রাচীন ধর্ম অগ্নি আরাধনা তাহা একেবারে উন্মূলিত হইল; এবং পারস্যমাত্র কোরণের ধর্ম গৃহণ অথবা মৃত্যু স্বীকার করিতে বাধ্য হইল। পারস্যিয়ার সেনাপতির শিবিরে মধুর ভার-বাহক ৪০ টা গদভ ছিল তাহারা এ সেনাপতির পলায়ন কালে পথ রুদ্ধ করিল; তাহাতে তিনি পথিমধ্যে শত্রুকর্তৃক ধৃত হইলেন।

পেতামা নামা প্রসিদ্ধ প্রাচীন নগর ধ্বংস হইলে পর তৎস্থানে হর্মদান নামে এক নগর স্থাপিত হয়। এ নূতন নগরের মধ্যে ইস্ত্যো-মদিকাই নামক এক প্রসিদ্ধ কবরস্থান আছে। এ নগর সন্ন্যাসিদ্বারা অতি সুরক্ষিত ছিল। আরব লোকেরা আক্রমণ করিলে পর পারস্য লোকেরা নগরহইতে বহির্গত হইয়া তাহাদের সহিত তিন দিবস প্রচণ্ড যুদ্ধ করিয়া অবশেষে পরাস্ত হয়।

এই সংগ্রামের প্রথম দিবস “বিকোভ” নামে বিখ্যাত হয়; দ্বিতীয় দিবসের সংগ্রাম “নব সৈন্যদল” নামে এবং তৃতীয় দিনে অনেক প্রাণের বধ হইয়াছিল এজন্য “পক্ষি ভেদ সংগ্রাম” সংজ্ঞায় প্রসিদ্ধ হয়। তৃতীয় রাত্রির যুদ্ধে মহা গোলযোগ হওনপ্রযুক্ত এ রাত্রির যুদ্ধ “কুকুর রোদন” সংজ্ঞায় বিখ্যাত হয়। এই যুদ্ধে এক জন আরবি বিশেষ উৎসাহ প্রকাশ করিয়াছিল। সে আঙ্গুর ফলের প্রসঙ্গা করত এক গীত রচনা করিয়াছিল, তন্নিমিত্ত সে স্বদেশীয়দিগেরদ্বারা দেশ বহিস্কৃত হইয়াছিল; এবং পারস্য দেশের আক্রমণ শুনিয়া তিনি আরব সৈন্যের সহিত যোগ

দিলেন। কিন্তু আবুসায়দ নামক সেনাপতি তাঁহাকে ধৃত করত আপন গৃহমধ্যে শৃঙ্খলে বদ্ধ করিয়া রাখিয়াছিলেন, কাহাদের যুদ্ধ বিবরণ শুনিয়া তিনি আবুসৈবদের স্ত্রীকে কহিলেন, “আমি ধর্মের নিমিত্তে যুদ্ধ করিব; আমাকে বন্ধন মুক্ত কর”। এ স্ত্রী তাঁহাকে মুক্ত করিলে তিনি যুদ্ধ স্থলে সমাগত হইয়া বিশেষ রণপাণ্ডিত্য প্রকাশ করণ পূর্বক গৃহে প্রত্যগত হইয়া শৃঙ্খল পুনরায় ধারণ করিলেন। আবুসায়দ তাঁহার গৃহে প্রত্যগমন করিয়া স্ত্রীকে কহিলেন “এই যুদ্ধে এক বিদেশীয় লোক অত্যন্ত বীর্য প্রকাশ করিয়াছে”। মহিলা এ কথা শুনিয়া কহিল “হে নাথ, তুমি যাহাকে শৃঙ্খলে বদ্ধ করিয়াছ সেই ব্যক্তিই এ রণপাণ্ডিত্য প্রকাশ করিয়াছে” আবুসায়দ পরমাহাদে এ রণ জয়ি ব্যক্তিকে আলিঙ্গন প্রদান করিলেন, আর তাঁহাকে মুক্ত করিয়া আপন সুশিক্ষিত অশ্ব ও বর্ম প্রদান করিয়া কহিলেন, “অতঃপর তুমি দুষ্কারস পান করিলেও আমি তোমাকে আর শাস্তি দিব না”। তিনি উত্তর করিলেন “আমি দুষ্কারসের প্রশংসা করাতে রাজার নিকট শাস্তি পাইয়াছি, এক্ষণে পরমেশ্বরের নিকটে সমর্পিত হইয়া কহিতেছি যে আর আমি দুষ্কারস পান করিব না”।

অনন্তর আরবেরা এ নগর আক্রমণার্থ যাত্রা করে। স্বীয় প্রভুর সহিত এক জন পারস্য কুলীনের বিবাদ থাকাতে যুদ্ধ সময়ে বিশ্বাসঘাতকতা পূর্বক সেই নগরের এক প্রান্ত দ্বার খুলিয়া দিয়া ২০০০ সহস্র আরব সৈন্য নগর মধ্যে প্রবেশ করাইয়াছিল; এবং আরবেরা এ নগর পরাজয় করিয়া সেই বিশ্বাসঘাতককে তথাকার কর্তা করে। অতঃপর মুসলমানেরা যিজার্দানপ্রদেশে সৈন্য প্রেরণ করে। পারস্যদেশের অন্যান্য প্রজার ন্যায়

তথাকার লোকেরাও অগ্নিপূজক ছিল। আরবেরা এ প্রদেশ জয় করিয়া পারস্যদিগের হোম-বেদী এবং মন্দির সকল বিধ্বংস করত কাঙ্ক্ষিয়ান হুদের সমীপবর্তি ডর্বান নগর আক্রমণ করিয়া তুরস্কদেশীয় লোকদিগের মাফাৎ করিল। তাহারা খড়্গ মৃত্তিকায় প্রোত করিয়া পূজা করিত; এবং তাহাদিগের ঘোটকের গলদেশে যুদ্ধাহত শত্রুদিগের মস্তক চর্মে বিভূষিত করিয়া রাখিত। তাহারা পূর্বে পারস্য সৈন্যই দেখিয়াছিল, আরবদিগকে দেখে নাই; অধুনা তদৃষ্টে সবিস্ময় হইয়া জিজ্ঞাসিল “আপনারা মনুষ্য কি স্বর্গদূত”? আরবেরা উত্তর করিল “আমরা মনুষ্য বটে, কিন্তু স্বর্গদূত আমাদের পক্ষে হইয়া যুদ্ধ করেন”। এতচ্ছবনে তুরস্ক দেশের লোকেরা প্রথমে মুসলমানদিগের সহিত যুদ্ধে ক্ষান্ত থাকিল, কিন্তু এক জন তুরস্ক সৈন্য পরীক্ষার্থ বৃক্ষ ব্যবহিত হইয়া অতি সংগোপনে ধনুরাকর্ষণ পূর্বক এক জন আরবের প্রতি শর নিক্ষেপ করিল। এ শরে সেই আরব হত হইয়া ভূমিতলে পতিত হওয়াতে সে জানিল যে উহার যথার্থই মনুষ্য, ঈশ্বর দূতের সহিত কোন স্বাপক্ষ্য নাই। তৎপরে উভয় দল ক্রমে ২ বিবাদে প্রবৃত্ত হইল।

তৎসময়ে পারস্যদেশের প্রাচীন কর্তা হর্মজাল মুসলমান হইয়া মক্কা নগরে বাস করিতেন। তিনি আরবদিগকে উপদেশ প্রদানপূর্বক কহিয়াছিলেন। “স্পাহান নগর পারস্যদেশের মস্তকস্বরূপ, এবং ফার্স ও কার্মনদেশ হস্তস্বরূপ, এবং রে ও আজর্বজান চরণ, অতএব আদৌ স্পাহান জয় করত মস্তক ছেদ কর, তাহা হইলে সমুদায় পারস্য দেশ তোমাদিগের জয় হইবেক”। তদীয় পরামর্শানুসারে আরবেরা স্পাহান নগর জয় করিয়া ইস্তাকান নগরে গমন করিল। এ নগরের নিকটে যে



রণ হয় তাহাতে ১,২০,০০০ এক লক্ষ বিংশতি সহস্র সংখ্যক পারস্য সৈন্য উপস্থিত ছিল, তথাপি তাহারা আরবদিগের নিকটে পরাজিত হইয়া পলায়ন করিল।

অতঃপর আরবেরা ইস্ত্রিত সম্রাটকে ধৃত করিতে ধাবমান হয়। ঐ সম্রাট অক্সস নদী উত্তীর্ণ হইয়া চীন দেশাভিমুখে গমন করিয়াছিলেন। পৃথিব্যে তাতার দেশীয়দিগের সাহায্য-পুত্রাশায় অক্সস নদী তীরে মেরু নগরে বাস করেন; কিন্তু তত্রত্য কুলীন লোকেরা তাঁহাকে আরবদিগের অধীন করিতে চেষ্টা করিতেছে ইহা অবগত হইয়া রাত্রিকালে অউলিকার ছাদহইতে লক্ষ প্রদান পূর্বক পলায়ন করত প্রাতঃকালে শান্ত হইয়া নদীতীরে এক গোধূম-পেষকের বাটীতে নিভৃত প্রদেশে শয়ন করিয়া রাখিয়াছিলেন। এমত সময়ে ঐ ব্যক্তি তাঁহার মণি মুক্তাদি খচিত ও বিবিধ প্রকার স্বর্ণভরণ দেখিয়া তল্লাভে এক খড়্গাঘাতে তাঁহার প্রাণ নাশ করে। তাঁহার মৃত্যু অবধি পারসিদিগের রাজত্বের শেষ হয়। ঐ সম্রাটের পুত্র চীনদেশীয় রাজার সেনাপতি পদে নিযুক্ত ছিলেন, এবং এক জন আরবের সহিত ঐ রাজপুত্রের কন্যার বিবাহ হইয়াছিল। আরবেরা অক্সস নদী উত্তীর্ণ হইয়া চীন দেশের সীমায় উপস্থিত হইলে তথাকার রাজা উহাদিগের সহিত সন্ধি করিয়াছিলেন।

### আবকর বাদশাহের জীবন চরিত।

(প্রেরিত প্রস্তাব।)

সাধারণ-বুদ্ধি-সম্পন্ন মনুষ্য এবং অ-তুল-পরাক্রমশালী বীর-পুরুষদিগে জীবন-চরিত আলোচনা করিলে মনে

অপূমেয় আনন্দ জন্মে। কি প্রকার নিয়মে তাঁহারা জীবন যাত্রা নির্বাহ করিয়াছেন, কি কৌশলেই বা নানা প্রকার যোরতর যুদ্ধে জয়ী হইয়াছিলেন, সঙ্গ্রাম-স্থলে কি রূপ ব্যবহার করিয়াছিলেন, কি প্রকারে রাজকার্য নির্বাহ করিয়াছিলেন, তাহাদিগের চরিত্রই বা কি প্রকার ছিল, এ সমস্ত জানিতে সকলেরই মনে কৌতুক হয়। বিশেষতঃ যে সকল বীরপুরুষেরা এই বঙ্গভূমিতে একবার আপনাদিগের মানবলীলা করিয়া দেহ যাত্রা সম্বরণ করিয়া গিয়াছেন,—যে সকল প্রভূত বীর্যবন্ত ব্যক্তির আপন বাহুবলে ইহাকে শাসন করিয়া আপনাদিগের আধিপত্য স্থাপন করিয়াছিলেন, তাঁহাদিগের জীবনবৃত্তান্ত জানিতে সমধিক প্রয়াস হয়; অতএব মনের এই অভিলাষ পূর্ণ করিবার জন্য বিখ্যাত আবকর বাদশাহের জীবন চরিত আলোচনা করিতে প্রবৃত্ত হইলাম।

আবকরশাহ হুমাউন্ বাদশাহের পুত্র। যৎকালীন হুমাউন্ রাজ্য-লইয়া আপন মহোদর ভ্রাতৃগণের সহিত বিবাদ করেন, তখন তাঁহার এই পুত্রের জন্ম হয়। হুমাউন্ একদা ভ্রাতৃবিরোধ মধ্যে পাঠান সিয়া খাঁ দ্বারা আক্রান্ত হন, এবং আক্রমণকারিকে কোন মতে পরাজয় করিতে না পারিয়া মালবরাজের অধীনে আশ্রয় লন। কিন্তু পরে সেই বিশ্বাসঘাতক তাঁহাকে শত্রুহস্তে নিক্ষেপ করিবার নিমিত্তে ষড়যন্ত্র করিতেছে, জানিতে পারিয়া তিনি তথাহইতে পলায়ন করত তুরায় সিঙ্কনদের অভিমুখে যাত্রা করেন। পৃথিব্যে তিনি সাতিশয় দুঃখ ও কষ্ট বহন করিয়াছিলেন, এবং জল প্রভৃতি নানা প্রকার আবশ্যকীয় দ্রব্য-বিরহে মত-প্রায় হইয়া অবশেষে পারস্যরাজার নিকটে উপনীত হন। এই রূপ যোরতর বিপদ সময়ে

তিনি আপন পুত্র আবকরের জন্ম-সংবাদ শ্রবণ করেন; কিন্তু আপনি স্বয়ং তখন অতিশয় ক্ষীণবল থাকাতে পুত্রটিকে শত্রুহস্তে রাখিয়া আপনার জীবন রক্ষার্থে পলায়ন করিলেন। পরে পারস্য দেশীয় রাজার নিকটে শীয়া ধর্ম অবলম্বন করিয়া চতুর্দশ সহস্র সৈন্য সঙ্গ করত কাবুল কাঙ্কাহার প্রভৃতি স্থান সমূহ আক্রমণ করেন। এই শেষোক্ত স্থানে তাঁহার ভ্রাতা ছিলেন। তিনি গৃহ ভিত্তিতে আবকর এক চিতার উপরে শায়িত রহিয়াছে এতদ্রূপ ভয়ানক চিত্র বিচিত্র করিয়া হুমাউন্কে দেখাইলেন, এবং কাহিলেন যে হুমাউন্ যদি ঐ নগর আক্রমণ করেন তবে তিনি এই চিত্রিত বিষয় যথার্থ সিদ্ধ করিবেন। কিন্তু হুমাউন্ ইহাতে কিছু মাত্র ক্ষুব্ধ বা বিমর্ষ না হইয়া এই মাত্র কাহিলেন, যে যদি তিনি একপ করেন তবে তাঁহাকে বিস্তর দুঃখ সহ্য করিতে হইবে। সে এই ভয় পুদর্শিত বাক্য কণাকর্ণন করিয়া আর সে কার্য্য করণে মত করিল না।

এখানে দিল্লীরাজ্য আক্রমণকারী শের শাহ বলপূর্বক রাজ্য গৃহণ করিয়া রাজকার্য্য নিষ্পাদন করিতে লাগিলেন। পরে তাঁহার মৃত্যু হইলে তাঁহার পুত্র সলিম ও অবশেষে তাঁহার ভ্রাতৃপুত্র সেকন্দর সিংহাসনোপবিষ্ট হন। এই শেষোক্ত রাজার রাজ্য কালে হুমাউন্ আপনার অপহতরাজ্য পুনঃ গৃহণ করিতে চেষ্টা করেন। এতদুপলক্ষে এক ভয়ঙ্কর সঙ্গ্রাম হয়। ঐ যুদ্ধে আবকর ত্রয়োদশবর্ষীয় বালক হইয়াও যেকপ বীরত্ব ও অপুত্বিত প্রভাব প্রকাশ করিয়াছিলেন তাহা অত্যাশ্চর্য্য বোধ হয়। তাদৃশ কোমলবয়সে যুদ্ধনিপুণতা প্রদর্শন করা অতি বিরল প্রচার পায়। ইহাতেই অনুভব হয় তিনি প্রাপ্তবয়স্ক হই-

লে কত দূর পর্যন্ত সাহস ও বীর্য গুণ প্রকাশ করিয়াছিলেন। ফলতঃ তিনি অতুল শক্তিশালী ছিলেন। এই যুদ্ধে পাঠানেরা পরাজিত হয়, এবং হুমাউন্ পুত্রের সহযোগিতায় পুনর্বার সিংহাসন প্রাপ্ত হইলেন, ও কিয়ৎ পরে বাদকরগবস্থা প্রযুক্ত এক অতি সামান্য আঘাতে প্রাণ পরিত্যাগ করেন।

তাঁহার পরলোক গমন হইলে পর ১৬১২ সৎ-বৎসরে আবকর শাহ সিংহাসনোপবিষ্ট হন। বালাবস্থায় তিনি যে একবার বীরত্ব প্রকাশ করিয়াছিলেন, তাহা উপরোক্ত বিবরণ পাঠ করিয়া পাঠকবর্গের এক প্রকার স্থিরানুভূতি হইয়াছে। এক্ষণে রাজ্যপদ প্রাপ্ত হইয়া তিনি যে রূপ প্রণালীক্রমে রাজ্য শাসন করেন তদর্শনে প্রবৃত্ত হওয়া যাইতেছে।

তাঁহার রাজ্য-বিবরণ প্রকটন করিতে গেলে প্রায় কেবল যুদ্ধ-বিবাদের বর্ণন করিতে হয়। অতি শৈশব কালে সিংহাসনোপবিষ্ট হওয়াতে তিনি চতুর্দিকে বিপক্ষ জালে বেষ্টিত হইলেন। পাঠান ওমরাহা, রাজপুত্রবংশীয় রাজকুমারেরা এবং তাহার অধীনস্থ কর্মকারিরা পরস্পর বিবাদ করিয়া সর্বদা তাঁহার উপরি রাজ বিদ্রোহী হইতে লাগিল; কিন্তু আবকর এই সমস্ত শত্রুকুল অনায়াসে পরাভূত করিলেন। এবিষয়ে তিনি যে সুন্দর কৌশল দেখাইয়াছিলেন তাহা অতি প্রশংসনীয়; তাহাতে স্পষ্ট প্রকাশ পায় যে তিনি অতি বোদ্ধা ছিলেন। এস্থলে দুই একটা দৃষ্টান্ত প্রদর্শন করা যাইতেছে, তদ্বারা তাহার রণ-নিপুণতা প্রত্যয়ীভূত হইবে। একদা আবকর শাহ বঙ্গদেশস্থ রাজবিদ্রোহচারিদিগের বিরুদ্ধে যুদ্ধ যাত্রা করিয়া গঙ্গা নদী মধ্যবর্তী থাকাতে সূত্রাৎ আপন সমস্ত সৈনিকদল পরপারে সুযোগক্রমে সঙ্গ করিতে পারিলেন না। একপ অব-



স্থায় অন্য কোন যোদ্ধা পতিত হইলে সহজেই যুদ্ধে ক্ষান্ত হইত; কিন্তু আকবর এক শত ঘো-টক লইয়া নিকটস্থ স্থানহইতে কতিপয় সৈন্য একত্র করত একেবারে অবিলম্বে শত্রুদল বে-স্থিত করিলেন। এদিকে শত্রুরা নদীপারে অব-স্থান করিয়া মনেতে স্থিরবিশ্বাসিত হইয়াছিল যে বাদশাহ কখনই নদীপার হইয়া তাহাদিগের আক্রমণ করিতে পারিবেন না; অতএব অক-স্মাৎ তাঁহার যুদ্ধসজ্জা ও পটহের শব্দ শ্রবণ গোচর করিয়া তাহারা যে কি পর্যন্ত বিস্মিত ও হতবুদ্ধি হইয়াছিল তাহা বলা বাহুল্য। তাহারা হঠাৎ ভয়ঙ্কর ব্যাঘ্রসম মহারাজ অনুচর-সহ উপনীত দেখিয়া ভয়ে দিগ্দিগন্তর পলা-য়ন করিল। আকবর শত্রুশিবিরে প্রবেশ করিলেন, এবং বিপক্ষদিগের প্রধান সৈন্যাদ্যক্ষ জি-মানকে আক্রমণ করিলেন। সে অনেক সাহস পূর্বক জীবন রক্ষণে চেষ্টা করিয়া পরিশেষে হত হইল। তাহার সৈন্যসমূহ স্বামিভ্রুষ্ট হইয়া পলায়ন পরায়ণ হইল। এই রূপে আকবর বুদ্ধিকৌশলে অনায়াসে অস্পদ সৈন্য লইয়া তদপেক্ষা সমাধিক-সৈন্যবিশিষ্ট শত্রুদিগকে পরাভূত করিলেন।

অপর এক সময়ে তিনি সংবাদ প্রাপ্ত হইলেন যে মোগলজাতীর কতিপয় প্রধান লোকেরা গুজরাট দেশে এক রাজবিদ্রোহ উপস্থিত করিয়াছে, এবং তত্রত্য প্রধান নগর আহমদাবাদ আক্রমণ করি-য়াছে। সংবাদ শ্রবণগোচর মাত্র তিনি আ-গরাহইতে দুই সহস্র অশ্বারোহী মনুষ্য তথায় প্রেরণ করিলেন; এবং স্বয়ং কতিপয় সৈন্য লইয়া তাহাদিগের পশ্চাৎ যাত্রা করিলেন। এক সপ্তাহ মধ্যে তিনি বিবাদ স্থলে উপনীত হইলেন। শত্রুদিগের সৈন্য ইহা নয়ন গোচর করিয়া জি-জ্ঞাসা করিল যে “ইহারা কাহার সৈন্য?” আ-

কবরের জনৈক পদাতিক উত্তর করিল যে “এ সৈন্য রাজার, রাজদ্বারা চালিত হইতেছে”। রাজবিদ্রোহকারীরা একপ অসম্ভাবিত উত্তর প্রাপ্ত হইয়া ভয়ে কম্পমান হইল; এবং অধিক আ-য়াসে সাহস অবলম্বন করিয়া একেবারে পৃথমেই পলায়ন না করিয়া যুদ্ধে প্রবৃত্ত হইল; কিন্তু অবিলম্বে পরাভূত হইল। যখন সৈন্যেরা পরস্পর যুদ্ধে প্রবৃত্ত ছিল তখন আকবর স্বয়ং দুই শত সৈন্য লইয়া ঠেলশিখরে উপস্থিত থাকিয়া ইত-স্ততো নয়ন নিক্ষেপ করিতেছিলেন; হঠাৎ দে-খিলেন যে পাঁচ শত অশ্বারোহী সৈন্য তাঁহার পশ্চাৎ ধাবমান হইতেছে। তদৃষ্টে তাঁহার প্র-ধান ২ মন্ত্রীরা তৎক্ষণাৎ পলায়ন করণে পরা-মর্শ দিলেন; কিন্তু আকবর একপ ভীকতা ঘৃণা করিয়া আর এক কৌশল করিলেন। তিনি রণ-বাদ্য করিতে আদেশ করিলেন, এবং আপনার সেই অস্পদ সৈন্য এই ভাবে চালাইতে লাগি-লেন যে যেন তাহা শুদ্ধ সন্মুখের সৈন্য মাত্র বোধ হয়। বিপক্ষেরা অধিক সৈন্য সন্মুখে আছে অনুভব করিয়া সাতিশয় ভয়ে পলায়ন করিল। আকবর ও তাহাদিগের পশ্চাৎ ২ কিলদূর গমন করিলেন; এবং অনায়াসে রাজবিদ্রোহ নিবা-রণ করিলেন।

আর এক সময়ে তিনি কেবল এক শত পঞ্চা-শৎ ঘোটক লইয়া এবং অতি পরাক্রান্ত বহু-সঙ্খ্যক সৈন্যদলের পশ্চাৎ আক্রমণ করিয়া স্বাভীষ্ট সফল করেন; এবং তাহাতে সমুদায় সৈন্যেরা আশ্চর্য হইয়া পলায়ন করে। একবার বঙ্গদেশের সুবা দাউদ খাঁর সহ যুদ্ধ করণ সময়ে তিনি একপ তাহাকে ভয় প্রদর্শন করান যে সে তদবধি বাদশাহের সহিত যুদ্ধ করিতে কোন মতে সাহসী হইতে পারে নাই।

আকবর বাদশাহের যুদ্ধ নিপুণতার বিষয়ে কতিপয় কথা উপরে লিখিত হইল; এক্ষণে তাঁ-হার শান্তি স্থাপন ও রাজ্য বিচারের বিষয় বর্ণনে প্রবৃত্ত হই। তাঁহার সমস্ত কার্যমধ্যে আইন “আকবর নামে” যে গুলু প্রচার করান তাহাই সর্ব প্রধান। ইহাতে তাঁহার স্থিরবুদ্ধি এবং তাঁহার মন্ত্রী আবুল ফাজলের গুণের বি-লক্ষণ পরিচয় হইয়াছে। ঐ গুলুে তাঁহার রাজ্য, রাজ্যশাসন-পুণালী এবং তাঁহার সমস্ত রাজ কার্য বিশিষ্টরূপে প্রতিপন্ন আছে। রাজ্যের প্রধান ২ গুরুতর বিষয় অর্থাৎ অতি সামান্য ক্ষুদ্র ২ কার্য পর্যন্ত ইহাতে লিখিত আছে। তাঁহার অধীনস্থ সমস্ত প্রদেশের সীমা এবং ভূমির উপস্বত্ত্ব ও পূজাসংখ্যা এই গুলুের মধ্যে সুন্দররূপে লিপিবদ্ধ আছে। তাঁহার একপ করণের তাৎপর্য এই যে তিনি তদ্বারা পূজাদিগের উপর যথার্থ উচিত কর নির্ধারণ করিয়া তাহাদিগকে অত্যা-চারহইতে মুক্ত করিবেন। আকবর পূজাদিগকে অনেক প্রকারে ক্রোধহইতে মুক্ত করিয়াছিলেন, তাহার সন্দেহ নাই; তত্রাচ তিনি স্বয়ং যে কর নির্ধারিত করিয়াছিলেন, তাহা বড় ন্যূন নহে। তাঁহার নিয়মে ভূমির উপস্বত্ত্বের তৃতীয়াংশের এক অংশ রাজকররূপে গণ্য হইত। তিনি স্বীকার করিয়াছিলেন যে হিন্দুদিগের রাজ্যকালে উপ-স্বত্ত্বের ষষ্ঠাংশ এবং পারসিকদিগের নিয়মানু-সারে দশাংশ কররূপে রাজকর্তৃক গৃহীত হইত; কিন্তু তাহারা ঐ কর ব্যতীত অন্য ২ নানা প্র-কারে শুল্ক লইয়া পূজাদিগকে দুঃখিত করিত। তিনি আর সমস্ত কর রহিত করিয়া কেবল এক মাত্র ভূমির কর নির্ধারণ করিতে পূজাদিগের কল্যাণ করিয়াছেন, সন্দেহ নাই। করসেতুর দিন দুঃখদিগের উপর কর, বৃক্ষের উপর

কর, গৃহপালিত পশুদিগের বিক্রয়ের শুল্ক, ও অন্যান্য নানা প্রকার কর, যাহাতে দুঃখ প্রজাদিগের অনিষ্ট হয় বা বাণিজ্যের প্রতি-বন্ধক হয় তৎ সমস্ত আকবর উঠাইয়া দিয়াছি-লেন। অতএব যদিও তাঁহার নিয়মানুসারে পূজা-দিগকে ভূমির কর অধিক দিতে হইত তথাপি অপরাপর করের সমষ্টির সহিত তুলনা করিলে অতি অস্পদ বলিয়া বোধ হয়। তিনি এই সমস্ত কর উঠাইবাতে পূজারা অনেক দুঃখহইতে নিষ্কৃতি প্রাপ্ত হইয়া অনেক সুখসম্ভোগ করিয়াছিলেন।

আকবরের জীবন চরিত উপলক্ষে ধর্ম সম্প-র্কীয় কতিপয় কথা উল্লেখ করিতে হইল। তিনি কোন ধর্ম বিশেষের বশবর্তী বা অ-ধীন ছিলেন না; সুতরাং সর্বদেশীয় সমস্ত ধর্ম-বলম্বী লোকদিগের সহিত ধর্মবিষয়ে কথো-পকথন করিতে ইচ্ছুক ছিলেন; এবং পৃথি-বীর দূরবর্তী খৃষ্ট ধর্মাবলম্বী লোকদিগের কথা শুনিয়া তিনি তাহাদিগকে দেখিবার বাসনায় গোয়া নিবাসী পর্তুগিসদিগকে এই মর্মে পত্র লিখিলেন যে তাঁহারা কতিপয় ধর্মযাজক পাণ্ডিত-গণকে তাহাদিগের ধর্মপুস্তক সহিত আগরা নগরে প্রেরণ করেন। তাহারা পত্র প্রাপ্ত হইয়া আমো-দিত হইল, এবং সংবৎ ১৬২৪ অব্দে তিনজন ধর্মোপদেশককে প্রেরণ করিল।

খৃষ্টধর্ম-ঘোষকেরা গোয়াহইতে যাত্রা করিয়া অতি শীঘ্র সুরাট রাজধানীতে উপনীত হইল। তথাহইতে কতিপয় অশ্বারোহী সমভিব্যাহারে তাহারা ক্রমে ২ তাপতীও নর্মদ নদী পার হইয়া মান্দু নগর এড়াইল, এবং অবশেষে উজয়িনী নগরে পহুঁছিল।

আকবর শাহ অতি সম্মানপূর্বক তাহাদিগকে আশ্বান করিলেন, এবং নানা প্রকার সদালাপ-



দ্বারা তাহাদিগকে বাধিত করিলেন। তাহারা তাঁহাকে খৃষ্টিয় মরণের প্রতিমূর্তি দেখাই-  
বাত্তে তিনি সমস্তম্বে তৎপ্রতি ভূমিষ্ঠ হইয়া  
দণ্ডবৎ জর্নিত হইলেন। কথিত আছে যে খৃ-  
ষ্টনাতা নেরির প্রতিমূর্তি দৃষ্ট করিয়া আকবর  
সাতিশয় মুখ হইয়াছিলেন, এবং কহিয়াছিলেন  
যে ঐ সূচাক রূপ স্বর্গীয় রাজ্যের যথার্থ প্রতিমূর্তি  
বটে। পরে বাইবেল গুলু লইয়া তিনি অত্যা-  
হাদে শিরোপরি রাখিয়াছিলেন। কলতঃ আ-  
কার প্রকার ও ব্যবহারে এই আভাস জানাইলেন  
যে তিনি খৃষ্টিধর্ম অবলম্বন করিবেন। কিন্তু ক্রমে  
দিবা পক্ষ অয়ন যাইতে লাগিল তত্রাপি তিনি  
ঐ ধর্মে অভিবিক্ত হইলেন না। খৃষ্টিধর্ম-ঘোষকেরা  
দুরাশয়ে বিশ্বাস করিয়া অবশেষে সন্দেহ হইল।  
তখন গোপনে কতিপয় রাজামাত্য কহিল “তো-  
মাদিগের আশা বৃথা। বাদশাহ কখনই খৃষ্টি-  
ধর্মে দিক্শিত হইবেন না, তবে তিনি যে একপ  
আনুরক্তি দেখান সে কেবল আমোদ নিমিত্ত  
মাত্র। কলিতার্থ অন্য কোন মনোগত কারণ  
হেতু নহে”।

একদা আকবর তাঁহাদিগকে কহিলেন যে  
কোন সুপ্রসিদ্ধ মুসলমান তাহার ধর্মের শ্লে-  
ষ্ঠতা প্রমাণ করণ কারণ আপন ধর্মপুস্তক কো-  
রণ হস্তে করিয়া বিনা ক্রেশে কণ্টক বৃক্ষো-  
পরি পাড়িয়াছিল; অতএব তাঁহারা যদি সেই  
রূপে স্বীয় ধর্মের শ্লেষ্ঠত্ব প্রতিপাদন করিতে পা-  
রেন তবে তিনি তাঁহাদিগের ধর্ম্মানুগামী হইতে  
পারেন। খৃষ্টি ধর্ম্মঘোষকেরা তাহাতে অসম্মত  
হইলেন; এবং বাদশাহও তাহাদিগের প্রতি  
তাদৃশ সম্মান না করিয়া তাচ্ছল্য ভাব করিতে  
লাগিলেন। সুতরাং তাহারা সংবৎ ১৬৩৯ অর্কে  
গোয়াতে প্রত্যাবর্তন করিলেন।

সংবৎ ১৬৪৭ অর্কে পুনরায় এক দল খৃষ্টি-ধর্ম্ম-  
ঘোষকেরা আগরা নগরে আগমন করিয়াছিল;  
কিন্তু তাহারাও নিষ্ফলে প্রত্যাবর্তন করে। ইহার  
চারি বৎসর পরে আকবর পুনরায় তাহাদি-  
গকে আহ্বান করিলেন। তৎসময়ে রাজা না-  
হোরে উপস্থিত ছিলেন; সুতরাং পল্টুগিসদিগকে  
দামায়ন দিয়া কাম্বের খাড়িতে যাইতে হই-  
য়াছিল। তাহারা বিশেষ পরিশ্রম পূর্বক না-  
হোরে উপনীত হয়। বাদশাহও আপনার স্বভা-  
বানুসারে তাহাদিগকে বিস্তর সমাদর করিলেন।  
বিশেষতঃ তাহারা দেখিল যে তাঁহার মুসল-  
মান ধর্মে কোন আস্থা নাই, যেহেতু তিনি  
অর্থাবল্যক হইলে অন্যায়সে মসজিদ ভঙ্গ করি-  
তেন। কিন্তু পরিশেষে যখন তাহারা দৃষ্ট করি-  
লেক যে তিনি সূর্যোপাসক, তখন তাহাদি-  
গের সকল আশা ভরসা একেবারে ছিন্ন হইল।  
অপিচ আর একটি রহস্যের ব্যাপার দেখিয়া  
তাহারা নিতান্ত বিরক্ত হইল। অর্থাৎ তিনি আ-  
পনাকে এক প্রকার দেবাংশ বলিয়া বোধ করি-  
তেন। তিনি প্রাতঃকালে গবাক্ষ দ্বারে বসিয়া  
সকলের দণ্ডবৎ প্রণাম লইতেন। পোড়িত ব্য-  
ক্তির তাহার আশীর্বাদ দ্বারা রোগ মুক্ত হইবে  
বলিয়া তিনি তাহাদিগকে আনাইতেন। এই রূপ  
নানা প্রকার রহস্যজনক ব্যবহার করিতেন। যাহা  
হউক মিশনারিরা তাঁহার এবস্থিৎ ব্যবহার দে-  
খিয়া পলায়ন করিল।

আকবর শাহ এই রূপে ৫১ বৎসর রাজ্যভোগ  
করিয়া তাঁহার একৈক পুত্র সেলিমকে রাখিয়া  
১৬৬২ সংবতে পরলোক গমন করেন।

আকবর শাহের জীবন চরিত ও রাজ্য বৃত্তান্তের  
স্থূল বিবরণ উপরিভাগে ব্যক্ত করিলাম; এক্ষণে  
সেই প্রসিদ্ধ যবন রাজার চরিত্র বিষয়ে কিঞ্চিৎ


আলোচনা করা আবশ্যিক। সকলকে মুক্তকণ্ঠে স্বী-  
কার করিতে হইবেক যে তিনি মোগলদিগের  
মধ্যে এক অতি সাহসী ও প্রধান রাজা ছিলেন;  
আরজ্জবেবের ন্যায় দুরাচারী পাপিষ্ঠ ও নরা-  
ধম ছিলেন না। আকবর যুদ্ধ-ক্ষম ছিলেন বটে,  
কিন্তু তিনি বুদ্ধিকৌশল ও অন্যান্য উপায় দ্বারা  
রাজ্য হইতেন, কেবল স্বীয়বীর্যদ্বারা জয়ী হইব  
এমত চেষ্টা করিতেন না। আশু লোকে কহিতে  
পারেন যখন তাঁহার অধীনে প্রায় পঞ্চ লক্ষ সৈন্য  
ছিল তখন তাঁহার গোপনভাবে ও যত্নব্রতদ্বারা  
যুদ্ধ করা কোনমতেই উচিত ছিল না; প্রকাশ্য  
হইয়া সম্মুখযুদ্ধে যুদ্ধ করা সর্বতোভাবে তাঁহার  
পক্ষে বিধেয় ছিল। কিন্তু কলতঃ তিনি ইহাতে  
দোষী নহেন; বরং প্রশংসনীয়ও হইতে পা-  
রেন, যেহেতু যুদ্ধে কল কৌশলই অত্যন্ত আব-  
শ্যিক। বহু সৈন্য পরিবেষ্টিত হইয়া সঙ্কাম  
করিলে যে সর্বদা জয়ী হওয়া যায়, একথা ভ্রা-  
ন্তিমূলক। কার্যতঃপর কৌশলী ব্যক্তি অল্প  
সৈন্য লইয়া অন্যায়সে লক্ষ সৈন্য পরাজয়  
করিতে পারে, ইহার দৃষ্টান্ত অনেকানেক স্থলে  
প্রত্যক্ষীভূত হইয়াছে। গ্রীস ও রোম রাজ্যের  
ইতিহাস পাঠাধ্যয়ী যুবকেরা ইহা বিশিষ্টরূপে  
জ্ঞাত আছেন, সন্দেহ নাই।

আকবর বাদশাহের রাজ্যশাসন ও রাজকার্য  
নিষ্পাদন বিষয়ে বিচক্ষণতা যে কি প্রকার ছিল  
তাহা আইন আকবরি গুলুদ্বারা বিশেষ ব্যক্ত  
হইয়াছে। তদ্বিবয়ে কিছু আর ব্যক্ত না করিয়া এই  
মাত্র কহা যাইতেছে যে তাহার ঐ গুলুকে লোকে  
অদ্যাবধি অতি অমূল্য বলিয়া প্রশংসা করিয়া  
থাকেন। বাস্তবিকও তিনি অতি প্রশংসা যোগ্য।  
ত্রয়োদশ বর্ষ বয়স্ক শিশু হইয়া এক অতি বি-  
স্তীর্ণ রাজ্যের সিংহাসনোপরি অধিকাট হইয়া

তিনি যে রূপ সুবিচারক্রমে প্রজা-পালন ও  
রাজকর্ম করিয়াছিলেন তাহাতে তিনি অবশ্যই  
লোকের সাধুবাদের যোগ্য।

আকবরের ধর্ম বিষয়ক অভিপ্রায় নিরূপণ  
করা বড় সুকঠিন। তিনি যে কি ধর্ম্মাবলম্বী  
ছিলেন তাহা তাঁহার সমুদয় জীবন বৃত্তান্ত স্থির-  
রূপে অবলোকন করিলেও স্থির হয় না। প্রচ-  
লিত মুসলমান ধর্মে তাঁহার কিছু মাত্র আস্থা  
ছিল না; খৃষ্টিয়ান ধর্মে তাঁহার আনুরক্তি  
দেখিতে পাই নাই; যেহেতু তিনি খৃষ্টিয়ান  
মিসনারিদিগকে বিশেষরূপে ভক্তি দেখাইয়া  
পরিশেষে তাহাদিগকে তাচ্ছল্য করিয়াছি-  
লেন। বোধ হয় তিনি এক ঈশ্বরবাদী ছি-  
লেন; কিন্তু কার্যদ্বারা তাঁহার ভাবের কিছু  
মাত্র আভাস পাওয়া যায় না। কেহ কহেন  
যে তিনি ধর্ম্মাবলম্বী লোকদিগের সহিত কথোপ-  
কথন করিতে আহ্বাদিত হইতেন এই নিমিত্তই  
খৃষ্টিয়ান মিসনারিদিগকে আহ্বান করিয়াছিলেন;  
কিন্তু যখন আমরা দেখিতেছি তিনি বাইবেল  
পুস্তক শিরোপরি রাখিয়াছিলেন, ও নানা প্র-  
কারে খৃষ্টিধর্মের প্রতি ভক্তি প্রদর্শন করিয়াছি-  
লেন, অথচ তাহা অভিষেক করেন নাই; তখন  
তাঁহাকে ভণ্ড ব্যতীত আর কি কহা যাইতে পারে?  
যাহা হউক, তাঁহার দোষ-গুণ বিবেচনা করিয়া  
অবশ্যই একপ কহিতে হইবেক যে তিনি মোগল-  
দিগের মধ্যে এক প্রধান রাজা ছিলেন, ও বাব-  
নিক রাজাদিগের মধ্যে কেহই তাঁহার তুল্য  
বিবিধ গুণালঙ্কৃত হয় নাই।





## বাইসন্ বা মার্কিন মহিষ।

শেভেদে তক গুলের যে প্রকার জাতিভেদ হইয়া থাকে পশু পক্ষী বিষয়েও তদ্রূপ। শীত-প্রধান সুইডন্, নর্ওয়ে ও সিবিরিয়া দেশে যে সকল পশু-পক্ষী জন্মে গুয়াপ্রধান ভারতবর্ষে তাহার কিছু মাত্র দৃষ্ট হয় না; অপর অত্রত্য হস্তি ব্যাঘ্রাদি পশুও ইউরোপ খণ্ডে প্রাপ্য নহে।

অস্ট্রেলিয়া দেশে কাঙ্গারু পশু, দক্ষিণ আম-রিকা দেশে লামা ও আঁপাকা পশু, নর্ওয়ে ও সুইডন্ দেশে রিগ হরিণ, অফ্রিকা দেশে কাগা ও হিপপোটামস পশু, ইত্যাদি দেশ ভেদে এক ২ বিশেষ পশু বা পক্ষী আছে, যাহা তদন্যত্র প্রাপ্য হয় না। উত্তর আমরিকার অমা-

ধারণ পশুमध्ये বাইসন্ নামা জীব অতি পুসিদ্ধ। এই জীব এতদেশীয় মহিষাকার, এতৎপুযুক্ত তা-হাকে “মার্কিন মহিষ” শব্দেও কহা যায়। পরন্তু মহিষহইতে অনেক বিষয়ে ইহার লক্ষণ ভেদ আছে। উপরে যে চিত্র মুদ্রিত করা গিয়াছে তদৃষ্টে ব্যক্ত হইবে, যে কেশরির ন্যায় এই পশুর স্কন্ধদেশ সুদীর্ঘ স্থূল কেশাবৃত; ইহার শৃঙ্গও মহিষ শৃঙ্গের তুল্য দীর্ঘ নহে; অপর গো ও মহিষের দেহে ত্রয়োদশ খানি পর্শুকা (পাঁজরা) থাকে, ইহার দেহে পঞ্চদশ পর্শুকা দৃষ্ট হয়।

পুং বাইসন্ প্রায় ছয় হস্ত দীর্ঘ, এবং চারি হস্ত উর্দ্ধ। শীতকালে ইহাদিগের দেহের সর্বত্র ঘোর-কটাবর্ণ কেশে আবৃত থাকে, গুয়ায়ারস্তে তাহা প-ড়িয়া যায়; কেবল মস্তক স্কন্ধ ও গলদেশে অবশিষ্ট

থাকে; পরন্তু তাহারও বর্ণের ব্যতিক্রম হয়; শীত-কালের প্রায় কৃষ্ণ-কটাবর্ণের পরিবর্তে গুয়ায়ে ঈষৎ পীতাক্তকটাবর্ণ প্রাপ্ত হয়। মস্তক ও ককুদোপরিস্থ কেশ এক হস্ত দীর্ঘ। বাইসন্ পশুর মস্তক অতি বৃহৎ; কিন্তু অন্য পশুর ন্যায় তাহা তাহাদিগের শরীরের উর্দ্ধভাগে স্থিত নহে। তাহাদিগের চক্ষুঃ কৃষ্ণবর্ণ অতি ক্ষুদ্র এবং তীক্ষ্ণ; শৃঙ্গ খর্ব ও তীক্ষ্ণাপু; কপোল ও বক্ষদেশ প্রশস্ত, পদ খর্ব ও সুদৃঢ়; পশ্চাত্তাগ কৃশ ও দুর্বল-প্রায়; পুচ্ছ এক হস্ত পরিমাণ এবং কেশে মণ্ডিত। ইহাদিগের ককুদ গবাদির ককুদ-প্রায়, কেবল স্বেদ-পিণ্ড নহে; তন্मध्ये অনেক মাংসপেশী আছে, যদ্বারা ইহারা আপন ২ ভীম-স্কন্ধ অনায়াসে সঞ্চালন করিতে পারে।

এতদেশীয় মহিষের ন্যায় মার্কিন মহিষ দলবদ্ধ হইয়া বাস করে। কথিত আছে এক ২ দল পশু এক কালে দুই তিন ক্রোশ স্থান আচ্ছন্ন করিয়া রাখে। লুইস্ এবং ক্লার্ক সাহেব লেখেন যে তাঁহারা অভাবতঃ বিংশতি সহস্র বাইসন্ এক ২ দলमध्ये দেখিয়াছিলেন। ইহাদিগের স্বভাবও মহিষের ন্যায়। প্রাতে ও অপরাহ্নে ইহারা ক্ষেত্রে চরিয়া থাকে; ও মধ্যাহ্নে সূর্যোত্তাপে জলা-শয়ের নিকট শরবন মধ্যে লুক্কায়িত থাকে।

এই সকল বৃহৎ দলে স্ত্রী ও পুং বাইসনেরা পৃথক ২ অবস্থিতি করে; কেবল প্রত্যেক দল স্ত্রী বাইসনের মধ্যে দুইটা করিয়া পুং বাইসন্ প্রহরিস্বরূপে উপস্থিত থাকে।

ইহারা স্বভাবতঃ ভীত এবং মনুষ্যের নিকট-হইতে পলায়ন করে; কিন্তু জুঙ্গ হইলে অত্যন্ত সাহসের সহিত মনুষ্যের প্রতিহিংসায় প্রবৃত্ত হয়।

মার্কিন দেশীয়েরা এই পশুকে বশীভূত করিতে কোন চেষ্টা করে নাই; অতএব এই পশু বশী-

ভূত হইতে পারে কি না এবং তদ্বারা মনুষ্যের কোন উপকার সম্ভব কি না তাহা অধুনা নিশ্চয় করা কঠিন; বোধ হয় বিশেষ চেষ্টা করিলে মার্কিন জাতীয়েরা কৃতকার্য হইতে পারেন। পরন্তু এ বিষয়ে তাহাদের বিশেষ উদ্যম নাই, কারণ ইহার মাংস, মেদ, শৃঙ্গ ও কেশ প্রাপ্ত হইলেই তুষ্ট হয়, এবং তাহা বনে মৃগয়াদ্বারা অনায়াসে উৎপন্ন হয়; সুতরাং তদর্থে এ পশু গৃহে পা-লন করণের শুন স্বীকার করা বৃথা। মার্কিন লোকেরা এই পশুর মাংস অতি সুস্বাদু বোধ করে; এবং কহে যে হরিণ মাংসে ও মেঘ মাংসে যে প্রকার পুভেদ, সামান্য গোমাংসে ও বাইসন্মাংসেও তদ্রূপ। মার্কিন লোকেরা বাইসন্ পশুর জিহ্বা ও ককুদ সুখাদ্য বলিয়া অনেক পুশংসা করে।

বাইসন্-লোনে সুচাক বস্ত্র প্রস্তুত হয়; এবং ছুরিকাতির মুষ্টি ও বাসুদ রাখিবার আধার নির্মা-ণার্থে তাহাদিগের শৃঙ্গ প্রশস্ত ও ব্যবহার্য। অপর ইহাদিগের ত্বকুও অতি স্থূল ও দৃঢ়, ও নানা-বিধ প্রয়োজনীয় কার্য সম্পাদনার্থে ব্যবহৃত হয়। কথিত আছে এক বাইসন্-শব্দহইতে অভাবতঃ দুই মন মেদ (চরবি) উৎপন্ন হইতে পারে।

বৃদ্ধ বাইসনেরা অতি স্থূলকার্য, সুতরাং বেগে গমনে অক্ষম হয়, তৎপুযুক্ত অনায়াসে ব্যা-ঘ্রাদি-কর্তৃক বিনষ্ট হয়। ব্যাঘ্রেরা এই পশু মাংসা-স্বাদনে অত্যন্ত লোলুপ, এবং দলবদ্ধ হইয়া বাই-সন্ দলের পশ্চাৎ ২ ভ্রমণ করে। কোন কারণ বশতঃ দলস্থ কেহ স্বদলের সহ সমবেগে চলিতে না পারায় অন্যাপেক্ষায় পশ্চাতে পড়িলেই ব্যা-ঘ্রেরা তৎক্ষণাৎ তাহাকে বিনষ্ট করিয়া স্ব ২ উদর পূর্ত্তি করে। ভল্লকেরাও এই পশুর এক প্রধান শত্রু, এবং সময় পাইলেই অনিষ্ট করে। পরন্তু মনুষ্যই



ইহাদিগের পরম শত্রু; ঋক্ষ, ব্যাঘ্র, কেহই তল্লুৎ নহে। উত্তরআমরিকার যে ২ স্থানে এই পশুর নিবাস আছে, তত্রত্য সকলেই ইহাদিগকে বিনাশ করিতে উদ্যত। কেহ বন্দুকদ্বারা কেহ বা শরদ্বারা বাইসন্ বধ করে। কেহ ২ বা দলবদ্ধ হইয়া এক দল বাইসন্কে কোন বেষ্টিত স্থানে তাড়াইয়া লইয়া যায়; এবং তথায় অত্রাদি-দ্বারা বহুসঙ্খ্যক পশু অনায়াসে ধ্বংস করে। কথিত আছে এতাদৃশ মৃগয়ায় এক দিবসের মধ্যে অন্ততঃ দুই সহস্র জীব ধ্বংস হইয়া থাকে।

### কাদম্বরী গুহের সারসঙ্গ্রহ।

(৮৪ পত্রহইতে ক্রমাগত।)

পরে সায়েংকাল উপস্থিত হইলে অতিথি ও তপস্বিনী উভয়ে সায়েং-সঙ্ঘ্যাবন্দনাদি সমাপনান্তে একান্তে শিলাপটে বসিয়া আছেন এমত সময়ে রাজনন্দন অতিশয় বিনয়পূর্বক কন্যাকে জিজ্ঞাসিতে লাগিলেন; “তুমি কে? কি কারণে তুমি সংসার-সুখে বিরক্তা হইয়া এই তরণাবস্থায় যোগসাধনতৎপরা হইয়াছ? আমার নিতান্ত ইচ্ছা হয় তোমার সমুদয় বৃত্তান্ত শ্রবণ করি”। রাজনন্দনের এবস্তৃত সবিনয়-প্রশ্নাবসানে ঐ কন্যা কিছু মাত্র উত্তর না করিয়া মৌনভাবে অধোবদনে ঋণকাল রোদন করিতে লাগিল। তাহাতে চন্দ্রাপীড় নিরতিশয় বিস্মিত ও দুঃখিত হইয়া মনে ২ কহিতে লাগিলেন, “আমি কি কুকর্মই করিলাম, কেনই বা অকারণে ইহার আশ্রমে আসিয়া ইহার মনে ক্ষোভ দিলাম। আমার এস্থলে আসা সর্বতোভাবেই অসৎকর্ম করা হইয়াছে”। রাজা চন্দ্রাপীড়ের এতাদৃশ মনের উদাম ও বিবাদ দর্শনে ঐ কন্যা তাঁহাকে

কহিতে লাগিল, “মহারাজ! আমি অতি মন্দ-ভাগিনী। যদি আমার বৃত্তান্ত-শ্রবণে তোমার নিতান্তই কুতূহল হইয়া থাকে, শ্রবণ করুন; আমি আনুপূর্বিক কহিতেছি। মহারাজ, শুনিয়া থাকিবেন, দেবলোকে অপসরানামে এক গন্ধর্ব-কন্যা আছেন। তাহাহইতে চতুর্দশ কুল উৎপন্ন হয়। প্রথম বৃন্দার মনঃহইতে, দ্বিতীয় বেদহইতে, অশ্বিনী হইতে তৃতীয়, পবনহইতে চতুর্থ, অমৃত-মহন-হইতে পঞ্চম। জলহইতে ষষ্ঠ। সূর্য্য কিরণহইতে সপ্তম। চন্দ্রকরহইতে অষ্টম। নবম নক্ষত্রহইতে। দশম ভূমিহইতে। একাদশু বিদ্যুৎহইতে। দ্বাদশ মৃত্যু হইতে। ত্রয়োদশ মন্মথহইতে। এবং চতুর্দশ কুলের বিবরণ এই যে দক্ষ প্রজাপতির কন্যাগণের মধ্যে দুই কন্যার নাম মুনি ও অরিষ্টা। গন্ধর্বের সহবাসে ঐ দুই কন্যাহইতে এই কুলের উৎপত্তি হয়। গন্ধর্বের মধ্যে ঐ দুই কুল প্রধান। মুনিহইতে চিত্ররথাদি ষোড়শ সহোদরের এক কুল। অরিষ্টাহইতে তম্বুক-প্রভৃতি ছয় সহোদরের অপর কুল। চিত্ররথ ভারতবর্ষের উত্তর সীমায় কিম্পুরুষবর্ষের মধ্যে হেমকূট নামে এক পর্বত আছে, তথায় গন্ধর্ব রাজ্য শাসন করেন। তিনি সহস্র ২ গন্ধর্বকে প্রতিপালন করিয়া থাকেন। চৈত্ররথ নামক মনোহর কানন তাঁহারই সমারোপিত। এই যে অচ্ছাদ সরোবর দেখিলেন ইহা তাঁহারি খাত। আর এই মন্দিরে চতুমুখ মহাকাল কে তিনিই প্রতিষ্ঠা করেন। অপর তম্বুক প্রভৃতি দ্বিতীয় গন্ধর্বকুলের প্রধান হংস। ইনিই চিত্ররথের অনুমতিক্রমে গান্ধর্বরাজ্যে অভিষিক্ত হন। ইনি চন্দ্রকিরণপ্ৰসূত গন্ধর্বকুলসন্তৃত গৌরী নামী এক কন্যাকে বিবাহ করেন। ঐ দুই মহাপ্রভাব হইতে এই অশুভক্ষণা মাদৃশী কন্যা উৎপন্ন হয়। পিতা আমার অপুত্র, একারণ আমাকেই পুত্রবৎ

লালন পালন করিতে লাগিলেন। অসামান্য রূপ লাভণ্য নিরীক্ষণ করিয়া পিতা আমার নাম মহাশ্বেতা রাখিলেন এবং যথাযোগ্যকালে সুশিক্ষকের হস্তে আমাকে সমর্পণ করিয়া অনেক প্রকার বিদ্যা শিক্ষা করাইলেন। তরণাবস্থা প্রাপ্ত হইয়া আমি এক দিন ঋতুরাজ বসন্তের সমাগমে জননী সমভিব্যাহারিণী হইয়া ঐ অচ্ছাদসরনীতে স্নানার্থ আসিয়াছিলাম। তীরস্থিত তরুণলতাতির বিকসিত কুমুমের সৌরভে সেই সকল স্থান আমোদিত হইয়াছে দেখিয়া তৎসৌরভের আনন্দলোভে লুক্ক ভ্রমরীর ন্যায় প্রিয়বয়স্যগণকে নজ্জে লইয়া সেই সকল পাদপের সিঞ্চ ও সুশীতল ছায়ায় বেড়াইতে লাগিলাম। এমত সময়ে তত্রত্য গন্ধর্ববহের মন্দ ২ সঞ্চারবশত এক আশ্চর্য্য সুগন্ধ আসিয়া আমার নাসিকারঞ্জে প্রবিষ্ট হইল। আমি তৎক্ষণাৎ সঙ্কীর্ণগণকে পরিত্যাগ করিয়া একাকিনী সেই সৌরভাভিমুখে চলিলাম। পশ্চাৎ ২ কেবল আমার তাম্বুলকরুণবাহিনী এক জন সখীমাত্রই আসিতে লাগিল। নির্দিষ্ট স্থানে উপস্থিত হইয়া দেখিলাম এক মুনিবালক নিম্ননাভি, গজস্কন্ধ, কষুগীব, আকর্ণদীর্ঘনয়ন, আজানু লম্বমানবাহু, মনোহররূপ, স্বস্বরূপ অপর এক ঋষিকুমারকে বয়স্যভাবে সমভিব্যাহারে লইয়া ইতস্ততঃ বনবিহার করিতেছেন। ঐ মুনি তনয়ের কর্ণদ্বয়ে দুইটি সুরভি পুষ্প ছিল। তাহারি সদৃশক্বে চতুর্দিক্ সৌরভময় হইয়াছিল। এতাদৃশ সুকুমার ঋষিকুমারকে নয়নপথের অতিথি করিয়া আমি এক কালে পঞ্চশরের আস্ত্রার বশাত্ত হইলাম। উভয়ের নয়নে ২ আলিঙ্গন হইলে পর আমি তাহাকে প্রণাম করিলাম। তদনন্তর তাহার সহচর বয়স্যকে জিজ্ঞাসিলাম, ইনি কে? কোন ঋষির তনয়? ইহার নাম

কি? আর কোন বৃক্ষের পুষ্প ইনি শ্রবণে ধারণ করিয়াছেন? তাহাতে সেই মুনিকুমার কহিলেন। “ইনি শ্বেতকেতু নামা দেবর্ষির পুত্র, ইহার নাম পুণ্ডরীক; তপোবলবিষয়ে ইনিও পিতার তুল্য হইয়াছেন। ইহার কর্ণভূষণীভূত যে সুরভি কুমুম দেখিতেছ ইহা পারিজাতমঞ্জরী। যে প্রকারে তিনি ইহা প্রাপ্ত হইলেন তাহা শ্রবণ কর। অদ্য চতুর্দশীতিথি উপলক্ষে তিনি কৈলাসপর্বতে গিয়া হরপার্বতীকে দর্শন ও বন্দনাদি করিয়া আসিতেছেন এমৎ সময়ে এক বনদেবতা মনোহারিণী কামিনীর রূপ ধারণ করিয়া পশ্চিমদিকে ইহার সন্মুখীনা হইয়া কহিলেন; ‘মহাশয়! আপনি এই পারিজাতমঞ্জরী লইয়া কর্ণপুর করুন। আমি ইহা আপনার যোগ্য বোধে অনেক যত্ন করিয়া আনিয়াছি। কৃপাবলোকনপূর্বক গৃহণ করিয়া আমাকে চরিতার্থ করিতে আজ্ঞা হউক’। পুণ্ডরীক মহাশয় সে কথায় কাণ না দিয়াই চলিয়া আইসেন ইহা দেখিয়া আমি বিনয় পূর্বক কহিলাম; ‘সুহৃদর! ইহার করতল হইতে পারিজাতমঞ্জরী লইয়া ইহাকে পূর্ণমনোরথা করুন। এই কথাশ্রবণমাত্র তৎক্ষণাৎ তাহার হস্তহইতে ঐ মঞ্জরীদ্বয় লইয়া নিজ কর্ণভূষণ করিলেন’। আমি সঙ্কীর্ণ-মুনিবালকের প্রমুখাৎ এই সকল শুনিতেছি এমৎ সময়ে সেই স্থানে পুণ্ডরীক স্বয়ং আগমন করিয়া “অয়ি সন্তোষপ্রিষে! যদি তোমার এই মঞ্জরী লইতে বাসনা হইয়া থাকে, দিতেছি গৃহণ কর”। ইহা বলিয়া আপন কর্ণহইতে সেই দুই মঞ্জরী স্বহস্তে আমার কর্ণভূষণ করিয়া দিলেন। সুকুমার ঋষিকুমারের কোমল করম্পর্শে আমার বোধ হইল, যেন ঐ হস্ত দ্বিতীয় পারিজাতমঞ্জরী। আর আমার গণ্ডম্পর্শে পুণ্ডরীকেরও তৎকালে সাত্ত্বিক-ভাবের উদয় হইল। তদুপলক্ষে জপের অক্ষমালা



তাহার হস্ত হইতে সুস্ত হইয়া ভূমিতলে পড়িয়া গেল। অধঃস্পর্শহইতে না হইতেই আমি তাহা শূন্য মার্গেই ধরিয়া নিজ গলদেশে পরিধান করিলাম। এমৎ সময়ে আমার এক জন ছত্রবাহিনী পরিচারিকা জননী নিকটহইতে আসিয়া কহিল; “রাজ্ঞী স্নানাত্মিক সমাপন করিয়া তোমার অপেক্ষা করিতেছেন তুমি শীঘ্র আসিয়া স্নানাদি সমাধা কর”। এই কথা শ্রবণ করিয়া অনিচ্ছাতেই আমি জননীসমীপে বাইতে উদ্যত হইলাম। এমৎ সময়ে পুণ্ডরীকনহচর কপিঞ্জল প্রণয়-গর্ভ কোপে তাহার সমীপে নিবেদন করিতে লাগিল; “মিত্র তোমার এতাদৃশ নীচপক্ষে পাদা-র্পণ করা সমুচিত কর্ম্ম নহে”। ইহাতে পুণ্ডরীক কহিলেন “মিত্র কপিঞ্জল! তুমি অন্যথা ভাবিও না। দেখ ঐ ধূর্তা বালা আমার অক্ষমালা লইয়া চলিল গেল, আমি কি রূপে ক্ষমা করিয়া থাকি”। এই কথা কহিয়া পুণ্ডরীক তৎক্ষণাৎ আমাকে কহিলেন; “অয়ি চপলে! আমাকে অক্ষমালা প্রত্যর্পণ না করিলে তোমাকে এক পদও চলিতে দিব না”। ইহাতে আমি তাহাকে “তুমি স্বহস্তে আমার গলদেশহইতে অক্ষমালা গৃহণ কর” বলিয়া তাহার হস্তে সেই মালা সমর্পণ করিয়া স্নানবি-ধিসমাপনার্থ সরোবরে নামিলাম। তদবধি সেই পুণ্ডরীকের অসামান্য রূপলাবণ্য আমার হৃদয়-পুণ্ডরীকে প্রবিষ্ট হইয়া রহিল। গৃহে গিয়া কেবল তাহার সেই মোহনমূর্তি চিন্তা করিতে ২ প্রায় দিন অবসান করিলাম। সন্ধ্যার পূর্বে একান্তে বসিয়া চিন্তা করিতেছি, এমৎ সময়ে আমার তাঙ্গুলকরকবাহিনী তরলিকা তথায় আসিয়া আমাকে কহিল; “স্বামিনি আপনার গৃহাগমনের পরে সেই মুনিকুমার আপনার বৃত্তান্ত আমাকে জিজ্ঞা-না করিয়াছিলেন। আমিও তোমার সমস্ত বৃত্তান্ত

আদ্যোপান্ত কহিলাম। তাহাতে তিনি নিরতি-শয়-ব্যগুতামহকারে আপন পরিহিত চীরখণ্ডে কিছু লিখিয়া আমার হস্তে দিয়া আপনার নিকট দিতে কহিয়া দিলেন। সে পত্র এই আপনি লইয়া দেখুন দেখি”। ইহা কহিবামাত্র তৎক্ষণাৎ আমি তাহার করতলহইতে সেই পত্র লইয়া দেখিলাম, তাহাতে এই লিখিত হইয়াছে।

“তুমি মৃগালতন্তুবৎ শুক্ল মুক্তালতাদ্বারা আ-মার মানসজাতকে লোভ ও আশা দিয়া মানস সরোবরগামি রাজহংসের ন্যায় অতি দূরে আক-র্ষণ করিয়া লইয়াছ”। পত্রের এতাদৃশ মর্ম্মার্থাব-বোধে আমার প্রতীতি হইল, যে যেমন আমি তা-হার জন্যে জ্বলিতেছি নেও আমার নিমিত্ত এখন তেমনি কামপরবশ হইয়াছে। ইহাতে আমি তর-লিকাকে ভূয়োভূয়ঃ তাহার কথা জিজ্ঞাসিতে লাগিলাম। সায়ংকাল হয় ২ এমৎ সময়ে তৎসহচর কপিঞ্জল আসিয়া আমার নিকট উপস্থিত হই-লেন। আমি সত্ত্বর হইয়া পাদ্যার্ঘ্যসন প্রদান ও স্বাগত প্রশ্ন করিলে পর তিনি আমাকে কিছু কহিতে উপক্রম করেন এমৎ ভাব বুঝিয়া তা-হাকে কহিলাম; “মহাশয়! আপনি নির্ভয়ে কহুন। এই যে তরলিকাকে দেখিতে পান ইনি আমা-হইতে ভিন্ন নহেন”। ইহাতে তিনি অকুতোভয়ে কহিতে লাগিলেন; “সুন্দরি! তোমার বিরহে আমার প্রিয়তমপুণ্ডরীক এখন তখন হইয়া রহিয়া-ছেন, যখন তাহার জীবন তোমার অধীন বোধ হইতেছে। তোমার সমাগমব্যতিরেকে তাহার এ যাত্রা প্রাণ রক্ষা হওয়া অতি সুকঠিন হইয়া উঠবেক।” তাহায় আমায় এই রূপ কথোপ-কথন হইতেছে এমৎ সময়ে আমার মাতা গৌরী আমার শারীরিক অসুস্থতা শুনিয়া তথায় আমাকে দেখিতে আইলেন। তাহার উপস্থিতিমাত্রেই

কপিঞ্জল তৎক্ষণাৎ পুনর্ব্বার পূর্ব্ববৎ কহিয়া তৎ-স্থানহইতে প্রস্থান করিলেন। মাতাও আমাকে কুশলাদি জিজ্ঞাসিয়া চলিয়া গেলেন। রাত্রি হইল, চন্দ্রও উঠিলেন। তখন জ্যেষ্ঠাভিসারিকা হও-নের উপযুক্ত বেশভূষাদি পরিগৃহ করিয়া আমি প্রাণেশ্বর পুণ্ডরীকের দর্শনাভিলাষে এই অচ্ছাদ-সরোবরের পশ্চিমতটে উপস্থিত হইয়া দূর-হইতে “হা মহাশ্বতে পাপীয়সি! হা দুরাত্মন চঞ্জালচন্দ্রমঃ”। ইত্যাকার নানা পুকার বিলাপ-ধ্বনি শুনিতে পাইলাম। নিরতিশয় ব্যাকুলতায় আমি নিকটে যাইয়া দেখিলাম পুণ্ডরীক প্রাণ পরিত্যাগ করিয়াছেন। সুতরাং তৎকালে আমার শোকের আর ইয়ত্তা রহিল না। অনেকক্ষণপর্যন্ত রোদনবিলাপাদি করিয়া সমভি-ব্যাহারিণী তরলিকাকে কাষ্ঠাহরণ পূর্ব্বক চিতা রচনা করিতে আদেশ দিলাম। মহমরণের উদ্যোগ করিতেছি এমৎকালে চন্দ্রমণ্ডলহইতে এক দিব্যমূর্তি পুরুষবর ভূতলে আসিয়া পুণ্ডরী-কের ঐ মৃতদেহ লইয়া উর্দ্ধে উঠিলেন। প্রস্থানকালে তিনি আমাকে কহিয়া গেলেন “বৎসে মহাশ্বতে! তোমার চিতারচনা পূর্ব্বক প্রাণ-ত্যাগের কোন আবশ্যক নাই। কিয়ৎ কাল-বিলম্বে ইনিই পুনর্জীবিত হইয়া তোমার পা-ণিগৃহণ করিবেন। তাহার শবগৃহণপূরণের গগণ-মার্গে উঠিয়া যাইবার সময়ে কপিঞ্জল “আমার মিত্রকে লইয়া কোথায় যাও” বলিয়া তাহার পশ্চাৎ উঠিতে লাগিলেন। উহাদের আলৌ-কিক ব্যাপারদর্শনে আমি তদানীং কর্তব্যাব-ধারণে বিমূঢ় হইয়া বসিয়া আছি। তদর্শনে তরলিকা তৎকালোচিত নানা প্রবোধ বাক্যদ্বারা আমাকে সান্ত্বনা করিয়া কহিল; “স্বামিনি! দৈবী আঞ্জা হেলন করা তোমার অকর্তব্য। ধৈর্য্য ধর;

মরণব্যবসায়হইতে নিবৃত্ত হও”। এই রূপ সৎ-পরামর্শে নির্ভর করিয়া তথায় সেই নিশা অবসান করিলাম। পরদিন প্রভাত হইবামাত্র এই সরো-বরে স্নানাত্মিক সমাধা করিয়া পুণ্ডরীকপ্রীতিহেতু তদীয় বন্ধকল কমণ্ডলু অক্ষমালা প্রভৃতি ধারণপূর্ব্বক সন্ততিবৎসল-জনক-জননী-কুটুম্ব-সখীজনপ্রভৃতি সমুদায় পরিত্যাগ করিয়া এই অশরণশরণ ত্রিলো-কোন্মথ দেবদেবমহাদেবের শরণাগতহইয়া রহি-য়াছি। আমার পিতা মাতা নিজ আত্মীয়বর্গে পরিবৃত্ত হইয়া আমাকে লইয়া যাইবার বাগনায় এখানে আগিয়া অনেক যত্ন করিয়াছিলেন। পরন্তু আমার ঈদৃশনিষ্ঠাদর্শনে পর্য্যবসানে তাঁহা-দিগকে স্বয়ং অধ্যবসায়হইতে পরাডমুখ হইতে হইয়াছে, কেবল তরলিকামাত্র আমার পরিচারিকা সহচরী হইয়া এই স্থানে অবস্থিতি করিতেছে। অদ্যাপি আমি তাদৃশ নিয়মে নিয়ন্ত্রিত হইয়া এই স্থলে পড়িয়া আছি। আমি সেই অভাগিনী আপনি আমার বিষয় কি জিজ্ঞাসেন”? এই কহিয়া উচ্চৈঃস্বরে রোদন করিতে লাগিল। চন্দ্রা-পাড় স্বহস্তে জলানয়নপূর্ব্বক তাহার মুখ প্রক্ষালন ও নানা প্রবোধ বাক্যে সান্ত্বনা প্রদান করত তথায় দিবা যাপন করিলেন।

### সুবিচক্ষণ উদাসীন ।

নৈক উদাসীন একাকী অরণ্যে ভ্রমণ করিতে ২ দুই জন বণিককে সন্নিহিত দেখিয়া জিজ্ঞাসিলেন; “তোমরা কি একটা উষ্ট্র হারাইয়াছ”? বণিকেরা প্রতুষ্ট করিল; “হাঁ! হারাইয়াছি”। উদাসীন কহিলেন; “তাহার দক্ষিণ চক্ষু কাণ এবং বাম পদ ভগ্ন বটে”? বণিকেরা কহিল; “সত্য বটে”। উদাসীন পুনর্জিজ্ঞাসিলেন; “এবং সন্মুখের একট



দস্ত গিয়াছে”। বণিকেরা। “যথার্থ”। উদাসীন। “তাহার পৃষ্ঠোপরি এক পার্শ্ব মধু, এবং অন্য পার্শ্ব গোধুম পূরণ ছিল”। বণিকেরা। “তাহাই অবিকল বটে। অপর যখন আপনি ঐ উষ্ট্রটি সম্পূর্ণ দেখিয়াছেন, এবং বিশিষ্টরূপে লক্ষ্য করিয়াছেন, তখন বোধ করি অনায়াসে তাহাকে আমাদিগকেও দেখাইতে পারেন”। উদাসীন। “মহাশয়, আপনাদিগের উষ্ট্র আমি কদাপি দেখি নাই, এবং তাহার বৃত্তান্তও ইতিপূর্বে শুনি নাই”। বণিকেরা। “বিলক্ষণ! তবে যে কথক-গুলি বহুমূল্য প্রস্তরাদি তাহার দুব্য পূরণের মধ্যে ছিল তাহা কোথায় গেল? তাহা আমাদিগকে প্রত্যর্পণ করুন”। উদাসীন পুনর্ব্বার কহিল, “আমি তোমাদিগের উষ্ট্রও দেখি নাই, এবং মণি মূল্যাদিও লই নাই, অতএব তাহা কি প্রকারে দিব”। ইহাতে বণিকেরা তাহাকে ধৃত করিয়া কাজির নিকট লইয়া গেল; কিন্তু তথায় অত্যন্ত অনুসন্ধান ও নিগূঢ় প্রশ্নদ্বারাও তাহাকে কোন প্রকারে অপরাধী করিতে সক্ষম হইল না। অতঃপর তাহাকে মায়াবী বলিয়া বিচার আরম্ভ হইল। এমত সময়ে ঐ উদাসীন নিকটস্থে নিবেদন করিতে লাগিল; “আপনাদিগের বিস্ময় দর্শনে আমি আশ্রয় প্রাপ্ত হইয়াছি; এবং আপনাদিগের সন্দেহেরও কিঞ্চিৎ কারণ আছে স্বীকার করি; কিন্তু আমি বহুকালাবধি একাকী অরণ্যে বাস করিয়া তত্রত্য সকলবস্তুর পরিচয় প্রাপ্ত আছি; তন্মধ্য দিয়া স্বামিত্যাগি একটা উষ্ট্র গমন করিয়াছে ইহা আমি অনায়াসেই স্থির করিয়াছিলাম, যেহেতুক উক্ত উষ্ট্র পদচিহ্নের পশ্চাৎ কোন নরপদ চিহ্ন দৃষ্ট হয় নাই; পশ্চিমধ্যে এক পার্শ্বের কণ্টকাদি চর্ষণ করাতেই ঐ কণ্টকলুকপশুর এক চক্ষের কানতা আমার নিশ্চয় হইয়াছিল, এবং

সমস্ত মার্গে এক পদের আঁত ক্ষীণ চিহ্ন হওয়াতেই তাহার খঞ্জতা উপলব্ধি হইয়াছিল। যথা ২ দস্তাঘাত করিয়াছে তথায় এক হলে বন্য শাখা-দির মধ্যে ভেদ না হওয়াতেই তাহার দন্তৈকপাত নিষ্পন্ন করিয়াছিলাম, অপর ঐ পশুর গমনীয় পশ্চিমধ্যে এক পার্শ্বে ভুমরের ও অন্য দিগে পিপলিকার সমারোহে তাহার দুব্য পূরণের বিষয়ে আমার অবশ্যই সংস্কার হইতে পারে”।

### কিয়াজ জাতীয়দিগের উদ্ধাহ পুথা।

পাশ্চাত্য দেশের উত্তর পূর্বাঞ্চলে কিয়াজ নামা এক জাতি মনুষ্য আছে। তাহাদিগের চরিত্র বিষয়ে আমরা এক আশ্চর্য্য বিবরণ শ্রুত হইয়াছি। গার্ডনার নামা জনৈক ইংরাজ তদেশ ভ্রমণ করত স্বীয় ভ্রমণবৃত্তান্ত গুস্তে লিখিয়াছেন যে ঐ জাতীয় ব্যক্তি বিবাহ সুখাভিলাষী হইলে মনোনীত কোন স্ত্রীর সম্মুখে আপন ধনুঃ রাখিয়া দেয়। ঐ স্ত্রী উক্ত ধনুঃ লইয়া চুম্বন করত তাহা প্রত্যর্পণ করিলেই বিবাহ সম্পন্ন হইল; অন্য কোন সমারোহের প্রয়োজন থাকে না। যদিও কদাচিৎ ঐ স্ত্রী স্বামিত্যাগ করিতে অভিলাষ করে, তবে তাহার স্বামির ধনুঃ লইয়া ভূমিতে নিক্ষেপ করিলেই স্বাভীষ্ট সিদ্ধ হইল, অপর কোন প্রক্রিয়ার উপেক্ষা নাই। স্ত্রীলোকেরা স্বয়ং বিবাহানুরাগিনী হইলে অভিপ্রেত ব্যক্তির ধনুর জ্যাবিমুক্ত করিলেই বাঞ্ছা সফল হয়। যদিচ কিয়াজদিগের উদ্ধাহ প্রক্রিয়া এতাদৃশ যৎসামান্য বটে, পরন্তু এই নিয়মে বিবাহিত স্ত্রীকে লোকে অনায়াসে বিক্রয় করিতে পারে; তাহাতে স্ত্রী সন্মত না হইলে দেশস্থ বিচারপতির ঐ বিক্রয় স্বামির সাহায্য করে।

## বিবিধার্থ-সঙ্ক্হ,

অর্থঃ

পুরাতত্ত্ব-ইতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

২ পর্ব]

শকাব্দ ১৭৭৫, আষাঢ়।

[১৯ খণ্ড।



### জয়পুর-রাজ্যের ইতিহাস।

এতদেশে ইংরাজ রাজপুত্রেরা এক কুপুথার অনুগামী হইয়া রাজ্যের নাম পরিত্যাগ পূর্বক রাজপাটের নামে রাজ্য-সকল খ্যাত করেন। তদনুসারে বঙ্গদেশের নবাব মুর্শিদাবাদের নবাব উপাধি প্রাপ্ত

হইয়াছেন, এবং মারবার-রাজ্য যোধপুর, ও মিন্‌বার-রাজ্য উদয়পুর নামে বিখ্যাত হইয়াছে। যে প্রদেশ ইংরাজ গুস্তে জয়পুর নামে প্রচারিত আছে, তাহার প্রকৃত নাম টুণ্ডার। রাজপুত্রদিগের মধ্যে ঐ প্রাচীন নামই প্রসিদ্ধ; পরন্তু অশ্বকেশ্বর মহাদেবের নামহইতে আশ্বের নামও



এতদেশসম্বন্ধে প্রকাশিত আছে; উদয়পুর নগরের সন্নিকটে আশ্বের নামে এক নগরও বর্তমান আছে। এতৎপত্রের পুথন খণ্ডের ১৯ পত্রে যে মানচিত্র প্রকটিত হইয়াছে, তদৃষ্টে জয়পুর রাজ্যের অবস্থিতি ও সীমা অনায়াসেই সুব্যক্ত হইবেক। ঐ রাজ্য মিবার রাজ্যের তুল্য প্রাচীন নহে, পরন্তু তথাকার রাজা সর্বতোভাবে মিবার দেশীয় ভূপতির তুল্য মান্য বটেন, কারণ উভয়েই রঘুকুলতিলক শ্রীরামচন্দ্রের বংশজাত; রাঘব সন্তান লবের বংশ কি প্রকারে মিবার রাজ্য অধিকার করেন তাহা পূর্বেই প্রকটিত হইয়াছে। অধুনা ঢুণ্ডার-দেশের ইতিহাস-পুস্তকে কুশের বংশ বর্ণনে প্রবৃত্ত হইলাম।

রাজপুত্র কুলাচার্যদিগের গুহ্মে কুশ-সন্তানদিগের নাম প্রচার নাই। তাহাতে এই মাত্র লিখিত আছে যে কুশবংশীয় জনৈক ভূপতি পৈতৃক রাজধানী কোশলা-দেশ ত্যাগ করত শোণ-নদীতটে “রোটস” নামক এক দুর্গ স্থাপন করেন। ঐ দুর্গ অদ্যাপি প্রসিদ্ধ আছে, এবং তথায় বহুকাল-পর্যন্ত তাঁহার অপত্যেরা বাস করিয়াছিল। সংবৎ ৩৫১ অব্দে নল নামা জনৈক কুশসন্তান নিযধ নামে এক নগর স্থাপন করেন, তাহার আধুনিক নাম নরবার। ঐ নগরে নল রাজার বংশজাত ক্রমান্বয়ে তেত্রিশ পুরুষ “কচবহু” বংশ নামে বিখ্যাত হইয়া আধিপত্য প্রচার করিয়াছিলেন। অবশেষে ৬৬৫ বৎসর অতীত হইলে পর শোরাসিংহ ভূপতির মৃত্যু সময়ে তাঁহার অপোগণ্ড বালকের অধিকার তাহার খুল্যতাত অপহরণ করিলেক। শোরাসিংহের মহিলা প্রাণভয়ে যৎসামান্য-বেশে পৈতৃক-সত্ত্বচ্যুত শিশুটিকে মস্তকোপরি লইয়া পলায়ন করিল, এবং পশ্চিমাভিমুখে বহুদূর ভ্রমণ-করণান্তর অবশেষে

অত্যন্ত শান্তা হইয়া খোগং নগরের নিকট উপস্থিত হইল। তথায় পথ-প্রান্তে ভূতলে শিশুটিকে রাখিয়া রাজ-বালা বন্যকল সঙ্গ্রহ করিতেছিল, এমন সময়ে এক সর্প কণা বিস্তৃত করিয়া তাহার শিশুর মস্তক ছত্রবৎ আচ্ছাদন করিয়াছে দেখিয়া ভয়ে চীৎকার করিল। জনৈক পথিক ব্রাহ্মণ তদৃষ্টে তাদৃশ ভয়ান্তী শিশুর মাতাকে আশ্বাস দিয়া কহিলেন, “ভাগ্যবতি, ভ্রাসিতা হইও না, বরং আনন্দিত হও, এই শকুন দর্শনে স্পষ্ট প্রতীতি হইতেছে তোমার এ পুত্রটি অতি মহৎ লোক হইবেক”। কিন্তু ব্যাকুলহৃদয়া জননী তাহাতে তৃপ্তা না হইয়া এই মাত্র কহিল; “অধুনা আমি ক্ষুধায় মূমূর্ষু প্রায়া, ভাবি সৌভাগ্যে আমার কি কল”। পথিক তদ্বাক্য শ্রবণে দয়ায় আর্দ্র হইয়া তাহাকে খোগং নগরের পথ দেখাইয়া দিলেন। রাজমহিলা চাক্ষুরিষ্ণু পুত্রটিকে মস্তকোপরি লইয়া তথায় গমন করিল, এবং পথিমধ্যে তত্রত্য রাজমহিষীর দাসীর সহিত সাক্ষাৎ হইবাত্তে তাহার নিকট উপজীবিকা প্রার্থনা করিল। খোগং নগর তৎসময়ে রলুনি নামা অসভ্য মীনা জাতীয় রাজার অধীন ছিল। তাহার মহিষী উপাগত শোরাসিংহের মহিলাকে দাসী বৃত্তিতে নিযুক্ত করিল, এবং তদবস্থায় ঐ সূর্যবংশীয় রাজমহিলা পুত্রসহ দিনপাত করিতে লাগিল।

একদা মীনা রাজার পাচকের অনুপস্থিত থাকাপ্রযুক্ত শোরাসিংহের স্ত্রী পাক কন্ঠে নিযুক্ত হইল, এবং মীনা রাজা তৎকর্তৃক পকু অন্নব্যঞ্জন ভোজনে অত্যন্ত পরিতৃপ্ত হইয়া পাচিকাকে সমীপে আচ্ছাদন করত তাহার বিবরণ জিজ্ঞাসিলেন, ও সূর্যবংশীয়া রমণীর আদ্যোপান্ত সমস্ত বৃত্তান্ত শ্রবণ করিয়া তাহাকে ভগিনী বলিয়া সম্বোধন করিলেন, এবং তাহাকে

ও তাহার অপোগণ্ড শিশুটিকে ভগিনী-ভাগিনেয়-বৎ প্রতিপালন করিতে লাগিলেন। এবং প্রকারে কিয়ৎকাল গতে উক্ত শিশুটি বয়ঃপ্রাপ্ত হইল, এবং স্বীয় সদাচার দ্বারা অনায়াসে আপন রক্ষক মীনা-রাজকে পরিতৃপ্ত করিল। এই বালকের নাম ঢোলরায়। ইহার সমকালে দিল্লী নগরে তুয়ার-বংশীয় রাজ পুত্রদিগের অধিকার ছিল। ভারত-বর্ষীয় অন্যান্য রাজারা ঐ তুয়ার বংশীয় দিল্লী-ধিপতিদিগকে অধিরাজ বলিয়া গণ্য করিতেন, এবং অনেকে তাহাদিগকে কর দিতেও বাধ্য ছিলেন। মীনরাজ এই তুয়ার বংশীয় দিল্লীশ্বরকে বথাযোগ্য কর প্রদান করিতেন। একদা স্বয়ং কর-প্রদানার্থে দিল্লী-যাত্রায় অনিচ্ছুক হইয়া আপন প্রিয় ভাগিনেয় ঢোলরায়কে তদর্থ প্রেরণ করেন।

ঢোলরায় মীনরাজের প্রতিনিধি স্বরূপে ক্রমাগত পাঁচ বৎসর কাল দিল্লীনগরে বাস করেন। তৎপরে তাঁহার প্রতিপালকের স্বত্বাপহরণে তাঁহার প্রবৃত্তি হয়, এবং তদভিপ্রায়ে তিনি কতকগুলি স্বজাতীয়সহচর-সমভিব্যাহারে লইয়া খোগংনগরে প্রত্যগমন করেন। তথায় মীনরাজের কুলাচার্য তাঁহার সহযোগী হইল, এবং তাহার পরামর্শে তিনি দিবালীর পর্বদিনে আপন অভিপ্রায় সিদ্ধ করণের কাল স্থির করিলেন। উক্ত দিবসে প্রাচীন প্রথানুসারে ভ্রাতৃ-বন্ধু-সমভিব্যাহারে রলুনি-রাজ এক মহা মরোবরে অবগাহন করিতেছিলেন, এমন সময়ে অকৃতজ্ঞ ঢোলরায় স্বজাতীয় সহচর-সহিত তাঁহাদিগকে আক্রমণপূর্বক সবংশে বিনাশ করত খোগংনগর অধিকার করিলেন। অতঃপর তিনি দেওসা নগরে উপস্থিত হইয়া তত্রত্য রাজার কন্যাকে বিবাহ করেন। উক্ত রাজা বুগুজরবংশীয় রাজপুত্র; স্বয়ং নিঃসন্তান-প্রযুক্ত তিনি আপন রাজ্য নিজ জামাতাকে প্রদান করিলেন। ঢোলরায়

এই রাজ্য-প্রাপ্তে সবল হইয়া মৌচ-দেশ-বাসী অসভ্য মীনাজাতীয়দিগের রাজ্যাপহরণপূর্বক মৌচনগরে আপন রাজপাট স্থাপন করত, নিজ পূর্বপিতামহ শ্রীরামচন্দ্রের নামে উক্ত নগরের নাম রামগড় রাখিলেন।

তদনন্তর ঢোলরায় আজমীরাধিপতির মরোণী নামী পরমাসুন্দরী দুহিতার পাণিগৃহণ করেন। একদা তিনি সেই মহিলাসহ জম্বাহী-মাতা দেবীর সন্দর্শন বন্দনপূর্বক গৃহে প্রত্যগমন করিতেছিলেন, এমন সময়ে একাদশ সহস্র মীনাজাতীয় সৈন্য একত্র হইয়া তাঁহাকে আক্রমণ করিলেক। ঢোলরায়ের সহিত অধিক সৈন্য না থাকাতোও পলায়ন করিতে অস্বীকার করত রাজপুত্র বীর্যমদে মত্ত হইয়া তিনি শত্রুদলের সহিত তুমুল সঙ্গ্রামে প্রবৃত্ত হইলেন, এবং শত্রুশোণিতে সমরক্ষেত্র প্লাবিত করিয়া অবশেষে তাহাদেরই হস্তে প্রাণে বিনষ্ট হইলেন। তৎকালে তাঁহার পত্নী মরোণী অন্তর্বতী ছিলেন।

স্বামিবিয়োগে মরোণী অত্যন্ত খিদ্যমানা হইয়া অবশিষ্ট সৈন্যসহ স্বদেশে পলায়ন করিলেন। তথায় তাঁহার এক পুত্র জন্মে। তাহার নাম কণ্ডখল। তৎকর্তৃক ঢুণ্ডার দেশের অনেক অংশ মীনাজাতির হস্তহইতে অপহৃত হয়। তাঁহার পুত্র মৈদলরায়ও প্রতিবাসী অনেক মীনা-দিগকে পরাজয় করিয়া আপন রাজ্য বিস্তার করেন। তৎপরে হনদেব ও তৎপন্থাৎ কুন্তল-রায় পৈতৃক দৃষ্টান্তানুসারে মীনাজাতীয়দিগের সহিত যুদ্ধদ্বারা রাজপুত্র-রাজ্যের বিপুল বৃদ্ধি করিয়াছিলেন। কুন্তলের পুত্র পজুন। শ্রীকবিচাঁদ কৃত “পৃথীরায় রাস” নামক প্রসিদ্ধ গুহ্মে তাঁহার শৌর্যগুণের অনেক প্রশংসা লিখিত আছে।

রলুনি-মীনার দাসীপুত্র ঢোলরায়হইতে পজুন ষষ্ঠ পুরুষ; পরন্তু ঐ ছয় পুরুষ রাজপুত্রদিগের



মহিমা ও গৌরব এ পুকারে বিস্তৃত করিয়াছিলেন, যে চোহান বংশীয় মহাসম্রাট দিল্লীখর পৃথীরায় পজুনকে আপন সহোদরা প্রদান পূর্বক স্বীয় সভাস্থ অষ্টাধিকশত সেনানায়ক কুলীন মহাশয়দিগের অগুণ্য করিতে সন্দিগ্ধ হইয়েন নাই। ফলতঃ শৌর্য ও কুলমর্যাদায় পজুন তাৎকালিক বীরমণ্ডলীর মধ্যে প্রধান হওনের অযোগ্য ছিলেন না। তাঁহার তীক্ষ্ণজ্ঞানে যবনেরা বারংবার পরাস্ত হইয়া নিরুতটহইতে পলায়ন করিয়াছিল; তিনিই প্রসিদ্ধ যবন-সেনানায়ক সাহাবুদ্দীনকে পরাভব করিয়া গজনন নগর অবধি তাহার পশ্চাৎ পশ্চাদ্ধাবমান হইয়াছিলেন; তাঁহার শৌর্য্যপ্রভাবে মহাবাদেশ চণ্ডালদিগের হস্তহইতে অপহৃত হইয়া দিল্লীধিপতির রাজ্যান্তর্গত হইয়াছিল; এবং প্রধানতঃ তাঁহারই সাহায্যে পৃথীরাজ কান্যকুব্জের রাজা জয়চন্দ্রের দুহিতাকে হরণ করিয়াছিলেন। এই শেখোক্ত ব্যাপারে তাঁহার মৃত্যু হয়। কান্যকুব্জাধিপতি, দুহিতাপহরণ হওয়াতে, অত্যন্ত কোপে ক্রমাগত পাঁচ দিন পৃথীরাজের সহিত যুদ্ধ করিয়াছিলেন। এই যুদ্ধে পজুনের অত্যদ্ভুত বীর্য্য বিলক্ষণ প্রকাশ হইয়াছিল। কবিচাঁদ এই যুদ্ধের অতি সুচারু বর্ণন করিয়াছেন। তিনি লেখেন, “মিবার বংশীয় গোবিন্দ গেহলোট পজুনের সহায়তায় নিযুক্ত ছিলেন। তাঁহার পতন দৃষ্টে শত্রুদল আনন্দে নৃত্য করিতে লাগিল; তখন পজুন সমরক্ষেত্রে বজ্রবৎ উপন্যাস হইলেন; উভয় হস্তে খড়্গ ধরিয়া শত্রুমুণ্ড নিপাত করিতে লাগিলেন। চারিশত ব্যক্তি তাঁহাকে আক্রমণ করিয়াছিল, তাঁহার সাহায্যার্থে কেবল কেহুরি, পীপা, বোহো, নরসিংহ এবং কচরা উপস্থিত ছিল। নিরন্তর বহুম ও খড়্গ সঞ্চালিত হইল; রণক্ষেত্রে মস্তক বৃষ্টি

“হইতে লাগিল; নরশোণিতে ক্ষেত্র প্লাবিত হইল; “এমত সময়ে পজুন ইতিমাদকে \* আক্রমণ করিয়া তাহার মস্তক ভূমিতে নিপাত করিলেন; কিন্তু সেইক্ষণেই ঐ যবনের বহুম তাঁহার হৃদিশায়ী হইল। কূর্মশেষ্ঠ † বীরশয়্যায় শয়ন করিলেন। অপশরারা তাঁহার নিমিত্তে পরস্পর বিবাদ করিতে লাগিল; রণভূমি শববৃন্দে আচ্ছাদিত হইল; মহাদেব মালা গুহ্ননার্থে অনেক মুণ্ড প্রাপ্ত হইলেন। পজুন ও গোবিন্দের পতন সময়ে এক প্রহর দিবা অবশিষ্ট ছিল। “ভ্রাতৃ-শব উদ্ধারার্থে পজুন ব্যাঘ্রবৎ শত্রুমধ্যে উপন্যাস হইলেন; কনোজ পঙ্কি তৃষিত হইল, “জয়চন্দ্রের মেঘবৎ নিবিড় সৈন্য পশ্চাদভিমুখ হইল। পজুনের ভ্রাতা ও পুত্র কর্ণের সদৃশ বীর্য্য প্রকাশ করিয়াছিল; উভয়েই বীরশয়্যায় শায়ী হইল, ও সূর্য্যদেব তাহাদিগকে স্বলোকে আনয়নার্থে আপন রথ প্রেরণ করিলেন; তাহারা অক্ষয়মণ্ডলের মাহাত্ম্য ভোগ করিয়াছিল। ঐ যোরতর সঙ্গ্রামের ভীষণনাদে গঙ্গা ভয়ে সঙ্কুচিত হইলেন; চন্দ্রদেব কম্পিত হইলেন; দিকপাল-সকল হাহাকার করিতে লাগিল; কনোজের অগুণতি স্মৃতি হইল, এবং ঐ অবকাশে কূর্ম পিতার অস্ত্যেষ্টি ক্রিয়া সম্পাদন করিলেন।

“পজুন তাঁহার স্বামির বর্ম্মস্বরূপ ছিলেন। “কান্যকুব্জের বীরমণ্ডলীকে তিনি অপর্യാপ্ত অস্ত্র দান করিয়াছিলেন। তাঁহার গুণবর্ণন কবিরও অসাধ্য। শেষনাগোপরি পাদা-র্পণ করত তিনি নরবন নিম্মূল করিয়াছি-

\* রাজা জয়চন্দ্রের পক্ষ যবন সেনানায়ক।

† কচবহ শব্দের আদি কছপ; কবি চাঁদ তাহারই প্রতিশব্দ দ্বারা কচবহ বংশজ জাপন করিয়াছেন।

“লেন; বীরমন্তান কেহই তাঁহার অগুণ হইতে পারে নাই। পজুন বীর-শয়্যায় শয়ন করিয়া কহিয়াছিলেন, “শত-বর্ষমাত্র মনুষ্যায়ুঃ; তাহার অর্দ্ধেক রজনী অপহরণ করে, অবশিষ্টের অর্দ্ধাংশ বাল্যক্রীড়ায় বিফল হয়; পরন্তু ঐশ্বর আমাকে খড়্গ ধরিতে সক্ষম করিয়াছেন। এই কথা বলিতে-বলিতেই তিনি যমরাজের হস্তে আরোহণ করিলেন; তথাহইতে আত্ম-জের হস্ত শত্রুমধ্যে বিকসিত দেখিলেন; তদৃষ্টে তাঁহার আত্মা সন্তুষ্ট হইল। মালসি সপ্তবার অস্ত্রাহত হইয়াছিলেন, তাঁহার অশ্ব অস্ত্রাঘাতে জর্জর হইয়াছিল; পজুনের পুত্র অত্যদ্ভুত ক্রিয়ার কর্তৃত্ব প্রকাশ করিয়াছিলেন”।

মালসি পজুনের কনিষ্ঠ সন্তান। পজুনের লোকান্তর হইলে পর তিনি আশ্বের রাজ্যের অধিপতি হন, এবং গৈতুক সদৃশগাবলির সর্ব ভাগধেয়-ভোগী হইয়াছিলেন। তাঁহার পুত্র বিজল, তৎপুত্র রাজদেব, তৎপরে ক্রমাগত কৌলন, কুস্তল, জন্সি, উদয়কর্ণ, নরসিংহ, বম্বীর, উদ্ধারণ, এবং চন্দ্রসেন, চুণ্ডার রাজ্যে আধিপত্য করেন। তাঁহাদের কীর্ত্তি বিষয়ে আমাদিগের কিছু মাত্র বক্তব্য নাই। উদয়কর্ণের পুত্র বালোজি পিতার সঙ্গে বিবাদ করিয়া স্বয়ং এক রাজ্যের সূত্রপাত করেন; তাহা অম্পকাল মধ্যে অতি সফীত হইয়াছিল, এবং অদ্যাপি শিকাবতী নামে প্রসিদ্ধ আছে।

চন্দ্রসেনের পুত্র পৃথীরাজ। তাঁহার সপ্তদশ পুত্র ছিল, তন্মধ্যে দ্বাদশ জন বয়ঃপ্রাপ্ত হন। ঐ দ্বাদশ সন্তানকে তিনি আপন রাজ্য বিভাগ করিয়া দিয়াছিলেন, এবং তাহাদিগহইতে কচবহ বংশের দ্বাদশ শাখা স্থাপিত হয়। উক্ত দ্বাদশ শাখা কচবহ বংশের “বার কোটরি” নামে বিখ্যাত আছে। পৃথীরাজ পুত্রদিগের মঙ্গলার্থে

সম্যক যত্নবান ছিলেন, তথাপি অবশেষে পুত্র হস্তেই তাঁহাকে প্রাণত্যাগ করিতে হইয়াছিল। তাঁহার আত্মজ ভীমসিংহ তাঁহাকে বধ করিয়া তাহার রাজ্যাপহরণ করে, এবং ঐ পিতৃঘাতক অপর এক পিতৃহাঙ্গার শমন-সদনে প্রেরিত হয়; তাহার নাম ঐশকর্ণ। সে পিতৃবধের পাপহইতে মুক্ত হওনাভিপ্রায়ে তীর্থপর্যটনে যাত্রা করিয়াছিল। আশ্বের রাজ্যের রাজাবলিমধ্যে এই পিতৃহস্তাঘয়ের নাম প্রায় লিখিত হয় না; পরন্তু তাহার পিতাপুত্র অশ্বের দেশের জারা হইয়াছিল এমত যথেষ্ট প্রমাণ আছে।

ঐশকর্ণের পুত্র বাহারমল্ল। তিনি সর্দাদৌ যবনদিগের অধীনতা স্বীকার করেন; এবং বাবরশাহ কর্তৃক “পাঁচ-হাজারি-মনসব” \* উপাধি প্রাপ্ত হন। পরন্তু তদপেক্ষা উঁচুর পুত্র ভগবান দাস যবনদিগের বিশেষ ঘনিষ্ঠ ছিলেন। আকবর বাদশাহ তাঁহাকে কি প্রকারে মুক্ত করিয়াছিলেন তাহা আমরা জ্ঞাত নহি, পরন্তু যবনদিগের সহিত তাঁহার অন্তরঙ্গ-ভাবের আখ্যান অধিক কি লিখিব, তিনি আকবরের দ্বিতীয় পুত্র রাজকুমার সলিমের সহিত আপন দুহিতার বিবাহ প্রদান-পূর্বক সূর্যকুল সকলক করিয়াছিলেন। ঐ সলিম পিতৃবিয়োগান্তে জাহাঙ্গির নামে দিল্লীধিপতি হন; এবং এই পরিণয়ের ফলস্বরূপ রাঘব বংশের কুলকামিনী গর্ভে খোসরো নামা দুর্ভাগা রাজকুমারের জন্ম হয়।

ভগবান দাসের তিন সহোদর ছিল; সুরং সিংহ, মাধব সিংহ, এবং জগৎ সিংহ। জগৎ সিংহের পুত্র মানসিংহ। ভগবানের মৃত্যুর পর তিনি আশ্বের রাজ্যের অধিপতি হন। তিনি আকবর বাদশাহের অতিপ্রিয়তম ছিলেন; ও বহু প্রকারে যবনরা-

\* অর্থাৎ পাঁচ হাজার অশ্বের অধিপতি।



জের মঙ্গল চেষ্টা করিয়াছিলেন। তৎকর্তৃক উৎকল-দেশ পরাজিত হয়; আসাম-দেশে কর সংস্থাপিত হয়, এবং কাবুল-দেশ সুশাসিত হয়। সময়ে তিনি বাঙ্গালা, বেহার, কাবুল, এবং দক্ষিণ দেশের রাজপ্রতিনিধি (সুবাঃদার) পদে বৃত্ত হইয়াছিলেন। তাঁহার ক্ষমতা এতদূশ বৃদ্ধি হইয়াছিল, যে আকবর পাদশাহ পর্যন্ত তাহাকে ভয় করিতেন। কবি-ভারতচন্দ্র-কৃত অন্নদামঙ্গল গুহে তাঁহার অনেক বর্ণনা আছে।

আকবরের মৃত্যু সময়ে মানসিংহ আপন ভাগিনের খোন্দরোকে উত্তরাধিকারি করণের চেষ্টা করিয়াছিলেন, কিন্তু তাহাতে কৃতকার্য না হইবামতে অনিষ্টই ঘটয়াছিল। আকবর খোসরোকে চিরকালের নিমিত্ত কারাবদ্ধ, এবং তাহার সহচর মস্তক ছেদন করেন। মানসিংহ অতি ক্ষমতাপন্ন ছিলেন, ও তাঁহার অধীনে বিংশতি সহস্র দিগ্বিজয়ি রাজপুত্র সৈন্য ছিল, অতএব আকবর ভয়প্রযুক্ত তাহাকে অন্য কোন নাস্তি না দিয়া সমুচিত অর্থ দণ্ড করত যাহাতে তিনি পুনরায় রাজবিদ্রোহচরণে সক্ষম না হইতে পারেন এমত কৌশলে বঙ্গদেশের রাজপ্রতিনিধি (সুবাঃদার) পদে তাহাকে নিযুক্ত করত রাজসভাহইতে দূরীকৃত করিয়াছিলেন। মোসলমান ইতিহাসবেত্তারা কহেন যে সংবৎ ১৬৭১ অব্দে বঙ্গদেশে মানসিংহের মৃত্যু হয়; কিন্তু রাজপুত্র ইতিহাসজ্ঞেরা তাহার অন্যথা লিখিয়াছেন। তাহাদিগের মতে উক্ত অব্দের দুই বৎসর পরে উত্তর পশ্চিমাঞ্চলে ঘিল্জি পাঠানদিগের সহিত যুদ্ধে মানসিংহের নিপাত হয়।

### দয়ার মাহাত্ম্য।

ইংরাজি ১৮৫৩ অব্দের ১লা জুন দিবসে ডেবিড হেয়ার সাহেবের মৃত্যু-দিবসীয় বার্ষিকী সভাতে শ্রীযুক্ত নবীনকৃষ্ণ বন্দ্যোপাধ্যায় কর্তৃক পঠিত।

দয়ার নিধান পরমেশ্বর আপন প্রজাদিগের রক্ষার নিমিত্ত কত প্রকার উপায়ই বিধান করিয়া দিয়াছেন! তিনি মনুষ্যমানে যে এক দয়ার সৃষ্টি করিয়া দিয়াছেন তাহার দ্বারাই বা আত্মদিগের কত উপকার হইতেছে! এই দয়া মনের একটি বৃত্তি-বিশেষ, এবং ইহা ন্যূনাধিক-বিধানে সকল শরীরেই স্থিতি করিতেছে। অপরাপর সকল বৃত্তি অপেক্ষা ইহার লক্ষণও পৃথক, ভাবও ভিন্ন, এবং কার্যও স্বতন্ত্র। প্রত্যুপকার প্রত্যাশা হইয়া লোকের হিত করিতে যে প্রবৃত্তি হয় তাহার নাম দয়া নহে, সেও দয়ার লক্ষণ নহে; প্রবল ব্যক্তির প্রসন্নতা লাভের নিমিত্ত অনেকে যে তাহার যৎকিঞ্চিৎ ক্রমে আপনাকে অধিক কিছু দেখাইয়া বাহ্যে মনের মহৎ উদার্য্যভাব প্রকাশ করে, তাহাও দয়ার ভাব নহে; মানের ও যশের আকাঙ্ক্ষায় কোন ক্রিয়া উপলক্ষে বহু-লোক-সম্মারোহ করিয়া ধনি লোকে যে প্রচুর অর্থ দান করে, আপনার কীর্তিকে চিরস্থায়িনী করিবার মানসে এক ব্যক্তি যথেষ্ট অনুরাগপূর্বক বহু-ধনাদি ব্যয় করিয়া যে বৃক্ষশ্রেণী-শোভিত দূর-প্রস্থিত সুগম্য-সরণি ও পথিক-জনের অশেষ কেশান্তকারি পান্থশালা বা জলশূন্য-স্থল-বিশেষে দীর্ঘিকা সরোবর প্রভৃতি বৃহৎ ২ জলাশয় প্রস্তুত করিয়া দেয়, সেও দয়ার কার্য নহে; এবং যদি কোন কোটিপতি অন্য কোন প্রবৃত্তি-বিশেষের বশীভূত হইয়া এক ব্যক্তিকে আপনার

সর্বস্বও দান করে তথাপিও সে দয়ার কর্ম বলিয়া গণ্য হইতে পারে না। পরদুঃখ দর্শন করিলে তাহা দূর করিবার জন্য আপনাই হইতে মনের যে ইচ্ছা হয়, তাহার নাম দয়া, ও সেই দয়ার লক্ষণ, এবং সেই দুঃখ জন্য মনোমধ্যে যে দুঃখের ভাব উপস্থিত হয়, সেই দয়ার ভাব; ও এই ইচ্ছার অনুসারে যথাসাধ্য যে কিছু কার্য করা হয়, তাহাই দয়ার কার্য। এই ইচ্ছার সহিত স্বার্থপরতা-সম্বন্ধীয় পূর্বোক্ত কোন প্রকার বিষয়েরই সংস্বব নাই। ইহা স্বার্থপরতার সম্পূর্ণ বিপরীত-বৃত্তি। এ বৃত্তির নিকট জাতির বিচার নাই, গুণের বিচার নাই, মানের বিচার নাই, এবং আত্ম পর লোকের বিচার নাই, স্বদেশ বিদেশে প্রভৃতি স্থানেরও ভেদ নাই, এবং কোন সময়েরও ইতর-বিশেষ নাই। যে সময়ে, যে স্থানে, যে কোন লোক-সম্বন্ধে, ইহার কারণ উপস্থিত হয়, তৎক্ষণাৎ এই বৃত্তির উৎপত্তি হইয়া থাকে। ইহার আশ্চর্য্য নিরপেক্ষভাব আর কিছুই অপেক্ষা রাখে না। ইহা কোন ব্যক্তি না জানেন যে কোন দয়ার্দচিত্ত মহাত্মা এক ব্যক্তি সম্ভ্রান্ত ও গুণ-বস্তকে বিপদে পতিত দেখিলে তৎজন্য যে রূপ কাতর হইবেন, এবং তাহাকে বিপদহইতে মুক্ত করিতে যে প্রকার যত্ন করিবেন, কোন গুণহীন সামান্য মনুষ্যকে বিপন্ন দেখিলেও তিনি তদ্রূপ কাতর ও যত্নশাল হইবেন? আত্মীয় লোকের দুঃখ দেখিলেও তাহা দূর করিতে তাঁহার ইচ্ছা হয়, নিষ্পর ব্যক্তির যন্ত্রণা জন্য তিনি অত্যন্ত দুঃখিত হইয়া তাহাকে সেই যন্ত্রণাহইতে মুক্ত করিতে ব্যগ্ণ হইবেন। স্বদেশের দূরবস্থা দূর করিতে তাঁহার যাদৃশ অনুরাগ, ভিন্ন দেশের দুঃখমোচন করিতেও তিনি তাদৃশ ইচ্ছুক হইবেন।

দয়া ধর্মের মূল, এবং দয়াই আত্মদিগের বিশেষ

বন্ধু। দয়ার সহায়তাক্রমে আমরা এমত সকল কার্য করিতে সমর্থ হইতেছি যে তদ্বারা ধর্মরূপ মহাকলকে লাভ করিতে পারিতেছি। আমরা বা-ল্যকালে স্বগৃহবাসী সমবয়স্ক সুহৃদের নিকট যে দয়ার মাধুর্য্যভাবকে লাভ করি; বয়ঃপ্রাপ্তে অ-জ্ঞাত দূরদেশ যাত্রা করিয়াও প্রবাস-বাসি নি-ষ্পর লোকের নিকটে সেই দয়ার আশ্রয় প্রাপ্ত হই। সে স্থলে না মাতার অমূল্য বাৎস-ল্যভাবকে প্রাপ্ত হওয়া যায়, না পিতার মমতাপূর্ণ নিরীক্ষণকে ঈক্ষণ করিবার উপায় হয়, না বালসংসর্গি পূর্বপরিচিত সুহৃৎগণের সাক্ষর বাক্য শুনিবারই সম্ভাবনা থাকে; সেই সুহৃৎ ও মমতা-শূন্য-স্থলে কেবল দয়াই আত্ম-দিগের রক্ষা করেন। যখন কোন পথিক ভ্রমণ করিতে অকস্মাৎ রোগাক্রান্ত হওনপ্রযুক্ত গমনে অশক্তি হইয়া মৃতকম্পের ন্যায় পথিমধ্যে পতিত হইয়া থাকে, ও যে সময়ে সে ব্যক্তি অসহ্য রোগের যন্ত্রণায় ব্যাকুলিত হইলে বা নিদারুণ পিপাসা জন্য তাহার হৃদয় শুষ্ক হইলে সে যন্ত্রণা দূর করিতে, বা বিন্দুমাত্র জল প্রাপ্ত হইতে, তাহার আপনার কোন সাধ্য থাকে না,—তখন তৎপথ-গামি কোন না কোন লোকের হৃদয়ে দয়া আবি-র্ভূত হইয়া সেই অনাথ-ব্যক্তির যন্ত্রণা হরণ করেন; যখন ঘোরতর বাতবৃষ্টিতে কাতর হইয়া, বা অসহ্য হিমজনিত যন্ত্রণা সহ্য করিতে না পারিয়া নিরা-শ্রিত ভ্রমণকারিরা আশ্রয়-প্রাপ্তির জন্য কোন গৃহস্থ-আশ্রমে গমন করে, তখন সেই দয়া আশ্রিয়া তাহাকে আশ্রয় দিবার জন্য আশ্রমবাসির প্রতি অনুমতি করেন, এবং যখন প্রবাস যাত্রি লোকে কোন দৈব বিপাকে পতিত হইয়া দুই তিন দিবস অনশনে কালহরণ করত অন্নের নিমিত্ত লালা-য়িত হয়, তখন সাক্ষাৎ জননীরূপা দয়া ভিন্ন



আর কে অন্নদান করিয়া তাহাদিগের জীবন রক্ষা করে? আত্মীয় স্বজনহইতে বিনুজ্ঞ হইয়া যি নি কখন অপরিচিত-পুৰ্বাস গমন করত দুঃখে পতিত হইয়াছেন তিনিই বিলক্ষণরূপে অবগত আছেন যে আমাদিগের কত হিতের নিমিত্ত দয়াময় পরমেশ্বর মনুষ্য-মনে দয়ার সৃষ্টি করিয়া দিয়াছেন। দয়া বন্ধুহীনের বন্ধু এবং নিরাশু-য়ের আশুয। এ সংসারে দয়া না থাকিলে কি আর আমাদিগের নিস্তার ছিল? দয়া না থাকিলে কি রাজার নিকট প্রজার রক্ষা ছিল? প্রভুর নিকট দাসের রক্ষা ছিল? ও প্রবলের নিকট দুর্বলের রক্ষা ছিল? মোহ বা ভ্রমবশতঃ দোষ করা মনুষ্যের স্বভাবসিদ্ধ; কিন্তু লোকে যদি সেই দোষকে দয়া-দৃষ্টিতে ক্ষমা না করিয়া সর্বদা গৃহণ করিত তবে আমাদিগের অসুখের আর শেষ থাকিত না। কোন্ সৰল ব্যক্তি আপন স্বভাবের প্রতি নির্ভর করিয়া এমত নির্দোষ কর্ম করিতে পারেন যে তজ্জন্য তাঁহাকে কখন কাহারো দয়ার আ-শ্রিত হইতে না হয়? মনুষ্যহইতে সর্বদা সকল কর্ম নির্দোষ হওয়া অসম্ভব; কিন্তু দয়া-দৃষ্টিতে পরস্পর পরস্পরের দোষ নাজর্জনা করাই সম্ভব। এই দয়ার কার্য সংসারে পুচলিত আছে বলি-য়াই ইহার এপ্রকার সুশৃঙ্খলা দৃষ্ট হইতেছে, নতুবা ইহার সমুদায় প্রণালী ওতপ্রোত হইয়া যাইত, এ পৃথিবীতে দয়ার অস্পতা হইলে যে কি হইত তাহা পূর্ব পূর্ব এক এক ব্যক্তি নির্দয় মনুষ্যের দৃষ্টান্ত অরণ করিলেই স্পষ্টরূপে মনে উদয় হইতে পারে। যদি বিখ্যাত নির্দয় নিরো নামক রোম দেশীয় নৃপতির ন্যায় সকল রাজা দয়াহীন হইত, তবে পদে পদে চলগৃহণ করিয়া প্রজার সর্বস্ব হরণ-পূর্বক সকলে আপনার লোভকে চরিতার্থ করিত; রাজদণ্ডে প্রতিফণেই প্রজা পা-

ড়িত হইত; রাজার ক্রোধহইতে অপরাধি প্র-জার কোনমতেই আর নিষ্কৃতি পাইবার উপায় থাকিত না। মহা মহা বীরগণ যদি সকলেই নির্দয় হইয়া সর্বদা সঙ্কাম করিত তবে ধরণী নর-শোণিতে প্লাবিত হইত, এত দিনে আর কেহ মনুষ্যের মূর্তি দেখিতেও পাইত না। এ সংসারে দয়া না থাকিলে বাহার সহিত লোকের একবার শত্রুতা হইত তাহার সহিত আর কোন কালেই সে ব্যক্তির মিত্রতা হইবার সম্ভাবনা থাকিত না। সংকর্মশালি সাধুর সমীপে দুঃকর্মশীল লোকে কখন ঘৃণাই ভিন্ন কৃপার পাত্র হইতে পা-রিত না; পাপিত কখন মুখকে হেয়জ্ঞান না করিয়া উপদেশের পাত্র বোধে জ্ঞানালোকের দ্বারা তাহার অজ্ঞানাকার নষ্ট করিতেন না, প্রবল ব্যক্তি ক্ষণবলের প্রতি দৌরাভ্য করিতে মনে করিলে আর কোন মতেই তাহা নিবারণ হইবার উপায় থাকিত না।

দয়ানু্য লোকে কোন্ কুকর্ম না করিতে পারে? নির্দয় যবন রাজাদিগের আক্রমণে এই ভারত-ভূমির প্রতি কি অত্যাচার না হইয়াছে? এখনও সে সমস্ত কথা মনের গোচর হইলে ভারতবর্ষবাসি-দিগের নেত্রজল অবশ্যই নিঃসৃত হয়। গজনের নরপতি নিষ্ঠুর মহম্মদ প্রথমতই বহু সঙ্খ্যক নি-ক্ষোষ-অসিহস্ত সেনা সমভিব্যাহারে ভারতবর্ষে প্রবেশ করিয়া নির্দোষ হিন্দুদিগকে নেত্রপথে প-তিত মাত্রেই নিপাত করিয়াছে, হিন্দুদিগের বহু-যত্ন ও জ্ঞানসম্পন্ন জ্যোতির্বিদ্যা প্রভৃতি অসাধা-রণ গুহু-সকল অগ্নিসমর্পণ করত ভস্মসাৎ করি-য়াছে; বহু কাল ও ব্যয়সাধ্য দেবালয়প্রভৃতি হিন্দুদিগের অসামান্য শিষ্প-নৈপুণ্যের চিহ্ন-স্বরূপ অপূর্ব প্রাসাদ-সকল ভগ্ন করিয়া ধরাসাৎ করিয়াছে; পিপাসায় ব্যাকুলিত ব্যক্তিকে জন

না দিয়া সেই কেশে তাহার প্রাণ নষ্ট করিয়া-ছে; তাহাদিগের হস্তে গর্তবতী স্ত্রীকে গর্তস্থ সন্তানের সহিত শমন-ভবনে গমন করিতে হই-য়াছে। সে নিষ্ঠুরতার কথা কত বলিব, বলিতে বলিতে শরীর লোমাঞ্চিত হয়, শোণিত শুষ্ক হয়, বাক্য শুষ্ক হয়, এবং হৃদয় বিদীর্ণ হয়। কিন্তু দয়ার কি গুণ! পূর্ববৃত্তান্ত-লেখকেরা ব্যক্ত করিয়াছেন, যে এক সময় কোন রাজার অধীনস্থ এক ভৃত্য রাজ্যলোভে মুগ্ধ হইয়া আপন প্রভুর প্রাণ নষ্ট করত সিংহাসনাক্রম্ হইবার জন্য স্বমতঃ কএক ব্যক্তির সহিত তাহার মন্ত্রণা স্থির করি-য়াছিল; ইতিমধ্যে ঐ রাজার অপর কোন প্রভু-ভক্ত এক ভৃত্য তাহা জানিতে পারিয়া সমস্ত বৃত্তান্ত গোপনে রাজার জ্ঞাতসার করিলেক। রাজা স্বীয় সরল স্বভাবপ্রযুক্ত এক জন সামান্য ভৃত্যের কথিত ঐ গুরুতর কথার প্রতি বিশ্বাস না করিয়া তাহা তুচ্ছ করিলেন। অনন্তর এবিষয়ে রাজার সম্পূর্ণ বিশ্বাস জন্মাইবার জন্য ঐ প্রভু-ভক্ত ভৃত্য এক দিন কৃতঘ্নদিগের এই ভয়ঙ্কর ব্যাপারের সমস্ত কথোপকথন কোন গুপ্ত স্থান-হইতে আপন প্রভুর কর্ণগোচর করিয়া দিলেক; তথাপি রাজা স্বীয় দয়াদুর্চিত্তেহেতু তাহাতে বিচ-লিত হইলেন না। পরদিন আপন সিংহাসনে বসিয়া বিদ্রোহচারিদিগের দোষ নিশ্চয় করি-বার জন্য প্রমাণ গৃহণ করিলে তাহাদিগের অপরাধ সপ্রমাণ হইল, এবং অপরাধিরা আপনা-দিগের অপরাধ স্বীয় স্বীয় মুখে ব্যক্ত করিলেক। কিন্তু কি দয়াবান রাজা! তিনি আপন প্রাণ-বিদ্রোহদিগের প্রতি কোন গুরুতর দণ্ডের অনু-মতি না দিয়া তাহাদিগের দুর্বল স্বভাব জন্য কেবল দোষিদিগকে স্বীয় পদচ্যুত করিলেন। দয়া ও নির্দয়তার বৈলক্ষণ্য ভাব কত প্রদর্শন

করিব? কত কত নির্দয় ব্যক্তি স্বহস্তে আপন সন্তানের মস্তক ছেদন করিয়াছে তাহাতে তাহা-দিগের কিছুমাত্র কেশবোধ হয় নাই; কিন্তু দয়া-বান ব্যক্তির স্বহস্তে কাহারো প্রাণ নষ্ট করা দূরে থাকুক তিনি স্বচক্ষে একটি পিপোলিকার প্রতি আঘাত ও দর্শন করিতে পারেন না। পশু পক্ষির হত্য। দর্শন করিলেও সদয়-হৃদয়-জনের অঙ্গসু অশ্রু নির্গত হয়।

প্রবল লোকের দয়া হেতুই যে দুর্বলের হিত হয়, মহতের কণাধারাই যে ক্ষুদ্রলোকে রক্ষা পায়, এমনই নহে; দয়া সর্বাধারে অবস্থিতি করিয়া সকলেরই হিত সাধন করেন।

পূর্বকালীয় প্রাচীন বৃত্তান্তের মধ্যে একপ দৃষ্টা-ন্তও অনেক প্রাপ্ত হওয়া যায় যে অতি সামান্য লোকের কণাহেতু মহাসম্রাটেরও জীবন রক্ষা হইয়াছে। কোন রাজা এক সময়ে মৃগয়ার্থী হইয়া আপনার সৈন্য সামন্ত আত্মীয় অন্তরঙ্গ যান বা-হন সমস্ত সঙ্গে লইয়া রাজধানীর অতি দূর-দেশে গমন করিয়াছেন; অনন্তর তাঁহাকে এমত দুর্দৈবে পতিত হইতে হইয়াছে যে প্রচণ্ড বায়ুনা-বাটিকা-সমাপ্তিত ঘোরতরমেঘাচ্ছন্ন অন্ধকারাবৃত নিশায় তাঁহার সমুদয় বৈভব বিহীন হইয়া তিনি একাকী কোন দীনহীন অনাথের ন্যায় এক জন অরণ্যবাসী সামান্য লোকের আশ্রিত হইয়া-ছেন; এবং সেই দরিদ্র ব্যক্তি দুর্দশাপন্ন রাজার দুঃখ দেখিয়া তাঁহাকে অত্যন্ত যত্নপূর্বক আপন পর্ণকূটারে স্থানপ্রদান করত তাঁহার বিশ্রামের জন্য আপনাদিগের এক মাত্র পর্ণশয্যা তাঁহাকে প্রদান করিয়াছে; এবং সমস্তরজনী অগ্নিদ্বারা তাঁহার সেবা করিয়া তাঁহাকে শাতকম্পন-কেশ-হইতে রক্ষা করিয়াছে। রাজা তাহার দয়াক্রমে আপনার স্বাভাবিক অবস্থা প্রাপ্ত হইয়া পর-



দিন স্বরাজ্যে গমন করত পুনর্বার পরমসুখে আপন আত্মীয়গণের সহিত একত্রিত হইয়াছেন; কিন্তু যদি ঐ অরণ্যবাসি লোকের শরীরে দয়া না থাকিত তবে রাজা রাজ্যের অধিপতি হইয়া বা বহু বৈভবের ঈশ্বর হইয়া কোনক্রমে উল্লেখিত বিপদহইতে রক্ষা পাইতে পারিতেন না। অতএব দয়া যেমত প্রধানের শরীরে থাকিয়া ক্ষুদ্রের উপকারী হইবে সেই মত সামান্য লোকের শরীরস্থ হইয়া কখন কখন মহৎকর্ত্ত রক্ষা করেন।

অদ্য যাঁহার গুণকীর্ত্তি স্মরণ উদ্দেশে আমরা এস্থলে সকলে সমাগত হইয়াছি, তিনিও এই উৎকৃষ্ট বৃত্তির এক অসাধারণ দৃষ্টান্ত স্থল। তিনি স্বীয় কারুণ্য স্বভাবপ্রযুক্ত এদেশের কি উপকার না করিয়াছেন? তিনি যদি সেই অজ্ঞানান্ধকারাবৃত সময়ে এই দুর্ভাগ্য বঙ্গদেশের প্রতি তাঁহার অসাধারণ দয়া না প্রকাশ করিতেন, তবে কোথায় বা বঙ্গবাসিদিগের ইংরাজি ভাষায় নিপুণ হইয়া জ্ঞানপ্রাপ্ত হওয়া, কোথায় বা বঙ্গভাষার উন্নতি, কোথায় বা স্বদেশের দুর্দশা দেখিয়া তাহা দূর করিবার জন্য ব্যগু হওয়া, এবং কোথায় বা এদেশে সুরীতি সংস্থাপনের এই সকল আন্দোলন, থাকিত? ডেবিড হেয়ার সাহেবেরই দয়ার কার্যক্রমে এতদেশীয় অনেকে মনুষ্য বলিয়া গণ্য হইয়াছেন, ধর্মবিষয়ে জ্ঞান পাইয়াছেন; রাজদ্বারে মান্য হইয়া উচ্চপদ প্রাপ্ত হইয়াছেন; স্বীয় উপার্জিত ধনদ্বারা পূর্বের দুরবস্থা দূর করিয়া যান বাহন, দাস, দাসী, ও উত্তম অট্টালিকা প্রভৃতি বিপুল ঐশ্বর্যের অধিপতি হইয়াছেন। বিশেষতঃ এতন্নগরস্থ অনেক অট্টালিকা, অনেকের বৈভব, অনেকের মান, অনেকের জ্ঞান, তাঁহারই দয়ার পরিচয় প্রদান করে। তিনি যে কি প্রকার দয়াশীল কি প্রকার পরোপকারী ছিলেন, তাহা

তাঁহার কৃত কার্যেতেই প্রকাশ রহিয়াছে, তিনি পরের হিতের নিমিত্ত যত শ্রম, যত ব্যয়, ও যত মানের লাঘবতা স্বীকার করিয়াছেন, আপন কার্যে কখন তাহার সহস্রাংশের একাংশও করেন নাই। ডেবিড হেয়ার সাহেব বঙ্গদেশে আসিয়া অতি অল্পদিন পরেই তাঁহার স্বীয় লাভাংশের বাণিজ্যকার্য অপর এক ব্যক্তিকে সমর্পণ করিয়া এদেশের ও এ দেশীয় লোকের হিতসাধনে প্রবৃত্ত হইয়াছিলেন। যাহাতে এ দেশে বিদ্যার প্রচার হইয়া অজ্ঞানরূপ অন্ধকার এ স্থানহইতে প্রস্থান করে, যাহাতে বঙ্গবাসিদিগের দেশভাষা প্রকৃত ভাষার ন্যায় হইয়া সকলের নিকট আদরণীয় হইতে পারে, যাহাতে এ দেশীয়েরা ইংরাজি ভাষায় সুশিক্ষিত হইয়া রাজার নিকট মান্য ও গণ্য হয়, এই তাঁহার অভিসন্ধি ছিল, এবং তজ্জন্য তিনি যে আয়াস ও যে যত্ন স্বীকার করিয়াছিলেন, তাহা বর্ণন করা দুঃসাধ্য! দ্বিবা-নিশি কেবল সেই বিষয়েরই মন্ত্রণায় নিযুক্ত থাকিতেন, তাঁহার সেই সর্বকণ কার্য সিদ্ধকরণের জন্য তিনি স্বয়ং সর্বত্র গমন করিতে কোন স্থানের বিচার করেন নাই, ছাত্রযোগ্য বালকদিগকে বিদ্যালয়ে পরিগণিত-করণাভিপ্রায়ে তাহাদিগের অভিভাবককে অনুরোধ করিতে কোন পাত্রের বিচার করেন নাই, এবং যখন যে কর্ম করিলে তাহার ঐ শুভাভিপ্রুত কর্মের মঙ্গল হইতে পারে তাহা তৎক্ষণাৎ সম্পন্ন করিবার জন্য আপনার আহ্বারের ও নিদ্রার সময় বিচার করেন নাই। এই সকল ব্যাপারে তাঁহার নিজের কোন স্বার্থ উদ্দেশ ছিল না; কেবল এ দেশীয় লোকের কোন হিতোপযোগি কর্ম করিতে পারিলেই তাহাতে তিনি আপনার হিত বলিয়া বোধ করিতেন। তাঁহার শরীরে অন্য কোন প্রকার সুখভোগের প্রবল

ইচ্ছা প্রকাশ পায় নাই। সর্বদা কেবল এতন্নগরস্থ প্রতি বিদ্যালয়ে বিদ্যালয়ে ভ্রমণ করিয়া আপনার কার্যদ্বারা ও বাক্যদ্বারা তত্রস্থ শিক্ষক ও ছাত্রদিগকে উৎসাহ প্রদান করিতেন, এবং কেবল তাহাতেই নিরস্ত না থাকিয়া যখন যাহার অবকাশ জানিতে পারিতেন তখনই তাহার নিকট বিদ্যা প্রচারের ও বিদ্যালয়সংস্থাপনের কথা প্রসঙ্গ করিতেন। সময়ে সময়ে নগরস্থ অনেকের নিকট আপনি অনাহুত গমন করিয়া তাহাদিগের সহিত কেবল ঐ সকল বিষয়ের পরামর্শ করিতেন, এবং সে বিষয়ে তাহারা কোন হিত করিলে যেন তাঁহার আপনার হিত হয়। এই মত করিয়া সকলের সাহায্যপ্রার্থনা করিতেন। তাহাদিগের পুত্রেরা বিদ্বান হইলে বা তাহাদিগের দেশের হিত হইলে যেন তাঁহার আপনার পুত্র বিদ্বান হইবে কি তাঁহার দেশ উপকৃত হইবে, এই রূপ যত্ন ও আগুতার সহিত তিনি তাহাদিগকে অনুরোধ করিতেন। তাঁহার উৎসাহের কথা—তাঁহার দয়ার বিবরণ—কি আর উল্লেখ করিব; তাঁহারই করা এই হেয়ার স্কুল, তাঁহারই উৎসাহে উৎপন্ন এই হিন্দুকলেজ, এবং তিনিই এই সর্বোপকারি মোড়িকেলকলেজকে বিশেষ যত্নে উন্নত করিয়াছিলেন; অতএব যাঁহারা এই সকল বিদ্যালয়দ্বারা জ্ঞান ও উপকার প্রাপ্ত হইয়াছেন, হইতেছেন, এবং হইবেন, তাঁহারা কি দয়াবান ডেবিড হেয়ার সাহেবের অসামান্য কৰুণাকে বিস্মৃত হইবেন? এবং তাঁহার নাম ও কীর্ত্তি স্মরণের উদ্দেশে প্রতিবৎসর এই রূপে সকলের নিকট তাঁহার গুণকীর্ত্তন না করিয়া নিরস্ত থাকিতে পারিবেন?

কলিকাতা

ইং ১৮৫৩ অক্টোবর ১লা জুন।


## কুস্তীর।

ভারতবর্ষীয় দুর্দান্ত জলচরজীবের মধ্যে কুস্তীর অতিব প্রসিদ্ধ; ইহার তুল্য ভয়ানক নদী-নিবাসী জন্তু বোধ হয় আর কুস্তীপি নাই। শরীরের লক্ষণ-বিবেচনায় ইহার টিক্টিকির সহিত পরিগণিত হইতে পারে; পরন্তু পরিমাণে গৃহবাসী ভবিষ্যৎকালী ক্ষুদ্র টিক্টিকির সহিত ভয়ঙ্কর কুস্তীর কোন তুলনাই হয় না। ৮-১০ হস্ত দীর্ঘ কুস্তীর, বোধ হয়, বঙ্গদেশবাসী সকলেই যথেষ্ট দেখিয়াছেন, এবং ১২-১৪ হস্ত দীর্ঘ নক্র দুস্পাপ্য নহে; অপর তাহাহইতে বৃহৎ ১৬-১৮ হস্ত পরিমাণ কুস্তীরও দৃষ্ট হইয়াছে।

এই দুর্দ্বয় জন্তু বঙ্গদেশের নদীমাঝেই সুপ্রাপ্য, এবং কদাপি বৃহৎ পুষ্করিণীতেও দৃষ্ট হইয়া থাকে। ইউরোপ খণ্ডে ইহার উৎপত্তি নাই, এবং আফ্রিকা ও আমরিকা খণ্ডে যে সকল কুস্তীর বর্তমান আছে, তাহাদিগের অবয়ব অবিকল বঙ্গদেশীয় কুস্তীরের তুল্য নহে; কিঞ্চিৎ ইতর বিশেষ আছে; কেবল আফ্রিকা খণ্ডের নীল নদীবাসী কুস্তীর তাহাদিগের বঙ্গীয় ভ্রাতৃদিগের সহিত সম্যক সৌসাদৃশ্য রাখে।

সামান্য প্রবাদ আছে, কুস্তীরের প্রতি এক দৃষ্টে নিরীক্ষণ করিলে, তৎসময়ে কুস্তীর চক্ষু-লজ্জায় দর্শককে আক্রমণ করে না। সে কথা সত্যের সহিত কি পর্যন্ত সঙ্গাব রাখে, তাহা পাঠকবৃন্দ নির্ধারণ করিবেন, মনুষ্যাপেক্ষায় তাহার চক্ষুতে অধিক পরদা আছে, ইহা প্রত্যক্ষ প্রমাণ প্রযুক্ত আমাদিগের স্বীকর্তব্য বটে; তাহাদিগের প্রত্যেক চক্ষুতে তিনটি করিয়া পাতা থাকে। কুস্তীর স্বক্বে পশুকা (পাঁজরা) হয়; ইহা এক





কুস্তীর।

অসাধারণ লক্ষণ, অন্য কোন প্রাণিতে ইহা দৃষ্ট হয় না, এবং এতৎপ্রযুক্তই ইহার কৌশলে পার্শ্ব-পরিবর্তন করিতে সক্ষম হয় না; ও কুস্তীরের আক্রমণ হইতে পলায়ন সময়ে বক্রগতি অবলম্বন করিলে অনায়াসে নিরাপদ হওয়া যাইতে পারে। তাহাদের পুরঃপদে পাঁচ অঙ্গুলি ও পশ্চাৎ পদে চারিটি করিয়া অঙ্গুলী হয়, কিন্তু তাহার তিন-টিতে মাত্র নখ থাকে, অবশিষ্ট অঙ্গুলী গুলিন নখবিহীন; পশ্চাৎ পদের অঙ্গুলী হংস-পদবৎ স্বক্কারা লিপ্ত। দেহস্থ ত্বক সর্বত্র অসমচতুষ্কোণাকার অস্থি পিণ্ডদ্বারা সমাবৃত; তদ্বারা কুস্তীরদেহ অত্যন্ত দৃঢ় ও স্তম্ভদ্বারা অভেদ্য হয়। কিংবদন্তী আছে যে কুস্তীরের জিহ্বা নাই, কিন্তু তাহা অসত্য। ইহাদিগের প্রকৃষ্ট জিহ্বা আছে, কেবল অন্য পশুর জিহ্বার ন্যায় সরল নহে, এবং তৎপ্রযুক্ত পূর্বোক্ত প্রবাদ রাষ্ট্র হইয়াছে।

উদর পুরণোপযুক্ত খাদ্য দ্রব্য প্রাপ্ত হইলে কুস্তীর মনুষ্যের বশ্য হইয়া থাকে, কিন্তু স্বভাবতঃ তাহারা অত্যন্ত দুর্জয়; অশ্ব-গবাদি যে কোন পশুকে জলমধ্যে প্রাপ্ত হয়, তৎক্ষণাৎ তাহাকে বিনাশ করে; অত্যন্ত ক্ষুধার্ত হইলে স্থলে গমন করিয়াও জীব হিংসা করে। কথিত আছে, কোন ২ দুর্দান্ত কুস্তীর নৌকাহইতে অসাবধান নাবিক ধরিয়া প্রস্থান করিয়াছে। তটিনীতটে জলপানার্থ গবাদি আগমন করিলে, কুস্তীরেরা নিজ ভীষণ পুচ্ছদ্বারা তাহার পুরঃপদে সবলে আঘাত করে; সেই আঘাতেই সুতরাং এ গো ভূমে পতিত হয়, এবং সেই অবকাশে কুস্তীর তাহার স্বন্ধে দংশন করত জলে লইয়া যায়। অনেক কুস্তীর নদীতটে রৌদ্রোত্তাপে শুষ্ক বালুকায় শয়ন করত হস্তব্য পশু-প্রত্যাশা করিতে থাকে, গো-মেঘ-ছাগাদি যে কোন পশু দুর্ভাগ্য

বশতঃ তন্মিকটে আগত হয় তৎক্ষণাৎ স্বন্ধ ধরিয়া ঐ গিলগুহ তাহার জীবন-প্রত্যাশা একেবারে বিলোপ করে।

কুস্তীরেরা সদ্যোমাংস-ভক্ষণ করিতে অক্ষম; এই কারণ গবাদি পশুকে বধ করত জলমধ্যে নিমগ্ন করিয়া রাখে; কিয়ৎকাল তথায় থাকিয়া মাংস গলিত হইলে, তাহা ভক্ষণ করে; যে পর্যন্ত ঐ শব মনোমথ গলিত না হয়, তদবধি তাহার পার্শ্বে প্রতীক্ষা করিয়া থাকে; কদাপি অন্যত্র গমন করে না; ও দৈবযোগে অন্য কোন কুস্তীর তথায় আইলে পরস্পরে তুমুল সঙ্ঘাম করে। স্বভাবতঃ বহুভুক হইয়াও, কুস্তীরেরা বহুকাল অনাহারে থাকিতে পারে। একদা কোন সাহেব একটা কুস্তীরের মুখ সীবন করিয়া এক পুষ্করিণী-মধ্যে তাহাকে নিষ্ক্ষেপ করত ছয় মাস পরে তাহাকে তথাহইতে উদ্ধার করিয়া দেখিলেন, কুস্তীর পূর্ববৎ চঞ্চল ও বলবান আছে।

কুস্তীর-বদনে এক পাক্তি দস্ত থাকে, ঐ দস্ত-সকল অন্তঃশূন্য অর্থাৎ ফোফরা। ঐ শূন্য স্থানে অপর এক পাক্তি দস্তের অক্ষুর থাকে; প্রথম দস্ত-পাক্তি ভগ্ন হইলেই অপর পাক্তি উথিত হয়। এবং পুকারে কুস্তীরের শরীরের বৃদ্ধানুসারে তাহার মুখ-মধ্যে ক্রমশঃ আট দশবার দস্তের উথিত হইয়া থাকে। কুস্তীরের অণ্ড সঙ্খ্যা ২৫। বালুকার উপর ঐ অণ্ড প্রসব করিয়া কিঞ্চিৎ বালুকাদ্বারা তাহা আচ্ছাদন করত কুস্তীরেরা প্রস্থান করে, শাবক উৎপাদনার্থে অন্য কোন চেষ্টা করে না।

প্রাণিতত্ত্বজ্ঞেরা বিবিধ-প্রকার কুস্তীরজাতি-নির্দেশ করিয়াছেন, কিন্তু অধুনা তাহার উল্লেখ করিবার অভিপ্রায় নাই। বঙ্গদেশে দুই প্রকার কুস্তীর প্রসিদ্ধ আছে; প্রথম কুস্তীর, দ্বিতীয় ঘাড়িয়াল। শেষোক্ত-প্রকার-কুস্তীরকে “মৎস্য-

কুস্তীর” শব্দেও কহে। পাঠকবর্গ এই উভয় প্রকার কুস্তীরই জ্ঞাত আছেন, অতএব তাহাদের বাহুল্য বিবরণ করা বিফল।

ঠগ।

য বন রাজাদিগের দৌর্বল্যবস্থায় ভারতবর্ষে রাজশাসন বিষয়ে অত্যন্ত শিথিলতা জন্মিয়াছিল; এবং তদবকাশে নানাবিধ দস্যুর প্রাদুর্ভাব হয়। ঐ সকল দস্যুদল-মধ্যে ঠগ নামক দস্যুরা অত্যন্ত প্রসিদ্ধ। তাহাদের ভয়ানক ব্যাপার কণকুহরে প্রবিষ্ট হইলে গাত্রে লোমাঞ্চ হইয়া উঠে। অন্য দস্যু-হইতে ঠগেরা তিন বিষয়ে স্বতন্ত্র। প্রথম তাহারা লোকের সম্পত্তি লইয়া ক্ষান্ত থাকে না; যে কেহ তাহাদিগের হস্তে পতিত হয়, আদৌ তাহাকে বিনাশ করিয়া পরে সর্বস্বাপহরণ করে। দ্বিতীয়; মনুষ্যকে বধ করণার্থে তাহারা কদাপি লৌহাস্ত্রাদি ব্যবহার করে না; গলদেশে গামছা কাঁস দিয়া বধ্যদিগকে বিনাশ করে; তৃতীয়, ঠগিব্যবসায় নিজ-ধর্ম্মাঙ্গ-বোধে তাহারা কালীর উপাসনা করিয়া এক্ষেণে প্রবৃত্ত হয়, এবং কালীর প্রত্যাশে না হইলে তাদৃশ নরহত্যা করে না। তাহারা এই কাঁশুড়িয়া ব্যবসায় অতি প্রাচীন বলিয়া জ্ঞান করে, এবং কহিয়া থাকে; পূর্বকালে কালী কঙ্কালী দেবী রক্তবীজ দানবের সহিত ব্যাপককাল পর্যন্ত যুদ্ধ করিয়াও তাহার রক্তজাত দানবদিগকে নিঃশেষ করিতে অশক্ত হইয়া অবশেষে আপন বাহুস্থ বর্ম্মদ্বারা দুই অসুর উৎপাদন করত তাহাদিগকে এক ২ গামছা-প্রদান-পূর্বক অনুমতি করিলেন, “এই দানবদিগের গলায় কাঁসি দিয়া বধ কর,



যাহাতে ইহাদিগের রক্ত ভূমিতে পতিত হইয়া দানববংশ বৃদ্ধি না হয়”। যক্ষজাত অসুরদ্বয় দেবীর আজ্ঞানুসারে ঐ দানবদিগকে বধ করত কঙ্কালীমায়ীর নিকট গামছা প্রত্যর্পণ করিলেক; কিন্তু দেবী তাহা প্রতিগৃহণ না করিয়া কহিলেন, “ঐ গামছা আমাকে প্রত্যর্পণ করিও না; ইতঃপরে তোমার বংশ ঐ গামছা-সহকারে উপজীবিকা প্রাপ্ত হইবে। রক্তবীজ পৃথিবীর অনেক অনিষ্ট করিত, সেই আপদহইতে তোমরা মনুষ্য-জাতিকে মুক্ত করিলে, অতএব তোমার বংশের উপকারার্থে কিয়দংশ মনুষ্য বিনাশে কাহার অনিষ্ট হইবে না”। এই গম্প কি পর্য্যন্ত মিথ্যা তাহার বর্ণন করা বাহুল্য, পরন্তু ঠগেরা এতদবলম্বনে অতি বিষয়জনক ধর্ম ও ভয়ানক ব্যবসায় সংস্থাপন করিয়াছে; ও নির্বিঘ্নে তদাচরণের নিমিত্তে অনেক সুন্দর নিয়ম ও পৃথক সাঙ্কেতিক ভাষা সংস্থাপন করিয়াছে। তদবলম্বনে স্বকার্যসাধন করাতে আশু কেহই তাহাদিগের অভিপ্রায় জ্ঞাত হইতে পারে না।

ঠগদলস্থ ব্যক্তিবর্গ দুই ভাগে বিভক্ত হয়। একের নাম বোর্কা, দ্বিতীয়ের নাম কুবুল। বোর্কারা কাঁশুড়িয়াদিগের দলপতি; তাহারা অতিশয় শিষ্পানিপুণ ও কক্ষ্মঠ; তৎপ্রযুক্ত দলমধ্যে অধিক বোর্কা থাকিবার আবশ্যিক হয় না। কুবুল নামারা সামান্য ঠগ; তাহাদের তাদৃশ নৈপুণ্য থাকে না। উহারা প্রথমাবস্থায় চরক্বে, তদনন্তর পাত্তশালার পরিচারক বা দাসভাবে, পর্য্যবসানে বধ্যদিগকে কাঁসিদেওন কালে হস্ত ধারকরূপে নিযুক্ত হয়। ঐ শেষ অবস্থায় তাহারা সমসিয়া নামে বিখ্যাত। তদবস্থায় কিয়ৎকাল ঠগব্যবসায় নিযুক্ত থাকিয়া যখন কেহ দৃঢ় বিশ্বাস করে যে আমার যথেষ্ট সা-

হস আছে, তাহা হইলে সে তৎক্ষণে ঠগদল-ভুক্ত কোন বিখ্যাত প্রাচীন বোর্কার নিকটে সন্নিবেদন করিয়া থাকে; “মহাশয় আমাকে কৃপা করিয়া চেলা (অর্থাৎ শিষ্য) করুন।” তাহাতে সেই বৃদ্ধ ঠগ তৎক্ষণমাত্র তাহার গুরু হইতে সম্মত হইলেন। পশ্চিমধ্যে ঐ চেলা ধনাঢ্য কিন্তু অগ্নি সহচর সম্পন্ন পথিক দেখিলে গুরুসন্নিধানে কহে; “মহাশয়, আপনার অনুমতি হইলে আমি এই ব্যক্তিকে হনন করিতে সমর্থ হই”। অতঃপর ঐ পথিক ঠগদিগের মনোনীত স্থানে নিদ্রিত হইলে সেই গুরু নিজ চেলাকে তিন চারি জন দলস্থ ঠগের সহিত অনতিদূরবর্তি কোন মাঠে লইয়া গিয়া ঐ শিষ্যকে ঠগব্যবসায় দীক্ষা প্রদান করে। তাহার ক্রম এই; প্রথম সকলে যে পথাভিমুখে যাত্রা করিবে তদ্দিগকে সম্মুখীন হইয়া গুরু নিরতিশয় ভক্তিব্যোগ সহকারে “ও কালি, কঙ্কালি, ভদুকালি! ও কালি মহাকালি, কলিকাতাবালি আমাদের অধিকারস্থ উপস্থিত পাত্ত যদি তোমার এই অনুচরের হাতে মরিতে পারে বোধ কর, তাহা হইলে আমাদিগকে খিবাউ (অর্থাৎ সুচিহ্ন) জানাও”। এই বীজমন্ত্র উচ্চারণ করে।

অতঃপর যদি তাহারা আধঘণ্টার মধ্যে দক্ষিণদিকে কোন শুভ শকুন দেখিতে পায়, এবং বামভাগে কিছুই না দেখে, তাহা হইলে তাহারা বোধ করিয়া থাকে যে ইহা কালীরই অনুমতি হইল; এবং ঐ অনুমত্যানুসারে ঐ চেলা গিয়া সেই পথিককে বধ করিবে এই নিদ্রিষ্ট হয়। শুভশকুন না হইলে ঐ উপস্থিত পথিককে দলস্থ অন্য জন ঠগ গিয়া বধ করে।

দেবীর এতাদৃশ প্রত্যাশ হইলে ঠগেরা চেলাকে লইয়া স্বস্থানে প্রস্থান করে। তথায় গুরু তখন একখানি কমাল বা গামছা হস্তে লইয়া

পশ্চিমাভিমুখে দণ্ডায়মান হয়; এবং তাহার অঞ্চলে হয় একটি টাকা কিম্বা কোন একটি রৌপ্যখণ্ড বাঁধিয়া রাখে। সেই বন্ধনের নাম গুরুগুহি। তাহাদের এতাদৃশ বন্ধনের নিয়ম উক্ত গুরু ব্যতীত অন্য কোন পুরোহিতাদি দ্বারা সম্পন্ন হইতে পারে না। ঐ গুহিযুক্ত কমাল এক জন প্রধান যাজক লইয়া সেই চেলার হস্তে সমর্পণ করে। সে তাহা লইয়া এক জন হস্ত-ধারক (সমসিয়া) সম্ভিব্যাহারে হস্তব্য ব্যক্তির নিকটে দণ্ডায়মান হয়। তদনন্তর সে তাহাকে কোন ছলে জাগরিত করিয়া দলপতির সঙ্কেতানুসারে তাহার গলদেশে ঐ কমাল নিক্ষেপ পূর্বক পাক দিয়া তৎক্ষণাৎ তাহাকে প্রাণে বিনাশ করে। কার্য সম্পন্ন করণানন্তর চেলা গুরুর নিকটে গমন ও অভিবাদন পুরস্কার সাপ্তাঙ্গে প্রণাম করিয়া কৃতাজলিপুটে দণ্ডায়মান হইলে গুরু তাহাকে যৎপরোনাস্তি প্রশংসা ও ধন্যবাদ প্রদান করেন। তাহাতে সে নিরতিশয় হর্ষে প্রকুল হইয়া কৃতজ্ঞতার চিহ্নস্বরূপে স্বকুটুম্ব ও বন্ধু-বান্ধবদিগকে প্রভূত পারিতোষিক পাঠাইয়া দেয়। তদনন্তর ঐ চেলা শুভচিহ্ন দেখিয়া সেই কমালের গুহি খুলিয়া তাহা হইতে ঐ টাকাটি লইয়া অপর লুপ্তিত দুব্বের সহিত একত্র করিয়া গুরু সন্নিধান উপঢৌকন প্রদান করে। গুরু সেই সকল উপহৃত দব্য লইয়া নিজহইতে আরো কিছু দিয়া এক টাকা চারি আনার শর্করা ও অবশিষ্ট সম্পত্তির মিষ্টান্ন ক্রয় করিয়া আনয়ন করত কোন সঙ্কোপন-স্থানে, নিম্ন কিম্বা আমু অথবা বদরী-বৃক্ষমূলে, এক খানি কঞ্চল বিছাইয়া তাহার মধ্যস্থলে ঐ ১০ শর্করা সংস্থাপন করে; এবং তাহার নিকটে কালীদেবীকে নিবেদিত একটি সিঁধকাঠী ও একটি টাকা রাখে। অতঃপর দলপতি অথবা

কালীর উপাসনায় তৎপর এবং যাহার প্রতি কালীমায়ীর অনুগৃহ আছে, এমত কোন প্রধান ঠগ ঐ চিনি নিবেদন করণার্থে যুগ্ম-সংখ্যায় কয়েক জন সমভিব্যাহারী বোর্কা নামা ঠগ লইয়া তন্নিকটে পশ্চিমাভিমুখে উপবেশন-পূর্বক মৃত্তিকায় গর্ত করিয়া তাহাতে কিঞ্চিৎ শর্করা-নিক্ষেপ-পূর্বক মন্ত্র পাঠ করে। তন্মন্ত্র যথা; “হে মহাদেবি, দুঃখের সময়ে জুরা নায়েক ও খোদক বনওয়ারিকে যে প্রকারে এক লক্ষ ত্রিযষ্টি সহস্র মুদ্রা দিয়াছিলে, তদ্রূপ আমাদিগেরও আশা পূর্ণ কর”। মন্ত্র পাঠানন্তর ঐ গর্তে ও সিঁধকাঠীর উপরে কিঞ্চিৎ জল অর্পণ করিয়া নিবেদিত চিনি সকলে ভক্ষণ করে। এই চিনির অনেক মাহাত্ম্য বর্ণিত আছে। ঠগেরা কহে, যে ব্যক্তি একবার মাত্র উক্ত চিনি আশ্বাদন করিয়াছে, সে ঠগব্যবসায় নিযুক্ত না হইয়া তিষ্ঠিতে পারে না; যৎপরোনাস্তি সম্পত্তি সম্পন্ন রাজারাও ঐ শর্করা ক্রমে রাজ্য পরিত্যাগ করিয়া ঠগিকর্মে প্রবৃত্ত হইয়াছেন। এতদ্রূপে চিনি নিবেদনের নাম “টপোনি”। ঠগেরা নরহত্যা করিলেই এক ২ বার এই টপোনি নিবেদন করে; কিন্তু তদর্থে এক টাকা চারি আনার অধিক ব্যয় করে না; কেবল শিষ্য-দীক্ষাকরণ-সময়ে টপোনির পর মিষ্টান্ন বিতরণ হইয়া থাকে। এই রূপে দীক্ষিত না হইলে কেহ ঠগদলভুক্ত হইয়া কাঁশুড়িয়া-কর্মে নিযুক্ত হইতে পারে না।

এবম্পকারে দীক্ষিত দস্যুদলেরা ভারতবর্ষের অনেক অনিষ্ট করিয়াছে। কিয়দিন পূর্বে প্রতিবর্ষে ইহার সহস্র ২ পথিকদিগকে বধ করিত। প্রসিদ্ধ গবর্গর বোণ্টিক সাহেব এই দস্যুদিগের সম্মুখে ধ্বংস করণার্থে সুচক উপায় স্থির করিয়া সিমান নামক জনৈক প্রধান সাহেবকে এতৎকর্মে নিযুক্ত করিয়াছিলেন। তিনি যে সকল দস্যু



ঠগকে ধৃত করিয়াছিলেন, তাহারা অনেকে নিজস্ব অপরাধ স্বীকার করিয়াছিল। নিম্নে উদ্ধৃত ঐ স্বীকৃত বাক্যদ্বারা এই দুরাত্মাদিগের আসুরী-বৃত্তির বিবরণ স্পষ্ট ব্যক্ত হইবেক।

শেখ ইনাএত নামক এক জন বিখ্যাত ঠগ কহে “প্রায় ৩৫ বৎসর অতীত হইল সর্বাঙ্গে আমি পোনের বৎসর বয়ঃক্রম সময়ে পিতার সহিত দাক্ষিণ্য হিন্দুস্থানে ঠগামি করিতে যাত্রা করিয়াছিলাম। আমার পিতার নাম হিঙ্গা। তাঁহার অধীনে ৮০০ জন ঠগ নিয়ত থাকিত। তৎকালে ইলিচপুর নামক নগরের বাহিরে এক মসজিদে নিকট কতিপয় দাক্ষিণ্য ঠগের সহিত আমরা একত্রে বাস করিতেছিলাম। এক দিন গম্বু ও লালজু নামক আমাদের দলস্থ দুই জন ঠগ ভূপালের নবাব উজীর মহম্মদ খার পিতৃব্য নবাব সব্জী খাঁর অশ্বপালক মহসের সহিত সাক্ষাৎ করিয়া তাহার স্বামির কথা জিজ্ঞাসিলে সে কহিল “আমাদিগের পুত্র নবাব সব্জীখাঁ নিজ পুত্র সমভিব্যাহারে দুই শত অশ্বারোহি সেনার অধ্যক্ষরূপে হৈদরাবাদে ছিলেন। এক্ষণে কোন কারণ-বশতঃ পুত্রের সহিত বিবাদ বিসংবাদ করিয়া ভূপালে বাটী যাইতেছেন”। এই সকল বৃত্তান্ত শ্রবণ করত ঐ ঠগদ্বয় দলমধ্যে আসিয়া তাহা আদ্যোপান্ত প্রচার করিল। তৎপরে দুলিল খাঁ ও খলীল খাঁ নবাব সাহেবের সহিত সাক্ষাৎ করিয়া ছলপূর্বক নিবেদন করিল, “মহাশয়, আমরা মধ্যহিন্দুস্থানে আসিয়া অশ্ব-বিক্রয়ার্থে দাক্ষিণ্য হিন্দুস্থানে বহু দিবস বাস করিয়াছিলাম, এক্ষণে স্বদেশে যাইতে উদ্যত হইয়াছি। পথে দস্যু ভয় আছে, অতএব আপনার সমভিব্যাহারে যাইতে ইচ্ছা করি”। নবাব সাহেব অতি সরল স্বভাব। তাহাদের

আকার প্রকার ও সবিনয় বাক্যে নিরতিশয় হর্ষ হইয়া পরদিন আর একবার তাহার নিকট আসিতে নিমন্ত্রণ করিলেন। তাহারাও তদনুসারে তথায় আসিয়া উপস্থিত হইল; এবং নবাব সাহেবকে একেবারে বাক্যজালে মুগ্ধ করিল; ও তিনি আমাদের দলবলের সঙ্গে স্বদেশ যাত্রায় বাহির হইলেন। তাঁহার সঙ্গে দুই জন সৈন্য, দুই জন অশ্বারোহি সৈন্য, একটি ক্রীতা তরুণা দাসী, দুইটি ঘোড়া, একটি ঘোড়ী, এবং একটি টাটুঘোড়া মাত্র ছিল। দাসীটি প্রতিদিন তাঁহার জন্যে সিদ্ধি খুঁটিয়া সব্জী পুস্তত করিত। প্রচুররূপে ঐ মাদক-দ্রব্য পান করিয়া নবাব সব্জী খাঁ নামে বিখ্যাত হইয়া ছিলেন। আমরা সকলে একত্রে তিন চারি আড়া পার হইয়া বৈতুল নামক প্রদেশে ডোবা গুামের নিকটস্থ এক পুশস্ত নিবিড় অরণ্যানীর মধ্যে উপস্থিত হইলাম। তথায় এক সোতোবহা নদী দেখিতে পাইয়া খলীল খাঁ কহিলেন, “খাঁ সাহেব, আমরা সকলেই পথশ্রান্ত হইয়াছি, এই স্থলে কিঞ্চিৎ বিশ্রাম করিয়া শ্রান্তি দূর করিলে ভাল হয়”। ইহাতে নবাব সাহেব কহিলেন “ভাল কহিয়াছ; আমিও অতিশয় পরিশ্রান্ত হইয়াছি; এখানে কিঞ্চিৎ সব্জী পুস্তত করিয়া গৃহণ করিব”। এই কথা বলিয়া তিনি ঘোড়াহইতে উত্তরিলেন, এবং ঢাল তলবার খুলিয়া ভূমীতলে এক আসন প্রসারণপূর্বক উপবেশন করত দলীল ও খলীলকে সিদ্ধি পান করিতে আমন্ত্রণ করিলেন। তাহারা ঐ অবসরে তাঁহার উভয় পার্শ্বে বসিল; দাসী সিদ্ধি পুস্তত করণে নিযুক্ত হইল; সহসেরা অশ্বমার্জন করিতে লাগিল, এবং অশ্বারোহি সৈন্যদ্বয় অতি দূরে ধুমুপানে নিযুক্ত হইল; লালজু ঠগও তাঁহার সম্মুখে গিয়া বসিল; এবং গুমানী পশ্চাতে

দাঁড়াইয়া অতি মনোনিবেশ পূর্বক উপবিষ্ট ব্যক্তিদেগের কথোপকথন শুনিতে লাগিল। এবং স্পৃকারে সকল পুস্তত হইলে সঙ্কেত করিবামাত্র দলীল ও খলীল নবাবের পদদ্বয় ধরিল এবং গুমানী পশ্চাৎ হইতে গলদেশে গামছা দিয়া তাঁহাকে বিনাশ করিল। ঐ অবকাশেই আমাদিগের সমভিব্যাহারীরা দাসী, অশ্বপাল পুস্তত সকলকে গামছাদ্বারা গলাটিপিয়া বধ করিল”।

ছত্র নামক এক জন ঠগ কহে, “নাগপুর ও জবলপুরের মধ্যস্থলে ছাপরা নগরে আমাদের সহিত এক ব্যক্তি মুনসির সহিত সাক্ষাৎ হয়। তথাহইতে একত্রে আমরা লক্ষণাদৌন গুামে আগমন করি। জনরব ছিল তৎপরিদানে এক জন ইংলণ্ডীয় সেনাপতির সহিত কতিপয় হিন্দুস্থানীয় সৈন্য তথায় উপাগত হইবে। মুনসী সৈন্যদিগের সহিত মিলিত হইয়া আমাদিগের হস্ত হইতে বহির্গত হইবে বোধ করিয়া সেই সন্ধ্যার সময়েই তাহাকে সপরিবারে ধ্বংস করিতে উদ্যত হইলাম।

“গুামের উপাস্তবর্ত্তি আমাদের শিবির সন্নিধানেই মুনসি শিবির সংস্থাপন করিয়াছিলেন। অপরাহ্নে সৈন্যদিগের কতিপয় ব্যক্তি অগ্নিস্ত হইয়া আইল, এবং গুামের অপর পার্শ্বে অবস্থিত করিল। গুাম আমাদিগের ও তাহাদের মধ্যবর্ত্তি হইল। সন্ধ্যার পর অন্ধকারে দশদিগ তমসচ্ছন্ন হইলেপর নূরখাঁ তাহার পুত্র সাদিখাঁ ও অপরাপর কতিপয় ব্যক্তি সমভিব্যাহারে মুনসির তাম্বুর মধ্যে প্রবেশ করিয়া সারঙ্গী নামক বাদ্যযন্ত্রে তাল সংযোগ করিয়া আপনাদের রীত্যানুসারে গান করিতে লাগিল। পরিচারক সকলেই তাহাদের কার্যানুসন্ধানে নিযুক্ত ছিল। ইত্যবসরে তাহাদের মধ্যস্থলে এক জন ঠগ

দেখিবার ছলে মুনসির নিকটস্থ হইতে তাহার তলবার স্বহস্তে লইল। তৎকালে মুনসির স্ত্রী ও বালিকাদ্বয় অন্তঃপট গৃহে বসিয়া গান বাদ্য শুনিতেন। ঝিরনি অর্থাৎ সঙ্কেত হইবামাত্র বিপদ উপস্থিত দেখিয়া মুনসির “ডাকু ডাকু” বলিয়া উচ্চৈঃস্বরে চীৎকারধ্বনি করত পলায়নে উদ্যত হইবামাত্র তৎক্ষণাৎ তাহাকে ধৃত করত গলে গামছা দিয়া প্রাণে বিনষ্ট করিয়া ফেলিল। স্বামির এতাদৃশ দুর্গতি স্বচক্ষে নিরীক্ষণ করিয়া তৎপত্নী আপনার শিশুসন্তানকে ক্রোড়ে লইয়া উর্দ্ধ্বাশ্রমে ধাবমানা হইতেছিল, এমতসময়ে যুবুখাঁ নামক এক জন ঠগ তাহাকে ধরিয়া গামছাদ্বারা গলদেশ দাবন করত যমসদনে পাঠাইল, এবং তাহার ক্রোড়হইতে সেই শিশুটিকে লইয়া গেল, আর তাহার অপর কন্যাটিকে সেই তাম্বুর মধ্যেই বিনাশ করিয়া ফেলিল। সহসেরা তৎকালে ঘোড়ার গাত্র মার্জন করিতেছিল। তন্মধ্যে এক জন ভাদ্শ বিপদ উপস্থিত দেখিয়া “ডাকাইত” বলিয়া চীৎকার করিবামাত্র তাহার সঙ্গিগণ ও অপরাপর লোকদিগের সহিত ধৃত ও হত হয়।” \*\*\* “তাহাদিগের চীৎকারে পাছে গুামস্থ লোক সচকিত হয় এতন্নিমিত্ত আমাদিগের দলস্থ লোকেরা উচ্চৈঃস্বরে গান করিতে লাগিল। কেহ ২ বা দুইটা ঘোড়া ছাড়িয়া দিয়া “ঘোড়া পলাইল, ঘোড়া পলাইল” বলিয়া চীৎকার করিল; সেই ধ্বনিতে মুনসির সহচরদিগের ক্রন্দন-ধ্বনি বিলুপ্ত হইয়াছিল”।

নিম্ন লিখিত ব্যাপার অতি আশ্চর্য্য; ইহাতে ষষ্টি জন মনুষ্য এক কালে ঠগকর্তৃক হত হইয়াছিল।

দুর্গা নামক ঠগ কহে, “ওএলেসলি নামা প্রসিদ্ধ



সেনানি-কর্তৃক গাবিলগড় দুর্গ নাগপুরের রাজার হস্তে প্রত্যর্পণ করা যায়। তিনি দুর্গের নিয়ন্তৃত্বপদে গরীবসিংহকে নিযুক্ত করেন। গরীবসিংহ ঐ দুর্গে কতকগুলি হিন্দুস্থানীয় সৈন্য সংস্থাপন করিবার অভিসন্ধিতে অযোধ্যা ও গঙ্গা যমুনার মধ্যবর্ত্তি প্রদেশহইতে সৈন্যানয়ন করাইবার জন্যে কিঞ্চিৎ টাকা দিয়া আপন কনিষ্ঠ-ভ্রাতা জ্ঞানসিংহকে তদদেশে প্রেরণ করেন।

“জ্ঞানসিংহ নিজ দল সমভিব্যাহারে নাগপুর হইয়া জুন মাসে জবলপুরে উপস্থিত হন। তৎকালে আমরা নানা স্থানে ঠগবৃত্তি সাধনান্তর তথায় আসিয়া একত্রিত হইয়াছিলাম। জ্ঞানসিংহের সঙ্গে বাওয়ার জন পুরুষ সাত জন স্ত্রী, আর একটি চারি বৎসর-বয়সের ব্রাহ্মণ বালক ছিল।

“আমাদের ঠগদলস্থ কতিপয় ব্যক্তি নগরমধ্যে, কতক সেনানিবাস স্থানের সন্নিধানে, কতকগুলি নগরের অনতিদূরস্থ মূজাপুরের পথে যাইতে অধরের সরোবর সন্নিহিত স্থানে, শিবিরে অবস্থিতি করিতেছিল। দাক্ষিণ্য হিন্দুস্থান-হইতে জ্ঞান সিংহের উপস্থিতির সংবাদ প্রাপ্তি-মাত্র প্রত্যেক ঠগদলহইতে প্রধান ২ ব্যক্তির নগরে গিয়া তাহাদের সঙ্গে মিল করিবার ও তাহাদের মনে বিশ্বাস জন্মাইবার জন্য নিযুক্ত হইল। প্রথমতঃ ঠগেরা তাহাদিগকে ভিন্ন ২ পথ দিয়া লইয়া যাইবার অভিপ্রায়ে ভিন্ন ২ দলের সঙ্গে বিভাগ করিয়া দিবার চেষ্টা করিয়াছিল, কিন্তু যদিচ তাহারা পথিমধ্যে নানা স্থানহইতে আসিয়া একত্র হইয়াছিল, তথাপি তাহারা জ্ঞান সিংহহইতে তাহার সহচরদিগকে পৃথক্ করা দুঃসাধ্য বোধ করিল। অতএব আমরা সকলে এক বাক্যে নিজ ২ দল সঙ্কলন

পূর্বক তাহাদিগকে জনমানব-বর্জিত নিতান্ত অপরিচিত পথে লইয়া গিয়া উপযুক্ত স্থান পাইলেই একেবারে শমনসদনে প্রেরণ করিব এই মত স্থির করিলাম।

“শিহোরা নামক স্থানে উপস্থিত হইয়া আমরা তাহাদিগকে বেলেহরি ও মাইহরির বড় রাস্তা পরিত্যাগ করাইতে এবং চলিয়া ও পুরাতন দুর্গ বন্দুগড়ের মধ্যবর্ত্তি পথ দিয়া চলিতে লওয়াইতে লাগিলাম। সে পথদ্বারা গমন করিলে নিবিড় এক বনমধ্যে উপস্থিত হইতে হয়। সে যাহা হউক, আমরা ঐ সকল স্থান দিয়া তাহাদের সমভিব্যাহারেই চলিতে লাগিলাম; কিন্তু আমাদের অভিলষিত উপযুক্ত স্থান ও সময় না পাইয়া অবশেষে বেওয়া নামক স্থানে উপস্থিত হইলাম। নিয়ত সহবাসে তাহাদের মনে উত্তরোত্তর যৎপরোনাস্তি বিশ্বাস বাড়িতে লাগিল। রেওরা হইতে শিমারিয়ায়, ও তথাহইতে চিত্রকূট যাইবার অর্দ্ধেক পথে এক ক্ষুদ্র গুহে উপস্থিত হইলাম। সেখানে একটা বৃহৎ বটবৃক্ষ ছিল। তথায় আমরা নিয়মানুসারে দলস্থ কয়েক জনকে হত্যাযোগ্য স্থানান্ত্রেষণে প্রেরণ করিলাম। তাহারা দুই আড়াই ক্রোশ দূরে এক বিস্তারিত জঙ্গলমধ্যে এক স্থান নির্দিষ্ট করিয়া আইল। বনের উভয় পার্শ্বে অনেক ক্রোশ পর্য্যন্ত লোকের বসতি ছিল না। মধ্যরাত্রি অতীত হইয়াছে এমনকালে পান্থ-দলকে কহিলাম এই সময়ে আইস আমরা যাত্রা করি। তদনুসারে তাহারাও চলিল। আমরা ঐ অবকাশে আপন ২ নির্দিষ্ট স্থানে উপস্থিত হইলাম। দুই ২ জন ঠগ প্রত্যেক পথিকের সঙ্গে লইল, অবশিষ্টেরা শ্রেণী-বদ্ধ হইয়া যাইতে লাগিল। ঐ দুই ২ জন ব্য-

ক্তিই এক একটি পথিককে হত্যা করিবার জন্যে নিযুক্ত হইয়াছিল। তাহারা গমন কালে পথিমধ্যে নিজ হস্তব্য ব্যক্তিকে কথাবার্তার কোশলে ভুলাইয়া লইয়া যাইতে লাগিল।

“নির্দিষ্ট স্থানে উপস্থিত হইবামাত্র ভিন্ন ২ স্থানে একেবারে সঙ্কত হইল, ও আমরা পশ্চাত্ত হইতে অগু্য পর্য্যন্ত সকলকে বিনাশ করিলাম। \*\*\* কেবল বালকটি রক্ষা পাইয়াছিল। মঞ্জল ব্রাহ্মণ তাহাকে পোষ্যপুত্র করিয়া ঠগিকর্মে সুশিক্ষিত করে। গত বৎসর সে সাগোর নগরে ধরা পড়িয়া কালাপানিতে (সমুদ্র পার্বে) প্রেরিত হইয়াছে।”

ঠগদিগের সাঙ্কেতিক বাক্য ও ধর্ম্য বিষয়ে কিঞ্চিৎ আমাদের বক্তব্য আছে; কিন্তু স্থানাভাবপ্রযুক্ত অদ্য এই স্থলেই এই প্রস্তাবের উপসংহার করিতে হইল।

\*\*

### পুয়াগ।


পুয়াগাদিতে পুয়াগের মাহাত্ম্য-বিষয়ে প্রচুর প্রশংসা আছে; পদ্মপুরাণে লিখিত আছে,

ততঃ পুণ্যতমং নাস্তি ত্রিষু লোকেষু সূতজ।  
পুয়াগং সর্বতীর্থৈঃ প্রবদন্ত্যধিকং দ্বিজাঃ ॥  
শ্রবণাত্ম্য তীর্থস্য নাম সঙ্কীর্তনাদপি।  
মৃত্তিকালভনাদ্যপি সর্বপাপৈঃ প্রমুচ্যতে ॥

“ব্রাহ্মণেরা কহেন সকল তীর্থাপেক্ষায় পুয়াগ শ্রেষ্ঠ; হে সূতজ, তাহাহইতে পুণ্যতম তীর্থ ত্রিলোকে আর নাই। তাহার নামোচ্চারণ অথবা নাম শ্রবণ কিম্বা মৃত্তিকা স্পর্শ করিলেই সর্ব পাপহইতে মুক্তি হয়”। এই পুসিদ্ধ তীর্থ কলিকাতাহইতে ৪২০ ইংরাজি ক্রোশ অন্তর। যে স্থলে গঙ্গা ও যমুনা সংমিলিত হইয়াছে সেই

সঙ্কীর্ণস্থানে ইহার স্থিতি। শাস্ত্রে লিখিত আছে, সরস্বতী নদীও এই স্থানে আসিয়া একত্রিত হইয়াছে, এবং তদর্থেই এই তীর্থের নাম “যুক্ত ত্রিবেণী” এবং সঙ্ক্ষেপে “ত্রিবেণী” হইয়াছে; কিন্তু সরস্বতীর মিলন প্রত্যক্ষ হয় না। গঙ্গা ও যমুনা নদীর মধ্যগত স্থানের নাম দোয়াব (দ্বিঅপ); এবং ঐ দোয়াবের শেষভাগে, যে স্থলে উক্ত নদীদ্বয় সংমিলিত হয়, তথায় এক নগর আছে, তাহা হিন্দুমণ্ডলী মধ্যে পুয়াগ নামে বিখ্যাত। মোগল সম্রাট আকবর পাদশাহ ঐ রম্য নগরে এক সুচারু দুর্গ নির্মাণ করাইয়া নগরের নাম পরিবর্তন করত “আল্লাহাবাদ” নামে বিখ্যাত করেন। এবং ইংরাজ ও মোসলমানদিগের মধ্যে ঐ যাবনিক নামই পুসিদ্ধ। দুর্গের যে অংশ পুয়াগ তীর্থের সম্মুখবর্ত্তি তদুপরি বায়ু সেবনার্থে এক মনোহর গৃহ আছে। তাহার ছাদ চত্বারিংশৎ স্তম্ভোপরি স্থাপিত, এই নিমিত্ত ঐ গৃহের নাম “চালীস স্তম্ভ” অর্থাৎ চত্বারিংশৎ-স্তম্ভ হইয়াছে। প্রস্তাবিত বায়ু সেবনার্থ গৃহ অতি রম্য; এবং পূর্বে মোগল সম্রাটেরা অনেকে তথায় বাস করিতেন। ১৩৪ পৃষ্ঠায় ঐ গৃহ ও পুয়াগ তীর্থের সম্মুখবর্ত্তি দুর্গাংশের এক চিত্র মুদ্রিত করা গিয়াছে, তদৃষ্টে ইহার যথার্থভাব বোধ হইবেক। এই দুর্গ ত্রিকোণাকার, চিত্রণ প্রস্তরদ্বারা নিম্নিত, এবং তাহার দুই পার্শ্বে পুশস্ত নদী ও অপর পার্শ্বে সুদৃঢ় প্রাচীর ও পরিখা আছে, অতএব বহুসঙ্খ্যক তোপ সহকারে ভিন্ন ইহা ভেদ করা অত্যন্ত দুঃসাধ্য। ইহার প্রবেশদ্বার অতি মনোহর, এবং তাহার ছাদহইতে নগর ও নদীর দৃষ্টি বর্ণনাতিরেক কমনীয় বোধ হয়। দুর্গস্থ রাজবাটার অধোভাগে মৃত্তিকা মধ্যে কয়েকটা বৃহৎ ২ গৃহ আছে।





প্রয়াগ।

গুপ্তকালের মধ্যাহ্ন-সময়ে যখন দুর্গস্থ প্রস্তর নির্মিত-অউলিকা রৌদ্রে উত্তপ্ত হইয়া উঠে, তখন ঐ মৃত্তিকাধঃস্থ গৃহ-সকল সুখদ শীতল বায়ুতে পূর্ণ থাকে, এতৎপ্রযুক্ত অনেকে তথায় গমন করিয়া তত্রত্য শীতল বায়ু-সেবনদ্বারা প্রয়াগ-দেশের দুঃসহ গুপ্ত-যাতনাহইতে নিষ্কৃতি লাভ করেন।

যদিচ অনেক মোগল সম্রাটেরা অতি রম্য বোধ করিয়া প্রয়াগনগরে বাস করিতেন, তথাপি এতন্নগরে প্রশস্ত অউলিকাদি অধিক নাই; ও ধনাঢ্য মুসলমান পুজার সংখ্যাও অল্প; নগরস্থ লোকের অধিকাংশই হিন্দু তীর্থযাত্রিক, এতৎপ্রযুক্তই দিল্লী আগরা ও অপরাপর প্রদেশের যবনেরা ঐ নগরকে “ফকীরাবাদ” অর্থাৎ ভিক্ষুকাবাস শব্দে কহে।

যমুনা নদীর তটে কয়েকটা সুন্দর সোপান আছে, কিন্তু তত্ত্বাবধারণ না থাকায় অধুনা তাহা ভগ্ন দশা প্রাপ্ত হইয়াছে, এবং তদ্বারা বাতাস্রাত করাও ক্লেশকর হইয়াছে।

প্রয়াগের প্রসিদ্ধ অউলিকার মধ্যে “জমা মসজিদ” নামক যাবনিক ভজন-স্থান সর্বাগুণ্য। যমুনা-নদীতটে বৃক্ষরাজি-সুশোভিত প্রশস্ত-বীথিপরিবেষ্টিত ঐ মসজিদ অত্যন্ত কমণীয় বোধ হয়। ইহার কিয়দূরে রাজকুমার খোসরোর আজায় নির্মিত এক পান্থশালা (সরাই) ও উদ্যান আছে। ঐ উদ্যান দুই জন যবন রাজকুমার ও এক রাজকন্যার সমাধি স্থান। তত্রত্য বৃক্ষরাজির শোভা ও সমাধি-গৃহের সৌন্দর্য বর্ণনাহীত আশ্চর্য্য; কিন্তু রক্ষকাভাবে অধুনা তাহার অনেক দুর্দশা ঘটিয়াছে, এবং, বোধ হয়, ত্বরায় লোপ হইবে। প্রাচীন পদার্থের মধ্যে প্রয়াগ নগরে এক অতুল্য জয়স্তম্ভ আছে। তাহা প্রসিদ্ধ বৌদ্ধ

সম্রাট অশোক রাজা স্থাপিত করিয়া তদুপরি এক শাসন-পত্র খোদিত করিয়াছিলেন। তাহার পরলোকান্তর বহুকাল ঐ স্তম্ভ কোন হিন্দু-রাজার লক্ষ্য হয় নাই। ৮০০ অব্দে কনৌজাধিপতি শূদ্দ রাজা সমুদ্র গুপ্ত ঐ স্তম্ভোপরি অপর এক অনুশাসন-পত্র খোদিত করান। তৎপরে জনৈক মোগলমান সম্রাটও এক বিজয় খোদিত করিয়াছিলেন। প্রয়াগ তীর্থে মূগ্ধ, স্নান ও মহাপ্রস্থান-বিষয়ক বিধি পাঠকবন্দ সকলেই জ্ঞাত আছেন, অতএব নিরর্থক বোধে এস্থলে তাহার উদ্ধার করায় কান্ত রহিলাম।

### প্রাকৃত-ভূগোল।

অনুষ্ঠান-প্রকরণ।

যে বিদ্যাদ্বারা পৃথিবীর আকৃতি, ধর্ম, বিভাগ, গতি ও সম্বন্ধ জ্ঞাত হওয়া যায়, তাহার নাম ভূগোল-বিদ্যা।

ঐ বিদ্যার মূলভার্থে ভূগোলবেত্তারা তাহাকে তিন অংশে বিভাগ করিয়াছেন। ভূগোল-বিদ্যার যে অংশে পৃথিবীর অবয়ব নিরূপণ করে, গৃহদিগের সহিত তাহার পরস্পর সম্বন্ধ অনুসন্ধান করে, তাহার গতি বেগ ও তৎপ্রথা সাব্যস্ত করে, তাহার পরিমাণ স্থির করে, গৃহাদির দৃষ্টিদ্বারা পৃথিবীস্থ স্থান-সকলের পরস্পর দূরতানির্ণয় করে, মানচিত্র-নির্মাণের প্রথা প্রদর্শন করে; ফলতঃ যে অংশ অঙ্কশাস্ত্রের সাহায্য ভিন্ন বোধগম্য হয় না:—তাহার নাম “অঙ্ক-ভূগোল” বা “গণিত-ভূগোল”। দ্বিতীয়, যে অংশে জল স্থল বিভাগ,—সমুদ্র, হ্রদ ও নদীর ধর্ম,—জলের লবণাক্ততা স্রোত জোয়ার ও উফতার বিবরণ,—পর্বত, অধিত্যকা, উপত্যকা, ক্ষেত্র ও দ্বীপভেদ,—বায়ুর গতি, ভূমিকম্প, মীহারস্ফোট, বৃষ্টির নিয়ম, ঋতুর ক্রম, দেশ ও ঋতুভেদে মনুষ্য-পশু-পক্ষী-বৃক্ষ-স্তুর ক্রম, দেশ ও ঋতুভেদে মনুষ্য-পশু-পক্ষী-বৃক্ষ-স্তুর ক্রম, দেশ ও ঋতুভেদে মনুষ্য-পশু-পক্ষী-বৃক্ষ-স্তুর ক্রম,—ইত্যাদি পৃথিবীর প্রকৃতিবস্তুর বিবরণ বিষয়ক বিদ্যার আলোচনা থাকে, তাহার নাম “প্রাকৃত-ভূগোল”। অপর যে অংশে রাজ্য, দেশ, নগর, গ্রাম, লোক-



সঙ্খ্যা বাণিজ্যাদি বিষয়ের বিবৃতি থাকে, তাহার নাম “ব্যবহারিক-ভূগোল”।

অঙ্কভূগোল অতি দূরহ বিদ্যা। বীজগণিত, রেখা-গণিত, ও জ্যোতিঃশাস্ত্রে সুন্দর দৃষ্টি না থাকিলে তাহার পরিজ্ঞান হওয়া অসাধ্য; অপর ঐ বিদ্যা সাময়িক পত্রে বিচারোপযুক্ত নহে, সুতরাং তাহার উল্লেখ করণে অধুনা স্ফূটন নাই। ব্যবহারিক-ভূগোলও সাময়িক পত্র পাঠকদিগের মনোরঞ্জক নহে, এবং তদ্বিষয়ের অনেক গুহুও সুপ্রাপ্য আছে, অতএব তাহাও এই প্রস্তাবকর্তার লক্ষ্য নহে। অবশেষে প্রাকৃত-ভূগোল। বঙ্গভাষায় তদ্বিষয়ে কোন গুহু নাই; ও তাহার পরিজ্ঞান বিশেষ ফলদায়ক; তাহার আলোচনায়, বোধ হয়, অনেকে মুতুষ্ট হইতে পারেন, অতএব তদর্থে মধ্যে ২ বিবিধার্থের দুই তিন পত্র নিয়োগ করিলে কাহার বিরক্তি হইবার সম্ভাবনা নাই।

প্রাকৃত পদার্থের ধর্ম বিচার দুই প্রকারে সুসাধ্য; প্রথম, কার্য্য দৃষ্টে ধর্মের অনুমান; দ্বিতীয়, ধর্ম দৃষ্টে কার্য্যের নির্ণয়। পরিভাষায় এই প্রকারদ্বয়কে হেতুসাধন ও সাধ্যসাধন শব্দে কহে। বৃক্ষহইতে আমু ভূমিতে পতিত হইল, এই কার্য্য দৃষ্টে পৃথিবীর আকর্ষণ শক্তি আছে, এই বিধির উদ্ভাবন করার নাম হেতুসাধন। অপর গুরুপদে, মানসিক কল্পনা বা অন্য কোন উপায়দ্বারা পৃথিবীর আকর্ষণ শক্তি আছে, এই বিধি স্থির করত, আমুর পতন প্রাপ্তি সেই বিধির প্রয়োগের নাম সাধ্যসাধন। অব্যক্ত ধর্মের অনুসন্ধানার্থে হেতুসাধন অত্যন্ত প্রয়োজনীয়, তৎসাধ্য ভিন্ন পদার্থ-বিদ্যার উপকার দর্শে না। কিন্তু উপদেশার্থে সাধ্যসাধন ফলদায়ী, অতএব এই প্রস্তাবে তাহারই অবলম্বন করিব।

### দ্বিতীয় প্রকরণ।

জল স্থল ভেদ।

বহুল প্রমাণদ্বারা সপ্রমাণ হইয়াছে, পৃথিবী কদম্ব-কুমুদবৎ গোলাকার; পরন্তু তাহার উপরিভাগ সম নহে; কোন স্থান উচ্চ কোন স্থান নিম্নভাবে অবস্থিতি করিতেছে। উর্দ্ধভাগাপেক্ষায় নিম্নভাগ প্রশস্ত, এবং তাহার সর্বত্র জলে পরিপূর্ণ। ভূগোলবেত্তারা অনুমান করেন জলপূর্ণ নিম্নভাগে পৃথিবীর দশাংশের সাত অংশ স্থান

ব্যাপ্ত করে; অবশিষ্ট তিন অংশ মাত্র উচ্চ; এবং তাহাই স্থল।

ভূগোলের মানচিত্র প্রতি দৃষ্টি করিলেই স্ফট প্রতীতি হয় যে পৃথিবী কথকগুলি দ্বীপের সমষ্টি। ঐ দ্বীপ বা ভূমিখণ্ড-সকল এক বৃহৎ জলশয্যায় বিস্তারিত আছে। ঐ জলশয্যার নাম সমুদ্র। তাহা পৃথিবীর ভূভাগের সর্বত্র বেষ্টিত করে, কুত্রাপি বিচ্ছেদ নাই; ফলতঃ পৃথিবীমণ্ডলে এক মাত্র সমুদ্র আছে। কিন্তু ঐ মহাসমুদ্রের সর্বত্র সম-ভাববিশিষ্ট নহে; স্রোত-স্রব্বাদি-ভেদে স্থানে ২ তাহার লক্ষণ ভেদ হয়। তদ্বক্ষে ভূগোলবেত্তারা তাহাকে দুই খণ্ডে বিভাগ করেন; প্রথম, প্রাচ্যগর্ভ, দ্বিতীয়, পূর্বা-গর্ভ। প্রাচ্যগর্ভ ৪খণ্ডে বিভক্ত; তদ্যথা ১ কুমেরু-সমুদ্র, ২ দক্ষিণ-সমুদ্র, ৩ ভারত-সমুদ্র, ৪ স্থির-সমুদ্র। পূর্বাগর্ভ সূমেরু ও আন্তান্ত্রিক সমুদ্রে বিভক্ত। এই ছয় সমুদ্রের নাম ও স্থিতি ভূগোলের মানচিত্র দৃষ্টে অনায়াসেই ব্যক্ত হয়, অতএব এস্থলে তাহার বিবরণ করা বাহুল্য।

ভূগোলের স্থল-খণ্ড-সকল সর্বত্র সমতুল্য নহে; পরিমাণ ও আকৃতি বিষয়ে অত্যন্ত ভেদ আছে। সামান্য মানচিত্রের বামপার্শ্বে যে খণ্ড দৃষ্ট হয়, তাহাই সর্বা-পেক্ষায় বৃহৎ। ইংরাজেরা তাহাকে “প্রাচীন-পৃথী” কহেন। এই খণ্ডের প্রধান অংশের নাম আশিয়া খণ্ড, ও অপর অংশদ্বয়ের নাম ইউরোপ এবং আফ্রিকা। বস্তুতঃ ইউরোপ আশিয়া খণ্ডের এক বাহু মাত্র, ও আফ্রিকা এক দ্বীপ বিশেষ; বোধ হয়, তাহার উৎপত্তির বহুকাল পরে কোন কারণবশত এক সঙ্কটস্থল-দ্বারা আশিয়া খণ্ডের সহিত সংযুক্ত হইয়াছে। ফলতঃ ইউরোপ ও আশিয়া এক মহাদ্বীপ ও আফ্রিকা অপর এক দ্বীপ, উভয়ে এক সঙ্কটস্থল-দ্বারা মিলিত হইয়া পৃথিবীর পূর্বার্ধ সম্পূর্ণ করে।

মানচিত্রের দক্ষিণভাগে যে বৃহৎ ভূমিখণ্ড দৃষ্ট হয় তাহাকে ইংরাজেরা “নূতন পৃথী” কহেন; কারণ পূর্ষতন কালে ইহার অস্তিত্ব বিষয়ে তাহাদিগের পরিজ্ঞান ছিল না; সন্বৎ ১৫৫১ অব্দে অমরিকস্ নামা এক জন নাবিক, ও তাহার কিঞ্চিৎ পরে কলম্বস্ নামা বিখ্যাত নাবিক, ঐ বৃহৎ পৃথী-খণ্ডের উদ্ভাবন করেন। পূর্ষার্ধের ন্যায় পৃথীর এই অপরাধও দ্বীপদ্বয়ের সমষ্টি। আশিয়া ও আফ্রিকা যে প্রকারে এক স্থল-সঙ্কট-দ্বারা সম্মিলিত, উত্তরার্ধের দ্বীপদ্বয়ও তদ্রূপ এক স্থল-সঙ্কট-দ্বারা সং-যোজিত; \* কিন্তু ঐ স্থলসঙ্কটদ্বয় সমধর্মাপন্ন নহে; সুয়েজ

স্থলসঙ্কট বালুকাময়, ও পানামা গুনিট নামক মৃদুচ প্রস্তরদ্বারা নির্মিত। পৃথীর উত্তরার্ধের নাম আমরিকা এবং স্থিতিভেদে উত্তর ও দক্ষিণ শব্দদ্বারা পৃথক হয়।

অঙ্কভূগোলবেত্তারা পৃথিবী মণ্ডলোপরি নানাবিধ রেখা কল্পনা করিয়া থাকেন। পৃথীর মধ্যভাগে পূর্ষ পশ্চি-মে দীর্ঘ যে রেখা কল্পনা করেন, তাহার নাম নিরক্ষবৃত্ত। ঐ রেখা পৃথিবীকে উত্তর দক্ষিণ এই দুই খণ্ডে বিভাগ করে। উক্ত খণ্ডদ্বয়ের উত্তরার্ধে ভূমিভাগ অধিক, দক্ষিণার্ধে অভাৱ। পূর্ষার্ধে রেখার উত্তরপার্শ্বে কিয়দূর অন্তরে অপর দুই রেখা কল্পনা করেন, তাহাদিগের নাম অযনান্তবৃত্ত। তদনন্তর অপর দুই রেখা আছে, তাহাদের নাম কুমেরু ও সূমেরু বৃত্ত। অযনান্তবৃত্তদ্বয়ের মধ্য-গত স্থানের নাম গুয়ামগুণ্ড; তদুত্তরপার্শ্বে, সমমণ্ডলদ্বয়, ও তৎপরে সূমেরু ও কুমেরু বৃত্তের পার্শ্বে হিমমণ্ডলদ্বয়। এই মণ্ডল পঞ্চকে জল স্থলের বিশেষ অসমতা আছে।

নিরক্ষবৃত্তের উত্তরে উত্তরায়ণান্তবৃত্ত পর্যন্ত সমস্ত স্থানের সহস্রাংশের ২৯

অংশ স্থল, অবশিষ্ট জল।

উত্তর-সম-মণ্ডলের সমস্ত স্থানের সহস্রাংশের ৫৫২

অংশ স্থল, অবশিষ্ট জল।

সূমেরু হিম মণ্ডলের

ঐ ঐ ৪০০

অংশ স্থল, অবশিষ্ট জল।

নিরক্ষবৃত্তের দক্ষিণে দক্ষিণায়নান্তবৃত্ত পর্যন্ত ঐ ঐ ৩১২

অংশ স্থল, অবশিষ্ট জল।

দক্ষিণ-সম-মণ্ডলের

ঐ ঐ ৫১৭

অংশ স্থল, অবশিষ্ট জল।

কুমেরু মণ্ডলের

ঐ ঐ ০০০

অংশ স্থল, অবশিষ্ট জল।

ফলতঃ পৃথিবীর উত্তরার্ধে ১৬ অংশ ভূমি ও দক্ষিণার্ধে ৫ অংশ। পৃথিবীর একার্ধে এতাদৃশ অধিক ভূমি ও অপরাধে তাহার স্বল্পতা দৃষ্টে ভূগোলবেত্তারা বহুকালাবধি কল্পনা করিতেন যে দক্ষিণ সমুদ্রে কোন স্থানে আশিয়াদি ভূমিখণ্ডের ন্যায় এক বৃহৎ দ্বীপ আছে, কিন্তু কেহই তাহার অনুসন্ধান করিতে পারেন নাই। ত্রয়োদশ বর্ষ হইল উয়িল্কস্ নামা জনৈক মার্কিন নাবিক অস্ত্রেলিয়া দ্বীপের দক্ষিণে পৃথিবীর প্রান্তভাগে এক বিস্তীর্ণ

\* সামান্য ভূগোল গুহু এই স্থলসঙ্কটের নাম “পানামা উত্তরমধ্যস্থান”; কিন্তু সঙ্গীর্ণ স্থানকে উত্তরমধ্যস্থান শব্দে বিধান করিতে আমাদিগের অভিরুচি হইল না।

ভূমিখণ্ড দৃষ্টি করিয়াছিলেন। অধুনা তাহাই ঐ কল্পিত দক্ষিণ-খণ্ডের প্রতিনিধি হইয়া তন্নামে বিখ্যাত হইয়াছে; কিন্তু যে সময়ে উয়িল্কস্ সাহেব তৎস্থানে উপনীত হইয়াছিলেন, তৎকালে তাহা নীহারে মগ্ণিত ছিল, তৎপ্রযুক্ত তাহার বিশেষ বিবরণ অদ্যাপি প্রচার হয় নাই।

প্রস্তাবিত ভূমিখণ্ড-ত্রয়ের চতুর্ভুক্তি অনেক দ্বীপ আছে; এবং ক্রমশঃ অপর অনেক দ্বীপ সমুদ্রহইতে উৎথিত হইতেছে, ও কোন ২ দ্বীপ জলধিতে নিমগ্ন হইয়া বিলুপ্ত হইতেছে। ভূগোলবেত্তারা সপ্রমাণ করিয়াছেন, নূতন গিনি নামক দ্বীপের পূর্ষে যে কতকগুলি ক্ষুদ্র দ্বীপ শ্রেণী-বদ্ধ হইয়া আছে, পূর্ষে তাহার পরল্পর মিলিত হইয়া বৃহৎ দ্বীপাকারে ব্যক্ত ছিল; সমুদ্রের আজমণে ছিন্ন-ভিন্ন হইয়া তাহার অধিকাংশ জলে নিমগ্ন হইয়াছে, এবং অবশিষ্ট ভাগ ক্ষুদ্র দ্বীপাকারে পরিণত হইয়াছে; ও ঐ ক্ষুদ্র দ্বীপব্যুৎ ক্রমশঃ জলে নিমগ্ন হইতেছে। পরন্তু ঐ রহস্য-ব্যাপারের বিবরণ পর্ষত-মূর্খের বিবরণ না জ্ঞাত হইলে স্ফট বোধগম্য হইবে না, অতএব আদৌ পর্ষত-মূর্খের বিবরণ বক্তব্য।

### বঙ্গভাষানুবাদক সমাজের মাসিক কার্য্যের বিবরণ।

গত ৮ই জুলাই দিবসে মেং ওয়ায়িলী সাহেবের বাটীতে উক্ত সমাজের মাসিক বৈঠক হয়; তাহাতে শ্রীযুক্ত ওয়ায়িলী, শ্রীযুক্ত সিটনকার, শ্রীযুক্ত বেলী, শ্রীযুক্ত কালুবিন, শ্রীযুক্ত প্রাট, শ্রীযুক্ত পাদরি লং, শ্রীযুক্ত বাবু রসময় দত্ত এবং শ্রীযুক্ত ইশ্বরচন্দ্র বিদ্যা-নাগর উপস্থিত ছিলেন; এবং তাহারা নিম্নে লিখিত প্রস্তাব-সকল গৃহ্য করিয়াছেন।

প্রথম। কলম্বসের জীবনচরিত গুহুর কোন ২ স্থান পরিবর্জন করিয়া, স্থানে ২ টিপ্পনী ও এক ভূমিকা সহযোগপূর্বক, বঙ্গভাষায় অনুবাদ করা কর্তব্য।

দ্বিতীয়। সেকুপিয়ার সাহেবের গুহুহইতে লাঘ সাহেব কর্তৃক সঙ্কলিত গম্পোর অনুবাদ যাহা



ডাক্তর রোয়র সাহেব প্রস্তুত করিয়াছেন, তাহা অবিলম্বে প্রকাশ করা কর্তব্য।

তৃতীয়। ভবিষ্যতে যে কোন গুহ অনুবাদ করণের অনুমতি হইবে, অনুবাদক আদৌ তাহার কিয়দংশ অনুবাদ করিয়া সমাজে সমর্পণ করিবেন। সমাজ তাহার রচনার পারিপাট্য নিকাপার্থে তাহা শ্রীযুক্ত ঈশ্বরচন্দ্র বিদ্যাসাগর ও শ্রীযুক্ত পাদরি জে. রবিন্সন সাহেবকে সমর্পণ করতঃ তাঁহাদের অভিপ্রায় লইবেন; ও রচনা উত্তম বোধ হইলে পর ঐ আদর্শ পাদরি লং সাহেবকে সমর্পিত করিবেন। তিনি তাঁহাদের গুণ্য পাঠশালায় তাহা পাঠ করিয়া নিকাপণ করিবেন, ঐ রচনা গুণ্য বাসকদিগের বোধগম্য হয় কি না।

দ্বিতীয়। “ইজিপশিয়ন” নামক গুহের বঙ্গানুবাদ কি প্রকার হইয়াছে তাহা নিকাপণান্তর সমাজকে বিজ্ঞাপন করণার্থে শ্রীযুক্ত ঈশ্বরচন্দ্র বিদ্যাসাগর, শ্রীযুক্ত হরচন্দ্র দত্ত, শ্রীযুক্ত শ্যামাচরণ সরকার এবং শ্রীযুক্ত পাদরি জে. রবিন্সন সাহেবকে অনুরোধ করা কর্তব্য।

শ্রীযুক্ত প্রাট সাহেব সমাজকে জ্ঞাত করিলেন, যে ডাক্তর বেডফোর্ড সাহেব প্রস্তাব করিয়াছেন, এতদেশীয় ব্যক্তিবৃহের উপদেশার্থে পুজাবর্গের সুস্থতা বিষয়ক কয়েকটা প্রবন্ধ ইংরাজিতে রচনা করা কর্তব্য। তাহাতে অনুমতি হইল, ডাক্তর বেডফোর্ড সাহেবকে অনুরোধ করা যায়, তিনি আদৌ এতরূপ একটি প্রস্তাব রচনা করিয়া সমাজে সমর্পণ করুন।

শ্রীযুক্ত উডরো সাহেবের অভিপ্রায়ানুসারে শ্রীযুক্ত প্রাট সাহেবকে অনুরোধ করা গেল, যে তিনি পূর্বোক্ত সাহেবের নিকট হইতে সমাজের সাঙ্গাদক্য কর্মের ভার গৃহণ করুন।

### দৃষ্টান্ত-বিন্দু।

সময় বুঝিয়া কথা না কহিলে তাহা উৎকৃষ্ট হইলেও কাহারও ভাল লাগে না, যেমন যুদ্ধে শত্রুর সর্বনাশ। ১।

উপযুক্ত সময়ের কথা নিকৃষ্ট হইলেও সকলকে ভাল লাগে, যেমন বিবাহ কালের গালি। ২।

যাহা হইতে লভ্য সম্ভাবনা থাকে তাহার আশা করা উচিত হয়, শুষ্ক সুর্য্যোবর হইতে কাহারো পিপাসা দূর হইতে পারে না। ৩।

যাবৎ কিছু না কহে তাবৎ ভাল মন্দ কিছু জানা যায় না, যেমন বসন্তকালে স্বরনাভ্রের শুবণে কাক ও কোকিলের ইতর বিশেষ করা যায়। ৪।

দুইটা মিষ্টবাক্য কহিলেই উত্তমের অভিমান শান্তি হয়, যেমন কিঞ্চিৎ সুখজনক প্রক্ষেপেতেই আবর্তনকালীন দুখের ক্ষীণতার নিবৃত্তি হইয়া থাকে। ৫।

সকলেই বলবানের সাহায্য করে দুর্বলের সহায় কেহ নাই, যেমন গৃহ ও বনদাহের কালে বায়ু সেই অগ্নির সহায় হয়, কিন্তু প্রদীপ নির্বাণ করিয়া ফেলে। ৬।

সবলের কিছু করিতে না পারিয়া সকলেই দুর্বলের উপরি বল প্রকাশ করে, যেমন প্রবল বায়ুতে পর্বত নাড়িতে পারে না, কিন্তু বৃক্ষ-সকল সমূলে উন্মূলন করিয়া ফেলে। ৭।

যে যাহাতে মজিয়া থাকে তাহার তাহাতেই কচি, যেমন ইক্ষুর মধ্যগত কাঁচ আনুকলে থাকিতে পারে না। ৮।

পরস্পরের স্বভাবের এক হইলেই উভয়ের মনের এক হয়, যেমন দধিসংযোগে দুধ জমে, কিন্তু কাঁজি দিলেই ছিন্ন হইয়া নষ্ট হয়। ৯।



## বিবিধার্থ-সঙ্গ্রহ,


অর্থাৎ

পুরাতত্ত্ব-ইতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

২ পর]

শকাব্দ ১৭৭৫, শ্রাবণ।

[২০ খণ্ড।



### পাটনা।

পাটনা অতি প্রাচীন ও প্রসিদ্ধ নগর। পরন্তু যে স্থানে ইহার স্থিতি তাহা ঐ নগর অপেক্ষাও প্রসিদ্ধ। ভুবন-বিখ্যাত পাটলিপুত্র নগর, যাহার অতুল বিভব ও অপৰ্যাপ্ত সৌন্দর্য হইতে “কুসুম পুর” আখ্যার উৎপত্তি হয়,—যাহা রামায়ণ, মহাভারত,

মুদ্রারাক্ষসাদি এতদেশীয় সমস্ত প্রসিদ্ধ প্রাচীন গুহে বর্ণিত আছে,—যাহাতে অবস্থান করিয়া নন্দ-চন্দ্রগুপ্তাদি দোদগু-পুতাপাশ্বিত ভূপাল-সকল ভারতবর্ষের আধিপত্য করিয়া গিয়াছেন,—পূর্বকালে সেই মহানগর ঐ স্থানে ছিল। ঐ নগর কলিকাতা হইতে প্রায় ৪০০ জ্যোতিষি ক্রোশ অন্তর। গঙ্গার বামতটে এক উচ্চ প্রস্তরময় স্থানে



তাহার স্থিতি; এবং অধুনা বাহার অঞ্চলের প্রধান নগররূপে গণ্য। তাহার ঐশ্বর্যের আধিক্যতা জ্ঞাপনার্থে ঐ মহানগর “পাটনা” ও তদপভূংশে “পাটনা” শব্দে বিখ্যাত হইয়াছে।

ঋতুভেদ-বিষয়ে বঙ্গদেশ ও পাটনায় কোন ইতরবিশেষ নাই; উভয়ত্রই হিম-শিশির-গুম্ম-বর্ষার সম প্রভাব আছে; কিন্তু বঙ্গ-দেশের বায়ু বাষ্প-পূর্ণ ও অসুস্থজনক; পাটনার বায়ু শুষ্ক ও স্কুতিপ্ৰদ: বিশেষতঃ প্রাতঃকালে ও অপরাহ্নে তত্রত্য বায়ু নিতান্ত সুখদ বোধ হয়, এবং তৎসময়ে নদীতটে বা প্রশস্ত তৃণক্ষেত্রে পর্যটন করা বিশেষ মনঃপ্ৰসাদক।

মোগল সম্রাটদিগের রাজ্য সময়ে পাটনা নগর বারংবার শত্রুকর্তৃক আক্রমিত হইয়াছিল, এবং তাহাতে অনেক অনিষ্টও ঘটিয়াছিল। কিয়দংশে এই আপদের নিরাকরণার্থে কোন নগরাধিপ তাহার চতুর্দিকে এক প্রশস্ত প্রাচীর ও উপযুক্ত স্থানে এক দুর্গ স্থাপন করিয়াছিলেন। ঐ প্রাচীর অধুনা ভগ্ন দশাপন্ন—(ভারতবর্ষের কোন স্থান অধুনা ভগ্ন দশাপন্ন নহে?)—পরন্তু তদৃষ্টে নগরের দৃঢ়তা সম্যক প্রতীতি হয়।

অত্যন্ত মনোহর বা অত্যন্ত বৃহৎ বিশেষ আশ্চর্যজনক অট্টালিকাদি কোন প্রাচীন বস্তু এতন্নগরে দৃষ্ট হয় না। পরন্তু মোসলমানদিগের সৌভাগ্যকালের চিহ্ন-স্বরূপ অনেক পদার্থ তথায় আছে। ধনাঢ্যদিগের বাটী-সকল প্রশস্ত এবং সুন্দর, ও তাহাদের সঙ্খ্যাও প্রচুর। প্রায় সকল বাটীর সম্মুখে খোদিত কাঠের বারান্দা আছে। দেবালয় ও যাবিনক ধর্মস্থানও অনেক। গঙ্গার গর্ভস্থিত দুই ক্রোশ স্থান ব্যাপ্ত ঐ সকল প্রস্তরময় দেবালয়ের চূড়া, মসজিদের গুম্বুজ, (গোলাকার চূড়া) দুর্গের প্রাচীর ও গার্হস্থ্য

প্রাসাদের বারান্দা অতি কমনীয় বোধ হয়, এবং তরনিস্ত্র ভ্রমণকারির মনে নগরের ঐশ্বর্য বিষয়ে অনেক সন্দাবের উদয় করে।

পাটনা তীর্থ-স্থানের মধ্যে গণ্য নহে; সুতরাং তাহাতে ধর্মোন্মুখ যাত্রির সমাগম নাই, এবং কোন দেব মন্দিরও বিশেষ বিখ্যাত নাই। পাটনাদেবী বা পাটনেশ্বরী দেবীর দুই মন্দিরই সর্বাপেক্ষায় প্রসিদ্ধ; কিন্তু তাহা নব্য এবং যৎসামান্য।

নগরের পশ্চিম পার্শ্বে শাহ অজ্জানির ইমাম-বাড়া নামক এক বিস্তৃত যাবিনক ভজন-গৃহ আছে; মহরম-পর্বোপলক্ষে তাহাতে লক্ষাধিক লোকের সমাগম হইয়া থাকে।

নগরের লোক-সঙ্খ্যা ২,৮৪,১৯৪; তন্মধ্যে বাহার প্রদেশের প্রসিদ্ধ রাজা কল্যাণ সিংহের পৌত্র রাজা ভূপসিংহ সর্বাগুণ্য; তিনি অধুনা ইংরাজ রাজপুত্রদিগের নিকট ২৫,৪৯৪ টাকা বার্ষিক বিত্ত প্রাপ্ত হইয়া থাকেন। সর্বাপেক্ষায় ধনাঢ্য মহাজন মীর আবদুল্লা। তিনি যাবিনক ধর্মশাস্ত্রের সুদ-গুহণ-নিষেধ অগ্ৰাহ্য করিয়া অর্থ কজ্জ-দেওন ব্যবসয়ে আপন সম্পত্তি অপব্যয়িত বৃদ্ধি করিয়াছেন। হিন্দু অপেক্ষায় মোসলমান জাতি অধিক। হিন্দুমধ্যে কাহার এবং কুর্মি অধিক। বুদ্ধগণ ক্ষত্রিয় ও রাজপুত্রও অনেক আছে, কিন্তু কায়স্থাদি বঙ্গ-দেশে-প্রসিদ্ধ জাতি অতি বিরল। নগর-মধ্যে চামার (চর্মকার) ও ডোম জাতির বসতি নাই। নগর-প্রান্তে ঐ অন্ত্যজ জাতির বাস করে। তাহার শিল্পকার্যে সুনিপুণ। চর্ম-কারেরা যে সকল অশ্বসজ্জা প্রস্তুত করে তাহা “দানাপূরে মাজ” নামে কলিকাতায় প্রসিদ্ধ আছে।

প্রসিদ্ধ নগরের চতুর্ভুক্তি স্থান প্রায় ঐ নগরের নামে বিখ্যাত হয়; প্রভেদ করণার্থে তৎপূর্বে

কেবল প্রদেশ জ্ঞাপক “জিলা” শব্দের প্রয়োগ হইয়া থাকে; তদনুসারে বারাণসী নগরের চতুর্ভুক্তি স্থান জেলা বারাণসী, দিল্লীর চতুর্ভুক্তি স্থান জেলা দিল্লী, বর্ধমান নগরের চতুর্ভুক্তি স্থান জেলা বর্ধমান নামে প্রসিদ্ধ হইয়াছে। পাটনার চতুর্ভুক্তি স্থান জেলা-পাটনা; তাহাতে পাটনাতিরিক্ত বাঁকিপুর, নোবংপুর, বৈকুণ্ঠপুর, দানাপুর, শেরপুর, কাটুকা, জয়পুর, এবং ফলওয়ারি নামক নগর-সকল আছে; তন্মধ্যে দানাপুর, সর্বতোভাবে প্রসিদ্ধ। ইংরাজদিগের কয়েক দল সেনা ঐ স্থানে নিবাস করিয়া থাকে, এবং তাহাদিগের নিবাস-গৃহ অতি প্রশস্ত ও মনোহর। পাটনা জিলার বিখ্যাত-নদীর সঙ্খ্যা ছয়, যথা পুষ্পুন, মোরহর, দর্ধা, সৌগর, মোহনা, এবং পঙ্গওয়ার। তন্মধ্যে প্রথমোক্ত দুই নদীতে বর্ষাকালে তরণির যাতায়াত হইয়া থাকে, অপর নদীরা অতি ক্ষুদ্র, এবং তরণির গম্য নহে।

পাটনা জিলায় যে সকল পদার্থ উৎপন্ন হয় তন্মধ্যে অর্ধেকের সর্ব-প্রধান; তত্রত্য ১৪,২৭১ বিঘা ভূমি ঐ পদার্থ উৎপাদনার্থে নিয়োগ হইয়া থাকে, ও পুতি বিষায় প্রায় ৩ অর্ধি ১২ সের আফিম উৎপন্ন হয়। অপর পাটনাই গজি, দো-সুতি, মেজের চাদর, ও তোয়ালে নামক গাত্র স-ম্মার্জনী সকলেই জ্ঞাত আছেন। তত্রত্য শস্য-সকলও উত্তম; পরন্তু তদ্বিষয়ে অধুনা মনোনিবেশ করিতে প্রস্তাবকারের অভিপ্রায় নাই। স্থানান্তরে আফিম প্রস্তুত-করণের পুথা বিবৃত হইয়াছে; অপর-পদার্থ-বিষয়ে পাঠকদিগের অভিকৃতি অনুসারে পরে বিহিত করা যাইবেক।

### সওয়াই জয়সিংহের চরিত্র।

মান সিংহের মৃত্যুর পর তাহার পুত্র রাও ভাউ সিংহ ঢুগার-দেশের আধিপত্য প্রাপ্ত হন। তিনি পৈতৃক রাজ্যের সহিত পিতৃগুণের ভাগধেয় লাভ করেন নাই, সুতরাং মানসিংহের রাজ্য তাহার হস্তে চ্যুতগৌরব হইয়াছিল। স্বাভাবিক অস্পামতি, ও সতত মদ্যপানে অনুরক্ত ঐ নির্বীর্য ভূপতি অস্পকালমাত্র রাজদণ্ড ধারণ করিয়াছিলেন; পাঁচ বৎসর মধ্যেই তাহার পরলোক প্রাপ্তি হয়। তাহার পুত্র মহাসিংহও সুরা ও লাম্পাট্য বশতঃ ত্বরায় শমন সদনে প্রেরিত হয়।

মোগল-সম্রাটদিগের নিকট মানসিংহ যে প্রকার সম্মান লাভ করেন, তাহার অকর্মণ্য পুত্র ও পৌত্র তাহা প্রাপ্ত হয় নাই; যোধপুর ও বীকানের দেশের ভূপতির সেই মান একে-বারে অপহরণ করিয়াছিলেন; বিশেষতঃ জাহাঙ্গির পাদশাহের সহিত বীকানের দেশের রাজদুহিতা বিখ্যাতা যোধা-বাইর পরিণয় হওয়াতে জাহাঙ্গিরের সভায় ঢুগারাধিপদিগের অনু-রোধ অগ্ৰাহ্য হইয়াছিল।

ঐ যোধা-বাইর মন্ত্রণায় জাহাঙ্গির মহা-সিংহের মৃত্যুর পর তাহার উত্তরাধিকারিকে ঢুগার রাজ্য প্রদান না করিয়া মান সিংহের ভ্রাতা জগৎ সিংহের পৌত্র জয় সিংহকে সমর্পণ করেন। কথিত আছে জাহাঙ্গির রাজপুত্রী \* মহি-নার সহিত পরামর্শ স্থির করিয়া অন্তঃপুরের বারান্দাহইতে জয় সিংহকে “আম্বের রাজ” এই বাক্যদ্বারা সম্বোধন পূর্বক কহিলেন; “যোধা-

\* স্ত্রীকে রাজপুত্র শব্দের উত্তর ঈপ্ হইয়া রাজপুত্রী শব্দ নি-  
ষ্কন্ন হয়, কিন্তু রাজবারা দেশে রাজপুত্রী শব্দই বিখ্যাত।



বাইর অনুগৃহে তুমি রাজ্য প্রাপ্ত হইলে; অতএব তাঁহাকে সেলাম কর”। কিন্তু রাজপুত্র-ব্যবহারানুসারে রাজপুত্র-রাজার স্বজাতীয় স্ত্রীকে সেলাম করা প্রথা নহে, অতএব জয়সিংহ কহিলেন; “আপন পরিবারের অন্য কোন মহিলাকে সেলাম করিতে প্রস্তুত আছি, কিন্তু যোধা-বাইকে তাহা করিতে অক্ষম”। ইহাতে যোধা-বাই মহাস্ব-বদনে কহিলেন; “ভাল, সেলাম না কর, তত্রাপি আমি তোমাকে আশ্বের-রাজ্য প্রদান করিলাম”।

মোগল সম্রাটদিগের সভায় জয়সিংহকে “মিজ্জা রাজা” শব্দে সম্বোধন করিত। তিনি উক্ত সম্রাটদিগের অনেক উপকার করিয়াছিলেন, তদর্থে আওরঙ্গজেব পাদশাহ তাঁহাকে “ছ-হাজারী মনসব” উপাধি প্রদান করেন। বিখ্যাত শিবাজী-কর্তৃক আওরঙ্গজেব পাদশাহের দাক্ষিণ্য রাজ্যের অধিকাংশ অপহৃত হইলে, জয়সিংহ তদ্বিকল্পে নিযুক্ত হন, এবং অপূর্ব সৌজন্য ও সদিবেচনাদ্বারা তাহাকে ধৃত করেন। ঐ ধৃত করণ-সময়ে তিনি স্বীকার করিয়াছিলেন, শিবাজীর প্রাণরক্ষা করিবেন; কিন্তু আওরঙ্গজেব পাদশাহ তদন্যথা করিতে উদ্যত হইলেন; অতএব, শিবাজীযাহাতে বন্দি-মুক্ত হইয়া পলায়ন করিতে পারেন এমত উপায়ও করিয়াছিলেন। পরন্তু ঐ বাক্য-নিষ্ঠতা জয়সিংহের স্বভাবসিদ্ধ ছিল না। শিবাজীর মুক্তির কিয়ৎকাল পরেই তিনি বিশ্বাসঘাতকতা দ্বারা রাজকুমার দারাকে বিনাশ করেন।

তাঁহার অধীনে দ্বাবিংশতিসহস্র দিগ্বিজয়ি রাজপুত্র-সেনা ও তদীয় মহাবল-পরাক্রান্ত সেনানী-সকল সতত আজ্ঞাবহ ছিল; ঐ সকল আঙ্গদের আধিপত্যে তিনি যৎপরোনাস্তি মদোন্নত হইয়াছিলেন। কথিত আছে-তিনি আপন সেনা-মণ্ডলী-মধ্যে উপবেশন-পুরঃসর দুই

হস্তে দুই কাচপাত্র লইয়া বাম হস্তস্থ পাত্র সবলে ভূমিতে নিক্ষেপ করত অহঙ্কার-পূর্বক কহিতেন “এই সেতারা দেশ চূর্ণ হইল; দিল্লীর ভাগ্য আমার দক্ষিণ হস্তে আছে, তাহাও এতাদৃশ অক্লেপে নিক্ষেপ করিতে পারি”। এই দান্তিক বাক্য হুরায় দিল্ল্যধিপের কর্ণগোচর হয়। তাহাতে তিনি অত্যন্ত ক্রুদ্ধ হইয়া বাহ্যে কিছু প্রকাশ না করিয়া গোপনে জয় সিংহের ধ্বংস করিবার উপায় করিতে লাগিলেন, এবং জয় সিংহের দ্বিতীয় পুত্র কীরৎ-(কীর্ত্তি)-সিংহকে রাজ্য প্রদানের আশ্বাস দিয়া তৎপিতার বিনাশে নিয়োগ করিলেন। দুরাত্মা কীরৎসিংহ যবনের ঐ আশ্বাসে মুগ্ধ হইল; কিন্তু পিতার খাদ্য আফিমে গরল মিশ্রিত করত মহাপাতক স্বীকার করিয়াও স্বকীয় কামনা সিদ্ধ করিতে পারিলেক না। দিল্ল্যধিপ তাহাকে কেবল কামাঃ প্রদেশটি প্রদান করিয়া আশ্বের রাজ্য তাহার জ্যেষ্ঠজ রামসিংহকে সমর্পণ করিলেন।

রাম সিংহ আওরঙ্গজেব পাদশাহের নিকট চারি হাজারি মনসব উপাধি, ও আসাম-দেশে যুদ্ধ যাত্রায় প্রেরিত সেনার আধিপত্য পদ প্রাপ্ত হইয়াছিলেন। তাঁহার পুত্র কৃষ্ণসিংহ; তৎপুত্র বিষ্ণু (বিষ্ণু) সিংহ। তিনি ঐপতৃক মান রক্ষা করিতে সক্ষম করেন নাই। তাঁহার ভাগ্যে জয়সিংহের ছয়-হাজারি-মনসবের অর্দ্ধাংশ মাত্র বিধান হইয়াছিল; তাহাও তিনি অতি অঙ্গকাল ভোগ করিয়াছিলেন। তাঁহার পুত্র জয় সিংহ। তিনি সংবৎ ১৭৫৫ অব্দে আওরঙ্গজেব পাদশাহের ৪৪ বৎসর রাজ্য সময়ে রাজ্যভিষিক্ত হন। প্রথম-জয়সিংহহইতে প্রভেদ-করণার্থে ও গুণাধিক্য বিজ্ঞাপনার্থে লোকে তাঁহাকে সওয়াই জয়সিংহ শব্দে অভিধান করিয়া থাকে।

ঐ বিখ্যাত রাজা ক্রমান্বয়ে ৪৪ বৎসর আশ্বের রাজ্যের সিংহাসনোপবিষ্ট ছিলেন; এবং ঐ ব্যাপককাল ক্রমাগত রাজনীতির চর্চায় নিযুক্ত থাকিতেন; অথচ তদবকাশে বিদ্যার আলোচনায় বিমুগ্ধ ছিলেন না। বিদ্যোৎসাহিতা-গুণে, বোধ হয়, গত অষ্টশত বৎসর-মধ্যে কোন হিন্দু রাজা সওয়াই জয় সিংহের তুল্য হইতে সক্ষম করেন নাই। জ্যোতিঃশাস্ত্রের পর্য্যালোচনার নিমিত্তে তিনি কাশী, দিল্লী, মথুরা, উজ্জয়িনী, ও জয়পুর নগরে প্রশস্ত অট্টালিকা নির্মাণ করাইয়া তাহাতে অপূর্ব জ্যোতিষি যন্ত্র সকল সংস্থাপন করিয়াছিলেন। অদ্যাপি উক্ত যন্ত্রের অধিকাংশ বর্তমান আছে। তদৃষ্টে বোধ হয়, তাদৃশ বৃহৎ ও যথাবিহিত শাস্ত্রসিদ্ধ জ্যোতিষি যন্ত্র আর কুত্রাপি প্রস্তুত হয় নাই। মোসলমান ও পোর্টুগিজ-গুহুহইতে তিনি বহুবিধ জ্যোতিষ গুহুও প্রস্তুত করাইয়াছিলেন। তন্মধ্যে “রেখাগণিত,” “জয়সিংহ কম্পান্ড্রম,” ও “জিজ্ঞাস্যদশাহি”, এই তিন গুহু প্রসিদ্ধ। এবং তাহা অদ্যাপি বর্তমান আছে। গুহু-নক্ষত্রাদির অংশমানাদি বিষয়ে যাহা তিনি গণনা করিয়া গিয়াছেন তাহার অধিকাংশ অপর প্রসিদ্ধ জ্যোতির্বেত্তাদিগের গুহুদ্বারা সমপ্রমাণ হইয়াছে। তিনি তাৎকালিক ইউরোপীয় ও পারসদেশীয় অনেক জ্যোতির্বেত্তার ভ্রম প্রদর্শন করিয়া দিয়াছিলেন, এবং যাবনিক-পঞ্জিকার ভ্রম সংশোধন করত দিন স্থির করিয়া দেন।

বিদ্যাবিশয়ে জয়সিংহ যাদৃশ উৎসাহী, সৎ-কীর্ত্তি-সম্পাদনেও তাদৃশ অনুরাগী ছিলেন; ও সেই অনুরাগের ফলস্বরূপ বারিপুণ্ডীর্ঘিকা, সুচারু-পাঠশালা (সরাই) ও সুপুস্তক অতিথিশালা ভারতবর্ষের অনেক স্থানে বর্তমান আছে।

জয়পুর-নগর তাঁহাদ্বারাই স্থাপিত হইয়া তন্মানে বিখ্যাত হয়। বিদ্যোথর নামা জনৈক বঙ্গদেশীয় সদিদ্বান্ বুদ্ধশাস্ত্রনিয়মানুসারে ঐ নগরের পত্তন করত উত্তর-দক্ষিণাদি-দিগনুসারে পথ-সকল সমভাগে স্থাপন করিয়াছিলেন। বোধ হয়, উক্ত নগরের ন্যায় প্রশস্তবীথী-পরিবেষ্টিত যথা-শাস্ত্র নির্মিত নগর ভারতবর্ষের আর কুত্রাপি নাই। বিদ্যোথর রাজনীতি ও জ্যোতির্বিদ্যায় অত্যন্ত পারদর্শী ছিলেন, ও তদ্বিষয়ে তিনি জয়সিংহকে সতত সাহায্য করিতেন; ফলতঃ বিদ্যাবিশয়ে জয়সিংহের যে সুখ্যাতি আছে তাহার প্রধান ভাগধের বিদ্যোথরের ন্যায়।

বিদ্যানুশীলনে যৎপরোনাস্তি অনুরাগ সত্ত্বেও জয়সিংহ অস্ত্র-ব্যবসায়-রূপ-কুলধর্ম-প্রতিপালনে বিমুগ্ধ ছিলেন না; প্রত্যুত তিনি সাম, দান, ভেদ, দণ্ডরূপ চতুর্বিধ-রাজনীতি-সাধনে সর্বদাই নিযুক্ত থাকিতেন; এবং তাৎকালিক রাজাদিগের মধ্যে তদ্বিষয়ে অগুণ্য ছিলেন; কিন্তু তাহাতে তাঁহার নাম চির-বিখ্যাত করিত না; বিদ্যোৎসাহিতাই তাঁহার প্রধান গুণ, তদ্বিরহে রাজপুত্র-ইতিহাস-লেখকদ্বারা বর্ণিত তাঁহার অপর অষ্টোত্তর শত গুণ বিফল হইত।

রাজ্যভিষিক্ত হওনান্তর জয়সিংহ আওরঙ্গজেব পাদশাহকর্তৃক দক্ষিণ-দেশের শাসনকর্তৃত্বপদে নিযুক্ত হন, ও তৎকর্ত্তে সম্যক পারদর্শিতা প্রকাশ করেন। উক্ত পাদশাহের মৃত্যুর পর রাজ্য-প্রাপ্তির নিমিত্তে বাহাদুরশাহ ও বেদর-বখ্ত, এই উভয়ের পরস্পর বিবাদ-সময়ে তিনি শেখোক্ত রাজকুমারের সাহায্যে নিযুক্ত হন; এবং ঢোলপুরের যুদ্ধে বেদর-বখ্তের নিপাত হওয়াতে, তাঁহার অত্যন্ত অনিষ্ট ঘটয়াছিল। জয়সিংহের শান্তি নিমিত্ত বাহাদুর-



শাহ আশ্বের রাজ্য অপহরণে প্রবৃত্ত হন, এবং মোগলসৈন্য তাঁহার দেশ হরণ করিতে নিযুক্ত হয়। জয়সিংহ এই দুর্দৈবে অনেপায়-বিরহে মারওয়ার-দেশাধিপতি অজীৎসিংহের সহিত সন্মিলিত হইয়া বাহাদুরশাহের বিরুদ্ধে অস্ত্র নিক্ষেপ করত অল্পকাল-মধ্যেই স্বদেশ হইতে শত্রু-দলকে দূরীকৃত করেন।

অতঃপর তিনি বহুকাল প্রতিবাসি নিবার ও বুদ্ধি রাজ্যের অধিপতিদিগের সহিত বিরুদ্ধতা-চরণ করিয়াছিলেন; কিন্তু এতলে তাহার বা-হুল্য বিবৃতি করা অভিপ্রেত নহে।

সংবৎ ১৭৭২ অব্দে দিল্লীধিপতি মহম্মদশাহ-কর্তৃক তিনি আগরা ও তৎপরে মালব দেশের শাসনকর্তৃত্বের ভার প্রাপ্ত হন, এবং তৎসময়ে মহারাষ্ট্র সেনানায়ক বাজিরায়ের সহিত তাঁহার সন্ধি হয়। এই সময়ে তাঁহার বৈমাত্রেয় ভ্রাতা বিজয়সিংহ দ্বারা এক অনিষ্ট ঘটনার সূত্র হইয়া-ছিল; তদ্বিবরণ এই;—বিষ্ণু সিংহের মৃত্যু-সময়ে তাঁহার কনিষ্ঠ পুত্র বিজয়সিংহ অপোগণ্ড ছিলেন, রাজকার্যে সূত্রাতঃ সম্যক্ অক্ষম, অতএব তাঁহার মাতা বৈমাত্রেয় জয়সিংহের নিকট তাহাকে না রাখিয়া কিচিবারা-দেশে আপন পিত্রালয়ে লইয়া গিয়াছিলেন। তথায় বিজয় বয়ঃপ্রাপ্ত হইলে পর তাহাকে স্বীয় আভরণাদি সমর্পণ করিয়া দিল্লীর প্রধান রাজমন্ত্রী (উজীর) কমরুদ্দীনের নিকট প্রেরণ করেন। কমরুদ্দীন প্রচুর মণিমুক্তাদি উৎকোচে মুগ্ধ হইয়া তৎপক্ষের উন্নতি চেষ্টায় অগুসর হইলেন; এবং আশ্বের রাজ্যের প্রধান অংশ বসুবা প্রদেশ তাহাকে দিতে জয় সিংহকে অনুরোধ করিলেন। জয়সিংহ গৃহবিচ্ছেদে অনি-চ্ছুক, অতএব প্রস্তাব-মাত্রেই বৈমাত্রেয়কে ঐ প্রদেশটি দিতে স্বীকৃত হন; কিন্তু তাঁহার বি-

মাতা তাহাতে সম্মত না হইয়া যাহাতে সমস্ত আশ্বের রাজ্য তাঁহার পুত্র প্রাপ্ত হন, এমত চেষ্টায় প্রবৃত্ত হইলেন, এবং তদর্থে দিল্লীধিপ-তিকে পাঁচ-কোটি মুদ্রা ও পাঁচ-সহস্র অশ্বারোহি সেনা কর দিতে স্বীকার করিলেন। সকল বস্তুরই মূল্য আছে; রাজাদিগের ন্যায়-বিচারও বিক্রয় হইতে পারে; বিশেষতঃ আওরঙ্গজেব পাদ-শাহের বংশজাত অকর্মণ্য মোগল সম্রাটেরা যে পূর্বোক্ত উৎকোচে মুগ্ধ হইবেন ইহাতে সন্দেহ কি? তাহার প্রস্তাব মাত্রেই বিজয় সিংহকে আশ্বের রাজ্য প্রদানের অনুমতি হইল, এবং তাহার সনন্দ-পত্রও প্রস্তুত হইতে লাগিল। জয়সিংহ এই বিষয়-সঙ্কট উপস্থিত দেখিয়া রাজমন্ত্রিবর্গকে ও কচুবহ-বংশের বার-কোঠরি অর্থাৎ দ্বাদশ শাখার প্রধান ব্যক্তিবৃহৎকে আশ্বান করিয়া সমস্ত ব্যাপার বিজ্ঞাপন করি-লেন। সভাসদ সকলেই আশ্বাস-প্রদান-পূর্বক কহিল, “যদ্যপি আপনি অকাপটে বসুবা প্রদেশ দিতে স্বীকার করেন, তাহা হইলে আমরা এ বি-ষয় কুশলে সমাধা করিতে পারি”। জয়সিংহ তৎক্ষণাৎ ঐ প্রদেশের দানপত্র লিখিয়া প্রদান-পূর্বক সপথ করিয়া কহিলেন, “আপনারা যা-হা অনুমতি করিবেন, তাহাই আমার গৃহ্য”। সভাস্থ প্রধান ব্যক্তির বিজয়সিংহের নিকট উপনীত হইয়া “সীতারাম” স্মরণ-পূর্বক সপথ করিয়া কহিলেন, “যদ্যপি জয়সিংহ এই দান-পত্রের অন্যথা করেন তাহা হইলে আমরা সকলে তাঁহাকে পরিত্যাগ করিয়া আপনাকে আশ্বের দে-শের রাজসিংহাসনে সংস্থাপন করিব”। বিজয় তাহার মাতা ও কমরুদ্দীনের অমতে এই প্রস্তাব গৃহ্য করিলেন, এবং সঙ্গনয়ের নামক নগরে জে-ষ্ঠের সহিত সাক্ষাৎ করিতে স্বীকৃত হইলেন। এই

প্রকারে সকল কথা অবধারিত হইলে পর জয়সিংহ ভ্রাতৃশিবিরে যাত্রা করিতেছিলেন, এমত সময়ে তাঁহার নাজির আসিয়া কহিল, “রাজমাতা কহিতেছেন, ‘আমার দুই লালজীর \* পরস্পর সন্মিলন দর্শনে নয়ন সন্তুষ্ট করি, এই আমার প্রত্যাশা’। জয়সিংহ ঐ প্রার্থনা সভাস্থ প্রধান ব্যক্তিদিগকে বিজ্ঞাপন করিলেন; এবং তাঁহারা কহিলেন “ইহাতে কোন বাধা নাই”।

এই আদেশানুসারে নাজির সহচরী সমভি-ব্যাহারে রাজমাতার গমনার্থে তিন শত পালকী প্রস্তুত করেন, কিন্তু তাহাতে রাজমাতার পরি-বর্তে ভট্টী-জাতীয় প্রধান বীর উগুসেন ছয় শত সেনা সমভিব্যাহারে প্রবেশ করিলেন। পথিমধ্যে রাজমাতার নামে অর্থ-বিতরণ হইতে লাগিল, এবং পূজাবর্গ রাজসংসারে ভ্রাতৃবিরোধের উপ-সংহার দৃষ্টে আনন্দ উৎসবে মগ্ন হইল। এবম্পু-কারে মহাডোল + সঙ্গনয়ের-নগরে রাজবাটী-তে সমাগত হইলে জয়সিংহ ভ্রাতৃসহিত সাক্ষাৎ ও সমালিঙ্গন-পূরণের বসুবা-প্রদেশের দানপত্র সমর্পণ করিয়া কহিলেন, “ভ্রাতঃ, যদ্যপি আ-শ্বের রাজ্য ইচ্ছা কর, তাহাও লও, আমি নিজ সত্ত্ব ত্যাগ করিয়া বসুবা লইতে প্রস্তুত আছি”। বিজয় এই স্নেহ-বাক্যে মুগ্ধ হইয়া কহিলেন; “ইহাতেই আমি সন্তুষ্ট হইলাম”।

অতঃপর নাজির আসিয়া কহিল, “মাজী (রাজমাতা) আদেশ করিতেছেন, সভাসদেরা স্থা-নান্তর হইলে তিনি এই স্থানে আসিয়া যুবরাজদ্বয়-কে দর্শন করেন; নচেৎ অন্তঃপুরে মহাশয়দিগের

\* লালজী বা লালী পূজাবর্গের স্নেহদ্যোতক শব্দ; হিন্দুস্থানি সকলেই পূজকে ঐ বাক্যে সম্বোধন করিয়া থাকে। মনুষ্য নামে ব্যবহার্য বাঙ্গালা “লাল” শব্দ ঐ বাক্য হইতে জাত।

+ রাজবাণীর গমনার্থে যান সমূহের নাম মহাডোল।

গমন হইলে ভাল হয়”। জয়সিংহ সেই বাক্যের প্রত্যুত্তর দিতে সভাস্থ প্রধানদিগকে অনুরোধ করিলেন, ও তাহাদের আদেশমতে ভ্রাতৃদ্বয়ে অন্তঃপুরে প্রবিষ্ট হইলেন। দ্বারপ্রান্তে আসিয়া জয়সিংহ কটিদেশহইতে পেশকবজ্জ অস্ত্র বিমুক্ত করিয়া ভৃত্যের হস্তে সমর্পণ-পূর্বক কহিলেন, “এ স্থলে ইহার প্রয়োজন কি”? বিজয়ও ভ্রাতৃ-দৃষ্টান্তে নিরস্ত হইলেন, কিন্তু গৃহপ্রবেশ করিয়া দেখেন, মাতৃক্রোড়ে উপাগত না হইয়া ভট্টী-জাতীয় উগুসেনের উদরে পতিত হইয়াছেন। ঐ ভট্টীপ্রধান রজ্জুদ্বারা তৎক্ষণাৎ বিজয়ের হস্ত-পদ বন্ধন করত মহাডোলের শিবিকা মধ্যে প্রবেশ করাইয়া জয়পুরে লইয়া গেলেন। তদনন্তর এক ঘণ্টা কাল মধ্যে বিজয়সিংহ জয়পুরের দুর্গে বন্দী হন, এবং জয়সিংহ রাজ সভায় প্রত্যা-গমন করিলেন। সভাস্থ প্রধান বীরমণ্ডলী “বিজয়-সিংহ কোথা?” এই প্রশ্ন করিতে লাগিল। জয়-সিংহ তদুত্তর কহিলেন, “হামারে পেটমে”, (সে আমার উদরমধ্যে আছে,); “আমরা উভয়েই বিষ্ণু সিংহের পুত্র, এবং আমিই জ্যেষ্ঠ। যদ্যপি তোমাদিগের ইচ্ছা হয় বিজয় রাজ্য করিবে, তবে আমাকে বধ করিয়া তাহাকে আনয়ন কর। তোমাদিগেরই জন্য আমি বিশ্বাস-যাতকতায় প্রবৃত্ত হইয়াছি; কারণ বিজয়সিংহ অংশ পাইলে যবনদিগকে স্বদেশে আনিয়া তো-মাদিগের অবশ্যই বিনাশ করিত”। প্রধানবীর-মণ্ডলী নিরুপায় দেখিয়া ঐ বাক্যে স্তব্ধভাবে বিমর্শ হইয়া স্বস্থানে প্রস্থান করিল। উজীর কমরুদ্দীন বিজয়ের সমভিব্যাহারে ছয় হাজার অশ্বারোহি সেনা প্রেরণ করিয়াছিলেন। তাহার বিজয়ের নিমিত্তে বিবাদে প্রস্তুত ছিল; কিন্তু জয়সিংহ কহিলেন, “বিজয় আমার ভ্রাতা;



তাহার অশ্বেষণে তোমাদের প্রয়োজন কি? স্তম্ভভাবে প্রস্থান কর, ভালই; নচেৎ তোমাদের ঘোড়াগুলি রাখিয়া বাইতে হইবে”। তাহাতে তাহারাও নিকপায়বোধে গৃহে প্রত্যাগমন করিল; সুতরাং বিজয় যাবজ্জীবন কারাগারে বন্দী রহিলেন।

রাজপুত্র কবির। এই ব্যাপারকে জয়সিংহের নবোত্তর-শত-গুণাবলী-মধ্যে গণনা করিয়াছেন; কিন্তু ইহা কি পর্য্যন্ত সঙ্গুণ তাহা পাঠক মহাশয়েরাই নিরূপণ করিবেন; আমরা এই মাত্র কহিতে পারি, এই ছলনা-সাধনে জয়সিংহ সম্যক চাতুর্য্য প্রকাশ করিয়াছিলেন; এবং ইহা না হইলে তাহার রাজ্য রক্ষা করা দুষ্কর হইত।

আশ্বের-দেশের রাজারা সর্বত্রই প্রসিদ্ধ হইয়াছিলেন, কিন্তু তাহাদের অধীন রাজ্য বৃহৎ ছিল না। বিষ্ণুসিংহ আশ্বের, দেওসা, ও বসবা, এই তিনটি প্রদেশের (জিলার) রাজ্য করিতেন; তাহার পুত্র জয়সিংহ দেওতি রাজ্য তাহাতে সংযোগ করিয়াছিলেন। তদুপার্জনের বিবরণ অত্যন্ত বিস্ময়জনক। ঐ দেওতি-দেশ নব-সন্তান বুগুজর-বংশের অধিকার ছিল। সেই বংশীয়েরা সর্বদা জাত্যভিমনে মত্ত থাকিতেন, সুতরাং কচুবহু-বংশের ন্যায় যখন রাজাদিগকে দুহিতা-প্রদান করিয়া ঐহিক বৈভব বৃদ্ধি করিতে পারেন নাই। জয়সিংহের সমকালে বুগুজর-জাতির ভূপতি নিজ রাজপাট রাজোর-নগরে আপন কনিষ্ঠ ভ্রাতাকে রাখিয়া দিল্লীধিপতির পক্ষে অনুপশহরে সেনাধ্যক্ষপদে নিযুক্ত ছিলেন।

ঐ তরুণ বুগুজর একদা বরাহ মৃগয়ায় গমনার্থী হইয়া মধ্যাহ্ন-ভোজ্যের নিমিত্ত তাহার ভ্রাতৃবধুর নিকট অত্যন্ত ব্যগুতাপ্রকাশ করিতে-ছিলেন; তাহাতে ঐ রাজমহিলা দেবরকে উপহাস-

পূর্বক কহিল; “তুমি এতাদৃশ ব্যগু, বোধ হয় যেন জয়সিংহের উপরি বহুম-সঞ্চালন করিবে”। বীর্যবান্ যুবরাজের পক্ষে এই উপহাস অত্যন্ত ককর্শ বোধ হইল, কারণ পূর্বে জয়সিংহের আদিপুরুষ ঢোলরায় বুগুজর রাজার নিকট হইতে দেওসা প্রদেশ প্রাপ্ত হইয়া (১৪৭ পত্রে দেখ) তাহার বংশকে দরিদ্র করিয়াছিলেন; অতএব “ঠাকুর-জীকি দুহাই; আমি তাহা না করিয়া তোমার হস্তহইতে অন্ন গৃহণ করিব না”। এই কথা কহিয়া তৎক্ষণাৎ দশ জন অশ্বারোহি-সমভিব্যাহারে বুগুজর-কুমার আশ্বের-নগরে উপনীত হওনপূর্বক জয়সিংহের প্রতিফায় নগরের প্রাচীরপার্শ্বে অবস্থিতি করিলেন। দিন পক্ষ মাস গত হইল, তত্রাপি জয়সিংহের সহিত সাক্ষাৎ হয় না। অশ্রুভাবে সহচর সকলেই প্রস্থান করিলেক। দৃঢ়প্রতিজ্ঞ বুগুজর নিজ অশ্ব ও খড়্গাদি বিক্রয় করিয়া উদরপূর্তি করিলেন, তত্রাপি অভীষ্ট সিদ্ধ হয় না; পাগড়ির অর্দ্ধভাগ বিক্রয় করিয়া এক দিন যাপন হইল; অবশেষে প্রস্থান বা অনাহার অবলম্বন করা এই দুই মাত্র গতি, অখণ্ড-প্রতিজ্ঞ বুগুজর শেষ পক্ষই আশ্রয় করিয়া ক্রমাগত চারি দিবস অনাহারে বহুম হস্তে দণ্ডায়মান আছেন, এমন সময়ে সওয়াই জয়সিংহ সুখাসনারোহণ-পূর্বক সেই পথে গমন করিলেন; তদৃষ্টিমাত্র বুগুজর-হস্তহইতে বহুম নিক্সিপ্ত হয়; কিন্তু চারি দিন অনাহারের হস্ত-নিঃসৃত বহুম জয়-সিংহকে বিদ্ধ করিলেক না, সুখাসনের পার্শ্বভেদ করিয়া রহিল। রাজহস্তার বধার্থে তৎক্ষণাৎ শত খড়্গ নিষ্কোষিত হয়, কিন্তু রাজা তাহা নিবারণপূর্বক বুগুজরকে আশ্বের নগরে আনাইয়া তাহার বৃত্তান্ত জিজ্ঞাসিলেন। সে নিঃশব্দে কহিল, “আমি দেওতির

বুগুজর; ভাভীর (ভাইজের) সহিত কথান্তর হওয়াতেই বহুম মারিয়াছি। এইক্ষণে তোমার যাহা অভিকৃতি”। অপর তিনি নিজ-বৃত্তান্ত সমস্ত বর্ণন করিয়া আরও কহিলেন, “আমি চারি দিন অনাহার ছিলাম, নচেৎ বহুম নিজ-কর্ম সফল করিত”। জয়সিংহ বাহ্যে ঔদার্য্য-প্রকাশ-করণার্থে তাহার বন্ধন মুক্ত করিয়া রাজ-প্রসাদ বস্ত্র (খেলয়ৎ) ও অশ্ব প্রদান-পূর্বক ৫০ জন অশ্বারোহি-সমভিব্যাহারে তাহাকে গৃহে প্রেরণ করিলেন। বুগুজর গৃহে আসিয়া ভ্রাতৃবধুর নিকট আপন কীর্ত্তি বর্ণন করিল; কিন্তু ঐ সুশীলা স্ত্রী তৎশ্রুত্রে বিষণ্ণচিত্ত হইয়া এই মাত্র কহিলেন; “তুমি কালসপর্কে আঘাত করিয়া রাজোর-নগরে জলাঞ্জলি দিয়াছ”।

ইতঃপর এক মাস মধ্যেই একদা বুগুজর-কুমার রাজপাট হইতে অতিদূরে গণগৌর (গণ গৌরী-দেবীর) পূজা করিতে গিয়াছিলেন, এমন সময়ে জয়সিংহ পাঁচ হাজার সৈন্য প্রেরণ করিয়া তাহাকে বধ করত দেওতি-দেশ স্বরাজ্যসাৎ করিলেন। যে রাজ-মহিলার বাক্যে এই তুমুল ব্যাপার ঘটয়াছিল, তিনি অন্তর্বৃত্তা ছিলেন; কিন্তু নিজ বাক্য-দোষে তাহার ভাবি পুত্রের পৈতৃক সন্তুচ্যুত হইয়াছে, এই কথা শ্রবণ হওয়াতে আপনাকে ধিক্কার করিয়া হৃদয়ে ছুরিকাঘাত করত পরলোকে যাত্রা করিলেন।

জয় সিংহের দোষরাশি-মধ্যে মদ্যপানাসক্তি অতি প্রধান। তদ্বিষয়ে অনেক রহস্যজনক আখ্যায়িকা প্রচার আছে। অহঙ্কার দোষও তাহার সম্বন্ধে খর্ব ছিল না;—মোগল সম্রাটদিগের অধীনতা স্বীকার করিয়াও তিনি রোপ্যমণ্ডিত এক প্রশস্ত যজ্ঞশালা নির্মাণ করাইয়া তাহাতে অশ্বমেধ যজ্ঞের সমারোহ করাইয়াছিলেন। বোধ হয় সেই


যজ্ঞীয় ঘোটক যজ্ঞশালার চতুর্দিকে ইতস্ততঃ ভ্রমণ করিয়া থাকিবেক; কারণ দূরে ভ্রমণ করত একবার মিবার রাজার অশ্বশালার, বা রাটোরদিগের ক্ষেত্রের, অন্তর্গত হইলে তাহার নিকৃতি হইবার সম্ভাবনা ছিল না।

সংবৎ ১৭৯৯ অব্দে সওয়াই জয় সিংহের মৃত্যু হয়; তৎসঙ্গে তাহার তিন স্ত্রী ও কয়েক উপপত্নী সহমৃত্য হইয়াছিল। বোধ হয়, ভারতবর্ষের বিদ্যোৎসাহিতাও সেই চিতায় আরোহণ করিয়াছিলেন।

### ডিবি-কদক বা নিষিদ্ধ-ফল।

লক্ষাদীপের বর্ণনাবসরে এই অদ্ভুত ফলের বিবরণ লেখা অভিপ্রেত ছিল; কিন্তু ছবি উপস্থিত না থাকায় সে অভিপ্রায় সিদ্ধ হয় নাই। সম্প্রতি অপর পৃষ্ঠায় ঐ ফলোৎপাদক বৃক্ষের এক চিত্র প্রকাশ করা গেল। তদৃষ্টে অনায়াসে প্রতীতি হইবে, দোলায়মান-ফলবিশিষ্ট ঐ বিটপ অতীব সুন্দর। ইহার পুষ্প সুগন্ধিপূর্ণ; ফলের বহির্দেশ অতি কমলীয় কমলা-নেবুর বর্ণ, ও অন্তর্ভাগ উজ্জ্বল-রক্তিম-বর্ণ। ঐ ফল-দৃষ্টে বোধ হয় যেন কেহ তাহার এক অংশ দন্তদ্বারা দংশন করিয়া লইয়াছে; ফলতঃ এতদেশীয় হিজলি-বাদামের একাংশ যে প্রকার ক্ষত বোধ হয় ইহাও তদ্রূপ; পরন্তু দৃশ্য ডিবি-কদক তাহা হইতে অত্যন্ত মনোহর। লক্ষাদীপে ইহার তুল্য সুদৃশ্য ফল আর নাই। পরন্তু ঐ কমলীয় ফল মনুষ্যের খাদ্য নহে; ইহার রস ভয়ঙ্কর বিষময়; তাহার কিঞ্চিৎ মাত্র কণাধোগত হইলেই প্রাণ-সংহার করে।





ডিব্বি-কদরু বৃক্ষ।

মোসলমানদিগের বিশ্বাস আছে; জগদীশ্বর পৃথিবীর সৃজন করিয়া লক্ষাদ্বীপের মধ্যভাগে এক সুরম্য উদ্যানে আদম ও ঈব নামা, প্রথম সৃষ্ট নরনারী যুগ্মকে স্থাপন করত তত্রত্য সমস্ত ফল পুষ্প সম্ভোগ করিতে অনুমতি করেন, একমাত্র বৃক্ষ নিষিদ্ধ ছিল। পাপাত্মা শয়তানের পরামর্শে ঈব ঐ সুদৃশ্য নিষিদ্ধ-বৃক্ষের ফল ভক্ষণ করত পৃথিবীতে পাপ ও মৃত্যুর সমানয়ন করে, এবং স্ত্রী-পুরুষে ইডনের উদ্যানহইতে বহিষ্কৃত হয়। লক্ষাদ্বীপে প্রবাদ আছে, ডিব্বি-কদরু সেই নিষিদ্ধ বৃক্ষ, ঈবের দস্তাঘাতে তৎফলের একাংশ ক্ষত হইয়াছিল, এবং তাহার অপত্যবর্গের জ্ঞাপনার্থে এপর্যন্ত সর্বত্র ঐ ফলে ঐ দস্তাচিহ্ন হইয়া থাকে। সে যাহা হউক, এই সুন্দর অথচ বিযাক্ত ফলের নাম নিষিদ্ধ-ফল রাখায় অসংলপ্ন হয় নাই।

### রাজপুত্র ইতিহাস।

চতুর্থ সঙ্খ্যা।

আমরা এতৎ পত্রের দ্বাদশ খণ্ডে রাজপুত্র-ইতিহাস-প্রসঙ্গে-মিবার-দেশীয়রাণাদিগের যশোরাম্ণি-সঙ্কীর্ণনে সংযত থাকিয়া চিতোর নগরের শেষরক্ষক অদ্বিতীয় অজয় সিংহের বংশজ হামীর এবং লাক্ষা রাণার রাজকার্য্য-সম্পাদন বর্ণন করিয়াছি; অধুনা তাহার পরপর বৃত্তান্ত-বর্ণনে প্রবৃত্ত হইলাম।

লাক্ষার জ্যেষ্ঠ পুত্র চণ্ডা পিত্রাজ্ঞা-পালনার্থে আপন কনিষ্ঠ মোকল্জিকে রাজ্য-সমর্পণ করিয়া বিমাতার ঈর্ষ্যাহইতে মুক্ত হইবার বাসনায় মাণ্ডু-রাজধানীতে উপনীত হওনের অন্তি-বিলম্বে রাজমাতার পিতা রাওরীংমল এবং ভ্রাতা যোধা যিনি যোধপুর নগর সৃজন করেন ও

অপর্যাপ্ত তদলস্থ ব্যক্তিবর্গে মকদেশ মণ্ডোর পরিভ্রমণ করিয়া অনায়াসে মিবার দেশের অপৰ্য্যাপ্ত-সুখ-সম্ভোগ-লালসায় তথায় সমাগত হইলেন। দৌহিত্রকে ক্রোড়ে লইয়া বৃদ্ধ রীংমল সর্বদা বাপ-পা রাওলের সিংহাসনাক্রম হইতেন; এবং বালক ক্রীড়ার্থে ইতস্ততঃ গমন করিলেই মিবার বংশীয় রাজছত্র ভিন্ন-বংশীয়ের মস্তকোপরি দেদীপ্যমান হইত। এমৎ গর্হিত ব্যাপারদৃষ্টে রাজার বৃদ্ধা ধাত্রী ক্রোধ-সংবরণে অসমর্থ হইয়া রাজমাতৃ-সমীপে আপন মনোগত অভিপ্রায় ব্যক্ত করে। তিনি আপন পিতাকে তজ্জন্য অনুযোগ করাতে কেবল স্বীয় অপত্যের স্থায়িত্ব-বিষয়ে সন্দেহ-সূচক বাক্য শ্রবণ করিলেন। ইহাতে রাজ্ঞী ভীতমনা হইয়া উপায়-চিন্তায় অস্থিরা আছেন; এমত সময়ে ঐ দুর্দান্ত পিতা চণ্ডার সহোদর ফেলবারা ও ফোয়েরিয়া-পুদ্দেশের অধিপতি রঘুদেবকে বিনাশ করিলেক। রঘুদেব সমস্ত-রাজগুণসম্পন্ন বিধায় সকলেরি প্রেমা-স্পদ ছিলেন। তাঁহাকে সম্মানসূচক পরিচ্ছদ-পুদানপূর্বক তৎপরিধান-সময়ে গোপনে হত্যা করিবার তৎকালে তাঁহার হত্যাকারির নাম প্রচার হয় নাই; এবং তাঁহার স্বদেশীয়-কর্তৃক তিনি তদবধি পিতৃ-দেবতার মধ্যে পরিগণিত হইয়া সর্বত্র পূজ্যপাদ হইয়াছেন।

এমত বিপৎকালে চণ্ডা ব্যতিরেকে মিবার-দেশকে আর কে রক্ষা করে? রাজ্ঞী তাঁহাকে সংবাদ করিলেন; এবং চণ্ডাও স্বদেশোদ্ধারের উপায় চিন্তাতে মগ্ন হইলেন। তিনি স্বদেশ পরিত্যাগ করিয়া গমন-কালীন দুই শত আভীর জাতীয় বিশ্বস্থ সহচর সমভিব্যাহারে লইয়া গিয়াছিলেন। তাহার স্বীয়-পরিবার-সন্দর্শনচ্ছলে স্বদেশে প্রত্যগমন পূর্বক নগরদ্বাররক্ষকদিগের অধিনে দাসত্ব স্বীকার



করিল। অপর চণ্ডা রাজ্যকে উপদেশ দিলেন নগরের চতুঃপার্শ্বীয় গুাম/গণকে ভোজন করাইবার উদ্যমে প্রত্যহ যুবরাজকে সসৈন্যে নগরের অভিদূরে প্রেরণ করেন, এবং দিবালীর দিবসে চিতোরহইতে দক্ষিণ সার্কত্রিকোশ-ব্যবহিত মালব দেশের রাজমার্গস্থিত গোসুপ্তা নামক স্থানে ঐ ভোজনোপলক্ষে অবশ্যই উপনীত হইলেন। এই পরামর্শে চণ্ডার অভিপ্রেত সিদ্ধ হইল; দিবালীর দিবস উপস্থিত হইল; গোসুপ্তার নিমন্ত্রণ সমাপ্ত হইল; রজনীযোগের প্রাক্কাল সমাগত হইল; কিন্তু ঐ পর্যন্ত চণ্ডা কাহার নয়ন-গোচর হইল না। ধাত্রীমাতা এবং রাজপুরোহিতপ্রভৃতি এতৎ পরামর্শের সহযোগি-সকলেই ক্ষুদ্রমনে নগরাভিমুখে প্রত্যগমন করত চিতোরি নামক উচ্চস্থলে উপনীত হইলেন, এমত সময়ে দ্বাবিংশতি অশ্বাকৃৎ ব্যক্তি তৎপার্শ্ব দিগ্বা বেগে হস্ত-সঞ্চালন করিল, এবং তন্মধ্যে ছদ্মবেশধারি চণ্ডা-বীর অশ্ব-সঞ্চালন-কালীন গুপ্তভাবে আপন কনিষ্ঠকে রাজসম্মান প্রদান করিলেন। অশ্বারোহিরা রামসেতু অবধি অবধি আগত হইয়া তথায় জিজ্ঞাসিত হইল; “তোমরা কে?” তাহারা উত্তর করিল “গোসুপ্তার ভোজ উপলক্ষে নিকটবর্তি পর্বতহইতে উত্তরণ হইয়া রাজ-প্রত্যগমনের সমভিব্যাহারি হইয়াছি;” এবং ঐ বাক্যে বিশ্বাস জন্মাইয়া ক্রমে অগুসর হইল। পরে অবশিষ্ট সমস্ত দল পশ্চাৎ ২ খাবমান হইয়া আইলে তাহাদিগের গুপ্ত অভিপ্রায় ব্যক্ত হইয়া উঠিল। তখন চণ্ডা খড়্গ প্রসারণ করিলেন। তাহার সুব্যক্ত চীৎকারধ্বনি-শ্রবণে আভীর সমস্ত সমরে অগুসর হইল; চিতোরের প্রধান দ্বারপাল এক জন ভাউ-রাজপুত্র অসঙ্কত যুদ্ধে অপারগ হইয়া চণ্ডার প্রতি খড়্গ নিক্ষেপ-পূর্বক আঘাত

মাত্র করিয়া স্বয়ং হত হইলেন। দ্বাররক্ষক সকলেই বিনাশকে পাইল; এবং রাটোর বংশীয় তদীয় সহচরেরাও নিম্নায়ে তৎপথে প্রেরিত হইল।

রীণমলের শেষাবস্থা অতি ঘণাস্পদ হইয়াছিল। তিনি এক জন সহচরীর প্রতি প্রেমাবিষ্ট ও মদ্যরসে বিহ্বল হইয়া বলপূর্বক তাহার ধর্মনাশে ব্যগ্ন ছিলেন, নগর মধ্যে কোলাহল কিছু মাত্র শ্রবণ করেন নাই। অবলা ঐ কোলাহল শ্রবণমাত্র স্বীয় ধর্মনাশকের সমুচিত-দণ্ডবিধান-করণাভিলাষে তাহার উদ্বীষ-দ্বারা তাহাকে পর্যাক্ষে বন্ধন করিয়া রাখিয়াছিল। ইতোমধ্যে চণ্ডার সৈন্যসকল তথায় আসিয়া উপস্থিত হয়; তখন রীণমল চক্ষুঃস্নান করিয়া কিঞ্চিৎ চৈতন্য প্রাপ্ত হইলেন। অতি কষ্টেও বন্ধন-মুক্ত হইতে অপারক ঐ রাজপুত্র অত্যন্ত হেয় অবস্থায় কোন ক্রমে দণ্ডায়মান থাকিয়া একটা তৈজস-পাত্র হস্তে পাইয়া তদ্বারা অনেককে ভূমিতে শায়িত করিতেছিলেন, এমত কালে একটা গুলির আঘাত প্রাপ্তিতে পঞ্চদশ প্রাপ্ত হইলেন। কিন্তু তাহাতে চণ্ডার প্রতিহিংসা সম্পূর্ণ হইল না। রীণমলের পুত্র যোধা বর্তমান ছিল তিনি তাহারই প্রতি ধাবমান হইলেন। তাহাতে যোধা এক বেগবান-হয়ারোহণে নগরহইতে পলায়ন করিয়া স্বদেশ পরিত্যাগপূর্বক প্ৰাণ রক্ষা করণার্থে হরবা সঙ্কলা নামা এক রাজপুত্র প্রধানের আশ্রয় প্রার্থনা করিতে প্রয়াণ করিলেন। চণ্ডা ঐ অবকাশে তাহার পৈতৃকরাজ্য মণ্ডোরাক্রমণে প্রবর্ত্ত হইয়া তাহা পরাজয় পূর্বক আপন পুত্রদ্বয়ের হস্তে সমর্পণ করেন। ঐ গভীর রাজপুত্রের বীরত্বপ্রভাবে অনেকে কম্পায়মান হইত। তিনি যাবজ্জীবন আশ্রয়-বিহীন হইয়া সাংসারিক মায়ী জনসমূহের প্রতি অর্পণে আপনাকে ধন্য জ্ঞান করিয়াছিলেন; এবং

দৈহিক সুখকে সর্বতোভাবে অকিঞ্চিৎকর বিবেচনায় তিনি শারীরিক ক্লেশ স্বীকার এবং ধনবিতরণদ্বারা পুণ্য-সঞ্চয়ে অহরহঃ তৎপর ছিলেন। ন্যায় পক্ষে কেহ কোন সাহায্য অপেক্ষা করিলে, তদগ্লেই হরবা সমর-সজ্জায় তৎসাহায্যে অগুসর হইতেন, এবং পথশূন্ত পথিক আশ্রয় আকাঙ্ক্ষা করিলে অমনি তৎক্ষণাৎ শঙ্কলা অবারিত দ্বার তাহাকে আশ্রয়-পূর্বক ক্রোড়ে করিয়া লইত।

মিবার-রাজ্যে অপিচ সমস্ত রাজস্থানে অদ্যাপি সদাবুতের প্রাদুর্ভাব দৃষ্টি হয়; এবং যথা ২ দেবদর্শনার নিয়ম আছে, তথা ২ অতিথি সেবারও বাহুল্য আছে। এই স্থলে ইংরাজ ইতিহাসবেত্তা সরল-স্বভাব টড সাহেব লেখেন “যদি আতিথ্য-ধর্মের প্রাচুর্য দেশের অসম্পূর্ণ সভ্যতার চিহ্ন হয়, তবে হার! নন্যক সভ্যতা কি দূরবস্থা!” এতাদৃশ এক সদাবুতের আতিথেয় যোধা সঙ্কলার প্রাক্কালে এক শত বিংশতি সৈন্য সমভিব্যাহারে সমাগত হইলেন। দিবাসমানে বুতাবমানও হইয়াছিল; অতিথি-ক্রিয়ার অসঙ্কতি-বিধায় মঞ্জিষ্ঠী কাষ্টের সহিত গোধূম ও সর্করা মেলন-পূর্বক রন্ধন করত তাহাই তাঁহার ভক্ষণ করিয়া রাখিয়াপন করিলেন। পরদিন প্রাতে গাত্রোথান করিয়া পরস্পর মুখাবলোকনে গুপ্ত কেশে রক্তিমাবর্ণ দৃষ্টে সকলেই বিস্ময়গণ হন। হরবা শঙ্কলা তথায় উপস্থিত ছিলেন। তিনি ভুক্ত-কাষ্টের গুণ ব্যাখ্যা না করিয়া কহিলেন, “যেহেতুক বার্কাকের শ্বেতবর্ণের পরিবর্ত্তে যৌবনের অকণোদয় এবং আশার নবীন নীরদের সঞ্চার হইয়াছে, অতএব তোমাদের সৌভাগ্য পুনরায় সদবস্থা-প্রাপ্তে পূজনীয় হইবেক”। এই কথায় আশ্বাসিত হইয়া যোধা তাঁহার সহায় গৃহণ করিলেন, এবং তদানুকূলে শতাধিক উগু-হয়াধিপতি মেয়োপ্রদেশের প্রধান বীরকে সঙ্গী করিলেন।

পাবুজি নামক অপর এক বীরকেও ঐ রূপে স্বদেশে গুপ্তিত করিয়া যোধা স্বদেশোদ্ধারের চেষ্টায় মণ্ডোরে উপনীত হইলেন। তথায় চণ্ডার পুত্রদ্বয় উপস্থিত ছিলেন। তন্মধ্যে জ্যেষ্ঠ ইহাদিগকে সামান্য জ্ঞানে তাক্ষীল্য করিয়া সমরে হত হইলেন; ও দ্বিতীয় মুঞ্চাজী স্বসৈন্যকর্তৃক পরিত্যক্ত হইয়া প্ৰাণ লইয়া পলায়ন করিতে ২ গড়ওয়ার নামক রাজ্যের প্রান্তভাগে শত্রু-হস্তে প্ৰাণ-সমর্পণ করিলেন। যোধার প্রতি হিংসা সফল হইল; বরং মণ্ডোরের বীরক পরিবর্ত্তে মিবার-বংশীয় বীরদ্বয়ের নিপাত হওয়াতে, যোধা ক্ষান্ত হইয়া বিবাদভঞ্জন-হেতুক এবং “মুঞ্চকাটি” অর্থাৎ শোণিত বিনিময়ে যে স্থলে মুঞ্চার পতন হইয়াছিল সেই পর্যন্ত মিবার রাজ্যে সংযোগ করিয়া দিতে স্বীকার করিলেন। ইহাতেই সমস্ত গড়ওয়ার দেশ মিবারের অন্তর্গত হইল, এবং তদবধি তিন শত-বৎসর-পর্যন্ত তদধীনেই ছিলেন।

রাজপুত্রের এই এক প্রধান ধর্ম যে, পরস্পরে প্রবল বৈরতায় নিযুক্ত হইলেও যাবজ্জীবন মনোমধ্যে সেই হিংসানল প্রতিপালন করিয়া চিরবৈরতারূপ আচরণে ঐ অনির্বাণীয় অগ্নি কদাপি প্রজ্জ্বলিত রাখে না; প্রত্যুত পরকণেই পরস্পরের সহায়তা এবং সহযোগিতা প্রদান এবং প্রাপণের প্রথা, তাহাদিগের মধ্যে বিলক্ষণরূপে প্রচার আছে। মাড়ওয়ার বংশীয় ভূপতির চিতোরের ভূগতি প্রতি-হিংসায় আহার নিদ্রা পরিত্যাগ করত কিয়ৎকাল পরে তৎপুত্র যুবরাজকে সিংহাসনাক্রম করাইতে প্ৰাণপণে প্রযতুবান হইয়াছিলেন। এই সদগুণ বিষয়ে ইতিহাসবেত্তা টড সাহেব লিখেন, “রাজপুত্রদিগের এতৎ চমৎকার ব্যবহার আদ্যোপান্ত প্রকাশ আছে, এবং ভবিষ্যতেও এই রূপ থাকিবেক সন্দেহ নাই; বরং এই সরলতার সূত্র প্রবল থাকিয়া পর-



স্পর পুণ্যের গাঢ়তা জন্মিয়া পাছে অস্বাদির পক্ষে এক ভয়ানক দিবস উপস্থিত হয় এই আমার সন্দেহ। তাহাদিগের দুর্জয় যবন বৈরিকবরে মহানিদুবস্থায় শয়িত হইয়াছে, এবং তদনুগামি মহারাষ্ট্রীয় ভীষণ নাশকেরা কারাগারে মৃতকার্য ন্যায় পতিত আছে; এক্ষণে তাহারা শত্রু মিত্র উভয় রহিত হইয়া কেবল মাত্র ইংরাজদিগের মুখাবলোকন করিয়া রহিয়াছে”।

পূর্বোক্ত প্রকারে মোকল প্রথমে চণ্ডার রাজ্য-ত্যাগ দ্বারা, দ্বিতীয়তঃ তৎকর্তৃক শত্রুহস্তহইতে মুক্ত হইয়া ১৪৫৪ সন্বতে রাজ্যভিষিক্ত হইলেন। তৎসময়ে তৈমুরলঙ্গ নামক অদ্বিতীয় তাতার সেনাপতি আশিয়া-খণ্ডের অপরাপর অংশ জয় করত ভারতবর্ষে উপনীত হইয়া দিল্লীশ্বরকে আক্রমণ করিয়াছিলেন। ফিরোজশাহ পাদশাহের পুত্রপৌত্র এক যুবরাজ সঙ্গ্রামে অগুসর হইবামাত্র তৈমুরের ভয়ানক সমরে যথোচিত শাস্তি পাইয়াছিলেন, ও তথাহইতে পলাইয়া গুজ্জর দেশে-শান্তিমুখে গমন করিয়া মিবারে পুত্র হইতে-ছিলেন, ইতোমধ্যে রাণা মোকল আরাবল্লি-পর্ব-তোপান্তে রায়পুর নামক স্থানে তাঁহার সহিত সাক্ষাৎ করিয়া তাঁহাকে পরাজয় করেন; এবং ক্রমে স্বীয় জয়পতাকা উত্তীর্ণমান করিয়া স্বদেশকে বিলক্ষণরূপে বিস্তৃত করিয়াছিলেন। লাক্ষা-রাণা যে রাজবাটীর সূত্রপাত করাইয়াছিলেন, মোকল তাহা সমাপন করাইয়া “চতুর্ভূজা” দে-বীকে দাক্ষিণ্য-পর্বতে স্থাপন করিয়াছিলেন।

তাঁহার তিন পুত্র এবং লালবাই নামী এক পরমা সুন্দরী দুহিতা ছিল। গাগুত্তন দেশের কিচি সেনাপতির সহিত ঐ কন্যার বিবাহসম্বন্ধের নির্বন্ধ হয়। পাণিগৃহণ-সময়ে পণ-স্বরূপে তিনি বিদেশী-য়দিগের আক্রমণ হইতে শ্বশুরের নিকট সাহায্য-

প্রার্থনা করিয়াছিলেন। পরে মালবদেশীয়াধিপতি হোশঙ্কের বিরুদ্ধে সমরে প্রবৃত্ত হইয়া ঐ কিচিন-স্তান পূর্বস্বীকৃত সহায়তা প্রাপ্ত্যর্থৈ মেদিরিয়া নামক স্থানে (যথায় রাণা পর্বতীরদের শাসনার্থে গমন করিয়াছিলেন) উপস্থিত হইয়া তাহা উপলব্ধ হন; কিন্তু ঐ পার্বত্যভূমিতে রাণা স্বয়ং কালহস্তে পতিত হইলেন। তাহার বিশেষ বৃত্তান্ত এই। মোকলের পিতামহ লাক্ষা-রাণার পিতা ক্ষেত্রসিং-হের এক সূত্রধরপত্নীর গর্ভে চাচা এবং মেরা নামক দুই পুত্র জন্মিয়াছিল। দেশপ্রথানুসারে মিবারের “পঞ্চম পুত্রেরা” অর্থাৎ দাসীসন্তানেরা সর্বদা কোন বিশেষ পদে অভিষিক্ত না হইয়া রাজার সম্মুখে থাকিয়া রাজ্যের পুত্রিপালন করিত। দ্বিতীয়শ্রেণীস্থ কুলীনেরা তদপেক্ষা উচ্চাসনে উপবে-শন করিতেন। এতৎ প্রথার বিপর্যয়ে রাণা মোকল সপ্তশত অশ্বাধুসৈন্যের সেনাপতিত্ব পদে উপরোক্ত ভ্রাতৃদ্বয়কে নিযুক্ত করেন, ও তাহাতে কুলীনেরা তাহাদিগের দ্বেষী হইয়াছিলেন। দৈব-যোগে ঐ দ্বেষ সফল করণের উপায় হইল। পারিষদ্বর্গসহ এক দিবস মেদিরিয়ার কুঞ্জমধ্যে বসিয়া রাণা একটা বৃক্ষের নাম জিজ্ঞাসা করিলেন। তদুত্তরে জিজ্ঞাসিত ব্যক্তি অজ্ঞানতাহলে ঐ উভয় ভ্রাতার এক জনকে প্রশ্ন করিতে ইচ্ছিত করিল। রাণা অকপটে পুস্তাবিত প্রশ্ন করায় ভ্রাতৃদ্বয় তাহাদিগের নিন্দিত বংশের প্রতি অবজ্ঞা অনু-মানে আপাতত ক্রোধ সম্বরণ করিয়া ঐ দিবস সঙ্ঘার সময়ে রাণাকে বিনাশ করিলেন। রাজ-হত্যাকারিরা তদনন্তরই চিতোরাক্রমণে তৎপর হইয়াছিল; কিন্তু নগরের দ্বার বন্ধ দেখিয়া পরাভ্রমুখ হয়; ও তৎপরেই যুবরাজ কুস্ত তাঁহার পিতৃশত্রু মাডোয়ারাধিপতির সহায়তায় নির্ভর করিয়া তদনুকূলে শত্রুসহ সঙ্গ্রামে জয়যুক্ত হইলেন।

রাজঘেরা অবশেষে উদয়পুর বেষ্টনকারি পর্বত-শ্রেণির এক উচ্চশিখরস্থিত রাটাকোট-নামক স্থানে লুকায়িত হয়। তথায় ঐ দুর্বত্তেরা চোহান-বংশীয় এক কুমারী-কন্যাকে সবলে আনয়ন করাতে ঐ অভাগিনী রমণীর পিতা ঐ নিবিড় আবাসের অনুসন্ধান প্রাপ্ত হইয়াছিলেন। যুব-রাজকুস্ত এবং তাঁহার বন্ধু মাডোয়ারাধিপতি এই উভয়ের রণযাত্রাহইতে পুত্র্যাগমন সময়ে ঐ দুর্ভাগ্য পিতা বস্ত্রদ্বারা মুখাবৃত্ত করিয়া অধো-বদনে রাজদ্বয়সমীপে আপন অবমানের বার্তা গোচর করিল। রাণা তথায় অবস্থিত করিয়া রাত্রিকালে চর সহকারে পর্বত শিখরারোহণে প্রবৃত্ত হইলেন। ঐ দুর্গমপথে রজনীবোগে সক-লে পরস্পর শরীরের আশ্রয় গ্রহণ করিয়াছিল। কেবল ঐ ন্যাব্যক্রোধে রাগাক্ত পিতা সর্বাঙ্গে পথদর্শক হইয়া গমন করেন। পথিমধ্যে এক গম্বরে এক ব্যাঘ্রীর প্রজ্জ্বলিত নয়নদ্বয় দৃষ্টি করিয়া তাঁহার পশ্চাৎস্থিত রাঠোর ভূপতির হস্ত চাপিয়া ইচ্ছিত করাতে তিনি তৎক্ষণাৎ স্বীয় খড়্গ ঐ ব্যাঘ্রীর শরীর মধ্যে প্রবিষ্ট করাইলেন। তৎপরে শিখর-প্রান্তে উঠিতে ২ তথাহইতে রাজসমভিব্যাহারি কবির পতন হইল। ঐ শব্দ শুনিয়া চাচার বালিকা নিদুবস্থা-হইতে রোদন করিয়া উঠে। তাহার পিতা কহি-ল, উহা কেবল ভাদু মাসের মেঘের গজ্জন-মাত্র। তাহাতেই আশ্বাসিত হইয়া বালিকা পুন-নির্দ্রিত হয়; এমত সময়ে রাণা সদলে সমা-গত হইয়া দুর্বৃত্ত ভ্রাতৃদ্বয়কে তৎক্ষণাৎ যমালয়ে প্রেরণ করিলেন, এবং চোহানবংশীয়া রমণীকে দস্যুহস্তহইতে উদ্ধার করিয়া তথাকার সমস্ত দুব্য-দি সৈন্যদিগকে বিতরণ করিলেন।

\*

## প্রাকৃত ভূগোল।

### তৃতীয় পুস্তক।

পর্বত-সৃষ্টির বিবরণ।

পৃথিবী কি প্রকারে সৃষ্ট হইয়াছে, এবং তাহার অন্তর্ভাগের পদার্থ ও অবস্থা কীদৃশ, তাহা আমরা জ্ঞাত নহি। পর্বত শ্রেণির অবস্থা ও পদার্থের অনুসন্ধানদ্বারা প্রতীতি হয়, পৃথিবীর বর্তমান অবস্থার পক্ষে পুনঃ ২ জলপ্লাবন ও অগ্নিসঞ্চার-দ্বারা তাহার গাত্রোপরিভাগের সম্যক পরিবর্তন হইয়াছে। সংস্কৃত ভাষায় এই জলপ্লাবন ও অগ্নি-সঞ্চারকে “পুলয়” শব্দে কহে; কিন্তু শাস্ত্রোক্ত তদ্বিবরণের সত্য-মিথ্যা-বিষয়ে আমরা বাকাব্যয় করিতে অধুনা স্মৃহা রাখি না।


ভূ-তত্ত্ব-বিদ্যায় পারদর্শি মহাশয়েরা নিরূপণ করিয়াছেন, পলাণ্ডু-ভূকের ন্যায় কতকগুলি পার্থিব পদার্থের স্তরদ্বারা পৃথিবীর উপরিভাগ আবৃত আছে। ঐ স্তরগুলি ক্রমশঃ ২ সংস্থাপিত হইয়াছে; ও মধ্যে ২ এক ২ বার পুলয় হইয়াছিল। এক এক স্তর সংস্থাপিত হইতে কত মহসু বৎসর কাল গত হইয়াছিল তাহা নিরূপণ করা কঠিন; অপর ঐ স্তর সকলের সীমা ও পরিমাণ নিরূপণ করাও দুষ্কর। যে সকল স্তরের পরীক্ষা করা গিয়াছে তদ্ব্যক্টে বোধ হয় গুণিট নামক এক প্রকার দানাবিশিষ্ট প্রস্তর সর্বদৌ প্রস্তুত হয়, এবং ঐ প্রস্তর পৃথিবীর অন্তর্ভাগে আছে। কোন ২ ভূতত্ত্ববিৎ অনুমান করেন, এই জলস্থলময়ী পৃথিবী উক্ত প্রস্তর-নির্মিত অণুস্বরূপ; কালক্রমে তদুপরি অন্য পদার্থ চারি জাতীয় স্তরে স্থাপিত হইয়াছে। ঐ স্তরজাতি-চতুষ্টয়ের সর্বদৌ স্থাপিত স্তর কয়লাবিশিষ্ট; অতএব তাহাকে “আঙ্গার্য স্তর” বা “প্রথম স্তর” শব্দে কহি। তদনন্তর যে স্তর তাহা চূর্ণ-ময়, অথবা তাহার অধিকাংশ চূর্ণ; তাহার নাম “চূর্ণস্তর” বা “দ্বিতীয় স্তর”। তৎপরে “তৃতীয় স্তর”; তাহার প্রধান অঙ্গ বালুকা। তদুপরি মৃত্তিকা বা মৃৎপ্রস্তর। এই স্তর চতুষ্টয়াতিরিক্ত অগ্নি-দগ্ধ-প্রস্তরের পিণ্ডও অনেক স্থানে আছে; তাহাকে আগ্নেয় প্রস্তর শব্দে কহি। স্থানভেদে, ও যে ২ পদার্থে পূর্বোক্ত স্তর-সকল প্রস্তুত হয় তাহার পরিমাণভেদে, কোন ২ স্থানে এক শ্রেণিগত প্রস্তরের ভিন্ন ২ অংশের প্রস্তর-গত অনেক লক্ষণ ভেদ হয়, তথা নামের ও পরিবর্তন হইয়া এক ২ শ্রেণিমধ্যে ভিন্ন ২ বর্গের



সৃষ্টি হয়; পরন্তু ভূমণ্ডলের যে পর্যন্ত স্থান অনুসন্ধানিত হইয়াছে ও তাহার সর্বত্র যে ২ প্রকার প্রস্তর-স্তর দৃষ্ট হইয়াছে, তাহা পুরোধিত কএক প্রকার স্তরের কোন না কোন শ্রেণির সহিত সমন্বয় হইয়া থাকে।

এই সকল স্তর স্থাপিত হওনাবধি পৃথিবীর অন্তর্ভাগ সমভাবে অবস্থান করিতেছে এমত বোধ হয় না; প্রকৃত প্রতীতি হইতেছে সময়ে ২ অধি জল বা অন্য কোন প্রবল কারণ ঐ স্তরকে স্তনীত করিয়া উর্দ্ধে নিষ্ক্ষেপ করিয়াছে, এবং তদ্বারা যে স্তর পূর্বে সম-

ভূমি ছিল তাহার এক দেশ কুজাকার হইয়া উঠিয়াছে, অথবা তাহার কোন ২ স্থান ভগ্ন হইয়া তাহার অগ্নু-ভাগ উর্দ্ধাভিমুখ হইয়াছে। নিম্নে যে চিত্র মুদ্রিত হইল তদৃষ্টে স্পষ্ট ব্যক্ত হইবে পৃথিবীর স্থলভাগে প্রস্তর-স্তর এই প্রকারে উর্দ্ধে নিষ্ক্ষেপ হইলেই পর্যন্ত হয়। চিত্রের ১ চিত্র অবধি প্রত্যেক পার্শ্বে কএক স্তর আছে; ঐ স্তরের উভয় পার্শ্বের অগ্নুভাগ (ক খ গ ঘ চিত্র) আদৌ সম্মিলিত ছিল, উর্দ্ধে নিষ্ক্ষেপ হওয়াতেই ভগ্ন হইয়া উর্দ্ধাভিমুখ হইয়াছে।



যে শক্তিতে পৃথিবীর স্তর উৎক্ষেপণ করে তাহা পৃথিবীর এক স্থানে বল প্রকাশ করিলে কুজাকার এক পর্যন্ত-পিণ্ড সম্ভবে; তাহাকে অসংশ্লিষ্ট পর্যন্ত শব্দে কহি। পরন্তু ভূমণ্ডলে এবল্লুকার অসংশ্লিষ্ট পর্যন্ত অল্প আছে; অধিকাংশ পর্যন্ত অতি দীর্ঘাকারে শ্রেণি-নিবদ্ধ হইয়া থাকে। হিমালয় পর্যন্ত বুদ্ধদেশহইতে পারস্য দেশ পর্যন্ত অষ্টাদশ শত কোশ স্থান ব্যাপ্ত করিয়া আছে। বিস্ফাণিরি রাজমহলহইতে আওরঙ্গাবাদ-পর্যন্ত বিস্তীর্ণ; সোলোম্যান পর্যন্ত পেশাওর হইতে সমুদ্র-পর্যন্ত দীর্ঘ; ঘাটাখ্য পর্যন্ত আওরঙ্গাবাদ হইতে কন্যাকুমারী অন্তরীপ অবধি প্রশস্ত-প্রাচীরবৎ দণ্ডায়মান থাকিয়া সমুদ্রকে ভারতবর্ষ প্লাবিত করিতে নিষেধ করিতেছে। এই সকল পর্যন্তশ্রেণির সর্বত্র সমোচ্চ নহে, স্থানে ২ নিম্ন আছে। ঐ নিম্ন-স্থান-সকল অনুপ্রস্থগামী—অর্থাৎ যে দিগে পর্যন্ত দীর্ঘ তাহার প্রস্থদিগে ঐ নিম্ন স্থানের বিস্তৃতি। ঐ নিম্ন স্থান প্রশস্ত হইলে “উপত্যকা,” ও সঙ্কীর্ণ হইলে “পার্বত্য পথ” বা “গিরি-সঙ্কট” শব্দে বিখ্যাত হয়।

যে শক্তিদ্বারা পৃথিবীর স্থল ভাগকে উৎক্ষেপ করিয়া পর্যন্তের সৃষ্টি করে তাহা সমুদ্র গর্ভেও স্বীয় ক্ষমতা প্রকাশ করিয়া থাকে, এবং তদ্বারা যে পর্যন্তের উৎপত্তি হয় তাহা জলমধ্যে নিম্ন থাকিলে “মগ্নগিরি” শব্দে প্রসিদ্ধ হয়;

এবং তাহা জনহইতে উখিত হইলেই দ্বীপ শব্দের বাচ্য হইয়া উঠে। কোন ২ মগ্নগিরির অগ্নুভাগে প্রবাল-কীটেরা আপন আবাস সংস্থাপন করে; এবং ক্রমশঃ তাহার বৃদ্ধি হইয়া জলসীমাহইতে উর্দ্ধে উখিত হয়, তৎপরে জোয়ারদ্বারা তদুপরি মৃত্তিকার সংস্থাপন হইলেই দ্বীপের সৃষ্টি হইল। ফলতঃ দ্বীপমাত্রেরই মূল পর্যন্ত, এবং তাহা পৃথিবীর দেহস্থ পার্শ্বের পদার্থের উৎক্ষেপণদ্বারা উৎপন্ন হয়। সমস্ত পৃথিবী কোন কালে জলে নিমগ্ন ছিল কি না তাহা আমরা উপস্থিত-প্রমাণ-দৃষ্টে নিঃসংশয়ে কহিতে প্রস্তুত নহি; পরন্তু হিমালয়ের শিখর পর্যন্ত প্রস্তর মধ্যে সমুদ্র-সমুদ্রের স্থিতি দৃষ্টে ইহা অবশ্যই স্বীকার করিতে হইবে, হিমালয় কোন সময়ে সমুদ্রের গর্ভশায়ী ছিল; পৃথিবীর কোন বিশেষ শক্তিদ্বারা ইদানীন্তন সেই জল-শয্যাহইতে শির-উত্তোলন করিয়া গিরিরাজ পদ প্রাপ্ত হইয়াছে। প্রস্তাবিত শক্তি এক বার কি পুনঃ ২ চেষ্টায় হিমালয়কে উৎক্ষেপ করিয়াছিল ইহা নিশ্চয় করা হয় নাই। ভূ-তত্ত্বানুসন্ধায়িরা অনুমান করেন পুনঃ ২ চেষ্টায়ই এই বৃহৎ কার্য নিষ্পন্ন হইয়াছে; পরন্তু সে সক্র বা বারংবার চেষ্টায় সম্ভব হউক, ইহা অবশ্য স্বীকার করিতে হইবে, যে শক্তি অষ্টাদশ শত কোশ দীর্ঘ ও শত কোশ প্রস্থ হিমালয়-

পর্যন্তকে চারি কোশ উর্দ্ধে নিষ্ক্ষেপ করিয়াছে তাহার চিন্তন করিতে হইলে মন এক-কালে অবসন্ন হইয়া পড়ে।—সপ্রমাণ হইয়াছে আসিয়া-খণ্ডের গোবি নগ্নক বিস্তীর্ণ মরুভূমি ও আফ্রিকা খণ্ডের সাহারা মরুভূমি কোন সময়ে সমুদ্রের গর্ভ-স্থান ছিল; নব্য কালে পৃথিবীর আন্তরিক শক্তিদ্বারা উৎক্ষেপ হইয়া জল-শূন্য হইয়াছে।

পর্যন্ত-শ্রেণির এক পার্শ্ব দুর্গম ও প্রায় ঋজুভাবে উচ্চ, ও অপর পার্শ্ব ক্রমশঃ ঢালু হইয়া থাকে। হিমালয়ের দক্ষিণভাগ প্রায় ঋজুভাবে উচ্চ, সুতরাং অত্যন্ত দুর্গম, ও উত্তর ভাগ ক্রমশঃ নিম্ন, তথা দুর্গম। ভারতবর্ষের ঘাট পর্যন্ত, সোলোম্যান পর্যন্ত, বিস্ফা পর্যন্ত, মহাদ্বীপ পর্যন্ত, আরাবলি পর্যন্ত, ইউরোপ খণ্ডের আল্পস ও পিরিনিয় পর্যন্ত ও দক্ষিণ আমরিকার আণ্ডিস পর্যন্তও ঐ প্রকার; তাহাদের যে পার্শ্ব সমুদ্রাভিমুখ সেই পার্শ্ব অতি দুর্গম ও প্রায় ঋজুভাবে উচ্চ; ও যে পার্শ্ব স্থলাভিমুখ তাহা ক্রমশঃ নিম্ন।

পূর্বেই উক্ত হইয়াছে দ্বীপ-সকলের মূল পর্যন্ত, সুতরাং ঐ পর্যন্তের দীর্ঘতানুসারে দ্বীপের দৈর্ঘ্য নিরূপণ হয়। প্রায়দ্বীপ-সম্বন্ধেও এই নিয়ম প্রচার আছে। কাম্বোডিকা প্রায়দ্বীপ উত্তর-দক্ষিণে দীর্ঘ, তন্মধ্যস্থ পর্যন্তশ্রেণীও তদনুরূপ। মেক্সিকো প্রায়দ্বীপও উত্তর-দক্ষিণে দীর্ঘ, ও তত্রত্য পর্যন্তও তদনুসারে প্রশস্ত। অপর এই নিয়ম পৃথিবীর বৃহৎ ২ খণ্ডেও অপ্ৰচরিত নহে। দক্ষিণ আমরিকা ও তত্রত্য আণ্ডিস নামক পর্যন্তশ্রেণী উভয়েই উত্তর দক্ষিণে দীর্ঘ; আসিয়া খণ্ড পূর্ব-পশ্চিমে দীর্ঘ, ও তত্রত্য হিমালয় ও আলতাই ও কুয়েনলুন-পর্যন্ত-শ্রেণী-সকলও তদনুরূপ।

অস্থি মনুষ্য-দেহের যে প্রকার আধার, সেই প্রকার পৃথিবীর স্থল ভাগের আধার পর্যন্ত। প্রত্যেক দ্বীপের এক দেশে এক ২ পর্যন্ত বা পর্যন্তশ্রেণী আছে; ঐ দ্বীপের সমস্ত ভূমি প্রস্থাবিত পর্যন্তের উপর নির্ভর করে। পৃথিবীর বৃহৎ ২ ভূমি-খণ্ড-সকল বহু দ্বীপের সমষ্টি; সুতরাং তাহাতে সমুচিত পর্যন্তেরও স্থিতি আছে। ঐ সকল পর্যন্তের ক্রিয়দংশ ভূমি-খণ্ডকে ভগ্ন প্রাচীরবৎ বেঁটন করে; আন্ত বোধ হয় যেন ঐ পর্যন্ত ভূমি-প্লাবনকারী সমুদ্রকে নিবারণ করণার্থে স্থাপিত হইয়াছে। বৃহৎ-ভূমি-খণ্ডের বেঁটনকারি পর্যন্তকে আমরা ভগ্ন প্রাচীরের সহিত তুলনা করিলাম, কারণ তাহার সর্বত্র সমোচ্চ নহে; অনেক স্থানে বিচ্ছেদ আছে; ঐ স্থানে ২ বিচ্ছেদ না থাকিলে নদী সকলের জল নিগমনের উপায় থাকিত না।

খৌণী-বিদ্যায় বিশারদ মহাশয়েরা নিরূপণ করিয়াছেন সমান্তরে স্থিত পর্যন্তশ্রেণি-সকল সমকালে উৎপন্ন হইয়াছে, ও তাহার পদার্থও সমতুল্য। এই নিয়মদ্বারা ভূমণ্ডলের প্রাচীন বৃত্তান্ত অনায়াসে নিরূপণ হইয়া থাকে। সমান্তরাল-পর্যন্ত-শ্রেণিদ্বয় শত কোশ অন্তরে স্থিত হইলেও তাহাদের পরস্পর সম্মুখবর্তি উচ্চ ও নিম্ন স্থান এতাদৃশ বোধ হয় যেন এক পর্যন্ত ভগ্ন হইয়া দুই স্থানে স্থাপিত হইয়াছে, ও উভয়কে নিকটে আনিতে মিলিত হইয়া ঐক্য হইতে পারে।

উচ্চতা বিষয়ে হিমালয় পর্যন্ত সর্বাপেক্ষায় শ্রেষ্ঠ; তাহার তুল্য উচ্চ ও প্রাচীন পর্যন্ত আর কোথাপি নাই। তাহার সর্বোচ্চ শিখর সিকিম-রাজ্যের উত্তর ভাগে কাঞ্চনজঙ্ঘা নামে বিখ্যাত আছে। ভূগোলবেত্তারা সমুদ্রের জল সীমাহইতে পর্যন্তের উচ্চতা নিরূপণ করেন। তন্নিয়মানুসারে কাঞ্চনজঙ্ঘা ১৮,২৮৪ হস্ত উচ্চ। পৃথিবীর প্রধান ২ পর্যন্তের উচ্চতা নিম্নে নিরূপিত হইল।

আশিয়া খণ্ডের পর্যন্ত।

কাঞ্চনজঙ্ঘা (হিমালয়ের শিখর) ..	১৮,২৮৪ হস্ত উচ্চ
ধবলগিরি .. (ঐ) ..	১৮,৪০০ ”
যমুনত্রী .. (ঐ) ..	১৭,১১৩ ”
নন্দাদেবী .. (ঐ) ..	১৭,০৬৫ ”
গোমাই-থান .. (ঐ) ..	১৬,৪৬৭ ”
চুমালারি .. (ঐ) ..	১৫,২৬০ ”
মৌনারোয়া (মাণ্ডুইচদ্বীপ) ..	১০,৬৫২ ”
ওফির (সুমাত্রা) ..	৯,২২৭ ”
ইটালিটজকোয়া (আলতাই শ্রেণী)	৭,১৫৮ ”
আরারাই (আর্মেনি দেশ) ..	৬,৪০০ ”

আমরিকা খণ্ডের পর্যন্ত।

আকোনকা-গুয়া (আণ্ডিসের শিখর) ১৫,৩৩৪	”
চিম্বরোজো .. (ঐ) ..	১৪,২৮৩ ”
সোরাতো .. (ঐ) ..	১৪,১২১ ”
ইলিমানি ..	১৪,১৮০ ”
ডেক্সাবাসাতো ..	১৪,০৬৭ ”
ডেসিয়া কাস্‌সাডা ..	১২,১৪৭ ”
কোটোপাক্সী ..	১২,৫৭৪ ”
পোপোকাটিপেটল ..	১১,৮১৪ ”
সেণ্টইলিয়াস ..	১১,২০৮ ”



ইউরোপ খণ্ডের পর্যট।

মণ্ট-ব্লাঙ্ক (শ্বেত শিখর) .. .. .	১০,৪৪৬	..
মণ্ট-রসা .. .. .	১০,৩৮১	..
জঙ্কফা .. .. .	২,১৫৩	..
সেন্ট-বর্গার্ড .. .. .	৫,৩১২	..
এটনা .. .. .	৭,২৪৬	..
বিশ্ববিয়স্ .. .. .	২,৬২১	..

আফরিকা খণ্ডের পর্যট।

গীশ .. .. .	১০,০০০	..
আমিদ্ আমিদ্ .. .. .	৮,৬৬৬	..
আতলাস .. .. .	৮,১২০	..
লামালমোন .. .. .	৭,৪৬৭	..
ভেনেরিফ .. .. .	৭,২৮৭	..


## ব্যাঘু-মৃগয়া।

কোন আত্মীয় কহেন, “নির্বল মনুষ্য দ্বারা বল-সুনাধ্য মৃগয়া কদাপি সম্ভবে না, ফলতঃ তদ্রূপ ব্যক্তি কেহ কখন ঐ উৎসাহবর্জক কন্ঠে প্রবৃত্ত নহেন। একটা সামান্য গম্প আছে, কোন ধনাঢ্যের হৃষ্ট পুষ্ট কুকুর গুাম-প্রান্তে কুচিৎ দরিদ্রের গৃহ-পালিত স্বপাহারে-জীর্ণ-তনু এক দুর্বল কুকুরকে সন্মো-ধন করিয়া কহিয়াছিল, ‘চল, আমরা উভয়ে একত্রে ধাবমান হইয়া পরম্পরের ক্ষমতা নিৰ্কা-পণ করি’। দরিদ্রের স্থান গাত্রোথানেই অশক্ত, এবম্পকার-প্রশ্নে এই মাত্র কহিল, ‘ভ্রাত, ধাব-নাপেক্ষায় অপর এক উত্তম পরীক্ষা আছে; আ-ইস, আমরা এই ভ্রমরাশিতে শয়ন করিয়া দেখি, কে কতক্ষণ অবধি শুপ্ত থাকিতে পারে’। নির্বল ব্যক্তিদিগের নিকট ব্যাঘু মৃগয়ার প্রসঙ্গ করি-লে, শেষোক্ত প্রস্তাবের অনুরূপ কোন উপায় কল্পনা হইতে পারে’। পরন্তু আমরা তাঁহার সিদ্ধান্ত বিশ্বাস করি না। আমরাদিগের সূর্য ও

চন্দ্রবংশীয় রাজপুরুষেরা ঐ ভীকতা স্বীকার করেন না। তাঁহারা আহ্লাদপূর্বক অনায়াসে অকুতোভয়ে অহরহঃ ব্যাঘুশিকারে প্রবৃত্ত হইয়া থাকেন; তৎ-স্মরণে, তথা ইংরাজদিগের দৃষ্টান্ত দর্শনে, ও ইহার উপকার বিবেচনায়, অন্ততঃ ভয়ানক ব্যাপার-বর্ণনার অদ্ভুত মনঃপ্রসাদকারি ক্ষমতার রসে সুতৃপ্ত হইয়া, আমরা বোধ করি এই ব্যাঘু-মৃগয়া-বিষয়ক প্রস্তাব পাঠক বৃন্দে নিতান্ত অগৃহ্য হইবে না।

সুমাত্রা দ্বীপের লোকেরা এতদেশীয়রাপেক্ষায় নির্বীৰ্য্য। তাহারা কহে, “আমাদিগের পূর্ব পুরু-ষেরা মরণান্তে ব্যাঘু-রূপ ধারণ করেন; ঐ ব্যাঘু-রূপি পিতৃপুরুষদিগকে বধ করা পাপজনক”। সুতরাং হস্তার অভাবে উক্ত দ্বীপে শাদুল-বংশ অত্যন্ত বৃদ্ধি প্রাপ্ত হইয়াছে; এবং তাহাদের ভয়ে অনেক প্রজা জন্মভূমি-পরিত্যাগ করিয়া বিদেশে পলায়ন করিয়াছে। বহু-দেশ শাদুল-নের প্রিয়, এবং সর্বত্র তাহা সুপ্রাপ্য; কিন্তু ইংরাজদিগের মৃগয়ানুরাগিতাদ্বারা তাহার কুক্রি-য়ার অনেক প্রতিকার হইয়া থাকে। যে সকল স্থানে ব্যাঘুর অত্যন্ত প্রাদুর্ভাব, তত্রত্য প্রজা-দিগকে ইংরাজ-রাজপুরুষেরা এক একটি ব্যাঘু বধ করিলে ১০ টাকা করিয়া পারিতোষিক দিয়া থাকেন; ঐ উৎসাহেও অনেকে এই ভয়ানক শত্রুর সংহারে প্রবৃত্ত থাকিয়া প্রতিবাসির ইষ্ট সাধন করিয়া থাকেন।

এতদেশীয় শিকারিরা ব্যাঘু-বিনাশার্থে ধনু-র্বাণাদি নানাবিধ অস্ত্রের অবলম্বন করিয়া থাকে। অযোধ্য-প্রদেশীয় শিকারিরা যে স্থানে ব্যাঘু যাতায়াত করে, সেই স্থানে কতকগুলি পত্রে এক প্রকার আঠা লিপ্ত করত বিস্তৃত করিয়া রাখে। ব্যাঘু তথায় আইলেই উক্ত আঠাযুক্ত পত্র তাহার পদে লিপ্ত হয়, এবং ঐ পত্র মৃত্ত



ব্যাঘু-মৃগয়া।

করিতে ঐ পদ নিজ গালে-ঘর্ষণ করিলে তা-হার গালেও তাহা লিপ্ত হয়, এবং তাহাকে মৃত্ত করিতে আগনার গাত্রে গাল ঘর্ষণ করে, এবং ঐ প্রকারে গাত্রে পত্র লাগিলে তাহার মৃত্তি কারণ বিরক্ত হইয়া ভূমিতে গড়াগড়ি দিলেই সর্বাঙ্গে আঠাযুক্ত পত্র লিপ্ত হইয়া ব্যাঘুকে কোপানিত করত চীৎকার করায়; এই চীৎকার শুনিলেই তৎস্থানে আসিয়া শীকারিরা তাহাকে অনায়াসে বিনাশ করে। ইংরাজদিগের প্রধান অস্ত্র বন্দুক, এবং ব্যাঘু-সংহারার্থে তাঁ-হারা তাহাই ব্যবহৃত করিয়া থাকেন। বহু-প-রিজন-পরিবৃত্ত হইয়া ইংরাজেরা গজপৃষ্ঠে ব্যাঘু মৃগয়ায় যাত্রা করেন, এবং ঐ উৎসাহ-বিবর্জক কন্ঠে অত্যন্ত আনন্দ লাভ করিয়া থাকেন। এক-বার মাত্র যে বীর্যবান পুরুষ ব্যাঘু-শিকারের সুখাস্বাদন করিয়াছেন, তিনি তাহা আর কদাপি

বিস্মৃত হইতে পারেন না। পরন্তু এতৎকন্ঠে যে প্রকার হর্ষ তদনুরূপ আপদেরও সম্ভাবনা! উপরে যে চিত্র মুদ্রিত করা গেল তাহাতে উক্ত আপদের এক লক্ষণ প্রকাশ আছে। কয়েক জন সাহেব একদা যথা-নিয়মে ব্যাঘু-মৃগয়ায় যাত্রা করিয়া বনমধ্যে প্রবেশ মাত্রই এক ভীম-কায়া ব্যাঘুর সন্দর্শন করেন। সেই হিংসু-পশু সম্মুখে শ্রেণীবদ্ধ হস্তী দেখিবামাত্র পুরোবর্তিনী একটা হস্তিনীকে আক্রমণ করিলেক। ঐ হস্তিনী অতি তরুণা, ও কদাপি ব্যাঘু-মৃগয়ায় ব্যবহৃত হইয়া পলায়ন-পরায়ণা হইল, কোন মতে মা-হুতের তাড়না গৃহ্য করিলেক না; এবং ঐ অব-কাশে ব্যাঘু হস্তিনী-পৃষ্ঠে আরোহণ করত তদা-রোহি সাহেবের উৎদেশ-দংশনপূর্বক তাঁহা-কে আপন পৃষ্ঠে লইয়া পলায়ন করিল। সমভি-



ব্যাহারি সকল সাহেব বন্দুক প্রসারণ করিলেন; কিন্তু পাছে ব্যাঘ্রী-পৃষ্ঠস্থ সাহেবকে গুলি লাগে এই ভয়ে কেহই বন্দুক ছুড়িতে পারিলেন না, ও ব্যাঘ্রী অবিলম্বে নিবিড়-বনে প্রবেশ করিল। সঙ্গিগণ বান্ধবের উদ্ধারে নিরাশ্রয় হইয়াও তাহার অস্তেষ্টি-ক্রিয়া করণাভিলাষে তাহার শব্দ-দ্বারা প্রবৃত্ত হইয়া ব্যাঘ্রী যে পথে পলায়ন করিয়াছিল তদনুগামী হইলেন। রক্তের চিহ্ন দৃষ্টে কিসদুর আনিয়া দেখেন শরবন-মধ্যে ব্যাঘ্রী সাহেবের উরুদেশ মুখমধ্যে লইয়া মরিয়া আছে, ও সাহেব তৎপার্শ্বে অচেতন হইয়া পড়িয়া রহিয়াছেন। অশ্বেষকেরা সকলে তৎক্ষণাৎ ব্যাঘ্রীর মস্তক কাটিয়া সাহেবকে উদ্ধার করিল, এবং দলান্তর্গত জনৈক চিকিৎসক যথাবিহিত চিকিৎসা দ্বারা ক্রিয়াকাল-মধ্যে তাঁহাকে আরোগ্য করিলেন।

আরোগ্য হইয়া উক্ত সাহেব আপন উদ্ধারের বিবরণ ব্যক্ত করেন। তিনি কহেন, ব্যাঘ্রীর দংশনমাত্র তিনি অচেতন হইয়াছিলেন, কিন্তু তৎপৃষ্ঠে ক্রিয়াকাল থাকিয়া তাঁহার চেতনা হয়; তখন তাঁহার আরণ হইল কটিদেশে বান্ধব-পূর্ণ দুই পিস্তল আছে, ও তাহার একটা লইয়া তিনি ব্যাঘ্রীর মস্তকে আঘাত করেন। তাহাতে ব্যাঘ্রী তাহাকে সবলে দংশন করাতে তিনি পুনরায় অচেতন হন। কিন্তু ক্ষণকাল-পরে তাঁহার পুনঃ চেতনা হইলেই তিনি অবশিষ্ট পিস্তল ব্যাঘ্রীর পুরঃ-পদের মূলে আঘাত করিলেন। সেই আঘাতেই ব্যাঘ্রীর মৃত্যু হয়, ও তদনন্তর তাঁহার বন্ধুরা তাঁহাকে মৃত্যুর গুসলহইতে উদ্ধার করে।

### অহিফেণ-পুস্ত-করণের পুথা।

অহিফেণ পৃথিবীর সর্বত্র প্রস্তুত হয় না। তুর্ক-দেশ, পারস্য-দেশ ও ভারতবর্ষ এই পদার্থের প্রধান উৎপত্তি-স্থান; তদনন্তর ইহার উৎপাদন করণের পুথা নাই। ভারতবর্ষের দুই প্রদেশে আফিম প্রস্তুত হয়; প্রথম, মালব-দেশ, দ্বিতীয়, গঙ্গার মধ্যভাগের চতুর্ভূজ-স্থান। শেষোক্ত স্থানের পশ্চিম-সীমা আগরা; পূর্ব-সীমা দিনাজপুর; উত্তর-সীমা গোরক্ষপুর, ও দক্ষিণ-সীমা হাজারিবাগ। এই সীমান্তর্গত হয় শত ইংরাজি ক্রোশ দীর্ঘ ও দুই শত ক্রোশ প্রস্থ ভূমি অহিফেণ উৎপাদনার্থে নিযুক্ত আছে, ও তদুৎপন্ন সমস্ত আফিম ইংরাজ রাজপুরুষেরা ক্রয় করিয়া লন, অন্য কেহ তাহার কিঞ্চিৎমাত্র ক্রয় করিতে পায় না। কদাপি কেহ ক্রয় করিলে ক্রেতা ও বিক্রেতা উভয়েই দণ্ডাই হয়। অহিফেণের ব্যবসারে পুতি বৎসর প্রায় চারি কোটি টাকা উৎপন্ন হইয়া থাকে, ও তৎসমুদায় রাজভাণ্ডারে প্রবিষ্ট হয়; রাজকীয় আদেশ ব্যতীত এই বস্তুর ব্যবসারে এতদেশে প্রজাবর্গ কেহ প্রবৃত্ত হইতে পারে না।

এই ব্যবসায়ের নির্বাহার্থে কোম্পানির দুই প্রধান কার্যালয় নির্দিষ্ট আছে; তাহাতেই আফিম-পুস্ততের সমস্ত কার্য নির্বাহ হয়। পুস্তাবিত কার্যালয়ের এক কার্যালয় পাটনা-নগরে, অপর কার্যালয় গাজিপুরে স্থিত; এবং তাহার কুঠি শব্দে বিখ্যাত। এই দুই কুঠি কলিকাতা-স্থ আফিম-লবণ-শুল্ক-বিষয়ক সমাজের (বোর্ডের) অধীন। পুস্তাবিত কুঠিদ্বয়ে আফিম পুস্তত করণার্থে সম-বিভক্ত ভূমি নিয়োজিত নাই, সুতরাং আফিমও সম পরিমাণে প্রস্তুত

হয় না। গাজিপুর অপেক্ষায় পাটনার কুঠিতে তিন গুণ অধিক অহিফেণ প্রস্তুত হইয়া থাকে।

গাজিপুরের কার্যালয়-জাত অহিফেণ “বারাণসী-আফিম” এবং এই কুঠি বারাণসীর সদর কুঠি নামে বিখ্যাত। বারাণসীর সদর-কুঠির অধীনে অপর আট কুঠি নিরূপিত আছে; তদ্যথা ১ বারাণসী, ২ গাজিপুর, ৩ আজীম-গড়, ৪ জয়ানপুর, ৫ সলীমপুর, ৬ গোরক্ষপুর, ৭ কাণপুর, ৮ কতেপুর। এই অষ্ট কার্যালয়ের প্রত্যেকে এক ২ জন ইংরাজ কর্ম্মাধ্যক্ষ থাকে। সে এই কুঠির অন্তর্গত সমস্ত ভূমি ও কার্যের তত্ত্বাবধান করে, ও তাহার সুগম-তার্থে কুঠির অন্তর্গত ভূমি-সকল যথা বিহিত পরিমাণে খণ্ড ২ করিয়া ক্ষুদ্র ২ কুঠি সংস্থাপন-পূর্বক তাহাতে এক ২ জন কর্ম্মনির্বাহক নিযুক্ত করে। এই কার্য-নির্বাহকের নাম ‘গোমাস্তা,’ ও এই ক্ষুদ্র কুঠির নাম ‘কুঠি-এলাকা’।

অহিফেণ পোস্ত নামক তরুহইতে উৎপন্ন হয়। উক্ত তরুর ফলকে লোকে “পোস্তের টেঁড়ি” শব্দে কহে; এবং তাহা ছেদন করিলে যে নির্যাস নির্গত হয় তাহারই নাম “অহিফেণ” বা “আফিম”। বাণিজ্যার্থে এই পদার্থ-উৎপাদনের প্রথম প্রক্রিয়া পোস্ত-রোপণ। তদর্থে গোমাস্তারা প্রতিবাসি কৃষিদিগকে কুঠি-এলাকার যে পরিমাণে ভূমি রোপণ করিতে পারে তদনুসারে অর্থ দান দেয়। তাহারাই এই দাননের সহিত এক ২ হাতচিঠা প্রাপ্ত হয়। উক্ত হাতচিঠাতে তাহারাই যে সকল দানন প্রাপ্ত হয়, ও সময়ে ২ যে আফিম বা অন্য পদার্থ প্রস্তুত করিয়া গোমাস্তাকে আনিয়া দেয় তৎসমুদায় লেখা থাকে। যে ব্যক্তি এই প্রকারে দানন গৃহণ করে, তাহাকে কুঠির লোকেরা “লম্বরদার” শব্দে কহে। ইংরাজি ১৮৫০

অর্কে বারাণসীর কুঠির অধীনে ২১,৫৪৯ ব্যক্তি পুস্তাবিত-প্রকারে দানন লইয়া ১,০৭,৮২৩ বিঘা ভূমিতে পোস্ত-রোপণ করিয়াছিল।

গ্রামের নিকটে যে সকল ভূমিতে জল সেচ-নের ও তত্ত্বাবধানের সদুপায় থাকে তাহাই পোস্তচাসের উপযুক্ত। ভূমি উর্বরা হইলে কৃষিরা বর্ষাকালে তাহাতে ভূঁড়া বা অন্য কোন শস্য রোপণ করে, এবং আশ্বিন মাসে এই শস্য উৎপন্ন হইলে পর ভূমি খনন করিয়া তাহাতে সার দিয়া পোস্ত রোপণের নিমিত্ত প্রস্তুত করে। অনূর্বরা ভূমিতে পোস্ত রোপণ করিতে হইলে আষাঢ়-অবধি কাষ্ঠিক পর্যন্ত তাহা খনন করিতে হয়, সুতরাং তাহাতে অন্য কোন শস্য উৎপন্ন হইবার সম্ভাবনা নাই। ক্ষেত্র বীজ-রোপণের উপযুক্ত হইলে কৃষকেরা অগৃহায়ণমানে তাহাতে পোস্তের বীজ-নিষ্কোপ-করণপূর্বক চারি দিবস পরে তদুপরি হল-কর্ষণ করত ক্ষেত্রকে ছয় হস্ত পরিমাণ চোকায় বিভাগ করে ও জল সেচনের সদুপায়ার্থে মধ্যে ২ জল-প্রণালী রাখে। পোস্তের বীজ ১০।১২ দিবস মধ্যে অঙ্কুরিত হয়, এবং তাহার পৃষ্ঠার্থে সুবৃষ্টি হইলে দুই বার নচেৎ পাঁচ ছয় বার তাহাতে জল সেচন করিতে হয়। অপিচ পোস্তের শেষে অত্যন্ত প্রখর কোয়াসা বা অসম গুয়া বা অনাবৃষ্টি হইলে জল-সেচনাদি সকল পরিশ্রম বিফল হয়; কারণ উক্ত কারণে পত্র-শাখাদি খর্ব করিয়া পোস্ত গুল্মকে এতাদৃশ নিস্তেজ করে, যে তাহাতে উত্তম ফল হইবার সম্ভাবনা থাকে না।

সুপুজাত পোস্তের তরু ২।।—৩ হস্ত উর্দ্ধ। মাঘের শেষে তাহাতে মনোহর শ্বেত বর্ণ পুষ্প বিকশিত হয়। কৃষকেরা এই পুষ্পের দল-সকল সঙ্গ্রহ করিয়া অগ্নির উপর একখানি সরাব উপুড়



করিয়া স্থাপন করত তদুপরি একটি দল রাখে। অপরূপে সে দলহইতে রস নির্গত হইলেই তাহার সহিত অপর একটি দল সংযোগ করে; এবং ক্রমশঃ সরাবাটি পরিপূর্ণ হইলেই উক্ত সরা-বাকার পত্রটি পৃথক করিয়া রাখে। ঐ সরাবাকার পোস্ত দল অহিক্বেণের কুঠিতে “পাতা” শব্দে বিখ্যাত, এবং বিহিত মূল্যে বিক্রয় হইয়া থাকে। সদর-কুঠিতে বর্ণ ও আয়তন ভেদে ঐ পাতার তিন প্রকারে প্রভেদ হইয়া থাকে; ও আফিমের পিণ্ড (গোলা) প্রস্তুত করিতে ঐ পাতা বিশেষ প্রয়োজনীয়।

দলবিমুক্তকরণের পাঁচ সাত দিন পরে টেড়ি-সকল সুপক্ব হইয়া উঠে। ঐ অবস্থাই আফিম-প্রস্তুত-করণের উপযুক্ত। কালগুণ মাসের শেষার্ধ্বে অবধি চৈত্রের প্রথমার্ধ পর্যন্ত এতৎকার্যের প্রস্তুত কাল। তৎকালে অপরাহ্নে ৪ ঘণ্টার সময় কৃষকেরা “নস্তর” নামক অস্ত্রদ্বারা পোস্ত কলের ত্রক্ চিরিতে আরম্ভ করিয়া সন্ধ্যা-পর্যন্ত তৎকর্মে প্রবৃত্ত থাকে। টেড়ির ত্রক্ছেদ করিলেই তাহা-হইতে কিঞ্চিৎ রস নির্গত হয়। প্রথমতঃ তাহার বর্ণ শুকু; সনস্ত রাত্রি পোস্ত কলের উপর থাকিলে তাহার ঈষৎ-পদ্যবর্ণাক্ত মলিন বর্ণ হয়। তৎ-সময়ে ঐ রস টেড়িহইতে পৃথক করা আবশ্যিক। কৃষকেরা অতি প্রত্নে “সিতুয়া” নামক লৌহ চমসদ্বারা তৎকর্ম সম্পন্ন করত ঐ রস অগভীর মৃৎপাত্রে স্থাপন করে। তাহাতে উক্ত রসের ঘন ও তরল পদার্থ পৃথক হয়। তরল পদার্থের নাম “পশেওয়া” ও ঘনীভূত পদার্থের নাম “আফিম” বা “অহিক্বেণ”। সুপুষ্টি পোস্তের টেড়ি পাতিহাঁ-সের অণ্ডের ন্যায় বৃহৎ; ও তাহা ২।৩ দিবস অন্তর পাঁচ ছয় বার চিরিত হইয়া থাকে। বায়ু ও বৃষ্টির সুযোগ হইলে ১ এক বিঘা উর্বরা ভূমি

হইতে ১২।১৩ সের আফিম প্রস্তুত হইতে পারে, কিন্তু সচরাচর ৬ বা ৮ সেরের অধিক হয় না।

পশেওয়া পৃথক হইলে পর এক মাস প্রত্যহ এক ২ বার উক্ত ঘন পদার্থ বিলোড়ন করিয়া শুষ্ক করিতে হয়; পরন্তু তাহা একেবারে নীরস করিবার আবশ্যিক নাই। কোম্পানির বিক্রয় আফিমের ৭০ অংশ স্থূল পদার্থ ও অবশিষ্ট ৩০ অংশ জল; সুতরাং তদ্রূপ বা তাহাহইতে কিঞ্চিৎ অধিক জলবিশিষ্ট থাকিতে থাকিতেই কৃষকেরা আফিম শুষ্ক করিতে নিবৃত্ত হয়; ও নিজ ২ প্রস্তুতকৃত সনস্ত পোস্ত-দল পশেওয়া ও আফিম কুঠি-এলাকায় অর্পণ করে। শুষ্ক পোস্ত-তরুর চূর্ণ “গুঁচলা” নামে বিখ্যাত এবং আফিমের পিণ্ড বাক্স-বন্দী-করণার্থে বিশেষ প্রয়োজনীয়, অতএব কুঠি এলাকায় তাহাও ক্রীত হইয়া থাকে। অবশিষ্ট পোস্তের টেড়ি ও বোজ। ঐ উভয় দুব্যও বিবিধ-ব্যবহারের উপযুক্ত। পোস্ত-টেড়ির পাচন নানাবিধ ঔষধে প্রয়োগ হইয়া থাকে, বিশেষতঃ বিস্ফোটকাদির বেদনা-নিবারণার্থে অত্যন্ত প্রয়োজনীয়। পোস্তের বীজ “পোস্ত-দানা” নামে বিখ্যাত। তাহাতে একপ্রকার সুস্বাদু মোদক প্রস্তুত হইয়া থাকে, ও পাক-শালায়ও তাহার ব্যবহার আছে। অপর তাহা-হইতে একপ্রকার উত্তম তৈল প্রস্তুত হইয়া থাকে, তাহা অতি শাশু শুষ্ক হয়, এই জন্য চিত্র-করেরা রং প্রস্তুত করিতে তাহার ব্যবহার করে। রন্ধনকার্যে ও দীপের নিমিত্তেও তাহা অব্য-বহার্য্য নহে। অপর পোস্তদানাহইতে তৈল নি-স্পীড়ন-করণান্তর যে খলি অবশিষ্ট থাকে তা-হাও ব্যবহারযোগ্য। দরিদ্রেরা ঐ খলিতে এক প্রকার রোটিকা প্রস্তুত করত তদবলম্বনে দিন-পাত করে। গবাদির পক্ষে ঐ খলি বিশেষ

পুষ্টিকর, ও বিস্ফোটকের প্রতিকারার্থে প্রলেপ (পুল্টিস) প্রস্তুত-করণেও ঐ খলির ব্যবহার আছে; অন্ততঃ দুর্গন্ধ গলিত খলি যাহা অন্য কোন ব্যবহারের যোগ্য নহে তাহা শস্য ক্ষেত্রে নিষ্ক্ষেপ করিলে ঐ ক্ষেত্রের পুষ্টিকর হয়।

### বঙ্গভাষানুবাদক সমাজের মাসিক কার্যের বিবরণ।

গত ১২ আগষ্ট শুক্রবার দিবসে শ্রীযুক্ত ওয়াইলি সাহেবের বাটীতে প্রস্তা-বিত সমাজের মাসিক সভা হইয়া-ছিল; তাহাতে শ্রীযুক্ত সিটন-কার, শ্রীযুক্ত ওয়াইলি, শ্রীযুক্ত উড্রো, শ্রীযুক্ত প্রাট, শ্রীযুক্ত পাদরি লং, শ্রীযুক্ত রাজা রাধাকান্ত দেব, শ্রীযুক্ত বাবু জয়কৃষ্ণ মুখোপাধ্যায়, এবং শ্রীযুক্ত ঈশ্বর-চন্দ্র বিদ্যাসাগর উপস্থিত থাকিয়া নিম্নে লিখিত প্রস্তাব-সকল গ্রাহ্য করিয়াছেন।

১ প্রস্তাব। লালবাজারস্থ মেং ডি রোজারিও কোং ও ঘোড়াসাঁকোস্থ তত্ত্ববোধিনী সভার কার্যালয়ে শ্রীযুক্ত আনন্দচন্দ্র বেদান্তবাগীশ, এই উভয়ের নিকট সমাজকর্তৃক প্রকাশিত পুস্তকের বিক্রয়-স্থান নির্ধারণ করা কর্তব্য।

২ প্রস্তাব। ভবিষ্যতে সমাজকর্তৃক যে সকল পুস্তক প্রকাশিত হইবেক তাহার ১০ বা ততো-ধিক খণ্ড গ্রাহকের প্রতি শত করা ১৫ টাকা মূল্যের লাঘব করা যাইবেক।

৩ প্রস্তাব। যাহাতে পল্লীগামে সভার পুস্তক প্রচলিত হইতে পারে ও প্রধান ২ হাট ও বা-জারে পুস্তক বিক্রেতা প্রেরিত হইতে পারে, তদু-পায় ঘোড়াসাঁকোস্থ সভার পুস্তক-বিক্রয়-স্থানের অধ্যক্ষের সহিত স্থির করা যাইবেক।

৪ প্রস্তাব। যাহাতে ত্রায় এক পঞ্জিকা প্রস্তুত হইতে পারে এমত উপায় করা কর্তব্য। সা-মান্য পঞ্জিকায় যে সকল নিয়মিত বিবরণ থাকে তদতিরিক্ত তাহাতে পদার্থ-বিদ্যা, ইতিহাস, অবস্থা-বিধান-বিদ্যা, রাজকীয় নিয়মাদি বিবিধ বিদ্যার আলোচনা থাকিবে।

৫ প্রস্তাব। নিম্নে লিখিত পুস্তক-সকলের অনু-বাদ করা কর্তব্য কি না স্থির করণার্থে তাহা সমাজের সভ্য মহাশয়দিগের নিকট প্রেরণ করা আবশ্যিক। উক্ত পুস্তক যথা, “সুমেরু দেশ” (আর্কটিক রিজন্স) “কীটের গৃহ-নির্মাণ-চা-তুর্য্য”, “বিহঙ্গমের গৃহ-নির্মাণ-চাতুর্য্য”।

৬ প্রস্তাব। মেকালে সাহেব-কৃত ওয়ার্ল্ড হে-ষ্টিং সাহেবের জীবন-বৃত্তান্ত-বিষয়ক প্রস্তাবের অনুবাদ প্রস্তুত করণার্থে অবিলম্বে উপায় স্থির করা কর্তব্য।

উক্ত প্রস্তাব-সকল গ্রাহ্য হওনান্তর কলম্বনের জীবন চরিত, ডেবিস্ সাহেব-কৃত চীন-দেশী-য়দিগের বিবরণ, পিতরের জীবন-চরিত, চেম্বর সাহেব কৃত কুদু-পুস্তকের সঙ্গ্রহ; ও পার্সি সাহেব-প্রণীত উদ্ভট-বাক্য-সঙ্গ্রহ গুহ-সকলের অনুবাদ কি পর্যন্ত প্রস্তুত হইয়াছে তাহার বি-জ্ঞাপন পত্র সভায় পাঠিত হইয়াছিল।

### কণিকাসমুচ্চয়।

এক ব্যক্তির পুত্র কৃপনমধ্যে পতিত হইলে সে তাহাকে কহিল, “দেখ, তুমি যেন আর কোথাও যাইও না, আমি একগই রজ্জু ও বুড়ি লইয়া আসি-তেছি”।

এক ব্যক্তি কোন এক বিজ্ঞকে জিজ্ঞাসিল,



“হাঁ হে, তুমি বড় কি তোমার ভ্রাতা বড়”? সে কহিল; “হাঁ এক্ষণে আমিই বড় বড়, কিন্তু কনিষ্ঠের আর এক বৎসর বয়ঃক্রম হইলে আমরা উভয়ে সমবয়স্ক হইব”।

এক কদাকারা ও কদাচারী স্ত্রী নিতান্ত পীড়িতা হইয়া নিজ পতিকে সন্মোদন-পূর্বক কহিল, “নাথ, যদি আমার মৃত্যু হয়, তাহাই হইলে তুমি কি রূপে সন্তাবে কালযাপন করিবে”? সে কহিল, “যদি তুমি না মর, তাহা হইলেই বা আমি কি প্রকারে বাঁচিতে পারি”।

এক জম্বুক-শাবক আপনার জননীকে কহিল, “হে মাতঃ! যখন আমাকে কোন কুকুরে তাড়িবে, তখন তাহার হস্তহইতে পরিত্রাণ পাইতে পারি, এমত কোন বিশেষ কৌশল শিখাইয়া দেও”। তদুত্তরে সে কহিল “এ বিষয়ে অনেক উপায় আছে, কিন্তু তোমার আপন আবাসে বাস করাই সর্বাপেক্ষা উৎকৃষ্ট উপায়”।

এক জন বজ্রহীন ফকির এক ধনবান্ বণিকের নিকটে যাইয়া কহিল, “মহাশয়! যদি আমি এখনই তোমার দ্বারে মরি, তাহা হইলে তুমি আমার কি গতি করিবে”? সে কহিল, “আমি তখন তোমার দেহ শব-পরিচ্ছদে আচ্ছাদন করিব”। ফকির কহিল, “আমাকে জীবদব-স্থায় এক খানি উত্তরচ্ছদ বা অঙ্গরাখা পরিধান করাও; দেহাবসানে বরণ নগ্নাবস্থায় কবরস্থ করিও”।

কএক ব্যক্তি জনৈককে জিজ্ঞাসা করিল, “যদি কেহ স্নানাথ সরোবরে অবতরণ করে, তবে তাহার কোন দিকে দৃষ্টি রাখা কর্তব্য”? সে উত্তর দিল, “যদ্যপি ঐ ব্যক্তি বিজ্ঞ হয় তবে তাহার আপনার তীররক্ষিত পরিচ্ছদের পুতি দৃষ্টি রাখা অতি কর্তব্য”। এবং তাহার

কারণ-জিজ্ঞাসায়? সে কহিল, “তাহা হইলে চোরের ভয় থাকে না”।

পরস্পারায় শ্রুত হইয়াছে, যে আফ্লাতুন কোন সময়ে এক উদাসীনকে এই কথা কহিতে শুনিয়াছিলেন, যে “হে পরমেশ্বর, আপনি কৃপা করিয়া আমাকে বন্ধুদিগের হস্তহইতে রক্ষা করুন”। তাহাতে আফ্লাতুন তাহাকে জিজ্ঞাসিলেন, “এ তোমার কি প্রকার প্রার্থনা”? সে উত্তর করিল, “শত্রু সঙ্গ অনায়াসেই ত্যজ্য হইতে পারে, কিন্তু বন্ধু সহবাস পরিহার অতি দুষ্কর”।

এক জন বিদুষকের বিবাহের চারি মাস পরে ঐ স্ত্রী এক পুত্র প্রসব করণান্তর কিয়-দিন গতে আপন স্বামিকে জিজ্ঞাসিল; “পুয়-তন! তুমি এ বালকের কি নাম রাখিবে”? সে কহিল “দেব দূত। কেননা দেব দূত নহিলে নয় মাসের পথ চারি মাসে কি রূপে আইল”।

এক ব্যক্তি আফ্লাতুনকে জিজ্ঞাসা করিয়াছিল, “মহাশয়, আপনি বহু কাল অর্ণবযানে আরোহণ-পূর্বক সমুদ্রের স্থানে ভ্রমণ করিয়াছেন, আজ্ঞা করুন দেখি, অত্যন্ত আশ্চর্য্য কি দেখিয়াছেন”? তিনি কহিলেন, “সমুদ্রহইতে আমার কুলপ্ৰাপ্তিই অতি আশ্চর্য্যের বিষয়”।

এক মনুষ্য ও একটা ব্যাঘু এক গৃহ-মধ্যে প্রবেশিয়া এক খানি চিত্রপটে এমন এক পুতি-মূর্ত্তি নিরীক্ষণ করিল যে মনুষ্য বাঘের গলা টিপিয়া মারিতেছে। তাহাতে মনুষ্য ব্যাঘুকে কহিল “দেখরে বাঘ, মনুষ্য কেমন পরাক্রমী”। সে কহিল, “ইহার চিত্রকর মনুষ্য না হইয়া যদি বাঘ হইত তাহা হইলে ইহার বিপরীতই ঘটিত”।

\*\*\*



## বিবিধার্থ-সমুহ,


অর্থাৎ

পুরাতত্ত্ব-ইতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

২ পর্ব]

শকাব্দ ১৭৭৫, ভাদ্র।

[২১ খণ্ড।



হিমালয়স্থ-নদী-পারহওনের বালানামক সেতু।

### গঙ্গার উৎপত্তি।

এক মাস পূর্বে এতৎপত্রে হরিদ্বারের বিষয় বর্ণিত হইয়াছিল; অধুনা পাঠক-মণ্ডলীর সহিত সে স্থানহইতে গোমুখী-পর্যন্ত মানসিক-পর্যটনে আমাদিগের ঈপ্সা হইয়াছে।

হরিদ্বারহইতে উত্তরাভিমুখে কিয়দূর গমন করিলেই হৃষীকেশ-নামক এক ক্ষুদ্র-তীর্থ-স্থানে

উপনীত হওয়া যায়। তথায় স্তানাত্তিক-তর্পণ-সমাপনান্তর উত্তর-পূর্বাভিমুখে কএক ক্রোশ গমন করিলে তীর্থ-যাত্রী অলক-নন্দা-প্রয়াগে উপস্থিত হন। ঐ স্থানে প্রবল-বেগবতী অলক-নন্দা নাম্নী নদী পূর্বাভিমুখে আসিয়া গঙ্গার সহিত মিলিতা হইয়াছে। সামান্য তীর্থ-যাত্রীরা অনেকে হৃষীকেশহইতেই বৈদ্যনাথ বা কেদারনাথ দর্শনার্থে গমন করেন,—কেহ বা



অলকনন্দা দর্শনানন্তর তৎপথের পথিক হন; কিন্তু আনাদিগের বাঞ্ছা গঙ্গার উৎপত্তিভিমুখে যাত্রা করি, সুতরাং প্রস্তাবিত প্রয়াগহইতে উত্তর-পশ্চিমে প্রত্যাবর্তন করিতে হইল। তৎপথের কিয়দূরে যশোবারা-নামক একটি ক্ষুদ্র গুাম আছে; তথায় ভাগীরথী পার হইতে হয়। হিমালয়ের গণ্ডশৈল-মধ্যস্থ বেগবান্ স্রোতঃ সকল পার হওয়া অতীব ভয়াবহ ব্যাপার। তাহাতে তরণী-সঞ্চালনের কোন উপায় নাই; উপায় থাকিলেও ঐ নদীসকলের দুর্গম তটারোহণ করা অত্যন্ত কষ্ট-সাধ্য; অতএব তাহার পার হওনার্থে সেতুই মাত্র উপায়। যে সকল নদী অতি সঙ্কীর্ণ, তাহার উপর দুই খানি দেবদাককাষ্ঠ স্থাপন করিয়া হিমালয়স্থ অসভেরা সেতুর কার্য নিষ্পন্ন করে, এবং তাহার নাম “সঙ্গ”। কিন্তু যে সকল নদী প্রশস্তা, এবং ক্ষণভঙ্গুর সঙ্গদ্বারা পারাপারের যোগ্য নহে, তদুপরি তাহারা অপর এক প্রকার সেতু নির্মাণ করিয়া থাকে, তাহার নাম “ঝুলা”। পূর্ব পৃষ্ঠে যে চিত্র মুদ্রিত করা গেল, তাহাতে উক্ত ঝুলার আকৃতি প্রদর্শিত হইয়াছে। তদৃষ্টে স্পষ্ট প্রতীতি হইবে ভয়ঙ্কর-বেগবতী নদীর গর্ভহইতে ২০৩০ হস্ত উর্দ্ধে ঐ রজ্জু-দোলায় নদী-প্রবাহ অবতরণ করা কীদৃশ ভয়ঙ্কর। বসিবার রজ্জু দেখিতে অতি দুর্বল বোধ হয়, সুতরাং উপবেশনকারী প্রাণপণে তদুপরি স্থানিবার রজ্জু ধরিয়া থাকেন; এবং ঝুলারোহণে অনভ্যস্ত হইলে অনেকের শিরঃকম্প হইয়া উঠে। অধিকন্তু প্রশস্ত-নদীর মধ্যভাগে মনুষ্য-ভারে রজ্জু অত্যন্ত দোলায়মান হইয়া বিশেষ কেশ-বৃদ্ধি করে।

পূর্বোক্ত যশোবারা গুামে ভাগীরথীর গর্ভের উপরে এক ঝুলা আছে; তদ্বারা নদী অবতরণ

করত কিয়দূর অন্তরে রৈতাল নামক গুামে উত্তীর্ণ হওয়া যায়। হিমালয়ের নিজ্জন-স্থানে ইহার নগরাভিমান আছে; অন্যত্র হইলে ইহাকে গুাম শব্দেই অভিধান করা যাইত। তত্রত্য গৃহ-সঙ্খ্যা ৩৫; তাহা দেবদাককাষ্ঠে নির্মিত, ও দুই বা তিন তল উচ্চ। তাহার প্রথম তল গবাদির বাস-স্থান, দ্বিতীয় তল ধান্যগার, এবং তৃতীয় তল মনুষ্যের আবাস। ঐ তৃতীয় তলের চতুর্দিকে এক বারান্দা থাকে, তাহা দেখিতে কমনীয় বটে; কিন্তু ঐ গৃহ-সকলের অন্তর্ভাগ অত্যন্ত অপরিষ্কৃত, এবং দংশমশকাদি কীট-পতঙ্গ পরিপূর্ণ। এই রৈতাল গুাম পর্যন্ত ক্রমে যানবাহন আনিতে পারা যায়। তৎপরে পথ অতি কষ্টগম্য; তাহাতে পদবুজে গমন করাই একমাত্র উপায়; ও স্থানে ২ পা-দুকা পরিত্যাগ করত হামাগুড়ি দিয়া গণ্ডশৈল আরোহণ করাও আবশ্যিক। এ পথে কার্যিক-পর্যটনে যৎপরোনাস্তি ক্লেশ, কিন্তু মানসিক ভ্রমণে, বোধ হয়, আনন্দেরই সমৃদ্ধি হইতে পারে।

রৈতাল-হইতে ১৫,০৫২, পদ ভূমি পর্যটন করিলে তাবারা নামক এক ক্ষুদ্র গুামে উপনীত হওয়া যায়। তাহাতে দশ জন মাত্র গৃহস্থের নিবাস আছে। সমস্ত পথ ভগ্ন-শৈলে পরিপূর্ণ, এবং অত্যন্ত ক্রমে তদুপরি আরোহণ করিতে হয়। তাবারা গুামে “কৈলাক-তাল” নামক এক ক্ষুদ্র হ্রদ আছে, তাহা দিনিগার নদীর উৎপত্তি স্থান। তথাহইতে অপর আড়া ডঙ্কল নামা এক ক্ষুদ্র ক্ষেত্র। তথায় গুামাদি মনুষ্যবাসের কোন চিহ্ন নাই। পশ্চিমমধ্যে এক স্থান অতি ভয়ঙ্কর; তাহার উভয় পার্শ্বে নীহার-মণ্ডিত অতুচ্চ দুই শিখর আছে, এবং ঐ শিখরাগুহইতে মধ্যে ২ শতাধিক হস্ত-পরিমিত প্রস্তর-খণ্ড ও হিমশিলা নিপতিত হইয়া থাকে। অপিচ ডঙ্কলহইতে

শুসি-নামক গুামে যাইবার পথ তদপেক্ষায় ভয়ঙ্কর। তথায় যাত্রিদিগের মস্তকে কখন কি পড়ে অনুক্ষণ এই আশঙ্কা; অপর সেই স্থান দিয়া শীঘ্র প্রস্থান করিবারও উপায় নাই। তাহা পথ শব্দেই বাচ্য নহে। তাহার সর্বত্র শিখরাগুহইতে নিপতিত প্রস্তর ও হিমশিলা-খণ্ডে পরিপূর্ণ; হস্ত পদ উভয়ের আশ্রয় ভিন্ন তদুপরি আরোহণ করা অসাধ্য। গঙ্গা এই পর্বতমধ্যে অত্যন্ত ভীষণ। তথায় ঐ নদী সর্বত্র গভীর পার্শ্বভাগে গর্ভ দিয়া ভয়ানক-বেগে ভ্রমণ করিতেছে; মধ্যে ২ এক গণ্ডশৈলহইতে অপর গণ্ডশৈলে নিপতিত হইতেছে; সর্বত্র ফেনায় পরিপূর্ণ; স্থানে ২ প্রবল বেগবান্ ক্ষুদ্র স্রোতঃ সকল আসিয়া সম্মিলিত হইতেছে; স্রোতবেগে ভারবিশিষ্ট প্রস্তর-খণ্ড-সকল ক্ষুদ্র দাক-খণ্ডের ন্যায় জলে বাহিত হইতেছে। এবম্প্রকার ভীষণ নদীর গর্ভোপরি ২০৩০ বা ৪০ হস্ত উর্দ্ধে গরাদিয়া বিহীন, দুই হস্ত পরিমিত প্রস্থ, প্রতিপদবিক্ষেপে কম্পায়মান সঙ্গ-নামক সেতুদ্বারা তাহা পুনঃ ২ পার হইতে হয়। অধিকন্তু পার হওন সময়ে সঙ্গ-প্রতি একাগ্রে দৃষ্টি রাখা আবশ্যিক, কারণ একবার-মাত্র সেতুর নিম্নস্থ জলপ্রবাহের প্রতি নয়ন নিক্ষেপ করিলেই তৎক্ষণাৎ শিরঃকম্প হইয়া সঙ্গহইতে পড়িবার সম্ভাবনা। অনভ্যস্ত অস্প-প্রাণ ইতর লোককে এই সঙ্গ পার করিতে হইলে বস্ত্রদ্বারা তাহাদের নয়ন রোধ করিতে হয়।

শুসি অতি ক্ষুদ্র গুাম; তাহাতে ২টি মাত্র গৃহ আছে, তৎ ছয়টি প্রজা বিহীন। এই গুাম-হইতে দেৱেলি পর্যন্ত ১৪,৩৪৫ পদ স্থান সুরম্য, ও তত্রত্য পর্বত-সকলও বিকট-শ্বেত-নীহারের পরিবর্তে সুকোমল হরিৎবর্ণ দেবদাক, ক্ষীর-খজুর, রাই ও হুর, বৃক্ষে সুশোভিত। পশ্চিমমধ্যে ত্রীকণ্ঠ পর্বতের সংদর্শন হয়।

দেৱেলিহইতে ১৩,০০০ পদ অন্তরে ভৈরব-ঘাটির সঙ্গ। তৎপরে ভয়ানক নেতু অনুভবকরাই কাঠিন। তাহার অতিদূরে ভাগীরথী ও জাহ্নবী একত্রে সম্মিলিতা হইয়াছে। শাস্ত্রানুসারে জাহ্নবী গঙ্গার অপরাভিধান; কিন্তু হিমালয়-পর্বতস্থ লোকেরা এক স্বতন্ত্রা নদীসম্বন্ধে ঐ নাম ব্যবহার করে। প্রস্তাবিত স্থানে গঙ্গাপেক্ষায় জাহ্নবী প্রশস্তা নদী।

ভৈরবঘাটিহইতে উত্তরাভিমুখে পথ নাই, কেবল গণ্ডশৈলের রাশি। স্থানে ২ ঐ গণ্ডশৈল প্রাচীরবৎ, ও শতাধিক হস্ত উচ্চ; মই ও ভারার সাহায্যে ভিন্ন তদুপরি আরোহণ করিবার অন্যোপায় নাই। এক সহস্র পদ ভূমি ঐ প্রকারে পার হইলে পর, পথ কিঞ্চিৎ সুগম্য হয়; এবং ঐ পথে ১০০০ পদ ভূমি পর্যটন করণানন্তর গৌরী-কুণ্ডে উপনীত হওয়া যায়; ও তাহার সম্মুখে কেদার-গঙ্গা ভাগীরথীর সহিত সম্মিলিতা হয়। তৎস্থানহইতে প্রায় ২০০০ পদ ভূমির অন্তরে গঙ্গোত্তরী শিখরের স্থিতি। ঐ শিখর অতীব উচ্চ। তাহার সর্বত্র শুক্লাশ্রবৎ নীহারে আবৃত। মূলপ্রান্তে ভাগীরথীর দক্ষিণতটে ভাগীরথী-শিলা-নামে বিখ্যাত বৃহৎ এক শৈলখণ্ড আছে। তদুপরি গঙ্গোত্তরী মন্দিরের স্থিতি। ঐ মন্দির প্রস্তরময়, ও যৎসামান্য। তাহাতে শিব, গঙ্গা ইন্দ্রাদি দেবদেবীর প্রতিমূর্তি বিরাজমান আছেন। তৎসন্নিকটে দাক-নির্মিত এক পাঠশালাও আছে। জ্যৈষ্ঠ-আষাঢ় মাসে গঙ্গা এই স্থানে ২ হস্ত প্রস্থ, ও ১১ বা ২ হস্ত গভীর; এবং তথায় তৎসময়েও শীতের এতাদৃশ প্রাদুর্ভাব, যে সমস্ত জল জমিয়া যায়, এবং তত্রত্য প্রচুর-প্রাপ্য ভূর্জপত্রের কাষ্ঠ দখল করিয়া যাত্রিরা শরীর উষ্ণ না রাখিতে পারিলে, অবিলম্বে প্রাণ বিয়োগের



সম্ভাবনা। হিন্দু-তীর্থ-যাত্রি-মাত্রেই প্রায় এই স্থানহইতে প্রত্যাবর্তন করে; কদাচিৎ কেহ তদুত্তরে অগ্গমর হয়। মৎপরোনাস্তি কেশ মহ্য করত তথাহইতে চারি দিবস উত্তরাভিমুখে গমন করিলে গোমুখীতে উপনীত হওয়া যায়।

উক্ত গোমুখী অতি অদ্ভুত স্থান। তথায় অতি উচ্চ এক হিমশিলার প্রাচীর দৃষ্টিগোচর হয়। সেই প্রাচীর ২০০ হস্ত স্থূল, এবং নীহার ও বরফের স্তরে প্রস্তুত হইয়াছে; মধ্যে ২ বরফ গলিত হইয়া পড়িতে ২ পুনঃ জমিয়া শুকু-জটার ন্যায় লম্বমান আছে। অনেক অনুমান করেন, এই জটাবৎ বরফহইতে শিবের-জটাহইতে-গঙ্গার উৎপত্তি-বিষয়ক-আখ্যায়িকার প্রচার হইয়াছে। সে যাহা হউক, ঐ জটামণ্ডিত-বরফের প্রাচীর-মূলে এক ছিদ্রহইতে গঙ্গা ভূমণ্ডলে অবতীর্ণা হন। ঐ ছিদ্র-সম্মুখে নদী ১৮ হস্ত প্রস্থ, ও ১ হস্ত গভীর। এই স্থানের চতুর্দিকে বরফভিন্ন আর কিছুই দৃষ্টিগোচর হয় না; সর্বত্রই পর্বতাকার বরফ ও নীহার-পিণ্ড বিরাজমান আছে। রজনীযোগে ও প্রাতঃকালে নীহার ও বরফ প্রচুর শীতদ্বারা প্রস্তুত হইয়া থাকে; দিবসে ক্রমশঃ রৌদ্রের বৃদ্ধ্যানুসারে তাহা গলিতে আরম্ভ হয়, ও মধ্যে ২ পর্বতের অগ্গভাগহইতে বৃহৎ বৃহৎ বরফ-খণ্ড সকল ছিন্ন হইয়া বজ্রের ন্যায় শব্দ করত নদীর গর্ভে নিপতিত হয়। বেলা দুই প্রহর একটার পর এই নীহারফোট এতাদৃশ ভয়ঙ্কর হইয়া উঠে, যে তৎসময়ে তথায় মনুষ্য তিষ্ঠিতে পারে না। এই স্থানের উত্তরভাগ মনুষ্যের গম্য নহে। সুতরাং এই স্থানহইতে আমাদিগকে প্রত্যাবর্তন করিতে হইল। উহার উর্দ্ধে সুমেক, তথা বুক্কার কমণ্ডলু, তদুর্দ্ধে শিবের জটা ও বিষ্ণুর পদ-প্রভৃতি হইতে গঙ্গা কি প্রকারে উৎপন্ন হন তাহার

পথ প্রদর্শন-করণার্থে পুরাণাদি শাস্ত্র প্রসিদ্ধ আছে; তাহাই তৎপথের সেতুয়া হইবেক।

শ্রীযুক্ত ইম্বরচন্দ্র বিদ্যাসাগর পুণীত সংস্কৃত ভাষা ও সংস্কৃত সাহিত্য শাস্ত্র বিষয়ক পুস্তাবের সমালোচন।

কলিকাতায় বিটন-সোসাইটী নামক সমাজে নৌর কালগুণীয় অষ্টাবিংশ-দিবসে সঙ্গুণাকর শ্রীযুক্ত ইম্বরচন্দ্র বিদ্যাসাগর সংস্কৃত-ভাষা ও সংস্কৃত-সাহিত্য-শাস্ত্র বিষয়ক একটি পুস্তাব পাঠ করিয়াছিলেন। সংস্কৃত-যন্ত্রে সম্পূর্ণ তাহা সুচারুভাবে মুদ্রিত হইয়াছে। বিদ্যাসাগরের নামোচ্চারণেই পাঠক বৃন্দের মনে উক্ত পুস্তাবের উৎকর্ষ-বিষয়ে নানাবিধ সম্ভাবের উদয় হইতে পারে; কলতঃ তৎপাঠে কেহই অপরিচুপ্ত হইবেন না। গদ্য-রচনায় বিদ্যাসাগর বহু দিবসাবধি প্রসিদ্ধ আছেন; তাহার পুণীত “বেতাল পঞ্চবিংশতি,” “জীবনচরিত” ও “বঙ্গদেশের ইতিহাস” সম্বন্ধে পাঠকবর্গ প্রকৃষ্ট-সমাদর পূর্বক পাঠ করিয়া থাকেন। রচনাসম্বন্ধে উল্লিখিত পুস্তাব ঐ সকল পূর্ব-প্রকাশিত পুস্তক হইতে কোন মতে লাঘবাম্পদ নহে—বরং সারল্য-গুণে উৎকৃষ্টই বলিতে হইবেক। সংস্কৃতানভিজ্ঞ-সামান্য-পাঠক-পক্ষে দুর্ভাগ্য সংস্কৃত শব্দ ও বহু শব্দের দীর্ঘ-সমান্য অনায়াসে বোধগম্য হয় না, সুতরাং যে সকল গুহু রচনায় তদ্রূপ শব্দ ও সমাসের প্রাচুর্য থাকে তাহার কিছুটা অনায়াসেই সম্ভবে। বেতাল-পঞ্চবিংশতি-গুহুর স্থানে ২ উক্ত দোষ কেহ ২ প্রদর্শন করিয়াছেন, কিন্তু উপস্থিত পুস্তাবে তাহার লেশমাত্র নাই। সুমধুর কোমল

ভাষায় রচিত হইয়া এই পুস্তাব সরলতার শুক্লাস্বরে পরিশুদ্ধরূপে বিভূষিত হইয়াছে। রচনার উৎকর্ষাপকর্ষ-বিষয়ে সকলের অভিপ্রায় কদাপি তুল্য হয় না, পরন্তু পুস্তাবিত রচনা বঙ্গভাষায় গদ্য রচনার এক শ্রেষ্ঠ দৃষ্টান্তরূপে গণ্য হইবেক, বলাতে, বোধ হয় অনেকেই আমাদিগের সপক্ষ হইবেন; একান্ততঃ আমাদিগের অনুরোধে উক্ত পুস্তাব পাঠ করিলে কাহারও শুম বিফল হইবে না।

যদিচ সংস্কৃত-ভাষা ও সংস্কৃত-সাহিত্য এই উভয় বিষয়ই পুস্তাবের উদ্দেশ্য, পরন্তু কলতঃ এই পুস্তাব সংস্কৃত-সাহিত্য-বিষয়েই ব্যাপ্ত আছে। ইহার দুই পত্র মাত্র সংস্কৃত ভাষার প্ররোচক, এবং তাহাতেও সংস্কৃতের গুণকীৰ্ত্তন মাত্র আছে, ভাষার ধর্ম ও লক্ষণ বিষয়ে প্রায় কিছু মাত্র উক্ত হয় নাই। “সংস্কৃত সাহিত্যশাস্ত্র বহু বিস্তৃত”; তৎসমুদায়ের বিবরণ কোন সমাজে বলিয়া নিদ্রিষ্ট-অপেকাল-মধ্যে পাঠ করা কদাপি সম্ভবে না; এবং পুস্তাব-কর্তারও সে অভিপ্রায় ছিল না। সংস্কৃত ভাষার প্রধান ২ কাব্য গুহুর স্থূল মর্ম প্রকাশ করাই তাহার উদ্দেশ্য; ও তদভিপ্রায়ে তিনি সম্পূর্ণ সিদ্ধকাম হইয়াছেন। রঘুবংশ, কুমার-সম্ভব, কিরাতাজ্জুনীয়, শিশুপাল-বধ, নৈষধ, ভটি, রাঘব-পাণ্ডবীয়, গীতগোবিন্দ, মেঘদূত, ঋতু-সংহার, নলোদয়, সূর্য-শতক, শান্তিশতক, নীতি-শতক, শৃঙ্গার-শতক, বৈরাগ্য-শতক, কাদম্বরী, আর্য্যসপ্তশতী, দশকুমার-চরিত, বাসবদত্তা, চম্পুকাব্য, পঞ্চতন্ত্র, হিতোপদেশ, কথা-সরিৎসাগর ও একাদশ খানি উত্তমোত্তম নাটকের বিবরণ এই পুস্তাব-মধ্যে বিবৃত আছে; এবং তাহার অধিকাংশই অতি সন্নিবেচনার সহিত লিখিত হইয়াছে। রচনার দোষগুণ নিক্রপণে

বিদ্যাসাগর বিশেষ তৎপর; কালিদাসের ক্রমতা-বিষয়ে তাহার উক্তি সর্বতোভাবে সত্য; তাহার লিপি-চাতুর্যের আদর্শরূপে তাহা এ স্থলে উদ্ধার করিলে, বোধ হয়, সকলেই সন্তুষ্ট হইবেন।

“সংস্কৃত ভাষায় যত মহাকাব্য আছে কালিদাসপুণীত রঘুবংশ সেই সর্বাঙ্গোপকরণে উৎকৃষ্ট। কালিদাস কৌশল কবিত্বশক্তি সম্পন্ন ছিলেন, বর্ণনা করিয়া অন্যের হৃদয়ঙ্গম করা দুঃসাধ্য। তাহার কাব্যের যথার্থরূপ রসাস্বাদনে অধিকারী সেই সহৃদয়-মহাশয়েরাই বুলিতে পারেন কালিদাস কিরূপ কবিত্বশক্তি লইয়া ভূমণ্ডলে অবতীর্ণ হইয়াছিলেন। তিনি সর্বোৎকৃষ্ট মহাকাব্য, সর্বোৎকৃষ্ট খণ্ডকাব্য, সর্বোৎকৃষ্ট নাটক লিখিয়া গিয়াছেন। বোধ হয় কোন দেশের কোন কবি আমাদিগের কালিদাসের ন্যায় সকল-বিষয়ে সমান সৌভাগ্যশালী ও ক্রমতাপন্ন ছিলেন না।

“তিনি যে অলৌকিক কবিত্বশক্তি পাইয়াছিলেন, স্বরচিত-কাব্য-সমূহে সেই শক্তি সম্পূর্ণরূপে প্রদর্শন করিয়া গিয়াছেন। তাহার বর্ণনা-সকল পাঠ করিয়া চমৎকৃত ও মোহিত হইতে হয়। তাহাতে অতুষ্টির সংসুবমাত্র দেখিতে পাওয়া যায় না; আদ্যোপান্ত স্বভাবোক্তি অলঙ্কারে অলঙ্কৃত। বস্তুতঃ এবিধ সম্পূর্ণরূপ স্বভাবানুযায়িনী ও একান্তহৃদয়গাহিনী বর্ণনা সংস্কৃত ভাষায় আর দেখিতে পাওয়া যায় না। কালিদাসের উপমা অতি মনোহর; বোধ হয়, কোন দেশের কোন কবি উপমা-বিষয়ে কালিদাসের সদৃশ নহেন। তিনি একপ সঙ্ক্ষেপে, ও একপ লোক-সিদ্ধ বিষয় লইয়া, উপমা সঙ্কলন করেন যে পাঠকমাত্রেরই অনায়াসে ও আবৃত্তিমাত্র উপমান ও উপমেয়ের সৌন্দর্য হৃদয়ঙ্গম হয়। তাহার



রচনা সংস্কৃত রচনার আদর্শরূপ হইয়া রহিয়াছে। যাঁহারা তাঁহার পূর্বে সংস্কৃত রচনা করিয়া গিয়াছেন, কিম্বা যাঁহারা তাঁহার উত্তরকালে সংস্কৃত রচনা করিয়াছেন, কি কবি কি অন্যান্য গুণ্ডকার, কাহারই রচনা তাঁহার রচনার ন্যায় চমৎকারিণী ও মনোহারিণী নহে। তাঁহার রচনা সরল, মধুর ও ললিত; তিনি একটাও অনাবশ্যক অথবা পরিবর্তনশীল শব্দ প্রয়োগ করেন নাই। কালিদাসের গুণ্ড পাঠ করিলে ইহা স্পষ্ট প্রতীয়মান হয় যে ঐ সমস্ত তাঁহার লেখনীর মুখ হইতে অক্লেশে ও অনর্গল নির্গত হইয়াছে, রচনা বা ভাবসঞ্চালনের নিমিত্ত এক মুহূর্ত্তও চিন্তা করিতে হয় নাই। বস্তুতঃ একরূপ রচনা ও একরূপ কবিত্বশক্তি এই উভয়ের একত্র সঞ্চারিত অতি বিরল। এই নিমিত্তই ভারতবর্ষীয় লোকেরা কালিদাসকে সরস্বতীর বরপুত্র বলিয়া নির্দেশ করিয়া থাকেন; এই নিমিত্তই কালিদাসপুণ্ডিত কাব্যের এত আদর ও এত গৌরব; এই নিমিত্তই প্রসন্নরাঘবকর্ত্তা জয়দেব স্বীয় নাটকের প্রস্তাবনাতে কালিদাসকে “কবিকুলগুরু” বলিয়া নির্দেশ করিয়াছেন; এবং এই নিমিত্তই কি স্বদেশে কি বিদেশে কালিদাসের নাম দেদীপ্যমান হইয়া রহিয়াছে।

“কালিদাস, এই রূপ অলৌকিক কবিত্বশক্তি ও এই রূপ অদ্বিতীয় রচনাশক্তি সম্পন্ন হইয়াও, একরূপ অভিমানশূন্য ছিলেন এবং আপনাকে একরূপ সামান্য জ্ঞান করিতেন যে গুণিলে বিস্ময়াপন্ন হইতে হয়। তিনি রঘুবংশের প্রারম্ভে লিখিয়াছেন, “যেমন বামন উন্নতপুরুষপ্রাপ্য-কলগুহ-ণাভিলাষে বাহুপ্রসারণ করিয়া উপহাসাস্পদ হয়, সেইরূপ, অক্ষম আমি; কবিকীৰ্ত্তিলাভে অভিলাষী হইয়াছি, উপহাসাস্পদ হইব।” কালিদাস অদ্বিতীয় বিদ্যোৎসাহী গুণগাহী বিখ্যা-

তনামা বিক্রমাদিত্যের সভার নবরত্নের অন্তর্ভুক্ত ছিলেন; সুতরাং ঊনবিংশতি শত বৎসর পূর্বে প্রাদুর্ভূত হইয়াছিলেন”।

বিদ্যাসাগর-কৃত জয়দেবের দোষগুণ বর্ণনাও আমাদিগের প্রীতিজনক বোধ হইয়াছে, অতএব তাহাও এই স্থলে উদ্ধার করিলাম।

“গীতগোবিন্দ জয়দেবপুণ্ডিত। এই মহাকাব্যের রচনা যেক্ষণ মধুর, কোমল ও মনোহর, সংস্কৃত ভাষায় যেক্ষণ রচনা অতি অল্প দেখিতে পাওয়া যায়। বস্তুতঃ একরূপ ললিত পদবিন্যাস, শুবণ-মনোহর অনুপ্রাসচ্ছটা ও প্রসাদগুণ প্রায়ঃকুত্রাপি লক্ষিত হয় না। তাঁহার রচনা যেক্ষণ চমৎকারিণী, বর্ণনাও তজ্রপ মনোহারিণী। জয়দেব রচনা-বিষয়ে যেক্ষণ অসামান্য মৈপুণ্য প্রদর্শন করিয়াছেন, যদি তাঁহার কবিত্বশক্তি তদনুযায়িনী হইত, তাহা হইলে তাঁহার গীতগোবিন্দ এক অপূর্ব মহাকাব্য বলিয়া পরিগণিত হইত। জয়দেব কালিদাস ভবভূতি প্রভৃতি হইতে অনেক নূন বটেন, কিন্তু তাঁহার কবিত্বশক্তি নিতান্ত সামান্য নহে। বোধ হয়, বাঙ্গালা দেশে যত সংস্কৃতকবি প্রাদুর্ভূত হইয়াছেন, ইনিই সর্বোৎকৃষ্ট।

“গীতগোবিন্দ আদ্যোপান্ত সঙ্গীতময়, কেবল মধুর মধুর শ্লোক আছে। সঙ্গীত সমূহে রাগ তানের বিলক্ষণ সমাবেশ আছে। অনেকানেক কলাবতেরা, ভাষাসঙ্গীতের ন্যায়, গীতগোবিন্দ গান করিয়া থাকেন। গীতগোবিন্দে রাধাকৃষ্ণের লীলা বর্ণিত হইয়াছে। জয়দেব পরম বৈষ্ণব ছিলেন, এবং প্রগাঢ় ভক্তিযোগ-সহকারে বৈষ্ণবদিগের পরম দেবতা রাধা কৃষ্ণের লীলা বর্ণন করিয়াছেন।

“একরূপ কিংবদন্তী আছে, এবং বৈষ্ণব সম্প্রদায়ের লোকেরা অদ্যাপি বিশ্বাস করিয়া থাকেন, যে গীতগোবিন্দের “দেহি পদপল্লবমুদারম্” এই

অংশটী কৃষ্ণ আসিয়া স্বহস্তে লিখিয়া গিয়াছেন। রাধার মানভঞ্জনার্থে যখন কৃষ্ণ অনুনয় করিতেছেন সেই স্থলে, “মম শিরসি মগুনং, দেহি পদপল্লবমুদারম্” এই বাক্য লিখিত আছে। ইহার অর্থ এই, (কৃষ্ণ রাধিকাকে কহিতেছেন) তোমার এই উদার পদপল্লব আমার মস্তকে ভূষণরূপ অর্পণ কর। জয়দেব “মগুনং” পর্য্যন্ত লিখিয়া, এই ভাবিয়া “দেহি পদপল্লবমুদারম্” এই অংশ সাহস করিয়া লিখিতে পারিতেছেন না, যে প্রভুর মস্তকে পদার্পণের কথা কিরূপে লিখিব। পরিশেষে, ঐ অংশ লিখিতে কোন ক্রমেই সাহস না হওয়াতে, সে দিবস লেখা রহিত করিয়া স্নানে গমন করিলেন। কিন্তু কৃষ্ণ অত্যন্ত রসিক, সামান্য নায়কের ন্যায় বর্ণিত হইলে, অপরাধ গুহণ করেন একরূপ নহেন; বরং তাঁহার প্রণয়িনীর পদপল্লব তদীয়মস্তকে অর্পিত বর্ণন করিলে, প্রসন্নই হইতেন। অতএব তিনি, প্রস্তুত বিষয়ে স্বীয় পরিতোষ দর্শাইবার এবং পরমভাগবত জয়দেবকে চরিতার্থ করিবার নিমিত্ত, জয়দেবের স্নানোত্তর প্রত্যগমনের কিঞ্চিৎ পূর্বে, তদীয় আকার অবলম্বন করিয়া, স্নাত প্রত্যগত জয়দেবের ন্যায়, গৃহে উপস্থিত হইলেন। জয়দেবের ব্যাক্তি পদ্মাবতী রীতিমত অন্ন ব্যঞ্জন প্রস্তুত করিয়া দিলেন। জয়দেবকপী কৃষ্ণ সেই অন্ন ব্যঞ্জন আহাৰ করিলেন, এবং আহাৰান্তে জয়দেবের পুস্তক পরিষ্কৃত করিয়া “দেহি পদপল্লবমুদারম্” এই অংশ স্বহস্তে লিখিয়া রাখিলেন। অনন্তর পদ্মাবতী, শয্যা প্রস্তুত করিয়া তাঁহাকে শয়ন করাইয়া, রীতিমত তদীয় পাত্রাবশিষ্ট প্রসাদ পাইতে বসিলেন। এই অবসরে প্রকৃত জয়দেবও স্নান করিয়া গৃহে প্রত্যগমন করিলেন। জয়দেব জানিতেন, পদ্মাবতী প্রতিদিন পাত্রাব-

শিষ্ট প্রসাদ পাইয়া থাকেন, প্রাণান্তেও কদাপি তাঁহার আহাৰের পূর্বে জলগুহণ করেন না। সে দিবস তাঁহাকে অগ্নে আহাৰে প্রবৃত্ত দেখিয়া চমৎকৃত হইয়া হেতু জিজ্ঞাসা করিলে, তিনি পূর্বাপর সমস্ত ব্যাপার বর্ণন করিলেন। জয়দেব, যৎপরোনাস্তি বিস্ময়াপন্ন হইয়া, পুস্তক উদ্ঘাটন করিয়া, দেখিলেন “দেহি পদপল্লবমুদারম্” এই অংশ লিখিত রহিয়াছে। তখন ব্যস্তিতে পারিলেন ভক্তবৎসল ভগবান্ কৃষ্ণ আসিয়া লিখিয়া গিয়াছেন। পরে শয়নাগারে প্রবেশ করিয়া দেখিলেন, শয্যা পাতিত আছে, প্রভু অন্তর্হিত হইয়াছেন। তখন, আপনাকে যৎপরোনাস্তি ভাগ্যবান্ ও প্রভুর অসাধারণ কৃপাপাত্র স্থির করিয়া, প্রভুর প্রসাদ বলিয়া পদ্মাবতীর পাত্রাবশিষ্ট গুহণ দ্বারা আত্মাকে চরিতার্থ করিলেন।

“কেন্দুবিল্ব গুণে জয়দেবের বাস ছিল। বীরভূমির প্রায়ঃ দশকোশ দক্ষিণে, অজয়-নদের উত্তরতীরে, কেন্দুলি নামে যে গুণ আছে জয়দেব তাহাকেই কেন্দুবিল্বনামে নির্দেশ করিয়াছেন। ঐ কেন্দুলি-গুণে অদ্যাপি, জয়দেবের স্মরণার্থে, প্রতিবৎসর পৌষমাসে বৈষ্ণবদিগের মেলা হইয়া থাকে। জয়দেব কোন্ সময়ে প্রাদুর্ভূত হইয়াছিলেন তাহার নিশ্চয় হওয়া দুর্ঘট”।

বিদ্যাসাগর মহাশয় যমকাদি শব্দালঙ্কার বিশিষ্ট যে একটি চিত্রকাব্যের দৃষ্টান্ত উদ্ধৃত করিয়াছেন তাহা মনোহর বটে; কিন্তু আক্ষেপের বিষয় এই, তাহার অর্থলিখিত হয় নাই; তদভাবে অনেকেই তাহার রসাস্বাদনে অশক্ত হইবেন। একটির অর্থ আমরা নিম্নে লিখিলাম; অবশিষ্টের নিমিত্তে সুবিচক্ষণ গুণ্ডকারের প্রতি অনুরোধ রহিল, অবকাশমতে তিনি বিহিত করিবেন।




নসমা নসমা নসমা নসমা, গমমাপ সমীক্ষ্য বসন্তনভঃ।  
ভ্রুমদ ভ্রুমদ ভ্রুমদ ভ্রুমদ, ভ্রুমর চ্ছলতঃ খলু কামিজনঃ ॥  
পদপাঠ। (নলোদয়)

নস মানস-মান-সমান-সমাগম আপ সমীক্ষ্য বসন্তনভঃ।  
ভ্রুমদভ্রুম অদভ্র-মদ-ভ্রুমদ-ভ্রুমর-চ্ছলতঃ খলু কামিজনঃ ॥


টীকা। “সঃ” সেই “কামি জনঃ” কামি লোক, “বস-  
ন্তনভঃ” আকাশের ন্যায় বসন্ত কালকে, “সমীক্ষ্য”  
দেখিয়া, “মানসমানসমান” মনোগত মানের স-  
মান বা তুল্য “সমাগম,” মিলন “খলু” নিশ্চয় “ন  
আপ” প্রাপ্ত হইতেছেন না। সেই আকাশ কি প্রকার

তাহা কহিতেছেন। যে আকাশ, “অদভ্রুমদ”  
অতি মত্ত, এবং “ভ্রুমদ” মেঘ ভ্রুমজনক, এব-  
ন্তুত “ভ্রুমরচ্ছলতঃ” ভ্রুমরের ছলে, “ভ্রুমদভ্রুং”,  
ভ্রুমশীল মেঘে ব্যাপ্ত।

নিষ্কৃষ্টার্থঃ। কামি লোক আকাশে ভ্রুমশালি  
মেঘ উঠিয়াছে এতদ্রূপ ভ্রুমজনক অতি মত্ত ও মেঘ-  
কাপি ভ্রুমরবিশিষ্ট বসন্তকালকে দেখিয়া মনোগত  
মানের অনুরূপ মিলন করিতে অসমর্থ হইয়াছেন, অ-  
র্থাৎ মানের সমস্ত প্রিয়-দর্শনে যে রূপ ব্যবহার করি-  
তে হয় ওৎসুক্য বশতঃ তাহার বিপরীত করিতেছেন।



### কাণপুর।



লিকাতাহইতে ৩৫০ ক্রোশ অ-  
ন্তরে গঙ্গার দক্ষিণ-তটে কাণপুর  
নামে বিখ্যাত এক নগর আছে।  
অশীতি-বর্ষ-পূর্বে তাহা অতি  
যৎসামান্য গামরূপে গণ্য ছিল। কৃষ্ণ নামা জ-

নৈক অম্প-সম্পত্তি-সম্পন্ন ভূম্যধিকারী ঐ গুা-  
মের স্থাপন করত স্বনামে তাহার অভিধান ক-  
রেন। কৃষ্ণ শব্দের অপভ্রংশ কাছাইয়া, কাণো-  
ড়া ও কাছ; এবং ঐ কাছ শব্দের অপভ্রংশে  
পুর শব্দের যোগে প্রস্তাবিত নগরের নাম উৎ-  
পন্ন হইয়াছে।

সংবৎ ১৮২২ অব্দে ইংরাজ রাজপুরুষেরা রো-

হিলা-জাতীয়দিগের সহিত যুদ্ধে কৃতকার্য হইয়া  
অযোধ্যার নবাবের সহিত ফৈজাবাদ নগরে এক  
সন্ধি করেন। তৎসময়ে নবাবের রাজ্য-রক্ষার্থে  
কএক দল ইংরাজ সৈন্য অযোধ্যা-প্রদেশে রা-  
খিবার কথা অবধারিত হয়; এবং ঐ সৈন্য পুথ-  
মতঃ বিলগুাম নগরে স্থাপিত হইয়াছিল; কিন্তু  
তাহার কিয়ৎকাল পরে ১৮৩৪ সংবৎসরে ঐ  
স্থান উত্তম বোধ না হওয়াতে সৈন্য-দলকে কা-  
ছপুর-গ্রামের নিকটে স্থাপিত করা হয়; তদবধি  
উত্তরোত্তর ঐ গ্রামের শ্রীবৃদ্ধি হইয়া কিয়ৎকাল-  
পরে তাহা প্রকৃষ্ট-নগর-রূপে গণ্য হইয়াছিল।

১৮৫৭ সংবৎসরের অগুহায়ণ-মাসে অযো-  
ধ্যার নবাবের সহিত এতদেশের গবর্নর জেনে-  
রল সাহেবের যে সন্ধি হয় তদ্বারা গঙ্গা-যমুনা-  
স্তুর্গত স্বীয় সমস্ত ভূমি নবাব ইংরাজদিগকে  
সমর্পণ করেন। ইংরাজেরা ঐ ভূমি স্বরাজ্যসাৎ  
করত তাহা সাত জিলায় বিভক্ত করেন; এবং  
তাহার এক জিলা সেনা-নিবাসস্থান কাছপুর-  
হইতে কাণপুর-নামে বিখ্যাত হয়।

কাণপুর জিলা ৩২ ইংরাজ ক্রোশ দীর্ঘ, এবং  
৪৮ ক্রোশ প্রস্থ। ইহার উত্তর-সীমা গঙ্গা-নদী;  
দক্ষিণ-সীমা যমুনা নদী; পূর্ব-সীমা কতেপুর  
জিলা, ও পশ্চিম-সীমা কান্যকুব্জ ও ঘটীয়া পরগনা  
এবং এতওয়া জিলা। এই সীমান্তর্গত স্থান দ্বা-  
দশ পরগনায়\* বিভক্ত; ও তৎসমুদায়ের বার্ষিক  
রাজস্ব ২০, ৩৫, ৩১১ টাকা।

প্ৰস্তাবিত জিলার স্থানে ২ পাণ্ডু, রিগু, সেন-  
গুর আদি কএকটি নদী আছে; কিন্তু তাহাতে  
তত্রত্য ভূমির কোন উপকার হয় না,—বরং যে ২

\* তদ্যথা ১ রসুলাবাদ, ২ বিলছুর, ৩ ডেরপুর, ৪ শিউলি,  
৫ শিরাজপুর, ৬ সেকন্দ্রা, ৭ আকবরপুর, ৮ বিঠুর, ৯ ভগ্নীপুর,  
১০ ঘাটমপুর, ১১ জজমো, ১২ সরসলিমপুর।

স্থানে ঐ নদী আছে তন্মিকটবর্তি ভূমি অন্যত্রা-  
পেক্ষায় অধম। কেবল এক মাত্র নদী এই নি-  
ন্দার পাত্রী নহে; তাহার নাম ঈশন। তদীয়  
জল ক্ষেত্রে সেচন করিবার উপযুক্ত, এবং তা-  
হার নিকটবর্তি ভূমি বিশেষ ফলবতী। এতৎ-  
প্রদেশের কৃষি-কার্য প্রায় বৃষ্টি ও কুপোদকেই নি-  
স্পন্ন হয়, এবং তত্রত্য কুপ-সকলও অতি গভীর।  
ইহার দক্ষিণাঞ্চলে ৪০৪৫ হস্ত গভীর খাত না  
করিলে জল-প্রাপ্তি হয় না। তদ্ব্যতিরিক্ত পুকুরিণী  
অত্যন্ত বিরলা।

কাণপুর প্রদেশের দ্বাদশ-পরগনার মধ্যে জ-  
জমো পরগনা সর্ব-প্রধান; তাহাতেই কাণপুর  
নগরের স্থিতি। উক্ত নগর দুই ভাগে বিভক্ত।  
যে স্থানে পূর্বে কাছপুর গ্রাম ছিল তাহা “প্ৰা-  
চীন-কাণপুর”- (কাণপুর কোহনা) নামে, ও য-  
থায় ইংরাজ-সৈন্যের শিবির সংস্থাপিত আছে  
তাহা “কাণপুর শিবির” (কম্পু কাণপুর),  
নামে বিখ্যাত। প্রাচীন-কাণপুর শিবির-হইতে  
প্রায় এক ক্রোশ অন্তর। তাহা অধুনা ভগ্ন দ-  
শাপন্ন; এবং তিন সহস্র প্রজায় সমাকীর্ণ।—  
কম্পুকাণপুর কলিকাতা হইতেও বৃহৎ। তাহার  
দৈর্ঘ্য-পরিমাণ ৩ ক্রোশ, এবং প্রস্থ ৮ পোয়া;  
কিন্তু তাহার লোক-সঙ্খ্যা অম্প; সকলে ৫৮,  
৮২১ ব্যক্তি মাত্র। নগরের প্রধান রাজপথের  
সঙ্খ্যা ৪২; ও তৎসমুদায়ই পুশস্ত, এবং তা-  
হার প্রত্যেকের উভয় পাশ্বে ইষ্টক-নির্মিত উত্তম  
জল-প্রণালী আছে। সুচাক-অউলিকা-বিষ-  
য়ে প্ৰস্তাবিত নগর প্ৰসিদ্ধ নহে; তন্নিবাসি  
প্রধান ২ ইংরাজ রাজ পুরুষেরা অনেকেই আট-  
চালায় কাল-যাপন করেন। অপিচু তথায় ১৮৪২  
টা ইষ্টক-নির্মিত বাটী আছে। অপর গৃহ-সকল  
মুৎতাদিদ্বারা রচিত, ও তাহার সঙ্খ্যা ৮,২০১।







মাত্র জল থাকিত; ৩৪ বৎসর হইল কচ্ছদেশে যে ভয়া-  
নক ভূমিকম্প হয়, তাহাতে ঐ নদীর গর্ভ ২০ ফুট নিম্ন  
হইয়া যায়, সুতরাং তদবধি তত্রত্য জল বিংশতি ফুট  
গভীর হইয়াছে। অপর তদ্বারা ভূজনালা নগর ও তাহার  
চতুর্দিকবর্তি ভূমি নিম্ন হইয়া রঙ্গ-নামক হুদে পরিণত  
হয়, ও একাংশে ৫০ ক্রোশ স্থান অতি উচ্চ হইয়া উঠিয়া-  
ছিল। ঐ উৎক্লিষ্ট উচ্চ স্থানে অনেকে উক্ত আপদহইতে  
প্ৰাণ রক্ষা পাইয়াছিল, একারণ তাহা “আল্লাবন্দ”  
অর্থাৎ ঈশ্বরের বাঁধ নামে বিখ্যাত করিয়াছে।

১৮১২ সৎবৎসরে অগুহায়ন মাসের ২৪ মে লিস্বন  
নগরের ভূমিহইতে বজুবৎ এক বিষম শব্দ নিঃসৃত হয়,  
ও তদব্যবহিত পরে এতাদৃশ ভয়ঙ্কর ভূমিকম্প হয়, যে তা-  
হাতে তৎক্ষণাৎ উক্ত নগরকে একেবারে উৎসন্ন করিলেক.  
এবং ছয় মিনিট-কাল-মধ্যে তত্রত্য ষষ্টি-সহস্র লোক বিনষ্ট  
হইল। ঐ ভূমিকম্প প্রতি মিনিটে বিংশতি জ্যোতিষি  
ক্রোশ স্থান ধাবমান হইয়া অত্যন্ত-কালের-মধ্যে সমস্ত  
ইউরোপ ঞ্চ ও আফ্রিকার কিয়দংশ ব্যাপ্ত করিয়া-  
ছিল। তদ্বারা সমুদ্র স্ফীত হইয়া নিয়মিত জল সীমাহইতে  
স্থানে স্থানে ২০।৩০ বা ৪০ হস্ত উর্দ্ধে উথিত হওত নিকট-  
বর্তি ভূভাগের অত্যন্ত অনিষ্ট ঘটাইয়াছিল।

সৎবৎ ১৮৩৯ অব্দের মাঘ মাসে কালাব্রিয়া নগরে  
যে ভূমিকম্প হয় তাহা পূর্বেক্ত ভূমিকম্পের ন্যায় বহু-  
দূর-পর্যন্ত ব্যাপ্ত হয় নাই; তাহার বেগ ৫০০ জ্যো-  
তিষি চতুরস্র ক্রোশের মধ্যে নিবদ্ধ ছিল; পরন্তু ততুল্য  
ভয়ঙ্কর ভূমিকম্পের বার্তা অদ্যাপি অন্যত্র কুত্রাপি শ্রুত  
হয় নাই। তদ্বারা এক-ক্ষণ-কালের মধ্যে দুই শত  
নগর ও গ্রাম এবং লক্ষাধিক মনুষ্য বিনষ্ট হইয়াছিল;  
ও অনেক ক্ষেত্রাদি প্রশস্ত-ভূমি-ঞ্চ-সকল স্থানান্তরিত  
হইয়াছিল। এই ক্ষেত্রবিপ্লবনে এক ২ জনের অধি-  
কারস্থ ভূমি অন্যের অধিকারে নীত হওয়াতে অনেক  
বিবাদ বিসম্বাদ ও রাজদ্বারে অভিযোগাদি উপস্থিত  
হইয়াছিল।

ক্লেণী-বিদ্যা-বিশারদ মহাশয়েরা পরীক্ষা দ্বারা স্থির  
করিয়াছেন, ভূমির কল্পন তিন প্রকার হইয়া থাকে।  
প্রথম, উৎক্লিষ্ট-কল্পন। ইহার ঘটন-সময়ে, বোধ হয় যেন  
ভূমি উর্দ্ধে উৎক্লিষ্ট হইল। সৎবৎ ১৮৫৩ অব্দের যে ভূমি-  
কম্পে রিওবায়ান-নগর নষ্ট হয়, তাহা এই প্রকার। তদ্বারা  
পর্বত-মূল-স্থিত গ্রামের মনুষ্য-পশ্বাদি পর্বতোপরি উৎ-  
ক্লিষ্ট হইয়াছিল। দ্বিতীয়, সমভূম্যানুসারি বা উন্নিবৎ

কল্পন। তদ্বারা ভূমি জল-তরঙ্গের ন্যায় বিচলিত হয়;  
নামান্য ভূমিকম্প প্রায়ঃ এই প্রকারেই হইয়া থাকে। তৃ-  
তীয়, ঘূর্ণিত বা অর্ধঘূর্ণিত কল্পন। ইহা অত্যন্ত ভয়ানক।  
এতদ্বারা গৃহ, বৃক্ষ, ক্ষেত্রাদি স্থানান্তরিত হইয়া যায়।  
লিস্বন ও কালাব্রিয়ার ভূমিকম্প এবল্লুকারে হইয়াছিল।

ভূমিকম্পের গতি সর্বদা সম প্রকার হয় না। তড়া-  
গাদির স্থির জলে লোফ্ট ফেলিলে তরঙ্গমণ্ডল যে প্রকা-  
রে সর্বত্র সমভাবে বিস্তৃত হয়, ভূমিকম্পও প্রায় তদ্রূপ  
বিস্তৃত হইয়া থাকে; কদাপি ঐ মণ্ডল-গতি অণ্ডাকারে  
ব্যাপ্ত হয়। অপর কোন ২ ভূমিকম্প তদ্রূপ না হইয়া  
এক দিগে অগুগামী হয়। একাদশ বর্ষ হইল গোয়া-  
ডুলুপ্ প্রদেশে যে ভূমি-কম্প হয় তাহা প্রস্থে ৩০ বা  
৩৫ ক্রোশ স্থান ব্যাপিয়া দীর্ঘে ক্রমাগত দুই সহস্র ক্রোশ  
স্থান অগুগামী হইয়াছিল।

ভূমিকম্পের স্থিতি-কাল অতি অল্প; বিশেষতঃ ভূমি-  
কম্প যত প্রবল, তাহার স্থিতি ততই অল্প হয়। অত্যন্ত  
ভয়ঙ্কর কল্পন এক বিপল কালের মধ্যেই শেষ হয়।  
কারাকাস্ প্রদেশের ভীষণ ভূমিকম্প যাহাতে ঐ সমস্ত  
প্রদেশ বিনষ্ট করিয়াছিল, তাহার স্থিতিকাল দুই পল  
মাত্র; তন্মধ্যে ভূমি তিন বার কম্পিত হইয়াছিল; তাহার  
এক ২ বারের কল্পন ৫।৬ বিপল কাল স্থায়ি। কোন ২  
স্থলে ভূমি কিয়ৎকাল আন্তে ২ বিচলিত হইয়া পরে এক  
বার অতি সবলে কম্পিত হয়। পরন্তু অত্যন্ত অনিষ্টকর  
ভূমিকম্প এক কালেই ঘটয়া থাকে; তৎপূর্বে প্রায় কোন  
স্বপ্ন কল্পন হয় না।

পূর্বেই উক্ত হইয়াছে ভূমির কল্পন-সময়ে পৃথিবী-  
মধ্যে গভীর ধ্বনি হইয়া থাকে। উক্ত ধ্বনি প্রস্তরময়-পথ  
দিয়া কামানের শকট গেলে যে প্রকার শব্দ হয়, তদ্বৎ;  
অথবা মেঘের গর্জনবৎ, কিম্বা দূরাগত কামান-ধ্বনির ন্যায়  
বোধ হয়। তাহা ভূমি-কম্পনের নিয়তানুবর্তি নহে;  
কারণ কোন ২ ভূমিকম্প-সময়ে ঐ শব্দ শ্রুত হয় না।  
যে ভূমিকম্প দ্বারা রিওবায়ান-নগর উৎসন্ন হইয়াছিল তৎ-  
সহ কোন ধ্বনি কণ্ঠগোচর হয় নাই। অপর, কোন ২  
স্থানে পৃথিবীর গর্ভে পুনঃ ২ অতি ভীমানাদ আকর্ণিত হই-  
য়াছে, অথচ তৎসহ কোন ভূমিকম্পের অনুভব হয় নাই।  
মেক্সিকো-দেশে গোয়ালাক্সোয়াটো নগরে ক্রমাগত এক  
মান পৃথিবী-গর্ভে বজুবৎ শব্দ হইয়াছিল; অথচ তথায়  
বা তত্রত্য ঞ্চনির গর্ভ-মধ্যে ১০৬৪ হস্ত নিম্নে কোন  
কল্পন ঘটে নাই। অনুসন্ধানদ্বারা সপ্রমাণ হইয়াছে, ভূমি-

কম্পনের প্রবলতানুসারে ধ্বনির বৃদ্ধি হয় না। ভূমিকম্পের  
সময়ে প্রায় সমকালে প্রস্তাবিত ধ্বনি বহু-দূর-পর্যন্ত  
শ্রুত হইয়া থাকে। ইহাতে বোধ হয় ঐ ধ্বনি পৃথিবীর  
মৃত্তিকা দ্বারা চালিত হয়; অন্য ধ্বনি যে প্রকারে বায়ু-  
দ্বারা বাহিত হয়, ইহা তদ্রূপ নহে; কারণ স্থির বা-  
য়ুতে শব্দ ২॥ পল কালে ৬০০ হস্ত পরিমিত স্থান গমন  
করে, এবং কাষ্ঠে ও শুষ্ক মৃত্তিকায় ঐ শব্দ তাহাইতে  
দশ গুণ শীঘ্র অনুসৃত হয়; সুতরাং মৃত্তিকামধ্যে কোন  
স্থানে শব্দ হইলে বায়ুদ্বারা বাহিত হইয়া তাহা কোন  
দূর প্রদেশে পৌঁছিবার অনেক পূর্বে মৃত্তিকা দ্বারা  
তথায় নীত হইয়া থাকে।

### পঞ্চম প্রকরণ।

#### আগ্নেয় গিরি।

চতুর্থ প্রকরণে উক্ত হইয়াছে, ভূমিকম্পন-সময়ে পৃথিবীর  
কোন ২ স্থান স্ফুট হইয়া যায়। যে সকল স্থান উর্দ্ধে  
উৎক্লিষ্ট হইয়া পরে স্ফুট হয়, ও তদ্বারা উষ্ণ জল, কদম্ব,  
ধূম, ভস্ম, অগ্নিশিখা, বা দুর্ভীত প্রস্তরাদি নির্গত হয়, তাহাকে  
লোকে আগ্নেয়-গিরি কহে। অত্যাচ্ছ অনেক শিখরাগু-  
দ্বারাও উক্ত পদার্থ-সকল উদ্গীরিত হইয়া থাকে; সুতরাং  
সেই শিখর-সকলও আগ্নেয়-গিরি পদের বাচ্য হইয়াছে।

“১৫৩৮ খ্রীষ্টাব্দে ইটালির অন্তঃপাতি নেপলস নগ-  
রের নিকটে এইরূপে এক অভিনব আগ্নেয়-গিরি উৎপন্ন  
হয়; তাহার নাম ‘নবগিরি’। পূর্বে তৎপ্রদেশে মধ্যে  
মধ্যে ভূমিকম্প হইত; পরে উক্ত বৎসর ২৭ মে ও ২৮ মে  
সেপ্টেম্বরে ২০ ঘণ্টার মধ্যে অনুমান ২০ বার ভূমিকম্প  
হয়। পরদিবস সূর্যাস্তের দুই ঘণ্টা পরে এক বৃহৎ  
গহ্বর উৎপন্ন হইয়া প্রস্তর, ধাতু-নিসুব, জল-সম্বলিত ভস্ম  
ও অগ্নিশিখা নির্গত হইতে লাগিল। নেপলস নগরে  
রাশি রাশি ভস্ম আসিয়া পতিত হইল, এবং পিউ-  
জোলি নামে যে এক নগর নিকটে ছিল, তন্নিবাসিরা  
তাহা পরিত্যাগ করিয়া পলায়ন করিল। ঐ প্রদেশ  
সমুদ্রের সন্নিকট, একারণ তাহার তট উচ্চ হইয়া উঠিল,  
এবং তট হইতে কিয়দূর পর্যন্ত সমুদ্রের জলও শুষ্ক  
হইল। এই পর্বত ২৯৩ হাত উচ্চ এবং ইহার শিখর  
দেশস্থ গহ্বর ২৮০ হাত গভীর”। (তত্ত্ববোধিনী পত্রিকা;  
বৈশাখ ১৭৭৪ শক।)

কয়েক বৎসর হইল অমরিকা ঞ্চ মেস্কিকো-দেশের  
প্রান্তভাগে এক বিস্তৃত তৃণক্ষেত্রের মধ্যে “জরলো” নামে  
পুসিক্র এক আগ্নেয়-গিরি উক্ত প্রকারে হঠাৎ উৎপন্ন হই-  
য়াছিল; তাহা বিংশতাব্দিক-একাদশশত হস্ত উচ্চ। সমুদ্র-  
গর্ভে এতদ্রূপ আগ্নেয় পর্বত পুনঃ ২ উৎপন্ন হইয়া থাকে।

আগ্নেয়-পর্বতের লক্ষণ যে প্রকার বর্ণিত হইল, ইহা-  
তে স্পষ্ট প্রতীতি হইবে, তাহার আদি ঘটনা ভূমিকম্প;  
এবং সেই ভূমিকম্প দ্বারা পৃথিবীর এক দেশ স্ফুট না হই-  
লে আগ্নেয়-গিরির সম্ভব হয় না; ফলতঃ আগ্নেয়-গিরি-  
মাত্রই এক বা ততোধিক স্ফুট স্থান আছে। তাহাকে  
আগ্নেয় গিরির গহ্বর শব্দে কহি। এই গহ্বর মাত্রই  
যে সর্বদা প্রজ্বলিত থাকে এমত নহে। কোন ২ গহ্বর  
সর্বদা প্রজ্বলিত আছে, কেহ বা শত ২ বৎসর নির্জন  
থাকিয়া এক ২ বার প্রজ্বলিত হওত ভয়ানক উপদ্রব উপস্থিত  
করে। সেই অগ্ন্যুৎপাতের পূর্বাঙ্গের ধারার বিশেষ এই;  
প্রথম, ভূমিকম্প, দ্বিতীয়, পৃথিবী গর্ভে বিকট ধ্বনি; তৃতীয়,  
গিরি-গহ্বরহইতে বায়ুর উথিত; চতুর্থ, ভস্ম, উষ্ণ জল,  
অগ্নি শিখা ও দধি প্রস্তরাদির উৎক্ষেপণ। এই উৎক্ষে-  
পণের আনুসঙ্গিক ধ্বনি হইয়া থাকে। পঞ্চম, অগ্ন্যুৎপাতে  
দুর্ভীত ধাতু ও প্রস্তরদ্বারা গিরি-গহ্বর পরিপূর্ণ  
হওন; ষষ্ঠ, উক্ত গলিত ধাতু ও দুর্ভীত প্রস্তরের স্রোত  
বহন। এই অগ্ন্যুৎপাত কীদৃশ “ভয়ঙ্কর ব্যাপার  
তাহা না দেখিলে অনুভব করা যায় না। প্রভূত  
ধূম ও ভস্মরাশি নিঃসৃত হইয়া আকাশমণ্ডল ঘোর-  
তর আচ্ছন্ন ও তিমিরাবৃত করে; প্রকাণ্ড প্রকাণ্ড অগ্নি-  
ময় প্রস্তরখণ্ড প্রচণ্ড বেগে যুগপৎ উৎক্লিষ্ট হইয়া ২।৩  
সহস্র হস্ত উর্দ্ধে উথিত হয়; ১০।১৫ ক্রোশ দীর্ঘ দুবময়  
ধাতুপ্রবাহ প্রবাহিত হইয়া চতুঃপার্শ্ববর্তি গ্রাম, নগর,  
বন, উপবন, ও শস্যক্ষেত্র-সকল, মনুষ্য, পশু, পতঙ্গ  
প্রভৃতি সমুদায় জীব-সম্বলিত একেবারে প্রোথিত করিয়া  
ফেলে; এবং বজ্রতুল্য ঘোরতর গভীরনাদ শত শত ক্রোশ-  
হইতে মুহূর্ত্তে শ্রুত হইতে থাকে। এক ব্যক্তি \*\*\*  
বিসুবিয়স্ পর্বতের অগ্ন্যুৎপাত দেখিয়া আসিয়া এই  
রূপ বর্ণনা করিয়াছিলেন, যে ‘একেবারে ৫,০০,০০০ পাঁচ  
লক্ষ হাউই ২।৩ সহস্র হস্ত উর্দ্ধে উঠিয়া রক্তবর্ণ গোলা  
বৃহৎ বৃহৎ অগ্নিময় প্রস্তরের ন্যায় পতিত হইলে যেমন  
দেখায়, ঘটায় ১,২০০ বার করিয়া এই প্রকার ভয়ঙ্কর  
কাণ্ড ঘটতে লাগিল।’ আর তিনি ধাতু-নিসুব ও তদানু-



যন্ত্রিক ব্যাপার দেখিয়া এই রূপ লিখিয়াছেন, যে 'এই সমুদায় অধিময়ী নদী স্থানে স্থানে ঘোরতর অন্ধকার, কোন কোন স্থানে অত্যন্ত আলোক দ্বারা নানাবিধ কাল্পনিক আকার পুকার পুকাশ, অতিশয় ভীষণ শব্দ ও প্রচণ্ডবেগে বস্তু বিনির্গমন, এই সমস্ত ব্যাপার আমি কখনও বিস্মৃত হইব না। এ সকল ভয়ঙ্কর কাণ্ড আমার যে পুকার হৃদয়ঙ্গম হইয়াছিল, তাহা চিত্তক্ষেত্রহইতে কোনক্রমে অপনীত হইবার নহে।' (তত্ত্ববোধিনী পত্রিকা; বৈশাখ ১৭৪৪; ৪ পত্র।)

আগ্নেয় গিরির আদি কারণ যাহা উল্লিখিত হইয়াছে, তাহাতে জলই মুখ্যরূপে গণ্য হইয়াছে: অধ্যুৎপাত-সময়ে আগ্নেয়গিরির গহ্বরহইতে তজ্জাত বাষ্প যে সর্বাঙ্গে উৎখিত হইবে ইহা আশ্চর্য্য নহে। পৃথিবীর পৃষ্ঠহইতে কিয়দূর নিম্নে জল প্রবাহিত হইতেছে, ইহা প্রমাণসাধ্য; এবং ক্ষৌণ্ডান্তরস্থ দাহ্য-বস্তুর সহিত সেই জলের সংস্পর্শ হওয়াও দুষ্কর নহে। অপর, ভূমিকম্পদ্বারা পৃথিবীর কোন স্থান স্ফুট হইয়া থাকে; সেই স্ফুট স্থান দিয়া পৃথিবীর অন্তর্ভাগে জল প্রবিষ্ট হইতে পারে। উচ্চ আগ্নেয় গিরির উৎপাত সময়ে তচ্ছিখরস্থ বরফ দুব হইয়া অনেক জলের উৎপত্তি করে। কোটাপাক্সী পর্বতের অধ্যুৎপাত সময়ে তত্রত্য বরফ দুব হইয়া এতাদৃশ পুভূত জল-প্রবাহিত হয় যে তদ্বারা তাহার নিকটবর্ত্তি নগর-সকল একেবারে প্লাবিত হইয়া যায়।

সকল আগ্নেয় পর্বত এক পুকার পদার্থ উদ্ভীরণ করে না। কোন পর্বতে কেবল উষ্ণ জল নির্গত হয়; কোন পর্বত হইতে কেবল কদম উৎক্ষিপ্ত হয়। জাবা-দ্বীপে এক স্থান আছে, তাহা অতি আশ্চর্য্য। তথায় এক বিস্তৃত ক্ষেত্র মধ্যে ক্ষণে-ক্ষণে পুভূত ধূম নির্গত হয়; ও তৎপরেই দুরাগত-মেঘ-গর্জনবৎ ধ্বনি আকর্ণিত হয়, ও ধূম নির্গমনের গহ্বরহইতে ৩২ হস্ত পরিমিত পরিমিত অর্দ্ধ গোলাকার এক কদম পিণ্ড ২০। ২৫ হস্ত উর্দ্ধে ধিরে-ধিরে উৎখিত হওত কিঞ্চিৎ ধ্বনি করণপূর্বক পুস্ফুট হইয়া চতুর্দিকে কৃষ্ণবর্ণ কদম নিষ্কিপ্ত করে। এই কদম বর্ষন ১০।১৫ বিপল কাল অন্তরে ক্রমাগত ঘটতেছে; কদাপি বিশ্রাম হয় নাই। অন্য কালাপেক্ষায় বর্ষাকালে এই কদম উৎক্ষেপণ পুর্করূপে হইয়া থাকে। ঐ মৃত্তিকা কিঞ্চিৎ উষ্ণ

বোধ হয়, এবং উক্ত স্থানের অভিদূর পর্যন্ত গন্ধকের গন্ধে পরিপূর্ণ। তত্রত্য জল অত্যন্ত লবণাক্ত। আম-রিকা-খণ্ডের কোন আগ্নেয় পর্বতহইতে ক্রমা, গন্ধক, কয়লা এবং কদাপি জীবিত মৎস্য উৎক্ষিপ্ত হইয়াছে। লবণ, নিশাদল এবং সোহাগাও আগ্নেয় গিরিহইতে উৎপন্ন হইয়া থাকে।

পুর্বেক্ত পদার্থ-সকল কি পরিমাণে নির্গত হয় তাহার অনুভব করিতে হইলে বিস্ময়াপন্ন হইতে হয়। ১৫২৪ সৎবৎসরে দুবীভূত পুস্তর বর্ষণদ্বারা তিন দিবসের মধ্যে ৩২০ হস্ত উচ্চ ও ৫৫৮০ হস্ত পরিমিত পরিমিত এক পর্বত উৎপন্ন হইয়াছিল। ১১২০ হস্ত উচ্চ জরুলো পর্বতের উৎপত্তি-বিষয় পুর্বেই উক্ত হইয়াছে। ২২ বৎসর হইল এক-শত-ধনু-গভীর-সমুদ্র-গর্ভ-মধ্যে এক অধ্যুৎপাত হয়। তাহাতে এতাদৃশ পুভূত ভস্মরাশি নির্গত হইয়াছিল, যে জলসীমাহইতে ৬৩ হস্ত উচ্চ ও ২১৬০ হস্ত পরিমিত পরিমিত এক দ্বীপ উৎপন্ন হয়। এক বৎসর কাল মধ্যে ঐ ভস্মরাশির অধিকাংশই ধৌত হইয়া যায়। পরন্তু অদ্যাপি সে স্থানে এক চর-অর্থাৎ চড়া আছে। ১৭২৩ সৎবৎসরে বিসুবিয়ন-পর্বতহইতে যে গলিত পুস্তর নির্গত হইয়াছিল তাহার পরিমাণ, ৩,৩৫,৮৭,০৫৮ চতুরসু ফুট। তৎপরে ১৮৫০ সৎবৎসরে ৪,৬০,২৮,৭৬৬ চতুরসু ফুট পরিমিত গলিত পুস্তর সেই পর্বতহইতে নির্গত হয়। সৎবৎ ১৭২৫ অব্দে এটনা-পর্বতহইতে ২,৩৮,৩৮,২৫০ ফুট পরিমিত দুবীভূত পুস্তর এক কালে বিনির্গত হয়। ঐ পদার্থে কলিকাতা নগরোপরি নিপতিত হইলে এই নগর অনায়াসে ২৫ হস্ত পুস্তরের নিম্নে অবস্থিত হইত। আইস্নলাও দ্বীপের স্কাপ্টা-জোকল গিরিহইতে এককালে এত গলিত পুস্তর নির্গত হইয়াছিল, যে তাহাতে উক্ত গিরির এক দিগে ৭ কোশ পুস্ত ও ২৫ কোশ দীর্ঘ ও শত হস্তাবধি ৪০০ হস্ত গভীর, ও অপর পার্শ্বে ৪ কোশ পুস্ত ও ২৫ কোশ দীর্ঘ ও পূর্ববৎ গভীর, গলিত-পুস্তর-পূর্ণা দুই নদী উৎপন্ন হইয়াছিল। ঐ পদার্থে কলিকাতাহইতে নবদ্বীপ অবধি সমস্ত স্থান ৫০ হস্ত স্থূল পুস্তরে প্রোথিত হইত।

সকল আগ্নেয় গিরিতে পুস্তর সমভাবে দুব হয় না। পুস্তরের জাতিভেদে, ও গিরি-গহ্বরস্থ অধির উত্তাপানুসারে, তথা পর্বতের উচ্চতানুরূপে, দুবীভূত পুস্তরের তরলতার পুভেদ হইয়া থাকে সুতরাং তাহার স্রোতের বেগও বিভিন্ন

হয়। অত্যন্ত তরল পুস্তর পার্শ্বত্যা নদীর ন্যায় বেগবান। পরন্তু তাহা কিঞ্চিৎ ঘনীভূত হইলে তাহার বেগ অত্যন্ত মৃদু হয়। বোরেলি সাহেব লিখিয়াছেন কোন সময়ে এটনা পর্বতের দুবীভূত পুস্তর ক্রমাগত নয় বৎসর কাল অগুণামি হইয়া ২ কোশ স্থান ব্যাপিয়াছিল। এই দুবীভূত-পুস্তর-প্রবাহ প্রথমতঃ প্রজ্বলিত অগ্নিবৎ থাকে; বায়ু-সংস্পর্শে তাহার উপরিভাগ ত্বরায় শীতল হয়; কিন্তু তাহার অন্তর্ভাগ বহু কাল উত্তপ্ত থাকে। জরুলো পর্বতের অধ্যুৎপাতের ৫০ বৎসর পরে হোমবোলডট সাহেব দেখিয়াছিলেন, তাহার পুস্তর-প্রবাহ উত্তপ্ত আছে, এবং তাহা হইতে ধূম নির্গত হইতেছে।

যে সকল আগ্নেয় গিরি অতি ঊর্ধ্ব, তত্রত্য গহ্বর সর্ষদা প্রজ্বলিত থাকে, এবং তাহার অধ্যুৎপাতও নীচু ঘটয়া থাকে; অপর যে আগ্নেয় পর্বত অতি উচ্চ তাহা বহুকাল নির্ধান থাকিয়া পরে এক-বার প্রজ্বলিত হয়। লিপারি দ্বীপে স্ত্রেশ্বালী নামক ক্ষুদ্র আগ্নেয় গিরি সর্ষদাই প্রজ্বলিত আছে; ও আমরিকা দেশের কোটোপাক্সি পর্বত প্রায় শত বর্ষান্তে একবার প্রজ্বলিত হয়। পরন্তু শত বর্ষান্তরে উক্ত পর্বতের উপদ্রবে মনুষ্যের যে পুকার অনিষ্ট হয়, স্ত্রেশ্বালী পর্বতের অধ্যুৎপাত প্রত্যহ ঘটিলেও তাহা সম্ভবে না।

কোন আগ্নেয় গিরি কিয়ৎকাল অধ্যুৎপাদন করত পরে নির্ধান হইয়া যায়। তাদৃশ নির্ধান গিরি অনেক স্থানে বর্তমান আছে। যে সকল আগ্নেয় গিরি প্রজ্বলিত আছে, বা মধ্যে-প্রজ্বলিত হইয়া থাকে, তাহার সমষ্টি ২৭০। এই ২৭০ টা পর্বতের অধিকাংশ স্থীরসমুদ্রের দ্বীপ-সকলে স্থিত। এক জাবা দ্বীপে ৫৮ টা আগ্নেয় গিরি নির্গত হইয়াছে; তাহার ১৭ টা মধ্যে-প্রজ্বলিত হইয়া থাকে। আসিয়া-খণ্ডে প্রজ্বলিত আগ্নেয় গিরি প্রায় নাই; কেবল তাতার দেশের খিচান পর্বত মধ্যে-প্রজ্বলিত হইয়া থাকে।

### বিড়ালাদি পশুর বিবরণ।

ম-ধর্মাবলম্বি পশু-সকল এক শ্রেণি-মধ্যে নির্গত হইয়া থাকে। বিড়াল, ব্যাঘু, সিংহাদি পশু-সকলের আকৃতি

ও স্বভাব-গত কোন পুভেদ নাই, সুতরাং তাহারা এক শ্রেণিমধ্যে সঙ্কলিত হয়। সেই শ্রেণির নাম "বিড়ালাদি শ্রেণি"। বিহঙ্গম-ব্যুৎ-মধ্যে বাজ-পক্ষির (বাজাদি) শ্রেণী যাদৃশ, স্তন্যজীবী মধ্যে বিড়ালাদি পশুও তাদৃশ; ইহারা উভয়েই জীব-হিংসা দ্বারা দেহযাত্রা নির্বাহ করিয়া থাকে, ও তদ্ব্যপেক্ষে তাহারা উভয়েই অতি ভয়ঙ্কর নখ প্রাপ্ত হইয়াছে; এবং পাছে ভ্রমণ-সময়ে মৃত্তিকা-স্পর্শে তাহার তীক্ষ্ণতার হানি হয় এই অমজ্জল নিবারণার্থে জগৎসৃষ্টা ঐ নখ অঙ্গুলীর ন্যায় নমনশীল করিয়া দিয়াছেন। বিড়ালাদি পশু ইতস্তত করণ সময়ে তাহাদের নখ অঙ্গুলির ত্বগ-মধ্যে আচ্ছাদিত করিয়া রাখে; এবং কেবল জীব-হিংসা-করণ-সমনয়ে নখ নিঃসারণ করত আপন-খাদ্য পশুর দেহ ভেদ করে। বাজ পক্ষির নখেও এই কৌশল স্পষ্ট প্রতীত হয়। বিড়ালাদি হিংসু পশুর দন্ত সূচ্যগু ও অতীব তীক্ষ্ণ, এবং মাংস ভেদকরণার্থে সুপুশস্ত; কিন্তু তদ্বারা চর্ষণ ক্রিয়া নিষ্পন্ন হয় না; পরন্তু পুস্তাবিত পশুদিগের খাদ্য দুব্য চর্ষণ করিবার ও কদাপি আবশ্যিক নাই। তাহাদিগের জিহ্বা অতি আশ্চর্য্য। তদুপরি এক পুকার অতি তীক্ষ্ণ কণ্টক হইয়া থাকে। উখা নামক লৌহাজ্জ যাদৃশ, ব্যাঘুাদি পশুর জিহ্বাও তক্রপ বোধ হয়। অস্থি সংলগ্ন মাংস কণিকা যাহা দন্তদ্বারা ছিন্ন করা যায় না, তাহা বিমুক্ত করিয়া লইবার নিমিত্ত এই জিহ্বা অতি পুয়োজনীয়। অস্থির উপর তাহা দুই এক বার ঘর্ষণ করিলেই তৎসংলগ্ন সমস্ত মাংস-কণিকা অনায়াসে বিমুক্ত হয়। ইহাদিগের নয়নেন্দ্রিয় ও ঘ্রাণেন্দ্রিয় তীক্ষ্ণতার উপমাঙ্করূপে বহুকালাবধি পুসিদ্ধ আছে; তাহাদিগের বল বিষয়েও বাক্যব্যয় করা বিফল; ব্যাঘু সিংহাদি পশু অত্যন্ত বলবান একথা পাঠকবর্গ কি অজ্ঞাত আছেন?





চিত্রা ব্যাঘ্রের স্বাকার।

প্রস্তাবিত পশু-সকল দেখিতে অতি সুন্দর। তাহাদিগের দেহের প্রধান বর্ণ পীত শুক্ল ও কৃষ্ণ; অনেকের দেহ পাত বর্ণোপরি উজ্জ্বল কৃষ্ণ বর্ণের বিন্দু বা রেখাদ্বারা চিত্রিত। ইহারা কেহ ইচ্ছা বশতঃ উদ্ভিদ বস্তু ভক্ষণ করে না; সকলেই মাং-সাশী, এবং স্বয়ং জীব-সংহার করিয়া ঐ মাং-সের উৎপাদন করে। ঐ জীব-সংহার-সময়ে তাহারা হস্তব্য পশুর পশ্চাৎ বেগে অধিক দূর ধাবমান হয় না। অতি ধীরভাবে গোপনে তাহার নিকটে আসিয়া, পরে এক লক্ষ্য প্রদানপূর্বক তাহার উপর পড়িয়া তাহাকে বিনাশ করে। দূরহইতে লক্ষ্য দিবার প্রয়োজন হইলে প্রথমতঃ ভূমিতে উপবিষ্ট হইয়া লক্ষ্যদ্বারা উৎক্রাম্য ভূ-মির দূরতা নিরূপণ করণানন্তর লক্ষ্য প্রদান করে।

এই প্রস্তাবিত শ্রেণি মধ্যে অনেক জাতীয় পশু আছে। তৎসমুদায়ের বিবরণ একটি প্রস্তাবে প্রকাশ হইতে পারে না; এক সিংহেরই যথাযোগ্য বিবরণে বিবিধার্থের এক খণ্ড পরিপূর্ণ হইতে পারে; সুতরাং তদর্থ স্থান ও অবকাশের প্রতীক্ষা করিতে হইল। ২০৮ পৃষ্ঠে যে চিত্র মুদ্রিত হইল তাহাতে প্রস্তাবিত শ্রেণিস্থ চিত্রা নামক ব্যাঘ্রের বিনাশ করণ প্রথা প্রকটিত আছে। স্বাকারিকত্বক তাড়িত হইলেই ঐ পশু অনায়াসে বৃক্ষারোহণ করিয়া থাকে। তৎসময়ে বৃক্ষ মূলে কুকুর রাখিয়া নিকটহইতে বন্দুকদ্বারা এই পশু বিনাশ করাই প্রশস্ত উপায়।

## কাদম্বরী গুহের সারসঙ্গ্ৰহ।

(১৪৩ পত্রহইতে ক্রমাগত।)

সায়ং সন্ধ্যা বন্দনাদি সমাপনান্তে কথা প্রসঙ্গে চন্দ্রাপীড় মহাশেতাকে জিজ্ঞাসিলেন; “ভাল, মহাশেতে, তরলিকা নামী পরিচারিকার কথা কি হিয়াছ; সে এখন কোথায়? তাহাকে যে এখানে দেখি না, কারণ কি?” ইহাতে মহাশেতা কহিতে লাগিলেন, “পূর্বে আপনার সমীপে চতুর্দশ প্রকার গন্ধর্ব্ব কুল বর্ণন করিয়াছি, তন্মধ্যে অমৃতোৎপন্ন যে কুল তাহাতে মদিরা নামী এক কন্যা জন্মে; গন্ধর্ব্বরাজ চিত্ররথের সহিত তাহার বিবাহ হয়; তাহার গর্ভে কাদম্বরী নামী এক কন্যা হয়; ঐ কন্যার সহিত আমার একত্র শয়নানন-ভোজন-বিদ্যাভ্যাস-প্রভৃতি সমুদায় কার্য হইত, এই হেতু তাহার সহিত আমার নিতান্ত সখিতাব আছে। তিনি আমার এতাদৃশাবস্থা দেখিয়া প্রতিজ্ঞা করিয়াছেন, যাবৎ আমার পাণি গৃহণ না হইবেক তাবৎ তিনিও কাহকে পতিত্বে বরণ করিবেন না। তাঁহা ব্যতীত চিত্ররথের আর সন্তান নাই, সুতরাং তাঁহার ঈদৃশভাব-দর্শনে তাঁহার জনক-জননী যে প্রকার মনঃক্লোপ তাহা কি কহিব? তাহাদের অনুরোধে কাদম্বরীকে প্রবোধ দিবার জন্যে আপনার আগমনের পূর্বেই আমি তরলিকাকে তাহার নিকট পাঠাইয়াছি” ইত্যাদি নানা প্রকার কথোপকথন করিতে ২ চন্দ্রাপীড় ও মহাশেতা নিশা যাপন করিলেন। পর দিন প্রাতে নিত্যকৃত্য সমাপনান্তে শিলাতলে উপবিষ্ট আছেন, এমত সময়ে তরলিকা কাদম্বরীর নিকটহইতে তাহার বীণাবাহক কেয়ুরককে সমভিব্যাহারে লইয়া আসিয়া উপস্থিত হইবামাত্র



মহাশ্বেতা জিজ্ঞাসিতে লাগিলেন, “কহ-তর-লিকে, কাদম্বরী কেমন আছেন? আর বিবাহ বিষয়েই বা কি মনন করিয়াছেন?” তাহাতে তরলিকা, “কাদম্বরী কুশলিনী আছেন, ও যাহা ২ কহিয়া দিয়াছেন তাহা আপনি তাহার এই বীণা-বাহক কেয়ুরকের প্রমুখাৎ শ্রবণ করুন,” বলিয়া তরলিকা রহিল। মহাশ্বেতা কেয়ুরকের প্রীতি দৃষ্টিপাত করিবামাত্র সে বন্ধকরপুটে কহিতে লাগিল, “স্বামিনি! দুঃখের কথা কি জিজ্ঞাসেন! কাদম্বরী আপনার অবস্থায় নিতান্ত দুঃখিনী হইয়া কাল হরণ করিতেছেন। গৃহে আছেন বটে, কিন্তু সংসার-সুখে এককালে জলাঞ্জলি দিয়াছেন; কিছুতেই তাহার মন প্রবোধ নানে না! আর আমাদের আগমনকালে কহিয়া দিয়াছেন যে যদি ভূয়োভূয়ঃ মহাশ্বেতা এ প্রকার আমাদের পানি-গুহণের অনুরোধ করিয়া পাঠান, তাহা হইলে আমি তাহার ন্যায় তপস্বিনী হইব”। মহাশ্বেতা এই সংবাদ শ্রবণগোচর করিয়া মনে ২ বিবেচনা করিতে লাগিলেন, এক্ষণে কাহাকেও দিয়া অনুরোধ করিয়া পাঠাইলে ইষ্টসিদ্ধি হওয়া দুর্ঘট হইবেক; আমি স্বয়ং তথা যাইয়া তাহাকে এ বিষয়ে লওয়াইতে চেষ্টা করি, তাহাতে কথঞ্চিৎ স্বীকার করিলেও করিতে পারে বোধ হয়। ইতিপরেই তিনি তাহার নিকট যাইতে কৃত্তোদ্যমা হইয়া চন্দ্রাপীড়কে কহিলেন, “মহারাজ, আপনি আমার সহিত হেমকূট-পর্বতে আগমন করুন। সেই স্থান গন্ধর্বারাজের অধিকৃত। তথায় দিনেক অবস্থিতি করিয়া প্রত্যাবর্তন করিবেন”। ইহাতে চন্দ্রাপীড় সম্মত হইলেন। অনন্তর মহাশ্বেতা, তরলিকা, চন্দ্রাপীড়, কেয়ুরক, এই চারি জন হেমকূট শিখরে আরোহণপূর্বক কাদম্বরীর সদনে উপস্থিত হইলেন।

সন্দর্শনমাত্র কাদম্বরী তাহাদিগকে যথোচিত সম্বর্জনাপূর্বক স্বহস্তে এক রত্ন জড়িত পাঠ আনিয়া রাজাকে উপবেশন করিতে দিলেন; এবং তরলিকাকে চামরব্যঞ্জন করিতে আদেশ দিয়া আপনি মহাশ্বেতার সহিত একাসনে সমাসীনা হইলেন। কেয়ুরক স্বকার্যসাধনে তৎপর রহিল। কাদম্বরী রাজার পরিচয় গুহণ ও মহাশ্বেতাকে কুশলাদি প্রশ্নের অবসানে স্বহস্তে তাঙ্গুলবীটিকা নিৰ্ম্মাণ করিয়া মহাশ্বেতাকে দিতে উদ্যত হইলে তিনি অগ্রে রাজার হস্তে তাঙ্গুল প্রদান করিতে তাহাকে অনুরোধ করিলেন। তাহাতে ঈষৎ হাস্য বদনা কাদম্বরী লজ্জায় নমুমুখে চন্দ্রাপীড়ের হস্তে তাঙ্গুল প্রদান করিতে স্বহস্ত পুসারিত করিবামাত্র অতি মাত্র আনন্দিত হইয়া রাজনন্দন তৎক্ষণাৎ তাহা লইলেন। করে ২ স্পর্শ হইবাত্তে উভয়ে উভয়ের মন হরণ করিলেন। করেন কি, তদবস্থা সেই অবস্থা উভয়ের কেহই ব্যক্ত করিতে পারিলেন না; কিন্তু তাহাদের সমস্ত আরদশা উত্তরোত্তর বৃদ্ধিহইতে লাগিল। ইতিমধ্যে কাদম্বরীর পিতা গন্ধর্বারাজ রাজা চিত্ররথ মহাশ্বেতাকে ডাকিয়া পাঠাইলেন। মহাশ্বেতা কাদম্বরীর মত লইয়া প্রাসাদ-সমীপস্থ প্রমদবন নামক রমণীয় উপবনে রাজা চন্দ্রাপীড়কে অবস্থিতি করিতে নির্দেশ করিয়া চিত্ররথের সহিত সাক্ষাৎ করিতে চলিলেন। চন্দ্রাপীড়ও তদনুসারে কাদম্বরীর কতিপয় পরিচারিকারে সঙ্গে লইয়া সেই উদ্যানস্থ মণিময় মন্দিরে যাইয়া অবস্থিতি করিলেন। এখানে কাদম্বরী এক জন সহচরী-সমভিব্যাহারে চন্দ্রশালায় প্রবেশপূর্বক মণিময় পর্য্যঙ্কে শয়না থাকিয়া মনে ২ চিন্তা করিতে লাগিলেন; “আমি এ কি করিলাম? অজ্ঞাত-কুলশীল এই রাজনন্দনের সহিত সম্ভাষণ করিয়া বুঝি প্রমাদ ঘট-

ইলাম। পরিবারের কেহ যদি আমার এবস্থিধ অপরিচিত পুরুষ সম্ভাষণ শুনিতে পায় তাহা হইলে বড় লজ্জার বিষয়।” এই রূপ চিন্তা করত কাদম্বরী শয্যাগতা থাকুন। এদিকে চন্দ্রাপীড় উপবনস্থ মন্দিরে অবস্থিতি করিয়া কাদম্বরীর রূপ লাভ্য-মাধুরীতে মনোনিবেশ করিয়া কাল হরণ করিতে লাগিলেন।

অনন্তর মহাশ্বেতার অনুরোধে কাদম্বরী স্নান-ছিকাদি সমাধা করিয়া কেয়ুরকের সঙ্গে মদলেখাকে দিয়া নানাবিধ উপাদেয় আহার দুব্য-সামগ্গী বহু মূল্য বেশভূষাদি রাজার নিকটে পাঠাইয়া দিলেন। চন্দ্রাপীড় তাহা ব্যবহার ও অভ্যবহার করিলেন। রজনী উপস্থিত হইল। কাদম্বরী প্রিয় সমাগমোচিত বেশভূষা সমাধান করিয়া কতিপয় সহচরীর সঙ্গে চন্দ্রাপীড়কে দেখিতে চলিলেন। দূরহইতে দেখিতে পাইয়া চন্দ্রাপীড় বহুমান পুরঃসর গাত্রোথান করিয়া তাহাকে সম্বর্জনা করিলেন। পরস্পরের কুশলাদি প্রশ্ন অবসান হইলে পর কাদম্বরী নিজ নিকটনে আগমন করিলেন। পর দিন মহাশ্বেতা পূর্বকৃত প্রতিজ্ঞানুসারে কাদম্বরীকে কহিয়া রাজাকে বিদায় করিয়া দিলেন। তথায় গন্ধর্বারানীত অশ্বে আক্ৰান্ত হইয়া রাজা আদৌ অচ্ছেদসরস্তীরে আইলেন। অনন্তর ইন্দ্রায়ুধ নামা নিজ ঘোটকে আরোহণ করিয়া হিরণ্যপুর নিকটস্থ আপন সেনা নিবাশ স্থানে গমন করিলেন। সর্বাঙ্গে শিবির-মধ্যে প্রবিষ্ট হইয়া চন্দ্রাপীড় বৈশম্পায়ন ও পত্রলেখার সমীপে হেমকূট ও মহাশ্বেতার বৃত্তান্ত আদ্যোপান্ত বর্ণন করিয়া কহিতে লাগিলেন। ইতিমধ্যে কেয়ুরক কাদম্বরীর প্রীতিদত্ত তাঙ্গুল কুসুম প্রভৃতি লইয়া উপস্থিত হইল; এবং সে সমস্ত রাজার হস্তে প্রদান করিল। তন্মধ্যে শেষহার

নামক এক সর্প-মণিময় হার ছিল; তাহা বাহির করিয়া চন্দ্রাপীড়ের হস্তে প্রদান করিল। রাজাও পরম সন্তোষপূর্বক তাহা গুহণ করিলেন। মিত্র হস্তে পান দান ও নিজ গলে হার পরিধান করিলেন। পরে হস্তিশালায় গন্ধমাদন হস্তি দর্শনার্থ কেয়ুরককে একান্তে লইয়া গিয়া মহাশ্বেতা ও কাদম্বরীর বৃত্তান্ত জিজ্ঞাসিবারে সে কাদম্বরীর প্রীতির কথা সমস্ত বিজ্ঞাপন করিল। পর দিন আপনি পত্রলেখাকে সঙ্গে লইয়া ইন্দ্রায়ুধে আরোহণ করিলেন, এবং অপর ঘোটকে কেয়ুরককে সমাক্রান্ত করিয়া হেমকূটোপরি ক্রীড়া-কাননে যাইয়া উপস্থিত হইলেন। তথায় দেখেন কাদম্বরী চন্দ্রাপীড় বিরহে নিতান্ত খিদ্যমানা ও রোক্ত্যমানা হইয়া কাল হরণ করিতেছেন। বহুতর প্রবোধদ্বারা তাহাকে সান্ত্বনা করিয়া রাজা পত্রলেখাকে কাদম্বরী-সমীপে রাখিয়া আপনি শিবিরে পুনর্বার আগমন করিলেন। আগত মাত্র দেখিলেন যে তাহার পিতা রাজা তারাপীড় স্বত্যয়কে আনয়নার্থ এক জন অশ্বাক্রান্তকে দিয়া এক পত্র পাঠাইয়াছেন। পত্র প্রাপ্তিমাত্র তাহা পাঠ করিয়া দেখিলেন যে রাজা তারাপীড় শীঘ্র রাজধানীতে আসিতে লিখিয়াছেন।

অনন্তর বৈশম্পায়নকে সৈন্য সমভিব্যাহারে আসিতে অনুমতি প্রদান করিয়া আপনি সেই অশ্বাক্রান্তের সহিত একাকী উজ্জয়িনীর অভিমুখে চলিলেন। গৃহে উপস্থিত জনকজননী ও মন্ত্রিবর শুকলাল ও তৎপত্নী জননীসমা মনোরমাকে দর্শন বন্ধনাদি করিয়া আত্ম কুশলাদি বিজ্ঞাপন করিয়া কহিলেন। পরে প্রিয়বর বৈশম্পায়ন সেনা সঙ্গে আসিতেছেন বলিয়া সকলকে সন্তুষ্ট করিলেন।

এখানে হেমকূটে চন্দ্রাপীড়-রক্ষিত পত্রলেখার সহিত কাদম্বরীর নিরীতিশয় প্রীতি হইয়াছিল।



একারণ তিনি তাহার সমীপে চন্দ্রাপীড়ের অনু-  
রাগ বৃত্তান্ত জিজ্ঞাসিলে পর পত্রলেখা রাজার  
কাদম্বরী প্রীতির বিষয় সমস্ত বর্ণনা করিল; এবং  
কহিল, “আমি অবিলম্বে তোমার সহিত রাজার  
মিলন করিয়া দিব”। ইহাতে কাদম্বরী পরমানন্দে  
কেয়ুরকে সঙ্গে দিয়া পত্রলেখাকে নানা প্রকার  
কৌশল শিখাইয়া রাজ সন্নিধানে প্রেরণ করিতে  
প্রস্তুত হইয়া কহিলেন, “পত্রলেখা! আমি  
বুঝিলাম যে তুমি কোন ক্রমে যে রাজপুত্রকে  
এস্থানে আনিতে পার সন্দেহ নাই, কিন্তু তাহাকে  
আনিলে আমার ভদ্রতা রক্ষা হইবেক না; কেননা  
আমি মহাশ্বের সন্নিধানে প্রতিজ্ঞা করিয়াছি-  
লাম, তুমি দুর্গমতা থাকিতে আমি কদাচ কা-  
হাকেও পতিত্ব বরণ করিব না। যদি এ প্রতিজ্ঞা  
ভঙ্গ হয় তাহা হইলে বড় লজ্জার বিষয়। ইহা  
না হইলেই বা কি কারণে সেই প্রেমভাজন প্ৰি-  
য়তম রাজতনয় বার ২ এস্থলে আসিয়া অপূর্ণ  
মনোরথে ফিরিয়া যাইবেন। আমি এক্ষণে তা-  
হার বিরহে তন্মনস্ক হইয়া সর্বদাই তাহাকে হৃদয়-  
মধ্যে দেখিতেছি। অতএব তাহাকে আসিতে  
অনুরোধ করণের আবশ্যিক নাই।” এই সকল  
কথা কহিতে ২ কাদম্বরী মুচ্ছিতপ্রায়া রহিলেন।  
পত্রলেখার বিলক্ষণ হৃদয়ঙ্গম হইল যে ইনি রাজ-  
নন্দনের জন্যই এতাদৃশাবস্থায় পতিতা হইলেন।  
সঙ্কপে অতীত হইল দেখিয়া পত্রলেখা কাদম্ব-  
রীকে কহিতে লাগিল; “দেবি! ঐশ্বর্য অবলম্বন  
কর। আমি এখনই যাইয়া রাজকুমারকে লইয়া  
তোমার নিকটে উপস্থিত হইব। ইহাতে অন্যথা  
ভাবিও না।” কাদম্বরী পত্রলেখার এতাদৃশ আ-  
শ্বাসবাক্য কণকুহরে প্রবিষ্ট হইবামাত্র বিষ-  
ধরদংশি ব্যক্তি বিষহর মন্ত্র শুবণে প্রতুজ্জী-  
বিত হইবার নয় একবার নয়নদ্বয় উন্মীলন

করিয়া তাহাকে কহিলেন; “পত্রলেখা! এক্ষণে  
তোমার যথাক্রমে উপায়স্বেষণ কর।”

অনন্তর পত্রলেখা কেয়ুরকে সঙ্গে লইয়া রাজ-  
তনয়-সমীপে উপস্থিত হইল, এবং কাদম্বরীর  
আদ্যোপান্ত পূর্বরাগ-সম্ভূত-অরাবস্থা বর্ণন করিয়া  
অবাঙমুখে কণকাল তুষীভাবে দণ্ডায়মানা রহিল।  
রাজতনয় তাহাকে কহিলেন, “পত্রলেখা! তুমি-  
তো আগেই এ সমস্ত বিষয় অবগত ছিলে, আ-  
মার তথায় অবস্থিতি কালে কেন জানাও নাই?  
এক্ষণ আমি সন্নিহিত নহি; কি করিতে পারি?”  
এই কথা বলিতে ২ পত্রলেখার হস্ত স্বহস্তে ধারণ  
করিয়া নিজ জননীর সহিত সাক্ষাৎ করিতে গমন  
করিলেন। সায়ংকাল অতীত হইলে তথাহইতে  
আসিয়া আপনার শয়নাগারে প্রবেশ করিলেন।  
শয়ন করিয়া রাজকুমার পত্রলেখার সহিত কেবল  
কাদম্বরীর রূপলাবন্যাদির বিষয়ে কথোপকথন  
করিতে ২ নিশা যাপ করিলেন। রাজাকে চিন্তা  
সপত্নীর বশীভূত দেখিয়া নিদারুণা প্রণয়িনী তা-  
হার নয়ন পথ অতি ক্রমণ করিয়া দূরবর্তিনী হইল।  
পর দিন রাজা পত্রলেখার কর ধরিয়া পদবুজে  
যাইতে ২ শিপ্রা-নদী তটে উপস্থিত হইলেন।  
অশ্বপাল তৎপশ্চাৎ ২ ইন্দ্রায়ুধকে বশ্মি ধরিয়া  
আগমন করিল। তথায় এক কার্তিকৈয়ের মন্দির  
ছিল। দেব দর্শনার্থ মন্দিরাভিমুখে যাইতেছেন,  
এমত সময়ে রাজা দেখিতে পাইলেন যে কতি-  
পয় অশ্বারূঢ় ব্যক্তি অত্যন্ত দ্রুতবেগে আগমন  
করিতেছে। ইহাতে তিনি পার্শ্ববর্তিনী পত্রলেখাকে  
কহিলেন; “আমার বোধ হয় যেন কেয়ুরক এই  
স্থানে আসিতেছে।” ইতিমধ্যে কেয়ুরক তথায়  
উপস্থিত ও দণ্ডবৎ ভূপচরণোপান্তে ভূমি পতিত  
হইয়া সাষ্টাঙ্গে প্রণিপাত করিল। রাজা তাহাকে  
স্বাগত প্রস্নাবসানে জিজ্ঞাসিলেন, “কহ, কেয়ুরক

কি নিমিত্তে এ .অসময়ে তোমার আগমন হইল?  
কাদম্বরীতো সর্বতোভাবে কুশলে আছেন?”

### কৌতুক কণা।

সলজ্জ চিকিৎসক।

এক ব্যক্তি চিকিৎসক সমাজ স্থান  
দিয়া গমন সময়ে আপনার মস্তক  
ও মুখ বস্ত্রদ্বারা আচ্ছাদিত করিত,  
ইহাতে তত্রত্য জনেরা তাহাকে জিজ্ঞাসিল,  
“তোমার এতাদৃশ করণের কারণ কি?” সে  
কহিল, “এই সমাজ-স্থানস্থ শবদিগকে দেখিয়া  
আমার লজ্জা বোধ হয়; কেননা ইহারা সকলেই  
আমারই ঔষধ-সেবন-দ্বারা এই স্থানে প্রেরিত  
হইয়াছে।”

মানের চিহ্ন তালক।

“আহোল” অর্থাৎ এক-দ্বির্দর্শী কোন নেত্র  
রোগির নিকটে কোন সময়ে একটা কপোত  
আইল, এ সময়ে এক উদাসীন তথায় আসিয়া  
তাহাকে জিজ্ঞাসিল, “মহাশয়, যাহার আহোল  
নামক নেত্র রোগ থাকে, সে কি যথার্থ এক  
বস্তু দুই করিয়া দেখিয়া থাকে?” সে প্রতু-  
ত্তর দিল, “যদি এ কথা সত্য হইত, তাহা  
হইলে আমি অবশ্যই এই নিকটস্থ দুইটি  
কপোতকে চারিটি দেখিতাম।”

সুপথ্য ও সুখাদ্য কি?

জর্নৈক বৈদ্যকে এক জন জিজ্ঞাসা করিল,  
“পৃথিবীর মধ্যে পথ্য হয় অথচ সুখাদ্য এমত  
কি বস্তু আছে?” সে কহিল “ক্ষুধা”।

বিচার পতির নিকট কিদৃশ খাদ্য প্রাপ্য।

কেহ কোন কাজির সন্নিধানে গিয়া কহিল,

“আমি অতি ক্ষুধার্ত, আমাকে কিছু খাদ্য প্রদান  
করিতে অনুমতি করণ।” তিনি কহিলেন, “রে মুখ,  
তুই ক্ষিপ্ত, কখন কি শুনিব নাই যে কাজির  
নিকট গালি খাওয়া ব্যতীত অন্য কিছুই খাইতে  
পাওয়া যায় না”।

কৌতুক অপত্য চিরস্থায়ী।

লোকে কহিয়া থাকে, কোন ব্যক্তি সেকেন্দ-  
ন্দর শাহ নামক বাদশাহকে কহিয়াছিল; “আ-  
পনি সসাগরা পৃথিবীর অধিপতি; আপনি কত-  
কগুলিন বিবাহ করুন; তাহাতে আপনার অনেক  
সন্তান সন্ততি জন্মিতে পারিবেন; তদ্বারা আ-  
পনার বংশের নাম ও সিংহাসন চিরস্থায়ী হই-  
বেক”। বাদশাহ তদুত্তরে কহেন, “আপনার  
সদ্বিচার ও কীর্তিই অনন্তকাল স্থায়ী হইয়া নাম  
রক্ষা করিবেন; পৃথিবীস্থ সমস্ত ব্যক্তির উপরি  
প্রভুত্ব সংস্থাপন করিয়া এককালে কামিনীগণের  
মায়া-জালে বদ্ধ হইয়া অধীনতা প্রকাশ করা  
অতি নিঘর্নের কর্ম”।

সদুত্তর।

এক রাজা তনয়ের সহিত একত্রে মৃগয়ায় গমন  
করিয়াছিলেন। যাইতে ২ পথিমধ্যে অতিশয়  
গুম্বা বোধ হওয়াতে আপনাদের গাত্রের বস্ত্রাদি  
বিমুক্ত করিয়া সমভিব্যাহারি এক জন বিদুষকের  
স্কন্ধে রাখিলেন। অনন্তর জীবদ্বাস্য পূর্বক তা-  
হাকে কহিলেন; “রে বিদুষক, তোমার স্কন্ধে  
এক গর্দভের বোঝা হইল।” সে কহিল, “একের  
কথা কি বলেন, বরং দুই গাদার হইয়াছে।”

কুজের বাণী।

কেহ জর্নৈক কুবুকে জিজ্ঞাসা করিয়াছিল যে,  
“তুমি আপনার পৃষ্ঠে সোজা হওয়া কি অন্যের  
পৃষ্ঠে তোমার তুল্য কুঁজ হওয়া চাহ?” সে কহিল,  
“অন্যের পৃষ্ঠে কুঁজ হওয়াই ভাল বাসি, কেননা



তাহা হইলে তাহারা যেমন আমাকে দেখিতেছে  
আমিও তজ্জপ তাহাদিগকে দেখিতে পারি।”

প্রকৃত প্রত্যুত্তর ।

এক বাদশাহ নিজ মন্ত্রির সহিত একত্রে খজুর  
ফল ভক্ষণ করিতে ছিলেন। রাজা ভুক্ত-খজুরের  
বীজ-সকল মন্ত্রির সম্মুখে ফেলিতে লাগিলেন।  
ভোজনানন্তর রাজা উপহাসচ্ছলে মন্ত্রিকে কহি-  
লেন, “তুমি বড় উদরস্তুরি, এত খজুর খাইয়াছ  
যে তাহার বীজ-সকল তোমার নিকটে রাশীকৃত  
হইয়া রহিয়াছে।” মন্ত্রী উত্তর করিল; “না মহা-  
রাজ, এমত নহে, বরং আপনিই উদরস্তুরি হইতে  
পারেন, কারণ আপনার সম্মুখে খজুর কি তা-  
হার বীজ কিছু মাত্র পড়ে নাই।”

অহঙ্কারের পথ্য ।

এক ব্যক্তি উচ্চপদাভিষিক্ত হইলে তাহার  
কোন বন্ধু তাহার নিকটে আত্মদ করণার্থ আগমন  
করিল। সে জিজ্ঞাসিল; “তুমি কে? ও কি  
জন্য আসিয়াছ?” বন্ধু কহিল “আমি তোমার  
প্রাচীন বন্ধু, শুনিলাম তুমি অন্ধ হইয়াছ তজ্জন্য  
এখানে শোক প্রকাশ করিতে আসিয়াছি।”

চোর ধরিবার সদুপায় ।

চোরকর্তৃক জনৈক ফকিরের উষ্ণিশ অপহৃত হও-  
য়াতে সে গোরস্থানে যাইয়া বসিল। লোকেরা  
তদৃষ্টে কহিল; “আপনার পাগড়ি লইয়া চোর  
এ বাগানের দিকে চলিয়া গিয়াছে; আপনি এখানে  
বসিয়া কি করিতেছেন?” ফকির কহিল; “হাঁ  
এইক্ষণে সে পলাইয়াছে বটে; কিন্তু অবশেষে  
তাহাকে এখানে আসিতে হইবেক, এই জনৈক  
এখানে অপেক্ষা করিয়া বসিয়া রহিয়াছি।”

কোন ব্যবসায়ের দোষ অনায়াসে সম্বরণ

হইতে পারে।

কোন চিত্রকর এক নগরে উপনীত হইয়া বৈদ্য

ব্যবসায় প্রবৃত্ত হইল। কিয়দিন গতে তাহার  
দেশস্থ এক ব্যক্তি ঐ নগরে আগমনানন্তর তা-  
হাকে দেখিয়া জিজ্ঞাসিল, “তোমার এখন কি  
কর্ম করা হয়?” সে কহিল, “চিকিৎসা ব্যবসায়।”  
প্রশ্নকর্তা পুনর্জিজ্ঞাসিল, “প্রাচীন ব্যবসায় পরি-  
বর্তনের অভিপ্রায়?” চিত্রকর উত্তর করিল; “কা-  
রণ এই ব্যবসায়ের কোন ত্রুটি হইলে তাহা অনা-  
য়াসে মৃত্তিকাসাৎ হইবেক।”

অকর্মণ্য রাজা ।

এক দিন সেকন্দর শাহ কোন এক বাতুলকে  
কহিলেন; “রে পাগল, তুই আমার নিকট কিছু  
যাচঞা কর।” সে কহিল, “আমি মাছির জ্বা-  
লায় বাঁচি না, যদি তুমি ইহাদিগকে বারণ কর  
তাহা হইলে সুখী হই।” সেকন্দর কহিলেন,  
“যাহা অনায়াস সাধ্য এমন কিছু যাচঞা কর।”  
সে কহিল, “যদি মাছিটাও তোমার সাধ্য  
না হইল তবে তোমার নিকট আমি আর কি  
চাহিব?”

কে কার?

কোন সময়ে এক ব্যক্তি মনে কহিতেছিল,  
“জগদীশ্বর স্বর্গ ও মর্ত্তে যে কিছু সৃষ্টি করিয়াছেন,  
তৎতাবৎই আমার জন্য, সুতরাং তিনি আ-  
মাকেই জর্জাপেক্ষা মহৎ করিয়াছেন।” ইতি-  
মধ্যে একটা মসী তাহার নাসিকার উপরি  
বসিয়া কহিল; “তোমার এত অহঙ্কার করা উপ-  
যুক্ত নহে, কেননা ঈশ্বর সৃষ্টি তবৎ বস্তুই তো-  
মার জন্য হইলেও তুমি আমার জন্য হইয়াছ;  
দেখ, আমি তোমার নাসিকায় বসিয়া তোমার  
রক্ত পান করিতেছি, ইহাতে আমি কি তোমা-  
হইতে মহত্তর হইলাম না?”

কাহাকে আলোক ধরি?

এক জন অন্ধ রাত্রিকালে একটা পুদীপ হস্তে

ও একটা কলসী মস্তকে লইয়া বাজারে যাইতে-  
ছিল। পথিমধ্যে এক ব্যক্তি তাহাকে দেখিয়া  
কহিল, “তুই বড় নির্বোধ, তোর পক্ষে দিবা  
রাত্রি তুল্য, তুই কি জন্য হস্তে একটা পুদীপ  
লইয়া যাইতেছিস?” সে কহিল, “সত্য বটে, কিন্তু  
এদীপ আমার জন্য নহে, কেবল তোমাদের  
নিমিত্তই লইয়া যাইতেছি, ইহা না লইলে অন্ধ-  
কারে তোমরা আমার এ কলসী ভাঙ্গিয়া ফে-  
লিতে পার।”

কবি ও গদ্যভেদে কত অন্তর ।

এক জন দরিদ্র কবি এক ধনির অত্যন্ত সন্নিকটে  
গিয়া বসিল। উভয়ের মধ্যে এক বিতর্কিত প্রমাণ  
স্থানের অতিরিক্ত স্থান ছিল না। ইহাতে ধনমন্ত  
অন্তঃকৃপিত ঐ ধনী তাহাকে জিজ্ঞাসিল, “তো-  
মার ও গদ্যভেদের মধ্যে কত অন্তর?” সে উত্তর  
করিল “কেন? এক বিতর্কিত মাত্র।”

বিনা অঙ্গুরীয়কে বন্ধুর মরণ ।

কোন কৃপণের সহিত এক ব্যক্তির বন্ধুতা ছিল।  
একদা সে কৃপণকে কহিল, “বন্ধো, দেশ বিদেশে  
ভ্রমণ করিতে ইচ্ছা করিয়াছি, অনুগ্রহপূর্বক তুমি  
আপন অঙ্গুরীয়কটি আমাকে দেও। আমি তাহা  
ধারণে ও সময়ে তদর্শনে বিদেশে তোমার মরণ  
করিব।” সে কহিল, “যদি তুমি আমাকে মরণ  
করিতে চাহ তাহা হইলে তুমি আপনার রিক্ত  
অঙ্গুলী দর্শন করিও; তদৃষ্টে তখনই মরণ হইবে,  
যে আমি এই অঙ্গুলীতে অঙ্গুরীয়ক ধারণ করি-  
বার জন্য আমার বন্ধুর নিকট চাহিয়াছিলাম,  
তিনি আমাকে তাহা দেন নাই।”

ভূত ধরিবার পন্থা ।

এক ব্যক্তি স্বপ্নাবস্থায় একটা ভূতকে দেখিল, ও  
তাহার গালে এক চপেটাঘাত করিয়া কহিল, “রে  
দুরাত্মন, তুই কেবল প্রাণিগণকে প্রতারণা করি-

বার জন্য এত লক্ষ্যমান অশ্রু ধারণ করিতেছিস।”  
এই বলিয়া তাহার অশ্রু ধরিয়া পুনর্বার আর  
এক চপেটাঘাত করিবামাত্র তাহার নিদ্রা ভঙ্গ  
হইল, ও দেখিল যে আপনি আপনার দাড়ি ধরি-  
য়া রহিয়াছে।

বিচার পতি হওনের অযোগ্যতা ।

এক বাদশাহ এক জন বুদ্ধিমানকে আহ্বান-  
পূর্বক কহিলেন; “আমি তোমাকে এই নগরের বি-  
চারপতি করিতে ইচ্ছা করি।” সে কহিল, “আমি  
এ কর্মের উপযুক্ত পাত্র নহি।” বাদশাহ কহিলেন,  
“কেন?” সে কহিল, “যদি আমি সত্য কহিয়া  
থাকি, তবে আমার ক্ষমা করিবেন, ও যদি মিথ্যা  
বলিয়া থাকি তাহা হইলে মিথ্যাবাদিকে এতা-  
দৃশ পদাভিষিক্ত করা যুক্তিযুক্ত হয় না।”

\*\*\*

## দৃষ্টান্ত বিন্দু ।

বাসার্থ পরের গৃহে কদাচ যাইবে না, গেলে  
তেজের হানি হয়, যেমন সমসূত্রপাতভাবে রবি-  
মণ্ডল-মধ্যবাসী হইবার জন্য গমন কালে চন্দ্র-  
মণ্ডলের দিন ২ কান্তি হীন হইতে থাকে। ১০।

বিশ্বসৃষ্টি যে নিয়মে যাহাকে যেমন সৃষ্টি করি-  
য়াছেন তাহার অন্যথা কদাচ হয় না, যেমন কর্ণে  
বাক্য কহে না, রসনা তাহা শুনে না। ১২।

গুণির গুণগুহণে মুর্থ অসমর্থ হইলে গুণির কোন  
অনিষ্ট নাই; পেচক যে দিনের শোভা দেখে না,  
তাহাতে দিবসের কি হানি হয়? ১৩।

যেখানে পণ্ডিত নাই তথায় মুর্থের মান থাকে,  
যেমন সূর্য্যোদয় হইলে পুদীপের আলোক কে-  
হই লয় না। ১৪।

বুদ্ধিহীন ব্যক্তি সুবুদ্ধির বচনবৈদখী কি রূপে



জানিতে পারিবেক, ভেকে কখন কমলের সৌরভ জানিতে পারে না। ১৫।

খলেরা লোকের দোষ বিনা কদাচ গুণ গুহণ করে না, যেমন স্তনে জৌক ধরাইলে রক্ত ব্য-  
তীত দুগ্ধপান করে না। ১৭।

ধৈর্য্যেতেই কার্য্য সিদ্ধ হয়, অধীর হওয়ার কোন ফল নাই, যথাযোগ্য সময়েই বৃক্ষে ফল  
হইয়া থাকে, অত্যন্ত জলসেচনা দ্বারা ই যে অ-  
বিলম্ব ফলে, তাহা নহে। ১৮।

যাহাতে কোন কার্য্য না হয় তাহাতে যত্ন  
করিলে কি ফল? পর্বতের উপরি কূপ খনন  
করিলে কি জল উঠে? ১৯।

যাহাদের কোন শক্তি ও লজ্জা নাই, তাহারা  
যাহা ইচ্ছা তাহাই করিতে পারে, যেমন দেবদেব  
মহাদেব সর্বসমক্ষে দিগম্বর বেশে অর্দ্ধনারীশ্বর  
রূপ ধারণ করিয়াছিলেন। ২০।

অতি মহাত্মা ব্যক্তির যৎনামান্যেতেই সন্তোষ  
হইয়া থাকে, যেমন হরের অর্কপুষ্প ও হরির তুল-  
সী-দলে। ২১।

উত্তম বস্তু অনায়াসেই মন্দ হইতে পারে, কিন্তু  
মন্দ উত্তম হওয়া অতি সুকঠিন, যেমন কাঁজি-  
প্পর্শে দুগ্ধ ছিন্ন হয়, কিন্তু কদাচ আর তাহা  
প্রকৃত দুগ্ধ হয় না। ২২।

ক্ষুদ্র ব্যক্তির মস্তকস্থ মুকুটও শোভার কারণ  
হয়, যেমন জ্যোৎস্না-তলস্থ সমস্ত বস্তু আলোক-  
ময় করে। ২৩।

স্বভাবতঃ রসিক হইলে শত্রুর প্রতিও রস বিত-  
রণে ত্রুটি করে না, যেমন ইক্ষু যত নিষ্পীড়িত  
হয়, ততই রস দেয়। ২৪।

কুমন্ত্র করিতে গেলেই প্রকৃতির হানি হইয়া  
উঠে, যেমন মুককে বুঝাইতে গেলে মুকভাবাপন্ন  
হইতে হয়। ২৫।

প্রত্যেকের প্রকৃতি ভিন্ন ২ হয়, কোটি যত্নে-  
তেও তাহার ঐক্য দুঃসম্পাদ্য, যেমন সমুদ্রহইতে  
উৎপন্ন বিষ ও অমৃত উভয়ের ভিন্ন ২ গুণ, একে  
প্রাণ নাশ, অন্যে জীবন দান করে। ২৬।

প্রীতিন্তে দুষ্টহইতেও কেহ অনিষ্ট আশঙ্কা  
করে না; যেমন ভ্রমর কেতকী-পুষ্পে আসক্ত  
হইয়া তাহার কণ্টকে গাত্র বিদ্ধ হইবার ভয়  
করে না। ২৭।

ধন যত বৃদ্ধি হইতে থাকে, পুরুষের বাসনা  
ততই বাড়ে, কিন্তু তাহার জ্ঞানে তাহার আস  
কদাচ হয় না; যেমন জলের বৃদ্ধি অনুসারে  
কমল-নালের বৃদ্ধি হয়, কিন্তু তাহার ন্যূনতায়  
ইহা ন্যূন হয় না। ২৮।

যাচরণে সর্বাপেক্ষা লঘু কর্ম্ম, ইহাতে মহত্ত্ব  
কিছু মাত্র থাকে না; ভগবান্ও বলিরাজার  
নিকট যাচরণ করিবার সময়ে বামন হইয়াছি-  
লেন। ২৯।

এক প্রকার মূলবস্তুজাত বস্তু-সকল কদাচ  
ভিন্নাকার হইতে পারে না, যেমন সূত্রনির্মিত  
নানা বস্ত্র সূত্রই হয়, ও লৌহজন্ম নানাবিধ পাত্র  
এবং অস্ত্র লৌহ হইয়া থাকে। ৩০।

যেমন ব্যক্তির সেবা করা যায় তাহারি অনুরূপ  
ফল ফলে, যেমন রত্নাকর সেবায় রত্ন, সরোবর  
সেবায় শম্বুক। ৩১।

সদসৎ-সঙ্গ-করণের ফল সুখ-দুঃখ, তাহার  
স্পষ্ট প্রমাণ লৌহকার ও গন্ধবণিকের দোকানে  
বসিলেই প্রত্যক্ষ হইতে পারে। ৩২।

পদচ্যুত হইলে মিত্রও শত্রুতাচরণ করিয়া থা-  
কেন, যেমন কমলিনী-নারক সূর্য্যদেব নিজ  
প্রণয়িনী কমলিনীকে স্বস্থান জলচ্যুতা হইলে গুহ  
ও ম্লান এবং দক্ষ করেন। ৩৩।



## বিবিধার্থ-সঙ্গ্রহ,


অর্থঃ

পুরাতত্ত্ব-ইতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

২ পর্ব]


শকাব্দ ১৭৭৫, আশ্বিন।

[২২ খণ্ড।



বিশপস কলেজ।

### কলিকাতার সম্মুখস্থিত-ভাগীরথীর তট-সন্দর্শন।



পদার্থের নামাদি কিঞ্চিৎ প্র-  
সঙ্গ জ্ঞাত থাকি তাহার বিবরণ  
শুবণে যাদৃশ তৃপ্তি জন্মে, সর্ব-  
তোভাবে অজ্ঞাত বস্তুর বিবরণ  
তাদৃশ মনঃপ্ৰসাদকর হয় না। সামান্যতঃ বোধ  
হইতে পারে যে নূতন বস্তুর বর্ণনাই অনেকের  
প্রীতিকর, কিন্তু মনের তত্ত্ব পূর্বাপর আলোচনা  
করিলে ইহার বৈপরীত্যই স্পষ্ট মাধ্যস্থ হয়।

তদর্থে আমরা সাময়িক পত্রের সম্পাদকদিগ-  
কে সাক্ষিকপে স্বীকার করি; তাঁহারা অক্লে-  
শেই ইহার যথার্থ্য সম্প্রমাণ করিতে পারেন।  
কান্যকুব্দের বর্ণনা ও আনাছ্যাক-দেশের বিব-  
রণ কোন এক পত্রে প্রকাশিত করিলে, পাঠক-  
বৃন্দের অধিকাংশেই পূর্বে-অশ্রুত আনাছ্যাক-  
দেশের বিবরণ-পরিবর্তে বিখ্যাত কান্যকুব্দের  
বর্ণনা আদৌ আহ্বাদ পূর্বক পাঠ করিয়া থাকেন;  
অথচ কান্যকুব্দের-নগরের আখ্যানের কিয়দংশ  
তাঁহারা সকলেই জ্ঞাত আছেন, ও আনাছ্যাক-  
দেশের আশ্চর্য্য ইতিহাসের তুল্য প্রসঙ্গ তা-



হাতে কিছু মাত্র নাই। এই প্রচুরক্রপারীতির কারণ কি অধুনা তাহা আমাদের অনসন্দের্য নহে। পরন্তু তাহার সত্যতায় নির্ভর করিয়া আমরা সম্প্রতি অজ্ঞাত-দূর-দেশের পরিবর্তে কলিকাতার সম্মুখস্থিত সুবিজ্ঞাত-ভাগীরথী-তটের বর্ণনে কৃত-সঙ্কল্প হইলাম। এবিষয়ে আমাদের যাহা বক্তব্য তাহা, বোধ হয়, পিতামহ-সম্পর্কীয় বৃদ্ধ-মহাশয়দিগের পক্ষে নূতন বোধ হইবেক না, ও তদ্বিষয়ে তাঁহারা আমাদের অনেক নদুপদেশও প্রদান করিতে পারেন; কিন্তু বিবিধার্থে মণিমুক্তাদির পরিবর্তে লোষ্ট্রসঙ্গ্রহ করিলেও তাঁহারা, অনুমান করি, নষ্ট-সম্বন্ধ-বশতঃ উপহাসচ্ছলে এপর্য্যন্ত আমাদের কোন পরামর্শ প্রদান করেন নাই; বিনা সাহায্যে আমরা স্বীয় সাধ্যানুসারে যাহা করি তদৃষ্টেই স্মিত-মুখে স্তব্ব থাকেন; সম্প্রতি এই প্রস্তাব রচনায় প্রাচীন-গল্প-কথন-রূপ তাঁহাদের স্বকীয় ব্যবসায় হস্তক্ষেপ করাতে বিরক্ত হইয়া তাঁহারা আমাদের এতন্নগরসম্বন্ধীয় কোন উত্তম আখ্যায়িকার উপদেশ প্রদান করেন, ইহাও আমাদের এক প্রধান উদ্দেশ্য।

বিদেশীয় লোক পোতারোহণে গঙ্গাসাগরসঙ্ক্রম-দ্বারা কলিকাতায় আগমন সময়ে নগরের দক্ষিণ-পশ্চিম-কোণে বাম-পার্শ্বে একটি ত্রিতলগৃহ দেখিতে পান। তাহা অধুনা কোম্পানির উদ্যান-রক্ষকের আবাস স্থান। ষষ্টি বৎসর হইল এই উদ্যানের স্থাপনা হয়। এতদেশীয় ও বিদেশীয় বৃক্ষলতাদির সঙ্গ্রহ ও প্রয়োজনীয় বিদেশীয় বৃক্ষাদির এতদেশে প্রচার করণার্থে কর্নেল্ কিড সাহেব ১৭৯২ সংবৎসরে এই উদ্যানের সূত্রপাত করেন, এবং তদবধি রকুবরা, যাক্, বুকানান, ওয়ালিক্, গিফিৎ প্রভৃতি কয়েক জন অতি প্রসিদ্ধ উদ্ভিদবিদ্য-ব্যবসায়ির কর্তৃত্বে তথায় তরুগণ্যাদির ধর্ম নিরূপণ ও

এতদেশে উপকারজনক বৃক্ষাদির প্রচার সুচারু-রূপে হইয়া আসিতেছে; পরন্তু ইউরোপখণ্ডে এত-ক্রপ উদ্যান উদ্ভিদবিদ্যানুশীলনার্থে যে প্রকার সাহায্যকর, সুশৃঙ্খলাভাব প্রযুক্ত প্রস্তাবিত উদ্যান তক্রপ উপকারি নহে। উদ্যানের মধ্য ভাগে উদ্যান সংস্থাপক সাহেবের এক সুচারু সমাধি স্থান আছে।

এই উদ্যানের উত্তরে একটি অতি কমলীয় অট্টালিকা দৃষ্ট হয়। তাহার নাম “বিশপ্স কালেক্জ,” অর্থাৎ প্রধান পাদরির চতুষ্পাটী। ৩৩ বৎসর হইল ইহার সূত্রপাত হইয়াছিল। ইংরাজদিগের প্রসিদ্ধ প্রধান পাদরি মিডলটন সাহেব এতদেশীয় লোককে যীশু খ্রীষ্টের ধর্মে পরিদীক্ষিত করত তদধর্মঘোষকতা কর্মের উপযোগিতা সম্পাদনার্থে এই বিদ্যালয় নির্মাণ করান। অধুনা তথায় এক গির্জা, এক চতুষ্পাটী, মুদ্রাযন্ত্র এবং শিষ্য ও শিক্ষকদিগের আবাসস্থান নির্দিষ্ট আছে। পূর্বে এই অট্টালিকার এক চিত্র মুদ্রিত হইয়াছে; কিন্তু তাহাতে এই রম্য প্রাসাদের যথার্থ শোভা ব্যক্ত হয় নাই। যাহারা সূর্য্যোদয় বা সূর্য্যাস্ত সময়ে গঙ্গার মধ্যভাগে তরণীহইতে এই অট্টালিকা সন্দর্শন করিয়াছেন, তাঁহাদিগদ্বারা তাহার যথার্থ সৌন্দর্যের অনুভব হইয়াছে।

বিশপ্স কালেক্জের কিয়দূর অন্তরে শিবপুরের টেকের অগ্ণভাগে “সালিমার” নামে বিখ্যাত একটা উত্তম অট্টালিকা আছে। ত্রিংশৎ বর্ষ হইল তাহাতে কলিকাতা স্থ প্রধান বিচারালয়ের বিচারপতি সের জান্ রইড সাহেব বসতি করিতেন। এই বাটার অনতিদূরে শিবপুরের চর (চড়া)। শত বর্ষ পূর্বে গঙ্গার গর্ভে এই চরের কোন চিহ্নও ছিল না। পঞ্চাশৎ বৎসরের মধ্যে এই চর উখিত হইয়া নদীর আয়তন সঙ্কীর্ণ, ও এই নদী-দ্বারা জাহাজ যাতায়াতের ক্লেশ বৃদ্ধি, করিয়াছে।

উলুবেড়িয়ার দক্ষিণে গঙ্গার গর্ভে এপ্রকার চর দুই এক সপ্তাহের মধ্যে উখিত হয়, ও পরে অতি অল্প দিন মধ্যেই বিলুপ্ত হইয়া গিয়া থাকে। প্রস্তাবিত চরের বাধা প্রযুক্ত ভাগীরথীর দক্ষিণ তট দিয়া অগু গমন না করিয়া আমাদেরকে বাম-তটভিমুখে প্রত্যাবর্তন করিতে হইল। এই তট পূর্বোক্ত তটাপেক্ষায় বিশেষ কমলীয়! তাহাতে প্রথমতঃ মুচিখোলার রম্য উদ্যান-সকল দৃষ্টি গোচর হয়। ইংরাজি ১৭৬৮ অব্দে এই সকল উদ্যানের কিছুই আরম্ভ হয় নাই। তৎপরে অতি অল্পকাল মধ্যেই তত্রত্য অপূর্ব অট্টালিকা ও তচ্ছতুর্দিগবর্ত্তি রম্য পুষ্পবাটিকা ও তৃণক্ষেত্রাদি সংস্থাপিত হয়। ১৭৮০ অব্দে বিবি কে লিথিয়াছিলেন, “এই নদীতট অতিসুন্দর-অট্টালিকা-সমূহে পরিশোভিত। এই সকল অট্টালিকা কুঞ্জবন ও তৃণক্ষেত্রে বেষ্টিত; এবং তাহাতে যে কোন পদার্থ দৃষ্টি-গোচর হয়, তৎ সমুদায়ই তন্নিবাসিদিগের সুখ-সম্পত্তির ও সদুমানুশীলনের সাক্ষ্যস্বরূপ বর্ত্তমান আছে।” বিবি কের সময়হইতে এপর্য্যন্ত তথায় অনেক উত্তম অট্টালিকা নির্মিত হইয়াছে; অতএব তাঁহার প্রশংসা বাক্য অধুনা অতি যোগ্য বোধ হইবে ইহাতে আশ্চর্য্য কি?

মুচিখোলার উত্তরে খিদিরপুর। জনৈক ইংরাজের এতদেশীয়া স্ত্রীর গর্ভজাত জেম্‌স্ কিড নামা এক ব্যক্তি এই উপনগরের সংস্থাপন করে; এবং তাহারই নামহইতে এই উপনগরের নাম “কিডেরপুর” হয়। কিডেরপুরের অপভ্রংশে অধুনা খিদিরপুর হইয়াছে। কিড সাহেব তথায় জাহাজ নির্মাণ ও মেরামত করণের এক উত্তম স্থান সংস্থাপন করেন। তরণী-নির্মাণের স্থানকে এতদেশে গুদি শব্দে কহে; কিন্তু কিড সাহেবকৃত গুদি তাঁহার নাম-সম্বলিত গুদি জ্ঞাপক ইংরাজি

“ডক্” শব্দে বিখ্যাত। এই ডক্ অধুনা কোম্পানির সম্পত্তি। প্রয়াগে-গন্তব্য বাম্পীয়-নৌকাসকল তথায় মেরামত হইয়া থাকে।

খিদিরপুরের উত্তরে যে নালা তাহার নাম আদি গঙ্গা। ইহা টালির নালার সহিত গড়িয়াহাটে মিলিত হইয়া তেঁতুলবেড়িয়া পাঁচপোতা প্রভৃতি বন্যস্থান দিয়া সূর্যপুরের খালে মিশাইয়া নাগর গমন করে, এই হেতু গড়িয়ার দক্ষিণে রাজপুর বাকইপুর ইত্যাদি স্থানের গঙ্গা সোতোহীনা হইয়া আছে, তত্রত্য খনিরা সে পদ্ধতিতে এক ২ খাত করিয়া পূর্ববৎ গঙ্গার ন্যায় তাহার ব্যবহার করিয়া থাকেন। পূর্বকালের ভাগীরথী এই নালা দিয়া সমদ্রভিমুখে গমন করিতেন; অল্পকাল হইল এই মার্গ পরিত্যাগ করিয়া পশ্চিমবাহিনী হইয়াছেন। ইংরাজি ১৭ ৬ অব্দে এই নালা “গোবিন্দপুরের খাড়ি” নামে বিখ্যাত ছিল। এই নালাহইতে চাঁদপালের ষাট পর্য্যন্ত সমস্ত ভূমি ভিহি গোবিন্দপুর; পরন্তু গোবিন্দপুর-গাম তৎসমুদায় স্থান ব্যাপ্ত করে নাই; অধুনা কোম্পানির দুর্গ যে স্থানে সংস্থিত তাহাই এই গামের স্থিতি-স্থান। রামকান্ত ঘোষ নামা জনৈক ভূম্যধিকারী উক্ত গামের প্রধান ছিলেন। দুর্গ নির্মাণার্থে কোম্পানি তাঁহার ও অন্যান্য গামবাসির নিকট উক্ত গাম ক্রয় করত ১৭৫৭ অব্দে বর্ত্তমান উইলিয়ম দুর্গের সূত্রপাত করেন। এই দুর্গ নির্মাণে দুই কোটি টাকা ব্যয় হইয়াছিল; এবং ইহার বস্ত্রোপরি ৭৮০ টা কামান সংস্থাপিত আছে। দুর্গের দক্ষিণ ভাগে এক বৃহৎ ষাট দৃষ্ট হয়। পুরাবৃত্তানুসন্ধ্যায়ী মৃত জেম্‌স্ প্রিন্সেপ্ \* সাহেবের স্মরণার্থে এই ষাট নির্মিত হইয়াছে; পরন্তু সৌন্দর্য্য বা ব্যবহার

\* তাঁহার প্রধান কীর্তি প্রাচীন পালি অনুশাসনপত্র পাঠ। তদ্বিবরণ বিবিধার্থের প্রথম পর্কের ৫২ পত্রে প্রকাশিত আছে।



বিষয়ে ইহার কোন প্রমাণ নাই। উপকারিতা-সম্বন্ধে দুর্গের উত্তর ভাগস্থ ঘাট বিশেষ প্রসিদ্ধ। ২২ বৎসর হইল পুণ্যাত্মা রাজচন্দ্র মাড় বিপুল-ধন-ব্যয়-করিয়া এই সৎকীর্ত্তি সংস্থাপন করেন। তদবধি দিবা রাত্রি সহস্র ২ মনুষ্য এই ঘাট ব্যবহার করত তাঁহার ব্যয় সার্থক করিতেছে।

এই ঘাটের সন্নিকটে গঙ্গাহইতে জল উত্তোলন করণার্থে এক বাম্পীয় যন্ত্র স্থাপিত আছে; কিন্তু পাঠকবর্গ কেহই তদ্বারা উত্তোলিত জল ব্যবহার করেন না, ও নগরের হিন্দু পল্লীতে তজ্জলদ্বারা রাজপথ অভিষিক্ত হয় না, সুতরাং উক্ত যন্ত্রের বর্ণনে বিমুখ হইয়া চাঁদপালঘাটে প্রস্থান করিলে কেহই বিরক্ত হইবার নহেন। শেযোক্ত ঘাট কলিকাতার অতি প্রাচীন ঘাটের মধ্যে গণ্য। যে সময়ে ইংরাজেরা কলিকাতার প্রান্তভাগে একটা ক্ষুদ্র কুঠি স্থাপিত করিয়া বাণিজ্য ব্যবসায় নিযুক্ত ছিল, তৎকালে চাঁদপাল নামা এক জন মোদক এই ঘাট সন্নিকটে কুঠির হিন্দুকর্মচারিদিগের ব্যবহারার্থ এক ক্ষুদ্র দোকানে মিষ্টান্নাদি বিক্রয় করিয়া কিঞ্চিৎ সম্পত্তি সঞ্চয় করিয়াছিল। তাহারই ব্যয়ে এই ঘাট প্রতিষ্ঠিত হইয়াছিল কি না তাহা আমরা জ্ঞাত নহি, পরন্তু তাহারই নামে উহা বিখ্যাত, ইহা প্রাচীন পুরুষদিগের অনেকেই জ্ঞাত আছেন। এই ঘাটের সহিত ইংরাজ সম্বন্ধীয় কলিকাতার ইতিহাসের অনেক সম্বন্ধ আছে। ইংরাজদিগের সমস্ত গবর্নর জেনরল এই ঘাটে আসিয়াই ভারত-ভূমিতে প্রথম পাদার্পণ করেন, এবং এই স্থানহইতেই তাঁহাদের অনেকে বিদায় লইয়াছেন। সুপ্রিয় কোর্ট নামক বিচারালয়ের প্রথম বিচারপতি ইম্পে সাহেব এই স্থানে পাদুকাবিহীন হিন্দু-দৃষ্টে সহযোগি এক জন বিচারপতিকে কহিয়াছিলেন; “ভ্রাত; দেখ, কো-

ম্পানি এতদেশীয় লোককে কি দুঃখাগুস্ত করিয়াছে; ইহাদিগের জুতা ও মোজা পরিবারও সম্পত্তি নাই। আমরা ত্বরায় ইহাদিগের মঙ্গলের যত্ন করিব”। অপর ফ্রান্সিস সাহেব এই ঘাটে নাবিবার সময় ১৯ টি তোপধ্বনি শ্রবণ করিবেন তাঁহার যে প্রত্যাশা ছিল তদনুযায়ী সন্মান সূচক ১৭ টি তোপধ্বনি শুনিয়া গবর্নর হেষ্টিংস সাহেবের শত্রুত্বে কৃত-সঙ্কল্প হন, যাহাতে নন্দকুমারের কামি ও হেষ্টিংস সাহেবের নামে অভিযোগ বিষয়ক তুমুল ব্যাপার ঘটিয়াছিল।

চাঁদপালের ঘাটের কিয়দূর উত্তরে কালিন্ ঘাট। তথায় পূর্বে এক খাল ছিল; তদ্বারা গঙ্গা বাদার সহিত সন্মিলিত হইয়াছিল। লর্ড-সাহেবের বাটীর উত্তরভাগস্থ রাজপথ উক্ত খালের গর্ভদেশ। এই খালের অগুণ্ডাগে এতদেশীয় তরণি মেরামত হইত, এই কারণ লোকে ইহাকে কাঁচা-গুটির ঘাট শব্দে বিধান করিত। অধুনা এই খালের কোন চিহ্ন নাই; পরন্তু প্রাচীন মানচিত্রে ইহা স্পষ্টরূপে চিত্রিত আছে। ইহার অনতিদূরে পুলিশ ঘাট। তাহার পুরোভাগে এক সুচাক অটালিকা দৃষ্ট হয়; তাহা প্রাচীন নহে। তাহার নাম “মেট্কাপ-হাল” কয়েক বর্ষ হইল কলিকাতা সাধারণ গুল্মালয় সংস্থাপনার্থে তাহা নির্মিত হইয়াছে। পূর্বে এই ঘাটের নিকটে ইংরাজদিগের বাণিজ্য বিষয়ক কর্ম কর্তার আবাস ছিল, ও তাঁহার আলয়ের পশ্চাৎ হইতে লালদীঘি পর্যন্ত সমস্ত ভূমিতে এক রম্য উদ্যান ছিল। ১৭৫৬ অব্দে ইংরাজেরা কলিকাতা জয় করত অধুনা যে স্থানে লর্ড সাহেবের বাটা আছে, তথায় কর্ম কর্তার নিমিত্তে এক বাটা স্থাপন করেন, এবং কর্ম কর্তার প্রাচীন বাটাতে পোত সম্পর্কীয় কর্ম নির্বাহার্থে “বংসাল” নামক এক কায্যালয় সংস্থাপিত করেন।

বংসালের উত্তরে কয়লা-ঘাট। পূর্বে তাহার সম্মুখে যে বাটা ছিল, তাহাতে বাণিজ্য-বিষয়ক সুল্কে-সঙ্গ্রহকারক কর্মকারির কায্যালয় নির্দিষ্ট ছিল। এই কায্যালয়কে লোকে “পরমিট” শব্দে কহে। এই পরমিট ঘরহইতে পুরাতন কিল্লার ঘাট-পর্যন্ত সমস্ত ভূমি, যাহাতে অধুনা খাতাবাড়ী ও পরমিট আছে, তাহাতে পূর্বে ইংরাজদিগের আদিম দুর্গ সংস্থাপিত ছিল। এই দুর্গ ইংরাজ ১৭০০ অব্দে অতি মজোপানে নির্মিত হইয়া ১৭৫৬ অব্দ পর্যন্ত দুর্গরূপে ব্যবহৃত হইয়াছিল। শেযোক্ত বর্ষে নূতন দুর্গের শিলারোপ অর্থাৎ পত্তন হওনাবধি ইহা পরিত্যক্ত হয়; পরন্তু তৎপরে ৬৩ বৎসর এই দুর্গের বাটীসমূহ বর্তমান ছিল। ১৮২০ অব্দে তৎসমুদায় নির্মূলীভূত হয়। ১৭৫৬ অব্দে নবাব সিরাজউদ্দৌলা দ্বারা কলিকাতার অধিকার হওন সময়ে তাঁহার জর্নৈক সেনানায়কের অনবধানতায় ১৪৬জন ইংরাজ এক অত্যন্ত ক্ষুদ্র গহে কারাবদ্ধ হয়, ও তাহাতে কষ্ট-স্থান হইয়া তাহাদের ১২৩ ব্যক্তি এক রাত্রিমধ্যে মরিয়া যায়। এই ভয়ানক ব্যাপার চিরস্মরণীয় করণার্থে ইংরাজেরা লালদীঘির বায়ু-কোণে এই দুর্গের একাংশে এক উচ্চ স্তম্ভ নির্মাণ করিয়া রাখিয়াছিল। ১৮২০ অব্দ পর্যন্ত তাহা বর্তমান থাকে। কিল্লা-নির্মূল করণ-সময়ে তাহারও নির্মূল হয়। পুরাতন দুর্গের পত্তন ও তদুদ্দিগ্বর্ত্তি স্থানের প্রাচীন ইতিহাস অতি শ্রুতি-সুখকর, এবং এই স্থানে তাহার কিঞ্চিৎ উল্লেখ করিতে আমাদিগের মানস ছিল, কিন্তু যে বান্ধবের প্রচুর-সাহায্যানুরোধে এই প্রস্তাব-লেখক আপন সম্বন্ধে “আমরা” শব্দ প্রয়োগ করিয়া থাকেন, তিনি কলিকাতার প্রাচীন-ইতিহাস-বিষয়ে ত্বরায় এক প্রস্তাব বিবৃত করিবেন; অতএব অধুনা তদ্বিষয়ে স্তব্ধ থাকিয়া ক্লাইব

ইষ্ট্রিট ও বিবিরাসের ঘাট সন্নিকটে দিয়া রাজা দেবোসিংহের ঘাটে প্রস্থান করিব।

এই ঘাট নিম্নাতা সৈলিলক্রমে পূর্ণিয়ার করনসঙ্গ্রহ-কার্যে বৃত্তি হইয়া প্রজাদিগের দৈহিক-যাতনা দিয়া এমৎ পোড়ন করিয়াছিল যে তাহা স্মর্তব্য নহে; এবং মুরসিদাবাদের তাদৃশ কার্যে নিযুক্ত হইয়া গণিকাগণের ইজারা লইয়াছিল। তৎপরে তাঁহার সদৃশস্বভাবী হেষ্টিংস সাহেবের সাহায্যে প্রভু ভৃত্য উভয়ে প্রচুর উৎকোচরসে মুক্ত হইয়া দিনাজপুর প্রদেশ উৎসন্ন করিয়াছিল। শেযোক্ত কার্যে হেষ্টিংস সাহেব ৩,০০,০০০ টাকা উৎকোচ লইয়াছিলেন।

তৎপরে কয়েকটা নূতন ঘাটের অভ্যন্তরে দিবান কাশীনাথের ঘাট। পূর্বে ইহা শরবনে পরিপূর্ণ, ও কদমতলার-ঘাট নামে বিখ্যাত ছিল। কিংবদন্তী আছে, বনমধ্যে একটি অতি যৎসামান্য পর্ণকূটীতে শাহজুম্মা নানা এক যবন ফকীর বাস করিত। সে প্রথমতঃ সুন্দর-বন হইতে কলিকাতার আগমন করে, এবং তাহার প্রতি কাশীনাথ বাবুর ভক্তি দৃষ্টে তাঁহাকে তপোবলে প্রচুর সম্পত্তি প্রদান করে। সে যাহা হউক, সপ্ততি বৎসর গত হইল কাশীনাথ বাবু কলিকাতার এক জন প্রধান ধনাঢ্য মান্য ও সৎকীর্ত্তিনালি-ব্যক্তিরূপে গণ্য ছিলেন। তৎকালে ইংরাজ গবর্নর ও কলিকাতার প্রধান বিচারালয়ের বিচারপতি ইম্পে সাহেবের সহিত কাশীনাথের রাজার সম্বন্ধে যে তুমুল বিবাদ উপস্থিত হয় তাহাতে দিবান কাশীনাথ এক পক্ষের প্রধান ছিলেন। শাহজুম্মার মৃত্যুর পর কাশীনাথ বাবু কদমতলার ঘাট আপন নামে বিখ্যাত করেন। পূর্বে এই ঘাটের অভ্যন্তরে অপর এক ঘাট ছিল, তাহার নাম হজুরিমল্লের ঘাট। অধুনা তাহার কোন চিহ্ন নাই। বাণিজ্যবিষয়ে শেযোক্ত ঘাট



অতি প্রসিদ্ধ ছিল। সপ্ততিবর্ষপূর্বে হজুরিমল্লের তুল্য ধনী কলিকাতায় কেহ ছিল না, এই হেতুই একটা সামান্য কথা প্রচার আছে—

“গোবিন্দরাম মিত্রের ছড়ি।

বনমালী সরকারের বাড়ি।।

হজুরি মল্লের কড়ি।

উমিচাঁদের দাড়ি।।”

শ্রুত আছে হজুরিমল্ল শিখধর্মাবলম্বী ছিলেন; এবং তাঁহার বাটীতে ৩০ সম্প্রদায় গায়ক দিবারাত্র তন্ত্রম-প্ৰণেতা গুরুনানকের মহিমা গান করিত। অধুনা বৈঠকখানা-বাজারের সন্নিকটে একটি গলি তাঁহার নামে প্রচলিত আছে।

অতঃপর টাকসাল। তাঁহার নির্মাণ ও তত্ত্ব আশ্চর্য্য যন্ত্র-সকল যাহাতে প্রত্যহ ৬,০০,০০০ টাকা মুদ্রিত হইতে পারে, তদ্বিধে প্রকাশকরণার্থে একটি স্বতন্ত্র পুস্তাব প্রকটন করণের অভিপ্রায় আছে। তদুত্তরস্থ দশ বারটি নব্য ঘাট গলিত শব ও গঙ্গার তট পূরণের জন্য নগর পরিষ্কারের মল ও জঞ্জালে পরিপূর্ণ; তদুত্তে ঘণা সহ্য না করিয়া বনমালীসরকারের ঘাটের প্রতি দৃষ্টিক্ষেপ করিব; তদর্শনে তাঁহার অতুল ঐশ্বর্যের স্মরণ হয়। পূর্বোল্লিখিত পদে তাঁহার বাটীর উত্তমতা ইঙ্গিত হইয়াছে; ফলতঃ অন্যান্য বাটীর সহিত তুলনায় তৎকালে সে বাটী অতি উত্তম ছিল; এ পর্যন্ত-স্ত্র ও তাহার ধ্বংসাবশেষ কিঞ্চিৎ বর্তমান আছে। বনমালী সরকারের ঘাটের কিয়দূর উত্তরে রঘুরাম মিত্রের ঘাট, অধুনা তাহার নাম বাঘবাজারের ঘাট। তাহা দোদুন্দু প্রতাপাধিত বিখ্যাত গোবিন্দরাম মিত্রের পুত্র সংস্থাপন করেন। উদ্ধৃত পদে ঘাট নির্মাণের পিতা ছড়ির মাহাত্ম্য বিষয়ে বিখ্যাত আছেন। এ ছড়ি কি প্রকারে বলবতী হইয়াছিল, তাহার সুবোধার্থে কলিকাতার প্রাচীন রাজকার্য্য

বিষয়ক বৃত্তান্ত এই স্থলে উদ্ধৃত করিতে হইল।

প্রথমাবস্থায় এতদেশে ইংরাজ কর্মকারিদিগের বেতন অতি অল্প ছিল। প্রধান কর্মকর্তা তৎকালে ৩০০ টাকা মাত্র মাসিক বেতন প্রাপ্ত হইতেন। তাঁহার অধীন কর্মকারিরা অপেক্ষাকৃত অল্পবেতনে নিযুক্ত ছিল; অনেকে ৫০ টাকার উদ্ধৃত বেতন প্রাপ্ত হইত না; কিন্তু ঐ অল্পপুরু-স্কারে ইংরাজ বণিকেরা কি সমুদ্র থাকিতে পারে? সকলেই নিজ নিজ লাভার্থে স্বতন্ত্র বাণিজ্য করিত, এবং নানা প্রকারে এতদেশীয় লোকের অনিষ্ট করত আপন নিজ অভিষ্ট সাধনে ব্যগ্ন ছিল। অপর কেহই এক কর্মে দীর্ঘকাল নিযুক্ত থাকিত না, পুনঃ পুনঃ পরিবর্তন করিত। কলিকাতার কর সঙ্গ্রহ কার্য্যে যে ব্যক্তি নিযুক্ত হইত, সে জমিদার শব্দে বিখ্যাত ছিল। সে ব্যক্তি এতদেশীয় লোক সম্বন্ধীয় বিবাদের বিচার করিত, ভূমির রাজস্ব সঙ্গ্রহ করিত, নগরস্থ অষ্টাদশটি বাজার ইজারা দিত, ধান্য, তণ্ডুল, ছোলা, যত, তামাক, তাম্বুল, সূতা, তৈল, কাপাস, গুঁড়াকাদি সকল পদার্থের শুল্ক সঙ্গ্রহ করিত, একচাটিয়া বাণিজ্যের \* ইজারা দিত; ফলতঃ হিন্দু সম্বন্ধে সে অধিরাজ হইতেও অধিক ক্রমতাপন্ন ছিল; অথচ তাহার বার্ষিক বেতন ২০০০ টাকার অধিক ছিল না; এবং তাহাও সে ক্রমাগত এক বৎসরকাল ভোগ করিতে পারিত না। বর্ষে এক দুই কদাপি তিন বার কর্মকারির পরিবর্তন হইত; সুতরাং যে সকল লোক তৎকর্ত্তে নিযুক্ত হইত, তাহারা কেহই তৎকর্ত্ত-সাধনের উপযুক্ত হইত

\* কাচ প্রস্তুত করণ, বাক্স প্রস্তুত করণ, সিন্দুর বিক্রয়, অহি-ফেন বিক্রয়, বাজি বিক্রয়, পুরাতন তণ্ডুল লৌহ পাত্র ক্রয় বিক্রয়, পেরেক বিক্রয় ইত্যাদি নানাবিধ বণিক কর্মের একচাটিয়া ছিল। তদ্বিধে জমিদার সাহেব যাহা করিতেন, তাহার অন্যথা হইবার উপায় ছিল না।

না; হইলেও কেহ তাহাতে মনোনিবেশ করিত না; সকলেই কর্মালয়ের দিবানের প্রতি সমস্ত ভারপণ করত স্বয়ং নিজ বাণিজ্য-ব্যাপারে নিযুক্ত থাকিত। এই প্রযুক্ত, বস্তুতঃ উক্ত দিবানই কলিকাতার রাজস্বরূপ হইত। গোবিন্দরাম মিত্র এই দিবানি কর্মে ১৭২০ অবধি ১৭৫০ অব পর্য্যন্ত নিযুক্ত ছিলেন, এবং যদিচ তাঁহার বেতন প্রথমতঃ ৩০ পরে ৫০ টাকা মাত্র ছিল, অথচ তিনি ঐ ব্যাপক কাল মধ্যে অনেক ধন সংগ্রহ করিয়াছিলেন; ও আপন পুত্র জমিদারের নামে বিচার বিতরণ করণে আপন ছড়ির মাহাত্ম্য সুচাক রূপে প্রচারিত করিয়াছিলেন।

### কাদম্বরী গুপ্তের সারসঙ্গ্রহ।

(২১৩-পত্র হইতে ক্রমাগত।)

এই সকল পুস্তক করিতেই রাজা কেয়ূরক ও পত্রলেখাকে সমভিব্যাহারে লইয়া আপনার ক্রীড়োপবনে গমন করিলেন। তথায় স্নানাহ্নিকভোজনাদি ক্রিয়া সমাপনান্তে অপরাহ্নে কেয়ূরককে সমীপে আহ্বান করিয়া কাদম্বরীর বৃত্তান্ত জিজ্ঞাসা করিলে পর সে আদ্যোপান্ত সমস্ত বৃত্তান্ত বর্ণন করিয়া কহিল। রাজা তচ্ছুবণে নিরতিশয় দুঃখিত ও মূর্ছিত হইলেন। অনেক গুপ্তাধিকারী কেয়ূরক ও পত্রলেখা রাজাকে সচেতন করিলে পর তিনি তাহা দিগকে কহিলেন; “শুন, তোমরা কাদম্বরীর অবস্থা দেখিয়াছ; এক্ষণে তদপেক্ষায় আমার অধিক যাতনা হইয়াছে। যদি তাঁহার মনে ২ এমৎ অভিপ্রায় ছিল, তবে তিনি পূর্বে কেন ব্যক্ত করেন নাই। ভাল, লজ্জা প্রযুক্ত স্বয়ং কহিতে অসমর্থ হইয়াও যদি তিনি তোমাদের কাহারো দ্বারা মনোগত-ভাব জানাইতেন, তাহা হইলেও আমরা

পরস্পর পূর্ণমনোরথ হইতে পারিতাম। এখন কি করি? মনোরথ নদী পার হওয়া তো অধুনা সুকঠিন হইয়া উঠিল। সে যাহা হউক, যাহা হইবার তাহা হইয়াছে, তথাপি একবার উভয়ের ইষ্টনাধনে যত্ন পাইতে হইবেক।” ইত্যাদি নানা প্রকার কথোপকথন হইতে ২ সূর্য্য অস্ত গেলেন। রাজা চন্দ্রাপীড়ের চিন্তার সহিত বিভাবরী বর্দ্ধমানা দেখিয়া কেয়ূরক রাজসম্মিধানে কৃতাজলিপুটে নিবেদন করিল; “মহারাজ! ধীর হউন, হেমকুট যাত্রার উপায় দেখুন”। এই সমস্ত পরামর্শ ও চিন্তা করিতে ২ রাত্রি অবসন্ন হইল। প্রাতঃকালে জনশ্রুতিদ্বারা রাজার শুবণগোচর হইল যে তাঁহার পরমমিত্র বৈশম্পায়ন রাজকীয় সেনা সঙ্গে লইয়া দশপুরী নামক স্থানে উপস্থিত হইয়াছেন, অবিলম্বেই রাজধানীতে আসিবেন। ইহাতে তিনি পরমানন্দে মিত্র সঙ্গে হেমকুট যাত্রার সদ্যুক্তি করিতে মনস্থ করিয়া কেয়ূরকের নিকট আজ্ঞা করাতে সে নিবেদন করিল; “মহারাজ! আপনি বৈশম্পায়নের সহিত পরামর্শ করিয়া অবিলম্বে হেমকুটযাত্রার যত্ন করুন; আমি অগ্রে যাইয়া কাদম্বরীর নিকটে আপনার আগমন-বৃত্তান্ত বিজ্ঞাপন করিয়া তাহাকে সুস্থ করি”। এই কথা শুনিবামাত্র চন্দ্রাপীড় পরমানন্দিতমনে তাহাকে আলিঙ্গনাদি করিয়া বিদায় করিলেন। তৎসমভিব্যাহারে মেঘনাদ নামক এক জন প্রতীহাররক্ষী ও পত্রলেখাকে দিয়া কহিয়া পাঠাইলেন, “আমি বৈশম্পায়নের সহিত ইতি-কর্ত্তব্যতা স্থির করিয়া অবিলম্বেই যাইতেছি”।

তাহারা তথা হইতে গমন করিলে পর চন্দ্রাপীড় বৈশম্পায়নের নিকট দশপুরীতে পত্র পাঠাইয়া আপনি পিতার সহিত সাক্ষাৎ করিতে গমন করিলেন। যথাবিধানে রাজপুত্র পিতৃচরণে



সাপ্তাহ্য প্রণাম করিলে তিনি পুত্রের মুখচুষন মস্ত-  
কাঘ্রাণ করিয়া নিকটে বসাইলেন; এবং শুকনাস-  
কে কহিলেন, “মন্ত্রিবর! রাজকুমার এক্ষণে দিগ্বি-  
জয় করিয়া আসিয়াছেন, ইহার বিবাহ দেওয়া অতি  
আবশ্যিক। অতএব তুমি অন্তঃপুরমধ্যে যাইয়া বি-  
লাসবতীর সহিত পরামর্শ স্থির কর; অনন্তর কন্যা  
অনুেষণ করিতে হইবেক”। ইহা কহিয়া সকলেই  
রাজ্ঞী সমীপে অন্তঃপুরমধ্যে প্রবেশ করিলেন।

সমনস্তর চন্দ্রাপীড় জনক জননীর অনুমতি  
গৃহপূর্বক বৈশম্পায়নের সহিত সাক্ষাৎ করিতে  
ইন্দ্রাযুধ-পৃষ্ঠে আরোহণ করিয়া দশপুরীর অভি-  
মুখে প্রস্থান করিলেন। বন্ধু দর্শন লালসায় চন্দ্রা-  
পীড় অতি সস্তর সেনামধ্যে যাইয়া উপস্থিত  
হইবামাত্র সৈন্যেরা তাঁহাকে দণ্ডবদ্ভূমিপতিত  
হইয়া প্রণাম করিল; ও চন্দ্রাপীড়ের প্রশ্নোত্তরে  
কহিল; “মহারাজকুমার! আপনি বৈশম্পা-  
য়নকে সেনা সঙ্গে পশ্চাৎ আসিতে আদেশ  
করিয়া রাজধানী যাত্রা করিলে পর তিনি লোক  
পরম্পরায় শুনিলেন, যে সেনানিবেশ স্থানহইতে  
দশক্রোশ দূরে অশ্বোদ নামক এক অপূর্ব সরো-  
বর আছে, তথায় পর্বদিনে স্নান ও তন্তুট প্রুতি-  
ষ্ঠাপিত ত্র্যম্বক নামক দেবদেব মহাদেবের প্রুতি-  
মূর্ত্তি সন্দর্শন করিলে নর অনায়াসে ভবসাগর  
পারে যাইতে সমর্থ হয়। এতাদৃশ তীর্থ মাহাত্ম্য-  
শ্রবণে তিনি কতিপয় রাজকীয় পুরুষ সমভিব্যাহা-  
রে লইয়া তথায় যাত্রা করিলেন, ও উপস্থিত হইয়া  
অকস্মাৎ ক্ষিপ্তচিত্তবৎ ইতস্ততঃ ভ্রমণ তৎপর রহি-  
লেন। সঞ্জিগণের সান্ত্বনায় তাঁহার মনের কি-  
ঞ্চিৎশান্তি জন্মিল না। আনিতে উদ্যত  
হইবাত্তে আইলেন না। কাহারো সহিত সস্তাষণ  
হাস্য পরিহাসাদি কিছুই করেন না। নানা প্রযত্ন  
করিয়াও তাঁহার মনে প্রবোধ দেওয়া যায় নাই।

এক্ষণে মৌনাবলম্বী একাগুচিত্ত যোগির ন্যায়  
তথায় অবস্থিতি করিতেছেন। আমরা কালাতি-  
পাতে বৃদ্ধ ভূপতির ক্রোধের সম্ভাবনা বোধ  
করিয়া তাঁহাকে না লইয়াই চলিয়া আই-  
লাম। তিনি শরীর-গতকুশলে আছেন, তদ্বিষয়ে  
মহারাজকুমারের কিছুমাত্র চিন্তা নাই”। এই  
সংবাদ শুনিয়া চন্দ্রাপীড় “আমিই তাহাকে লইয়া  
আসিব” এই সংকল্প মনে স্থির করিয়া সেনা  
সমভিব্যাহারে উজ্জয়িনীতে আইলেন।

এস্থলে শুকনাস ও মনোরমা নিজ তনয় বৈশম্পায়-  
নের এবস্তৃত দুর্দশা-বৃত্তান্ত লোক পরম্পরায় শূনি-  
তে পাইয়া তদ্বিনে নিতান্ত ক্ষোভসাগরে নিমগ্ন হ-  
ইয়া নিজগৃহে আছেন এই বার্তা শ্রবণ করিয়া রাজা  
তারাपीड ও তন্মহিষী বিলাসবতী প্রবোধ দান-  
হলে মন্ত্রিগৃহে তৎকালে উপস্থিত ছিলেন। এমৎ-  
কালে চন্দ্রাপীড় রাজভবনে আসিয়া এই সমস্ত  
বৃত্তান্ত শ্রবণমাত্র অতিমাত্র ব্যস্ত হইয়া শুকনাসের  
গৃহে গমন করিলেন। তথায় গিয়া দেখেন সক-  
লই রোহদ্যমান। ইহাতে তিনি নিতান্ত কুণ্ঠিত-  
ভাবে সকলকে যথাযোগ্য অভিবাদনাদি করিয়া  
তাহাদের নিকটে সমাসীন হইলেন। তখন তা-  
রাपीड নিজ তনয়কে কহিলেন, “বৎস, তোমারই  
অনবধানতাতে আমার মন্ত্রিবর শুকনাসের এতা-  
দৃশ অনির্দর্শনীয় মনঃকোভ উপস্থিত হইয়াছে,  
অতএব ইহার যদি কোন প্রতীকার থাকে চেষ্টা  
কর”। পিতার এতাদৃশ অনূজ্ঞা প্রাপ্তিমাত্র রাজ-  
তনয় তৎক্ষণাৎ নিবেদন করিলেন, “পিতঃ! আ-  
পনার আশীর্বাদে আমিই তাহাকে অবিলম্বে সঙ্গে  
লইয়া আসিব চিন্তিত হইবেন না”। ইহা কহিয়া  
রাজকুমার হর্ষ প্রকল্পমনে চিন্তা করিতে লাগি-  
লেন। বৃষি বিধাতা অনকুল হইয়া আমার কা-  
দম্বরী প্রাপ্তির সূত্রপাত করিয়া দিলেন। ক্ষণ-

কাল বিলম্বে রাজা ও রাজ্ঞী নিতান্ত দুঃখিত-  
মনে নিজ তনয়কে বৈশম্পায়নের আনয়ন হেতু  
বিদায় প্রদান করিলেন। চন্দ্রাপীড় নগরহইতে  
বহির্গমন করিয়া যাইতে পথিমধ্যে চিন্তা  
করিতে লাগিলেন, আমি অগ্রে সূহৃদর বৈশম্পা-  
য়নের সহিত সাক্ষাৎ করিয়া মহাশ্বেতার সঙ্গে  
দেখা করিব। পরে তাহার সমভিব্যাহারে হেম-  
কুটে যাইয়া কাদম্বরীকে দেখিব। তদনন্তর পত্র-  
লেখা, মদলেখা, কেয়ুরক প্রভৃতির সহিত দর্শনাদি  
করিব। ইত্যাদি চিন্তা করিতে পথিমধ্যেই  
মেঘনাদের সহিত তাঁহার সাক্ষাৎ হইল। রাজা  
তাহাকে জিজ্ঞাসিলেন “তুমি কোথাও বৈশম্পা-  
য়নের অনুসন্ধান পাইয়াছ”। ইহাতে সে নি-  
বেদন করিল “মহারাজকুমার! বৈশম্পায়ন কোন  
স্থানে গিয়াছেন, কি কোথায় আছেন তদ্বিষয়ে  
তাহার কোন বার্তাই শুনিতে পাই নাই। মধ্যে  
বর্ষাকাল সন্মুখ দেখিয়া পত্রলেখা আমাকে কহি-  
লেন, “মেঘনাদ! বোধ হয় রাজা তারাपीड এ  
সময়ে চন্দ্রাপীড়কে স্থানান্তর গমনে অনুমতি  
প্রদান কারবেন না, সুতরাং তাঁহার এস্থলে আ-  
গমনের সম্যক্ ব্যাঘাত দেখিতে পাই; আম-  
রাতো অগ্রেই এখানে আসিয়াছি। অতএব তুমি  
একবার চন্দ্রাপীড়ের নিকটে যাও দেখি। এক্ষণে  
তোমার এখানে অবস্থিতি করণের তো কোন আ-  
বশ্যক দেখিতে পাই না”। পত্রলেখার এতাদৃশ  
বাক্যে আমি আপনকার চরণোপান্তে আসিয়া  
উপস্থিত হইলাম। অন্যত্র কুত্রাপি যাই নাই;  
কোন সমাচার কহিতেও পারি না”। চন্দ্রাপীড়  
সমস্ত বৃত্তান্ত শ্রবণ করিয়া মেঘনাদকে সঙ্গে লই-  
লেন, এবং অশ্বোদ-সরস্তীরামুখে চলিলেন।  
দুই তিন ক্রোশ পথ অবশিষ্ট থাকিতে রাজা  
মনে মনে যুক্তি করিয়া সঞ্জিগণকে জানাইলেন;

“আমরা যদি এককালে সকলে একত্র গমন করি,  
তাহা হইলে বৈশম্পায়ন জানিতে পারিয়া তা-  
নান্তরে প্রস্থান করিলেও করিতে পারেন, অত-  
এব একদা একত্রে না যাইয়া পৃথক্ ২-ভাবে  
চতুর্দিক দিয়া ঐ স্থলে উপস্থান করা উচিত”।  
এতদ্রূপ প্রুতিজ্ঞাষ্ট হইয়া সকলেই পৃথক্ ২ হইয়া  
তদন্যেযণে চলিলেন। কেহ কুত্রাপি তাহার কোন  
উপস্থিতি পাইলেন না। তাহাতে চন্দ্রাপীড় নিরতি-  
শয় শোকসাগরে মগ্ন হইয়া মহাশ্বেতার আশ্রমে  
প্রুবিষ্ট হইলেন, এবং দেখিলেন, মহাশ্বেতা অনব-  
রত-গলিত-বাষ্প-বারি-ধারা-কুল-লোচনে কুটীর-  
দ্বারে উপবিষ্টা আছেন রাজা। তৎপার্শ্বস্থ শিলা-  
পটে সমাসীন হইয়া তৎপরিচারিকা তরলিকাকে  
জিজ্ঞাসিলেন; “তরলিকে! কি কারণে দেবী মহা-  
শ্বেতা রোদন করিতেছেন?” ইহাতে মহাশ্বেতা  
সবাপ্পগদগদস্বরে আপনাই উত্তর করিতে লাগি-  
লেন; “মহারাজ! আর জিজ্ঞাসেন কি? আমি  
অতি মন্দ ভাগ্যবতী। যে রূপে বন্ধু স্বজন পরি-  
ত্যাগ করিয়া আমার এস্থলে অবস্থান আপনি  
সকলি জানেন। মধ্যে এক দিন আপনার মত  
এক যুব পুরুষ আসিয়া আমার আশ্রমে উপ-  
স্থিত হইয়াছিলেন; এবং আমার সমীপে উপবিষ্ট  
হইয়া প্রীতিসস্তাষণ করিতে মনস্ত করিয়া উজ্জত  
প্রকাশ পূর্বক আমার বুতভঞ্জে প্রুযত্ন করিতে  
লাগিলেন, তাহাতে আমার মনে বড়ই গ্লানি জ-  
ন্মিতে লাগিল। কি করি উপায়ান্তর কিছই দেখিতে  
পাই না। মনে মনে করিলাম হা বিধাতঃ! লোকে  
ও শাস্ত্রে তোমাকে অনাথনাথ অশরণ-শরণ বলি-  
য়া থাকে। আমি অভাগা এই বিপদগুস্তা হই-  
য়াছি, কৃপা করিয়া আমাকে এ বিপদহইতে  
উদ্ধার করুন। এতাদৃশ চিন্তাবসানে চন্দ্রলো-  
কাভিমুখে কহিতে লাগিলাম। “হে পরমেশ্বর



অন্তর্যামিন্! যদি আমি পুণ্ডরীক ব্যতীত অন্য কোন পুরুষকে স্বপ্নেও জানিয়া থাকি তাহা হইলে যেন এখনি আমি ভস্মীভূতা হই, নচেৎ এই পাপাত্মা ধৃষ্ট যুবক যেমন কুৎসিতাভিন্দ্রিতে শুকের মত প্রণয়লাপ করিতেছে, তেমনি যেন এখনি শুকযোনিগত হয়, এই কথা মন্থুখ-বিনির্গত হইবামাত্র ঐ যুবক ছিন্নমূলক্রমের ন্যায় তৎক্ষণাৎ ভূমিগত ও ভস্মীভূত হইয়া গেলেন। তখনই উহার অন্বেষণকারি কতিপয় পরিজন আসিয়া উপস্থিত হইয়াছিল। তাহার উহার তাদৃশী গতি স্বচক্ষুতে অবলোকন করিয়া, “হা চন্দ্রাপীড়-প্রিয়বয়স্য বৈশম্পায়ন!” বলিয়া উচ্চৈঃস্বরে রোদন করিতে লাগিল। তাহাতেই আমি জানিতে পারিলাম যে আপনার সুহৃৎ বৈশম্পায়নের ঐদৃশী গতি হইল। ইহাতেই মহারাজ! আমি অহর্নিশ রোদন করিতেছি”। চন্দ্রাপীড় মহাশ্বতর প্রমুখাৎ প্রিয়বয়স্যের অবস্তুতা বার্তা কর্ণগোচর করিয়া মনে ২ জগদীশ্বরের নিকট প্রার্থনা করিতে লাগিলেন; “হে পরমকারুণিক পরাৎপর পরমেশ্বর! আমি জন্মজন্মান্তরে কত দুষ্কৃত কর্ম করিয়াছিলাম, যে তৎপ্রযুক্ত কাদম্বরী সহবাসসুখে আমাকে বঞ্চিত হইতে হইল। সে যাহা হউক ভগবন্ এই করিও, যেন জন্মান্তরে সেই প্রাণপ্রিয়তমা কাদম্বরীকে প্রাপ্ত হইয়া আত্মাকে চরিতার্থ করিতে পারি”। এই কথা বলিতে ২ চন্দ্রাপীড়ের হৃদয় বিদীর্ণ ও প্রাণ প্রয়ান হইয়া গেল। মহাশ্বতর দর্শনমাত্র অতিমাত্র বিষয়াপন্ন হইয়া তরলিকার সহিত “হা কাদম্বরী-প্রাণ-বল্লভ”! বলিয়া উচ্চৈঃস্বরে রোদন করিতে লাগিল।

এদিকে কাদম্বরী জনশ্রুতিদ্বারা অবগত হইলেন, যে চন্দ্রাপীড় অশ্ছেদসরস্তীরে আসিয়া

উপস্থিত হইয়াছেন। ইহাতে তিনি নানাবিধ উপহার গৃহণ করিয়া মদলেখা পত্রলেখা ও কেয়ুরকের সহিত চন্দ্রাপীড় সন্নিধানে আগমন করিয়া দেখেন তিনি লোকান্তর গমন করিয়াছেন। কাদম্বরী দৃষ্টিমাত্র “হা হতান্মি” বলিয়া নানা প্রকার বিলাপ ও পরিতাপ করিতে লাগিলেন, এবং কহিলেন, “পত্রলেখে! শীঘ্র চিতা রচনা করিয়া দেও, আমি এখন অগ্নি প্রবেশিয়া প্রাণ প্রিয়তমের সজ্জিনী হইব”। ইতিমধ্যে চন্দ্রাপীড়ের দেহ হইতে এক অনির্বাচনীয় দিব্যজ্যোতিঃ নির্গত হইয়া গগনমণ্ডলে আরোহণ করিল; এবং পুরুষাকারে কহিতে লাগিল, “কাদম্বরী! তোমার মরণের আবশ্যিক নাই, তুমি চন্দ্রাপীড়ের মৃত শরীর লইয়া স্বহস্তে সেবাদি সমাধা কর, ইনি পুনর্বার জীবন পাইবেন; আমি চন্দ্রদেব, আমার দ্বিতীয় তেজে ইহার শরীর উৎপন্ন হয়, এ শরীর যুগল-হসেও নষ্ট হইবার নহে। তুমি ইহা অগ্নি সংস্কারাদি দ্বারা বিনষ্ট করিও না। পুণ্ডরীক দেহাবসান করিলে আমি মহাশ্বতাকেও এই রূপ আশ্বাসিয়া সেই শব লইয়া চন্দ্রলোকে রাখিয়াছি; তাহা অদ্যাপি দেদীপ্যমান আছে”। এই সমস্ত আকাশবাণী সকলেই উর্ধ্বমুখে শুনিতোছে, এমত সময়ে পত্রলেখা অশ্বপালের হস্ত হইতে ইন্দ্রায়ুধ ঘোটক লইয়া, “চন্দ্রাপীড় বিনা তোমার পৃথীতে অবস্থান করা বিড়ম্বনা মাত্র” এই কথা বলিয়া অশ্ছেদ সরোবরে তাহাকে নিক্ষেপ করিল, এবং আপনিও তাহাতে ঝম্প দিয়া প্রাণ পরিত্যাগ করিল। ক্রণকাল বিলম্বে ঐ সরোবরহইতে সেই পুণ্ডরীক-সহচর কপিঞ্জল শৈবাল-বোষ্টিত-মস্তকে গাত্রোথান করিয়া মহাশ্বতাকে জিজ্ঞাসিলেন “কেমন গন্ধর্বরাজনন্দিনী! তুমি আমাকে চিনিতে পার? ইহাতে মহাশ্বত তাহাকে “প্রাণেশ্বর পুণ্ডরীক-


প্রিয়” বলিয়া প্রণাম করিলেন। তখন কপিঞ্জল কহিতে লাগিলেন “মহাশ্বত! শুবণ কর, যৎকালে তুমি পুণ্ডরীক শোকে অধীরা হইয়া রোদন করিতে লাগিলে তখন আমি তোমাকে তদবস্থায় ফেলিয়া “কোথায় প্রিয় সুহৃৎকে লইয়া যাও” বলিয়া আকাশপথে উঠিলাম। কিন্তু সেই শবগুহীতা তেজোময় পুরুষ কিছুমাত্র উত্তর না দিয়া সেই শরীর লইয়া চন্দ্রলোকে গমন করিল, এবং মহোদয়া নামী এক শিলার উপরি তাহা রাখিয়া আমাকে কহিল “কপিঞ্জল! অবধান কর দেখি, আমি চন্দ্র, নিয়তিক্রমে জগতের হিতার্থ উদয় হইয়া থাকি। তোমার সখা পুণ্ডরীক মদনবাণে আহত হইয়া আমাকে বিরহোদ্দীপন বোধে প্রাণাবসান সময়ে বিনা কারণে এই বলিয়া অভিসম্পাত করিলেন, যে “যেমন প্রিয়া-বিরহে আমার প্রাণ প্রয়ান হইল, তেমনি তুমিও মর্ত্যলোকে মনুষ্য জন্ম গৃহণ করিয়া আমার মত পুণ্ডরীকীর বিচ্ছেদে দুই জন্ম দেহ অবসান করিও। আমিও তচ্ছবনে তাহাকে ঐ প্রকার শাপ দিলাম। পরে জানিতে পারিলাম মহাশ্বতর জনেই ইহার এই রূপ অবস্থা ঘটিয়াছে। কি করি এখন পুণ্ডরীকতো দুই জন্ম আমার সহিত মর্ত্যভূমিতে জন্ম পরিগৃহ করিতে চলিলেন। সুতরাং মহাশ্বতর অনুরোধে আমাকে তাহার স্বয়ংবৃত ভর্তৃ পুণ্ডরীকের মৃত শরীর লইয়া নাশ শঙ্কায় শাপ মোচন পর্য্যন্ত রক্ষা করিতে হইল। তিনি আমার অনাত্মীয়া নহেন। আমারি কিরণোৎপন্ন অপ্সরা বংশোদ্ভবা গৌরীর গর্ভ-জাতা; অতএব তুমি সত্বরে যাইয়া পুণ্ডরীকের পিতা মহাত্মা শ্বতকেতুকে এই সংবাদ কহ”। এই কথা শুনিবামাত্র আমি ব্যস্তমস্তে মুখ প্রায় হইয়া মূনি সন্নিধানে আসিবার সময়ে দেবাং গগনমার্গগামী কোন এক দেবর্ষিকে লঙ্ঘন

করিলাম। ঋষি অতিশয় ক্রুদ্ধভাবে “যেমন আমাকে অশ্ব ন্যায় লঙ্ঘন করিলি তেমনি মর্ত্যলোকে অশ্ব হইয়া জন্মগৃহণ কর” বলিয়া শাপ প্রদান করিলেন। তখন আমি গলবন্ধ-বন্ধে কৃতাঞ্জলি-পুটে দেব-তপোধনের চরণের শরণ লইয়া বিনয় পূর্বক কহিতে লাগিলাম; “প্রভোঃ! অজ্ঞান-পূর্বক এই অপরাধ হইয়াছে ক্ষমা করুন”। ইহাতে কহিলেন, “আমার বাক্য অন্যথা হইবেক না। ভাল, কিছু কাল তোর নিজ মিত্র শরীর পালক চন্দ্রাবতারের বাহন হইয়া থাক। তাহার শাপান্ত কালে জলাবগাহন করিলেই তুই মুক্তশাপ হইবি”। এই রূপ দেবর্ষি বাক্যের অবসানেই আমি তথায় সমুদ্রে পতিত ও জলমগ্ন হইয়া গেলাম। ক্রণকাল বিলম্বে ঘোটক হইয়া তীরে উঠিলে পর পারস্যরাজ আমাকে লইয়া রাজা তারাণীড়কে উপঢৌকন দেন। তিনি নিজ তনয় চন্দ্রাবতার চন্দ্রাপীড়ের হস্তে বাহন করিবার জন্য আমাকে সমর্পণ করিলেন। শীঘ্র মুক্ত হইবার বাসনাতেই আমি চন্দ্রাপীড়কে কিন্নর মিথুনের সন্ধান খুঁজে এই গন্ধর্ব ভূমিতে উপস্থিত করিয়াছিলাম”।

### হস্তি ধরিবার পুথা।

ন্য হস্তি-সকল কি প্রকারে ধৃত হইয়া  
**ব** এতদ্দেশে ব্যবহারার্থ আনীত হয় তাহার সবিশেষ বৃত্তান্ত প্রায় অনেকেই জানেন না, কেননা যে সকল পুথা এতদ্দেশীয় লোক প্রমুখাৎ শ্রুত হওয়া যায় তাহার অধিকাংশ অলীক, প্রকৃত অত্ম্যমাত্র। এতদ্বিষয়ে শ্রীযুক্ত নক্স সাহেব যে প্রকার বর্ণনা করিয়াছেন, তাহা পাঠকবর্গের সুগোচরার্থে পত্রাঙ্কট করিয়া প্রচার করিতেছি।





হস্তিধরিবার প্রথা।

হস্তি-ধরা-ব্যাপার বহুতর ধন ব্যয় ও আয়াস-নাথ্য। লক্ষ্যদীপে হস্তি-সকল যৎকালে যুথবদ্ধ হইয়া কোন বিশাল-ক্ষেত্রের-মধ্যগত হয়, তৎকালে তাহাদিগকে ধরিবার জন্য আদৌ ১০১৫ ক্রোশ স্থান মণ্ডলাকারে ব্যাপিয়া তাহার চতুর্দিকে আলোকময় করিতে হয়। ঐ সকল আলোক অধিক দূরস্থ হওয়া উচিত নহে; ও সতত প্রজ্বলিত করিয়া রাখা কর্তব্য। ও তাহার মধ্যে সহস্র ২ মনুষ্য থাকা আবশ্যিক। ভূমি হইতে ২।০ হস্ত উর্দ্ধে ঐ আলোক এক ২ বংশাদির স্তম্ভের উপরি জ্বালা যায়। সে সকল ১২ হস্তের অধিক দূরস্থ হয় না। আর ঐ সকল স্তম্ভ ক্রমে ২ অগ্রে সরাইয়া আনে। ঐ স্তম্ভের উপরি কিঞ্চিৎ কদম দিয়া তদুপরি কাষ্ঠাদি দখ করত দীপের কর্ম সমাধা করে, ও বৃষ্ট্যাদিতে ঐ দীপ নির্বাণ না হইবার জন্য নারিকেল-পত্রদ্বারা ছাদ করিয়া তদুপরি রাখে। আলোক দৃষ্টে হস্তিরা যতো পরস্পর সন্নিহিত হইতে থাকে তাহাদিগের ধৃত-করণোন্মুখ ব্যক্তির তত প্রতিদিন ক্রমে ২ ঐ সকল আলোক অগুবর্তি করিয়া ক্ষেত্রমণ্ডলী সঙ্কীর্ণ করে। প্রতি দিন ঐ মণ্ডলাকার আলোক অর্ধপোয়া পথ পর্যন্ত অগুসর করে। হস্তিরা মনে করিলে ঐ সকল অনায়াসেই ভ্রম ও পলায়ন করিতে সমর্থ হয়, সন্দেহ নাই; কিন্তু তৎকালে সতর্কতা-পূর্বক এমৎ অত্যন্ত সাবধান থাকিতে হয় যাহাতে তাহারা ঐ আলোকসকলের মধ্য দিয়া না পলাইতে পারে। জনতার গোলমালে ও অগ্নি-শিখায় তাহাদের এতাদৃশ ভয় যে পলায়নে কৃতোদ্যম হইলেও শীকারিরা যদি সুদৃঢ় হয়, তাহাতে অনায়াসে তদবলম্বনে তাহাদিগকে ফিরাইতে পারে।

প্রত্যহ দ্বীপসকল অগুসর করিতে হস্তিযুথ অবশেষে অতি ক্ষুদ্র মণ্ডলাকার স্থানে অববদ্ধ হইয়া

পড়ে। তদনন্তর হস্তি গৃহকেরা সেই মণ্ডলের এক দিকে অতি স্থূল কাষ্ঠের বেড়া দিয়া কন্দিয়ালের অবয়বের ন্যায় এমৎ অপুশস্ত স্থান প্রস্তুত করে যে সে পথ দিয়া একটি হস্তি যথাকথঞ্চিৎরূপে নির্গত হইতে পারে। আর তখন পর্যন্তও ঐ অপুশস্ত মণ্ডলাকার-মধ্যে কদম-হস্তিযুথের চতুর্দিকে পূর্ববৎ আলোক প্রজ্বলিত রাখে। অপর ঐ সময়ে ঐ মণ্ডলের চতুর্দিকে অতি স্থূল কাষ্ঠের সুদৃঢ় বেড়া দেয়, ও তাহাতে নানাবিধ ঝোপ ঝাড় লতা পাতা বেষ্টন করিয়া রাখে। হস্তিরা বন ভ্রমে তাহা ভ্রম করিয়া পলায়ন করিতে চেষ্টা করে না; কদাপি তাহা করিলেও ঐ চেষ্টা নিষ্ফল হয়। হস্তিযুথ যে মণ্ডলে অববদ্ধ হয় তাহার পরিমাণ প্রায় অর্ধ ক্রোশ। তাহারি সহযুক্ত অপর একটি ক্ষুদ্র অপ্পায়তন মণ্ডল প্রস্তুতীকৃত হয়। তাহার দৈর্ঘ্য পরিমাণ, ৩৫ ও প্রস্থ পরিমাণ ১৩ হস্তের অধিক হয় না। তাহার মধ্য দিয়া প্রায় তিন হাত গভীর একটা খাত কাটিয়া রাখে। হস্তি সকল অগ্নি ভয়ে ভীত হইয়া বহৎ মণ্ডল হইতে সেই সুঁড়ি পথ দিয়া একে ২ ঐ ক্ষুদ্র মণ্ডল মধ্যে আসিয়া প্রবেশ করে। এই ক্ষুদ্র মণ্ডলে বহৎ ২ বৃক্ষের গুঁড়ি-নির্মিত অতি সুদৃঢ় বেড়া থাকে। এই অবস্থায় হস্তিরা বেড়া ভাঙিয়া পলায়, শুনা গিয়াছে, কিন্তু এমন প্রায় ঘটে না। বড় মণ্ডলাকার বেড়ার মধ্যে হস্তিযুথ পরস্পর সন্নিহিত হইলে পর তাহাদিগকে তাড়িত করিয়া তথাহইতে ক্ষুদ্র মণ্ডলাকার বেড়ার মধ্যে প্রবেশিত করাইবার জন্য বড় মণ্ডলে পূর্ববৎ আলোক সন্নিহিত করিতে হয়। একে ২ ক্ষুদ্র মণ্ডলে আসিয়া যখন হস্তিরা একত্র হয় তখন তাহাদের আর দেহসঞ্চালনের স্থান থাকে না। যা-



হারা আলো দেয় তাহারা তখন ঐ ছীপাধারের নিকটস্থিতে পলায়ন করে; নচেৎ তাহাদিগের উপরি হস্তি-সকল আক্রমণ করিতে পারে। ঐ মণ্ডলের মধ্যে হস্তি-সকল প্রবিষ্ট হইলে তাহার দ্বারে কতকগুলি দীর্ঘ অর্গল স্থাপন করত তাহা অবরুদ্ধ করে।

অগ্নির আলোক ও শিকারিদের কোলাহলে যখন হস্তি-সকল ভয়ে নিশ্চল ও নিষ্পন্দ হইয়া সঙ্কুচিত থাকে, তৎকালে মণ্ডল পার্শ্বে কন্দিয়ালের ন্যায় সঙ্কীর্ণ পথের দ্বার বিমোচন করিলেই, হস্তিরা তন্মধ্যে প্রবেশ করে। কেহ বেড়া ভগ্ন করিতে চেষ্টা করিত হইলে শিকারিরা বরছী দ্বারা তাহার শুণ্ডে আঘাত করে, তাহাতে সে নিরস্ত হইয়া অবশেষে অপ্ৰশস্ত বেড়ার অগুভাগে অবরুদ্ধ হয়। সেই স্থান এতাদৃশ সঙ্কীর্ণ যে তাহাতে হস্তির পার্শ্ব পরিবর্তনের উপায় থাকে না। তৎকালে শিকারিরা তাহাদের পদ ও গলদেশে রজ্জু বন্ধন করে। হস্তি ঐ বন্ধনহইতে মুক্ত হওনার্থে নানাবিধ চেষ্টা ও মূর্ছ-মূর্ছ ভীমনাদ করিতে থাকে, কিন্তু শিকারিকর্তৃক অনবরত বরছীদ্বারা মস্তক ও শুণ্ডে আঘাত হইলে অবশেষে তাহাদের ঔদ্ধত্য শান্ত হইয়া পড়ে।

হস্তিরা পদ ও গলে বন্ধন এবং অনবরত তাদৃশাঘাতে নিভান্ত দান্ত হইলে পর শিকারিরা দুইটা পোষা হস্তিকে বেড়ার উভয় পার্শ্বে দণ্ডায়মান রাখে। তাহারা ঐ অবরুদ্ধ হস্তির প্রতি দৃষ্টিপাত করিয়া আদৌ তাহার বদনের আশ্রয় লয়, এবং তাহার দস্ত হইয়াছে কি না তাহা নিরূপণ করে। অতঃপর শিকারিরা ঐ অবরুদ্ধ হস্তির গলস্থ রজ্জু ঐ গৃহপালিত হস্তিদ্বয়ের দেহে একত্র করিয়া বদ্ধ করে; ও তৎপরেই


সেই বেড়ার দ্বার বিমুক্ত করে। তাহাতে বদ্ধ হস্তি তৎক্ষণাৎ ঐ পার্শ্বস্থ হস্তিদ্বয়ের মধ্যস্থ হইতে চেষ্টা করে, কিন্তু তাহার পার্শ্চাৎ পদদ্বয় বদ্ধ থাকতে তাহাদের সহিত অধিক দূরে যাইতে পারে না। এই অবস্থায় হস্তিদ্বয়কে কিয়ৎকাল রাখিয়া পরে শিকারিরা গৃহপালিত হস্তির পৃষ্ঠে আরোহণ করত সকলকে অতি দৃঢ় করিয়া বদ্ধ করে।

এবম্পুকারে বন্যহস্তি বদ্ধ হইলে পর শিকারিরা তাহাকে সন্নিকটবর্তী দুই স্থূল বৃক্ষের মধ্যগত স্থানে আনিয়া তাহাকে ঐ বৃক্ষদ্বয়ে অতি দৃঢ় করিয়া বন্ধন করে। নিকটবর্তী বৃক্ষ সুপ্তাপ্য না হইলে অতি স্থূল কাণ্ডের এক মঞ্চ নির্মাণ করিয়া তাহার তলে বন্যহস্তিকে বদ্ধ করে, এবং আপনারা মঞ্চোপরি অবস্থিতি করে; ও হস্তির ভোজ্যার্থে নারীকেল-পত্র, নবীন-কদলী-বৃক্ষ ও জল তাহার সম্মুখে স্থাপন করে। কিন্তু গৃহপালিত হস্তিরা বন্যহস্তির নিকটস্থিতে দূরে গমন করিলেই বন্যহস্তি উদ্ভ্রান্ত হইয়া পত্র বৃক্ষাদি দূরে নিক্ষেপ করত অত্যন্ত চীৎকার করিতে থাকে; এবং সাধারণসারে স্বাধীনতা প্রাপ্তির সমগু চেষ্টা করে। কিন্তু এবম্পুকারে দুই তিন দিবস গত হইলে পর তাহারা ক্ষুধা তৃষ্ণায় অত্যন্ত পিড়িত হইয়া অবশেষে পান ভক্ষণে প্রবৃত্ত হয়; ও শিকারিরা গৃহপালিত হস্তির সাহায্যে তাহাদিগকে ক্রমশঃ এক বা দুই মাস কালে বশীকৃত ও সুশিক্ষিত করে। কোন২ হস্তি অত্যন্ত স্বাধীনতাপ্রিয়; সে কোন ক্রমে বশীভূত হয় না; অনাহারে বন্ধন-মুক্তির বিফল-চেষ্টায় অবশেষে প্রাণত্যাগ করে; হস্ত্যপেক্ষায় হস্তিনীরা এ প্রকারে অধিক নষ্ট হইয়া থাকে। প্রথম বন্ধনাবস্থায় হস্তিরা যে চীৎকার করে তাহাতে ক্রমে ২ ক্রোধ, গর্জন, খেদ, দুঃখ, ও নিরাশের লক্ষণ

স্পষ্ট প্রতীত হয়, এবং অবশেষে তাহাদিগের নয়নে অশ্রুধারা প্রবাহিত হইতে দেখা গিয়া থাকে।

ইদানীন্তন \* পশু-সকলের মধ্যে হস্তি যাদৃশ বৃহৎ, তাহার বুদ্ধি তাদৃশ সূক্ষ্ম। তাহারা বাক্য

\* পূর্বেকালে পৃথিবীতে হস্ত্যপেক্ষায় অতি বৃহৎ ২ পশুর প্রচার ছিল। অধুনা তাহার প্রস্তরীভূত-অস্থিমাত্র অবশিষ্ট আছে।



### হাইদর আলি।

(৩২ পৃষ্ঠের পর ক্রমাগত।)

হাইদর মহাসূরের অধীশ্বর হইয়া স্বাধিকার চতুর্দিকে বিস্তৃত করিতে প্রবৃত্ত হইলেন। মহাসূরের অন্তর্গত শারয়, চিত্রদুর্গ ও অন্যান্য কতিপয়

উচ্চারণ করে না বটে, পরন্তু হস্তিপালের আজ্ঞানুসারে সকল কর্মই করিয়া থাকে। ভৃত্যরা প্রভুর আজ্ঞায় যে প্রকারে কর্ম নির্বাহ করে, হস্তিরা তদপেক্ষায় ইতর নহে। এতদ্বিষয়ে এক ২ উদ্ভট বাক্য শুনিলে বিস্ময়াপন্ন হইতে হয়, কিন্তু তদ্বিস্তার গৃহপালিত হস্তির বিবরণ প্রসঙ্গে উপযুক্ত, অতএব এই স্থলেই অধুনা এই প্রস্তাবের উপসংহার করা গেল।

প্রদেশের রাজা ও পল্লিগারেরা পূর্বোন্নিখিত গোলযোগ সময়ে এক প্রকার স্বাধীন হইয়া উঠিয়াছিল, তাহাদিগকে পরাজিত করিয়া তিনি সম্পূর্ণরূপে স্বায় হস্তগত করেন। তৎপরে তিনি বেড়নোর রাজ্য গৃহণ করেন। এই রাজ্য অতি প্রসিদ্ধ ধনশালী ছিল। তাহা যাটখ



পর্ষতোপরি প্রায় ৩৩৩৩ হাত উদ্ধে স্থিত। তথায় প্রচুর-বৃষ্টি-পতনদ্বারা বিশাল অরণ্য ও অপর্ষণশস্য উৎপন্ন হইত। স্বভাবতঃ দুর্গম হওয়াতে বহুকালাবধি ভিন্ন দেশীয় রাজারা কেহ তাহা আক্রমণ করিতে পারেন নাই, সুতরাং তাহার শাসনকর্তারা নির্বিঘ্নে পুরুষানুক্রমে বিপুল বিভব সঞ্চয় করিয়াছিলেন। হাইদরের সৈন্য এই প্রদেশের রাজপাটে প্রবেশ করিবামাত্র তত্রত্য ভয়াতুর প্রজারা রাজধানীতে অনল সংলগ্ন করিয়া অদূরবর্তী অরণ্যে পুস্তান করিল; অতএব হাইদর অনায়াসে এই বিখ্যাত ঐশ্বর্যশালি নগর-লুণ্ঠদ্বারা প্রচুর সম্পত্তি প্রাপ্ত হইলেন। তিনি স্বয়ং ব্যক্ত করিয়াছিলেন যে তাহা তাঁহার ভবিষ্যৎ গৌরবরূপ প্রাসাদের সোপানস্বরূপ হইল।

মানব-সৌভাগ্য চিরকাল স্থায়ী নহে, সময়ে ২ তাহা তিমিরাচ্ছন্ন বা অন্তময় হইয়া থাকে; হাইদরের পক্ষে ঐ নিয়মের অন্যথা হয় নাই। বেঙ্গল দেশ জয় করণের কিয়ৎ কাল পরে মাধোরাও নামক একজন অতি প্রধান মহারাষ্ট্রীয় সেনাপতি বহু সঙ্খ্যক এক দল অশ্বারূঢ় সৈন্য লইয়া মহীসুর আক্রমণ করেন। হাইদর ঐ মহারাষ্ট্রীয়দিগের সহিত যুদ্ধে পরাজিত হন, ও অগত্যা তাহাদিগকে অনেক ভূমি ও নগদ ৩২ লক্ষ টাকা দিয়া সন্ধি করিতে বাধ্য হইয়াছিলেন।

পরন্তু এই বিপদ বহুকাল ব্যাপক হয় নাই। ইহা হইতে উত্তীর্ণ হইয়া তিনি মল্লবার-বেলাস্থিত কালিকুট নামক প্রসিদ্ধ নগরের স্বাধীনত্ব হরণে প্রবৃত্ত হন। তথাকার জামরীণ নামা বিখ্যাত রাজা তাঁহাকে নিবারণ করিবার নিমিত্ত অস্ত্র ধারণ করিয়াছিলেন, কিন্তু হাইদর কিছুতেই পরাভূত না হইয়া যখন নগর মধ্যে প্রবেশ করিলেন, তখন জামরীণ নিকপায় হইয়া

সঙ্কামে ভঙ্গ দিলেন, ও স্বয়ং কুলীন অমাত্য-সমভিব্যাহারে সন্ধি স্থাপনার্থে হাইদরের নিকট উপনীত হইলেন। হাইদর রাজাকে যথোচিত সমাদর করিলেন, ও, তিনি ১,২০,০০০ টাকা প্রদানে স্বীকৃত হইলেন বলিয়া হাইদর দ্বিতীয়বার অত্যাচার করণে ক্ষান্ত থাকিবেন এমত প্রতিজ্ঞাও করিলেন; কিন্তু মিথ্যাবাদী পুতারক কি কখন পুতিজ্ঞার বশীভূত হইতে পারে? হাইদর কালিকুটাদিধিপতিকে তাদৃশ আশ্বাস দেওয়াতে তিনি নিশ্চিন্ত থাকিয়া স্বীয় নগর অরক্ষিত রাখিলেন। ইত্যবসরে হাইদর হঠাৎ তাহা আক্রমণ করিয়া আপন কর গুসে গুস করেন; পরে কথিত টাকা দেওনে বিলম্ব হওয়াতে তিনি নৃপতি ও তদীয় সম্ভ্রান্ত পারিষদবর্গকে দৃঢ় বন্ধনে রাখিয়া শোষোক্তদিগকে কঠোর যন্ত্রণা দিতে লাগিলেন। নৃপতি স্বয়ং অপমানের ভয়ে আত্ম হত্যা দ্বারা বিনাশ প্রাপ্ত হইলেন; ও তাঁহার কতিপয় ভৃত্যরাও তাঁহার অনুগামী হইল।

হাইদর এই প্রকার নিষ্ঠুর ব্যবহারদ্বারা কালিকুট অধিকার করাতে অনেকে তাঁহার প্রতিবিদ্রোহাচরণে প্রবৃত্ত হইয়াছিল; তাহাতে তিনি বিদ্রোহি-ব্যক্তিদেব মধ্যে কতকগুলিনকে মুণ্ডচ্ছেদ-দ্বারা শমন-সদনে প্রেরণ করেন; অবশিষ্টগণকে মহীসুরের প্রান্তে বহিস্কৃত করিয়া দেন। পরন্তু তাঁহার রাজ্যবৃদ্ধি-সম্ভূত-পুঞ্জলিত-হতাশনের উত্তাপে নিকটস্থ ভূপালেরা সম্ভ্রান্ত হইতে লাগিল, অর্থাৎ দাক্ষিণাত্য রাজারা স্বীয় স্বাধীনতা রক্ষার নিমিত্ত সশস্ত্র হইল। এজন্য দক্ষিণের সুবাদার নিজাম-আলি ও মহারাষ্ট্রীয় সৈন্যাদ্যক্ষ মাধোরাও হাইদরকে দমন করিবার নিমিত্ত এক ষড়যন্ত্র করিলেন। ইংরাজেরা অতি সাবধানে ইহাতে যোগ

দিলেন, অর্থাৎ তাঁহারা “সুবাদারের রাজ্যের তাবৎ বিষয় যথার্থরূপে মীমাংসা করিবেন” এই রূপ ঘোষণা করিয়া তাঁহার অধীনে এক দল সৈন্য স্থাপন করিলেন; বাস্তবিক তাঁহারা নিজাম-আলি ও মহারাষ্ট্রীয়দিগের সহিত মহীসুর আক্রমণ করিবেন, ইহাই স্থিরীকৃত হইল; ও তজ্জন্য কর্ণেল স্মিথ সাহেব হইদরবাদেরে যাইয়া যুদ্ধের আয়োজন করিতে লাগিলেন।

১৮২৪ সংবৎসরে ষড়যন্ত্রদিগের তিন দল সৈন্য হাইদরের রাজ্যে প্রবেশ-নিমিত্ত যাত্রারম্ভ করে, কিন্তু তাহারা সুশৃঙ্খলা পূর্বক একত্রিত না হইয়া একে ২ স্বতন্ত্ররূপে গমন করিতে লাগিল। মাধোরাও সহযোগি অপর দুই দল সৈন্য পুস্তত হইবার মাসেক পূর্বে অসঙ্খ্য অশ্বারূঢ় সেনা লইয়া মহীসুরের উচ্চ ক্ষেত্রসকল আচ্ছাদিত করিয়া ফেলিলেন। হাইদর মহারাষ্ট্রীয়দিগকে পরাভব করিতে আপনাকে নিতান্ত অক্ষম দেখিয়া সঙ্কুচ যুদ্ধ করিতে ভরসান্বিত হইলেন না; কিন্তু তাহারা অল্পপান প্রাপ্ত না হইয়া আপনাইতেই পুস্তান করিবে, ইহা চিন্তা করিয়া দেশস্থ সশস্যসকল মৃত্তিকা মধ্যে প্রোথিত করিয়া রাখিলেন, কুপ সকলের জল বিষ সংযুক্ত করিলেন, তৎ সকল উৎপাটন করিয়া ফেলিলেন, ও গবাদি পশুসকলকে শত্রুদিগের দূরবগম্য স্থানে লইয়া গেলেন। কিন্তু মহারাষ্ট্রীয়েরা কিছুতেই কষ্ট পাইল না, তাহারা মৃত্তিকাভ্যন্তরস্থ অবশিষ্ট তৃণাঙ্কুরেতেই স্বীয় অশ্ব-সকলের আহার যোগাইতে লাগিল, ও অন্যান্য নানাবিধ উপায় দ্বারা হাইদরকে সম্পূর্ণরূপে নিরস্ত করিল।

হাইদর আপনাকে নিতান্ত নিকপায় দেখিয়া তাহাদের সহিত মৌনিপূর্বক এক স্বতন্ত্র সন্ধি করিবার উদ্যোগ করিলেন, যাহাতে তাহারা পূর্বোক্ত ষড়যন্ত্র হইতে বহিস্কৃত হয়। এতদর্থে তিনি আ-

পাজি নামা জনৈক বুদ্ধকে মাধোরাওর নিকট প্রেরণ করেন।

মাধোরাও স্বীয় কর্মচারিগণ সহিত আমনো-পবিষ্ট আছেন এমত সময়ে আপাজি যাইয়া সন্ধির প্রস্তাব করিলেন। মাধোরাও তদুত্তরে কহিলেন, “যে ব্যক্তি রাজকুলোদ্ভব আপন প্রভুকে অন্যায় রূপে কারাগারে বদ্ধ রাখিয়াছে, তাহার সহিত আমি কখনই সন্ধাব করিব না”। সভাস্থ সকলেই এই বাক্যের ন্যায্যতায় মৌনাবলম্বনে সন্মতি প্রদান করিল; কিন্তু আপাজি বুদ্ধকে বড়ই ধূর্ত; ইহা এক কথাতেই প্রতিহত হইবার নহে। সে অমনি বিনীত ভাবে কহিল, “আমার স্বামির এই দোষ স্বীকার করি; কিন্তু তাঁহা অপেক্ষা জ্ঞানবান ব্যক্তির যদি তাঁহার ন্যায় ব্যবহার আর না করেন, তবে তিনি এই ক্ষণেই তাঁহাদের অনুগামী হইবেন, তাহার সন্দেহ কি”? এতদ্বাক্যের তাৎপর্য এই যে মাধোরাও হাইদরের ন্যায় নিষ্ঠুর ব্যবহার করিতে ত্রুটি করিতেন না, কারণ তিনিও শিবাজী-বংশজাত রাজাকে অপদস্থ ও বন্ধনযুক্ত করিয়া স্বয়ং মহারাষ্ট্রীয় রাজ্য শাসন করিতেন। এই সদুত্তর শুনিয়া অমাত্যেরা কোনক্রমে হাস্য সঞ্চরণ করিয়া রহিল, ও মাধোরাও বীড়াতে একেবারে অধোবদন হইলেন। অবশেষে সন্ধি স্থাপন হইল। মাধোরাও ৩৫ লক্ষ টাকা প্রাপণে মহীসুর পরিত্যাগ করিতে, ও নিজাম ও ইংরাজদিগের সংসুব হইতে বিনির্মুক্ত হইতে, স্বীকৃত হইলেন। পরে যখন ইংরাজেরা কর্ণেল টড সাহেবকে রাওজির নিকট তাঁহার পূর্ব প্রতিজ্ঞা স্মরণার্থে প্রেরণ করেন, তখন তাঁহার কার্যালয়ের সমস্ত লোক সাহেবের সম্মুখে হাস্য করাতে তিনি বিলক্ষণ অপ্রতিভ হইলেন।

এ দিকে স্মিথ সাহেব নিজামের দরিদ্র ও অপ্রা-



প্ত-বেতন ও অসুশিক্ষিত কতিপয় সৈন্য লইয়া মহীসুরে প্রবেশ করিয়াছিলেন, কিন্তু কেবল ঐ সৈন্যদ্বারা স্বীয়াভীষ্ট সিদ্ধি করা অত্যন্ত দুষ্কর বোধ করিলেন; ফলতঃ তিনি অবিলম্বেই আপন বোধাতিরিক্ত ঘোর বিপদে পতিত হইয়াছিলেন। তদবধি ইংরাজেরা ক্ষমতাশূন্য পদবীমাধারী মোগল সম্রাট্‌হইতে নিজামের রাজ্যান্তর্গত সরকারের উত্তর খণ্ডের অধিকারের অনুরূপ পত্র প্রার্থনাদ্বারা প্রাপ্ত হইলেন; ও পরে মহম্মদ আলী নামা তাঁহাদের পক্ষীয় কোন ব্যক্তিকে কর্ণাটের নবাব পদে অভিষিক্ত করেন। ঐ ব্যক্তি নিজামের শাসনাধীন-দেশ-সমুদায় ও তৎখ্যতি হরণে উদ্যত হয়। এতদুভয় কারণে নিজাম ইংরাজদিগের প্রতি কষ্ট হইলেন; বিশেষতঃ তিনি ইংরাজদিগকে মহম্মদ আলির সহকারী বলিয়া সন্দেহ করেন। এই সুযোগে হাইদর নিজাম বাহাদুরকে এই লোভ প্রদর্শন করেন, যে যদি তিনি তাঁহার সহিত যোগ দেন, তবে তিনি অন্যায়সেই তাঁহার শত্রুদিগকে (ইরাজ ও মহম্মদ আলিকে) বিনষ্ট করিতে পারিবেন। নিজাম এই প্রস্তাবে সম্মত হইলেন, ও সমস্ত সৈন্যসামন্ত লইয়া ইংরাজদিগের পক্ষ পারিত্যাগ পূর্বক হাইদরের পক্ষে যোগ দিলেন।

হাইদর ও নিজামের সৈন্য সমুদায়ে ৪৩,০০০ অশ্বারূঢ় ও ২৮,০০০ পদাতিক উপস্থিত ছিল। ঐ দুর্জয় সৈন্য লইয়া তাঁহারা ইংরাজদিগের সহিত যুদ্ধ করিতে প্রস্তুত হইলেন। স্মিথ সাহেবের অধীনে ৬,০০০ পদাতিক ও ১,০০০ অশ্বারূঢ় সৈন্য মাত্র ছিল; সুতরাং তিনি সম্মুখ যুদ্ধে সাহসী না হইয়া ঘাট পর্বতের যে ২ পথদ্বারা শত্রুরা কর্ণাট দেশ আক্রমণ করিতে পারে, তাহা সুরক্ষিত করিতে লাগিলেন; কিন্তু তাঁহার ঐ সকল স্থান উত্তমরূপে পরিচিত না থাকাতে যে সকল মার্গ বিপক্ষদি-

গের পক্ষে অত্যন্ত সুগম ছিল, তাহাই অকল্পিত রাখিলেন, সুতরাং বিপক্ষ সৈন্যেরা সেই সকল পথ দিয়া প্রবেশ করিয়া তাঁহার পশ্চাদ্ভাগে ধাবমান হইল। তিনি চাঙ্গামা নামক স্থানে তাহাদিগকে সম্পূর্ণরূপে প্রতিহত করিয়াছিলেন; কিন্তু তাহাদিগের অশ্বারূঢ় সৈন্য তাঁহার অবশিষ্ট সমস্ত অত্যাচার তপ্পল অপহরণ করাতে তিনি আপন সৈন্যদিগের আহারদ্রব্যের অভাব দেখিয়া তৎস্থানহইতে পলায়ন করিতে বাধ্য হইলেন; ও অহোরাত্র ক্রমাগত চলিয়া ত্রিনমালীতে আসিয়া উপস্থিত হইলেন। শেষোক্ত স্থানে তুমুল জঙ্গল হইবার উপক্রম হইল। ইংরাজেরা স্মিথ সাহেবের অধীনস্থ সৈন্য বৃদ্ধি করাতে তাহা ১০,০০০ সহস্র হইল। তাহার অধিকাংশই অত্যন্ত পদাতিক, কিন্তু অবশিষ্ট অল্প সঙ্খ্যক অকর্মণ্য অশ্বারূঢ় ছিল। এ দিকে শত্রুপক্ষীয়েরা অতি ক্রতগামী অশ্বারূঢ় সৈন্যদ্বারা সমস্ত দেশ বেষ্টিত করিল, তাহাতে দূরহইতে ইংরাজদিগের তপ্পলাদি পাইবার কোন সম্ভাবনা রহিল না। এই সময়ে হাইদরের সপ্তদশ বর্ষ বয়স্ক পুত্র টিপু (যিনি পরে ইংরাজদিগের পুত্র শত্রু হইয়া উঠিয়াছিলেন) ৫০০০ অশ্বারূঢ় সৈন্য লইয়া মান্দ্রাজের সান্নিধ্য পল্লীবাসী ইংরাজদিগের উপর অত্যাচার করণে প্রবৃত্ত হইলেন। বিপক্ষেরা মনে করিল যে ইংরাজেরা অসম্ভাব্যে নিধন প্রাপ্ত হইবে, কিন্তু ইংরাজেরা ভাগ্যক্রমে মৃত্তিকাসাক্ষাত কতক শস্যের স্বকীয় পাইয়া তাহাতেই প্রাণ ধারণ করিয়া রহিল। এমত সময়ে নিজাম যুদ্ধের নিমিত্তে ব্যস্ত সমস্ত হইলেন, ও তাঁহার অযৌক্তিক পরামর্শ শুনিয়া বিপক্ষ দল ইংরাজদিগকে আক্রমণ করিল; কিন্তু স্মিথ সাহেব অসাধারণ ক্ষমতা প্রকাশ পূর্বক তাহাদিগকে সম্পূর্ণরূপে পরাভব করেন। এই যুদ্ধে পরাজিত হইয়া নিজাম নি-

তান্ত্রিকতা হইলেন। তিনি ইংরাজদিগের সর্বনাশে আপনার গুণভোগিত্রি যে কল্পনা করিয়াছিলেন, তাহা কিছুই হইল না। পরন্তু এই সময়ে ইংরাজেরা বিপক্ষদিগকে আশুর নামক স্থানে পুনরায় প্রতিহত করেন, ও নিজামের রাজ্য আক্রমণ করেন; ইহাতে নিজাম তাঁহাদের প্রভূত পরাক্রম দেখিয়া ভীত হইলেন। তিনি বিবেচনা করিলেন যে হাইদরের সপক্ষ থাকা নিষ্ফল; প্রত্যুত তাঁহার সহিত বিচ্ছেদ করিয়া ইংরাজদিগের সহিত পূর্ববৎ সৌহার্দ্য করাই শ্রেয়ঃ। এই স্থির করিয়া তিনি ১৮২৫ সংবৎসরে ইংরাজদিগের সহিত এক সন্ধি স্থাপন করিলেন। এই সন্ধিদ্বারা তাঁহাকে ইংরাজদিগের মোগল সম্রাট্‌হইতে প্রাপ্ত উত্তরীয় সরকার দেশের অধিকার ন্যায় স্বীকার করিতে হইল, ইংরাজেরাও তাঁহাকে ৫ লক্ষ টাকা বার্ষিক প্রদানে স্বীকৃত হইলেন, কিন্তু ঐ মুদ্রা উক্ত প্রদেশের কর বলিয়া গণ্য হইবেক না। অধিকন্তু ঐ টাকাহইতে প্রত্যেক বৎসরে ৩ লক্ষ টাকা করিয়া যুদ্ধের ব্যয়পোষক সর্বশুদ্ধ ২৫ লক্ষ টাকা কর্তন হইবেক। আর ইংরাজেরা হাইদরের অধিকাংশ রাজ্যপহরণে নিজাম কোন আপত্তি করিতে পারিবেন না, এই সকল প্রতিজ্ঞাও অবধারিত হইল।

মান্দ্রাজ রাজধানীর কর্তৃপক্ষেরা যুদ্ধের এই প্রকার সুবিধা হওয়াতে অত্যন্ত হর্ষযুক্ত হইলেন, ও ত্বরায় কর্ণেল স্মিথ সাহেবের সাহায্যার্থে কর্ণেল উড সাহেবকে এক দল সৈন্যের সহিত প্রেরণ করিলেন। শেষোক্ত সাহেব হাইদরের অধীনস্থ অনেকানেক স্থান হরণ করেন। ইতিমধ্যে স্মিথ সাহেব মহীসুর রাজ্যের দ্বার স্বরূপ বাঙ্গালুর আক্রমণ করিবার উদ্যোগ করিলেন। বাস্তবিক কতিপয়মাসের মধ্যে হাইদর আপন অর্ধেক রাজ্য ভূষ্ট হইলেন। কিন্তু তিনি তাহাতে নিরাশ না হই-

য়া আপন সমস্ত সৈন্যদ্বারা পশ্চিমাঞ্চলে ইংরাজদিগের অধিকৃত স্থান নমুদায়ে পুনরায় আপন আধিপত্য স্থাপন করিয়াছিলেন, পরে তিনি মান্দ্রাজস্থিত ইংরাজদিগের সৈন্যের সঙ্গে ২ ফিরিয়া তাহাদের নানাবিধ অনিষ্ট করিতে লাগিলেন; কিন্তু সম্মুখ যুদ্ধ করিতে সাহসিক হইলেন না; প্রত্যুত তিনি ইংরাজদিগের অমোঘ বল দেখিয়া তাঁহাদের সহিত যে কোন প্রকারে হটক মিত্রতা করিতে মানস করেন। এজন্য তিনি তাঁহাদের বারামহল প্রদেশ ও যুদ্ধের ব্যয় পোষণার্থে ১০ লক্ষ টাকা পর্যন্ত প্রদানে স্বীকৃত হইলেন; কিন্তু মান্দ্রাজের শাসনকর্ত্তারা তাঁহাকে সম্পূর্ণরূপ পরাভব করত তাঁহার সমস্ত রাজ্যগৃহণ লালনায় মত্ত হইয়া তাঁহার নিকটহইতে এত অন্য় ধন ও রাজ্য প্রাপ্তির অভিলাষ জানাইলেন যে তাহাতে তাঁহার যুদ্ধ করিতে দুঃচ্য হইল।

অতঃপর ইংরাজেরা অবিবেচনা পূর্বক স্মিথ সাহেবের পরিবর্তে উড সাহেবকে সেনাপতি পদে নিযুক্ত করেন, কিন্তু এই ব্যক্তি নিতান্ত অকর্মণ্য হওয়াতে পদচ্যুত হইলেন, ও ফিট্‌জেরল্ড নামক সাহেব তৎপদে অভিষিক্ত হইলেন। ইংরাজদিগের সৈন্যেরা ক্রমাগত বহুকালাবধি যুদ্ধ ক্ষেত্রমধ্যে উপযুক্ত শরীরপোষক আহারাভাবে মন্দ ও ঋতুর দুর্নিবার্য অত্যাচার সহ্য করিয়া শীর্ণ হইতেছিল। এই সময়ে হাইদর উত্তম বীর্য-বিশিষ্ট কতক সৈন্য সম্ভূহ করিয়া ঘাট পর্বতের মধ্য দিয়া পশ্চিম ইংরাজদিগের অধিকৃত সৈন্যের বর্গের দৃষ্ট হয়, ইংরাজদিগের অধিকৃত সৈন্যের সহিত মিশ্রিত প্রদেশে উপস্থিত হইয়া তাহাদের সহিত মিশ্রিত কাঠখণ্ড ও এক খণ্ড অস্থি নির্গত সৈন্যেরা অল্প ম

ছিল, সুতরাং কর্ণেল স্মিথ সাহেব তাহাতে অগ্নি সংযোগ করিলে প্রলকেই বিনষ্ট হইল। তাহা এক প্রকার গলিত কাঠ। পক্ষীয়েরা খনন প্রাপ্ত হওয়া যায়।



তৎসমুদায়ই পুনঃপ্রাপ্ত হইলেন। ইংরাজেরা সর্ব-  
স্বান্ত হইয়া অবশেষে দেখিলেন, যে হাইদরের সন্ধির  
প্রস্তাব অগ্ৰাহ্য করা তাঁহাদের বড়ই অদূরদর্শি-  
তার কার্য হইয়াছে। পরন্তু তৎপরেও শত্রুরা তাঁ-  
হাদের ব্যুহ-সকল-পর্যন্ত আক্রমণ করিতে উদ্যত  
হইল; অতএব অন্তোপায় না দেখিয়া নিজ গর্ভ খর্ব  
করত মহীসুরেশ্বরের সহিত সন্ধাব সম্বন্ধ করণা-  
ভিপ্রায়ে কাণ্ডেন ক্রক্ সাহেবকে তাঁহার নিকট  
প্রেরণ করেন। হাইদর কাণ্ডেন সাহেবকে যথেষ্ট  
অভ্যর্থনা করিলেন, ও তাঁহাকে আপন মত-সকল  
অকপটরূপে অবগত করাইলেন। তিনি কহিলেন  
যে ইংরাজদিগের সহিত সৌহার্দ করা তাঁহার আ-  
ন্তরিক ইচ্ছা; কিন্তু এ ইচ্ছা শুদ্ধ ইংরাজ ও তাঁহাদের  
সহযোগী মহম্মদ-আলীর দোষেই সিদ্ধ হয় নাই।  
আরও সরলভাবে ব্যক্ত করিলেন যে তিনি আপ-  
নার মঙ্গলের নিমিত্তই ইংরাজদিগের সহিত প্রণয়  
করিতে অভিলাষ করেন, যেহেতুক মহারাষ্ট্রীয়েরা  
সময়ে সময়ে তাঁহার রাজ্যে যে উৎপাত করে,  
তাহার কাল প্রায় নিকটস্থ হইল; সেই সময়ে  
ইংরাজেরা যদি তাঁহার প্রতিকূল হয়েন তবে তিনি  
ইংরাজ ও মহারাষ্ট্রীয় এই উভয়কে নিবারণ  
করিতে কদাপি সমর্থ হইবেন না; অতএব এক  
পক্ষের সহিত তাঁহার সন্ধাব রাখা কর্তব্য,  
যদি ইংরাজেরা তাঁহার সহিত সন্ধি না করেন  
তবে তিনি মহারাষ্ট্রীয়দিগের সহিত সন্ধি করিতে  
বাস্তবিকভাবে সক্ষম হইবেন। মান্দাজের কর্তৃপক্ষেরা তাঁহার  
৬,০০০ পদাতিক ও ১,০০০ কক্ষপাণ্ড আন্ড্রিউস নামক  
সুতরাং তিনি সম্মুখ যুদ্ধে পক্ষা পাত্ৰকে শুভ বি-  
পর্যন্তের যে ২ পথদ্বারা শত্রুরা কনকট প্রেরণ করি-  
ক্রমণ করিতে পারে, তাহা সুরক্ষিত ও সন্ধি-পত্রে  
গিলেন; কিন্তু তাঁহার এ সকল স্থায়ী ছিলেন, যে  
পরিচিত না থাকাতে যে সকল মার্গ। ক্ষতিজনক

বোধ করিলেন। ফলতঃ ইংরাজদিগের মনে  
হাইদরকে বিনাশ করিয়া তাঁহার সমগু রাজ্য  
গ্ৰাস করিব, এই আশা তখনও ব্রলবতী ছিল। সে  
যাহা হউক, উভয় পক্ষে মেলন না হওয়াতে পুন-  
র্বার বিবাদারম্ভ হইল। ইংরাজেরা সাহসিক স্মিথ  
সাহেবকে পুনরায় সেনাপতি করেন। স্মিথ হাইদ-  
রকে কিয়দংশে নিবারণ করিয়াছিলেন, কিন্তু অব-  
শেষে হাইদর এক অত্যুদ্ভূত বিক্রম প্রকাশ পূর্বক  
ইংরাজদিগকে চমৎকৃত করেন। তিনি ৬০০০ উত্তম  
অশ্বাচ্ছ ও ২০০ পদাতিক সৈন্য লইয়া চারি দি-  
নের মধ্যে ৬৫ ক্রোশ স্থান অতিক্রম করত মান্দা-  
জহইতে ২১০ ক্রোশ দূরস্থিত স্থানে আসিয়া উপ-  
স্থিত হইলেন। তাহাতে ইংরাজদিগের রাজকীয়  
মভা আশু সর্বনাশ সম্মুখে উপস্থিত দেখিয়া  
অত্যন্ত ভয়ান্ত ও ঈর্ষা জ্ঞানশূন্য হইলেন যে,  
যদিও তাঁহারা মান্দাজের দুর্গকে উপযুক্ত  
সৈন্যদ্বারা সুরক্ষিত করিয়া আত্মরক্ষা করিতে  
পারিতেন, তথাপি তাহা না করিয়া হাই-  
দর যে রূপ সন্ধির নিয়ম অভিমত করিলেন,  
তাহাতেই একেবারে সম্মত হইলেন, ও হাই-  
দরের প্রার্থনানুসারে স্মিথ সাহেবকে যুদ্ধে নি-  
বৃত্ত হইতে আদেশ করিলেন। ১৮-৩৪ সংবতে এই  
সন্ধি স্থাপন হয়। তদ্বারা যুদ্ধের পূর্বে ইংরাজ  
ও হাইদর পরস্পরের অধিকার যে পর্য্যন্ত ছিল,  
তাহাই সাব্যস্ত রছিল; হাইদর তাঁহার শত্রুদি-  
গকে আক্রমণ ও তাহাহইতে রক্ষা করিতে সহা-  
য়তা করণে ইংরাজদিগকে অনুরোধ করেন, কিন্তু  
তাঁহারা পূর্বোক্ত প্রস্তাব অগ্ৰাহ্য করিয়া হাইদর  
কোন শত্রুকর্তৃক বিপদগুস্ত হইলে তাঁহাকে স্বসৈ-  
ন্যে তাহাহইতে উদ্ধার করিবেন, ইহা প্রতিশ্রুত  
হইলেন। ইহাতে তাঁহাদিগকে গুরুতর ভাবে আ-  
ক্রান্ত হইতে হইয়াছিল।

## প্রাকৃত-ভূগোল।

### ষষ্ঠ প্রকরণ।

সোতোদ্বারা ভূমির হ্রাস বৃদ্ধি।

পৃথক-পৃথক-দ্বয়ে ভূমির অকস্মাৎ আকৃতি ভে-  
দের প্রসঙ্গ হইয়াছে; অধুনা ভূমির স্থানে ২  
ক্রমাগত অবিশ্রামে যে সকল পরিবর্তন হই-  
তেছে তাহার সঙ্ক্ষেপ বিবরণ লেখিতব্য।

প্রস্তাবিত ঘটনার এক প্রধান কারণ সোতো-জল।  
পৃথক-পৃথক-দ্বয়ে সোতো-নির্গমন-সময়ে জনবেগে পৃথকীয় শি-  
লাখণ্ড-মৃত্তিকাদি পদার্থ ঐ সোতো বহিত-হইয়া যায়;  
পরে ঐ সোতো সমভূমিতে উপনীত হইলে তাহার বেগের  
লাঘব হয়; সুতরাং প্রস্তরাদি গুরু পদার্থ আর সোতো  
বাহিত না হইয়া তৎস্থানে অধঃপতিত হয়; সূক্ষ্ম মৃত্তি-  
কাদির রেণু সকল অতি শীঘ্র পতিত হয় না; সোতো-  
দ্বারা আনীত হইয়া নদীর অগুভাগের উভয় পার্শ্বে  
নিষ্কিপ্ত হয়; অতএব নদীর মুখে সর্বদাই চর জন্মিতেছে।  
নদীর গর্ভমধ্যে স্থানে ২ চর উৎপন্ন হওনের কারণও  
অন্য কিছু নহে। সমভূমিতে নদীগর্ভের বক্রতাক্রমে  
সর্বদা তট ভগ্ন হইয়া থাকে, তজ্জাত মৃত্তিকাদ্বারাও চর  
উৎপন্ন হয়। নদীর সাগর-সঙ্গম স্থানে যে সকল চর উদ্ভব  
হয় তদুপরি সমুদ্র তরঙ্গদ্বারা আনীত বালুকা নিষ্কিপ্ত  
হইয়া তুরায় তাহার উচ্চতা বৃদ্ধি হয়, এবং ক্রমশঃ  
মনুষ্যবাসের যোগ্য হয়। এই কারণ বশতঃ নদীর সম্মু-  
খস্থ সমুদ্র ক্রমশঃ ভূমিসাৎ হইতেছে। মিসর দেশের  
সমুদ্র-তটস্থ-ভূমি এই প্রকারে উৎপন্ন হইয়াছে। সহস্র  
বৎসর হইল তদদেশীয় সমুদ্র তটে রসেটা ও ডামি-  
এটা নামক দুই নগর সংস্থাপিত হইয়াছিল। তৎ-  
পরে ক্রমশঃ তৎসম্মুখে চড়া পড়িয়া অধুনা ঐ নগরদ্বয়  
সমুদ্রতটস্থ হইতে তিন ক্রোশ অন্তরস্থ হইয়াছে। খৃষ্টি-  
ব্দের ২০০ বৎসর পূর্বে নীল-নদীর মুখ-নিকটে সমু-  
দ্রের একটা বৃহৎ খাড়ি ছিল; পূর্বোক্ত কারণে তাহা  
ক্রমশঃ হ্রদরূপে পরিণত হয়; পরে বালুকাদ্বারা পরি-  
পূর্ণ হইয়া এইরূপে লুপ্ত প্রায় হইয়াছে। ইউরোপখণ্ডে  
রীণ, রোণ ও পো-নদীর মুখে প্রস্তাবিত প্রকারে অল্পকাল-  
মধ্যে অনেক ভূমি উৎপন্ন হইয়াছে। পূর্বকালে শেষোক্ত  
নদীর মুখে সমুদ্র তটে আড়িয়া নামক এক নগর ছিল;

অধুনা তাহা সমুদ্রহইতে ১০ ক্রোশ অন্তরস্থ হইয়াছে।  
অপর এতদ্বিষয়ের প্রমাণ নিমিত্ত অতি দূরে ভ্রমণ করিবার  
আবশ্যক নাই, প্রায় আমাদিগের গৃহদ্বারেই ইহা  
স্বষ্ট প্রতীতি হয়। ভাগীরথীর গর্ভে অহরহঃ চর উৎপন্ন  
হইতেছে। কলিকাতার সম্মুখস্থ শিবপুরের চর পঞ্চান্ন  
বৎসর মধ্যে উৎপন্ন হইয়াছে। অন্যান্য অনেক চর-  
ও এতদ্রূপে অল্পকালসমুত। গঙ্গাসাগর-সঙ্গমে তথা মেগনা  
ব্রহ্মপুত্রাদি নদীর সাগর-সঙ্গমে দ্বীপ-সকল এই প্রকারে  
উৎপন্ন হইয়া থাকে। ভূতত্ত্বানুসন্ধায়ীরা কহেন বঙ্গ-  
দেশের দক্ষিণ-ভাগস্থ-সমস্ত স্থল এই প্রকারে উদ্ভব হই-  
য়াছে। সে কথা অপ্রমাণ নহে।

ভাগীরথীতটস্থ গ্রামাদির নামেতেই তাহার প্রসঙ্গ আ-  
ছে। শুখসাগর (শুক সাগর), চাকদ (চক্রদ্বীপ বা চক্রা-  
কার দহ), নদীয়া (নবদ্বীপ), অগুদ্বীপ, ডুরদহ, নলদী  
(নলদ্বীপ), নলডাঙ্গা, ভোলাডাঙ্গা, হাঁসখালী, গোয়াখাল,  
প্রভৃতি নগর-সকল নব্য সমুত, ইহা সাগর, দ্বীপ, দহ,  
খাল, ডাঙ্গা শব্দেই ব্যক্ত হইতেছে। নবদ্বীপ প্রথম  
চর, পরে দ্বীপরূপে সমুত; তদনন্তর নদীতটের এক  
ভাগে সংলগ্ন হয়। কিন্তু তৎপরে নদীর একাংশে ক্রমা-  
গত অবস্থান করে নাই। ভাগীরথী কদাপি তাহার  
পূর্ব কখন বা পশ্চিম পার্শ্ব দিয়া প্রবাহিত হইয়া থাকে।  
অন্যান্য স্থান সম্বন্ধেও এই নিয়ম সপ্রমাণ হইতে পারে।

অপর এতদেশ নূতন সমুত তদ্বিষয়ে এতদেশের মৃত্তিকা  
এক বলবৎ প্রমাণ। সপ্তদশ বৎসর হইল তাহা আশ্চর্য-  
রূপে প্রমাণীকৃত হইয়াছিল। কলিকাতার অধঃস্থ মৃত্তিকা  
কীদৃশ এবং তাহার কত নিম্নে জল পাওয়া যা-  
ইতে পারে নিরূপণ-করণার্থে ১২৪৪ বঙ্গাব্দে ইংরাজ রা-  
জপুরুষদিগের অনুজ্ঞায় বোমা নামক যন্ত্রদ্বারা উইলিয়ম-  
দুর্গের মধ্যে এক স্থান খাত হইয়াছিল। তাহাতে ব্যক্ত হয়  
যে তখাকার ৬৬০ হস্ত নিম্ন পর্য্যন্ত প্রথম স্তরে সাধারণ  
মৃত্তিকা আছে; তন্নিম্নে একস্তর নীলাক্ত ঈষৎ আঠাবিশিষ্ট  
মৃত্তিকা; তাহা যত নিম্নস্থ হয় ততই ঘোর বর্ণের দৃষ্ট হয়,  
এবং ২০ অবধি ৩৫ হস্ত নিম্নস্থ হইতে তাহার সহিত মিশ্রিত  
অনেক বোদ মাটি \* কাষ্ঠখণ্ড ও এক খণ্ড অস্থি নির্গত

\* এক প্রকার কৃষ্ণবর্ণ মৃত্তিকা যাহাতে অগ্নি সংযোগ করিলে প্র-  
জ্বলিত হয়। ফলতঃ তাহা এক প্রকার গলিত কাষ্ঠ। পৃথকীণী খনন  
সময়ে প্রায় ইহা প্রাপ্ত হওয়া যায়।



হইয়াছিল। যে সকল কাষ্ঠ খণ্ড নির্গত হয় তাহার অধিকাংশ রক্তবর্ণ, এবং প্রসিদ্ধ উদ্ভিদদ্বারা জীযুক্ত ওয়ালিক সাহেব কহেন যে তাহা সুন্দরি-কাষ্ঠ। কলিকাতার পূর্বাংশ-লক্ষ্মী নদী ও ইটালীর খাল খনন সময়ে, তথা কুপ পুষ্করিণ্যাদি খনন সময়েও, উক্ত প্রকার বোদ মাটি নির্গত হইয়াছে, ইহাতে স্পষ্ট বোধ হয় কলিকাতার ২০ হস্ত নিম্নে কলিকাতার দক্ষিণস্থ সুন্দরবনের ন্যায় এক বন ছিল; নদীদ্বারা আনীত মৃত্তিকা বা সমুদ্রোচ্ছ্বস্ত বালুকা বা উভয় পদার্থদ্বারা আচ্ছাদিত হইয়া তাহা বোদ মাটিরূপে পরিণত হইয়াছে। যে অস্থি খণ্ড প্রাপ্ত হইয়াছিল তাহা উক্ত বনের কোম পশুর হইবেক; কিন্তু সেই পশুর জাতি নিরূপিত হয় নাই।

অতঃপর ৭৫০ হস্ত স্থূল এক স্তর চূর্ণ-মাটি (চূর্ণবিশিষ্ট মৃত্তিকা), এবং তাহার সহিত অনেক কঙ্কর ও স্থানে ২ দুই এক টা স্থূলজ শযুক মিশ্রিত আছে। তৎপরে এক স্তর ঈষদ হরিদ্বর্ণ মৃত্তিকা; স্তরের নিম্নদেশে ঐ বর্ণ লুপ্ত হয়, ও তথায় কিঞ্চিৎ কঙ্কর দৃষ্ট হয়। তদনন্তর ৩০ হস্ত বেলিয়া মাটি, তৎপরে কিঞ্চিৎ চিকুন মৃত্তিকার পর দুই হস্ত স্থূল এক স্তর অদৃঢ় বেলে পাথর। তাহার পর ভিন্ন ২ পদার্থবিশিষ্ট কয়েক স্তর মৃত্তিকা; তৎপরে ২৩২ হস্ত নিম্নে বেলিয়া মাটির এক স্তরমধ্যে এক খণ্ড অস্থি দৃষ্ট হইয়াছিল। প্লিন্সেপ সাহেব অনুমান করিয়াছিলেন, তাহা কোন কুকুর জাতীয় পশুর বাহুর অস্থি হইবেক। অপর তৎস্থানহইতে ৮ হস্ত নিম্নে দুই টি অস্থি ছিল, তাহা কচ্ছপের খোলার ন্যায় বোধ হয়। তদনন্তর ১০ হস্ত নিম্নে অপর এক অস্থি ছিল; কিন্তু তাহা খনন করিবার যন্ত্রের স্পর্শে চূর্ণ হইয়া যায়। ভূমির উপরিভাগ-হইতে ২৫৩ হস্ত নিম্নে এক স্তর চূর্ণবিশিষ্ট মৃত্তিকা (চূর্ণ মাটি) আছে, তাহা অতি স্থূল নহে; কিন্তু তাহাতে শযুক মিশ্রিত আছে। তৎপরে পূর্বাংশ বোদ মাটির ন্যায় পদার্থের এক স্তর দৃষ্ট হয়, তাহার নিম্নহইতে পাথরিয়া করলা নির্গত হইয়াছিল। তদনন্তর কএক স্তর কঙ্করময় মৃত্তিকা ৩১২ হস্ত গভীর স্থান পর্যন্ত ব্যাপিয়া আছে, এবং তাহার মধ্যে ২ কএক খণ্ড অস্থি দৃষ্ট হইয়াছিল। ৩১০ হস্ত নিম্নে হইতে এক খণ্ড কাষ্ঠ নির্গত হয়; এবং ৩২০ হস্ত স্থানে বোমা যন্ত্র ভগ্ন হওয়ার্তে এই অনুসন্ধানের শেষ হয়।

এই খনন-কার্য-দ্বারা স্পষ্ট প্রতীত হইতেছে যে কলিকাতা যে স্থানে স্থিত তদুপরি ক্রমাগত অন্ততঃ ৩২০ হস্ত

পরিমিত মৃত্তিকা জমিয়াছে; সুতরাং ইহাতে এই জিজ্ঞাস্য হইতে পারে, যে সময়ে ঐ মৃত্তিকা জমিয়াছিল, তখন কলিকাতার ভূমি কোথায় ছিল? পরীক্ষাদ্বারা সপ্রমাণ হইয়াছে, যে সমুদ্রের জলসীমাহইতে কলিকাতা অধুনা ১২ হস্ত উচ্চ, অতএব ইহা অবশ্যই স্বীকার করিতে হইবে, যে যখন ঐ মাটি জমিতে আরম্ভ হয়, তখন কলিকাতা সমুদ্র-গর্ভে ৩০৮ হস্ত জলের নিম্নে অবস্থিত ছিল; সুতরাং তৎকালে তাহার চতুর্দিকস্থিত সমস্তই সকলও তদবস্থায় থাকা সম্ভবে। অপর অত্যন্ত নিম্ন স্থানে যে সকল অস্থি দৃষ্ট হইয়াছে, তাহা জলজজীবের দেহজাত বোধ হয়, অতএব তাহা ও কলিকাতার সমুদ্র-গর্ভমধ্যে থাকার এক প্রমাণস্বরূপ গ্রহণ করিতে হইবে।

এবিষয়ে অপর এক প্রমাণ আছে। গঙ্গাসাগর-সম্মুখে যে স্থানে গঙ্গার জল শতধারা হইয়া সমুদ্রগামি হয় তথায় অন্তলস্পর্শ সমুদ্রের শতাধিক ক্রোশ স্থানে ৬-৭ ধনু-পরিমাণের অধিক জল নাই; সমুদ্রের গর্ভ ঐ স্থানে কি প্রকারে পূর্ণ হইতেছে, ইহা অনুসন্ধান করিতে হইলে অবশ্যই স্বীকার করিতে হয়, যে নদীদ্বারা আনীত মৃত্তিকা ভিন্ন অন্য কোন পদার্থে এই ঘটনা সম্ভবে না। এবল্লুকারে ঐ স্থান পূর্ণ হইতে ২ ক্রমশঃ চর, দ্বীপ, ও অবশেষে বঙ্গদেশে সংলগ্ন হইয়া তাহার এক অংশমধ্যে পরিণত হইবে। সুন্দরবন এই প্রকারে সঞ্চিত হইয়াছে, ইহাতে সন্দেহ কি? তাহার কোন ২ স্থান নিম্ন বেলিয়া অদ্যাপি শুষ্ক হয় নাই। তৎস্থানকে লোকে বাদা শব্দে কহে। কলিকাতা যে এক সময়ে বাদার এক অংশ ছিল, ইহার প্রমাণ লেখা বাহুল্য; পরন্তু জিজ্ঞাস্য বর্তমান কলিকাতার ৩০ হস্ত নিম্নে বন্য পশুর অস্থি ও সুন্দরি কাষ্ঠ ও ৩ হস্ত স্থূল গলিত কাষ্ঠের স্তর কি প্রকারে আইল? কলিকাতার ভূমি সমুদ্রের জলসীমাহইতে ১২ হস্ত মাত্র উচ্চ, অতএব ঐ সকল বস্তু কি ১৮ হস্ত জলের নিম্নে সমুদ্র-গর্ভে হইয়াছিল? কি শুষ্ক ভূমিতে উৎপন্ন হইয়া পরে জলে নিমগ্ন হইয়াছে? ২০৪ পাত্রে উক্ত হইয়াছে কচ্ছ দেশে ভূমিকম্পদ্বারা ভূজ নগর ও রঙ্গ নামক হুদ জলে নিমগ্ন হইয়া যায়। কলিকাতা ও তদুপরি স্থান কি তদ্রূপ কোন কৌণ্ডপাতে বসিয়া গিয়াছে? এই সকল প্রশ্নের উত্তর পরম রহস্য আখ্যান, কিন্তু সন্মুখি তদ্বিষয়ে আমাদিগকে সন্তুষ্ট থাকিতে হইল।

## কণিকাসমুচ্চয়।

দ্বারপাল-পালকদিগের প্রতি কটাক্ষ।

টালি দেশস্থ এক জন ভূস্বামী আপন উদ্বাহোপলক্ষে এক মহা ভোজের উদ্যোগ করিয়াছিলেন, তাহাতে সকলেই প্রস্তুত হইয়াছিল, কেবল পঞ্চভূতের মধ্যে বক্রণ মাত্র ঐ সমারোহ-সম্বন্ধে বক্র হইয়া মৎস্যের বিষয়ে আনুকূল্য করেন নাই। এমত সময়ে যজ্ঞের দিবস প্রাতে এক জন ধীবর হঠাৎ এতাদৃশ বৃহৎ একটা মৎস্য লইয়া সমাগত হইল যে তাহাতেই সকল কর্ম নির্বাহ হইতে পারে। সকলেই হর্ষান্বিত হইয়া তাহাকে তৎক্ষণাৎ কর্মকর্তার নিকট লইয়া গেল। ধনী ধীবরকে জিজ্ঞাসা করিলেন; “তোমার মৎস্যের মূল্য কি? তুমি যাহা চাহিবে তাহাই পাইবে”। ধীবর কহিল; “একশত বেত্রাঘাত; ইহার কিঞ্চিৎমাত্র ন্যূনাতিরেক হইবেক না”। গৃহস্বামী ও তাঁহার সভাসদগণ এই বাক্যেতে আশ্চর্য্যান্বিত হইয়া বিস্তর যত্ন করিল, কিন্তু ধীবর একশত বেত্রাঘাত ব্যতিরেকে কোন ক্রমেই মৎস্য পরিত্যাগ করে না, তখন ধনী কি করেন, বিরক্ত হইয়া কহিলেন, “মৎস্য আমাদের লইতেই হইবেক, ও বেটাতো উন্মাদগুস্ত, আপন পণ ছাড়িবেক না, সুতরাং আমাদিগের সমক্ষে ধীরে ২ ইহাকে প্রার্থিত মূল্য প্রদান করহ”। এবদ্বিধায় পঞ্চাশৎ বেত্রাঘাত ধীবরের পৃষ্ঠদেশে অপিত হইলে পর সে চীৎকার করিয়া উঠিল “ক্ষান্ত হও! এ বিষয়ে আমার এক জন সহযোগী আছে; উচিত যে সে ব্যক্তি তাহার কৃত্যংশ প্রাপ্ত হয়; আমি তাহাকে বঞ্চিত করিতে চাহি না”। ধনী প্রভৃতি সকলেই সবিম্বয় হইয়া কহিলেন; “জগন্মের মধ্যে এমত অবোধ

কি আর অন্য জন আছে? ভাল তাহার নামোল্লেখ কর, এই দণ্ডেই তাহাকে আনয়ন করা যাইবেক”। ধীবর প্রত্যুত্তর দিল; “ভিন্নমিতে বিস্তর কেশ লইতে হইবেক না; সে ব্যক্তি আপনকার প্রহরি কাপে দ্বারে দণ্ডায়মান আছে; বিক্রীত মূল্যের অর্দ্ধাংশ অঙ্গীকার না করাইয়া সে কোন ক্রমে আমাকে এ পর্যন্ত আনিতে দেয় নাই”। ধনী কহিল, “ভাল, তাহাকে শীঘ্র লইয়া আইস, এবং তাহার কৃত্যংশ তাহাকে ক্ষোভ শূন্য হইয়া দেহ” ইহাতেই প্রহরিকে যথা সমাদরে তাহার প্রার্থনীয় অংশ প্রদান পূর্বক ধীবরকে যথেষ্ট পুরস্কার প্রদান পুরঃসর বিদায় করিয়া দিলেন।

রাজা এবং বাজপক্ষী।

পারস্য ইতিহাস-বেত্তারা কহে যে তাহাদিগের এক জন সম্রাট মৃগয়ার্থী হইয়া আপন হস্ত-স্থিত বাজ-পক্ষিকে বন্ধন মুক্ত করিয়া একটা মৃগের পশ্চাৎ ধাবমান করাইলেন। সে তাহাকে ধরিয়া বধ করিল; রাজা স্বয়ং স্ববেগে মৃগ-পশ্চাৎ অশ্বোপরি ধাবমান হইয়া সমভিব্যাহারিগণ ছাড়া হইয়া একাকী হইয়াছিলেন, ও পথে মৃগয়ার শূমে অতিশয় তৃষ্ণাতুর হইয়া বারি-সন্ধান করিতে ২ দেখিলেন, পর্বতক-পার্শ্ব দিয়া নির্ঝর বারি নিক্ষিপ্ত হইতেছে; ইহাতে আপনার পার্শ্বহইতে একটা পানপাত্র বাহির করিয়া তাহা তথায় ধৃত করাতে কিয়ৎকাল বিলম্বে ঐ পাত্র পরিপূর্ণ হইল। রাজা জলপানার্থে হস্তোপস্থিত করিলে বাজ পক্ষাঘাতে পানপাত্র ভূমিতে নিক্ষেপ করিল। তাহাতে রাজা যথেষ্ট বিরক্ত হইয়া পুনর্বার পর্বতের পার্শ্বে ঐ পাত্র ধরাতে তাহা ক্ষণকাল বিলম্বে বারিতে পরিপূর্ণ হইলে, পুনর্বার জলপানে প্রবৃত্ত হইবামাত্র বাজ দ্বিতীয়বার পক্ষাঘাতে সম-দয় জল ভূমিতে ফেলিয়াছিল। একে তৃষ্ণায় ক্ষিপ্ত



প্রায় তাহাতে আবার জলপানে বারম্বার বঞ্চিত হওয়াতে নৃপতি নিরতিশয় ক্রোধে পক্ষিকে বল-পূর্বক ভূমিতে আশ্রিত করত তাহার বিনাশ করিলেন; ইতোমধ্যে রাজ-সহচর জনৈক ভৃত্য নিকটে উপস্থিত হওয়াতে নৃপতি সহজেই তৃষ্ণাতুর এবং পূর্বমত অপেক্ষাকৃত জল সঙ্গুহে বিলম্ব বিবেচনায় তাহাকে পর্তোপরি হইতে ঐ রম্য বারি আনিতে আজ্ঞা প্রদান করিলেন। সে তৎক্ষণাৎ পর্তোপরি আরোহণ করিয়া দেখিল একটা পুকাণ্ড অঙ্গুর সপের মত কায়া তথায় পড়িয়া রহিয়াছে, এবং ঐ বিষধরের বিষসমূহ বারিতে সংলিপ্ত হইয়া ঐ অমৃতময় বারি শিখর প্রান্তস্থিত হইতে বারগার ন্যায় নিপতিত হইতেছে। ভৃত্য তদৃষ্টে ভয়ে রাজাকে সমুদয় বৃত্তান্ত শ্রবণ করাইয়া স্বীয় তোষদানহইতে এক পাত্র জল পরিপূর্ণ করিয়া তাহাকে প্রদান করিল। ভূপতির জলপান সময়ে চক্ষুর্দ্বয়ে ক্লেভ-বারি পতন হইতে দৃষ্ট হইয়াছিল, ও পরে তিনি ঐ ভৃত্য-সন্নিধানে পক্ষির অদ্ভুত ক্রমতা বর্ণন পূর্বক স্বীয় আবিবেকতা ও অসহিষ্ণুতার প্রুতি ধিক্কার করিতে লাগিলেন। পারস্য জাতি-য়েরা কহে, যে ঐ ভূপতি শোক শরবদ্ধ হইয়া অবশিষ্ট জীবন যাতনায় যাপন করিয়াছিলেন।

### নীতি রেণু।

**ব**ুদ্ধি দাত্ত্বস্বরূপ, এবং ক্রীড়া দাত্ত্ব শান দেওনের তুল্য। যে ব্যক্তি অহরহঃ ক্রীড়ায় কালযাপন করে, দিবা রাত্রি শিলায় দাত্ত্ব স্বর্ণকারির ন্যায় সে ধান্য ছেদনের কাল বৃথা ক্ষেপণ করে। যে ব্যক্তি দাত্ত্ব প্রুশাণে বিরত হইয়া ক্রমাগত ধান্যছেদন করে, তাহার

দাত্ত্ব যাদৃশ অকর্মণ্য, ক্রীড়ায় একান্ত বিমুখ ব্যক্তির বুদ্ধিও ত্বরায় তাদৃশপ্রায় হয়। অপর যে ব্যক্তি উপযুক্ত কালে দাত্ত্ব প্রুশানন ও ধান্য-ছেদন করিয়া থাকে, সে যাদৃশ সৎফলভাগী, ক্রীড়া ও বিদ্যানুশীলনে নিয়মিত সময় নিয়োগ করিলেই মানবলীলায় তাদৃশ সুখ-সম্ভাবনা।

তুমি কি পরম ঐশ্বর্যশালী? তুমি কি অপূর্ব রূপবান? তোমার বুদ্ধি কি অত্যন্ত প্রুথরা? তদীয় বল কি অপার্যাপ্ত? ভাল, সাবধান, যেন ঐ সমস্ত সম্পত্তি বৃথা ব্যয় হয় না; এবং যাঁহার কর্তৃত্বে তাহা প্রাপ্ত হইয়াছে তাঁহার প্রুতিবন্ধনে ত্রুটি না হয়।

তম আপন অভিপ্রায় আপনিই নষ্ট করে, কেননা মান্য ও মহতের মধ্যে গণ্য হইব, এই অভিলাষে মতগর্বিত হইয়া ঘৃণিতই হইতে হয়।

বিদ্যা-বিষয়ক বাক্য কেবল উপযুক্ত সারবৎ ভূমিতেই অঙ্কুরিত হয়, সেহ বাক্য যথা তথা পতিত হইলেই উপকারী, কুত্রাপি নষ্ট হয় না।

মহদ্ব্যক্তি আপন কৃত সৎকর্মের গণনা করেন না, এবং বিবেচক ব্যক্তি আপন কর্তব্য সৎকর্মের সঙ্খ্যা করেন না।

আমাদিগের কম্পনা-মন্দ হইলেও কোন চিহ্ন থাকে না ও ভাল হইলেও কোন ফলদায়ক হয় না, দুর্ভাগ্যদ্বারা আমাদিগের ধন নষ্ট হইতে পারে, হিংসায় আমাদিগের সুখ্যাतिकে সকলক্ষ করিতে পারে, বিপদে দৃঢ় প্রুতিজ্ঞার হানি করে, পীড়া সুস্থতার বিনাশ করে, মৃত্যু বন্ধুদিগকে অপহরণ করে, কিন্তু কিছুতেই সুকৃতি বিলুপ্ত হইবার নহে।



## বিবিধার্থ-সঙ্গুহ,


অর্থাৎ

পুরাতত্ত্ব-ইতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

২ পর্ব]

শকাব্দ ১৭৭৫, কার্তিক।

[২৩ খণ্ড।



পারস্য-দেশের উররাঞ্চলস্থ সুবাহানিয়া নগরী।

### পারস্য-দেশের বিবরণ।

**প**থিবীর প্রাচীন রাজ্য-সকলের মধ্যে পারস্য-দেশ সর্বতোভাবে অগুণ্য; বিশেষতঃ তাহার পূর্বতন ইতিহাস নানা প্রকারে সম্ভাষিত হওয়াতে

তদ্বিষয়ক বিবরণ জন-সমাজে বিশেষ সমাদরণীয় হইয়াছে। ইহার প্রাচীনত্ব সম্বন্ধে কএক বৎসর হইল লেয়ার্ড নামক জনৈক সাহেব এক আশ্চর্য্য প্রমাণ প্রদর্শন করিয়াছিলেন। তিনি পারস্য-দেশের পশ্চিমাঞ্চলে এক মৃত্তিকার স্তম্ভ খনন করি-



যা কিয়দূর নিম্নে এক নগর দর্শন করেন; তাহা পূর্বতন কালে “নিনিবে” নামে বিখ্যাত ছিল। তন্নগরের ৪৭ হস্ত নিম্নে তিনি অপর এক নগর দেখিয়াছেন; তাহা কোন মতে যৎসামান্য নহে। তত্রত্য অউালিকা ও দুব্যাদি দেখিলে বিস্ময়াপন্ন হইতে হয়। অপরাপর-পদার্থ-মধ্যে তথা-হইতে হস্তিদন্ত-নির্মিত যে কএক টি পুত্তলিকা প্রাপ্ত হইয়াছিল, তদৃষ্টে পূর্বতনকালীয় তত্রত্য প্রজাদিগের সভ্যতা ও সম্পত্তিশালিত্ব বিষয়ে উত্তম প্রতীতি জন্মিতে পারে।

প্ৰস্তাবিত দেশের প্রকৃত নাম “ইরাণ”। তত্রত্য ও তৎপ্রতিবাসি রাজাদিগের সমরানুরাগিতা প্রযুক্ত তদেশের চতুঃসীমা স্থিরীকৃত নাই; রাজাদিগের জয়পরাজয়ানুসারে সীমার অহরহঃ হ্রাস বৃদ্ধি হইয়া থাকে। পরন্তু ইহার প্রকৃত সীমা উত্তরে কুকেসস পর্বত, কাঙ্গায় হ্রদ ও আমু নদী; দক্ষিণ-সীমা পারশ্য খাড়ি ও আরব্য সমুদ্র; পূর্ব-সীমা, আফগানিস্তান-দেশ; ও পশ্চিম-সীমা করাৎবা ইউফ্রেটিস নদী। এই চতুঃসীমা-বহির্ভূত স্থলের অধিকাংশ পর্বত ও মরুভূমিতে পরিপূর্ণ। ইহার পূর্বাঞ্চলে জেরা-হ্রদ নামক এক বৃহৎ হ্রদ আছে; কাবুল নগরের সন্নিকটস্থ পর্বতজাতা হৈলমন্দ নাম্নী এক সুদীর্ঘা নদী তাহাতে আসিয়া মিলিতা হয়। অপর টিগিসনাম্নী প্রসিদ্ধা নদীও এই দেশান্ত্রিত। পারশ্য-দেশে উক্ত নদীদ্বয়ই প্রধান; অপর যে সকল নদী আছে তাহারা যৎসামান্য; তাহাতে জাহাজ যাতায়াত করিতে পারে না।

সিন্দু-নদের মুখহইতে পারশ্য-খাড়ির মুখ-পর্যন্ত সমস্ত স্থান বালুকাময় মরুভূমি; তাহার মধ্যে ২ ক্ষুদ্র ২ নদী আছে, তন্তটবার্ত্তি স্থানে ২ খজুর-বৃক্ষের উপবন ও গুম-নগরাদি দৃষ্ট হয়।


অপর প্ৰস্তাবিত দেশের মধ্যভাগে এক বিস্তীর্ণ মরুভূমি আছে; তথাকার মৃত্তিকা বালুকাপূর্ণ, তন্মধ্যে ২ লবণাক্ত-জলের বৃহৎ অখচ অগভীর হ্রদ আছে, সুতরাং ঐ ভূমিতে বৃক্ষাদি জন্মিবাব সম্ভাবনা নাই। এই মরুভূমির বালুকা এতদূর সূক্ষ্ম যে তাহার রেণু প্রায়ঃ দৃষ্টিগোচর হয় না। এবং ভূমুপরি সমুদ্র-তরঙ্গের ন্যায় পাড়িয়া আছে; বেগে বায়ু-সঞ্চালিত হইলেই তাহা জন-তরঙ্গের ন্যায় সঞ্চালিত হইতে থাকে, ও বায়ু-বেগের গুরুতাক্রমে মধ্যে ২ মেঘাকারে উথিত হইয়া দেশের বহুদূর-পর্যন্ত আচ্ছন্ন করে। গীষ্ম-কালে বায়ু বেগবান হইয়া থাকে, এবং তদ্বারা এই বালুকার মেঘ উঠিয়া তত্রত্য জীবজন্তুর অনিষ্ট করে; কিন্তু আরব-দেশে এই সিমূম-নামক বায়ু যাদৃশ ভয়ানক প্ৰস্তাবিত দেশে তদ্রূপ নহে। এই পূর্বোক্ত দুই বিস্তীর্ণ মরুভূমি ব্যতীত পারশ্য দেশের প্রায়ঃ সর্বত্র পর্বত, উপত্যকা ও অধিত্য-কার ব্যাপ্ত, এবং তথাকার মৃত্তিকা উর্বরা ও নানাবিধ শস্যাদি সমুৎপত্তির উপযুক্ত।

বিস্তীর্ণ দেশের বায়ু সর্বত্র সমান হয় না, বিশেষতঃ পারশ্য-দেশ পর্বতে পরিপূর্ণ হওয়াতে তত্রত্য প্রদেশ সকলের বায়ু অত্যন্ত ভিন্ন ২ বোধ হয়। তথাকার দক্ষিণাঞ্চলস্থ কর্মান, খাজ-স্তান, ফার্স, \* লারিস্তান ইত্যাদি প্রদেশের বায়ু অতি উষ্ণ; তথা তুরাণ, কুর্দিস্তান, আদি উত্তরাঞ্চলের দেশ অতি শীতল; অপর টিগিস নদীর নিকটস্থ নগর সকলের বায়ু শীতকালে অত্যন্ত শীতলও হয় না, ও গীষ্মকালেও অসহ্য উষ্ণ হয় না, সর্বদা সমধর্ম্যাপন্ন থাকে। এতদ্বি-ষয়ে ইম্পাহান নগর অতি প্রসিদ্ধ। তথাকার

\* বোধ হয় এই প্রদেশের নামহইতে ইরাণ দেশের নাম পা-রশ্য হইয়াছে।

বায়ু সর্বদা এমত রম্য বোধ হয়, যে তথায় বসন্তঋতু বারমাস বিরাজমান আছে বলিলে অ-ত্যুক্তি জ্ঞান হইবেক না। তত্রত্য আকাশ সর্বদাই পরিষ্কার; বৎসরে প্রায়ঃ দুই তিন সপ্তাহ ব্যতীত মেঘ-বৃষ্টি হয় না; অপর মেঘ উদ্ভিত হইলেও কদাপি ক্রমাগত দুই দিবস নভোভাগে বর্ত্তমান থাকে না। বৃষ্টি প্রায়ঃ নাই, অখচ ক্ষেত্র-সকল

অপর্যাপ্ত শস্যে, ও উদ্যান-সকল বিবিধ সুরম্য পুষ্পে, পরিপূর্ণ, ও বায়ু ঐ সুরভি সুবাসিত হইয়া জনগণকে সতত আমোদিত করিতেছে। এই কা-রণ বশতঃ তথাকার অনেকেই দ্বার অবরুদ্ধ করি-য়া গৃহমধ্যে শয়ন করে না, গৃহ-ছাদোপরি শয্যা-সংস্থাপন করত তথায় স্ত্রী-পুত্রাদি সহ রজনী যাপন করে।



পারশ্যদিগের গৃহছাদোপরি শয্যা।

পারশ্য-দেশের পর্বত-সকল অতি উচ্চ নহে, অখচ বৎসরের অধিকাংশ কাল নীহারে মগ্নিত থাকে। ঐ সকল স্থানে অনেক গুমাদিও আছে, এবং তত্রত্য মনুষ্য-সকল অত্যন্ত বলবান্ ও সমর-প্রিয়; এবং যুদ্ধ উপস্থিত না থাকিলে মৃগয়া অশ্বারোহণ মল্লযুদ্ধাদি নানাবিধ শৌর্য-ক্রিয়ায় প্রবৃত্ত থাকে। অপরাহ্নে গুমস্থ অনেকে একত্র হইয়া অশ্বারোহণ-পূর্বক শূলদ্বারা লক্ষ্যভেদ করা পারশ্য-দেশের উত্তরাঞ্চলস্থ ব্যক্তিদিগের এক প্রধান ক্রীড়া; তদ্বারা তত্রত্য জনগণেরা সম্যক্ প্রকারে শৌর্যগুণে বিভূষিত হয়। ২৪১ পৃষ্ঠে যে চিত্র মুদ্রিত হইল তাহাতে কুর্দজাতীয়দিগের

প্রতিমূর্ত্তি প্রদর্শিত আছে। তদৃষ্টে অনেকের অন্তর্ভাব ব্যক্ত হইতে পারে, “আহা! কবে বঙ্গ-দেশীয়েরা তদ্রূপ শৌর্যশালী হইবেক”।

উপত্যকা-নিবাসি ব্যক্তির পাবৃত্য লোকের ন্যায় বীর্যবান্ হয় না; তত্রত্য সুলভ শস্যে প্রতিপোষিত হইয়া অনেকেই অলস ও সুখ-সন্তোগে রত হইয়া পড়ে\*। পারশ্য-দেশে এই

\* বঙ্গ-দেশের প্রচুর শস্যশালিত্ব যে আমাদের অলসতা ও দুর্কলঙ্কের এক প্রধান কারণ, ইহা অনায়াসেই প্রমাণীকৃত হইতে পারে। যে সকল দেশে কষ্টে শস্য উৎপন্ন হয়, তথাকার লোক প্রচুর শস্যপূর্ণ-দেশীয়দিগের অপেক্ষায় অধিক বলবান্ ইহা আশ্চর্য্য অসম্ভব বোধ হইতে পারে, অখচ ভূমণ্ডলের ইতিহাস আ-লোচনা করিলে তাহা পরম সত্য বোধ হয়।




প্রথার অন্যতম নাই। তত্রত্য সমভূমি-নিবাসিরা পার্শ্বতঃ লোক হইতে অপেক্ষাকৃত দুর্বল, অলস ও সস্তোগপ্রিয়। তথাকার সম্পন্ন ব্যক্তিরা সর্বদা উপবনে বিহার করিতে অত্যন্ত উৎসুক; এই প্রযুক্ত তদেশের ইম্পাহান, তেহরান, শীরাজ প্রভৃতি প্রধান নগরের চতুর্দিকে অনেক উত্তম উদ্যান আছে; অবকাশ পাইলেই নগরবাসিরা তথায় গিয়া আমোদপ্রমোদে দিন-যাপন করিয়া থাকে। প্রস্তাবিত উদ্যানসকলে অনেক সুখাদ্য ফল উৎপন্ন হইয়া থাকে, এবং তৎফলাস্বাদনে পারস্য দেশীয়েরা বিশেষ অনুরক্ত। কথিত আছে, তথায় সর্বোত্তম আঙ্গুর ফল এক পয়সা মেরে বিক্রয় হইয়া থাকে; দাড়িম্ব, খজুর, পুভৃতি ফলসকল তদপেক্ষায় অল্পমূল্যে বিক্রীত হয়; অথচ পারস্য-দেশীয় ফলের তুল্য সুস্বাদু ফল কুত্রাপি হয় না।

পারস্য-দেশে খনিজদ্রব্য প্রচুর প্রাপ্য নহে। স্থানে স্থানে লৌহ ও সীসক প্রাপ্ত হওয়া যায়, এবং পারস্য-খাঁড়িতে মুক্তার বিনুকও ধৃত হইয়া থাকে; কিন্তু এ কোন পদার্থেরই প্রাচুর্য নাই। শিল্প বিদ্যায় পারস্য দেশীয়েরা তৎপর। মিনার কর্ম ও স্বর্ণ মণ্ডন (গিল্টি) ও গালিচা প্রস্তুত করণ, ও কিম্বাখ বুনন, তথা খড়্গাদি-প্রস্তুতকরণ-কার্যে তাহারা বহুকালাবধি বিখ্যাত আছে। তাহারা নানা প্রকার বস্ত্রও বপন করিয়া থাকে; কিন্তু তাহা ভারতবর্ষীয় বস্ত্রের তুল্য হইবেক না।

গৃহ্ম প্রধান দেশে তড়াগপুষ্করিণ্যাদি শীতল জলের আকর যে প্রকার প্রিয় হইয়া থাকে পারস্য-দেশে তাহা সম্ভবে না; প্রত্যুতঃ তথায় বাহাতে শীত নিবারণ হয় তাহাই সকলের সমাদরণীয়; পরন্তু মধ্যে মধ্যে শরীর ধোত না করিলে ও সুস্থতার হানি হয়। অতএব পারস্য-দেশী-

য়েরা উষ্ণ জলে স্নান করে, এবং সর্বসাধারণের সৌলভ্যার্থে নগরের স্থানে অতি পুশস্ত অটালিকা নির্মাণ করত তাহাতে উষ্ণ জল প্রভৃতি স্নানীয় দ্রব্য প্রস্তুত রাখে। এই প্রকার গৃহের নাম “হমাম্”। ইচ্ছা হইলেই নগরস্থ লোকে দুই পয়সা ব্যয়ে তথায় স্নান করিতে পারে ও তথাকার সূচতুর ভূতের পরিচর্যায় উত্তমরূপে সম্মার্জিত হইতে পারে। স্ত্রীদিগের নিমিত্তে পৃথক হমাম্ নির্দিষ্ট আছে। এবং তথায় প্রত্যহ অনেক স্ত্রী লোক সমাগমন করিয়া থাকে, এবং স্নান জলপান উপন্যাস শুবণ কথনাদি নানা প্রকার প্রমোদজনক ক্রিয়ায় কালযাপন করে।

নিমাজ করিবার অনুরোধে পারস্য-দেশের রাজারা অতি প্রতুষেই গাত্রোথান করিয়া থাকেন। তৎপরে দানী ও খোজাদিগের সাহায্যে বেশভূষাকরণান্তর অন্তঃপুরে আপন স্ত্রী মণ্ডলী মধ্যে বার দিয়া উপবিষ্ট হন। আমরা “স্ত্রী মণ্ডলী” শব্দ ব্যবহার করিলাম কারণ পারস্য-দেশে ধনের প্রাচুর্য্য অনুসারে লোকদিগের স্ত্রীর ও স্ত্রী বৃদ্ধি হয়, সুতরাং স্ত্রীর সঙ্গানুসারে ব্যক্তিবর্গের সম্পত্তি নিরূপণ হইতে পারে। রাজা সর্বাপেক্ষায় ধনবান ও তাহার ভার্য্যা ও ভোগ্যার সঙ্গ্যও তাদৃশ অধিক। রাজার উক্তসভায় পুরুষ উপস্থিত থাকিবার নিয়ম নাই; অন্তঃপুরের স্ত্রীমণ্ডলীই তথাকার প্রধান কর্মচারিণী। প্রধান স্ত্রীরা রাজনিকটে উপবিষ্টা হন, ও অপর সকলে স্ব স্ব মর্যাদানুসারে যথাযোগ্য-স্থানে দণ্ডায়মানা থাকে, এবং ঐ কামিনীবৃন্দের মধ্যে কেহ মন্ত্রিণী কেহ সভাসম্পাদিকা কেহ ভাণ্ডার-রক্ষিকা, কেহ ভাউনী ইত্যাদি ভিন্ন পদে নিযুক্তা হইয়া রাজসভার পরিচর্য্যায় নিযুক্তা হয়। এবম্প্রকারে সভায় আপন ভার্য্যা-মণ্ডলীর তত্ত্বাবধারণ, ও তাহাদের সাপত্য (সত্যসতিনী) বিবাদ-বিষয়াদে



কুদজাতীয় কৃষক শুল্কদ্বারা লক্ষ্যভেদ করণের প্রথা।

বিহিত করণান্তর রাজা বহির্বাটীতে প্রস্থান করেন। তথায় পুরুষ সচিবাদি পরিচারকে পরিবৃত্ত হইয়া রাজ-কার্যে প্রবৃত্ত হন। মধ্যাহ্নকালে রাজা অন্তঃপুরে অবস্থান করেন; এবং নিদ্রায় অনুরত না হইলে পূর্ববৎ পরিষ্কৃত অমাত্য-পরিচারিকাদি-ভার্য্যায় পরিবেষ্টিত থাকেন।

পারস্য-দেশের প্রাচীন প্রজারা “পারশী” নামে বিখ্যাত। যখন ধর্ম্ম প্রণেতৃ-মহম্মদের শিষ্যেরা তাহাদিগের অনেককেই মোসলমান ধর্মে দীক্ষিত করে; যাহারা ঐ ধর্ম্ম গৃহণে অস্বীকার ছিল, তাহারা মোসলমানদিগের দৌরাভ্য হইতে প্রাণ রক্ষা করণাভিপ্রায়ে দেশ পরিত্যাগ করত বিদেশে পলায়ন করে; এবং তথায় অদ্যাপি পারশী নামে বিখ্যাত থাকিয়া কালযাপন করিতেছে।

### কাদম্বরী গৃহের সারসঙ্গ্রহ।

কপিঞ্জল আরো কহিতে লাগিল; “উহারি মিত্র বৈসম্পায়নকে তুমি শাপাগ্নিদ্বারা দক্ষ করিয়াছ। তিনিই আমার মিত্র পুণ্ডরীকের অবতার। এক্ষণে আমার শাপান্ত হইয়াছে, আমি মহর্ষি শ্বেতকেতু মহাশয়ের সমীপে সমাচার দিতে যাইতেছি”। মহাশ্বেত কপিঞ্জল প্রমুখাৎ এ সমস্ত বৃত্তান্ত আদ্যোপান্ত শুবণ করিয়া অতিশয় আর্তনাদ করত রোদন করিতে লাগিল। তখন কপিঞ্জল মহাশ্বেতকে নানা প্রকার আশ্বাস বাক্যে সান্ত্বনা করিয়া কহিলেন; “মহাশ্বেতে! কেন আর নিরর্থক রোদন কর। চন্দ্র ও পুণ্ডরীক পরম্পর শাপাশাপিতে এক জন্ম তো কাটাইলেন। এখন তাহাদের দ্বিতীয় জন্ম হইয়াছে। ভাবনা কি? অবিলম্বেই কাদম্বরী ও তুমি উভয়েই প্রিয়সমাগম-সুখভোগ করিতে পারিবে”। অনন্তর কাদম্বরী, কপিঞ্জল সমীপে জলমগ্না পত্র-



লেখার বৃত্তান্ত জিজ্ঞাসিলে পর তিনি কহিলেন “যৎকালীন আমি অশ্বকপে সরোবরে; পতিত হই তদবধি এ পর্য্যন্ত পত্রলেখার বা অন্য কাহারো কোন বৃত্তান্ত বলিতে পারি না, বিশেষ তথ্য জানিবার জন্যেই আমি সত্বর শ্বেতকেতুর নিকটে বাইতেছি। এই কথা কহিতেই কপিঞ্জল তৎস্থানহইতে আকাশমার্গে চলিয়া গেলেন।

এখানে মহাশ্বেতা পূর্ববৎ তপস্যায় এবং কাদম্বরী চন্দ্রাপীড়দেহশুদ্ধায় তৎপর রহিলেন। কাদম্বরীকৃতসপর্য্যাবলে শবের কান্তি দিনে ২ বর্দ্ধমান হইতে লাগিল। এদিকে রাজা, রাজ্ঞী, শুকনাস, ও মনোরমা এ সমস্ত বৃত্তান্ত লোক মুখে শুবণ করিবামাত্র নন্দারাম এক কালে জলাঞ্জলি দিয়া “হা প্রাণাধিক চন্দ্রাপীড়! হা প্রিয়তম বৈসম্পায়ন!” বলিয়া বন্ধে করাঘাত করিতে ২ মহাশ্বেতার আশ্রমে আসিয়া উপস্থিত হইলেন; এবং দেখিলেন যে কাদম্বরী মৃত রাজপুত্র চন্দ্রাপীড়ের গাত্রে অগুরু চন্দন প্রভৃতি নানাবিধ সুগন্ধি দ্রব্য অনুলেপন ও বিবিধ সুরভি কুসুমময় মাল্যে সুশোভিত করিয়া পূজা করিতেছেন। ইহাতে তাহার কাদম্বরীকে “তুমিই আমাদের পুত্রের জীবন দানের কর্তী” বলিয়া অচ্ছাদ সরোবরের তীরে যোগসাধনে তৎপর রহিলেন। এতাবৎ পর্য্যন্ত আখ্যায়িকা কহিয়া জাবালি কহিলেন “শুন হারীত! মহাশ্বেতা যাহাকে শাপ দিয়া শুক যোনিগত করিয়াছে সে এই। পূর্বে এ দেবলোকে থাকিত; কর্মদোষে মর্ত্যলোকে আসিয়া শুকনাসের পুত্র বৈসম্পায়ন হইয়াছিল; পরে মহাশ্বেতার শাপে পাড়িয়া শুক হইয়াছে। শুক শূদুকসমীপে এই পর্য্যন্ত কহিয়া পুনর্বার সবিনয়ে নিবেদিতে লাগিল, “শুবণ কর, ভূপাল চূড়ামণে শূদুক! জাবালির প্রমুখাৎ আমি আপন সমস্ত বৃত্তান্ত কর্ণ-

গোচর করিবামাত্র পূর্বজন্মের তাবৎ বৃত্তান্ত, বিদ্যা, মিত্রতা প্রভৃতি স্মরণ করিতে সমর্থ হইলাম, কিন্তু কেবল আমার মনুষ্য জন্ম টি স্মরণ হইল না। আমি পুণ্ডরীক শরীরে যেমন আমি কপিঞ্জলের পুত্রি সৌহার্দ করিতাম, তখনও আমার মনে তেমনি ভাবের উদয় হইতেছিল; এবং বৈসম্পায়নশরীরে চন্দ্রাপীড় যাদৃশ পুণ্য রাখিতেন তাহাও তদ্রূপ অনুভব হইতেছিল; কিন্তু কি করি সবিনয়ে মুনি সন্নিধানে প্রার্থনা করিতে লাগিলাম; প্রভো! আপনার প্রসাদে আমার পূর্বজন্মের সমস্ত বিষয় জ্ঞান হইয়াছে, কিন্তু আমার তত্ত্বজন্মের কি গতি হইয়াছে কৃপা করিয়া বলুন। তাহাদের চিন্তায় আমার হৃদয় বিদীর্ণপ্রায় হইতেছে। মহাশ্বেতার শাপে আমার প্রাণত্যাগ হইয়াছে সংবাদ প্রাপ্ত হইয়া চন্দ্রাপীড় বুঝি এত দিনে জীবন পরিত্যাগ করিয়া থাকিবেন বোধ হইতেছে। মহাশয়! কৃপা করিয়া তিনি এক্ষণে কোথায় জন্মিয়াছেন আজ্ঞা করুন। এ তীর্থগৃহেই যদি তাহার সমীপে কিছু কাল থাকিতে পাই, তাহা হইলে আমার কিছুমাত্র কেশ থাকে না। ইহাতে জাবালি কহিলেন; “ওরে পাপাত্মন! এখনো তোর সে ভাব নিবৃত্ত হয় নাই; উড়িতে ক্ষমতা নাই; তোর এখন সে কথা শুনায় কি ফল হইবেক?” ইতিমধ্যে হারিত পিতৃসমীপে নিবেদন করিলেন; “পিতঃ! এক কথা জিজ্ঞাসা করি, এ দিব্য পুরুষ দেবর্ষিতনয় হইয়া এমত কামপরবশ ও অস্পায়ুঃ কি জন্য হইল?” ইহাতে জাবালি কহিলেন; “বৎস, জান না এ কেবল মহাবীর্যোৎপন্ন বলিয়া এ রূপ হইয়াছে; শাপ শেষ হইলে পুনর্বার অবিনাশি দিব্যমূর্তি ধারণ করত দীর্ঘায়ুঃ হইবেক”। শুন মহারাজ! এই কথা শুনিয়া আমি পুনর্বার জাবালিসমীপে জিজ্ঞাসিলাম, “কৃপানিধান! আমার এ অবস্থা পরি-

বর্ত হইয়া অবস্থান্তর কবে হইবেক আজ্ঞা করুন?” ইহাতে তিনি “ক্রমে ২ জানিতে পারিবে” বলিয়া নিস্তর হইলেন, এবং নিশাবসান দেখিয়া প্রাতঃস্নানাदि করিতে উঠিয়া গেলেন। হারিত আমারে লইয়া পর্ণশালায় রাখিলেন। আমিও তদবধি তীর্থগম্যোনি মোচনেরই চিন্তা করিতে লাগিলাম। পর দিন প্রাতে হারিত নিত্য কৃত্য সমাপনান্তে আমার নিকটে আসিয়া, ‘ভ্রাতঃ বৈসম্পায়ন! অদ্য তোমার বড় সৌভাগ্য, তোমার গাত্রোথানের পূর্বে তোমার পিতা মহর্ষি শ্বেতকেতু তোমার অধেষণে কপিঞ্জলকে এখানে পাঠাইয়াছেন, তিনি আমার পিতার নিকট বসিয়া আছেন দেখিয়া আইলাম’ এই সংবাদ দিলেন। শুনিবামাত্র তো আমি আনন্দ সাগরে মগ্ন হইলাম। ইতিমধ্যে কপিঞ্জলও আমার নিকটে আসিয়া আমাকে নিজ কর দ্বয়ে উল্লেখন পূর্বক আপন বক্ষঃস্থলে রাখিলেন, এবং কহিলেন; ‘মিত্র! আমাদের উভয়ের দুর্গতি পিতা শ্বেতকেতু যোগবলে জানিতে পারিয়া তৎপুত্রীকারে উদ্যত হইলে পর আমি অশ্বদেহহইতে মুক্ত হইয়া তাহার নিকট গমন করিয়া জিজ্ঞাসিলাম; ‘পিতঃ! তোমার প্রসাদে এখন আমি শাপোন্মুক্ত হইয়াছি, কিন্তু আমার প্রিয় মিত্র কপিঞ্জল কোথায় জন্ম লইয়াছেন, কৃপা করিয়া কহুন’। ইহাতে তিনি আমাকে কহিলেন; ‘বৎস! কিছু দিন এখানে অবস্থিতি কর, আমি তোমার মিত্র হিতার্থ কোন প্রকার বেদোক্ত আয়ুর্কর্ম করিতেছি, এক্ষণে তাহা সিদ্ধপ্রায় হইয়াছে; তন্মিত্র পুণ্ডরীক কেবল আপন দোষে শুকযোনিতে জন্মগৃহণ করিয়াছেন; এক্ষণে জাবালির আশ্রমে আছেন, অধুনা তুমি গিয়া তাহাকে চিনিতে পারিবে না; সেও তোমাকে জানিতে সমর্থ হইবে না; অতএব আপাততঃ তথায় গমন করা বৃথা, যাইবার সময়

নির্দিষ্ট করিয়া আমিই তোমাকে পাঠাইব’। পিতার এতাদৃশ প্রবোধ বাক্যে আশ্বাসিত হইয়া আমি তাহার নিকট কিছু দিন রহিলাম। অদ্য তিনি আমাকে নিকটে ডাকিয়া অনুমতি করিলেন ‘বৎস! এখন তোমার মিত্রের পূর্বজন্ম স্মৃতি হইয়াছে তিনি অনায়াসেই তোমাকে জানিতে পারিবেন, অতএব তুমি শীঘ্র তাহার নিকট যাইয়া আমার ও তাহার জননী কমনবনবানিনী লক্ষ্মীদেবীর আশীর্বাদ জানাইয়া এই সঙ্গবাদ দেও, যে পিতা শ্বেতকেতুর আয়ুর্কর্ম-সাধন-বলে তুমি অবিলম্বে মুক্ত হইবে, যাবৎ কর্ম সমাধা না হয় তাবৎ এই মহাত্মা জাবালির আশ্রমে অবস্থান কর’। অতএব মিত্র আমি তাহার অনুমতিক্রমে তোমাকে এ সংবাদ দিতে আসিয়াছি’। কপিঞ্জল ইত্যাদি সমস্ত কহিয়া প্রস্থান করিলেন। এখানে জাবালির তনয় হারিত আমাকে স্বহস্তে উত্তমোত্তম ফল মূলাদি আহার করাইয়া উত্তরোত্তর পুষ্ট করিতে লাগিলেন। পক্ষ সকল সুচাক্রপে উঠিল, উড়ীন করিতেও বিলক্ষণ পার হইলাম, এমৎ-সময়ে একদা বিবেচনা করিলাম এখন একবার মহাশ্বেতাকে নয়নগোচর করা উচিত। এই রূপ সংকল্পে স্থির করিয়া তাহার আশ্রুমাভিমুখে চলিলাম। পথিমধ্যে নিশাগম দেখিয়া এক বৃক্ষের শাখায় বসিয়া রহিলাম। প্রাতঃকালে দেখিলাম যে আমি যমপাশবৎ ব্যাধপাশে বদ্ধ হইয়া রহিয়াছি। কি করি, নিকপায় হইয়া ইতস্ততঃ নিরীক্ষণ করিতে ২ কৃতান্তকল্প এক দুর্দান্ত ব্যাধকে নিকটে আসিতে দেখিলাম। যখন সে পাশবদ্ধ আমাকে লইয়া যায়, তখন আমি তাহাকে যৎপরোনাস্তি বিনয় বাক্যে কহিতে লাগিলাম, তুমি আমাকে এ পাশহইতে মোচন করিয়া রক্ষা কর। ইহাতে সে







কি এ অবধি নীচে দৃষ্টিকরা ঘুচিল? এখন দেখিতে হইলে তোকে উপর পানেই দেখিতে হইবেক বোধ হয়”। এই রূপ উপহাস বিক্রম অনেকই করিতে লাগিল। অহমদ সমুদায় সহ্য করিয়া দণ্ডায়মান আছে।

ঘটনাক্রমে ঐ দেশের এক জন মণিবণিকের নিকট রাজার রক্ষিত এক খানি পদুরাগ মণি হারাইয়াছিল। বণিক দৈবাৎ সেখানে আসিয়া ভীড় দেখিয়া তাহার কারণ জিজ্ঞাসিল। ইহাতে একজন কহিল; “ও সেই অহমদ মুচি গো, মহাশয়”। শুনিতামাত্র মণিবণিক তথায় গিয়া তাহাকে কহিল; “ভবে বাপু, যদি তুমি গণিতে পার, তাহা হইলে আমার এক খানি চুনি হারাইয়াছে গণিয়া বল। পারিলে দুই শত খান মোহর পারিতোষিক দিব, নহিলে তোমার প্রাণ লইয়া টানাটানি হইবেক”।

এই কথাতে অহমদের মস্তকে যেন বজ্রাঘাত হইল; করে কি; সে ক্ষণকাল নিশ্চল নিষ্পন্দ হইয়া মনে মনে ভাবিতে লাগিল, হায়! যাহাকে আমি এত ভাল বাসিতাম, তাহাই হইতেই আমাকে এই বিপদে পড়িতে হইল! অনন্তর উচ্চৈঃস্বরে কহিল, “রে স্ত্রীলোক, ভাল ভাল, তোর মনে এই ছিল; যত্নের ধন হইয়া বিষবৃক্ষ হইতেও মারাত্মক ও ভয়ানক হইলি?”

এখানে মণিবণিকের স্ত্রীরসহিত অপ্রণয় ছিল প্রযুক্ত তাহার স্ত্রী তাহাকে দণ্ডিত করিবার অভিপ্রায়ে ঐ চুনি খানি লইয়া লুকাইয়া রাখিয়াছিল। মণিবণিক লোক মুখে গণকের আগমনের কথা শুনিয়া তন্নিকটে যখন গণাইতে আইসে তখন তাহার স্ত্রী জানিতে পারিয়া তাহার পাশ্চাতে এক দাসীকে তত্ত্বানুসন্ধান করিতে পাঠাইয়াছিল, দাসীও তদনুসারে তখন সেখানে উপস্থিত ছিল ও অহমদকে এক জন স্ত্রীকে লক্ষ্য করিয়া বিষবৃক্ষের সহিত

তুলনা করিতে শুনিয়া মনে মনে করিল, তবেত এ সকলি টের পাইয়াছে, অতএব একথা স্বামিনীকে জানান উচিত। অনন্তর সে উদ্ধ্বাসে দৌড়িয়া গিয়া তাহার স্বামিনীকে কহিল, “আর দেখ কি, এক জন হতভাগা গণক কোথা হইতে আসিয়া তোমাকেই প্রকাশ করিল; আমি তাহাকে প্রশ্নের উত্তর করিতে শুনিয়া আইলাম”।

মণিকারের পত্নী শুনিবামাত্র বিস্ময়াপন্ন হইয়া অস্তব্যস্তে অহমদের অনুসন্ধান বাহির হইল, ও তাহাকে কোন স্থানে একাকী দেখিতে পাইয়া তাহাকে অনেক বিনতি করিয়া কহিল, “রক্ষা কর গণকঠাকুর! আমি আদ্যোপাত্ত স্বীকার পুরস্কার কহিতেছি; আমার নান প্রাণ বাহাতে থাকে তাহার উপায় কর”।

অহমদ সবিস্ময় হর্ষে জিজ্ঞাসিল, “তুমি আমার কাছে কি স্বীকার করিবে?”

মণিবণিয়ানী কহিল, “আঃ, তুমি আমার সকল কথাই জানিয়াছ! আমার স্বামী আমাকে দেখিতে পারে না; মারি পাঠ করে, গালাগালি দেয়, বলিয়া স্বাধীনতায় আপনার গুণাস্বাদন নিবৃত্তি করিবার জন্য আমি ঐ চুনি খানি চুরি করিয়াছিলাম; আর এই মণি উপলক্ষে রাজদণ্ডে তাহার প্রাণদণ্ড হয় ইহাও আমার মনের কথা; সেযাহা হউক, ঠাকুর! এক্ষণে আমার প্রতি দয়া করিয়া আপনি যাহা আজ্ঞা করিবেন, এ দাসী তাহাতেই প্রস্তুত আছে”।

অহমদ তখন গম্ভীর হইয়া কহিল, “কি বলিব, তুমি স্ত্রীলোক! ভাগ্যে যে আমার কাছে আসিয়া তুমি সকল স্বীকার পূর্বক আমার দয়া চাহিলে; এই তোমার রক্ষা। এখন শীঘ্র বাটী গিয়া আপনার স্বামির বালিশের নীচে ঐ চুনি-খানি রাখ, আর তোমার কিছু ভয়

নাই”। এ কথায় সে বিদায় হইলে পর অহমদ মণি বণিকের নিকট উপনীত হইয়া কহিল, “গণিয়া দেখিলাম, তোমার বালিশের নীচে সেই চুনি খানি আছে”। জহরি ইহাতে বিশ্বাস না করিয়াও শয়নাগারে গিয়া দেখিল মণি খানি সেই স্থানেই আছে। প্রাপ্তিমাত্র মণিকার অহমদের নিকট আসিয়া; “তুমি আমার এ যাত্রা প্রাণ রক্ষা করিলে; আজ অবধি জানিলাম তুমিই এক্ষণকার প্রধান জ্যোতির্বেত্তা”; বলিয়া যথেষ্ট সমাদর পূর্বক প্রতিশ্রুত ২ শত সুবর্ণ মুদ্রা তাহারে পুরস্কার দিল।

এ সকল প্রশংসা ও পুরস্কারে অহমদের আমোদের লেশমাত্রও হইল না। ইহাতে সে, “এ লাভে আমোদ করিব কি ধর্ম্মে? যে আমার এ যাত্রা প্রাণ রক্ষা হইল এই লাভই পরম লাভ” বোধ করিয়া পরমেশ্বরকে ধন্যবাদ দিতে ২ বাটীতে প্রত্যগমন করিল। তাহার স্ত্রী সত্বরে নিকটে আগমনপূর্বক জিজ্ঞাসিল, “কহ গণক মহাশয়! কি হইল?” অহমদ মুখ ভার করিয়া কহিল, “দুই শত খান মোহর; সে যাহা হউক, তুমি এ সকল লও; আজি অবধি আমাকে আর এমত প্রাণসংশয়-ব্যাপারে ফেলিও না”। সেতারা তাহা দেখিয়া বিবেচনা করিল, ইহাতে আমি এখন এক প্রকারে প্রধান গণকের স্ত্রীর সমান হইলেও হইতে পারি। অনন্তর সে কহিল, “প্রিয়তম স্বামিন! সাহস কর, এ তোমার সদ্যবসায় প্রথম পরিশ্রমের ধন। ক্রমাগত এই ব্যবসায় চালাইতে ২ কালে আমরা ধনী ও সুখী হইতে পারিব”। অহমদ অনেক কাকুক্তি ও বিনতি করিতে লাগিল, কিন্তু সে তাহাতে পূর্ববৎ ভয় প্রদর্শন পূর্বক কহিতে লাগিল; “বুঝা গিয়াছে তোমার যত ভালবাসা, আজি অবধি তোমায় আমার

হইল”। অহমদ করে কি? পুনঃ সেই রূপ করিতেই সম্মত হইল; ও পরদিন পূর্ববৎ পাঁজি পুতি লইয়া পথে ২ চীৎকার করিতে ২ চলিল। লোক সকলও তদ্রূপ একত্রে তাহাকে ঘেরিল, কিন্তু সে দিন তাহার তাদৃশ জ্যোতির্ভঙ্গরূপে খ্যাতি প্রতিপত্তি প্রচার হওয়াতে সকলের মনে মনে অত্যন্ত বিস্ময় হইয়াছিল; একারণ কেহই কিছু আর পরিহাসের কথা কহে নাই; এমত সময়ে এ স্থান দিয়া একটি স্ত্রী ঘোমটা দিয়া চলিয়া যায়, ক্ষণকাল পূর্বে তাহার গলার হার, ও কর্ণের কুণ্ডল হারাইয়াছিল। সেও ঐ গণকের কথা শুনিয়া তথায় গিয়া গণককে কহিল; “আমার হার ও কুণ্ডল হারাইয়াছে, যদি গণিয়া বলিতে পার, পঞ্চাশৎ মোহর পুরস্কার পাইবে”। ইহাতে সে হতজ্ঞান প্রায় অধোমুখে দাঁড়াইয়া ভাবিতে লাগিল, “বুঝি এই বার আমার মুখতা প্রকাশ হয়”। স্ত্রীলোকটির আসিবার সময়ে ভীড়েতে কোন প্রকারে তাহার অবগুণ্ঠন-বস্ত্রের নিম্নভাগ টা ছিঁড়িয়া গিয়াছিল, অহমদের অকস্মাৎ তাহাতেই দৃষ্টি পড়িতামাত্র তাহাকে সাবধান করিবার মানসে সে তাহারে কাণে কহিল, “এ কি হইয়াছে, দেখ নাই”? অহমদ অবগুণ্ঠনের ছিদ্র দর্শন করান মাত্রই তাহার ঐ সকল দ্রব্য হারানের কথা মনে পড়িল। তখন সে স্ত্রী তাহাকে তথায় থাকিতে কহিয়া শীঘ্র তাহার পুরস্কার আনিতে গৃহে প্রস্থান করিল, ও অবিলম্বেই এক হস্তে অলঙ্কার অন্য হস্তে মোহর লইয়া তাহার নিকটে আইল, এবং কহিল, “তুমি বড় অদ্ভুত গণক! কোন গুপ্ত বিষয় তোমার নিকট অব্যক্ত থাকে না। যখন তুমি আমার ঘোমটার কাপড় ছিঁড়া দেখাইয়া দেও, তখনই যে দেয়ালের গর্তে গহনা রাখিয়া স্তান করিতে গিয়াছিলাম, তাহা আমার মনে



পড়িল; যাহা হউক এখন আমি নিশ্চিত হইয়া  
বাড়ি যাই, তুমি এই পুরস্কার লও”।

অহমদ সে দিনও পূর্ববৎ পরমেশ্বরকে ধন্য-  
বাদ দিতে ২ বাটীতে গেল, এবং মনে ২ প্রতিজ্ঞা  
করিল, আর এমত সাহসিক কর্ম কখন করিব  
না; কিন্তু তাহার স্ত্রী তাহাকে তদাসক্ত জানিয়া  
প্রদর্শনপূর্বক পর দিন পুনঃ তাদৃশ ব্যবসায়  
পাঠাইতে চেষ্টা করিতেছিল।

তৎকালে রাজার ভাণ্ডারহইতে ৪০ সিন্দুক রত্ন  
ও মোহর চুরি গিয়াছিল। নগররক্ষক কোতোয়াল  
প্রহরিগণকে লইয়া চোর ধরিতে যথেষ্ট চেষ্টা করি-  
লেও কিছু ফল দর্শে নাই। রাজা আপনার সভার  
গণকে ডাকাইয়া কহিলেন; “সুদ, গণক, যদি  
এক সপ্তাহ মধ্যে চোরের সন্ধান বলিতে না পার  
তাহা হইলে তুমি ও প্রধান মন্ত্রী উভয়ের  
প্রাণদণ্ড করিব”। সপ্তাহের ছয় দিবস অনুসন্ধান  
করিয়া কিছুই করিতে পারিল না, এক দিন মাত্র  
বাকি আছে ভাবিয়া কেহ রাজগণকে নূতন  
বিখ্যাত অহমদ গণকে ডাকাইয়া পাঠাইতে  
পরামর্শ দিলে পর রাজগণক এক জন লোক  
অহমদকে ডাকিতে প্রেরিত হইয়া হঠাৎ অহম-  
দের বাটীতে উপস্থিত হইতে সে স্ত্রীকে কহিল;  
“দেখিলি, তোর ঐশ্বর্য্যাকাঙ্ক্ষার ফল সদ্যই  
হাতে ২ ফলিল; রাজগণক আমার ব্যাপার  
শুনিয়া জুয়াচোরের দণ্ড বিধান করিবেন বলিয়া  
এ সকল লোক পাঠাইয়া দিয়াছেন”।

অহমদ তাহাদের সঙ্গেই রাজ ভবনে উপ-  
স্থিত হইবামাত্র রাজগণক অগুসর হইয়া অভ্য-  
র্থনা ও যথেষ্ট সম্মানপূরঃসর বসাইয়া নানা প্রকার  
কথোপকথন করিতেছিল, এমত সময়ে এক  
রাজদূত আসিয়া তাহাকে রাজসন্নিধানে লই-  
য়া গেল। রাজা তাহাকে কহিলেন; “কহ, অহ-

মদ! আমার কোষাগারহইতে স্বর্ণ ও রত্নপূর্ণ  
সিন্দুক কয়েকটা কে চুরি করিল”? অহমদ  
উত্তর করিল “৪০ জন”। রাজা প্রশ্ন করিলেন;  
“কে ২”? অহমদ প্রত্যুত্তর দিল “আমি এখ-  
নই সমুদায় উত্তর করিতে পারি না, চল্লিশ দিন  
গণনার সাবকাশ দিলে কহিতে পারি”। রাজা  
বলিলেন “তথাস্তু, কিন্তু ঐ নির্দিষ্ট কাল বহির্ভূত  
হইলে তোমার প্রাণদণ্ড করিব”।

অহমদ রাজাজ্ঞানুসারে ভয়ে সেই দেশ পরি-  
ত্যাগ পূর্বক স্থানান্তরে বাস করিবার মনস্থে  
সন্তুষ্ট হইয়াই ঘরে ফিরিয়া আইল। তাহার স্ত্রী  
তাহা জানিতে পারিয়া পূর্ববৎ ভয় প্রদর্শন  
পূর্বক তাহাকে তৎকর্মে নিষেধ করিতে লাগিল।  
অহমদ মৃত্যু আসন্ন ও উপায়ভাব দেখিয়া  
স্ত্রীকে কহিল “দেখ, আমি তো গণাগাঁথা কিছুই  
জানি না, তাহা জানিস; আমি ঐ ভাণ্ডে ৪০ টি  
খজুর রাখিয়াছি, উহাহইতে প্রতিদিন সন্ধ্যাকালে  
এক ২ টি করিয়া আমাকে দিস; আমি তাহা  
আর একটা পাত্রে ফেলিয়া রাখিব, তাহাতে  
মরণের অবশিষ্ট কয় দিনের কত যায় কতই বা  
থাকে তাহা জানিতে পারিব!”

এ দিকে তৎকরেরা, রাজা চোর ধরিবার জন্য  
যাহা ২ করিয়াছেন তাহার অবিকল সমাচার  
পাইয়া নিশ্চিত আছে। তন্মধ্যে এক জন চোর  
যে দিন রাজা অহমদকে ডাকাইয়া চুরির কথা  
প্রশ্ন করেন ও তাহাতে সে তাহার নিকটে যে  
চোরের সঙ্খ্যা ব্যক্ত করিয়া কহে তাহা শুনিত  
পাইয়া উদ্ধ্বাসে আপনার দলে আসিয়া সমাচার  
দিল; “আমরা সকলেই প্রকাশ পাইয়াছি।  
অহমদ রাজার নিকটে আমাদের চল্লিশ জন  
সঙ্খ্যা ব্যক্ত করিয়াছে,” ইহাতে দলপতি কহিল;  
“ইহাতে একটা গণকের আবশ্যিক কি? চল্লিশটা

সিন্দুক চল্লিশ জন নহিলে স্থানান্তর করিতে পারে  
না ইহা কল্পনা করা বড় কঠিন কর্ম নহে; পরন্তু  
আমাদের এক কর্ম করিতে হইবেক; আজি রাত্রে  
এক জন গিয়া তাহার ঘরের নিকট দাঁড়াইয়া  
থাক; অবশ্য সে এ সকল বিষয় তাহার স্ত্রীর  
জানিতে কহিতে পারে; কি কহে তাহা শুনিয়া আ-  
ইস।” এই আদেশে উহাদের এক জন চোর, সন্ধ্যা  
উত্তীর্ণ হইলে পর অহমদ ঐখরের নাম লইয়া  
বসিয়া আছে ও তাহার স্ত্রী তাহার হস্তে প্রথম  
খজুরটি দিতেছে, এমত সময়ে যাইয়া ঘরের  
পশ্চাত্তাগে দণ্ডায়মান রহিল। অহমদ খজুরটি  
হস্তে পাইবামাত্র “এই চল্লিশের একটি হইল”  
বলিয়া তাহা একটা কলসীতে ফেলিয়া দিল। চোর  
এই কথা শুনিবামাত্র আপনার দলে আ-  
সিয়া কহিল; “আমি অহমদের ঘরের কা-  
নাছে দাঁড়াইবামাত্র সে আপন স্ত্রীকে কহিতে  
লাগিল “এই চল্লিশের মধ্যে এক জন হইল”।  
দলপতি একের কথায় বিশ্বাস না হওয়াতে পর  
দিন সেই সময়ে সেখানে দুই জনকে পাঠাইয়া  
দিল। তাহারাও অহমদের দ্বিতীয় খজুর হস্তে  
পাইবার কালে তথা যাইয়া উপস্থিত হইবামাত্র  
শুনিত পাইল সে স্ত্রীকে কহিতেছে “এই চল্লি-  
শের মধ্যে দুইটা হইল। এই রূপে তৃতীয় দিনে  
তিন জনে তিনের, চতুর্থ দিনে চারি জনে চারির,  
কথা শুনিয়া দলে গিয়া কহাতে ক্রমে ২ চল্লিশ  
দিনের রাত্রিতে চল্লিশ জন চোর আসিয়া শুনিল,  
অহমদ কহিতেছে “আজি চল্লিশ পূর্ণ হইল”।

ইহাতে চোরদের সন্দেহ এককালে দূর হইল।  
অনন্তর সকলে পরামর্শ করিল “আইস, আমরা শর-  
ণাগত হইয়া ইহার সহিত বন্ধুত্ব করি, নহিলে আর  
কিছুতেই নিস্তারের পথ দেখি না”। এই স্থির করিয়া  
তাহারা প্রভাত হইবার অনতিপূর্বে অহমদের দ্বারে

গিয়া কপাটে আঘাত করিল। তাহাতে অহমদ নিদ্রার  
ঘোরে “এই বুঝি রাজপুরুষেরা আমাকে বধ করি-  
বার জন্য লইয়া যাইতে আসিয়াছে” মনে করি-  
য়া উচ্চৈঃস্বরে কহিতে লাগিল, “জানিতে পারিয়া-  
ছি; তোমরা যে জন্য আসিয়াছ তাহা বুঝিয়াছি;  
এ অত্যন্ত অন্যায় ও মন্দ কর্ম করা হইয়াছে”।

ইহাতে দস্যুদলপতি কহিল, “ভাল অনির্ভ-  
রীয় ক্ষমতাপন্ন অদ্ভুত গণক তুমি হইয়াছ! আ-  
মরা যে জন্য আসিয়াছি তাহা যে তুমি অবগত  
আছ আমরা বুঝিয়াছি। এই ক্ষণে এই দুই সহস্র  
স্বর্ণমুদ্রা দিতেছি, লও, আমাদের এ বিষয়ের  
কোন কথা আর মুখে আনিও না”। অহমদ  
একে পায় আরে চায়, তাহাদের দত্ত ঐ সকল মুদ্রা  
প্রতি জ্ঞপ্তি না করিয়া কহিতে লাগিল, “তোরা  
কি বুঝিয়াছিস, যে তোদের এমত অন্যায় অ-  
ত্যাচার পৃথিবীসুদ্ধ লোককে না জানাইয়া আ-  
মার পক্ষে সহিয়া ও চুপ করিয়া থাকা সম্ভব”?  
ইহাতে চোরেরা কহিল, “এখন আপনি অনুগ্রহ  
করিয়া আমাদের প্রাণ রক্ষা করণ; রাজার ধন  
সকল রাজারে ফিরিয়া দিতেছি”।

তখন মুচির নন্দন আপনার চক্ষুদ্বয় মর্দন ও  
উন্মালন করিয়া আপনাকে সজাগ বোধে সন্তুষ্ট  
হইয়া দেখিল, যে যথার্থই চোরেরা তাহার সম্মুখে  
দাঁড়াইয়া আছে; ইহাতে সে গভীরস্বরে তাহা-  
দিগকে কহিল, “কেমন এখন তো ধরা পড়িলি;  
আমার হস্তহইতে তোদের বাঁচা বড় কঠিন,  
আকাশস্থ গৃহ নক্ষত্রাদির অবস্থা বুঝিতে পারি;  
আমাকে আবার ফাঁকি দিবি; যাহা হউক ভাল  
বাঁচিলি; রাত্রি থাকিতে আমার নিকটে আসিয়া  
অনুশোচনা পূর্বক ক্ষমা প্রার্থনা না করিলে তোদের  
কি গতি হইত বুঝিতে পারি না। এইক্ষণে যে সকল  
ধন চুরি করিয়াছিস, সকলি ফিরিয়া দে, এখনই



সই চল্লিশ টি সিন্দুক অবিকল আনিয়া রাজার বাগানের প্রাচীরের এক হস্ত নীচে গর্ত খুলিয়া পুঁতিয়া রাখ, তবে প্রাণ রক্ষা হইবেক, নচেৎ সর্বশেষ তোমাদের ধ্বংস হইবে; ইহা নিবারণ করে এমন কাহাকেও দেখি না”।

চোরেরা তদাজ্ঞা স্বীকার করিয়া পুস্থান করিলে পর, ক্রমকাল বিলম্বে এক জন রাজদূত অহমদকে লইয়া যাইতে উপস্থিত হইলে সে স্বীকে চোরদিগের বৃত্তান্ত কিছুই না কহিয়া কেবল “জন্মের মত বিদায় হই” বলিয়া তাহার পশ্চাৎ চলিল; ও সেতারা পুনঃ “ভয় কি?” বলিয়া সাহস দিতে লাগিল।

অহমদ পরমানন্দে রাজসম্মিধানে উপস্থিত হই-  
বামাত্র রাজা তাহার প্রফুল্লবদন দেখিয়া জিজ্ঞাসিলেন, “কহ অহমদ, অদ্য তোমার মন আমোদিত দেখিতেছি, আমার ধন বাহির করিতে পারিয়াছ কি না?” অহমদ উত্তর করিল; “মহারাজ ধন চাহেন, কি ধনমোষক চাহেন? আমি গণনাফলে এক বই দুই কদাচ দিতে সমর্থ নহি”। রাজা চোরগণকে শাস্তি দিতে না পরিবার হেতু কিছু ক্ষুণ্ণ হইয়া কহিলেন, “একান্ত দুই দেওয় যদি তোমার পক্ষে কঠিন হয়, তাহা হইলে ধনই দেও”। এই কথায় অহমদ রাজাকে মার্জনা করণের দৃঢ় প্রতিজ্ঞায় বদ্ধ করিয়া “মহারাজ আপনি আমার সঙ্গে আসুন, ধন দেখাইয়া দিতেছি”; বলিয়া রাজাকে সঙ্গে লইয়া অগুসর হইল। সভাস্ত সমস্ত ব্যক্তি তদাশ্চর্য্য দৃষ্টিতে কিছু মনে পঠ করিতে লাগিল, তাহাতে দর্শকেরা বুঝিলেন, এ কোন ঐন্দুজালিক মন্ত্র পাঠ করিতেছে। পরে সে সেই স্থান খনন করিতে লোকদিগকে

আদেশ দিলে পর তাহারা খাত করিতেই সেই সকল সিন্দুক পাইল। রাজা বড়ই তুষ্ট হইলেন, ও তাহাকে বিশেষ বিজ্ঞ জানিয়া তাহার এক মাত্র নন্দিনী নয়নানন্দিনী রাজনন্দিনীকে তাহার সহিত বিবাহ দিলেন। অহমদ তাহার রূপলাবণ্যে মোহিত হইয়া পূর্ব পুণ্যনির প্রীতিতে জলাঞ্জলি দিয়া সেই রাজকন্যা লইয়াই পরমসুখে কালযাপন করিতে লাগিল। সেতারা-স্বামি চ্যুত হইয়া কিসে অহমদের বিনাশ হয়, এই চেষ্টাতেই ফিরিতে লাগিল।

### প্রাকৃত-ভূগোল।

#### সমস্ত প্রকরণ।

স্রোতোদ্বারা ভূমির হ্রাস বৃদ্ধি।

স্রোতোদ্বারা বাহিত মৃত্তিকায় নদী-গর্ভে ও নদীর অগুণ্ডাগে যে প্রকারে চর উৎপন্ন হয়, তাহার পুরীপার বিবেচনা করিতে হইলে ইহাও বোধ হয় যে যে মৃত্তিকার চর জন্মে, তাহাতে নদীর গর্ভও ক্রমশঃ পরিপূর্ণ হইতে পারে। ফলতঃ তাহাই সর্বত্র ঘটতেছে, ও অনেকানেক নদীগর্ভ এই প্রকারে পরিপূর্ণ হইয়া উভয় পার্শ্বের ভূভাগহইতে উচ্চ হইয়াছে। এই ঘটনা আশ্চর্য্য প্রত্যক্ষ হয় না, কারণ নদীগর্ভ পূরণ সময়ে স্রোতের হ্রাস-বৃদ্ধ্যানুসারে নদীর উভয় তটেও কিঞ্চিৎ মৃত্তিকা জমিয়া থাকে, সুতরাং তট ও গর্ভ উভয়েরই উচ্চতা বৃদ্ধি হইয়া কিছুই উচ্চ হয় নাই এই ভাব ব্যক্ত করে। পরন্তু সে ভ্রম মাত্র। পরীক্ষা করিয়া দেখিলে অনায়াসেই প্রকাশ পায় যে নদীর গর্ভ ক্রমশঃ পূর্ণ হইয়া থাকে; এবং এই কারণ বশতঃই অনেক নদী জলহীনা হইয়া “কানানদী” ও “মরানদী” নামে বিখ্যাত হয়। এই ঘটনা ক্রমশঃ অতি অল্পে ২ ঘটিয়া থাকে। গঙ্গা প্রভৃতি বৃহৎনদীর গর্ভ ৫০ বৎসরে কি পর্য্যন্ত পূর্ণ হইয়াছে তাহা নিরূপণ করাই কঠিন। শীত বসন্ত ও গ্রীষ্ম কালের প্রথমাবস্থায় বৃষ্টির অভাব ও পরতে বরফ জমিয়া থাকা প্রযুক্ত নদীকূলের হ্রাস হয়; সুতরাং তাহার বেগেরও হ্রাস থাকে, এবং

ঐ ক্ষীণ স্রোতে জলস্থ মৃত্তিকা অনায়াসে অধঃপতিত হইয়া নদীগর্ভ পূর্ণ করে। কিন্তু বর্ষাকালে বৃষ্টি ও পরতেস্থ বরফ-গলন দ্বারা প্রভূত জল ভয়ানক বেগে বাহিত হইতে থাকে, এবং শীতকালের অধঃপতিত মৃত্তিকা ধৌত করিয়া লইয়া যায়; একারণ শীতকালের জমা মৃত্তিকা বর্ষাকালে লুপ্ত হয়। পরন্তু সর্বত্র সমস্ত জমা মৃত্তিকা ধৌত হয় না, কিঞ্চিৎ অবশিষ্ট থাকে; ও কালক্রমে তদ্বারা নদী পরিপূর্ণ হইয়া উঠে। ইটালি প্রদেশে এই প্রকারে পো-নদীর গর্ভ এতাদৃশ উচ্চ হইয়াছে যে তন্নিকটস্থ ফেরেরা নগরের অটালিকা-সকলের ছাদ ঐ নদীর জলসীমা হইতে নিম্ন বোধ হয়; ফলতঃ আডিজ্জ এবং পো-নদীর গর্ভ তাহাদের চতুর্দিগবর্ত্তি স্থানহইতে অনেক উচ্চ। হলণ্ড-দেশে রীণ্ড ও গিউস-নদীও এই প্রকার উচ্চ।

কিয়দংশে এই ঘটনা নিবারণার্থে এক স্বভাব সিদ্ধ উপায় আছে। তদ্বিশেষ এই। ইহা অনায়াসেই অনুভূত হইতে পারে যে নদীর গর্ভ পূর্ণ হইলে বর্ষাকালে তাহার জল তট উৎক্রমণ করত উভয় পার্শ্বস্থ দেশ প্লাবিত করিবে, এবং প্রত্যক্ষ দৃষ্ট হইতেছে দামোদর নীল ও অন্যান্য নদ ও নদী এই প্রকারে বর্ষে ২ তন্নিকটবর্ত্তি দেশ-সকল প্লাবিত করিয়া থাকে। সামান্য কথায় এই জলপ্লাবনকে “বন্যা” শব্দে কহে। ঐ বন্যায় স্থলভাগে যে জল উথিত হয়, তাহা সূক্ষ্ম মৃত্তিকা ও বালুকায় পরিপূর্ণ। স্থলে উঠিয়া ঐ জল শুষ্ক হইলেই মৃত্তিকা ও বালুকা ভূমিপরি জমিয়া যায়, সুতরাং তজন্য ঐ ভূমির উচ্চতা বৃদ্ধি করে। নীলনদীর বন্যাদ্বারা কয়রো নগরের চতুর্দিগবর্ত্তি স্থান ২। হস্ত উচ্চ হইয়াছে। পরন্তু নদীর গর্ভ যে প্রকারে সত্ত্বরে পূর্ণ হয়, বন্যার জলে তন্নিকটবর্ত্তি স্থান তত শীঘ্র উচ্চ হয় না। অপর যে সকল নদীতে বন্যা আইসে তত্রত্য লোকেরা ঐ বন্যাহইতে রক্ষা পাইবার নিমিত্ত নদীর উভয় পার্শ্ব বাঁধ দিয়া থাকে। সেই বাঁধ কিয়ৎকাল বন্যা নিবারণ করে; কিন্তু ঐ কারণ বশত বন্যাদ্বারা যে মৃত্তিকা ভূমিতে উঠিত তাহা নদীগর্ভে থাকিয়া স্তরায় তাহা পূর্ণ করিয়া ফেলে, তাহাই বন্যা ঘটবার উপায় বৃদ্ধি করে। দামোদর নদীতে এই প্রকার বাঁধ থাকতেই তাহা অত্যন্ত ভয়ঙ্কর হইয়াছে, এবং বর্ষে ২ বন্যাদ্বারা ঐ নদীর উভয় পার্শ্ব ভূরি ২ অনিষ্ট ঘটতেছে। অপর

দামোদর নদের প্রবল বেগ অবরুদ্ধ হইতে পারে এমন সুদৃঢ় বাঁধ প্রায় নির্মিত হয় না; একারণ বন্যায় তাহার কোন ২ স্থান ভগ্ন হইয়া অনিষ্টের বৃদ্ধি করে। তথায় ঐ অকর্মণ্য বাঁধ থাকা অপেক্ষা না থাকাই শ্রেয়ঃ; কারণ অধুনা যে ২ স্থানে বাঁধ ভগ্ন হয় তদ্বারা নদের উদ্বৃত্ত সমস্ত জল ৮। ১০ হস্ত উচ্চ হইয়া গুামাদিতে প্রবেশ করত একেবারে সমস্ত উৎসন্ন করিয়া ফেলে; বাঁধ না থাকিলে সেই জল নদের উভয় পার্শ্ব দিয়া সর্বত্র বিস্তৃত হইয়া যাইত; গুামাদি উচ্চ স্থান এক হস্ত জলমগ্নও হইত না; সুতরাং কৃষকদিগের গৃহ-সকলও ভাসিয়া যাইত না, ও অধুনা যে প্রকার অনিষ্ট হইয়া থাকে, তদ্রূপ অনিষ্টও ঘটিত না। কএক বৎসর হইল কোম্পানির নির্দিষ্ট প্রস্তাবিতবিষয়ে পারদর্শী কয়েক জন সাহেব নানাবিধ অনুসন্ধান করণান্তর কোম্পানিকে পরামর্শ দিয়াছিলেন, যে দামোদরের উভয় পার্শ্ব যত বাঁধ আছে তৎসমুদায় ভগ্ন করিয়া দেওয়াই কর্তব্য; তাহা হইলে এইরূপে যে প্রকার এক ২ স্থানে বাঁধ ভাঙ্গিয়া অত্যন্ত অনিষ্ট ঘটিয়া থাকে, তাহা আর হইবেক না, দেশের সর্বত্রই কিঞ্চিৎ জল বৃদ্ধি হইবেক, কুত্রাপি গৃহাদি বিলুপ্ত হইবেক না। ক্রমভঙ্গুর অকর্মণ্য বাঁধ নির্মাণ করণাপেক্ষা এ পরামর্শ শ্রেয়ঙ্কর বটে; পরন্তু উত্তম বাঁধ প্রস্তুত করা অসাধ্য নহে, অতএব এতদ্বিশেষে রাজপুরুষদিগের মনোযোগী হওয়া বিশেষ আবশ্যিক।

ভূমি উৎপাদন করণে স্রোতের যে প্রকার ক্ষমতা ভূমি উনমূল করণেও তৎক্ষমতা তাদৃশী। সমুদ্র বা নদীর তরঙ্গ বহুকাল উচ্চ তটে বেগে আহত হইতে থাকিলে ঐ তটের মূল ক্রমশঃ গলিয়া যায়, ও তাহা দুর্বল হইতে থাকে, অবশেষে ঐ তট ভগ্ন হইয়া জলমাৎ হয়; বিশেষতঃ ঐ তটের উপরিভাগে সুদৃঢ় প্রস্তর ও নিম্নে মৃত্তিকা বা অদৃঢ় ও জলে সত্ত্বরে গলনীয় প্রস্তর থাকিলে এই ঘটনা অতি শীঘ্রই সম্ভবে। অপর এবল্লুকারে তট একবার ভগ্ন হইলেই ঐ স্থানে আপদের শেষ হয় না। ভগ্ন-তটের মৃত্তিকা অতি শীঘ্রই ধৌত হইয়া যায়, এবং অবশিষ্ট তটের মূল গলিতে আরম্ভ হয়। এই প্রকারে ক্রিয়া দেশের তট অনেক দূর পর্য্যন্ত সমুদ্রবেগে ভগ্ন হইয়া গিয়াছে। নদীতটে এই ঘটনা সর্বদাই দৃষ্ট হইয়া থাকে। পর্য্যন্ত-শৃঙ্গ-সকলও এই প্রকারে অহরহঃ ভগ্ন হইয়া পড়ে। হিমালয় পর্য্যন্তে ভ্রমণকারি মহাশয়েরা কহিয়াছেন,



যে হিমালয়ের উপত্যকা মধ্যে এই ঘটনা অহরহঃ ঘটয়া থাকে, এবং ঐ ভূ পর্বত-খণ্ড কখন কাহার মস্তকে পড়িবেক, এই আশঙ্কা তত্রত্য পশ্চিকদিগের মনে সর্বদাই জাগৃত থাকে।

সমুদ্রের তট উচ্চ হইলে ভূমি হইয়া পড়িবার আশঙ্কা, কিন্তু নিম্ন হইলেই নিতান্ত নির্বিঘ্ন হয় না; তাহাতেও অনেক আপদের সম্ভাবনা আছে। বলবৎ ঝড়ের সময় সমুদ্র-তরঙ্গ অতি উত্তাল হইয়া উথিত হওত তটস্থ গ্রামাদি সমস্ত প্লাবিত করিতে পারে। অপর প্রত্যহ জোয়ারের সময়ে সমুদ্র-জলে বালুকা আনিয়া তটে নিক্রিপ্ত করে; তা-টার সময়ে ঐ বালুকা শুষ্ক হইয়া সমুদ্র-বায়ু-সহকারে তট-নিকটস্থ শস্যক্ষেত্রাদি উর্ধ্বা ভূমিতে উড়িয়া পড়ে। উত্ত-রোত্তর এই বালুকা বাড়িতে ২ স্তভাকার হইয়া উঠে, তৎসময়ে দীর্ঘ-সমূহ-ভূগাদি তদুপরি রোপণ ও বহু যত্নে তদধীন না করিতে পারিলে বায়ুসহকারে ঐ বা-লুকা-স্তভ ক্রমশঃ অগুবর্তি হইয়া গ্রামাদি আচ্ছন্ন করিয়া ফেলে। ফরাসিস্ দেশে বিস্ত্রে উপসাগরের তটে এই ব্যা-পার এখন অতি আশ্চর্য্য রূপে ঘটতেছে। তথায় অনেক গ্রাম এই আপদ-কর্তৃক একেবারে বিলুপ্ত হইয়া গিয়া-ছে। এবং মিমিসাঁ নামক এক গ্রামের মনুষ্যেরা ৪০ হস্ত উচ্চ এক বালুকা-স্তভের করাল গুাসে কবে পতিত হইবে, এই ভয়ে কয়েক বৎসরব্যপি তাহারা অত্যন্ত চিন্তিত আছে। পরীক্ষাদ্বারা স্থিরীকৃত হইয়াছে, যে ঐ বালুকা স্তভ প্রতি বর্ষে ৪০।৫০ হস্ত স্থান অগ্নি গমন করিয়া থাকে।

স্কটলণ্ড দেশে ফিগুহরণ নদীর মুখ-নিকটে পাঁচ ক্রোশ স্থান অতি উর্ধ্বা ছিল, এবং তদুপরি অপরিপাষ্ট শস্যে মোরে নগরের সমস্ত লোক প্রতিপোষিত হইত বলিয়া তথাকার লোকে ঐ শস্যক্ষেত্রের নাম “মোরে নগরের শস্য ভাণ্ডার” রাখিয়াছিল। ইংরাজি ১৬৭৭, অব্দে তত্রত্য ব্যক্তির আশঙ্কায় তাহাদের কোন প্রয়ো-জন সাধনার্থে তথাহইতে তিন ক্রোশ অন্তরস্থ সমুদ্র তটের বালুকোপরি জাত সমস্ত ভূগ ও ক্ষুদ্র তরু কাটিয়া লয়; তাহাতে ঐ বালুকা মুক্ত-বন্ধন হইয়া উড়িতে আরম্ভ করত বিংশতি বর্ষের মধ্যে ঐ শস্যক্ষেত্র ও তন্নিকটস্থ সমস্ত স্থান আচ্ছন্ন করিয়া ফেলিয়াছে। ইংরাজি ১৬৯৭ অব্দে তথাকার গ্রাম-ক্ষেত্র-উদ্যানাদির কোন চিহ্নও ছিল না। বায়ু প্রবল হইলে এ বালুকার সূক্ষ্ম-রেণু-সকল অতি দূর পর্য্যন্ত উড়িয়া যায়। অফ্রিকা-দেশের উত্ত-

রাঞ্চলে এবলুকার বালুকা ঝড়-সহকারে এক দিনে অতি দূর পর্য্যন্ত ভ্রমণ করিয়া থাকে; ফলতঃ পর্বতাদি কিছু প্রতি-বন্ধক না থাকিলে তাহার গতির রোধ হয় না।

লাইব্রিয়া-প্রদেশের মরুভূমির বালুকা এই প্রকারে মিসর দেশের সমস্ত পশ্চিমাঞ্চল আচ্ছন্ন করিয়াছে, এবং লাই-বীর পর্বতের ব্যবধানে না থাকিলে বোধ হয় নীল নদীর দক্ষিণ তটে আসিয়া সমস্ত মিসর দেশ উৎসন্ন করিত।

### অষ্টম প্রকরণ।

ভূমি-ভেদ।

**ব্যা** বহারিক ভূগোলে পৃথিবীর ভূভাগ দেশ-প্রদেশ-গ্রাম-নগরাদি নানা ভাগে বিভক্ত হইয়া থাকে; কিন্তু তৎসমুদায় মনুষ্য-কৃত; তাহাদের ধর্মগত কোন বিভিন্নতা দৃষ্ট হয় না। ধর্মগত ভেদ বিবেচনা করিলে পৃথিবীর ভূভাগ সপ্ত অংশে নিবিষ্ট হইতে পারে; তদ্যথা; প্রথম, পর্বত; দ্বিতীয়, উপত্যকা; তৃতীয়, অধিত্যকা; চতুর্থ, সমভূমি; পঞ্চম, নদী মুখাগুহুভূমি; ষষ্ঠ, তৃণক্ষেত্র; সপ্তম, মরুভূমি।

(১) পর্বতের বিবরণ পূর্বেই উক্ত হইয়াছে। (২) পর্বতদ্বয় বা পর্বত শৃঙ্গদ্বয়ের মধ্যগত নিম্ন স্থানকে “উপ-ত্যকা” শব্দে কহি। প্রায় সকল পর্বতের সমস্ত জল ঐ উপত্যকাদ্বারা বহিয়া যায়, সুতরাং উপত্যকার নিম্ন স্থানে এক ২ নদী দৃষ্ট হইয়া থাকে। অপর, পর্বতের জল পতন সময়ে পর্বতের গাত্র ধৌত হইতে থাকে; এবং তদ্বারা পার্শ্ব প্রস্থর বিকৃত হইয়া মৃত্তিকারূপে পরিণত হয়। ঐ মৃত্তিকা বৃক্ষাদির অত্যন্ত পুষ্টিকর; এবং জলের সহিত তাহা উপত্যকায় পতিত হইয়া উপত্যকাকে বিশেষ ফলশালি করে। অপর উভয় পার্শ্ব পর্বতের আবরণ থাকায় অত্যন্ত ঝড় বৃষ্টিাদি দৈব উৎপাতে উপত্যকা-বাসিদের অনিষ্ট করিতে পারে না; এই হেতু ফল-বত্তা ও নির্বিঘ্নতা সম্বন্ধে উপত্যকা অপর সকল প্রকার ভূমি অপেক্ষায় প্রধান। ইহার প্রধান দৃষ্টান্ত স্থল কাশ্মীর।

পর্বতশ্রেণির উপরিভাগস্থ সমভূমির নাম “অধি-ত্যকা”। তাহা ফলবত্তা বিষয়ে উপত্যকা অপেক্ষা অনেক নিকৃষ্ট। তাহাতে জলকষ্টেরও সম্ভাবনা আছে।

পরন্তু সুস্থতা-বিষয়ে অধিত্যকা অতি পুসিক; এই প্রযুক্ত তত্রত্য মনুষ্যেরা যে প্রকার বলবান ও শৌর্য্যশালী হয়, উপত্যকা-নিবাসিদিগের মধ্যে তাদৃশ বল ও শৌর্য্যগুণের সম্ভাবনা নাই।

অধিত্যকা মাত্রই পর্বতের অগুভাগে স্থিত হওয়াতে সুতরাং সমুদ্রের জলসীমাহইতে অতি উচ্চ হইয়াছে। বৃহ-হৃৎ অধিত্যকা-সকল অনেক-পর্বতে বেষ্টিত থাকে। পৃথিবীমধ্যে সর্বাপেক্ষায় বৃহৎ অধিত্যকা আসিয়া খণ্ডের মধ্যস্থানে স্থিত; তাহার এক পার্শ্ব হিমালয় ও অপর পার্শ্ব আলতাই পর্বত। তিব্বত-দেশ পর্বতশিখরে স্থিত, অতএব তাহাকে অধিত্যকা শব্দে কহি। সমুদ্রের জল-সীমাহইতে ঐ দেশ ৬৭০০ হস্ত উচ্চ। দক্ষিণ-দেশও অধিত্যকা, এবং তাহা ২০০০ হস্ত উচ্চ। নূতন পৃথ্বী-খণ্ডে গোয়াটিমালা অধিত্যকা ৬০০০ হস্ত এবং টিটি-কাকা অধিত্যকা ৮০০০ হস্ত উচ্চ।

অধিত্যকা যে পরিমাণে উচ্চ হয়, তদনুসারে তথায় শীতেরও বৃদ্ধি হয়, এবং তরু গুল্মাদির হাস হয়। অতি উচ্চ অধিত্যকায় বৃক্ষ লতাদি বিরল প্রচার।

৪। সমভূমি সমুদ্রের জলসীমাহইতে অধিক উচ্চ হয় না, এবং তাহাতে কোন বৃহৎ পর্বত থাকে না। আর্ঘ্যা-বর্ত, সিবিরীয়া, চীন, বোহিমীয়া, ইন্ডেরি, নিয়াম, প্রভৃতি দেশ-সকল প্রশস্ত সমভূমির দৃষ্টান্ত স্থল।

৫। নদীমুখস্থ বা ত্রিকোণমণ্ডল ভূমি। যে কারণে উপত্যকা অধিক শস্যশালিনী হয়, সেই কারণে নদীমুখস্থ ভূমিতে পুষ্টিরূপে বর্তমান, সুতরাং তাহা যে সমপূর্ণ শস্যশালি হইবেক ইহা অনায়াসেই অনুভূত হইতে পারে। এই প্র-কার ভূমি প্রায়ঃ ত্রিকোণমণ্ডল হইয়া থাকে, এই প্রযুক্ত ইং-রাজেরা তাহাকে “ডেল্টা” শব্দে কহে। ঐ ত্রিকোণমণ্ডলের এক ভূজ সমুদ্রাভিমুখে থাকে। বঙ্গদেশ প্রস্তাবিত-প্রকার ভূমির এক দৃষ্টান্ত স্থল, এবং ইহা ত্রিকোণাকারও বটে। ঐ ত্রিকোণমণ্ডলের এক ভূজ সাগরদ্বীপহইতে পদ্মা-নদীর মুখ-পর্য্যন্ত ব্যাপ্ত, দ্বিতীয় ভূজ ভাগীরথী, এবং তৃতীয় ভূজ পদ্মা ও বড় গঙ্গা; শেষোক্ত দুই ভূজ রাজমহলের নিকট সম্মিলিত হইয়াছে। গোদাবরী, নয়দা, কৃষ্ণা প্রভৃতি অন্যান্য নদীর মুখে এবলুকার ত্রিকোণ-মণ্ডল আছে।

৬। তৃণক্ষেত্র। মার্কিন দেশের লোকেরা ইহাকে “পেরি” বা “সাবানা”, ও দক্ষিণ অমরিকায় “লানো” শব্দে কহে। তত্তদদেশে শত শত ক্রোশ বিস্তীর্ণ ক্ষেত্র-সকল

কেবল তৃণে পরিপূর্ণ; তাহার কুত্রাপি একটি বৃক্ষ দৃষ্ট হয় না। বর্ষাকালে ঐ তৃণ-সকল ৫।৬ হস্ত উচ্চ হইয়া সমস্ত স্থানকে হরিদ্রণে আবৃত করে, এবং ঐ স্থান বি-স্তীর্ণ হরিৎ-সমুদ্রের ন্যায় বোধ হয়। গ্রীষ্মকালে ঐ সকল তৃণ শুষ্ক হইয়া যায়, এবং কোন ২ সময়ে দাবাগ্নি উৎপন্ন হইয়া সমস্ত ক্ষেত্র অগ্নিময় হইয়া উঠে। দক্ষিণ-অমরিকার তৃণক্ষেত্রের স্থানে ২ জলপ্রবাহ আছে; গ্রীষ্ম-কালে তাহা শুষ্ক হইয়া যায়, এবং তত্রত্য অসংখ্য কুম্ভীর, গোসাপ (গোশা), কচ্ছপ, টিকটিকি প্রভৃতি প্রাণী-সকল মিয়মাণ হইয়া নদীগর্ভস্থ-কর্দমে প্রোথিত থাকে; ব-হীর প্রত্যাগমনে সজীব হইয়া পুনঃ আপন ২ দেহযাত্রা নির্বাহে প্রবৃত্ত হয়।

৭। মরুভূমি। বিস্তীর্ণতা ও সমুদ্রের জলসীমাহইতে অনুচ্চতা সম্বন্ধে মরুভূমি তৃণক্ষেত্রেরই তুল্য; পরন্তু তৃণক্ষেত্রে ঘাস জন্মিয়া থাকে, মরুভূমিতে কিছুমাত্র জন্মে না, সর্বত্রই বালুকাময়, কুত্রাপি জল-শস্যাদি কোন পদা-র্থই প্রাপ্তব্য নহে। গ্রীষ্মকালে ঐ বালুকা উত্তপ্ত হইয়া পশ্চিকদিগের অত্যন্ত ক্লেশকর হয়, এবং স্থানে ২ মরী-চিকা দৃষ্ট হইতে থাকে। অপর বায়ু প্রবল হইলে ঐ উত্তপ্ত বালুকা উড্ডীয়মান হইয়া পশ্চিকদিগের পক্ষে যৎ-পরোনাস্তি ক্লেশকরী হয়; ও বালুকা ঐ মরুভূমির নিক-টস্থ উর্ধ্ব ভূমিতে নিপতিত হইয়া তাহাকে একেবারে উৎসন্ন করে।

প্রাচীন-পৃথ্বী-খণ্ডে অনেক মরুভূমি আছে, তন্মধ্যে আফরিকা খণ্ডের সাহারা নামক মরুভূমি সর্বাপেক্ষায় বৃহৎ। তাতার দেশে গোবি নামক মরুভূমি ও পারস্য দে-শের মরুভূমি-সকলও সামান্য নহে। ভারতবর্ষে রাজস্থান-দেশের পশ্চিমে ও পঞ্জাব-দেশে বিস্তীর্ণ মরুভূমি আছে।

ভূতত্ত্ববিৎ মহাশয়েরা কহেন তৃণক্ষেত্র ও মরুভূমি-সকল ভূমধ্যগত সমুদ্র বা বৃহৎ হ্রদের গর্ভ স্থান। কালক্রমে ঐ সমুদ্র বা হ্রদের গর্ভ উর্ধ্বে উৎক্লিপ্ত হইয়া অথবা অন্য কোনক্রমে পূর্ণ হইয়া বর্তমান অবস্থা প্রাপ্ত হইয়াছে। দেখিতে সমুদ্রের তট ও মরুভূমি উভয়ই তুল্য; এবং পৃথিবীর কোন আন্তরিক শক্তিদ্বারা সমুদ্র বা হ্রদের গর্ভ উৎক্লিপ্ত হওয়া কোন মতে আশ্চর্য্য নহে, অতএব এই মতের পরিহার করণার্থে যে পর্য্যন্ত কোন বিশেষ কারণ প্রদর্শিত না হয়, তদবধি ইহা অবশ্যই গৃহ্য করিতে হইবে।



## মধুপুদর্শক পক্ষী।

আফ্রিকার অন্তর্গত হটেণ্টট-দেশে ভূমণকারি অনেক সাহেব এই আশ্চর্য্য পক্ষিকে দেখিয়া তাহার বিবরণ লিখিয়াছেন। তাহারা বলেন মধুপুদর্শক পক্ষীর দেহ চটকপক্ষীহইতে কিঞ্চিৎ বৃহৎ। ইহারা মধু-পান করিতে অত্যন্ত আনন্দ; কিন্তু স্বয়ং মধুসঙ্গ্রহ করণে অশক্তি; অতএব বনমধ্যে কোন স্থানে মধুর চাক দেখিতে পাইলে অতিশয় বিচক্ষণতাপূর্বক ভল্লুকদিগকে তাহা দেখাইয়া দেয়; ও ভল্লুকেরা যখন মৌচাক ভাঙ্গিয়া ফেলে তখন তাহাহইতে যে সকল মধুবিন্দু ভূমিতে পড়ে তাহাই তাহারা ভক্ষণ করে। ইহারা মধু-চাক দেখিতে পাইলেই তাহা আক্রমণ করিবার জন্য সঙ্গির অন্বেষণ করে, ও অত্যন্ত চীৎকার করত তাহা ভাঙ্গিবার জন্য ভল্লুকদিগকে ডাকিয়া মৌচাকের নিকট-পর্যন্ত লইয়া যায়। ভল্লুক যাইবার সময়ে ঐ পক্ষী তাহার অগ্রে ২ উড়িয়া যাইতে থাকে, ভল্লুকের আগমনে বিলম্ব হইলে অপেক্ষায় মধ্যে ২ বিশ্রাম করে, এবং ভল্লুক নিকট পহুঁছিলেই সে চীৎকার করিতে ২ পুনঃ অগুবর্তী হয়, কিন্তু মধুচাকের সঙ্গিকটবর্তী হইলে অধিক রব করে না। কখন ২ অধৈর্য্য হইয়া ঐ পক্ষী সঙ্গি পক্ষকে দূরে ফেলিয়া অধিক অগ্রে যায়, পরে সঙ্গীকে লইতে প্রত্যাগমন করত তাহার গমন শৈথিল্য দেখিয়া পূর্বাপেক্ষা দ্বৈগুণ্যে চীৎকার করে। চাকের নিকটে ভল্লুককে উপস্থিত দেখিলে সে নিশ্চিত হইয়া নিকটস্থ কোন বৃক্ষোপরি বিশ্রাম করে, এবং যদুদ্দেশে তথায় আগমন করে, তাহার পর্য্যবসান অপেক্ষা করিতে থাকে। নিকটে মনুষ্য দেখিলে তাহা-

দিগকেও এই পক্ষির মধু প্রাপ্তির উপায় প্রদর্শন করিয়া থাকে; হটেণ্টট জাতীয়েরা তাহাদের সাহায্যে অনেক মধু প্রাপ্ত হইয়া থাকে। কথিত আছে উক্ত জাতীয়েরা কৃতজ্ঞতা স্বীকার করণার্থে মধুচাক ভগ্ন করিলেই তাহার কিয়দংশ পথ প্রদর্শক পক্ষীদিগকে ভক্ষণ করিতে দেয়। স্পার্মান সাহেব হটেণ্টট-দেশীয় সঙ্গিগণকে উত্তম পুরস্কারের আশ্বাস দিয়া ঐ মধুপুদর্শক পক্ষী একটি ধরিয়া দিতে অনুরোধ করিয়াছিলেন। কিন্তু তাহারা তাহা অস্বীকার করিয়া কহিল “এই পক্ষী আমাদিগের পরম বন্ধু, আমরা কদাচ ইহাদের বিশ্বাসঘাতকতা করিতে পারিব না”।

## দেশ-ভেদে অন্ত্যেষ্টিক্রিয়া-ভেদ।

পিতা মাতা গুরুজন প্রতি ভক্তি সত্য-তার এক প্রধান লক্ষণ; গুরুজনদিগের বিরোগ মাত্রেই ঐ ভক্তির বিনাশ হয় না; সকলেই গুরুজনের মৃত দেহ-প্রতিও সেই ভক্তি প্রকাশ-পূর্বক তাহার অন্ত্যেষ্টিক্রিয়া সাধন করে। ইহা অনায়াসেই অনুভূত হইতে পারে যে যাহারা উত্তম সত্য তাহাদের অন্ত্যেষ্টিক্রিয়ার প্রণালীও ভদ্র, ও যাহারা অনভ্য তাহাদিগের ক্রিয়া মন্দ হইয়া থাকে। অপর প্রাচীন প্রথা ও ধর্ম্মানুরোধেও তাহার বৈলক্ষণ্য হইয়া থাকে, সুতরাং ধর্ম্ম ও সত্যতানুসারে অন্ত্যেষ্টিক্রিয়ার প্রণালী পৃথক হয়।

ইউরোপ-খণ্ডের খ্রীষ্টীয়ানেরা স্বজাতীয়দিগের শবকে মৃত্তিকার মধ্যে প্রোথিত করে, ও যে সকল লোক ইউরোপহইতে অন্যত্র গিয়া অনেক কা-

লাবধি বসতি করিতেছে, তাহারাও আপন পূর্ব-পুরুষের ব্যবহারানুগামী আছে; কেবল অমরিকা দেশে ইংরাজদিগের জর্নৈক প্রধান অধ্যক্ষ হেনরি লারহ সাহেব আপন মৃত শরীর আপনার আ-জ্ঞায় দক্ষ করাইয়াছিলেন। ভারতবর্ষে হিন্দু জাতীয় মধ্যে শব দাহ করাই প্রচলিত রীতি, অথচ সন্ন্যাসী বৈষ্ণব ও যুগিরা শবের সমাধি (গোর) প্রদান করে। মুসলমানমাত্রেই সকলে সমাধি দেয়। বুদ্ধদেশীয়দের মধ্যে দাহ ব্যবহার আছে, কেবল দুই লোকদের ও জঘন্য রোগান্ত জনদের শরীর মৃত্তিকায় প্রোথিত হয়; এই ব্যবহার তাহাদিগের মধ্যে অসম্ভবমসূচক।

কাকীদের মধ্যে সমাধি দেওয়া কেবল রাজার উপযুক্ত; তাহারা অন্যায় ২ শব নিদয়রূপে বন্য পশুদের নিকট নিক্ষেপ করে। তাহারা যাদৃশ অনভ্য এ বিষয়ে তাহাদের রীতিও তাদৃশ জঘন্য, যেহেতুক তাহারা মরিবার পুথম চিহ্ন দেখিলেই আপন ২ জ্ঞাতি-পরিজন-মিত্রাদির জীবিত শরীর বনে নিক্ষেপ করে। তাহাদিগের বোধ আছে যে মনুষ্য ঘরে মরিলে অশেষ কাল পর্য্যন্ত সে স্থানে দুর্ভাগ্য হইবে; ফলতঃ তাহাদের কিছুমাত্র চরম ক্রিয়া নাই।

নূতন হলগুদীপের লোকেরা আপনাদের মিত্র লোকের শব কোন বৃহৎ বৃক্ষের কোটরের মধ্যে দগ্ধমান করিয়া রাখে, এবং শবের মস্তক ও অস্থি শ্বেত কিস্মা রক্তবর্ণে আবৃত করে।

দক্ষিণ-অমরিকা-দেশে অরণকো নদীর তীরস্থ লোকেরা শব রজ্জুদ্বারা বন্ধন করত জলে নিক্ষেপ করে, ও ঐ রজ্জু তীরস্থ বৃক্ষে বান্ধিয়া রাখে। নদীস্থ মৎস্য সকল এক দিবা রাত্র মধ্যেই ঐ শবের সমুদায় মাংস ভক্ষণ করিয়া ফেলে; পরে অবশিষ্ট অস্থি তাহারা গৃহে আনিয়া রক্ষা করে। তত্রস্থ

অপর এক অনভ্য জাতীয়েরা ঐ অস্থি ধুলিবৎ চূর্ণ করিয়া ধর্ম্মক্রিয়া-জ্ঞানে খাদ্য-দ্রব্যের সহিত মিশ্রিত করে। তথাকার মকো নামক জাতি মধ্যে আশ্চর্য্য ব্যবহার প্রচার আছে। তাহারা জনারের আটার সহিত ঐ অস্থিচূর্ণ মিশ্রিত করিয়া পিষ্টক প্রস্তুত করে, এবং মিত্রতা-করণ-সময়ে পরম-মিত্রতার চিহ্নজ্ঞানে পিতৃ-মাতৃ-ভ্রাতৃদির অস্থি-চূর্ণ মিশ্রিত ঐ পিষ্টক ভক্ষণ করে।

অন্ত্যেষ্টিক্রিয়া-বিষয়ে আফ্রিকা-দেশের কঙ্গ-নদীর তীরে এক কদর্য্য রীতি প্রচার আছে। তথাকার লোকেরা ক্রমাগত ছয় সাত বৎসর মৃত শরীর গৃহে রক্ষা করে, এবং দুর্গন্ধ নিবারণ করণাভিপ্রায়ে ঐ শব বস্ত্রের দ্বারা বেষ্টন করে। ব্যক্তি-ভেদে ও সম্পত্ত্যানুসারে ঐ বেষ্টন বস্ত্রের বাহুল্য হয়; অত্যন্ত সম্পত্তিশালি লোকের শরীরে ক্রমশ বস্ত্র বেষ্টিত করিতে ২ তাহার শব এতাদৃশ বৃহৎ হইয়া উঠে যে মরিবার গৃহে তাহা রক্ষা করা অসাধ্য হয়। পরে তদপেক্ষায় বৃহৎ গৃহে ঐ শব লইয়া রাখে, ও তথায়ও ঐ রূপে বস্ত্র জড়াইতে ২ ঐ শব সে স্থানে না ধরিলে অন্য বৃহৎ গৃহে লইয়া যায়। এই রূপ ছয় গৃহ ভূমণ করিলে পর ঐ শবকে মৃত্তিকা মধ্যে প্রোথিত করে।

গেয়ানো-দেশেতে ইহা হইতেও এক কুব্যব-হার প্রচার আছে। তাহাদের মধ্যে কোন অধ্যক্ষ মরিলে তাহার স্ত্রী ত্রিশ ২ দিন পর্য্যন্ত সেই শব ত্যাগ করে না; দিবা রাত্রি তন্নিম্নকালে কালা-যাপন করে। গলিত শরীরের গন্ধে লক্ষ ২ মক্ষিকা আকৃষ্ট হয়, কিন্তু ঐ স্ত্রীদিগের সাবধানতায় একটি মক্ষিকাও শবোপরি উপবিষ্ট হইতে পারে না। ত্রিশ ২ দিন গত হইলে পর ঐ শব মৃত্তিকা মধ্যে প্রোথিত হয়, ও তাহার সহিত সহবানার্থে এক জীবিত স্ত্রীও প্রোথিত হইয়া সহমৃতা হয়।



পিক-দেশের পর্বতীয় লোকেরা মৃত লোককে দুর্গের উপরে রাখে, শবোপরি কিছুমাত্র আবরণ করে না। পূর্বকালে ফেজিয়া দেশীয়দের মধ্যে কোন অধ্যাপক মরিলে সে মরণান্তেও লোকদিগকে উপদেশ দিতে পারিবেক, এই জন্য তাহার তাহার শব কোন উচ্চ স্তরের উপরে রাখিত। পারস্য-দেশীয় লোকদিগের বিশ্বাস আছে, যে কোন ধার্মিক মুসলমান ভিন্ন ধর্মিদের দেশে মরিলে স্বর্গীয় দুতেরা ঐ মন্দ সভায় তাকে থাকিতে দেয় না, প্রত্যুতঃ আকাশ পথ দিয়া তাকে আনিয়া অবশ্যই বিশ্বাসি লোকদিগের দেশে লইয়া রাখিরা থাকে।

কিঞ্চৎকাল পূর্বে এক মুসলমান সিংহল-দ্বীপে ভ্রমণ করিয়া লিখিয়াছিল যে তথায় কোন রাজার প্রাণ বিয়োগ হইলে লোকেরা তাহার শব এ প্রকারে এক শকটোপরি স্থাপন করত নগর ভ্রমণ করে, যাহাতে তাহার মস্তক ঐ গাড়িহইতে মৃত্তিকায় লুণ্ঠিত হইতে থাকে; ও সেই মস্তকোপরি তৎকালে স্ত্রীলোকেরা ধূলি নিক্ষেপ করিতে থাকে। তিন দিন এই প্রকারে নগর ভ্রমণ হইলে পর ঐ শরীর চন্দন ও কপূর ও কেশরাদি গন্ধ দ্রব্যে পূর্ণ করিয়া চিতায় স্থাপন করে, এবং দেহ ভক্ষণ হইলে ঐ ভক্ষণ আকাশে নিক্ষেপ করে।

নরকেশীয়া-দেশে এক জাতীয়েরা আপনাদিগের অধ্যক্ষদের শব এক সিন্দুকের মধ্যে স্থাপন করত এই অভিপ্রায়ে চক্ষুর সমস্থানে সিন্দুকে দুই ছিদ্র করে, যেন মৃত শরীর তদ্বারা স্বর্গ দেখিতে পায়। পরে ঐ সিন্দুক বক্ষের শাখায় বদ্ধ করিয়া রাখে। মধুমক্ষিকা-সমূহ ঐ ছিদ্রদ্বারা সিন্দুকের মধ্যে প্রবিষ্ট হইয়া মধু ও মোম দিয়া সে শরীরকে আবরণ করিলে লোকেরা উপযুক্ত

সময়ে সেই মধু তাহা হইতে লইয়া বাজারে বিক্রয় করে।

পূর্বকালে মিসর দেশীয়েরা শবমধ্যে নানাবিধ গন্ধ দ্রব্য পরিপূর্ণ করণান্তর সমস্ত দেহ বস্ত্রে আবৃত করত এক সমাধি গৃহে রক্ষা করিত; কেবল পিতামত্রে পুত্রের মৃত্যু হইলে, অথবা পতিমত্রে পুত্রমত্রে ভাৰ্য্যার মৃত্যু হইলে, ঐ শব সমাধি গৃহে না রাখিয়া আপন ২ বাসগৃহে রাখাও ব্যবহার ছিল। এবম্পকার গন্ধবাসিত শবের নাম “মুমিয়া”, এবং যখন চিকিৎসকেরা ঐ মুমিয়া উত্তম ঔষধি বোধে নানাবিধ ব্যাধি-উপশমনার্থে পথ্য বিধান করিয়া থাকে। কথিত আছে সম্প্রতিশালি ব্যক্তিদিগের শব গন্ধবাসিত করিতে দশসহস্র মুদ্রা ব্যয় হইত। এবম্পকার সুরক্ষিত তিনসহস্র বৎসর প্রাচীন শব অদ্যপি প্রাপ্ত হওয়া যায়। মিসর দেশের মনুষ্যেরা প্রায় সকলেই এই ক্ষণে যখন, সুতরাং তথায় এই ক্ষণে আর পূর্বোক্ত রীতির প্রচার নাই।

### কৌতুককণা।

উদর পিণ্ড বৃদ্ধি ঘাড়ে।

কদা এক কবি কোন দোষ করাতে রাজা তাহার প্রাণ বধের জন্যে যাতুককে এই আদেশ করিলেন, “আমার সম্মুখে ইহাকে বধ কর”। এতাদৃশ রাজাজ্ঞা শ্রবণে কবির হৃৎকম্প উপস্থিত হইল। ইহাতে তত্রত্য এক ব্যক্তি কহিল, “তোমার এতাদৃশ ব্যাকুলতায় কি কাপুরুষত্ব প্রকাশ হইতেছে! মনুষ্যেরা এমত স্থলে কদাচ ভয় করে না”। কবি কহিল, “ভাই যদি তুমি প্রকৃত মানব হও, তবে এস্থলে আইস, তুমি আমার

স্থানস্থ হইলে আমি উঠিয়া যাই”। রাজা ঐ কথা শুনিয়া সন্তুষ্ট হইলেন, এবং হাস্য করিয়া তাহার প্রাণ বধ রহিত করিলেন।

ধান ভানিতে শিবের গীত।

কোন ব্যক্তি এক লেখকের নিকটে গিয়া কহিল, “আমার এই পত্রখানি লিখিয়া দেও”। সে উত্তর করিল, “আমার পায়ে বেদনা হইয়াছে”। ইহাতে ঐ ব্যক্তি কহিল, “আমি তোমাকে কোন স্থানে পাঠাইতে চাহি না, তুমি কেন এমৎ আপত্তি করিতেছ”? সে প্রত্যুত্তর দিল, “তুমি যাহা কহিলা সে সকলই সত্য; কিন্তু যখন ২ যাহার নিমিত্ত পত্র লিখি, তখনই তাহা পাঠ করিবার জন্য তাহার দ্বারা আত্মত হইয়া থাকি। কেননা আমার লিখন পাঠ করা সহজ নহে”।

চক্ষুঃ থাকিয়াও অন্ধ।

এক জন উদররোগী বৈদ্য সমীপে গিয়া কহিল; “আমার উদরে বেদনা হইয়াছে, কিছু ঔষধ দেও”। বৈদ্য জিজ্ঞাসিল? “তুমি অদ্য কি আহার করিয়াছ”? “সে উত্তর করিল দধি পিষ্টক”। বৈদ্য কহিল, “তোমার চক্ষুর ঔষধ ব্যবস্থা করিতে চাহি”। রোগী কহিল, “চক্ষুর সহিত উদরের কি সম্বন্ধ আছে, মহাশয়”? বৈদ্য কহিল, “আদৌ তোমার চক্ষুর ঔষধ করা উচিত, কেননা যদি তোমার চক্ষুঃ প্রকৃতিস্থ থাকিত তাহা হইলে তুমি কদাচ দেখিয়া দধিপিষ্টক খাইত না”।

দুই দিক রক্ষা।

এক জন আরবীর একটি উষ্ট্র হারাইয়াছিল, ইহাতে সে শপথ পূর্বক মনে ২ প্রতিজ্ঞা করিল যদি আমি পুনর্বার সেই উটটা পাই, তাহা হইলে এক টাকা মূল্যে তাহাকে বিক্রয় করিব। পরে অন্তেষণদ্বারা যখন তাহাকে পাইল, তখন সে নিজকৃত শপথ অরণ করিয়া নিতান্ত লজ্জিত হইয়া একটা বি-

ড়ালকে তাহার গুণাবয়ব বাঁধিয়া প্রচার করিয়া দিল, যে “আমি এক টাকা মূল্যে এই উষ্ট্র ও শতমুদ্রা মূল্যে এই বিড়ালকে বিক্রয় করিব, কিন্তু পৃথক ২ করিয়া ইহাদিগকে বেচিব না”। ইহাতে এক ব্যক্তি তথায় আসিয়া কহিল, “যদি এই উষ্ট্রের গুণাবয়ব না থাকিত তাহা হইলে ইহাকে সুলভ বা অল্প মূল্যে প্রাপ্য বোধ করা যাইত”।

দেখাদেখি চক্ষে চুলি।

জনৈক চোর এক ব্যক্তির গৃহে অশ্ব চুরি করিতে গিয়া দৈবাৎ ধৃত হইল। ঘোটকাধিকারী তাহাকে কহিল, “যদি তুই আমাকে অশ্ব চুরির বিদ্যা শিখাইতে পারিস তাহা হইলে তোকে ছাড়িয়া দি”। ইহাতে সে স্বীকার করিল। তৎপরে ঘোড়ার নিকটে যাইয়া কহিল, “এই প্রকারে রজু খুলিতে হয়”, ও কার্যতঃ তৎ কর্ম সম্পন্ন করিয়া কহিল, “এই প্রকারে লাগাম পরাইতে হয়”, এবং তাহা সিদ্ধ করিয়া অশ্বোপরি আরোহণ করিল। পরে তাহাকে বেত্রাঘাত করত অত্যন্ত বেগে চালানিয়া কহিল, “দেখ এমনি করিয়া ঘোড়া চুরি করিতে হয়”। লোক সকল তাহার পশ্চাৎ ২ ধাবমান হইল, কিন্তু ধরিতে পারিল না।

গর্ষ করিলেই গর্ষ হইতে হয়।

এক দিন একটা পক্ষী কোন একটা বৃক্ষে বসিয়াছিল, বাদশাহ তাহা দেখিলেন, ও তত্রস্থ লোকদিগকে কহিলেন, “দেখ আমি এই পাখিটাকে বাণদ্বারা বধ করি”। পরে তীর ধনুক লইয়া ঐ পক্ষির প্রতি বাণক্ষেপ করিলেন, কিন্তু বিফল হইল। পাখিটাও পলায়ন করিল। ইহাতে বাদশাহের নিতান্ত লজ্জা হইল। তাহাতে জনৈক বুদ্ধিমান তাঁহার তাদৃশ লজ্জা পরিহারার্থ কহিতে লাগিল, “যদি বাদশাহ এই পাখিটা বিনাশ করিতে চা-



হিতেন, তাহা হইলে অন্যায়সেই করিতে পারিতেন, কিন্তু তাহার প্রাণের উপরি দয়া করিয়াছেন, একারণ ইচ্ছামতে বাৎসরিক নিষ্ফল করিলেন” ।

প্রত্যক্ষের অপলাপ সুকটিন ।

এক জন একখানি পত্র লিখিতেছিল, এমৎ সময়ে এক উদাসীন তথা গিয়া তাহার নিকট বসিল, ও সে পত্রে যাহা লিখিতেছিল, তাহা মনে পড়িতে লাগিল, লেখক তাহা দেখিয়া চিঠিতে লিখিল যে “এক জন মুর্থ আমার কাছে বসিয়া আমার পত্র পড়িতেছে, একারণ আমি ইহাতে গুপ্ত বিষয় ব্যক্ত করিতে পারিলাম না” । ইহাতে উদাসীন কহিতে লাগিল “যদি তুমি আমাকে নির্দোষ ঠাহরাইলা তবে কেন গুপ্ত কথা লিখিতেছ না? আমি তোমার পত্রে চক্ষুও দেই নাই” । লেখক কহিল, “যদি তুমি আমার পত্র না পড়িত তবে কি কাপে জানিলে যে আমি এমৎ লিখিয়াছি” ?

অভ্যাসের ক্ষমতা ।

এক জন বাদশাহের সহচর স্বভাবতঃ আপনাদের দাড়ির চুল আপনি উপড়াইত । বাদশাহ ইহা দেখিয়া এক দিন তাহাকে কহিলেন, “যদি তুমি পুনর্বার দাড়ি উপড়াইতে পার তাহা হইলে তোমার সমুচিত শাস্তি দেওয়া যাইবেক” । পরে ঐ ব্যক্তিকে এক দিন একটা অদ্ভুত কর্ম করিতে দেখিয়া বাদশাহের নিরতিশয় পরিতোষ হইল । তাহাতে তিনি তাহাকে কহিলেন “তোমার যাহাতে প্রয়োজন তাহাই পুরস্কার দিব” । ইহাতে সে কহিল, “দাড়ি ছিঁড়ার অনুমতি প্রদান করিলেই বাঁচি, অন্য কিছু চাহি না” । বাদশাহ কহিলেন “যদি তোমার ইহাতেই সন্তোষ হয়, তথাস্তু” ।

মুখের মতন হওয়া ।

তৈমুরলঙ্গ নামক প্রসিদ্ধ খঞ্জ বাদশাহ প্রাচীন-

দের প্রমুখাৎ শুনিয়াছিলেন যে হিন্দুস্থানে উত্তমোত্তম গায়ক আছে । ইহাতে তিনি যখন ঐ প্রদেশে আগমন করেন, তখন তত্রত্য গায়কদিগকে ডাকিয়া পাঠাইলেন । সন্বাদ প্রাপ্তিমাাত্র এক জন জন্মান্ত গায়ক তাঁহার সমীপে আগমন করিয়া গান করিতে আরম্ভ করিল । বাদশাহ তাহার মধুর গানে পরিতুষ্ট হইয়া তাহার নাম জিজ্ঞাসিলে, সে কহিল আমার নাম “দৌলত” (ধন) । বাদশাহ জিজ্ঞাসিলেন, “দৌলত (ধন) । কি কখন অন্ধ হয়?” সে উত্তর করিল, “দৌলত (ধন) যদি অন্ধ না হইত তবে লজ্জের (খঞ্জের) গৃহে কখন আসিত না” ।

সর্বনাশে যথালভ ।

এক বাদশাহ এক জন শত্রুকে আক্রমণার্থ কতকগুলি সৈন্য পাঠাইয়া দিলেন; দৈবাৎ ঐ সকল সৈন্য পরাজিত হইল । এক ব্যক্তি শীঘ্র বাদশাহ সমীপে যাইয়া কহিল, “আপনার সৈন্যদের জয় হইয়াছে” । বাদশাহ তাহা শুনিয়া অত্যন্ত তুষ্ট হইলেন । দুই দিন পরে আবার শুনিতে পাইলেন যে সেনাগণের হার হইয়াছে, ইহাতে অত্যন্ত ক্রুদ্ধ হইয়া পূর্ব সমাচারদায়িকে বিশেষ শাস্তি দিতে ইচ্ছা করিলেন । ইহা জানিয়া সে ব্যক্তি বিনয় পূর্বক বাদশাহের নিকট কহিতে লাগিল, “আমি তো শাস্তির যোগ্য নহি, বিবেচনা করুন, আমি আপনাকে দুই দিন তুষ্ট রাখিয়াছিলাম” ।

এক সূর্য্যে ধান শুকান ।

এক জন যাচক এক কৃপণ বণিকের নিকটে যাইয়া অধিক প্রাপ্তির আশায় কহিল, “দেখ আদম ও হাওয়া আমাদের উভয়ের পিতা মাতা, সুতরাং আমরা উভয়ে পরস্পর ভাত সম্পর্ক হইলাম, অতএব তোমার যে সকল ঐশ্বর্য্য দেখি-

তে পাই, যদি সমানাংশ করিয়া আমারে দেও তাহা হইলেও অন্যায় হয় না” । বণিক এই কথায় আপনীর ভৃত্যকে ডাকিয়া উহাকে এক টি মাত্র কপর্দক (কোড়ি) দিতে আদেশ করিল । এবং যাচক এই জঘন্য ও অগৃহ্য দানের কারণ জিজ্ঞাসিলে বণিক কহিল; “সুদূর হও; যদি তোমা সদৃশ আমার অন্যান্য ভায়রা এ কথা শুনিতে পায়, তাহা হইলে তোমার এ কপর্দক টি পাওয়াও অতি কঠিন হইয়া উঠিবেক” ।

### দৃষ্টান্ত বিন্দু ।

পদের পর কিঞ্চিৎ সুখও অধিক বিবোধ হয়, যেমন কষায়-রসের আশ্বাদ করিয়া জলপান করিলে তাহা অতিশয় সুস্বাদু লাগে ।

বিবয়ের অর্জন বা আনন্দি যত বৃদ্ধি হইতে থাকে ততই উত্তরোত্তর মনঃ লুপ্ত হয়, যেমন গুম্ব-ঋতুর সমাগমে হিম্মানী অতি প্রিয় লাগে ।

পুরুষের গুণ সহজ হইয়াও সাধুবাদে বর্দ্ধমান হয়, যেমন সুবর্ণের স্বাভাবিক দীপ্তিও সুরমা প্রাপ্তিতে নিরতিশয় কান্তিশালিনী হয় ।

সাধুকে নিন্দা করিতে গেলেই আপনি নিন্দিত হইতে হয়, যেমন আকাশে ধূলি প্রক্ষেপ করিলে তাহা আপনারই মস্তকে নিপতিত হয় ।

সাধুরা অসৎ-সংসর্গেও কদাচ স্বায় স্বভাব পরিত্যাগ করেন না, যেমন কাক সম্পর্কে কোকিল কখন কাকলী ত্যাগ করে না ।

খলের চিত্ত সম্পৎকালে ককর্শ ও বিপৎকালে কোমল হয়, যেমন লৌহ শীতলাবস্থায় কাঠন ও তপ্ত হইলে মৃদু হয় ।

খলেরা প্রীতিতেই প্রায় ক্রুদ্ধ হইয়া থাকে,

যেমন সেহ-পদার্থ সম্পর্কেই নেত্র কলুষ ভাবাপন্ন হয় ।

শুভ বা অশুভ কর্ম প্রাপ্তকাল নহিলে কদাচ ফলে না, যেমন শরদেই ধান্য ফলিয়া থাকে বসন্তে কদাচ হয় না ।

ভোগিদিগের ভোগ বাসনা কদাচ উপভোগে শান্ত হয় না, যেমন লবণ-রস-সেবনে পিপাসার শান্তি না হইয়া বরং তাহার বৃদ্ধিই হয় ।

উত্তম ব্যক্তি দুর্লভ হইলেও প্রায় সজাতীয়ের লভ্য হয়, যেমন কর্ণ শঙ্কুলির মধ্যগত জল জলদ্বারাই বাহির করিয়া আনা যায় ।

পৃথিবীতে উপভোগ শূন্য প্রাণির কক্ষতা দেখা যায়, দেখ বিধাতা বায়ুভোগি ভোগিদিগের দুই জিহ্বা বিধান করিয়া দিয়াছেন ।

সাধুকে বর্দ্ধমান দেখিতে পাইলেই নীচ লোক পুনঃ ২ দ্রেষ করে, যেমন রাত্ চন্দ্রকে পূর্ণ দেখিলেই গুাস করে ।

উদ্যোগ ব্যতীত কেহই সম্পদের ভাগী হইতে পারে না, যেমন দেবতারা সমুদু-মন্তনে নিভান্ত শুম করিয়া অমৃত পান করিয়াছিলেন ।

সাধুর চিত্ত সম্পৎকালে কোমল ও বিপৎকালে ককর্শ হয়, যেমন তরুর পত্র-সকল বসন্তে কোমল ও গুম্বয়ে কাঠন হয় ।

বিধি নিয়মে যদি কেহ কোন দোষের আকর হয়, তবে তাহা তাহার দূষণবহ হইয়া সৌজন্যের হানিকর হয় না, যেমন কালকূট উৎপন্ন হইয়া সুধাসিন্দুর গোরবের হানিকর নহে ।

সাধু ব্যক্তি বিপদগুস্ত হইলেও কদাচ নিজ স্বভাব পরিত্যাগ করেন না, যেমন কপূর অগ্নি স্পর্শে আরও অধিক মৌরভ প্রাপ্ত হয় ।

শুণিহইতে যে জন্মে সেও গুণবান হয় এমন



রীতি স্থির নাই, যেমন সুরভি-চন্দনকাষ্ঠ ভস্ম-মাৎ হইলে সে ভস্ম কখন সুরভি হয় না।

পরীক্ষা ব্যতীত সাধুর পুসিদ্ধ তত্ত্ব জানা যায় না, যেমন আকর্ষণের বা আক্রমণের পূর্বে কবচ-ধারি যোদ্ধার শক্তি জানা যায় না।

মূর্খেরা কিঞ্চিৎ অর্থ পাইলেই অত্যন্ত দুর্দান্ত হইয়া উঠে, যেমন জলভারাপন্ন হইলেই মেঘে গর্জন করিয়া থাকে শূন্য থাকিলে করে না।

কার্যার্থী হইলেই লোকে প্রায়ঃ অতি প্রীতি প্রকাশ করিয়া থাকে, মেঘলোম-ব্যবসায়েরা উত্তমোত্তম শস্য মেঘদিগকে দেয়।

দুর্জনেরা বুদ্ধিমানের কৌশলেই পরাজিত হয়, যেমন মূল নিকটস্থ ভূমি খনন করিয়া দিলে বিশাল বৃক্ষও আপনা আপনি পড়িয়া যায়।

সহজ সুন্দর পদার্থের শোভন সংস্কার করণের আবশ্যিক থাকে না, যেমন মুক্তা ফল কখন শাণপাষণ ঘর্ষণের যোগ্য হয় না।

নির্গুণ ব্যক্তি কখন নির্গুণ-সমাজ ভিন্ন সগুণমণ্ড-লীর মধ্যে শোভা পায় না, যেমন প্রদীপ অন্ধকার ব্যতীত দিনকর কিরণে শোভাশালী হয় না।

শূর ব্যক্তিও দুর্গম দেশে প্রবিষ্ট হইলে পরা-ভূত হয়, যেমন মহাপক্ষ নিমগ্ন হস্তী অনায়াসে অবসন্ন হয়।

বীরত্ব নীতিযুক্ত হইলেই জয়প্রদ হয়, কিন্তু নির-বচ্ছিন্ন বীরত্বে কোন ফল হয় না; যেমন বিষ অন্য বস্তুর সহিত মিশ্রিত করিয়া সেবন করা-ইলে তাহা মহৌষধ ও বিশিষ্ট পথ্য হয়, কিন্তু কেবল বিষ খাওয়াইলেই তৎকালে মৃত্যু।

অনেক মৃদু পুরুষে এক বীরকে বাধা দিতে পারে না, যেমন কপোতবহুলে একটা শ্যেনপক্ষি-কে পরাভব করিতে সমর্থ হয় না।

গুণ গুণান্তরাপেক্ষী হইলেই স্বরূপের খ্যাতি-

হেতু হইয়া উঠে। যেমন বাল্যলাবণ্য তরুণ-বস্থায় বিশেষ মনোহর হয়।

মূর্খ ব্যক্তি আপনাকে বিক্রয় করিয়া আবার বস্ত্রাদি দ্বারা আত্মদেহ সংস্কার করে, যেমন বে-শ্যারা পরের জন্যে অলঙ্কারাদি দ্বারা আপনার দেহ সুশোভিত করে।

উত্তমেরা ক্ষণবিধংসি সাংসারিক সুখভোগে অনুরাগী হন না, যেমন শৈবাল প্রফুল্ল কমল-কেশর প্রার্থনা করে না।

গুণের অসম্ভব স্তবেতে কেবল লজ্জা জন্মে কর্ণি-কার পুষ্প অতি সুরভি ইহা কহিলে কে না উপ-হাসাম্পদ হয়।

খনাশাতে কাহার হানি না জন্মে দেখ গগণ-বিহারি বিহঙ্গমেরা অতি দূরহইতে আমিষ লোভে ব্যাধের জালে বদ্ধ হয়।

নিকটস্থ ব্যক্তিই গুণিগণের গুণরাশি খ্যাপন করিয়া ইতস্ততঃ বিস্তার করিয়া দেয়, যেমন প্রফুল্ল কমল সকলের সৌরভ সন্নিহিত বায়ুকর্তৃক আ-হৃত হইয়া বিস্ফারিত হয়।

পরম্পর সকলেই মনে ২ আপনার অভিপ্রা-য়ানুরূপ অন্যের অভিপ্রায় বোধ করিয়া থাকে, যেমন স্বচ্ছ দীর্ঘ করবালে মুখ চন্দ্রাদির প্রতি-বিশ্ব দীর্ঘাকার দেখা যায়।

অধমেরাই শীঘ্র দুঃখবেগের বাধা পায়, উত্ত-মেরা তাদৃশ নহে, যেমন শীতস্পর্শ পাদদ্বয়ে বাধা দেয় তেমন চক্ষুর্দ্বয়ে নহে।

অশেষ গুণশালী দেবতাও চিরস্থায়ী হন না, দেখে জগদানন্দ কুমুদিনীনাথক চন্দ্রও সম্পূর্ণ মণ্ডলে এক দিন ব্যতীত অবস্থিতি করেন না।

দোষ যাহাই হইতে উৎপন্ন হয় তাহাতেই বি-লীন হয়, যেমন অগ্নিদাহজাত বিস্ফোট অগ্ন্য-ভাপে শান্ত হয়।



## বিবিধার্থ-সঙ্গ্রহ,


অর্থঃ

পুরাতত্ত্ব-ইতিহাস-প্রাণিবিদ্যা-শিল্প-সাহিত্যাদি-দ্যোতক মাসিক পত্র।

২ পর্ব]


শকাৎ ১৭৭৫, অগ্ণাহায়ণ।

[২৪ খণ্ড।



লণ্ডন সেতু।

### গঙ্গাবতরণের সেতু।



ভ্যতার প্রধান আনুসঙ্গিক শি-  
ল্পবিদ্যা; তদ্বয় কদাপি পৃথক  
হয় না; উভয়েই একত্রে সম-  
ভাবে বৃদ্ধিপ্রাপ্ত হয়, এবং এ-  
কের হ্রাসে উভয়েরই হ্রাস হয়। বনবাসী অস-  
ভের পর্যন্ত-গুহায় বা বৃক্ষ-কোঁটারে বাস, বন্ধল-  
পরিধান বা দিগম্বরের অবলম্বন, ও ফলমূলখাদ্য,  
অটালিকায় প্রয়োজন নাই, বস্ত্রের আবশ্যিক  
নাই, ও যন্ত্রাদিরও জ্ঞান নাই; সুতরাং তা-  
হাদিগের আদিম অবস্থায় শিল্পশাস্ত্রের কোন  
সংস্কারই থাকে না। কিন্তু বুদ্ধিসহকারে সুখ-  
লালসা ত্বরায় এ অবস্থার অন্যথা করে।  
স্বভাব-সিদ্ধ গুহার অভাব হইলে গুহা কা-  
ষ্ঠাদি দ্বারা মৃত্তিকা খনন করিয়া বাসোপযুক্ত  
গর্ত প্রস্তুত করা কর্তব্য, ইহা অনায়াসেই সক-  
লের বুদ্ধিতে উদয় হইতে পারে। তদনন্তর পত্র-  
দ্বারা তাহা আচ্ছাদন, তাহাতে দ্বার-সংযো-  
জন, পর্নকুটীর নির্মাণাদি সমস্ত ব্যাপার ক্রমশঃ  
ঘটিয়া উঠে। জলস্রোতঃ পার হইতে হইলে

উল্লম্বন বা সস্তরণ দ্বারা তাহা অতিক্রম করাই  
প্রথম কল্পে; পরে তদুপরি দৈব-পতিত বৃক্ষদ্বারা  
ঐ স্রোতঃ কেহ পার হইয়া অন্যত্র সৌলভ্যার্থে  
তদনুরূপ একটা কাষ্ঠ ফেলিয়া রাখে; তাহাতেই  
সেতুর সূত্রপাত হইল। এবম্প্রকার আদিম সেতু  
পথ-পার্শ্বে সর্বত্রই দৃষ্টিগোচর হইয়া থাকে।  
এক কাষ্ঠোপরি যাতায়াতের ক্লেশ হইলে তাহার  
পার্শ্বে অপর একটা কাষ্ঠ স্থাপন করা অনায়া-  
সেই সকলের মনে শ্রেয়ঃ বোধ হয়; তদনন্তর  
প্রয়োজনানুসারে তিন চারি বা ততোধিক কাষ্ঠ  
স্থাপন ও তদুপরি মৃত্তিকাদি দ্বারা সরল ভূমি-  
বৎ স্থান প্রস্তুত ক্রমশঃ হইয়া উঠে। অপর কাষ্ঠ-  
দ্বারা নির্মিত সেতু অনায়াসেই ভগ্ন হইয়া থাকে,  
ও তাহার উপর দিয়া কোন অত্যন্ত ভার-  
বিশিষ্ট পদার্থ চালনা করা যাইতে পারে না;  
সুতরাং কাষ্ঠের পরিবর্তে প্রস্তর বা ইষ্টক ব্যব-  
হার, ও কাষ্ঠের ছাউনির পরিবর্তে খিলানের  
সৃষ্টি হয়।


সেতু নানাপ্রকার অবয়বে নির্মিত হইয়া  
থাকে; পরন্তু সকল প্রকার সেতুরই দুই প্রধান  
অঙ্গ আছে। তদ্বিশেষ “ভিত্তি” ও “চাতাল”।



জলস্রোতঃ বা অন্য কোন খাতের তটদ্বয়ে ইষ্টকাদি দ্বারা যে প্রাচীর গুহন করা যায় ও যদুপরি সেতু স্থাপিত হয় তাহার নাম “ভিত্তি”; ও যদ্বারা উভয় তট সংযোজিত হয় তাহার নাম “চাতাল”, এবং ঐ চাতালের দীর্ঘতাকে “ব্যাপ্তি” শব্দে কহে। হিমালয় পর্বতের ঝুলা-নামক সেতুর বিবরণ পূর্বেই বিবৃত করা গিয়াছে (১৯৪ পাত্রে দেখ)। তাহাতে ভিত্তির পরিবর্তে দুই বৃক্ষ বর্তমান, ও এক গাছা রজ্জু ও একটা শিক্য চাতালের কার্য সিদ্ধ করিয়া থাকে।

সৌলভ্যানুসারে সেতুর ভিত্তি পুস্তর বা ইষ্টক-দ্বারা অত্যন্ত সুদৃঢ়রূপে গুণিত হইয়া থাকে, এবং যে পদার্থদ্বারা চাতাল পুস্তর করিবার অভিপ্রায় হয়, তদনুসারে ঐ ভিত্তির স্থূলতা নিরূপিত হয়; ভারি চাতালের প্রয়োজন হইলে সুতরাং স্থূল ভিত্তির আবশ্যিক।

সেতুর চাতাল দুই প্রকারে পুস্তর হইয়া থাকে; এক খিলান গুহনদ্বারা; দ্বিতীয়, কাষ্ঠাদি দ্বারা। খিলানকৃত চাতাল সুদৃঢ় হয়, কিন্তু পুশস্ত সেতু অভিপ্রেত হইলে তদনুক্রমে খিলান পুস্তর করা অতি কঠিন। বিশেষতঃ নদীর এক পার হইতে



শুইলকিল সেতু।


এই দুই প্রকার সেতু নির্মাণ করা অনেক ব্যয়সাধ্য এবং তদ্বারা পুশস্তা নদীর তট সংযোজিত করাও কঠিন, কারণ কড়িকাঠ ২০২৫ হস্তাধিক দীর্ঘ কুত্রাপি প্রাপ্য নহে, এবং ততোধিক দীর্ঘ লৌহ-কড়িও অনায়াসে পুস্তর হয় না; হইলেও তাহা এতাদৃশ ভারি হয় যে ব্যবহার করা দুষ্কর; সুতরাং অত্যন্ত পুশস্তা নদীর উপর সেতু নি-

অপর পার পর্যন্ত একটি খিলানে ব্যাপ্ত করা যাইতে পারে না, সুতরাং নদীগর্ভের মধ্যে ২ জলের ভিতরে ভিত্তি পুস্তর করিতে হয়, তাহা অত্যন্ত কষ্টসাধ্য, এবং তাহা পুস্তর হইলেও অনায়াসে ভগ্ন হইবার সম্ভাবনা থাকে। লণ্ডন নগরে লণ্ডন-সেতু নামক সেতু খিলান-সেতুর এক প্রধান দৃষ্টান্ত স্থল। ঐ সেতুতে পাঁচটা খিলান আছে, তৎসমুদয়ের ব্যাপ্তি ৩০০ হস্ত ও মধ্যস্থ খিলানের দীর্ঘতা ২০০ হস্ত। পূর্ব পৃষ্ঠে এই সেতুর এক পুতিক্রম মুদ্রিত হইয়াছে।

এক ভিত্তিহইতে অপর ভিত্তি পর্যন্ত কড়িকাঠ স্থাপন করত তদুপরি বরগা খোয়াপুস্তিত-পদার্থ দ্বারা ছাদ পুস্তর করণ, চাতাল-নির্মাণের দ্বিতীয় কম্প; কিন্তু তাহাতেও এক ব্যাপ্তিতে বৃহৎ সেতু পুস্তর হইতে পারে না। কাষ্ঠের কড়ির পরিবর্তে লৌহ কাড়ির ব্যবহার করিলে এ কার্য অনেক সুসাধ্য হয়। মার্কিন দেশে ফিলাডেলফিয়া নগরে শুইলকিল নামক সেতু কাষ্ঠকড়িদ্বারা নির্মিত, এবং তাহার চিত্র নিম্নে মুদ্রিত হইল। ইহা কেবল কড়িকাঠে অতিসুন্দররূপে নির্মিত হইয়াছে, এবং তাহার সমস্ত ব্যাপ্তি ২২৭ হস্ত।

র্মাণ করিতে হইলে, উত্তম শিল্পকারেরা অন্য উপায় অবলম্বন করেন। নদীর এক পার হইতে অপর পার পর্যন্ত দুই গাছা রজ্জু বন্ধন করিয়া তাহাতে একটা মাচান ঝুলাইয়া বান্ধিলেই অনায়াসে অতি দীর্ঘ সেতু পুস্তর হইতে পারে, কিন্তু এতাদৃশ স্থূল ও সুদৃঢ় রজ্জু কুত্রাপি প্রাপ্য নহে, যাহাতে হস্তাদি বৃহৎ পশু বা অন্য

কোন বৃহৎ শকটাদির ভার সহ্য করিতে পারে; সুতরাং রজ্জুর সেতু অত্যন্ত দীর্ঘ হইলেও তাহাতে সেতুর সকল অভিপ্রায় সিদ্ধ হইতে পারে না; অপর রজ্জু মাত্রেরই অতি অল্পকাল মধ্যেই নষ্ট হইয়া যায়, সুতরাং কবে ছিন্ন হইয়া পথিক-সহ জলমাৎ হইবে এতদাশঙ্কা সর্বদাই বর্তমান থাকে। রজ্জুর পরিবর্তে লৌহ শৃঙ্খল ব্যবহার করিলে এই সকল দোষের পরিহার হইতে পারে; অতএব এই ক্ষেত্রে দীর্ঘ সেতু নির্মাণ করিতে হইলে উত্তম শিল্পকারেরা সর্বত্র লৌহ শৃঙ্খল ব্যবহার করিয়া থাকে। কলিকাতার পার্শ্বে বাঘবাজারের পোল, দমদমার পোল, খিদিরপুরের পোল ইত্যাদি



মিনাই সেতু।

বালিখালের উপর যে লৌহ সেতু আছে, তাহা উদ্বন্ধ-সেতর এক উত্তম দৃষ্টান্ত স্থল। উদ্বন্ধ সেতু-মাত্রেরই শকটাদির গমনাগমনে ও ঝড়ের বেগে আন্দোলিত হইয়া থাকে; কিন্তু বালিখালের সেতু-ঝুলাইবার শিক-সকল বক্রভাবে নিবন্ধ করিতে ঐ দোষ একেবারে নিরাকৃত হইয়াছে। কর্ণেল গুড্‌উইন্ সাহেব ঐ সেতু নির্মাণ করেন। সম্প্রতি তাহার পরামর্শে কলিকাতায় ক্লাইব-ঘাটের সম্মুখে গঙ্গা-নদীর উপর এক তক্রপ সেতু নির্মাণের কম্পনা হইতেছে। যে স্থানে ঐ সেতু হইবেক তথায় গঙ্গা ১৪৬৬ হস্ত পুশস্তা। তৎসমুদায় এক চাতালে ব্যাপ্ত করিলে তাহা অত্যন্ত আন্দোলিত হইবে ও হঠাৎ ভগ্ন হইয়া পড়িতে পারে, এ নিমিত্তে উক্ত সাহেব গঙ্গার গর্ভ মধ্যে দুই প্রকাণ্ড স্তম্ভ নির্মাণ করিয়া সেতু-

সকল সেতু লৌহ শৃঙ্খলে ঝুলাইত হইয়াছে; এতক্রপ সেতুকে “উদ্বন্ধ সেতু” শব্দে কহি। নিম্নে যে চিত্র মুদ্রিত হইল তাহা উদ্বন্ধ-সেতুর এক উত্তম দৃষ্টান্ত। ইংলণ্ড ও আয়রলণ্ড দ্বীপের মধ্যগত “মিনাই” নামক সমুদ্র-বাহুর উপর ঐ সেতু নির্মিত আছে। ইংরাজি ১৮২৬ অব্দে টেনেকার্ড নামক জনৈক প্রসিদ্ধ শিল্পশাস্ত্র-ব্যবসায়িদ্বারা ইহা নির্মিত হইয়াছিল। তাহাতে যে দুই শৃঙ্খলা আছে, তাহার প্রত্যেক গাছা ১১৪৩ হস্ত দীর্ঘ, ও ৫৪,৭০২ মোন লৌহে নির্মিত। সমুদ্রের জলসীমাহইতে এই সেতু এতাদৃশ উচ্চ যে ইহার নিম্ন দিয়া মাস্তুরসহ জাহাজ অনায়াসে যাতায়াত করিতে পারে।

কে দুই ব্যাপ্তিতে বিভাগ করিতে মনস্থ করিয়াছেন। ঐ স্তম্ভ নির্মাণ করা বিশেষ আয়াসসাধ্য ব্যাপার। তদর্থে পুথমতঃ গঙ্গার মধ্যভাগে স্তম্ভ নির্মাণের প্রয়োজনীয় স্থানের চতুর্দিকে ৪৫ সারি সুদৃঢ় কাষ্ঠ-স্তম্ভ প্রোথিত করত তথায় তক্তা ও মৃত্তিকা দ্বারা অতি স্থূল বাঁধ পুস্তর করিতে হইবে। পরে ঐ বাঁধের মধ্যস্থ জল সিঞ্চন করত তত্রত্য স্থান শুষ্ক করিয়া ঐ নদীগর্ভে কয়েকটা অতি স্থূল লৌহ স্তম্ভ প্রোথিত করত ভূমি সুদৃঢ় করা আবশ্যিক। তদুপরি পুস্তর ইষ্টকাদি দ্বারা ৩৩ হস্ত স্থূল স্তম্ভদ্বয় নির্মিত হইবে; এবং ঐ স্তম্ভদ্বয়ের মস্তকে এক লৌহ খিলান নির্মিত হইবে। বর্ষাকালে জোয়ারের সময়ে নদীর জল যে সীমা পর্যন্ত উর্দ্ধ হয় তাহাই হইতে ঐ খিলান ৮৫ হস্ত উচ্চ হইবে,



সূত্রাং ইহার নিম্ন দিয়া অনায়াসে মাস্তুল যুক্ত জাহাজ যাতায়াত করিতে পারিবে। গুড্-উয়িন্ সাহেব অনুমান করেন ঝাঁধ দিয়া এই স্তম্ভদ্বয়ের বনিয়াদ পুস্তক করিতে ৬,০০,০০০ টাকা ব্যয় আবশ্যিক, এবং স্তম্ভদ্বয় ও উভয় পার্শ্বের ভিত্তি ও অন্যান্য প্রয়োজনীয় ইষ্টক ও প্রস্তর গুহ্মনে অপর ছয় লক্ষ টাকা ব্যয় হইবে।

গুড্-উয়িন্ সাহেব এই স্তম্ভদ্বয়হইতে নদীতট পর্য্যন্ত ৬৭০ হস্ত দীর্ঘ দুই সেতু নির্মাণ করিতে মনস্থ করিয়াছেন। এ সেতু ৮ গাছা অতি-স্থূল লৌহ শৃঙ্খলে ঝুলাইত থাকিবেক; এবং তাহার মধ্যভাগে শকট-গমনাগমনোপ-যুক্ত ১৩৫ হস্ত পরিমিত এক পথ ও তদুভয় পার্শ্ব পদচারিদিগের নিমিত্তে ৪৫০ প্রশস্ত অপর দুই পথ থাকিবেক। পুস্তাবিত শৃঙ্খল-সকল মধ্যস্থ স্তম্ভের উপর দিয়া নদীর এক পার হইতে অপর পার পর্য্যন্ত বিস্তৃত থাকিবে, এবং তাহার প্রত্যেক গাছা ১৮-০৯ মোন লৌহে নির্মিত হইবে। স্তম্ভদ্বয়ের মধ্য স্থানে যে সেতু বা চাতাল পুস্তবিত হইবে তাহা উভয় পার্শ্বের সেতুর ন্যায় ঝুলাই থাকিবে না; তাহা বাম্পীয় যন্ত্রদ্বারা প্রয়োজনানুসারে এক পার্শ্ব টানিয়া লওয়া যাইতে পারিবেক; পরে পুনঃ এই স্তম্ভদ্বয়ের মধ্যে স্থাপিত হইতে পারিবে। এই প্রকার চলনীয় সেতু করিবার অভিপ্রায় এই যে সেতুদ্বারা জাহাজ যাতায়াতের কোন হানি না হয়। সেতু জল-সীমাহইতে অতি উচ্চ করিলে এবম্পুকারে সর্বদা নাড়িতে হইত না বটে, কিন্তু তাহা হইলে কলিকাতা ও হাবড়ার ভূমিহইতে সেতুর চাতাল এতাদৃশ উচ্চ হইত যে তদ্বারা শকটাদির যাতায়াত করা কঠিন হইত। এই সেতু নির্মাণে প্রায়ঃ নয় লক্ষ টাকার লৌহ আবশ্যিক হইবে,

এবং ইহার সমস্ত ব্যয় ২২,৬০,৩৮০ টাকা অনু-মিত হইয়াছে। ইহা পুস্তবিত হইলে গুড্-উয়িন্ সাহেবের নিম্প-চাতুর্যের এক অদ্ভুত কীর্তি-স্তম্ভ আরোপিত হইবে।

### গার্হস্থ্য-বাহালা-পুস্তক-সঙ্গ্রহের \* সমালোচনা।

যে সমাজের সাহায্যে বিবিধার্থ-সঙ্গ্রহ পাঠক-নিচয়ের প্রিয়পাত্র হইয়াছে, তৎসভার আদেশে কয়েকখানি অ-ভিন্নব পুস্তক পুস্তবিত ও প্রকাশিত হইয়া অনেকের আনন্দ বৃদ্ধি করিতেছে। তাহাতে হৃদয়-গাহিনী সুমধুরাখ্যায়িকা অনেক আছে, এবং তৎপ্রকাশে সমাজাধ্যক্ষ মহাশয়েরা বঙ্গভা-ষার পরমোপকার করিয়াছেন, তদর্থে দেশহি-তৈষী মাত্রেই তাঁহাদিগকে অবশ্যই ধন্যবাদ করিবেন। এই গুহ্মগুহ্মিন প্রাণ্যনন্তর আমরা আ-দ্যোপান্ত পাঠ করিয়া পরমাপ্যায়িত হইয়াছি, এবং তাহার গুণবর্ণনে অত্যন্ত উৎসুক আছি; কিন্তু অপক্ষপাতে তাহার গুণ বিচার করা আমাদের পক্ষে সম্ভব নহে, কারণ ব্যবসায়ের অনুরোধে পুস্তাবিত সমাজের স্পক্ষ হইয়া তৎসমাজকর্তৃক পুস্তবিত পুস্তক-পক্ষে নিতান্ত সুহৃদ্য হইব, ইহা আশু জনসমাজের হৃদয়ঙ্গম হইবেক না; অতএব তদ্বিষয়ে আমাদের উদ্যত হওয়া অক-র্তব্য। পরন্তু মনোরঞ্জক নূতন পুস্তক প্রাপ্ত হইয়া তাহার বাস্তা পাঠকপুঞ্জের গোচর না করায় ও

\* গুহ্ম-সঙ্গ্রহকারেরা অক্ষিণদিকের পরামর্শ গৃহ্য করিলে, “গার্হস্থ্য বাহালা” শব্দের পরিবর্তে বাহালা-গার্হস্থ্য শব্দ লি-খিতে অনুরোধ করিতাম।

কর্তব্য কর্মের অবহেলা করা হয়; সূত্রাং পুস্তা-বিত পুস্তক-সঙ্গ্রহের মর্ম প্রচার করাই আমাদের পক্ষে আপাততঃ শ্রেয়ঃকম্প বোধ হইতেছে।

এ পুস্তক সঙ্গ্রহের প্রথম পুস্তকের নাম “লাড্ ক্রাইবের চরিত্র”। তাহাতে ইংরাজদিগের প্র-ধান সেনানায় ক্রাইবের, নবাব সেরাজুদ্দৌ-লাকে পলাসির উদ্যানে পরাস্ত করিয়া বঙ্গ রাজ্য স্বদেশীয়দিগের হস্তগত করণ প্রভৃতি, কীর্তি সন্মুহের বিবরণ বিবৃত আছে। কয়েক বৎসর হইল মেকালে নামক জনৈক প্রসিদ্ধ গদ্যলেখক ইংরাজি ভাষায় এই গুহ্ম রচনা করিয়াছিলেন, অধুনা এই ইংরাজি আদর্শহইতে গুণালঙ্কৃত শ্রীযুক্ত হরচন্দ্র দত্তজ বিবেচ্য গুহ্ম বঙ্গ-ভাষায় অনুবাদ করিয়াছেন।

পুস্তাবিত সঙ্গ্রহের দ্বিতীয় পুস্তকের নাম “উয়ি-লিয়ন্ সেকুপিয়রের নাটকহইতে সঙ্গ্রহীত গম্প”। আসিয়াটিক্ সোসাইটী নামক সভাসঙ্ঘাত্ত ডা-ক্টর কুয়ের সাহেব তাহা অনুবাদিত করিয়াছেন। ইহাতে কয়েকটি অতি মনোহর গম্প আছে, তৎ-পাঠে পাঠকবৃন্দ অবশ্যই সন্তুষ্ট হইবেন।

তৃতীয় পুস্তকের নাম “সংবাদসার”। তাহাতে এতদেশীয়সমাচার পত্রহইতে উদ্ধৃত জীবন চরিত্র নাতি কথা প্রভৃতি নানাবিধ সদুপদেশপূর্ণ মনো-রঞ্জক পুস্তাব বঙ্গ-ভাষার হিতৈষী শ্রীযুক্ত পাদার লক্ষ সাহেব কর্তৃক সঙ্গ্রহীত হইয়াছে।

চতুর্থ পুস্তকের নাম “রাজা প্রতাপাদিত্য চরিত্র”। মহাকাবি ভারতচন্দ্র স্বকীয় গুহ্মে উক্ত রাজার কিঞ্চিৎ বর্ণন করিয়াছেন এবং তাহার পরে এখন প্রায় পঞ্চাশৎ বৎসর হইল, উক্ত রাজকুলজাত রামরাম বসু নামক ফোর্ট উইলিয়ম কলেজের এক জন শিক্ষক কর্তৃক ইহা প্রথমত লিপিবদ্ধ হয়। যদিচ রামরাম

বিজ্ঞান ও সাহিত্য শাস্ত্রে উত্তম উপদেষ্ট ছিলেন তথাপি তাহার রচনা প্রণালী অতি জঘন্য ছিল, অধিকন্তু, বোধ হয়, তিনি জন্মভূমির ইতর লো-কের দৈনন্দিন ব্যবহারিক বাক্যে গুহ্ম রচনা করিতে সঙ্কম্পিত হইয়াছিলেন, এবং তৎসঙ্কম্পে কীদৃশ ফল উৎপন্ন হইয়াছিল পাঠকবৃন্দ তাহা নিম্নে উদ্ধৃত তল্লিপিবদ্ধ দৃষ্টান্তহইতে অনায়াসেই অনুভব করিতে পারিবেন। তদৃষ্টান্ত যথা।

“ইহা ছাড়াইলে পুরির আরস্ত। পূবে সিংহ “দ্বার পুরির তিন ভিতে উত্তর পশ্চিম দক্ষিণ “ভাগে সরাসরি লম্বা তিন দালাণ তাহাতে “পশ্চিমের রহিবার স্থল। উত্তর দালানে সমস্ত “দুক্ষবতী গাভীগণ থাকে দক্ষিণ ভাগে ঘোড়া “ও গাধাগণ পশ্চিমের দালানে হাতি ও উট “তাহারদের সাথে ২ আর ২ অনেক ২ পশুগণ।

“এক পোয়া দীর্ঘ প্রস্থ নিজ পুরী। তার চারি “দিগে পুস্তরে রচিত দেয়াল। পূবদিগে সিংহ “দ্বার তাহার বাহির ভাগে পেট কাটা দরজা। “শোভা কর দ্বার অতি উচ্চ আকারি সহিৎ “হস্তি বরাবর যাইতে পারে। দ্বারের উপর এক “স্থান তাহার নাম নওবৎ-খানা তাহাতে অ- “নেক ২ প্রকার জন্তে দিবা রাত্রি সময়ানুক্রমে “জল্লিরা বাদ্যধ্বনি করে।

“নওবৎ খানার উপরে ঘড়ি ঘর। সে স্থানে “ঘড়িয়ালেরা তাহারদের ঘড়িতে নিরক্ষণ করিয়া “থাকে দণ্ড পূর্ণ হবা মাত্রেই তারা তাহারদের “ঝাঁজের উপর মুগুর মারিয়া জ্বাত করায় সকলকে।

“তদুপরি ভাগে মন্দিরের চূড়ার ন্যায় ঘণ্টা “ঘর নির্মিত হইয়াছে অতি উচ্চ সে ঘর বিলক্ষণ “দেখায় তাহার মধ্যে সত নাদীয় ঘণ্টা বন্ধ “লোকেরা তাহার সময়েতে কল ফিরাইয়া দেয় “প্রতি দণ্ডে সে ঘণ্টা বাজিয়া উঠে ঘণ্টার ঠন



“ঠনি শব্দ গড়ের মধ্যে পাঁচ কোশ পর্য্যন্ত  
“শুনা যায়।

“ঘণ্টা ঘরের চূড়ার উপরে ধ্বজ। তাহাতে  
“উড্ডীয়মান পতকা নোভা পাইতেছে কক্ষ বর্ণ  
“পতকা উড়িতেছে সে ধ্বজের উপরে তাহা অন্য  
“লোকেরা দ্বারে থাকিয়া দেখিতে পায় যে মত  
“মেঘ পবনের তেজে গতি করিতেছে! এমত আ-  
“শ্চর্য্য সিংহ দ্বার গঠন করিয়াছে হেন্দো স্থানের  
“মধ্যে এমত স্থান কুত্রাপি দেখা যায় না।

“দ্বারে দ্বারপাল সের আলিখাঁ নামে পাঠান  
“ভয়ঙ্কর তাহার মূর্ত্তি দুর্দর্শ কায় মহা পরা-  
“ক্রমে। আফিম চরস ইত্যাদি খায় সদাই ক্রোধ  
“শত ২ পাঠান তাহার পরিবার অতি দস্ততে  
“সে দ্বার রক্ষা করে তাহাকে দেখিলেই বিপক্ষ  
“লোক পলায়নপর হয়। সে দ্বারের মধ্যে প্র-  
“বেশ করিলে তাহার পর অপূর্ব সুশোভিত নগর  
“চারি দিকেই দোপটি মন্বর ছেমছলা বালা খানা  
“তাহাতে পৃথক ২ স্থানে বেন মূল্য সান্নিগির  
“মহাজন লোকের দোকান। বহুমত প্রকার বস্তু  
“সেখানে বিক্রি হয়”।

এই কর্কশ ও কুৎসিত মূল্যগুহুহইতে সংস্কৃত  
কালেজের এক জন পূর্বতন ছাত্র শ্রীযুক্ত হরীশচন্দ্র  
তর্কালঙ্কার কর্তৃক প্রস্তাবিত গুহু সঙ্কলিত হই-  
য়াছে। প্রতাপাদিত্য বঙ্গজ কায়স্থ ছিলেন।  
প্রায় তিন শত বৎসর হইল, \* তাহার পূর্বপুরুষ  
রামচন্দ্র বঙ্গ-দেশের পূর্বাঞ্চলে বাস করিতেন।  
বাণিজ্য-কার্য্যানুরোধে সে ব্যক্তি পাটমহলে  
পরগণায় গমন করত তথাকার জনৈক সরকার-  
দুহিতার পাণিগৃহণ-পূর্বক কিয়ৎকাল তথায় অ-

\* পুরাণাদি ইতিহাস গুহু কাল-নির্গণ-করণের রীতি নাই;  
এবং প্রস্তাবিত গুহুকার সেই প্রথার অনুবর্ত্তী হইয়া “মহাজনে  
যেন গতঃ স পশু” এই প্রাচীন বচনের মান রাখিয়াছেন।

বস্থান করেন, ও বাণিজ্য-কার্য্য পরিত্যাগ করত  
পরিশেষে শ্যালকদিগের সাহায্যে কানুনগো  
দপ্তরে মুহুরিগিরি কর্ম্মে নিযুক্ত হন। পাটমহলে  
সরকার-দুহিতার গর্ভে তাহার তিন পুত্র জন্মে,  
তাহার জ্যেষ্ঠের নাম ভবানন্দ, মধ্যমের নাম  
গুণানন্দ, এবং কনিষ্ঠের নাম শিবানন্দ। রাম-  
চন্দ্র মুহুরিগিরি কর্ম্মে সর্বতোভাবে পারগ ছি-  
লেন; কিন্তু কার্য্যালয়ের সিরিস্তাদারের সহিত  
তাহার সর্বদা অপ্রণয় হইত, এবং তদর্থ নানা  
প্রকারে উত্ত্যক্ত হইয়া অবশেষে তাহাকে কর্ম্ম  
পরিত্যাগ করিয়া গোড় রাজধানীতে প্রস্থান ক-  
রিতে হইয়াছিল। তথায় তিনি পুনঃ কানুনগো  
দপ্তরের মুহুরিগিরি পদ প্রাপ্ত হন; এবং কিয়ৎ-  
কাল পরে কানুনগোর মৃত্যু হইলে পর নবাবের  
অনুগৃহে তাহার কনিষ্ঠ শিবানন্দ সেই পদে অভি-  
যুক্ত হন।

শিবানন্দ অতি সুচতুর ছিলেন, এবং নবাব-  
পরিবারের প্রিয় হইবার অভিপ্রায়ে নবাবের  
ভনয় যে পাঠশালায় বিদ্যাধ্যয়ন করিতেন,  
তথায় আপন জ্যেষ্ঠসহোদরের পুত্র শ্রীহরি এবং  
মধ্যম ভ্রাতার পুত্র জানকীবল্লভকে বিদ্যাভ্যাসা-  
র্থে নিযুক্ত করিয়া দেন। এই বিদ্যানন্দিত্রে নবাবের  
কনিষ্ঠ পুত্র দায়ুদের সহিত এই বালকদ্বয়ের প্রগাঢ়  
প্রণয় জন্মিয়াছিল, এবং দায়ুদের মৃত্যু পর্য্যন্ত  
এ তিন ব্যক্তি যৎপরোনাস্তি সুজনতার সহিত  
বন্ধুতা রক্ষা করিয়াছিলেন। দায়ুদ স্বয়ং নবাব হই-  
লেও তাহার প্রিয়বরস্যদিগের মধ্যে “শ্রীহরিকে  
মহারাজ বিক্রমাদিত্য উপাধি দিয়া সর্বাধ্যক্ষ  
মুখ্যপাত্র, এবং কনিষ্ঠ জানকীবল্লভকে রাজা বসন্ত-  
রায় উপাধি দিয়া ভূমিসংক্রান্ত সমুদায় কর্ম্মের  
অধ্যক্ষ করিলেন”।

যে সময়ে দায়ুদ দিল্লির অধিপতির বিকল্পে

অধ্বারণ করেন তৎকালে ভবানন্দ অমঙ্গল আ-  
সন্ন দেখিয়া ভ্রাতৃদ্বয় ও শ্রীহরি ও জানকী-  
বল্লভের সহিত লুকাইবার স্থান নিরূপণার্থে  
“পরামর্শ স্থির করিয়া নিভৃত স্থান অব্বেষণ  
“করিতে দেশ বিদেশে লোক পাঠাইলেন। তা-  
“হারা দক্ষিণ অঞ্চলে সমুদ্রের নিকট এক স্থান  
“মনোনীত করিয়া আইল। এই স্থান পূর্বে চাঁদ  
“খাঁ মশনদরির অধিকার ছিল। তাহার উত্তরাধি-  
“কারী কেহ না থাকাতে এই দেশ ক্রমশঃ এমত  
“দুর্গম জঙ্গল হইয়াছে যে তথায় যাতায়াত কঠিন,  
“ভয়ানক অরণ্য দিয়া নৌকা ব্যতীত যাইবার  
“কোন উপায় নাই। এই বনে ব্যাঘ্র মহিষ বরাহ  
“প্রভৃতি নানা হিংসু জন্তু আছে এবং নদী সকল  
“বৃহৎকায় কুস্তীরপূর্ণ, এই ভয়ঙ্কর বনের নাম বা-  
“দাবন তাহার দক্ষিণাংশ অদ্যাবধি সুন্দর বন  
“নামে প্রসিদ্ধ আছে। এই স্থানের সকল বৃত্তান্ত  
“অবগত হইয়া সকলের তাহাই মনোনীত হইল।

“বিক্রমাদিত্যের পিতা তৎপর হইয়া তথায়  
“পুরী নির্মাণের নিমিত্ত এক জন বিশ্বস্ত লোক  
“প্রেরণ করিলেন। সে যাইয়া নগরের উপযুক্ত  
“স্থান স্থির করিয়া তথাকার বন কাটাইল এবং  
“নদীতে সেতুবন্ধ করত প্রথমে এক প্রশস্ত পথ  
“প্রস্তুত করিয়াছিল। পরে দীর্ঘ প্রস্থে ছয় ক্রোশ  
“এমত স্থলের মধ্যস্থলে চারি দিকে গড় কাটা-  
“ইয়া অপূর্ব সাত মহল বাটী নির্মাণ করিল এবং  
“তাহার চতুর্পার্শ্বে হাট বাজার বসাইয়া এই স্থান  
“অতি সুশোভিত করিলে ভবানন্দ স্বয়ং মন্ত্রি-  
“গণ সহিত যাইয়া দেখিলেন রম্য স্থান হইয়াছে।  
“তথায় বাস করিতে সকলেরই মনন হইল।

“ভবানন্দ সেই স্থানে থাকিয়া গোড়ে যে কিছু  
“ছিল, সমুদায় দুব্য সামগ্গী নৌকাযোগে এই নূতন  
“বাটীতে লইয়া গেলেন। এবং শুভ ক্ষণে পরি-

“জন লোক সমেত গৃহ প্রবেশ করিয়া মনের  
“সুখে রহিলেন কোন উপদ্রবের ভাবনা রহিল  
“না। শ্রীহরি জানকীবল্লভ ও শিবানন্দ কানন-  
“গো এ তিন জন বাসা বাটীতে থাকনের ন্যায়  
“গোড় রাজধানীতে রহিলেন আর সকলে এই  
“নূতন বাটীতে যাইয়া রহিল”।

দায়ুদের রাজবিদ্রোহিতা স্বরায় তাহার বিনা-  
শের কারণ হইল। আকবর পাদশাহ রাজা  
তোড়লমল্ল এবং মানসিংহকে বঙ্গ দেশে প্রেরণ  
করেন, এবং তদ্বয়-কর্তৃক দায়ুদ পরাভূত ও  
শিরশ্চ্যুত হন। তৎপরে রাজা বিক্রমাদিত্য সৈ-  
নিকম্বে রাজা মানসিংহের সাহায্যে যশোহর  
প্রদেশে রাজ্য করিতে দিল্লিধিপতির আজ্ঞাপত্র  
প্রাপ্ত হন, এবং তদনুসারে ভ্রাতৃসহ পরম প্রী-  
তিতে বহুকাল যথান্যয়ে রাজ্য করিয়াছিলেন।  
তাহার পুত্রের নাম প্রতাপাদিত্য। সে তৎকাল-  
বস্তাবধি পিতা ও পিতৃব্যের অবাধ্য হইয়া অস-  
দ্ব্যবহারে অনুরক্ত হইয়াছিল। এতন্নিমিত্ত তাহার  
পিতা তাহার বিনাশার্থে বসন্তরায়কে অনুরোধ  
করিয়াছিলেন, কিন্তু সেই ধার্মিকবর ভ্রাতৃপত্র-  
প্রতি অত্যন্ত সৌহার্দিত ছিলেন, সুতরাং এই  
নৃশংস কর্ম্মে কদাপি প্রবৃত্ত হইতে পারিলেন  
না। তৎপরে প্রতাপাদিত্যকে দূরী করণাভিপ্রায়ে  
রাজা বিক্রমাদিত্য তাহাকে আপন প্রতিনিধি  
স্বরূপে দিল্লী নগরে প্রেরণ করেন।

পাপিষ্ঠ প্রতাপাদিত্য আকবর পাদশাহের  
নিকটে অবস্থান করত পিতৃ-প্রেরিত কর পাদ-  
শাহের কোষাগারে যথা নিয়মে না অর্পণ করিয়া  
গোপন করিতে লাগিল। তিন বৎসর এই প্র-  
কারে কর অনাদায়ী থাকায় পাদশাহ বিক্রমা-  
দিত্যের সমুচিত দণ্ডার্থে জনৈক সৈন্যধ্যক্ষ  
প্রেরণের অনুমতি করেন। এই অবকাশে প্রতাপ-



পাদিত্য শঠতাপূর্বক পাদশাহের নিকট পিতৃত্ব বসন্তরায়ের যৎপরোনাস্তি নিন্দা করত সৈলিক্রমে সঞ্চিত তিন বৎসরের কর পাদশাহকে প্রদানপূর্বক আপন নামে যশোহর-রাজ্যের সনন্দ পত্র গৃহণ করিলেন। অতঃপর সৈন্যসামন্ত সমভিব্যাহারে স্বদেশে আসিয়া পিতা ও পিতৃত্বের সঞ্চিত দুরাচার মত যথোপযুক্ত নিয়মে অসদ্ব্যবহার করেন; কিন্তু ঐ বৃদ্ধ রাজহয়ের সৌজন্যে তাঁহার দৌরাচার নিষ্ফল হয়।

বিক্রমাদিত্য রাজ্যের দশ আনা অংশ পুত্রকে ও ছয় আনা অংশ ভ্রাতাকে প্রদান করিয়াছিলেন। বসন্তরায় প্রাপ্তাংশে সম্যকসন্তুষ্ট থাকিয়া ভ্রাতৃপুত্রের নিমিত্ত ধুমঘাট নামক স্থানে এক উত্তম পুরী নির্মাণ করত অত্যন্ত সমারোহ পূর্বক তথায় তাঁহাকে রাজ্যভিষিক্ত করেন; কিন্তু এই সকল সদ্ব্যবহারে ঐ দুর্জনের মনঃশান্ত হয় নাই; পিতৃত্বের বিনাশে সর্বদা ব্যগ্ৰ ছিল। অপর একচ্ছত্রী রাজা হইতে প্রতাপাদিত্যের অত্যন্ত বাসনা হইয়াছিল, এবং তদভিপ্রায়ে তিনি বঙ্গ-দেশের অপরাপর রাজাদিগকে বলে ছলে কৌশলে বশীভূত করিয়াছিলেন; কাহাকেই অস্পৃষ্ট রাখেন নাই। রাজমহল, পাটনা প্রভৃতি সমস্ত প্রদেশ জয় করিয়া স্বাধীন হইয়াছিলেন, এবং দিল্লীর পাদশাহকে কর প্রদানেও নিরস্ত হইয়াছিলেন। ধন-লালসা তাঁহার পক্ষে এতাদৃশ উন্মাদকারিণী হইয়াছিল যে তাহাতে তাহাকে পুত্র কন্যা জ্ঞাতি পরিজনকেও বিস্মৃত হইতে হইয়াছিল। বাকলার জমিদার রামচন্দ্র তাঁহার জামাতা ছিল; তাহাকে বিনষ্ট করিয়া তৎসম্পত্তি লাভ করিতে তাঁহার অত্যন্ত স্পৃহা হয়। তদর্থে তিনি যে যে কৌশল করেন তাহা বিবেচ্যগুণে সুন্দর রূপে বর্ণিত হইয়াছে; তৎপাঠে

তাহা জাজ্বল্য প্রকাশিত হইবে, অধিকন্তু তর্কালঙ্কার মহাশয়ের লিপি প্রণালীও পাঠকদিগের গোচর হইবে।

“রাজা এক দিবস বিবেচনা করিয়া স্থির করিলেন যে জামাতাকে সংহার করিয়া তাঁহার রাজ্য লইলে সর্বত্র অখ্যাতি হইবে, কিন্তু তাঁহাকে গোপনে সংহার করত তদীয় মৃত্যু সংবাদ সর্বত্র প্রচার করিয়া রাজ্য লইলে আমার কোন অপযশঃ হইবেক না, অতএব ইহাই কর্তব্য। এই অবধারণ করিয়া অনুচরদিগকে আজ্ঞা করিলেন “যে কল্য প্রাতে রামচন্দ্র যখন অন্তঃপুর হইতে বহির্গত হইবেন, তখন তোমরা এক জন যে হউক তাঁহাকে সংহার করিবে।

“এই কথা সকলে ক্রমশঃ পুরীর মধ্যে কাণাকর্ণি করাত্তে রাজকন্যা তাহা শুনিয়া হতজ্ঞান হইলেন, দিবা ভাগে স্বামির সহিত সাক্ষাৎ করিতে না পারিয়া, অতিকষ্টে দিন কাটাইলেন, পরে নিশাযোগে অতি সঙ্কোপনে স্বামিকে সকল নিবেদন করিলেন। তিনি ঐ কথা শ্রবণমাত্র প্রথমঃ মুচ্ছিত হইলেন, অনেক ক্রণ পরে স্তম্ভিত হইতে কি প্রকারে পলায়ন করিতে পারি? রাজকন্যা কহিলেন প্রাণনাথ তাহার উপায় কিছু দেখি না, বুঝি বিধাতা আমাকে বৈধব্য দশা ঘটাইলেন, ইহা কহিয়া শিরে করাঘাতপূর্বক রোদন করিতে লাগিলেন।

“রামচন্দ্র পুরীহইতে পলায়নের কোন উপায় না দেখিয়া পরিশেষে কহিলেন, তোমার ভ্রাতা উদয়াদিত্যের সহিত আমার যথেষ্ট প্রণয় আছে, তাঁহাকে কোন সুযোগে এ স্থানে আনিতে পারিলে যদি তিনি কিছু উপায় করিতে পারেন, নতুবা আমার জীবন আশা দেখি না। রাজকন্যা

“তৎক্ষণাৎ ক্রন্দন সংবরণ করিয়া স্বীয় ভ্রাতাকে সেই গৃহে অতি গোপনে আনয়ন করিলেন। রায় তাঁহাকে দেখিয়া গাত্রোথান পূর্বক স্বীয় শয়ন শয্যায় উপবেশন করাইলেন এবং সন্নিবেশন করিয়া নিবেদন করিলেন। রাজপুত্র কহিলেন ভাই এক্ষণে অন্য কোন উপায় দেখি না, কেবল একটা অদ্য উপস্থিত হইয়াছে, আপনি সেই অপকৃষ্ট কর্মে প্রবৃত্ত হইতে পারিলে বোধ হয় এ সঙ্কট হইতে উদ্ধার করিতে পারি। রায় তাঁহার কথায় সানন্দ হইয়া কহিলেন, আমি যে বিপদগুস্ত হইয়াছি ইহাতে কোন কর্ম করিতে অশক্ত? আমা হইতে সকল কর্ম সম্পন্ন হইবে যাহাতে আমার প্রাণ রক্ষা হয় আপনি তাহাতে সত্ত্বর হউন।

“রাজপুত্র কহিলেন অদ্য যশোহরের বাটীতে নৃত্য দর্শনের নিমন্ত্রণ আছে। আমি তথায় যাইব, ভাই আপনি মশালধারির বেশ ধরিয়া আমার সহিত চলুন, পরে ঈশ্বর যা কবন্। রায় প্রাণ রক্ষার্থে রাজকুমারের মতাবলম্বী হইয়া পালকীর অতি নিকটে মশাল ধরিয়া পুরী হইতে প্রস্থান করিলেন।

“রাজা প্রতাপাদিত্য প্রভাতে জামাতার পলায়ন বার্তা শুনিয়া, অনুসন্ধানে অবগত হইলেন যে রাজা বসন্তরায় নিমন্ত্রণচ্ছলে রামচন্দ্রকে বাহির করিয়া দিয়াছেন। রাজা রামচন্দ্রের প্রতি কুপিত হইয়া কমল খোজাকে \* তদীয় রাজ্য হস্তগত করিতে প্রেরণ করিলেন। খোজা সসৈ-

\* সে প্রতাপাদিত্যের সেনাপতি। তাহারই শৌর্যগুণের প্রসাদাৎ রাজা বঙ্গ দেশের অধিকাংশ জয় করিয়াছিলেন। প্রতাপাদিত্য স্বয়ং উত্তম বোদ্ধা ছিলেন এমত কোন প্রমাণ নাই; বরং কমল খোজার সমরক্ষেত্রে পতন হইবারাত্র তিনি কাপুরুষের ন্যায় রণে বিমুখ হইয়া উজিরের পদানত হইয়াছিলেন ইহাই স্পষ্ট প্রকাশ পাইতেছে। ৩২ পৃষ্ঠে দেখা।

“নে সজ্জমান হইয়া তৎকর্ম নির্বাহ করিয়া প্রত্যাগমন করে”।

প্রথমাধি বসন্তরায়ের প্রতি প্রতাপাদিত্যের যে প্রকার অসম্ভাব ছিল, তাহা পূর্বেই বর্ণিত হইয়াছে; সম্প্রতি রামচন্দ্রের পলায়নে বসন্তরায়ের বিনাশে ধুমঘাটাদিগতি দুরাচার কৃত সঙ্কট হইলেন; ও একদা পিতার সাংবৎসরিক শ্রাদ্ধ দিনে বসন্তরায় অসাবধান আছেন, এমত সময়ে তাঁহার গৃহে প্রবেশ করত স্বহস্তে তাঁহার মস্তক ছেদন করিলেন; ও তৎপরে গোবিন্দরায় ও তদীয় গর্ভবতী স্ত্রীর মস্তক ছেদ করণানন্তর বসন্তরায়ের মস্ত পুত্রকে কারাবদ্ধ করেন।

“রূপবসু নামে এক জন রাজা বসন্তরায়ের অতি আত্মীয় ছিলেন”। তিনি বসন্তরায়ের পাগড়ি বদল বন্ধু হিজলির জমিদার ইচ্ছা খাঁ মসন্দরির \* সাহায্যে রাজকুমারদিগের উদ্ধার পূর্বক ও জ্যেষ্ঠ রাঘবরায়কে † সমভিব্যাহারে লইয়া দিল্লীতে প্রস্থান করেন। তথায় রাঘবরায় রাজমন্ত্রির অনুগৃহে পাদশাহের সহিত সাক্ষাৎ করত আপন বৃত্তান্ত ব্যক্ত করেন। প্রতাপাদিত্য কর না দেওয়াতে পাদশাহের অনায়াসেই ক্রোধ হইতে পারে; অত্যাচারের বার্তায় তাহা অত্যন্ত প্রথর হইবে ইহাতে আশ্চর্য কি? অবিলম্বেই তিনি রাজবিদ্রোহির দমনার্থে সৈন্য প্রেরণের

\* এই নাম-বিষয়ে লেখকদিগের “যথাদৃষ্টং তথা লিখিতং” এই পদ অবলম্বন করিতে হইল; ইহার অবিকল পারশ্য ব্যুৎপত্তি ও তদনুযায়ি অর্থই বা কি তাহা আমরা জ্ঞাত নহি।

† ভারতচন্দ্র কহেন,

“তার খুড়া মহাশয়, আছিল বসন্ত রায়,

“রাজা তারে সর্বংশে কাটিল।

“তার বেটা কচুরায়, রাণী পাঁচাইল তায়,

“জাহাঙ্গিরে সেই জানাইল” ॥

অপর, বোধ হয় মুদ্রাকর প্রমাদে প্রস্তাবিত গুণে করেক স্থানে জাহাঙ্গিরের পরিবর্তে আকবর হইয়াছে।



অনুমতি করিলেন। প্রথমতঃ প্রতাপাদিত্য ঐ সকল সৈন্যকে পরাস্ত করিয়াছিলেন; কিন্তু অবশেষে পাদশাহের উজীর \* স্বয়ং আসিয়া তাঁহার সৈন্যসামন্তকে পরাভূত করত তাঁহাকে এক নৌহ পিঞ্জরে বদ্ধ করিয়া দিল্লীভিমুখে প্রত্যাবর্তন করেন, কিন্তু পাদশাহের সমীপে তিনি বন্দী লইয়া উপনীত করিতে পারেন নাই; পথিমধ্যে বারানসীতে প্রতাপাদিত্যের কাল হয়।

প্রস্তাবিত গুহে বর্ণিত আছে, যে “যশোহরেশ্বরী” নামী মহামায়া প্রতাপাদিত্যের প্রতি অত্যন্ত বৎসলা ছিলেন, এবং তাঁহারই অনুগৃহে প্রতাপাদিত্যের উন্নতি হইয়াছিল; তদ্বিবরে এক অদ্ভুত আখ্যায়িকাও প্রচার আছে (৪২ পত্র)। বিচার্য গুহে আরও উক্ত হইয়াছে যে “প্রতাপাদিত্য প্রজাদিগকে পুত্রসম প্রতিপালনপূর্বক রাজ্য” করিতেন; কিন্তু যে ব্যক্তি পিতার রাজ্য অপহরণ করে, জামাতার বিনাশে তৎপর হয়, স্বহস্তে পিতৃব্যের শিরশ্ছেদন করে, গর্ভবতী স্ত্রীর বিনাশ করে, দাসীর স্তনচ্ছেদ করত অসহ্য যন্ত্রণা প্রদান করে, (৮৫ পত্র) সে ব্যক্তি কি পর্যন্ত ন্যায়পরায়ণ প্রজাবৎসল ছিল, তাহা পাঠকবন্দ অনায়াসেই অনুমান করিতে পারিবেন।

\* ভারতচন্দ্র লেখেন যে রাজা মানসিংহ বঙ্গ দেশে আসিয়া প্রতাপাদিত্যকে পরাভূত করত বন্দী করিয়া লইয়া যান, এবং তাঁহার সাহায্যে ভবানন্দ মজুমদার নবদ্বীপের রাজত্ব প্রাপ্ত হন, কিন্তু প্রস্তাবিত গুহে তদন্যথা বর্ণিত আছে। গুহমতে মানসিংহ প্রতাপাদিত্যের নিকট উৎকোচ প্রাপ্ত হইয়া বিনা যুদ্ধে কাশীধামে প্রত্যাবর্তন করত পরলোক প্রাপ্ত হন। ইহার কোন বিবরণ সত্য তাহা আমরা জ্ঞাত নহি। ফলতঃ মানসিংহের মৃত্যু-স্থান নিরূপিত হয় নাই, তাহাই হইতেই এই গোলযোগ উপস্থিত হইয়াছে; ইহার উল্লেখ আমরা পূর্বেই করিয়াছি। (১৫০ পৃষ্ঠে দেখ)।

### অশ্বথ বৃক্ষ।

বিবিধার্থে প্রকটন-করণোপযুক্ত চিত্র-ফলক আনয়নার্থে বিলাতে পত্র-লেখন-সময়ে আমরা কতকগুলি চিত্রের নামোল্লেখ-করণান্তর লিখিয়াছিলাম, যে এতদেশীয় মনুষ্যবর্গের মনোরঞ্জক আর যে কোন চিত্র উত্তম বোধ হইবে তাহাই প্রেরিতব্য। উক্ত প্রার্থনানুসারে যে সকল চিত্রফলক প্রাপ্ত হইয়াছে তন্মধ্যে অপর পৃষ্ঠে মুদ্রিত অশ্বথ বৃক্ষের চিত্রফলকও ছিল। বিলাতে ঐ বৃক্ষ অতি আশ্চর্য ও সুন্দর বলিয়া খ্যাত আছে, এবং তদ্বৈতুকই আমাদিগের বিলাতীয় কর্মনির্বাহক বোধ করিয়াছেন যে এতদেশেও তাহা আশ্চর্য বোধ হইবে; কিন্তু আমাদিগের অনুমান হইতেছে, যে সে তাঁহার ভ্রম মাত্র; পাঠকমাত্রেই বাতান্দোলিত বৃক্ষ অশ্বথের আদর্শ দৃষ্টে স্মিতমুখ হইবেন; পরন্তু অশ্বথের প্রকাণ্ড কায় তাহার দীর্ঘ শাখা, ঐ শাখা লম্বিত জুটা, ও তাহার সুস্বিখ ছায়া প্রভৃতির কি আশ্চর্য্য কমনীয় শোভা তাহা গ্রীষ্মকালের মধ্যাহ্ন সময়ে যে পথিক অনুভব করিয়াছেন তিনিই বর্ণন করিতে পারেন। প্রাচীন নুনি ঋষিরা তাহার মাহাত্ম্য উত্তম-রূপে জ্ঞাত ছিলেন, এবং তাহার মাহাত্ম্যবিষয়ে অনেক প্রশংসা ব্যক্ত করিয়াছেন। সূত ঋষি কহিয়াছেন

“অশ্বথরূপো ভগবান্ বিষ্ণুরেব ন সৎশয়ঃ  
রুদ্ররূপো বটস্তম্বঃ পলাশো বৃক্ষরূপধ্বক্।  
দর্শনল্লর্শসেবাসু তে বৈ পাপহরাঃ স্মৃতাঃ  
দুঃখাপহ্যাধিদুষ্টিনাং বিনাশকারিণো ধ্রুবং” ॥  
পাশ্বে উত্তর-খণ্ডে ১৬০ অধ্যায়ে।

অর্থ। “অশ্বথ বৃক্ষ স্বয়ং ভগবান্ বিষ্ণুর অবয়ব



অশ্বথ বৃক্ষ।

তাহাতে কোন সন্দেহ নাই; এবং রুদ্রের রূপ বট বৃক্ষ, ও বৃক্ষার রূপ পলাশ। তাহাদের দর্শনে স্পর্শনে এবং সেবায় পাপের দূরীকরণ হয়। তাহারা অবশ্যই দুঃখ আপদ ব্যাধিরূপ দোষের বিনাশকারি”।

### প্রাকৃত-ভূগোল।

নবম প্রকরণ।

সমুদ্রজলের বিবরণ।

পৃথিবীর ভূভাগের স্থূল লক্ষণ বিবৃত হইয়াছে। অধুনা জলাংশের বিবরণ লেখিতব্য।

জলমাত্রেই আকর সমুদ্র; তাহা পৃথিবীর ভূভাগাপেক্ষায় দ্বিগুণ বৃহৎ, এবং সৃষ্টির মঙ্গলার্থে বিশেষ প্রয়োজনীয়। তাহার আনন্দ গতিতে বায়ু পরিষ্কৃত হয়;

তদুৎপন্ন বাষ্প মেঘের উৎপত্তি হয়, এবং সেই মেঘ-জাত বৃষ্টি ও হিম্মানিতে পৃথিবী সিক্ত হইয়া শস্য-সম্পন্ন হয়। অপর জীব-জন্তুর বাসের নিমিত্তও সমুদ্র অপূর্ণ নহে, তাহাতে যত সঙ্খ্যক প্রাণী আছে, বোধ হয়, ভূভাগে তত নাই।

ভূভাগের পৃষ্ঠদেশ যাদৃশ অসম, সমুদ্রগর্ভও তাদৃশ অসম, সূত্রাৎ সমুদ্রের সর্বত্র সম-গভীর নহে; তাহার অনেক স্থান অতলল্লর্শ; পাঁচ ছয় সহস্র হস্ত রজ্জু নিক্ষেপ করিলেও তাহার তল ল্লর্শ হয় না; কিন্তু ইহাতে বোধ করা কঠিন নহে যে সমুদ্রের তল নাই, বা এতাদৃশ গভীর যে তত রজ্জু একত্র করা যাইতে পারে না; প্রত্যুত সমুদ্রের লক্ষণ দৃষ্টে অনুমান হয়, সম-ভূমিহইতে অত্যাচ্চ পর্যন্ত যাদৃশ উচ্চ জলসীমাহইতে সমুদ্রের তলও তাদৃশ গভীর হইবেক, ফলতঃ ২০,০০০ হস্তের অধিক নহে। পরন্তু যে কোন বস্ত্র সমুদ্রে নিক্ষেপ করা যায় তাহা ঋজু ভাবে তলে পতিত না হইয়া জোয়ার ও জলস্রোতের বেগে বক্র হইয়া যায়, সূত্রাৎ সমুদ্রের গভীরতা নিরূপণ করিবার কোন উপায় নাই।



তরল পদার্থ যে নিয়মে পৃথিব্যুপরি বিস্তৃত হয় তদৃষ্টে অনুমান হইতে পারে যে সমুদ্রের জলসীমা সর্বত্র তুল্য; বস্তুতঃ পৃথিবীর আঙ্গিক গতি, বায়ুর বেগ, জোয়ার প্রভৃতি বাহ্য-কারণে সর্বদা জল আন্দোলিত না হইলে তাহাই সম্ভব হইত; কিন্তু ফলতঃ তাহা নহে; বিশেষতঃ এক সঙ্কীর্ণাংশদ্বারা যে সকল খাড়ি কি ভূমধ্যগত-উপ-নাগর মহা সমুদ্রের সহিত সংযুক্ত আছে, তাহাতে জল সর্বদা অতি উচ্চ হইয়া থাকে; সংযোগ-স্থল পূর্বাভিমুখ হইলে ঐ জলের উচ্চতা আরও বৃদ্ধি হয়। এই ঘটনার কারণ দূরবগম্য নহে। পৃথিবী পশ্চিমহইতে পূর্বাভি-মুখে অতি বেগে ঘূর্ণিত হইতেছে, এবং সেই ঘূর্ণনে সমুদ্র-জলের গতি পশ্চিমাভিমুখ হয়, ও সম্মুখে পূর্বাভি-মুখ খাড়ি পাইলে বেগে তাহার ভিতর প্রবিষ্ট হয়, সুতরাং ঐ খাড়ির জলসীমা সমুদ্র-জলসীমাপেক্ষায় উচ্চ হইয়া উঠে। পদার্থবিদ্যার বিশারদ অনেকে নিরূপণ করি-য়াছেন, যে সুয়েজ-স্থল-সঙ্কটের উত্তরে ভূমধ্যস্থ সমুদ্রে জল যে সীমা পর্য্যন্ত উচ্চ, উক্ত সঙ্কটের দক্ষিণ রেডসি অর্থাৎ সুক্সাগরে তদপেক্ষায় ২২ ইঞ্চি অধিক। হম্বোল্ডট সাহেব লিখিয়াছেন, যে পানামা-স্থল-সঙ্কটের উভয় পার্শ্বের জল-সীমায় ১৪।১৫ ইঞ্চির ভিন্নতা আছে। সঙ্কীর্ণ মুখবিশিষ্ট খাড়ির জলসীমা উচ্চ হইবার অপর এক কারণ প্রতিপন্ন করা যাইতে পারে। গ্রীষ্মকালে পার্শ্বতীয় বরফ গলিয়া নদীজলের বৃদ্ধি করে, এবং নদীদ্বারা তাহা খাড়িতে প-ড়িলে সুতরাং ঐ খাড়ির জল উচ্চ হইয়া উঠে। খাড়ির মুখ বৃহৎ হইলে ঐ জল সমুদ্রসং হইতে পারে, কিন্তু সঙ্কীর্ণ হইলে শীঘ্র তাহা ঘটে না। এই কারণবশতঃ গ্রীষ্মকালে বাল্টিক ও কৃষ্ণ সমুদ্রের জল অতি উচ্চ হইয়া থাকে।

সমুদ্র-জলের স্বাভাবিক বর্ণ নীলাক্ত হরিৎ; তট-সন্নি-কটে তাহা স্নান হইয়া যায়। অপর নানা কারণবশতঃ অনেক স্থানে ঐ বর্ণের বিবর্ণতা ঘটিয়া থাকে। গিনি খাড়ির জল স্বেত, এবং মাল্টিব দ্বীপের চতুর্দিকে জল কৃষ্ণবর্ণ বোধ হয়। রক্ত পীত ও হরিদ্বর্ণ জলও সমুদ্রের অনেক স্থানে দৃষ্ট হয়। এই সকল বর্ণভেদ নানা-প্রকারে ঘটিয়া থাকে। কখন সমুদ্রগর্ভের বা তটের মৃত্তিকা জলে মিশ্রিত হইয়া তাহার বিবর্ণতা করে; কদাপি অস-ঙ্খ্য অতি ক্ষুদ্র কীট সমুদ্রের কোন ২ স্থান ব্যাপ্ত করিয়া তাহার বিবর্ণতা সন্নিদান করে; কখন বা এক প্রকার অতি ক্ষুদ্র পানী জন্মিয়া বর্ণবিশেষ উৎপন্ন করে।

মাগরায়ু শুষ্ক জল নহে; তাহাতে নানাবিধ পদার্থ মিশ্রিত থাকে; তদ্বিশেষ লবণ, খার, মেগনিসা, গন্ধক-দ্রাবক, লবণদ্রাবক, কীট ও উদ্ভিৎ-পদার্থ। এতদ্ব্যতীত লবণই অধিকাংশ; এবং তাহা লবণাক্ত মাংস পুস্তত করণার্থে খনিজ লবণাপেক্ষায় বিশেষ প্রয়োজনীয়। তন্মিশ্রিত অনেক সামুদ্রিক লবণ পুস্তত হইয়া থাকে। এই লবণ সমুদ্র-জলের সর্বত্র সম পরিমাণে প্রাপ্তব্য নহে। নিরক্ষবৃত্তের সন্নিহিতস্থ জল কেন্দ্র-নিকটস্থ জলা-পেক্ষায় অধিক লবণবিশিষ্ট; বোধ হয়, কেন্দ্র-নিকটে পুস্তত বরফ দ্রব হইয়া জলের লবণাক্ততার হ্রাস করে। ইহাও সপ্রমাণ হইয়াছে, যে সমুদ্রের উপরিভাগের জলাপেক্ষায় নিম্ন দেশের জল অধিক লবণাক্ত। অপর বর্ষাকালে এবং নদীমুখের সন্নিহিত সমুদ্র-জলের লবণাক্ততার হ্রাস হয়, তৎকারণ অনায়াসেই অনুভূত হইতে পারে। ঐ কারণ-বশতঃ বাল্টিক উপসাগরের জল কদাপি সমুদ্র-জলের ন্যায় লবণাক্ত হয় না, ও ক্রমাগত ১০।১৫ দিন পূর্বাগত বায়ু বহিয়া তথায় মহা-সমুদ্রের জল প্রবেশ করিতে না দিলে, তত্রত্য জল মনুষ্য-ব্যবহারের উপযুক্ত হইয়া উঠে। ডাক্তর তামসন সাহেব বিশেষ অনুসন্ধান দ্বারা নিরূপণ করিয়াছিলেন যে গভীর সমুদ্রস্থ জলে লবণের উর্দ্ধ পরিমাণ শতকরা ৪।১০ অংশ, এক ন্যূন পরিমাণ শতকরা ৩।১০ অংশ।

সমুদ্রের জল সর্বত্রই লবণাক্ত, অথচ কখন ২ কোন ২ স্থানে সমুদ্রের গর্ভহইতে সুমিষ্ট শুষ্ক জলের উৎস উদ্ভিত হইয়া থাকে। হোম্বোল্ডট সাহেব কুবা-দ্বীপের নিকটে ক্লাগুরা উপসাগরের তটহইতে ক্রোশাধিক অন্তরে এবলুকার উৎস অতি বেগে উদ্ভিত হইতে দেখিয়াছেন।

পাঠকবৃন্দ অনায়াসেই অনুমান করিতে পারেন যে সমুদ্রজলে লবণাদি নানাবিধ পদার্থের স্থিতি-প্রযুক্ত তাহা শুষ্ক জলাপেক্ষায় অধিক ভারি হইবেক; ফলতঃ তাহাই বটে, এবং ঐ প্রযুক্তই নদায়ু অপেক্ষায় সমুদ্রায়ুতে তরণ্যাদি অনায়াসে চালিত হইয়া থাকে।

বায়ুতে যে প্রকারে অনায়াসে উষ্ণতা সঞ্চালিত হইতে পারে জলে তাদৃশ শীঘ্র সঞ্চালিত হয় না, সুতরাং বায়ুর যে প্রকারে অহরহঃ পরিবর্ত্তন হইয়া থাকে, সমুদ্রের উষ্ণতা তাদৃশ শীঘ্র পরিবর্ত্তিত হইবার উপায় নাই। বঙ্গ-দেশে বৈশাখের প্রারম্ভে মধ্যাহ্ন সময়ে বায়ু যে প্রকার উষ্ণ হয়, সমুদ্র-জলের হৃদয় উষ্ণতাও তদ্রূপ, কুত্রাপি

হাইহইতে অধিক হয় না। ঐ উষ্ণতা তাপমান যন্ত্রের \* ৮৬ বা ৮৮ অংশ পরিমিত; তট-সন্নিহিত ও অগ-ভীর জলে তথা নিরক্ষবৃত্ত-হইতে দূরতানুসারে তাহার হ্রাস হয়। জলতত্ত্ববেত্তা হোম্বোল্ডট প্রভৃতি প্রসিদ্ধ ব্যক্তিরা নিরূপণ করিয়াছেন যে সমুদ্র-জল নিরক্ষবৃত্তের সন্নিহিত অন্যান্যত্রাপেক্ষায় অধিক উষ্ণ; তৎপরে উভয় পার্শ্বে ৩০।৪০ অংশ অবধি ক্রমশঃ সমভাবে শীতল হইতে থাকে, তৎপরে উত্তরাপেক্ষায় দক্ষিণ-ভাগে অধিক শীতল হয়। এই প্রযুক্ত উত্তর-ভাগে যে সীমা পর্য্যন্ত বরফ বিস্তৃত আছে, দক্ষিণ-ভাগে তদপেক্ষায় দশ অংশ অধিক স্থান বরফে ব্যাপ্ত হয়। এই ঘটনার কারণানুসন্ধানিয়া কহেন যে উত্তর ভাগে সুমেরু-সমুদ্রের বরফ ভূতা-গের বাধাপ্রযুক্ত অতি দূর পর্য্যন্ত অগ্নসর হইতে পারে না; দক্ষিণে তাদৃশ কোন বাধা না থাকায় স্রোতঃ-সহকারে তাহা অনায়াসে সমুদ্রের অনেক দূর পর্য্যন্ত বিস্তৃত হইয়া উত্তর-দক্ষিণে শৈত্যের বিভিন্নতা সন্নিদান করে। অপর সমুদ্রের যে সকল অংশে স্রোতের প্রবলতা নাই সে সকল অংশ অতিশীঘ্র শীতল হয়, সুতরাং তাহাতে অধিক বরফ জমিবার সম্ভাবনা। এই প্রযুক্ত খাড়ি, ভূমধ্যগত উপসাগর, দ্বীপবৃহৎ মধ্যগত নাগর প্রভৃতির জলে অধিক বরফ জমিয়া থাকে। শীতকালে যে সময়ে বাল্টিক উপসাগরের অধিকাংশ জমিয়া গিয়া শকটাদি গমনাগমনের উপযুক্ত হয়, তৎকালে নিরক্ষবৃত্ত হইতে উক্ত উপসাগর যত দূর অন্তর তত দূর অন্তরস্থ মহাসমুদ্র সর্বতোভাবে তরল থাকে।

সুমেরু ও কুমেরু সমুদ্র নিরক্ষবৃত্ত হইতে অত্যন্ত দূর, সুতরাং অত্যন্ত শীতল। তাহাদের একাংশে চিরকাল বরফ থাকে, ও অপরাংশে বৎসরে তিন চারি মাস মাত্র জল তরল থাকে, অপর আট নয় মাস বরফরূপে পরিণত হইয়া অবস্থান করে। ঐ বরফ নানা অবয়বে দৃষ্ট হয়। কোন স্থানে তাহা শত ২ ক্রোশ বিস্তীর্ণ তৃণক্ষেত্রের ন্যায় বোধ হয়, কুত্রাপি বা অতি উচ্চ দ্বীপের ন্যায় অবস্থান করিতেছে, অপর কোথায় বা খণ্ড ২ হইয়া জলে ভাস-মান হইয়া রহিয়াছে।

জল অপেক্ষায় বরফ লঘু, অতএব তাহা জলে ভা-সিয়া থাকে, কদাপি নিমগ্ন হয় না। অপর তাহার মধ্য

\* তন্ত্রবোধিনী পত্রিকার তৃতীয় কল্পের প্রথম ভাগের ১৪৩ পৃষ্ঠে এই যন্ত্রের বিবরণ প্রকটিত আছে।

দিয়া শীত প্রবিষ্ট হইতে পারে না; এই প্রযুক্ত সমুদ্রের কিঞ্চিৎ জল জমিলেই স্তররূপে পরিণত হইয়া তন্নিম্নস্থ জলকে শীতহইতে আবৃত করিয়া রাখে; সুতরাং সমু-দ্রের তলপর্য্যন্ত কদাপি জমিতে পারে না। স্রোতঃ-ক্রমেও সমুদ্র-জলীয়-শৈত্যের হ্রাস বৃদ্ধি হইয়া থাকে; ঐ স্রোতের বিবরণ জ্ঞাত থাকিলে তাহার বর্ণনা অনায়াসে বোধগম্য হইতে পারে, অতএব তদর্থে পর প্রকরণে মনোযোগ করা আবশ্যিক।

মহাসমুদ্রের কোন ২ অংশে অপার্য্যাপ্ত শৈবালাদি জলজ উদ্ভিৎ-পদার্থ দৃষ্ট হইয়া থাকে; তাহাকে নাবিকেরা “দামের তট” শব্দে কহে। আন্তর্জাতিক সমুদ্রের মধ্য-ভাগে ঐ প্রকার দাম ২,৫০,০০০ চতুরসু ক্রোশ স্থান ব্যাপ্ত করিয়া আছে।

### দশম প্রকরণ।

সমুদ্র-জলের স্রোতঃ।

সমুদ্র-জলের তিন প্রকার স্রোতঃ আছে; প্রথম, বায়ব্য স্রোতঃ; দ্বিতীয়, আন্তরিক স্রোতঃ; তৃতীয়, জোয়ার।

১। তরল পদার্থের এক প্রধান ধর্ম এই যে তাহার সর্বত্র সমোচ্চ থাকে; কোন কারণ বশতঃ একাংশ নিম্ন হইলেই তৎক্ষণাৎ অপরাংশ হইতে পদার্থ আসিয়া সমস্তের সমোচ্চতা রক্ষা করে। বায়ুদ্বারা সমুদ্র-জলের কোন অংশ অগ্রে প্রক্লিপ্ত হইলে উক্ত নিয়মে তাহার পশ্চাদ্ধর্ত্তি জল তৎক্ষণাৎ তাহার স্থান পূরণার্থে অগ্নগামী হয়, তথা তরঙ্গের উৎপাদন করে। ঐ তরঙ্গ যে দিগে অগ্নবর্ত্তি হয় তদ্দিগে অবশ্যই স্রোতের স্বীকার করিতে হইবে। ঐ স্রোতের আদিকারণ বায়ু, এই প্রযুক্ত তাহাকে “বায়ব্য স্রোতঃ” বা “তরঙ্গ স্রোতঃ” শব্দে কহি। এই স্রোতঃ সমুদ্রের উপরি ভাগেই ঘটিয়া থাকে, অত্যন্ত বড়ের সময়েও যষ্টি-হস্ত নিম্নে তাহার কোন চিহ্নও অনুভূত হয় না। ইহার গতি দ্রুত নহে; ইহা দিবা রাত্রে ৮।১০ ক্রোশ স্থান মাত্র অগ্রে গমন করে।

২। পৃথিবীর গতি প্রযুক্ত তথা সমুদ্রের কোন আন্ত-রিক কারণ বশতঃ সমুদ্র-জল স্রোতারূপে নানাদিগে ভ্রমণ করিয়া থাকে; বায়ুর গতিতে তাহার কোন অন্যথা



হয় না। পৃথিবীর কেন্দ্র-দ্বয়হইতে নিরক্ষবৃত্তাভিমুখে নিয়তই দুই স্রোতঃ আসিতেছে, কদাপি তাহার নিবৃত্তি নাই। ঐ স্রোতঃ কেন্দ্র-নিকটে এতাদৃশ বলবৎ যে বায়ু সহকার হইলেও তদ্বিক্রমে জাহাজ যাইতে পারে না। পারি সাহেব ঐ স্রোতের বাধাপ্রযুক্তই সুমেরু-কেন্দ্রে গমন করিতে অক্ষম হইয়াছিলেন। উক্ত কেন্দ্র-স্রোতঃ ২৫।৩০ অংশের নিকট আসিয়া পশ্চিমাভিমুখ হয়; কিন্তু মধ্যে ২ দ্বীপাদির বাধা থাকা প্রযুক্ত তাহার গতি ঋজুভাবে হয় না, স্থান ভেদে অনেক অন্যথা হইয়া থাকে।

বায়ব্য স্রোতঃহইতে এই স্রোতঃ বিশেষ বেগবান। ইহা প্রত্যহ ৪০।৫০ ক্রোশ স্থান ভ্রমণ করিয়া থাকে, এবং ইহার কৌশলে কোন স্থানে উষ্ণ জলের পার্শ্বে অতি শীতল জল আসিতেছে; কোথাও বা অতি শীতল জল মধ্যে অতি উষ্ণ জলের স্রোতঃ দৃষ্ট হইতেছে; কোন স্থানে দুই প্রকার উষ্ণ জল উন্মুখোন্মুখ হইয়া বিপরীত দিগে গমন করিতেছে; কোথাও বা বিপক্ষাভিমুখ স্রোতঃ পরস্পর আহত হইয়া ভয়ানক কলঙ্কর বা আবর্ত (দহু) উৎপন্ন করিতেছে; কোন স্থানে জলের উপরিভাগে এক দিগে ও তাহার নিম্নে তদ্বিপরীত দিগে স্রোতঃ চলিতেছে।

যদিচ পোত-সঞ্চালনের নিমিত্ত এই সকল স্রোতের পরিজ্ঞান বিশেষ আবশ্যিক বটে, তত্রাপি সামান্য-পা-চক-পক্ষে তাহা প্রয়োজনীয় ও মনোরঞ্জক বোধ হইবেক না, অতএব তদ্বিষয়ের বর্ণনা অধুনা লেখিতব্য নহে। প্রাকৃত ভূগোলায় মানচিত্রে ঐ সকল স্রোতঃ অতি সূক্ষ্ম রেখায় চিত্রিত হয়, এবং তাহার গতির দিগ-নিরূপণার্থে কতকগুলি বাণ চিত্রিত হইয়া থাকে। যে দিগে বাণের অগুভাগ দৃষ্ট হয় তদ্বিগেই স্রোতের গতি।

৩। পূর্বোক্ত দুই প্রকার গতি ব্যতীত সমুদ্র-জলের অপর এক গতি আছে; তাহার নাম “জোয়ার” বা “বেলা”। চন্দ্র সূর্যের আকর্ষণে ঐ গতির উৎপত্তি হয়, এবং তাহাইহইতেই সমুদ্র শব্দের ব্যুৎপত্তি হইয়াছে। \* এই বেলা-বিষয়ে তত্ত্ববোধিনী পত্রিকাতে একটি সুচারু প্রস্তাব প্রকাশ হইয়াছে, তাহাইহইতে নিম্নোক্ত কএক পঙ্ক্তি গৃহণ করিলাম।

“পদার্থ বিদ্যার অন্তর্গত মাধ্যাকর্ষণ বিষয়ক প্রস্তাবে ‘লিখিত হইয়াছে, চন্দ্র পৃথিবীর আকর্ষণে আকৃষ্ট থা-

\* চন্দ্রাদয়াৎ আপঃ সমাগ্ উদ্ভিস্তি ক্লিদ্ভিস্তি অত্র।

“কিয়া স্বীয় পথে পরিভ্রমণ করে। পৃথিবী যেমন চন্দ্রকে আকর্ষণ করে, চন্দ্রও সেই রূপ পৃথিবীকে আকর্ষণ করিয়া থাকে। চন্দ্রের আকর্ষণে সমুদ্রের জল স্ফীত হইয়া উঠে। ইহাকেই সংস্কৃত ভাষায় বেলা ও এতদেশীয় চলিত ভাষায় জোয়ার বলে। চন্দ্র অবশ্য পৃথিবীর স্থল জল উভয় ভাগই আকর্ষণ করে, কিন্তু স্থল-ভাগ কঠিন ও দৃঢ় এ নিমিত্ত বিচলিত হয় না। জল ভাগ অতিশয় তরল, এই নিমিত্ত চন্দ্রের আকর্ষণে চালিত ও স্ফীত হইয়া থাকে। পৃথিবীর যে অংশ যখন চন্দ্রের নিম্ন ভাগে থাকে, তখন সেই অংশে জোয়ার হইবার সম্ভাবনা। ইহাতে দিবারাত্রি এক স্থানে এক বার মাত্র জোয়ার হইতে পারে, কিন্তু আমরা দিন রাত্রে দুইবার জোয়ার ও দুইবার ভাটা দেখিতে পাই। এই অদ্ভুত ঘটনার কারণ কি, পশ্চাৎ নির্দেশ করা যাইতেছে”।

পৃথিবীর যে স্থান যখন চন্দ্রের ঠিক নিম্ন ভাগে অবস্থিত হয়, তখন সেই স্থান অন্য অন্য অংশ অপেক্ষায় নিকটবর্তী হয়, এ নিমিত্ত সেই স্থানের জল চন্দ্রকর্তৃক অধিক আকৃষ্ট হওত স্ফীত হইয়া উঠে, এবং তাহার পাদ-বিপরীত \* স্থানের জল অত্যন্ত অল্প আকর্ষণতা প্রযুক্ত নত হইয়া পড়ে। সুতরাং ঐ উভয়-স্থানে এক কালে জোয়ার উৎপন্ন হয়, এবং ঐ জোয়ারে পার্শ্বের জল সরিয়া যাওন প্রযুক্ত ঐ পার্শ্বদ্বয়ে ভাটার উৎপত্তি হয়।

“এইরূপে সমুদ্রের যে অংশে যখন জোয়ারের উৎপত্তি হয়, তাহার বিপরীত ভাগেও সেই সময়েই জোয়ার হইয়া থাকে। যখন চন্দ্র মণ্ডল আমাদের মস্তকোপরি অবস্থিত থাকে, তখন ভূমণ্ডলের যে ভাগে আমাদের অবস্থান, সেই ভাগে এবং তাহার বিপরীত ভাগে এক কালে জোয়ার হয়। সেই রূপ, যখন চন্দ্র আমাদের বিপরীত দিকে থাকে, তখনও সেই দিকে ও আমাদের দিকে এক কালেই জোয়ারের উৎপত্তি হয়। এইরূপে প্রতিদিন এক এক স্থানে দুইবার করিয়া সমুদ্রের জল উচ্ছ্বসিত হইয়া থাকে।

“পৃথিবীর বিপরীত দিগে এক কালে জোয়ার হওয়াতে আপাততঃ বোধ হয়, ভূমণ্ডল চন্দ্র মণ্ডলকর্তৃক এইরূপ

\* পৃথিবী গোলাকার, সুতরাং তাহার ঠিক বিপক্ষ স্থানস্থ মনুষ্যের পদ পরস্পরের বিপক্ষ থাকে। ঢাকার মনুষ্যের পদ নিগিলো দ্বীপস্থ মনুষ্যপদের ঠিক বিপরীত দিগে আছে। এই প্রকার বিপক্ষদিগে স্থিত স্থানকে “পাদবিপরীত স্থান” কহি।

“আকৃষ্ট হওয়াতে, গোলাকার না থাকিয়া ডিম্বের ন্যায় আকার ধারণ করে। বাস্তবিক, চন্দ্র যদি ভূমণ্ডলের এক ভাগের উপরেই নিয়ত অবস্থিত থাকিত, তাহা হইলে ঐ রূপ আকারই উৎপন্ন হইত, তাহার সন্দেহ নাই। কিন্তু চন্দ্রও ক্রমাগত চলিতেছে, পৃথিবীও নিয়ত ঘূর্ণিত হইতেছে। এ নিমিত্ত, পৃথিবীর এক স্থানের জল উথিত হইতে হইতে, চন্দ্র মণ্ডল তথা হইতে অপসৃত হইয়া, অন্য স্থানের উপর উদিত হয়। একারণ সেই জল সমপূর্ণরূপ স্ফীত ও স্থিরীকৃত হইতে পারে না। অতএব, জোয়ারের সময় পৃথিবীর ডিম্বের ন্যায় আকৃতি উৎপন্ন না হইয়া সমুদ্র মধ্যে এক অতি বিস্তৃত তরঙ্গ মাত্র উদ্ভাবিত হইয়া থাকে”।

অপর চন্দ্র যে প্রকারে জল আকর্ষণ করে, সূর্য্যও সেই প্রকারে জল আকর্ষণ করিয়া থাকে, এবং কোন বাধা না থাকিলে কতকর্তৃক এক পৃথক জোয়ার হইবার সম্ভাবনা ছিল। কিন্তু সূর্য্যাপেক্ষায় চন্দ্র পৃথিবীর অনেক নিকটবর্তী হওয়াতে তাহার আকর্ষণ শক্তি অধিক, এবং সেই শক্তিদ্বারা সৌর জোয়ার নিরাকৃত হয়। পরীক্ষাদ্বারা স্থিরীকৃত হইয়াছে, সৌরাকর্ষণ অপেক্ষায় চান্দ্রাকর্ষণ ছয় গুণ অধিক, সুতরাং পাঠকদিগের মনে অনায়াসেই উদয় হইতে পারে যে চন্দ্র ও সূর্য্য উভয়ে বিপক্ষদিগেই জল আকর্ষণ করিলে চান্দ্রাকর্ষণ সৌরাকর্ষণের পরিহার করিবেক, এবং উভয়ে সমসূত্র থাকিয়া একত্রে আকর্ষণ করিলে আকর্ষণ-শক্তির আবশ্যায় ও পূর্ণিমায় চন্দ্র সূর্য্য সমসূত্রে থাকে, অতএব একের ছয় গুণ ও অপরের এক গুণ শক্তি মিশ্রিত করিয়া সাত গুণ শক্তির সহিত জল আকর্ষণ করে, সুতরাং অন্য দিনাপেক্ষায় ঐ দিনে জোয়ার অত্যন্ত প্রবল হয়। এই প্রবল জোয়ারের নাম “কটাল”। অষ্টমী দিবসে চন্দ্র এক পার্শ্বহইতে এক দিগে ছয় গুণ শক্তির সহিত, ও সূর্য্য অপর এক পার্শ্বহইতে অন্য দিগে এক গুণ শক্তির সহিত জল আকর্ষণ করে তাহাতে চন্দ্রের শক্তিকর্তৃক সূর্য্যাকর্ষণের লোপ হয়, এবং ঐ লোপ-করণে চন্দ্রাকর্ষণেরও এক গুণ শক্তির হ্রাস হইয়া অমাবস্যা বা পূর্ণিমা দিবসে যে জল সাত হস্ত উচ্চ হয়, তাহা সপ্তমী অষ্টমীতে পাঁচ হস্তমাত্র উচ্ছ্বসিত হইয়া থাকে। নাবিকেরা ইহাকে “মরাকোটাল” শব্দে কহে।

চন্দ্র ২৪ ঘণ্টা ৫০।১০ মিনিটে একবার পৃথিবী বেষ্টিত করে, এবং ঐ কালমধ্যে পূর্বোক্ত প্রকারে দুই বার জোয়ার হইয়া থাকে, সুতরাং ঐ জোয়ার প্রত্যহ এক নিরূপিত সময়ে হইবার সম্ভাবনা নাই। প্রাতঃকালে দশ ঘণ্টার সময়ে জোয়ার হইলে অপরাহ্নে ১০ ঘণ্টা ২৫। মিনিটের পূর্বে জোয়ারের আরম্ভ হয় না, ও প্রত্যহ জোয়ার আসিবার সময়ে ৫০।১০ মিনিটের ভেদ হইয়া থাকে।

দ্বিতীয় অধ্যায়ে বর্ণিত হইয়াছে যে নিরক্ষবৃত্তের দক্ষিণাংশে জল অধিক, স্থল অতি অল্প। চন্দ্রাকর্ষণে সেই জলই প্রথম উচ্ছ্বসিত হইয়া থাকে, এই প্রযুক্ত জোয়ার দক্ষিণহইতে উত্তরাভিমুখে অগুণামী হয়, ও পশ্চিমদ্বীপাদির বাধা পাইলে, অত্যন্ত উচ্চ হইয়া তদুপরি নিপতিত হয়। স্থির সমুদ্রের দক্ষিণ-ভাগে অস্ট্রেলিয়া প্রভৃতি অনেকগুলি দ্বীপ ও মগ্নগিরি বর্তমান আছে; কুমেরু-সমুদ্রহইতে জোয়ার আসিয়া তদুপরিই নিপতিত হইয়া প্রায়ঃ শ্রান্ত হয়, তদুত্তরে অতি দুর্বল হইয়া অগুণার হয়, এই প্রযুক্ত জোয়ারের সময়ে স্থির-সমুদ্রে জল দুই হস্তাধিক উচ্চ হয় না; এবং ঐ কারণ জন্যই প্রস্তাবিত সমুদ্রের নাম “স্থির সমুদ্র” হইয়াছে। ভারত ও আন্তান্ত্রিক সমুদ্রের দক্ষিণে কোন বৃহৎ দ্বীপ নাই, সুতরাং বাধা না থাকাপ্রযুক্ত তৎসমুদ্রদ্বয়ে অত্যন্ত প্রবল জোয়ার হইয়া থাকে।

জোয়ারের গতি উত্তরাভিমুখ, অতএব দক্ষিণাভিমুখ নদীমধ্যে তাহা যে প্রকার ভয়ানক-বেগে প্রবিষ্ট হয়, অন্যত্র তদ্রূপ হয় না। বাল্টিক সমুদ্র অধিকোণাভিমুখ, তাহাতে জোয়ারের অনুভব হয় না। ভূমধ্যসাগর সমুদ্রের মুখ পশ্চিমদিগে স্থিত, তাহাতেও জোয়ার অতি দুর্বল বোধ হয়। বঙ্গোপসাগর ও ফণ্ডি-উপসাগরের মুখ দক্ষিণদিগে স্থিত; তথাকার জোয়ার অত্যন্ত ভয়ানক, এবং স্থানে স্থানে ৩০।৪০ হস্ত উচ্চ হইয়া ইঠে।

জোয়ারের গতি দ্রুত বটে, তত্রাপি এক জোয়ার কুমেরু-সমুদ্রে আরম্ভ হইয়া সুমেরু-সমুদ্রে উত্তীর্ণ হইতে ২ কুমেরু-সমুদ্রে পুনরায় জোয়ার আরম্ভ হয়। বৃহৎ নদী-মধ্যে প্রবল জোয়ার প্রবিষ্ট হইলেও ঐ প্রকার ঘটনা উৎপন্ন হয়। অপর “যে সময়ে নদীহইতে জোয়ারের জল নির্গত হইয়া মোহানায় পতিত হয়, সেই সময়ে “যদি সমুদ্রে পুনর্বার প্রবল (কোটালের) জোয়ার



“উৎপন্ন হইয়া মোহানার দিকে আসিতে থাকে, তাহা  
“হইলে, উভয় প্রবাহ পরস্পর সম্মুখীন ও প্রতিহত হইয়া  
“জলময় প্রাচীরের ন্যায় উচ্চ হইয়া উঠে, এবং সেই  
“জলরাশি সতেজে নদীমধ্যে প্রবেশ পূর্বক প্রচণ্ডবেগে  
“গমন করিতে থাকে। ইহাকেই বান কহে। জীব জন্তু  
“নৌকা প্রভৃতি যাহা কিছু ইহার সম্মুখে পতিত হয়,  
“তাহাই জলমগ্ন ও বিনষ্ট হয়। কলিকাতায় বানের  
“সময়ে বড় বড় জাহাজ প্রভৃতি সমুদায় নৌকা আন্দো-  
“লিত হইতে থাকে, এবং কখন কখন নঙ্গরের বন্ধন  
“ছিন্ন হইয়া যায়”। \*\*\* “আমেজন নদীর বান ভয়ঙ্কর  
“জলময় পর্বতের ন্যায় এক শত বিংশতি হস্ত উন্নত  
“হইয়া প্রচণ্ডবেগে ধাবিত হইতে থাকে”।

কটালে জল যে পর্যন্ত উচ্চ হইয়া থাকে তাহাকে  
“বেলোর্দ সীমা” শব্দে কহি। কারণ-চতুর্দিকে ঐ সীমার  
তথা জোয়ারের গতি ও বেগের অন্যথা হইয়া থাকে;  
তৎকারণ যথা; ১, কালভেদে চন্দ্র সূর্য ও পৃথিবীর  
পরস্পর অন্তরতা; ২, দ্বীপ ও মধ্যগিরির বাধা; ৩, বায়ুর  
গতি; ৪, স্রোতের বিপাকতা। যে সময়ে জোয়ারের জল  
চরম উচ্চতা প্রাপ্ত হয়, তাহার নাম “বেলোর্দ সীমার  
কাল”। মানচিত্রে বেলার গতি উদ্ভিন্ন রেখাদ্বারা চি-  
ত্রিত হয়, এবং তাহার যে স্থানে যে অঙ্ক থাকে তথায়  
সেই ঘটনার সময় জোয়ারের উচ্চ সীমা হইয়া থাকে।


### ইয়াং ওসিউ নগর।

\*\*\*\*\*  
\* এক দিবস অবধি চীন দেশের বিব-  
\* ক \* রণ লিখিতে আমাদিগের অভিপ্রায়  
\* \* \* \* \* হইয়াছে; কিন্তু এই খণ্ডে স্থানাভাব  
প্রযুক্ত তাহাতে প্রবৃত্ত না হইয়া উক্ত দেশের  
পরিবর্তে তথাকার একটি ক্ষুদ্র নগর দিয়া অনু-  
কম্প করিতে হইল।

পরপৃষ্ঠে যে চিত্র মুদ্রিত হইল তাহা ইয়াং  
ওসিউ নামক নগরের অবিকল প্রতিক্রম। চীন-  
দেশের পূর্বতটে চেকিয়াং প্রদেশে এক নদীর  
মোহানায় তাহা স্থিত। অট্টালিকা বা প্রজা

সঙ্খ্যায় এই নগর কোনমতে প্রসিদ্ধ নহে।  
চেকিয়াং প্রদেশের লোকেরা অত্যন্ত পরিশ্রমী  
এবং বিদ্যানুরাগী, ও স্বদেশীয় নানাবিধ কৌশলের  
বস্ত্র, কাপাস, সীসক, কাগজ, লবণ, লৌহ, খনিজ-  
কয়লা, প্রভৃতি পদার্থ বিক্রয়ার্থে সর্বদা বাণি-  
জ্যে তৎপর, ও ঐ ব্যক্তিবর্গের সর্বদা রক্ষণাবে-  
ক্ষণার্থে কয়েক দল রাজকীয় সৈন্য এই স্থানে  
স্থাপিত হয়; তাহাই হইতেই ঐ নগরের খ্যাতি।  
উল্লেখিত-চিত্রের দক্ষিণ-পার্শ্বে পতাকাবিশিষ্ট যে  
বাটা দৃষ্ট হয়, তাহাই সৈন্যগার; ও তৎসম্মুখে  
গবাক্ষবিশিষ্ট প্রাচীর-বেষ্টিত বাটা সেনাদিগের  
পূজ্য দেবালয়, ও সেনাপতির বাসস্থান। ঐ বাটার  
মধ্যে অনেক ক্ষুদ্র গৃহ, এবং তাহার প্রত্যেকতে  
এক ২ দেবমূর্তি বিরাজমান আছে। নির্দিষ্ট-  
সময়ে সৈন্যেরা ও নগরস্থ লোকেরা ঐ দেবা-  
লয়ে আসিয়া দেবার্চনা করিয়া থাকে। উক্ত বাটার  
সম্মুখে একটি ক্ষুদ্র গৃহ দৃষ্ট হয়, তাহাও দেবা-  
লয়; কিন্তু তাহাতে যাতায়াতের কোন কাল  
নিরূপিত নাই। আপন ২ অভীষ্ট-সিদ্ধার্থে প্র-  
জামাত্রেই তাহার অব্যাহত-দ্বার-প্রবেশ-পূর্বক  
স্বেচ্ছানুসারে ইষ্টদেবের পূজা করিয়া থাকে।

ঐ পূজার পদ্ধতি অতি বিস্ময়জনিকা, ধ্যান,  
ধারণা, স্তব, স্তুতি, কিছুই তাহার মুখ্য নহে;  
স্বীয় বা পিতৃমঙ্গল কামনাই তাহার প্রধান অঙ্গ,  
এবং তাহার সিদ্ধার্থে, তত্রত্য লোকেরা কাম্য  
বস্তুর কাগজ-নির্মিত প্রতিক্রম লইয়া ঐ গৃহ-  
মধ্যে দেবোদ্দেশে দক্ষ করে। যাহার নিজের  
বা মৃত পিতৃদিগের নিমিত্ত বাটার প্রয়োজন সে  
কাগজ নির্মিত বাটা দক্ষ করে; যাহার বস্ত্র বা তৈ-  
জস বা অশ্ব বা অন্য যে কোন সম্পত্তি অভীপ্সিত  
হয় সে তাহারই প্রতিক্রম দক্ষ করে; পরন্তু অপ-  
রাপর বস্ত্রপেক্ষায় নৌকা ও নাবিকের প্রতিক্রমই





অনেক ভাস্কর্যকৃত হইয়া থাকে, কারণ ইয়াং এন্সিউ নগর নদীর মোহানায় স্থিত হওয়াতে অনেকেই ঐ স্থানহইতে বিদেশে যাত্রা করিয়া থাকে, এবং তৎকালে, নদ্যাপন-নিরাকরণার্থে সকলেই আ-পন ২ ইষ্টদেবদিগকে, দুই এক খানি কাগজের যান-প্রদান-পূর্বক দেবানুগৃহে প্রকৃত-যান-প্ৰা-প্তির উপায় করিয়া রাখে। অপর যাত্রাদিগের আঞ্জীয় কুটুম্ব বহুকাল দূর দেশে গমন করি-য়াছে, তাহারা তৎপ্রত্যগমনের সদুপায় কর-ণাভিপ্রায়েও অনেক কাগজের নৌকা দক্ষ করি-য়া থাকে। তিব্বৎ-দেশীয় লোকেরা দূর-দেশ-গত বন্ধুদিগের নিমিত্তে চিত্রিত অশ্ব পর্বতশৃঙ্গ-হইতে বায়ুতে উড়াইয়া দেয় \*, বোধ হয়, ঐ রীতিই চীন দেশে শাখা পল্লবিত হইয়া বৃদ্ধি পাইয়াছে।

নদীমধ্যে যে বৃহৎ নৌকার চিত্র দৃষ্ট হয় তাহার নাম “চপ্” নৌকা; তাহা কলিকাতার বজরার তুল্য, এবং তদ্রূপেই ব্যবহৃত হয়। মধ্যম নৌকা মৎস্য-ধৃত-করণার্থে প্রয়োজনীয়, এবং তত্রত্য ধীবরেরা তন্মধ্যেই সর্বদা বাস করে, কদাপি তটে গৃহাদি নির্মাণ করে না। ক্ষুদ্র নৌকার নাম “তান্ কিয়া”। তাহাতে প্রায়ঃ স্ত্রীলোকেরাই নাবিকের কার্য সাধন করে, এবং নদী পারাপার হওনের নিমিত্ত ঐ নৌকার ব্যবহার হয়।

নগরের পশ্চাতে পর্বতপরি জয়ন্তস্তবৎ একটি অউালিকা দৃষ্ট হয়; তাহার নাম “তা” অর্থাৎ দেউল। তদ্রূপ দেউল চীন দেশের সর্বত্রই আছে, ও নির্মাণাদিগের সম্পত্ত্বনুসারে পাঁচ ছয় মাত বা ততোধিক তল উচ্চ হইয়া থাকে, এবং তাহার প্রত্যেক তলে বুদ্ধ দেবের এক ২ মূর্তি থাকে। পর্ব-

দিনে এই দেউলের সর্বত্র নানাবিধ দীপালোকে বিভূষিত হইয়া অত্যন্ত শোভাষিত হয়, এবং তদ্বৈতুকই ঐ দেউল-সকল চীন-দেশীয় নগরের এক প্রধান অলঙ্কার-স্বরূপ হইয়াছে। তত্রত্য লোকেরা বিশ্বাস করে যে, যে পর্যন্ত ঐ দেউল দৃষ্টিগোচর হয়, তৎসীমা-মধ্যে কদাপি অমঙ্গল ঘটে না।

### নীতি-রেণু।

(প্রেরিত প্রস্তাব।)

হে মানবদেহধারি, তুমি কে? কি নিমিত্ত কোথাহইতে আগমন করিয়াছ? ইহা মনোমধ্যে চিন্তা করিতে কখনই আলস্য করিও না। কি পর্যন্ত তোমার শক্তি, কি কি তোমার অভাব আর কাহার সহিত কিরূপ তোমার সম্বন্ধ, ইহা ভাবনা করিলে অনা-য়াসে আত্ম পথদর্শক হইয়া স্বীয় কর্তব্যকর্তব্য বুদ্ধিতে নক্ষণ হইবে।

যে কোন কথা কহিতে উদ্যত হও এবং যে কোন কার্যে হস্তার্পণ কর, অগে তত্তদ দোষ গুণের বিবেচনা করিও; তাহা হইলে কখনই হাস্যাস্পদ হইতে হইবেক না; আর লোক লজ্জা, মনোদুঃখ এবং দুর্ভাবনা সমস্ত কদাপিও তোমার প্রকুল্ল বয়ানকে ম্লান করিতে পারি-বেক না।

যে ব্যক্তি বিবেচনাবিহীন এবং বাক্যের দোষ গুণ বিচার না করিয়া হঠাৎ বাক্য প্রয়োগ করে, তাহাকে তজ্জন্য অশেষ যত্ননা সহ্য করিতে হয়।

যে অশ্বাচ্ছ হইয়া সাতিনয় বেগে অশ্বচালা-ইতে স্পর্ধা করে, সে যাদৃশ পথ নির্ণয়ে অসমর্থ হইয়া কণ্টক অথবা গহ্বর মধ্যে পতিত হয়,

বিবেচনাবিহীন কর্মকর্তাকেও তাদৃশ দুর্দশাগুস্ত হইতে হয়।

অতএব হে ভ্রাতৃগণ যদি নিরাপদে এবং নি-র্বিঘ্নে কালযাপন করিতে ইচ্ছা কর, তবে সর্ব কার্যে বিবেচক হও। বিবেচক ব্যক্তিরাই এ সংসারে জ্ঞানবান্ এবং সুখভোগী।

নমুতা।

সেই মনুষ্য অতি হয়, যে আপনাকে জ্ঞানী জানিয়া গৌরব করে, এবং যে আপনাকে বিদ্বান্ জানিয়া স্পর্ধা করে। কারণ আত্মশ্লাঘা পরি-ত্যগ পূর্বক আপনাকে অজ্ঞ করিয়া মানাই বিজ্ঞ হওনের আদি মূত্র।

অতি সামান্য বস্ত্র পরিধানে রূপসী রমণীকে যাদৃশ সুবেশা দৃশ্য হয়, শিষ্টাচারও তাদৃশ অলঙ্কারের ন্যায় দীপ্তি পায়। শিষ্ট ব্যক্তি যদিচ ভ্রমবশত কোন অপকর্ম করেন, তাহার শীলতা ও নমুতা প্রযুক্ত কেহই তৎপ্রতি কষ্ট হয় না, বরং তুষ্ট হইয়া সে দোষের পরিহার করেন।

শিষ্ট ব্যক্তির কোন কার্যগুরুতে কদাপিও আত্ম বিবেচনার উপর নির্ভর করে না, বরং বিচ-ক্ষণ বন্ধগুণের সৎ পরামর্শ গৃহণ পূর্বক কৃত-কার্য হয়। তাহারা স্বীয় প্রশংসা বাক্য শ্রবণে কদাপিও মনোযোগী হয় না এবং সে বাক্যের প্রতি প্রত্যয়ও করে না।

অবগুণ্ঠিকাচ্ছাদনে রূপসীর রূপলাবণ্যের যা-দৃশ আতিশয্য হয়; শিষ্টাচারদ্বারা ধর্মাত্মা ব্যক্তিদ্বিগের রীতি ও চরিত্র তাদৃশ পরম রম-ণীয় হয়।

অহঙ্কারী এবং আত্মশ্লাঘী ব্যক্তি যৎকালীন বহুমূল্য পরিচ্ছদ পরিধান পূর্বক মস্তক সঞ্চা-লিত ও নয়নদ্বয় ঘূর্ণিত করিতে ২ রাজপথ পর্য্যটন করিতে থাকে এবং দীনহীনদিগকে অতি

তাচ্ছল্য ও তৃণবৎ জ্ঞান করে, তখন মহৎ মাত্রেই তাহাকে অবজ্ঞা করে এবং ইতর সাধা-রণ সকলেই পরিহাস করে।

আত্মাভিমानी ব্যক্তির অন্যের মতকে অগৃহ্য করিয়া আপন মতকেই ইষ্ট জ্ঞান করে। তা-হারা তৎপ্রযুক্ত কোন বিষয়েই কৃতকার্য হইতে পারে না। তাহারা আত্মশ্লাঘায় পরিপূর্ণ এবং আত্ম-প্রশংসা-শ্রবণ অথবা কখন পরম প্রীতি-কর বোধ করে।

পরিশ্রম।

ভূতকাল ইহকালের জন্য গত হইয়াছে, ভাবি-সময়ে কি হইবে তাহার কিছুই স্থির নাই, অত-এব যে কাল গত হইয়াছে তাহার জন্য অনুসূচনা এবং ভবিষ্যৎকৃত প্রতি প্রতীক্ষা না করিয়া বর্তমান সময়ের সফলতা সাধনে সর্বতোভাবে চেষ্টাষিত হওয়া কর্তব্য।

কেবল উপস্থিত মুহূর্তকে আমার বলিয়া কহিতে পার। আগামি সময় ভবিষ্যৎ, তখন কি ঘটনা সঙ্ঘটন হইবে তাহার কিছুই নিশ্চয় নাই। অতএব যে কোন কার্য সাধনের ইচ্ছা হয় তাহা অবিলম্বে সমাধা কর, প্রত্যুখে যে কার্যের পরি-শেষ হইতে পারে তজ্জন্য সঙ্কল্প পর্য্যন্ত অপেক্ষা করিও না।

আলস্যই দুঃখ ও দরিদ্রতার জন্মদাতা। পরি-শ্রমদ্বারা অভাব পরাভূত হইয়া সুখোৎপত্তি হয়। মঙ্গল এবং সৌভাগ্য উদ্যোগি ব্যক্তি-দিগের প্রিয় সঙ্গির ন্যায়; কদাপি পৃথক্ থাকে না।

যাহারা আলস্যকে দূরীভূত করিয়াছে এবং দীর্ঘসূত্রতাকে শত্রু জ্ঞান করিয়াছে, তাহারাই ধনবান্, তাহারাই মান্য, তাহারাই বল-বান্, তাহারাই যশস্বী এবং তাহারাই রাজ-

\* বিশেষ বিবরণ বিবিধার্থের প্রথম পর্বে ১৪৩ পৃষ্ঠে দেখা।



সম্মুখস্থ সুমন্ত্রী। উদ্যোগি পুরুষেরা বিলম্বে  
বিনিদ্রিত হইয়া অতি প্রত্যুষে গাত্রোপ্থান করেন,  
আলোচনাদ্বারা মনকে স্ফুর্তি রাখেন, এবং শুম-  
দ্বারা শরীরকে সবল করেন।

দানশীলতা।

যে পুরুষ স্বীয় হৃদয়-ক্ষেত্রে দয়াক্রম কল্প-  
তরু রোপিত করিয়া তদুৎপন্ন প্রীতি ও শুদ্ধাক্রম  
সুমধুর ফল অনবরত বিতরণ করিতেছেন, তিনিই  
সুখী এবং তিনিই ধন্য। তাঁহার অন্তঃকরণস্থ  
নিবারণ হইতে সততাক্রম-নদী-সকল উদ্ভিত হইয়া  
তাবদীয় মানবদিগের মঙ্গলার্থে নানাদিগে প্রা-  
বিত হইতেছে। তিনি দীনহীন ব্যক্তিদিগের দুঃখ  
নিবারণ করেন, এবং সর্বসাধারণের উন্নতির চেষ্টা  
করিয়া মনোমধ্যে পরমানন্দের অনুভব করেন।  
তিনি কখন কাহার প্রতি অপীতি বাক্য প্রয়োগ  
করেন না, বা সেই বাক্য কদাপি আপন গুণ-  
হইতে নিগতি করিতে ইচ্ছা করেন না। তিনি  
অপরাধের অপরাধ মার্জনা করেন। ঈর্ষা এবং  
জিঘাংসাকে দূরীভূত করিয়া স্বীয় অন্তঃকরণকে  
পরিশুদ্ধ রাখেন। তিনি মন্দকারির প্রতিও মন্দ  
করেন না এবং পরম শত্রুকেও ঘৃণা করেন না;  
বরং মিশ্রিত বাক্যদ্বারা তাহাদিগকে দুষ্ক্রিয়া  
হইতে বিরত রাখেন। তিনি পরের শোকে অতি  
শোকাকুল হন এবং পরের দুঃখে অতি কাতর  
হন, এবং সেই দুঃখ দূর করিতে সতত চেষ্টিত  
থাকেন, এবং তাহাতে কৃতকার্য হইলে হৃষ্টা-  
ন্তঃকরণে শুম সফল বোধ করেন। তিনি ক্রো-  
ধান্তঃকরণকে শান্ত করেন, কলহকারিদিগকে  
ক্ষান্ত রাখেন, এবং প্রতিবাসিদিগের মনোমধ্যে  
সদভিপ্রায়ের সঞ্চার করেন, তাহাতে সর্বত্রই  
তাঁহার প্রশংসা এবং বদান্যতার প্রতিধ্বনি  
ধ্বনিত হয়।

কৃতজ্ঞতা।

শাখা যে প্রকারে সমস্ত মূলহইতে উদ্ধৃ সঞ্চার-  
লিত রসকে পুনরায় অধোধারিত করিয়া সেই  
মূলকে পুষ্ট করে, কৃতজ্ঞ ব্যক্তিরও তৎপ্রকারে  
উপকারকের প্রতি উপকার করিয়া আপনাকে  
চরিতার্থ বোধ করে। তাহার তদীয় হিতকার্য  
সমস্ত স্বীকার করিয়া আত্মাদে পরিপূর্ণ হয়, এবং  
প্রীতি ও শুদ্ধার সহিত তাঁহাকে সন্দর্শন করে।  
যদি কদাচিত্ত তাহার প্রত্যুপকারে অক্ষম হয়,  
তথাপি প্রাপ্ত উপকার সমস্ত কখনই বিস্মৃত হয়  
না; বরং যাবজ্জীবনাবধি একান্ত চিন্তে তাহা  
স্মরণ করিতে থাকে।

সদন্তঃকরণ লোকদিগের হস্ত গগণস্থ জলধরের  
ন্যায়, যে জলধরেরা বরিষণরূপে অবতীর্ণ হইয়া  
ফল ও পুষ্প ও নানা জাতীয় উদ্ভিজ উৎপত্তি  
করতঃ অবনীর শোভা বর্দ্ধন করে। কৃতজ্ঞ ব্যক্তির  
অন্তঃকরণ বালুকাময় মরুভূমির ন্যায়। সে স্থলে  
যতই বৃষ্টি হউক ততই শোষিত হয়, এবং তৃণ  
মাত্র জন্মে না। অতএব উপকারির প্রতি দ্বেষ  
করিয়া তদন্তঃ উপকার সমস্ত কদাপিও স্বীকার  
করিও না। যদিও উপকৃত হওয়াপেক্ষা উপকার  
করা এবং অন্যের প্রতি সততা প্রকাশ করাই  
পুশংসনীয়, তথাপি যে ব্যক্তি নমু এবং কৃতজ্ঞ  
সে লোকতঃ এবং ধর্ম্মতঃ সর্বত্রই পুশংসা  
পায়। কিন্তু অহঙ্কারী এবং আত্মাভিমানী ব্যক্তি-  
দিগের হস্তহইতে উপকার গৃহণ করিও না, কা-  
রণ তাহার প্রত্যুপকার প্রাপ্তে কখনই সম্ভব  
হয় না, আর সেই উপকৃত ব্যক্তির সৌভাগ্য  
সন্দর্শনে মর্মান্তিক বেদনা বোধ করে, এবং  
আত্ম মহত্ত্ব প্রচারোপলক্ষে পদে ২ তাহাকে  
লজ্জাম্পদ করে।

